

კონსტანტინე კაპანელი

ფილოსოფიური შრომები



თბილისის უნივერსიტეტის გამომცემლობა
თბილისი 1989

კ. კაპანელის ფილოსოფიური შრომების ერთტომეულში შევიდა მისი ორი ნაშრომი: „სული და იდეა“, „სოციალური ესთეტიკის საფუძვლები — ორგანოტროპიზმი“. ეს შრომები ასახავს კაპანელის ფილოსოფიურ მსოფლმხედველობას, რომელსაც ავტორმა ორგანოტროპიზმი უწოდა. ამავე დროს, მათში აისახა კაპანელის შეხედულებათა ევოლუცია მარქსიზმთან დაახლოების მიმართულებით. შრომებს წამძღვარებული აქვს კაპანელის მსოფლმხედველობის ანალიზი. კაპანელის ერთტომეული ქართული ფილოსოფიური აზროვნების განვითარების ერთ მომენტს განმარტავს და ამდენად ის საინტერესო იქნება იმათთვის, ვისაც აინტერესებს ქართული აზროვნების ვითარება ჩვენი საუკუნის პირველ მესამედში.

რედაქტორი პროფ. ედ. კოდუა

რეცენზენტები: პროფ. გ. თევზაძე
პროფ. ვ. კილაძე

© აბილისის უნივერსიტეტის გამოცემლობა, 1989.

0302010000
M
M608(06)89

ISBN 5-511-00173-2



კონსტანტინე კაკაელიის მსოფლმხედველობის საკითხისათვის

„სიცოცხლის ფილოსოფიის“ ნაკადი ქართულ აზროვნებაში

ფილოსოფიური აზროვნების ერთ-ერთი სპეციფიკა მრავალი მიმართულების ნაკადის თანაარსებობასა და ურთიერთბრძოლაშია. ფილოსოფია თავისი ბუნებით, თითქოსდა, პლურალისტურია, რადგან პრობლემატიკა, რომელსაც იგი იხილავს, შეიძლება მრავალი განსხვავებული განზომილებით წყდებოდეს და ყოველი მათგანი არსებობდეს სხვების გვერდით. მე-20 საუკუნის ფილოსოფია, ისე როგორც ძველი ბერძნულიც, სწორედ ამ ნიშნით ხასიათდება. ჩვენი საუკუნე მრავალ ფილოსოფიურ სისტემათა ურთიერთბრძოლის, განსხვავებული პრობლემატიკის და ზოგჯერ ერთი და იმავე პრობლემების მრავალსახოვანი გადაჭრის სიმდიდრეს წარმოაჩენს. მთელი ფილოსოფიის ისტორია არის მატერიალიზმისა და იდეალიზმის, დიალექტიკისა და მეტაფიზიკის, რაციონალიზმისა და ემპირიზმის, დეტერმინიზმისა და ინდეტერმინიზმის, იმანენტიზმისა და ტრანსცენდენტიზმის და სხვა მრავალი „იზმის“ დაპირისპირების არენა, სადაც თითოეული თავის მხრივ მრავალ ნაკადად და განშტოებად იყოფა. არც ერთ ეპოქაში არ ყოფილა იმდენი განსხვავებული სისტემა თუ „იზმი“, რამდენიც მე-20 საუკუნეშია. ფილოსოფიის ამ საერთო სურათის ფონზე თავისებურად ირეკლება და წარმოჩინდება მე-20 საუკუნის დასაწყისის ქართული ფილოსოფიაც. მის საფუძველში ძვეს მატერიალისტურ და იდეალისტურ, დიალექტიკურ და მეტაფიზიკურ, რაციონალისტურ და ირაციონალისტურ სისტემათა მრავალფეროვნება. შეიძლება იტყვას, რომ მე-20 საუკუნის ფილოსოფიაში არაა პრობლემა, რომელიც თავისებურად არ იყოს დასმული და გააზრებული ქართულ აზროვნებაში და არაა მიმართულება, რომელიც ქართულ აზროვნებას გამოხმაურების გარეშე დაარჩევნოდა. თუ საუკუნის დასაწყისის ქართული ფილოსოფიური აზროვნების

ღირებულებაზე ვიმსჯელებთ, ის უნდა შეეაფასოთ და გავზომოთ არა იმ მასშტაბით, თუ რა ახალი, მსოფლიო ფილოსოფიური აზრის განვითარებისაგან განსხვავებული, სისტემა შექმნა მან, — ასეთი სისტემა არ შეუქმნია არა მარტო საქართველოს, არამედ ფილოსოფიური აზროვნებით ცნობილ ისეთ ქვეყნებსაც კი, როგორცაა საფრანგეთი, ინგლისი. იტალია და ესპანეთი, — არამედ იმის მიხედვით, იდგა თუ არა ის ეპოქის ფილოსოფიური აზროვნების დონეზე. იყო თუ არა მასში გაცნობიერებული ევროპული ფილოსოფიური აზროვნების პრობლემატიკა და შეძლო თუ არა არეკვლა მთელი იმ მრავალსახოვანი სისტემებისა, რომელნიც ასე უხეადაა წარმოდგენილი მე-20 საუკუნის მსოფლიო ფილოსოფიურ აზროვნებაში. ჩვენი თვალსაზრისით, ქართულ ფილოსოფია იდგა თანამედროვე ფილოსოფიური აზროვნების დონეზე და განიხილავდა ევროპული ფილოსოფიისთვის ნიშანდობლივ ყველა აქტუალურ პრობლემას — იმ საკითხებს, რომელნიც საუკუნის დასაწყისის აზროვნებისათვის არსებითს წარმოადგენდნენ და ქმნიდნენ მრავალფეროვან ფილოსოფიურ მიმდინარეობათა სიმდიდრეს. სწორედ ეს ვითარება გვაძლევს საშუალებას, ვთქვათ, რომ მე-20 საუკუნის ქართული აზროვნება მნიშვნელოვანი რგოლია მსოფლიო ფილოსოფიური აზროვნების ჩაკეში. მაგრამ არა იმით, რომ ქართული აზროვნება ევროპულზე მაღლა დგას, როგორც ზოგიერთს წარმოუხსახავს, არამედ იმით, რომ ქართული აზროვნება ევროპული და მსოფლიო აზროვნების დონეზეა. ეს სრულიად საკმარისია იმის სამტკიცებლად, რომ ქართველ ერს აქვს ფილოსოფიური აზრის ისტორია და მასზე არ ვრცელდება ჰეგელის გამოთქმა: უბედურია ერი, რომელსაც საკუთარი ფილოსოფიური აზროვნება არ გააჩნია; პროფ. ს. დანელიას გამოთქმაც — „კაცი მონაა, თუ მას საკუთარი აზრი არა აქვს“ — შეიძლება გამოვიყენოთ ერის მიმართაც.

მე-20 საუკუნის ქართული ფილოსოფიური აზრი მრავალმხრივ საყურადღებოა მკვლევართათვის. ქართული აზროვნების ისტორიაში მანამდე არ ყოფილა ასეთი ინტენსიური განვითარების ეპოქა. ჩვენი საუკუნის ქართული ფილოსოფია, პრობლემატიკის მრავალფეროვნებით, მათი გადაწყვეტის გზებით და ფილოსოფოსობის დონით, უმაღლესი საფეხურია ჩვენი აზროვნების ისტორიაში, და ღირსეულად დგას თანამედროვე ევროპული ფილოსოფიის გვერდით. ყოველივე ეს შეძლეს ცნობილმა მოაზროვნებმა: შალვა ნუკუბიძემ, დიმიტრი უზნაძემ, სერგი დანელიამ, კონსტანტინე კაპანელიმ, კოტე ბაქრაძემ, მო-

სე გოგიბერიძემ, კიტა მეგრელიძემ, სავლე წერეთელმა და სხვ. ქართველ ფილოსოფოსთა მთელი ამ პლუადის ნამოღვაწარი თანამედროვე ფილოსოფიის აქტუალური პრობლემატიკის ცენტრში დგას. ამას მოწმობს ის დიდი ინტერესი, რასაც მათი შრომებისადმი იჩენენ ევროპის, აზიის და ამერიკის კონტინენტზე. შალვა ნუცუბიძის ორი მონოგრაფია სარველად გერმანიაში გამოვიდა, მათ შესახებ პროფ. შ. ხიდაშელმა 12 რეცენზიას მიაკვლია გერმანულ პერიოდულ პრესაში; კოტე ბაქრაძის ნრაველტომიანი თხზულებებიდან ერთი ტომი გამოვიდა ჩეხოსლოვაკიაში, ორი მონოგრაფია ითარგმნა და გამოვიდა პოლონურ ენაზე. მარტო პოლონეთის პრესაში მიკვლეულია ამ შრომებზე ხუთი მრავალგვერდიანი საეურნალო რეცენზია; მოსე გოგიბერიძის სადოქტორო დისერტაცია სოლომონ მაიმონის შესახებ შევიდა ფილოსოფიის ისტორიის გერმანულ ცნობარებში როგორც მაიმონის მსოფლმხედველობის გამოკვლევის ერთ-ერთი საუკეთესო ნიმუში; დღეს თანამედროვე ქართულ ფილოსოფიურ ნააზრევს სწავლობენ ევროპისა და ამერიკის კონტინენტებზე.

მე-20 საუკუნის ქართულ ფილოსოფიურ აზროვნებას ძირითადად ორი წყარო ასაზრდოებდა — ტრადიციულ-ისტორიული ქართული ფილოსოფიური აზროვნება, რომელსაც ბრწყინვალე წარმომადგენლები ჰყავდა ჭერ კიდევ მე-5—მე-12 საუკუნეებში, და თანამედროვე ევროპული ფილოსოფია. განსაკუთრებით ძლიერი წყარო სწორედ ეს უკანასკნელია, რადგან თანამედროვე ქართული ფილოსოფია ევროპულ ფილოსოფიურ სისტემებთან კონტაქტში და მათი იდეების გაზიარებით ყალიბდებოდა. ეს ითქმის თანამედროვე ქართველ ფილოსოფოსთა არა მარტო იმ პლუადაზე, რომლებმაც გაიარეს ევროპული ფილოსოფიური სკოლა და ფილოსოფიისადმი ინტერესი ევროპულ მოაზროვნებებთან დაიკმაყოფილეს (კაპანელი, უზნაძე. ნუცუბიძე (პეტერბურგის უნივერსიტეტის დამთავრების შემდეგ), ბაქრაძე, გოგიბერიძე, მეგრელიძე და სხვები), არამედ იმათ მიმართაც, ვისაც ფილოსოფიური განათლება და პირველი ფილოსოფიური ზიარება რუსეთში ან საქართველოში მიუღიათ (ს. დანელია, ს. წერეთელი და სხვები). თანამედროვე მსოფლიოში ევროპული ფილოსოფია ბატონობს და მისით ნასაზრდოებარ ქართული ფილოსოფიაც მის პრობლემებსა და ტენდენციებს გამოხატავს, — ესაა მისი ძლიერების წყარო, ვისაც ამის უარყოფა უნდა; ჰეგელის თქმით, ის ჰგავს ქედმაღალ და თავისთავზე დიდი წარმოდგენის მქონე უვიც ადამიანს, რომელიც „ადვილად მიიწერს ხოლმე ახალ

აღმოჩენისას, თ იმას, რაც თვითონ მას სხვებისაგან უსწავლია და ემით უფრო ადვილად სჯერა. რამდენადაც ავი მათ აღმოჩინეთ ებრაელებს ამ ამდებლებს; ანდა, უფრო სწორად რომ ვთქვათ, იგი იმიტომ არის მათზე გაჯერებული, რომ თავისი შეხედულებები მათგან ვადმიღო.

ხეშოთ ჩამოთვლილ ქართველ ფილოსოფოსთა ნააზრევი ფილოსოფიური პრობლემებისადმი მიდგომის, მათი დასმის და გადაწყვეტის გზების მხრივ განსხვავებულ სურათს ვვაძლევს; ერთნი ფილოსოფოს პრობლემათიკის ღრმამეცნიერულ დამუშავებას ახდენენ მარქსიზმის პოზიციებიდან. მაშინდელი პოპულარიზატორობის ტენდენციების საპირისპიროდ ცდილობენ ღრმად შეიჭრან ფილოსოფიის თეორიულ და ისტორიულ პრობლემათიკაში და წინ წამოწიონ ისტორიულ-თეორიული საკითხების ის მომენტები, რომელნიც ნაკლებად იყო გაშუქებული მარქსისტი ავტორების მიერ — ასეთთა რიცხვს მიეკუთვნებიან მოსე გოგობერიძე, კოტე ბაქრაძე, კ. მეგრელიძე, უფრო გვიან ს. წერეთელი; მეორე ტენდენცია ასეთია — ამოსავალია ძირითადად ფილოსოფიის ისტორიული პრობლემათიკა, კვლევა წარმოებს ისტორიულ განასყარში, მაგრამ ისე, რომ ავტორის მსოფლმხედველობა მასში მაინც იხენს თავს. ასეთია ს. დანელიას ნააზრევი; რომელიც ტრანსცენდენტალიზმისა და ღირებულების ფილოსოფიის შუქზე იკვლევს ანტიკური და ახალი ფილოსოფიის ისტორიის პრობლემებს; ასეთივეა უზნაძის ნააზრევი, დაწყებული მისი სადოქტორო დისერტაციით სოლოვიოვზე და ბერგსონისადმი მიძღვნილი შრომებით დამთავრებული; მესამენი ეძიებენ გზებს საკუთარი ფილოსოფიური სისტემის ჩამოყალიბებისათვის. მათთვის ისტორია მხოლოდ ფონია და ძირითადად კვლევის მიზნად ისახავენ ფილოსოფიის თეორიულ პრობლემათიკას. ისინი არ იზღუდებიან რომელიმე ისტორიული სისტემის ჩარჩოებით და ფილოსოფოსობას საკუთარი სისტემის შექმნის გზად მიიჩნევენ. მათ რიცხვს მიეკუთვნება ორი მოაზროვნე — შალვა ნუცუბიძე და კონსტანტინე კაპანელი. ერთიც და მეორეც საუკუნის დასაწყისში გამოდის სამოღვაწეო ასპარეზზე და პირველ ნაშრომებს უძღვნიან ფილოსოფიის ისტორიულ პრობლემათიკას: შ. ნუცუბიძეს ანტიერესებს ბოლცანოს გოსეოლოგიის პრინციპები, კაპანელს — ნიცშეს სიცოცხლის ფილოსოფიის იდეები; მაგრამ როგორც ერთს, ისე მეორეს ფილოსოფიის ის-

¹ ჰეგელი, ლოგიკის მეცნიერება, 1962, გვ. 27.

ტორია არ გაუსდია მ. ზნად, ის მათთვის საკუთარი თავის პოვნას საშუალება იყო. ცნობილია, რომ არაერთი წევრს აზროვნებას საკუთარი კონსტრუქციით, არამედ სხვის მიერ გაცვალული გზით მიეღ. საკუთარ ნააზრევთან, მაგრამ აზრდილი იმისა, ვინც პირველად აღქა მასში ინტერესი პრობლემისადმი და პირველი ამოსავალი წერტილი იყო მასთვის, მთელი შემდგომი აზროვნების პროცესში გასდევს მეცნიერის ნააზრევს. გავისენოთ თუნდაც ჰეგელს დიალექტიკისა და ფოიერბახის მატერიალიზმის გავლენა მარქსზე. წლების განმავლობაში რომ გასდევდა მის ნააზრევს. ანალოგიური ვითარებაა ქართველ მოაზროვნებთანაც და სწორედ ასეთი გახლდათ ამ ორი მოაზროვნის გზაც. — ნუცუბიძემ და კაპანელმაც საკუთარი სისტემის საკმაოდ მკაფიო კონტურები მოხაზეს, რომელშიც ადვილად გამოიკნობა. რით დაიწყეს მათ აზროვნება და ვინ იყო მათი სულეერი მოსდერა — ეს ეხება როგორც პრობლემატიკის დაყენებას, ისე მისი გადაჭრის გზების ძიებასაც. ბოლცანოს გნოსეოლოგიურმა პრინციპებმა და თავისთავადი ჭეშმარიტების ცნებამ განსაზღვრა ნუცუბიძის ალეთოლოგიის ჩამოყალიბება, ისე როგორც ნიცუმეს სიკოცხლის ფილოსოფიის იდეებმა და კულტურაზე ორიენტირებამ განსაზღვრა კაპანელის ორგანოტროპიზმი. არ შეიძლება გვერდი ავუაროთ უკანასკნელ პეროდში ჩვენში გამოთქმულ მოსაზრებას: თათქოს ნუცუბიძის თეორიის ამოსავლად ბოლცანოს დასახვა და, საერთოდ შ. ნუცუბიძის ნააზრევის ევროპული ფილოსოფიის პრობლემატიკითა და საკითხებს გადაჭრით განსაზღვრულობის მტკიცება მცდარი იყოს და, თათქოს. პროფ. შ. ნუცუბიძეს შინაგანად დაეძლიოს ევროპული ფილოსოფია. ბ. ურიდიას ნაშრომში — „გნოსეოლოგიის პრობლემები მე-20 საუკუნის ქართულ ფილოსოფიაში“ — სწორედ ეს თვალსაზრისია გატარებული. ავტორი ამტკიცებს, რომ შ. ნუცუბიძემ მიზნად დაისახა, ბოლო მოეღო ფილოსოფიაში კომენტატორობისათვის და შემეცნების თეორიის საკითხებში ევროპის ფილოსოფია შეგნიდან დაეძლია. ავტორის აზრით, „ორივე ეს ამოცანა ამ უდიდესმა მოაზროვნემ ბრწყინვალედ შეასრულა“¹. სამწუხაროდ, ავტორმა ვერ აჩვენა, რაში მდგომარეობს ეს „ბრწყინვალე შესრულება“. იგი ფიქრობს, რომ პროფ. შ. ნუცუბიძის გალაშქრება კომენტატორობის წინააღმდეგ არის „მძლავრი შეტევა იდეალისმზე“.

¹ ბ. ურიდია. შემეცნების თეორიის პრობლემები ქართულ ფილოსოფიაში. თბილისი, 1975, გვ. 14.

საკუთხავია, რატომ იდეალიზმზე? კომესტატორობა ხომ ერთნაირად შესაძლებელია როგორც იდეალიზმში, ისე მატერიალიზმში. ავტორის აზრით, „იმანენტური კრიტიკა მშრალი კომენტარებით ვერ დაძლევედა დასავლეთ ევროპის იდეალისტურ ფილოსოფიას. იგი შიგნიდან იქნა დაძლეული მონოგრაფიული გამოკვლევებით“¹. გამოდის, რომ მონოგრაფიული გამოკვლევები ყოფილა ევროპული ფილოსოფიის დაძლევის გზა და ასეთი რამ არ ყოფილა მანამდე, რადგან მანამდე არავის დაუძლევია იგი. მონოგრაფიების სიმცირეს დასავლეთ ევროპის ფილოსოფია არ განიცდიდა არც შ. ნუცუბიძემდე და არც მის შემდეგ და აქედნად, აქ შ. ნუცუბიძის დახმარება დასავლეთევროპულ ფილოსოფიას არ დასჭირდებოდა. არც ის გამოდგება დასავლეთევროპული ფილოსოფიის დაძლევის მაჩვენებლად, ბ. ურიდია რომ იმეორებს კურტ გასენის ნათქვამს: „ალეთოლოგიურ გამოკვლევებს გვერდს ვერ აუვლისო შემეცნების თეორიის ვერც ერთი თანამედროვე მკვლევარი“². უდავოა, რომ ეს გამოკვლევები მნიშვნელოვანია, გასათვალისწინებელია, მაგრამ ისინი სრულიადაც არ წარმოადგენენ დასავლეთევროპული ფილოსოფიის დაძლევას. ავტორი იქვე წერს: „დასახული მიზნის განხორციელებამ შ. ნუცუბიძე იმ ფილოსოფოსების გვერდით დააყენა, რომლებმაც საკუთარი სისტემა შექმნეს და ფილოსოფიის ისტორიაში უდიდესი სახელი დაიმკვიდრეს“. რას ნიშნავს ეს გამოთქმა? საკუთარი სისტემის შექმნა თუ არის ევროპული ფილოსოფიის დაძლევის გზა, ასეთი სისტემები ბევრს ჰქონდა, და შემდეგ, რატომ ჰგონია ავტორს, რომ შ. ნუცუბიძეს საკუთარი სისტემის შესაქმნელად აუცილებლად უნდა დაეძლია დასავლეთ ევროპის ფილოსოფია? განა დასავლეთ ევროპის ფილოსოფიის ნიადაგზე და მის წიაღში არაა შექმნილი მრავალრიცხოვანი ფილოსოფიური სისტემები? შეიძლება ავტორი იცნობს თანამედროვე ფილოსოფიაში თუნდაც ერთ სისტემას, რომელიც არ იქნებოდა დასავლეთევროპული ფილოსოფიიდან გამომდინარე. დავუშვათ, ვერწმუნეთ ავტორს და მივეყვით მის ნააზრევს — რაში ხედავს იგი დასავლეთევროპული ფილოსოფიის დაძლევას: „შ. ნუცუბიძის თვალსაზრისი შემეცნების თეორიის საკითხებზე და კერძოდ, კუშმარიტების ობიექტურობაზე არ არის არც ობიექტურ-იდეალისტური და არც სუბიექტურ-იდეალისტური. იგი მატერიალისტურია, თუმ-

¹ ბ. ურიდია, შემეცნების თეორიის პრობლემები ქართულ ფილოსოფიაში, თბილისი, 1975, გვ. 14.

² იქვე.

ცა მრავალი ნაკლოვანებისა და შინაგანი წინააღმდეგობის შემცველი¹. შემდეგ ვერადსუ ავტორი განმარტავს შ. ნუცუბიძის თეორიის დადებით და უარყოფით ნიშნებს და გამოთქვამს ასეთი ხასიათის დებულებებს: „შ. ნუცუბიძის თვალსაზრისი არ არის იდეალისტური, მაგრამ არც დიალექტიკურ-მატერიალისტურია... მას მრავალი მართებული მისაღები აზრი აქვს გამოთქმული“. დასავლეთევროპულ აზროვნებას ვერ გვაკვირვებთ ვერც იდეალისტური და ვერც მატერიალისტური შემეცნების თეორიით, რადგან სწორედ მასში განვითარდა შემეცნების თეორიის ყველა სახე და არც ერთი მათგანი არაა ამ ფილოსოფიის დაძლევის მაჩვენებელი. არ არის მართებული ავტორის მტკიცება, რომ ალეთოლოგია „ახალი ფილოსოფიური დისციპლინაა“², „რომლის შინაარსია შემეცნების შემეცნება“. კანტის შემდეგ ეს არავითარ სიახლეს არ წარმოადგენს. კანტის „კოპერნიკისებური გადატრიალება“ და მის ნიადაგზე აღმოცენებული ნეოკანტური სკოლები სწორედ „შემეცნების შემეცნებას“ ახდენდნენ. ავტორმა ვერ მოიტანა ვერც ერთი დებულება, რომელიც ევროპულ ფილოსოფიას არ გამოეთქვას და ვერც მოიტანდა, რადგან ფილოსოფიაში რომელიმე მოაზროვნის სიდიადე დასავლეთევროპულ ფილოსოფიასთან დაპირისპირებით კი არ განისაზღვრება, არამედ პრობლემატიკით, მათი გადაწყვეტის გზებით თანამედროვე ევროპული ფილოსოფიის დონეზე და ნიადაგზე დგომით, რომლის გაუთვალისწინებლობაც არქაიზმის მაჩვენებელია, ხოლო ასეთი მტკიცება — პროვინციალიზმი.

გაცილებით უფრო ახლოს იდგა ჭეშმარიტებასთან ქართული ფილოსოფიის ერთ-ერთი სახელოვანი წარმომადგენელი ს. დანელია, როდესაც ჯერ კიდევ ოციან წლებში აღნიშნავდა, რომ ქართული ფილოსოფიური აზრის ერთ-ერთი მნიშვნელოვანი მონაპოვარია ევროპული ფილოსოფიის ნიადაგზე დგომაო: „დღეს ქართული მეცნიერული აზრი ჩვენ გვევლინება დასავლეთ ევროპის მეცნიერთა მიერ გამომუშავებული კვლევა-ძიების იარაღით აღჭურვილი. ჩვენი ახალგაზრდა მეცნიერები დგანან ევროპის მეცნიერული მეთოდების საფუძველზე. ეს ცხადდება თითოეული წერილის შინაარსისაგან. შ. ნუცუბიძის წერილი შეიცავს ამ მოვლენის თეორიულ განმარტებასაც“³.

¹ ბ. ურიდია, შემეცნების თეორიის პრობლემები ქართულ ფილოსოფიაში, თბილისი, 1975, გვ. 15.

² იქვე, გვ. 19.

³ ს. დანელია, რეცენზია თბილისის უნივერსიტეტის მოამბეს, № 1, პირველ ნაკვეთზე, ჟურნალი განათლება, 1920, № 2, გვ. 37.

საერთოდ არა მარტო ქართული, არამედ თანამედროვე მსოფლიო ფილოსოფიურა აზრის განვითარება კვინვენებს, რომ მ.ს.ს. წყარო-ვერობული ფილოსოფიაა, რადგან მსოფლიოში არსებული ყველა ძირითადი ფილოსოფიური მიმდინარეობა ევროპული წარმოშობისაა. თავის მხრივ ევროპის ფილოსოფია განსახლებულია გერმანული ფილოსოფიით. ეინაიდან ყველა ძირითადი მიმდინარეობა სათავეს ევრმანიაში იღებს. გერმანული ფილოსოფია კი, განსახლებულია გერმანული კლასიკური ფილოსოფიით, რომლის სათავეში დგას კანტი. ამიტომ სამართლიანად აღნიშნავდა პროფ. ს. დანელია, რომ „კანტის ფილოსოფია შეიძლება შევადაროთ დიდ აუსს, რომელშიც შემოდიან შეჩვიდმეტე-მეთვრამეტე საუკუნის ფილოსოფიის ნაკადები და, რომლიდანაც გამოდიან მეცხრამეტე საუკუნის ფილოსოფიის ყეებერთელა მდინარეები, მათ შორის — მარქსიზმიც. კანტის ფილოსოფია არის დიდი და დაბლართული კვანძი, სადაც ერთმანეთზეა გადაბმული მთელი საკაცობრიო აზროვნება კანტამდე და კანტის შემდეგ“¹.

როგორც აღვნიშნეთ, მეოცე საუკუნის დასაწყისის ქართული ფილოსოფიური აზრის ძირითადი ნიშანია თანამედროვე ევროპული ფილოსოფიის ნიადაგზე დგომა. ამიტომ საჭიროა მოკლედ მაინც სქემატურად მოიხაზოს, რა ძირითადი ტენდენციებია მეოცე საუკუნის ევროპის ფილოსოფიის აზროვნებაში და ამ კუთხით განვიხილოთ ქართული ნააზრევი.

თანამედროვე ევროპული ფილოსოფია ორი ძირითადი მიმართულებით ვითარდება. ერთი მხრივ, მისი მთავარი ობიექტია სიცოცხლე, ადამიანი, მისი ყოფიერება და საზრისი, ისე როგორც საერთოდ ყოფიერება. ამ ტენდენციას ავითარებენ და ფილოსოფიას ამ მიმართულებით წარმართავენ: სიცოცხლის ფილოსოფია, მისგან გამომდინარე ექსისტენციალიზმი, პერსონალიზმი, ონტოლოგიის სხვადასხვა სკოლა ფენომენოლოგიური ნაკადით, და რელიგიური ფილოსოფიის წარმომადგენლები. ამ მიმართულებათათვის დამახასიათებელია კვლევის ცენტრში ონტოლოგიური პრობლემატიკის დასვა: მეორე ძირითადი ტენდენცია მომდინარეობს ნეოკანტელობისა და პოზიტივიზმის მიერ დამკვიდრებული პრინციპებიდან. მასში კვლევითი ღირებულების მქონედ ცხადდება შემეცნება, კუშმარტება, მეცნიერება, იგი ფილოსო-

¹ ს. დანელია, კანტის ცხოვრება და ფილოსოფიური მოღვაწეობა, თბ., 1977, 83. 30.

ფაშა გნოსეოლოგიური ნაკადის გამომხატველია. ონტოლოგია და გნოსეოლოგია — ესაა ორი ს. რითადი ტენდენცია. რომლებიც სახეობის თანამედროვე ევროპულ ფილოსოფიაში, მაგრამ ისინი არ ამოწურავენ ამ ფილოსოფიის ძირითად ტენდენციებს. თანამედროვე ევროპულ ფილოსოფია არის მატერიალიზმისა და იდეალიზმის, დიალექტიკისა და მეტაფიზიკის, გნოსეოლოგიზმისა და ონტოლოგიზმის დაპირისპირებათა არენა. ვარდა ამასა, მასში სხვა წინააღმდეგობრივი ნაკადებაც მნიშვნელოვან როლს ასრულებს. ერთ-ერთი მათგანია რაციონალიზმისა და ირაციონალიზმის დაპირისპირება. გონებისა და ანტიგონების, დისკურსიული და ინტუიციური აზროვნების, ლოგიკისა და ალოგიზმის ურთიერთგამომრიცხავ ტენდენციათა არსებობა. შეუქმებელ რომელიმე ფილოსოფიური მიმდინარეობის გააზრება დასახელებულ საპირისპირო ტენდენციებში მისი ადგილს მონახვის გარეშე. რადგან მათ მალმა ან მათზე მალლა მდგომი ფილოსოფიურა სისტემა თანამედროვე ევროპულ აზროვნებაში არ არის და არც შეიძლება იყოს. სოცოცხლის ფილოსოფიისა და ექსისტენციალიზმის ალოგიზმი, ირაციონალიზმი და ინტუიტივიზმი თავიანთ საპირისპირო ტენდენციას ეჯახება პოზიტივიზმის და მასთან აწლო მდგომ მიმართულებათა — ემპირიზმის, ლოგიციზმისა და რაციონალიზმის სახით. ერთი მხრივ, მეცნიერებისა და ლოგიკისადმი უსაზღვრო რწმენა, ყველა პრობლემის მათი გზით გადაწყვეტის შესაძლებლობის მტკიცება. მოკლედ სციენტისმი და ოპტიმიზმი სამყაროსა და ადამიანური არსებობის მიმართ, აგებული მეცნიერებისა და ტექნიკის წინსვლაზე; მეორე მხრივ, მეცნიერებისა და ლოგიკის შეზღუდულობის მტკიცება, ძირეული ადამიანური და სოციალური პრობლემების მათი გზით გადაწყვეტის შეუძლებლად გამოცხადება. შიში მეცნიერული და ტექნიკური პროგრესის წინაშე მათ ჩრდილოვან მხარეთა გამო, პესიმიზმი ადამიანური და სოციალური სამყაროს მიმართ — ასეთია ორი საპირისპირო ნაკადი ევროპულ აზროვნებაში.

ანალოგიურია საუკუნის დასაწყისის ქართული ფილოსოფიური აზროვნებაც — მეცნიერების თეორიის, შემეცნების პრობლემატიკის და ლოგიკის პრინციპების კვლევისადმი სწრაფვა განსაკუთრებით მძლავრ ნაკადად წარმოჩნდა პროფ. შ. ნუცუბიძის მოღვაწეობის დასაწყისშივე. ალეთოლოგიური რეალიზმის პრინციპების პირველი გადმოცემა, ფილოსოფიური სემინარის ჩამოყალიბება, სადაც განმსაზღვრელი გნოსეოლოგიური პრობლემატიკა, წარმოადგენს იმ მძლავრ პიქს,

რომელმაც ვაბატონებულა გახადა შექმენების თეორიული ნაკადი ქართულ აზროვნებაში. შექმთხვევათი არ იყო, რომ დიპლომა უზნაქე. სერგი დანელია, კოტე ბაქრაძე, მოსე გოგიბერიძე ოციანი წლების დასაწყისში აქტიურად ჩაებნენ გნოსეოლოგიისა და ლოგიკის პრობლემათიკის დამუშაებაში. საქმარისთა აღენიშნოთ უზნაქის შრომა „ლა.პ.ნ. ცის“ „petites perzeption“-ზე და „იმპერსონალიებზე“; ს. დანელიას პოლემიკური წერილი უზნაქის წინააღმდეგ ლაიბნიცის საკითხზე და „ქეშმარიტების გვარი“; კოტე ბაქრაქის რეცენზია შ. ნუტუბიძის „აღეთოლოგიურ რეალიზმზე“, რომელშიც „რეალიზმის“ საპირისპირო ქეშმარიტების თეორიაა წამოყენებული; მ. გოგიბერიძის „შემეცნების აქსიომატური დასაბამი“ და სხვ. ეს ლოგიკურ-გნოსეოლოგიური ნაკადი პრობლემათიკის დაყენების მხრივ იმდენად ძლიერი აღმოჩნდა, რომ მან შეძლო ქართული ფილოსოფიური აზრის განსაზღვრა მთელი ნახევარი საუკუნის განმავლობაში და მას დღესაც მთავარი პოზიციები უქავია.

ქართულ ფილოსოფიურ აზროვნებაში მეორე ნაკადი დაკავშირებულია კ. კაპანელის, დ. უზნაქის და ნაწილობრივ ს. დანელიას სახელთან. უზნაქის ინტერესი ადამიანისა და ადამიანური ყოფიერების საზრისის პრობლემებისადმი გამოვლინდა ჯერ კიდევ მის სადოქტორო დისერტაციაში, რომელიც მიეძღვნა ვლადიმერ სოლოვიოვის ფილოსოფიას. ბუნებრივია, უზნაქისთვის სოლოვიოვის მსოფლმხედველობა საინტერესო იყო არა მისი რელიგიურობის, არამედ ანთროპოლოგიურობის გამო. საქართველოში უზნაქის მიერ გამოქვეყნებული ერთერთი პირველი შრომაც „ფილოსოფიური საუბრების“ რუბრიკით ეძღვნება ადამიანის პრობლემას. ესაა წერილი სათაურით „სიკვდილი“ (გაზეთი „კოლხიდა“, 1911, № 4). ასეთივეა „ცხოვრების საზრისი“ და „ომის ფილოსოფია“. ანალოგიური მიმართულებისაა მისი ნაშრომი „ორგანული მსოფლმხედველობა“ („პრომეთე“, 1918, № 3). შემდგომში კი, „სიცოცხლის ფილოსოფიის“ თვალსაჩინო წარმომადგენლის ანრი ბერგსონის მსოფლმხედველობის საუკეთესო გადმოცემა და ბერგსონისეული პრობლემათიკის განხილვა შრომებში „ანრი ბერგსონი“ და „ბერგსონის მონიზმი“ უდავოდ ადასტურებს უზნაქის ცხოველ ინტერესს ადამიანური ყოფიერების პრობლემათიკისადმი. სავარაუდოა, რომ ამ მიმართულებით მუშაობდა უზნაქის მიერ დაარსებული ფილოსოფიური სემინარიც, რომლის შესახებ არსებობს პროფ. კ. ბაქრაქის მოგონება — ის აღნიშნავს, რომ სემინარზე პლატონის ფილოსოფიის

პრობლემატიკა განიხილებოდა და სემინარი მეტად ნაყოფიერი იყო¹. შემდგომში დ. უზნაძე ორიგინალურ ფსიქოლოგიურ თეორიას ქმნის და ამდენად, ფილოსოფიის ზოგადი საკითხების მიმართ მისმა ინტერესმა უკანა პლანზე გადაიწია².

ზემოთ აღვნიშნეთ, რომ ამ მიმართულებით აზროვნების განვითარებაში გარკვეული წვლილი მიუძღვის ს. დანელიასაც. ამის საფუძველია მისი შრომები ანტიკურ ფილოსოფიაზე. ანტიკური ფილოსოფიის პერიოდშია ორ ნაკადად: კოსმოლოგიურად და ანთროპოლოგიურად, და საკუთარი ინტერესებისა და ორიენტირების წარმართვა უმთავრესად ანთროპოლოგიური პერიოდისა და პრობლემებისაკენ.

საბოლოოდ ამ მიმართულებით კვლევის განვითარებაში დიდი დამსახურება მიუძღვის კ. კაპანელსაც, რადგან იგი იყო მოაზროვნე, რომელმაც ადამიანური ყოფიერებისა და კულტურის პრობლემატიკაზე ორიენტირებული ფილოსოფიური მიმდინარეობის შექმნა სცადა საქართველოში.

ორი ტენდენცია მეოცე საუკუნის დასაწყისის ქართულ აზროვნებაში — გნოსეოლოგია-ლოგიკისა და ადამიანისა და კულტურის კვლევის მიმართულება — ფაქტობრივად წარმოდგენილია ორი ფილოსოფოსის მსოფლმხედველობით — შ. ნუცუბიძის ალეთოლოგიური რეალიზმით და კ. კაპანელის ორგანოტროპიზმით. როგორც არ უნდა ყოფილიყო მათ მიერ საკითხის გადაწყვეტა, თვით საკითხის დაყენება და ქართული აზროვნების ამ ორი საპირისპირო მიმართულებით განვითარება უდავოდ დამსახურებაა. საკითხის დაყენებას რომ ვაცხადებთ მათ დამსახურებად და არა მის გადაჭრას, ეს არა იმიტომ, რომ

¹ კ. ბაქრაძე, ფილოსოფიური აზრი საქართველოში, თბ., 1968, გვ. 6.

² საინტერესოა ის ვითარება, რომ არა მარტო ფილოსოფიის თეორიული, არამედ ისტორიული აზროვნებაც თავის განვითარებას ევროპულ ნიადაგზე პოულობს. მაშინაც, როდესაც ქართველი ფილოსოფიის ისტორიკოსი არ ეთანხმება ევროპულ ფილოსოფიის ისტორიკოსებს და მათთან დაპირისპირებაში ახდენს ფილოსოფიურ სისტემის ინტერპრეტაციას, როგორც ეს გააკეთა პროფ. ს. დანელიამ გამოკვლევაში ქსენოფანე კოლოფონელის შესახებ, მკვლევარი აღიარებს, რომ იგი მაინც ევროპულ ისტორიკოსთა მიერ გაკვალილ გზაზე დგას. ს. დანელია ცელერის, კერნის და ფრედენტალის გამოკვლევების შესახებ მიუთითებს, რომ ისინი ნაკლოვანია და მოუხედავად ამისა, „უნდა აღინიშნოს, რომ ჩვენ ვიდექით ამ მეცნიერთა მიერ გაკვალილ ნიადაგზე“ (ს. დანელია, ქსენოფანე კოლოფონელის მსოფლმხედველობა, თბ., 1926, გვ. 31).

საკითხის მათელი გადაქრა ჩამორჩებოდა ამ საკითხის გადაქრას ევროპულ ფილოსოფიაში, უბრალოდ საკითხის ამგვარად გადაქრა მიუღებელი აღმოჩნდა იმ ფილოსოფიის საფუძველზე, რომელმაც მტკიცედ დაიმკვიდრა ადგილი ქართულ აზროვნებაში მარქსისტული მსოფლმხედველობის სახით. ამის მიუხედავად, „ალეთოლოგიურ რეალ-იზმსა“ და „ორგანოტროპიზმი“ დაყენებული პრობლემატიკა აქტუალურია ყველა ფილოსოფიური სისტემისათვის. ამიტომაც მნიშვნელოვანი იმის გარკვევა, რა ფილოსოფიური დონე იყო მეოცე საუკუნის დასაწყისის ქართულ ფილოსოფიურ აზროვნებაში და რამდენად ნაყოფიერი იყო მამინ პრობლემების დასმა თანამედროვე ფილოსოფიური პრობლემატიკის თვალსაზრისით.

ამჟამად, ქართული აზროვნება ნასვენარსაუკუნოვანი განსეკოლოვიური პრობლემატიკის ბატონობის ტენდენციიდან აკეთებს ბრუნს ადამიანისა და კულტურის ონტოლოგიური პრობლემატიკისაკენ. სწორედ ამ პრობლემატიკის პირველ ფორმირებას ცდილობს ქართულ ფილოსოფიაში კ. კაპანელის ორგანოტროპიზმი და, ამდენადაც საინტერესო უნდა იყოს მისი ძირითადი პრინციპების გაცნობა.

ცნობების ზეა

კონსტანტინე გრიგოლის ძე კაპანელი (ჭანტურაია) დაიბადა 1889 წლის 5 მაისს სოფ. კაპანაში (მაშინდელი სენაკის მაზრა, ამჟამად აბაშის რაიონი). დაწყებითი განათლება მიიღო სოფლის სკოლაში (ორკლასიანი ნორმალური სასწავლებელი), შემდეგ სწავლობდა ფოთის საქალაქო სასწავლებელში.

1905 წლის რევოლუციის პერიოდში კაპანელი მონაწილეობს ფოთის პროპაგანდისტებს ჩვეულებაში, როგორც მოწაფეთა წარმომადგენელი. ჩვეულის დავალებით მან ჩამოაყალიბა წითელრაზმელთა წრეები აბაშაში, ორჭაში, სეფეთში, ბანძაში და დაუკავშირა ისინი სენაკის ორგანიზაციებს. 1906 წელს რეაქციის დაწყებისას მას დევნიან, რას გამოც იძულებულია თავი დაანებოს სწავლას. ამავე ხანებში იწყებს მუშაობას გომანისის ექსტერნად დასამთავრებელი გამოცდებისათვის. კავკასიის სასწავლო ოლქის მსარეგულაციო უწყისიდან იგი დაუშვებს გამოცდებზე ქ. კავკასში (ორჯონიკაძე).

უმალღესი განათლება მიიღო საფრანგეთში — ნანსისა და კრენობ-

ლის უნივერსიტეტებში. ხანგრძლივად მუშაობდა ლუვრის მუზეუმში ხელოვნების ძეგლებს შესწავლაზე, ისმენდა ლექციებს სორბონის უნივერსიტეტში. გრენობლის უნივერსიტეტის სიტყვიერების ფაკულტეტის კურსის დამთავრების შემდეგ მას მიენიჭა დოქტორანტის წოდება და მიეცა უფლება დისერტაციის წარმოდგენისა თემაზე — „შოთა რუსთაველის მორალური და ფილოსოფიური იდეები“.

იგი ჯერ კიდევ სტუდენტობის წლებში ბეჭდავდა წერილებს ქართულ და რუსულ პრესაში. მისი ლიტერატურულ კრიტიკულ ნაშრომი — *Идея страдания и поэзия сверх человека в грузинской литературе* — დაიბეჭდა 1912 წ. გაზეთ „Закавказская речь“-ში.

სამშობლოში დაბრუნებული, იგი აგრძელებს ლიტერატურულ მოღვაწეობას. აქვეყნებს ჟურნალ-გაზეთებში წერილებს და იწყებს პედაგოგიურ მოღვაწეობას. 1917 წელს დაინიშნა ფრანგულ ენის მასწავლებლად ქუთაისის რეალურ სასწავლებელში და წმინდა ნინოს სასწავლებელში. 1921 წელს გადაიყვანეს ბათუმის მეორე (ქალთა) ჰუმანიტარულ ტექნიკუმში ქართული ენის, რუსული და მსოფლიო ლიტერატურის ისტორიის და ფილოსოფიის პროპედევტიკული კურსის მასწავლებლად. 1923 წელს ინიშნება თბილისის მეორე ქალთა გიმნაზიის დირექტორის მოადგილედ, შემდეგ მეორე პედ. ტექნიკუმის დირექტორად.

1929 წელს კაპანელი მიიწვიეს მოსკოვის სამხატვრო მეცნიერებათა სახელმწიფო აკადემიაში (Г. А. Х. II.) ქართულ ხელოვნებაზე მოხსენების წასაკითხავად: 1925—1932 წწ. იგი კითხულობს ხელოვნების ისტორიისა და ქართული და დასავლეთ ევროპის ლიტერატურის ისტორიის კურსს თბილისის სახელმწიფო კონსერვატორიაში; 1925—1926 წწ. ლექციებს ამიერკავკასიის კომუნისტურ უნივერსიტეტში; 1931 წლიდან იყო თბილისის პედაგოგიური ინსტიტუტის დასავლეთ ევროპის ენების კათედრის გამგე. 1931 წლიდან 1949 წლამდე კითხულობს თბილისის სახელმწიფო უნივერსიტეტში ლიტერატურის თეორიასა და ევროპის ლიტერატურის ისტორიას, და განაგებს კათედრას. კითხულობდა ლექციებს, აგრეთვე, თეატრალურ ინსტიტუტში, ბათუმის პედაგოგიურ ინსტიტუტში და სხვ.

იყო საქართველოს სსრ განათლების სახალხო კომისარიატთან არსებულ სამეცნიერო-პედაგოგიური სექციის წევრი, საქართველოს საბჭოთა მწერლების კავშირის წევრი დღიდან დაარსებრსა.

1932 წელს მიენიჭა დოცენტის წოდება, 1940 წელს უმაღლესმა

საატესტაციო კომისიამ ნება დართო მეცნიერებათა დოქტორის ხარისხზე დისერტაციის დაცვისა, მეცნიერებათა კანდიდატის ხარისხის დაუცველად. გარდაიცვალა 1952 წლის 11 დეკემბერს.

კაპანელის მსოფლმხედველოზის ევოლუცია

ყოველი ადამიანის მსოფლმხედველობა განიცდის ევოლუციას. იგი შენდება გარკვეულ მემკვიდრეობაზე, აღმოცენდება იმ ნიადაგზე, რომელიც მას ხედება და რომლის სულისკვეთება გარკვეულწილად განსაზღვრავს მას. შემდგომ იწყება საკუთარი კონტურების ჩამოყალიბება და ფორმირება, რაც მის გარკვეულ მიმართებას გამოხატავს მასაზრდოებელ წყაროებთან თუ ამოსავალ პრინციპებთან და სრულდება მათთან გათიშვის ან ახალთან შეგუების მცდელობით.

კაპანელის მსოფლმხედველობაც ასეთი ევოლუციური პროცესის სახეს ატარებს. ეს ევოლუცია ძირითადად შეიძლება წარმოვიდგინოთ ოთხ ეტაპად: პირველზე კაპანელის ნააზრევი ეძღვნება მისი სულიერი მამის ნიციშეს იდეებს და მათ გადმოსცემს საკუთარი პოზიციის ძიების გარეშე — ეს არის საფრანგეთიდან დაბრუნების პერიოდი 1912 წლამდე, როდესაც ის ეძიებს ამოსავალ პრინციპებს; მეორე პერიოდში, როდესაც ის ფილოსოფოსობას იწყებს, მასზე დიდ გავლენას ახდენს ნიციშეს ნააზრევი იმდენად, რომ პრობლემათიკის დაყენებაც და გადაჭრაც არსებითად ნიციშესეულია — ეს არის დამახასიათებელი მისი მოღვაწეობისათვის 1912 წლიდან 1916 წლის ჩათვლით. კაპანელის პირველი შრომა „ნიციშეანობის ლეიტმოტივი“ მთლიანად და სავესებით ნიციშესთან მის დამოკიდებულებას ავლენს. 1917 წლამდე გამოქვეყნებულ შრომებში, როცა კაპანელის აზროვნების ამოსავალი ხდება ნიციშეს იდეები, ჯერ კიდევ არ გამოყოფს ის თავის ნააზრევს და არა აქვს საკუთარი მსოფლმხედველობის პრეტენზია. მხოლოდ 1917 წლიდან 1922 წლის ჩათვლით გამოქვეყნებულ შრომებში („შემოქმედება და ტანჯვა“, „სული და იდეა“) კაპანელი გვევლინება საკუთარ მსოფლმხედველობის ჩამოყალიბების პრეტენზიით. მართალია, ეს მსოფლმხედველობა არ გამოირიცხავს ნიციშეს იდეებს, მაგრამ ავტორი უკანაარაკობს თავისი მსოფლმხედველობრივი პოზიციებიდან, რომელიც ნიციშეს გარდა სხვა მრავალი ევროპელი მოაზროვნის (განსაკუთრებით გიუიოს, ბერგსონის და ბერდიაევის) თუ მიმართულების (ბიოლოგიზმი, მახიზმი, რელატივიზმი) გავლენის მაჩვენებელია იგი თავი-

სებურად აერთიანებს იმ დროის ევროპულ აზროვნებაში მოდურ მიმდინარეობათა ერთ ნაკადს — ანტილოგიკისტურ მიმდინარეობებს და ცდილობს მათ ნაადვავე ქართულ სინამდვილეზე მორგებით აავოს ახალი მსოფლმხედველობა. ეს არის კაპანელის აზროვნების ევოლუციის მეორე პერიოდი, მაგრამ ამ ეტაპზე კაპანელი დიდი ხნით არ შეჩერდება. საქართველოში მომხდარი ძვრები იწვევს მარქსისტული თეორიის დომინანტობის მოთხოვნას და კაპანელი თავისი აზრობრივი ევოლუციის მესამე ეტაპზე ცდილობს, ის, რაც მას გააზრებული ჰქონდა ბიოლოგიზმისა და რელატივიზმის პრინციპებით, შეაფასოს მარქსისტული დიალექტიკით და სოციოლოგიური თეორიით. ამ ეტაპზე მისი ნააზრევი გვევლინება „ორგანოტროპიზმის“ სახელით, რომლის პრინციპები მას მეორე ეტაპზეც ჰქონდა შემუშავებული, მაგრამ მესამე ეტაპზე ის საბოლოოდ ჩამოყალიბებულ სახეს იღებს, როგორც მისი მსოფლმხედველობის მარქსიზმთან შეერთების ცდა. ამან გამოხატულება პოვა მის შრომაში: „სოციალური ესთეტიკის საფუძვლები, ორგანოტროპიზმი“, 1925. კაპანელის ზოგადმსოფლმხედველობრივი პრინციპების ევოლუცია არსებითად აქ დამთავრდა. თუმცა მისი აზროვნება შემდგომ გრძელდება მთელი სამი ათეული წლის განმავლობაში, მაგრამ სხვა მიმართულებით — ზოგადფილოსოფიური პრობლემებიდან გადავიდა ლიტერატურის და ხელოვნების სოციალურ ანალიზზე. კაპანელმა მარქსიზმის თავისებური გაგებით, სოციოლოგიურ პრინციპებზე დამყარებით, აქაც სცადა ლიტერატურის, განსაკუთრებით ქართული ლიტერატურის, სოციოლოგიური ანალიზი და ამ მიმართულებით ის ერთ-ერთი პიონერია ჩვენს აზროვნებაში. ამ ცდის შედეგია: „ქართული სული ესთეტიკურ სახეებში“, 1926 წელი, „ქართული ლიტერატურის სოციალური ვენეზისი“, ტ. 1, 1928 და ტ. 2, 1931. ესთეტიკის პრობლემების ანალიზის მრავალი ცდიდან ერთ-ერთი ძირეულია სადოქტორო დისერტაციად გამოიწველი ნაშრომი — „მშვენიერების წარმოშობის შესახებ“. კაპანელმა სცადა რუსთველის მსოფლმხედველობის გააზრებაც. პარალელურად იგი მუშაობდა დასავლეთ ევროპის ლიტერატურის პრობლემებზე. ეს არის კაპანელის ნააზრევის მთლიანად ესთეტიკური მიმართულებით განვითარების პერიოდი, რომელშიც ის ცდილობს დაძლიოს თავისი ბიოლოგისტური მსოფლმხედველობა და მარქსიზმი გაიზარდოს კვლევა-ძიების მეთოდოლოგიურ პრინციპად.

პირველი ფილოსოფიური წერილი — „ნიცშეანობის ლეიტმოტივე-

ბი“ — რომელიც საფრანგეთიდან დაბრუნების შემდეგ გამოაქვეყნა კაპანელმა, რამდენიმე მიმართებითაა საინტერესო: ამ წერილში გადმოცემულია ნიცშეს ფილოსოფიური ნააზრების ძირითადი პრინციპები, რომელთაც კაპანელი უკრიტიკოდ იზიარებს; ნაჩვენებია ცხოვრების ფილოსოფიის სათავეები და მისი განვითარების ტენდენცია დილთაის ნააზრევში; გარკვეული მრავალი ფილოსოფიური პრობლემის მიმართ კაპანელის პოზიცია, რომელიც უმთავრესად ნიცშეს დამოწმებით და ძირითადად მისი იდეებით არის ნასაზრდოები. რადგან კაპანელმა ნიცშეს ნააზრების ძირითადი პრინციპები ამ შრომაში გადმოსცა ისე, როგორც ჩვეულებრივ მას გვაცნობენ ფილოსოფიის ისტორიკოსები, ამიტომ ამ საკითხზე არ შევჩერდებით. უფრო საინტერესოა, რა იდეებით შეიარაღდა კაპანელი ნიცშეს ნააზრებიდან და როგორ წყვეტს პრობლემებს მათი გზით.

უმთავრესი საკითხი, რომელსაც კაპანელი აქ აყენებს, ეს არის კაცობრიობისა და ინდივიდის ყოფიერების, ისტორიისა და კულტურის საზრდის საკითხი. კაპანელი ამოდის წანამძღვრიდან, რომ კაცობრიობის ისტორია — ეს არის ბრძოლისა და ტანჯვის არენა, სადაც არაფერი, სულ მცირედიც კი, არ ხორციელდება წინააღმდეგობებისა და ძილიონთა ტანჯვის გარეშე. ისტორიას ამოძრავებს ინდივიდუალურ და კოლექტიურ განცდათა მრავალფეროვნება, რომელშიც დომინანტურია ცოცხალი ორგანიზმის ინსტინქტური, უგონო სწრაფვა სიცოცხლისაკენ. ადამიანებს აქვთ თავისებური წარუშლელი იდეალი, რომელსაც ისინი ესწრაფვიან ისტორიულ პროცესში და რომელიც მიაჩნიათ იმ ბედნიერების სამეფოს ნავსაყუდელად, სადაც უნდა მიიღწიონ შორეულ მომავალში. ისტორიულ ქართველთა გარდამავალი პროცესები, შემთხვევითობათა და სტიქიურ პროცესთა სიმრავლე ისტორიაში, ვერ კლავენ ადამიანში სწრაფვას ამ იდეალისაკენ. ადამიანის სული დაუოკებლად ეძებს ჰარმონიის, სიყვარულისა და სილამაზის სამეფოს. ეს სამეფო ერთნაირად შეიძლება იყოს როგორც ზეციური სამოთხე, ისე მიწიერი ჰუმანური იდეალებით გაცისკროვნებული საყოველთაო მშვიდობისა და ბედნიერების სამყარო. კაპანელი ერთ განზომილებაში ათავსებს ჰილიასტურ და სოციალისტურ იდეებს. მისი აზრით, ორივე ეკუთვნის განუხორციელებელ სფეროს, რადგან კაცობრიობის ისტორიას, მის კულტურულ მოღვაწეობას არა აქვს არავითარი 'საზრდისი'. რაც უფრო დიდი დრო გადის ისტორიულ ყოფიერებაში, მით უფრო შორდება კაცობრიობა თავის იდეალებს. კულტურა კი არ ზრდის ჰუ-

მანურ საწყისებს, არამედ სპობს მას. მთელი კაცობრიობის ბრძოლა ბედნიერი მიზნის მისაღწევად ჰგავს იმ ბერძნული მითოლოგიის გმირის მოქმედებას, რომელსაც ერთი ადგილიდან მეორეზე გადააქვს გამოუსადეგარი ქვები; ადამიანთა ისტორია ჰგავს სიზიფოსის შრომას: ადამიანის ტანჯვით იქმნება რალაც ახალი, გამაცისკროვნებელი და როდესაც თითქოს უკვე უნდა დაისვენოს, რათა დატკბეს თავისი მოღვაწეობის შედეგებით, მაშინ მისთვის ცხადი ხდება, რომ მის მიერ შექმნილი უნდა დაინგრეს, რათა კვლავ გაჩნდეს შემდგომი შემოქმედებითი მოთხოვნილება და, ამ დროს, მწვავედ დგება საკითხი მისი მოღვაწეობის საბოლოო მიზნებზე; ადამიანის მოღვაწეობა არის ტანჯვა, რომელიც შეიძლება შეედაროს იმ გმირის ტრაგედიას, ზევსის ცოლის სიყვარულის გამო რომაა მიჯაჭვული მარად მბრუნავ ცეცხლოვან ბორბალზე; მთელი ადამიანური ყოფა უსაზრისოა. კაპანელი იძვრებს ნიციშეს გამოთქმას, რომ „ადამიანის ყოფიერება საშიშია, და ამავე დროს უსაზრისო“, რომ მასზე ბატონობს ბოროტი ბედისწერა. ადამიანური ტრაგედიის მაჩვენებელია არა მარტო კულტურის იდეალთა მოჩვენებითი ხასიათი, არამედ ინდივიდის ყოფიერების უსაზრისობაც. ინდივიდი, აუცილებლობათა სამყაროთი შებოჭილი, უმწუროდ მიჰყვება ისტორიის დინებას, რომელიც ყველაფერს მიაქანებს მარადიული უფსკრულისაკენ. ადამიანის მიერ შექმნილი კულტურა მისსავე წინააღმდეგ მიემართება. ადამიანს არ ძალუძს დაიქვემდებაროს მის მიერ შექმნილი სამყარო. სოციალური აპარატი, რომელსაც ის თავის მსახურად სახავს და ქმნის, ბატონდება მასზე და აჯარგვინებს თავის „მე“-ს. ეს არის მისი ინდივიდუალური ცხოვრების ტრაგედია. კაპანელი აქ აყენებს საკითხს, რომელიც გაუცხოების პრობლემის სახით დღევანდელ ადამიანს ერთ-ერთი ძირითადი უბედურებაა. ყველა დღემა, რომელიც მის წინაშე დგება, ადამიანს მიიყვანს კითხვამდე — „რა არის კარგი, რა არის ცუდი და სადაა ჩემი ბედნიერება?“ ყოველ შემთხვევაში, კაპანელი უარყოფს ბედნიერების ძიებას იმ მორალურ ნორმებში, რომლებიც შეიმუშავეს კაცობრიობის საუკეთესო წარმომადგენლებმა. იგი უარყოფს არა მარტო ქრისტიანულ. არამედ მორალურ პრინციპებსაც სოკრატესას, მის თანამემამულეთა უაზრო კანონებსაც შესრულებას რომ შესწირა სიცოცხლე. ასეთივე უარყოფითი დამოკიდებულება აქვს მას კანტისა და ჰეგელის ეთიკურ პრინციპებთან. კაპანელის აზრით, ნაცმე სწორად მოიქცა, როდესაც ისტორია წაართვა მეოცნებებსა და მორალისტებს და ზეკა-

ცის განკარგულებაში გადასცა. ეს არის ძალის ბატონობის, ადამიანის ინსტიტუტებისადმი დაქვემდებარების, სოციალური განსაზღვრულობის მოხსნის, და არსებობისათვის ბრძოლის ცხოველური ინსტიტუტით ხელმძღვანელობის ქადაგება. სიცოცხლის ძალა ძლიერებაშია. სუსტი დაკნინებისა და დაცემის მაჩვენებელია, ამიტომ უნდა დარჩეს მხოლოდ ძლიერი. კაცობრიობის ერთადერთი ღირებულება სიცოცხლისა და თავისუფლებისაკენ სწრაფვაა. ყოველმან გამოაყენოს თავისი უპირატესობანი და იაროს მისი „მე“-თი განსაზღვრული გზით — ეს იქნება მისი თავისუფლება, რომელიც არაფრად აგდებს საკუთარი თავის წინაშე პასუხისმგებლობას და ცხოვრებით ტკობას კი არ ზღუდავს, არამედ ყველაფერს მის სამსახურში აყენებს. სიცოცხლე არის უნაპირო, უსაზღვრო, ყოველგვარ ჩარჩოსაგან თავისუფალი, ყველაფერი სუსტი დაღუპვის ღირსია. სიცოცხლე მანც მშვენიერი იქნება თავისი სილამაზით. იდეალი უნდა იყოს არა ერთობა. არამედ განცალკევება. ეს არის თავისუფლებისა და დამოუკიდებლობის გზა. ადამიანის ყოფიერებას ერთადერთი საზრისი გააჩნია — ყოველი მომენტით ტკობა. კაპანელი ნიცშეს მსგავსად სიცოცხლის კულტს აყენებს, მაგრამ არა იმ აზრით, როგორც შვეიცერი ქადაგებს — მოწიწება გემართებდეს ყოველი ცოცხლის წინაშე, არა, კაპანელისთვის, ნიცშეს შესაბამისად, სიცოცხლის ღირსი მხოლოდ ძლიერია, ადამიანი უნდა განთავსდეს სოციალურისაგან და გამოამზეუროს ცხოველური. ასეთ ვითარებაში მისი საზრუნავი იქნება არა ხვალისდელი დღე, არამედ ყოველი მომენტი, იგი იღვწის ამ წუთში განცხრომისათვის, რომელსაც მხოლოდ ძლიერებათ მიაღწევს, მაშასადამე, ძალის კულტი და ცხოვრებისადმი დაუოკებელი ცხოველური სწრაფვა — აი, ის, რასაც გვთავაზობს კაპანელი, ნიცშეს იდეალებით დატყვევებული და „სიცოცხლის ფილოსოფიის“ იდეების მქადაგებელი საქართველოში. ადამიანისა და ისტორიის ყოფიერების პრობლემა, რომელიც კაცობრიობის საუკეთესო მოაზროვნეებს ყოველთვის აფიქრებდათ, კაპანელთან ღებულობს ისეთ გადაწყვეტას, რომელიც ერთნაირად ეწინააღმდეგება როგორც რელიგიურ, ისე სოციალისტურ იდეალებს და კმაყოფილდება ყოველდღიური ყოფიერებით — განცხრომითა და ტკობით. მისი აზრით, არც კაცობრიობის და არც ინდივიდის ყოფიერებას არა აქვს რაიმე სოციალური საზრასი, მხოლოდ ბიოლოგიური საწყისები განსაზღვრავენ მათ არსებობას და არსებას. ასეთია ამ წერილის დედაარსი. როგორც აღნიშნული იყო, ეს არის კაპანელის აზროვნების საწყისი პერიოდი, როდეს-

საც ის მოხიბლულია „ს-ოცხლის ფილოსოფიის“ იდეებით და ახალ-გაზრდული გატაცებით გადმოსცემს ნიკმეს ძირითად პრინციპებს.

1912 წელს კაპანელი აქვეყნებს წერილებს სერიას, რომელშიც ცდილობს ნიკმეს იდეები გამოიყენოს ქართული კულტურის ანალიზისათვის. სახელდობრ, ქართულ ლიტერატურაში ეძებს ზეკაცის იდეას, ისევე ნიკმეს ნიადაგზე დგომით, მხოლოდ იმ განსხვავებით, რომ თავისი ფილოსოფიის ზოგად იდეებს გადმოსცემს ქართულ სინამდვილესთან მიმართებით. ამ მიზანს ისახავდა წერილების ზემოხსენებულ სერია სათაურით: „ტანჯვის იდეა და ზეკაცის პოეზია ქართულ ლიტერატურაში“ (რუსულ ენაზე). თავდაპირველად ავტორს განზრახული ჰქონდა მხოლოდ ბარათაშვილის შემოქმედების გააზრება, მაგრამ მასთან ერთად განიხილა ვაჟა-ფშაველას „გველის-მკამელიც“, ისე კი ხუთი წერილიდან მხოლოდ ბოლო, მეხუთე ეთმობა ქართულ პოეზიას, დანარჩენში ისევე ზოგადფილოსოფიური, ანთროპოლოგიური იდეებია ყოფიერების საზრისზე, და მსოფლიო ლიტერატურაში ამ პრობლემატიკის გამოსახვაზეა მსჯელობა. ყველაზე მეტ ადგილს უთმობს იგი დოსტოევსკის ნაწარვეს, განსაკუთრებით ადამიანის ყოფიერებისა და ღმერთთან მიმართების საკითხში. ავტორს ისტორიული ყოფიერების, ისე როგორც ინდივიდის, აუცალებელ თანამზავრად მიაჩნია ტანჯვა. ჩვენს ყოფიერებაში მთავარი სიციცხლეა. ის კი არ არსებობს ბრძოლისა და ტანჯვის გარეშე. რაც უფრო ღრმადაა ჩასმული ტანჯვის წერაქვი, მით უფრო ძლიერია ბედის დარტყმა და მით უფრო ლამაზად ყვავის ცხოვრება, მით უფრო ფართოა შემოქმედებითი აკორდი. ადამიანი სხვა არაფერია, თუ არა „განცდათა, ვნებათა, სევდის, მოწყენილობის, სიყვარულის და სიძულვილის სამყარო“. ადამიანი განცდათა ერთობლიობაა, რომელაც ადვილებს სოციალურ ცხოვრებას. კაპანელი ცდილობს ახსნას ამ სამყაროში დიდ ადამიანთა და ახალ იდეათა როლი და მნიშვნელობა. მისი აზრით, დიდი ადამიანი ასრულებს ლეიფენის კონდენსატორის ფუნქციას, რომლის ყოველი გამოჩენა იწვევს საზოგადოებრივი ცხოვრების აღელვებას, მისი პულისის გახშირებას, ახალი იდეები აშუქებენ ძველ იდეათა მწუხრ-ს სამყაროს. გენიოსი ქმნის ახალ სინამდვილეს, მაგრამ ეს არ ხდება პარმონიულად. პირიქით, ჰარმონია აქ გამორიცხულია, ახალი გზას იკვალავს ჭეჭა-ქუხილის ვითარებაში, ბრძოლისა და ტანჯვის ატმოსფეროში. ტანჯვა არის ცხოვრების მთლიანი ქარგა, ტანჯვის ყველაზე დიდი წყარო არის შიში სიკვდილის წინაშე, რომლის დაძლევისაც კაცობრიობა დასაბამიდან ცდილობს.

სწორედ ამ მიზნით იქმნებოდა ლეგენდები და მითები — ბერძენმა ხალხმა ბედისწერის წინაშე შიშის გამო შექმნა ოლიმპოს მითი, დასახლა იქ ღმერთები და მიანიჭა უკვდავება, რათა „შემსუბუქებინა შიში სიკვდილის წინაშე და თავი მოეტყუებინა იდეალის სილამაზით“. კაპანელი ბერძნულ სამყაროს მიიჩნევს მსოფლიო სევდის პირველ გაცნობიერებად, მისი ტრაგიზმის და ტანჯვის სიდიადის აღმომჩენად.

მთელი კაცობრიობის ისტორია, გენიოსთა ძიება არის უსასრულო სკენ ლტოლვა, იდეალისკენ სწრაფვა. ამ გზაზე კაცობრიობა იღლება, ეცემა და ტირის, მაგრამ კვლავ განაგრძობს სვლას და ძიების პროცესს. კაპანელი აქ მეტად საინტერესოდ მსჯელობს ისტორიული ყოფიერების საზრისის საკითხზე. ამ მსჯელობას რამდენიმე წლის შემდეგ გაიმეორებს რუსი ექსისტენციალისტი ბერდიაევი: მთელი ჩვენი ყოფა და ისტორია არის საზრისის, იდეალის ძიება, რომელსაც ვესწრაფვით. მიუხედავად იმისა, რომ კაცობრიობას მრავალგზის ჰქონდა მიზეზი გულგატეხილობისა, ის მაინც აგრძელებს ამ ძიებას, იმიტომ კი არა, რომ დარწმუნებულია იდეალის მიღწევის შესაძლებლობაში, არამედ იმიტომ, რომ ამ ძიებაში ხედავს საკუთარი ყოფიერების საზრისს. კაცობრიობა „ეძებს იმიტომ, რომ ვერ პოულობს რასაც ეძებს. დაე ვერ მოძებნოს, იგი მაინც ეძიებდეს იქნება, ძიება კაცობრიობის ხვედრია. ჩვენი ცხოვრება მოითხოვს ძიებას“¹. ძიების საგანია წინააღმდეგობებისაგან თავისუფალი პარმონიული სამყარო. რადგან ძიების გზა ტანჯვითაა აღსავსე და კაცობრიობა პარმონიულ სამყაროში დასვენებას ელტვის. ასეთ სამყაროს ეძებს ივანე კარამაზოვი — ის მზადაა აღიაროს ღმერთის არსებობა, მაგრამ ეს წინააღმდეგობებითა და ტანჯვით აღსავსე სამყაროში არ შეუძლია. როგორ უნდა გაამართლოს გონებამ ქაოსი, ავადმყოფობა, „მიზანსა და საზრისს მოკლებული ყოფიერება?“ — აი, კითხვები, რომლებიც განსაზღვრავენ ივანე კარამაზოვის მსოფლმხედველობას მთელ კაცობრიობასთან ერთად. კაპანელი პესიმისტი, მაგრამ ის უარს არ ამბობს სიცოცხლეზე, არ ქადაგებს თვითმკვლელობას. პირიქით, მისი ფილოსოფიის ამოსავალია ცხოვრების აუცილებლობა, თუმცა იგი ცხოვრებას არსებული სახით, — ე. ი. როგორც ტანჯვის სამყაროს, — ვერ ურიგდება, ტანჯვისგან თავისუფალი ცხოვრება კი არ ჩანს. ბიბლიური იობის მიერ მისი დაბადების დღის და ჩასახვის დამის დაწყველა კაცობრიობის ტანჯვის სიმბოლოა. კაპა-

¹ К. Капанили. Идея страдания и поэзия сверхчеловека в грузинской литературе, газ. «Закавказская речь», 1912, № 32, за 9 февраля.

წელი აყენებს საკითხს ბუნებისა და ადამიანის მიმართების შესახებ — ადამიანი, რომელიც ცდილობს თავი დააღწიოს ტანჯვას და ჰარმონიას ესწრაფვის, ქაოსს საზრისით შეცვლას უპირებს, ბუნებასთან ეძებს კავშირს, სურს ჩასწვდეს მას, მაგრამ კომუნიკაცია ადამიანსა და ბუნებას შორის არ გამოდის, რადგან ბუნება გულგრილია ადამიანის მიმართ. მისთვის სულ ერთია ადამიანის აღწევება და დაცემა: „ს ი დ ი ა დ ე მ ა რ ა დ ის ო ბ ის წ ი ნ ა მ ე ა რ ა რ ო ბ ის ა გ ა ნ ა რ ა ა გ ა ნ ს ხ ვ ა ე ბ უ ლ ი, ამიტომ სულ ერთია ბუნებისთვის ჰამლეტის ექვების მოზღვაება, ფაუსტის შემეცნების წყურვილი, ტოლსტოის ქეშმარიტების სიყვარული, შოპენჰაუერის სიძულვილი ცხოვრებისადმი და ჰეროსტრატეს სისულელე, რომელმაც მოსპო დიანას შესანიშნავი ტაძარი“¹. კაპანელის აზრით, ბუნების ეს გულგრილობა ადამიანისადმი და ადამიანის სამყაროს ქაოსურობა აუცილებელს ზღის ზეკაცის პოეზიას, რომლითაც უნდა გასაზრისიანდეს ქაოსი. ზეკაცი უპირისპირდება ბედს, მან იცის თავისი დანიშნულება.

კაპანელი ამ წერილებში აყენებს შემოქმედების განმაპირობებელ გარემოებათა საკითხს და ილაშქრებს შემოქმედების მარქსისტული გაგების წინააღმდეგ, რომელიც შემოქმედების ახსნას ახდენს სოციალური ვითარებით. ამ საკითხში მარქსიზმთან დაპირისპირებისთვის კაპანელი იშველიებს ბარათაშვილის პოეზიას. მისი აზრით, მოწინააღმდეგის კრიტიკისთვის, ნიცშეს მსგავსად, უნდა დავდგეთ მოწინააღმდეგის პოზიციაზე და იქიდან შევხედოთ მოვლენებს. მარქსისტები ბარათაშვილის შემოქმედებას ხსნიდნენ ქართველი ხალხის სოციალური და პოლიტიკური დაკნინებით, რაც იწვევდა ქართველ შემოქმედთა გულსტრევილსა და სევდას. კაპანელის აზრით, მხოლოდ სოციალურ-ეკონომიკური მოვლენები არაა საკმარისი შემოქმედების ასახსნელად — შემოქმედებაში მთავარი და ძირითადი იმდივიდის გააცდებია. ხელოვანი არაცნობიერად მიდის თავისი შემოქმედების შინაგანი წყურვილისაკენ, მას მხოლოდ ფსიქოლოგიური მოტივები ამოძრავებენ. მათში გამჟღავნდება ტანჯვის განცდა. „პოეტი მხატვრულ სახეებს ქმნის მხოლოდ და მხოლოდ განცდებით. და ეს განცდები მით უფრო მეტად მიიწვდომება ობიექტური დაკვირვებით, რაც უფრო აქტიურია მათი გამოვლენა“². პოეტური ხელოვნება გამოხატავს ადამიანის სულის წვას, რომელიც

¹ К. Капанели, Идея страдания и поэзия сверхчеловека в грузинской литературе, газ. «Закавказская речь», 1912, № 32, за 9 февраля.

² «Закавказская речь», 1912, № 38.

ყოველთვის რაღაცას ეძიებს და ესწრაფვის. ყოველივე ეს ნიშნავს. რომ „პოეტური შემოქმედების ერთადერთი შესაძლებელი და საიმედო მეთოდი პოეტურ განცდათა ფსიქოლოგიური ანალიზია. უშუალო განცდები არის პოეტური შემოქმედების საფუძველი“¹. პოეტური ცნობიერება ინდივიდუალურია და ყოველივეს, რაც ხდება მის გარშემო, ინდივიდუალურ განცდად გარდაქმნის. ავტორის აზრით, პოეტური შემოქმედება არ დანაწევრდება სუბიექტურად და ობიექტურად, ის მხოლოდ სუბიექტურია, მაგრამ, ამავე დროს, ობიექტური მსოფლიო ნებელობის გამომხატველია. იგი მოიცავს მთელ სამყაროს ცხოვრების მთლიანობაში, ის არის სწრაფვა აბსოლუტისადმი. კაპანელის წინაშე არ დასმულა კითხვა — თუ შემოქმედებას არ შეუძლია სოციალურ-ეკონომიკური პროცესების გამოსახვა, რადგან ისინი ობიექტურნი არიან, და არა სუბიექტურ-ფსიქოლოგიურნი, როგორ შეუძლია იმავე შემოქმედებას ასახოს „ობიექტურ სამყაროსეული ნებელობა, აბსოლუტისადმი სწრაფვა“. კაპანელი ამ შემთხვევაში შემოიფარგლა შოპენჰაუერის დამოწმებით, მაგრამ ეს დასაბუთება არაა. თუ შემოქმედება საერთოდ გამორიცხავს ობიექტურის გამოხატვის შესაძლებლობას, ეს გამორიცხვა უნდა ეხებოდეს როგორც სოციალურ-ეკონომიკურს, ასევე ნებელობით ობიექტურსაც. კაპანელი გამორიცხავს პირველს, მაგრამ მეორეს — არა. არგუმენტი კი პირველის მიმართ — მისი ობიექტურობა — ანალოგიური ძალის უნდა იყოს მეორის მიმართაც. საერთოდ, კაპანელი არსებითად აქ პირველად შეეხო კრიტიკულად მარქსისტულ მოძღვრებას. ნიცშეს შესახებ წერილშიც გამოთქვა გარკვეული შენიშვნა, ახსენა „კომუნისტური პარტიის მანიფესტი“, მაგრამ ეს იყო არა მანიფესტის კრიტიკა, არამედ ცხოვრების ფენომენის, მე-ს მოთხოვნილებათა და ცხოვრებით ტკბობის პრიმატის მტკიცება, რაც, მისი აზრით, მე-სთვის კომუნისტური მანიფესტის ყველა პუნქტზე და პარაგრაფზე უფრო ძლიერია. წერილების სერიაში კი კაპანელს მიზნად დაუსახავს შემოქმედების მარქსისტული გაგების კრიტიკა, ლიტერატურის და ხელოვნების ობიექტური ვითარებით ახსნის შეუძლებლობის მტკიცება და ამ მიზნით, მისი აზრით, იყენებს ობიექტური მიდგომის მეთოდს. გარკვეული წანამძღვრიდან ამოსვლით იგი დაწვრილებით განიხილავს შემოქმედების მატერიალისტურ გაგებას, მაგრამ ფაქტობრივად, ამ თეორიის გადმოცემაში კაპანელის ამოსავა-

¹ «Закавказская речь», 1912, № 38.

ლი პრინციპი მცდარია. რომლის არსი ისაა, რომ მარქსიზმის მიხედვით შემოქმედებას მხოლოდ სოციალურ-ეკონომიკური პრინციპები განსაზღვრავენ, მაშინ, როდესაც მარქსიზმში სოციალურ-ეკონომიკური პრინციპები საბოლოოდაა განმსაზღვრელი სხვა პრინციპებთან — მათ შორის ფსიქოლოგიურთან ერთად. შემოქმედების ახსნა მხოლოდ სოციალურ-ეკონომიკური პრინციპებით მარქსიზმის ეულგარზაციაა, შელიატიკოველობაა, რაზეც ვ. ი. ლენინმა მრავალჯერ მიუთითა კრიტიკულად. საერთოდ სულიერ შემოქმედებას ობიექტურის გვერდით მნიშვნელოვანწილად სუბიექტური მომენტები განსაზღვრავს, კიდევ მეტი, მათ თავისი განვითარების იმანენტური ტენდენცია გააჩნიათ, რომელიც არ დაიყვანება სოციალურ-ეკონომიკურზე და არც უშუალოდ მისგან გამოიყვანება. მარქსიზმი რომ სწორედ ასე იგებს ხელოვნებას, ეს გამოვლინდა მარქსის-მეორე ანტიკური ხელოვნების და ანტიკური სამყაროს ანალიზში. ამის საინტერესო მიმოხილვას იძლევა ს. დანელია, რომელიც აკრიტიკებს მარქსის, კაპანელის მსგავს, ინტერპრეტატორებს: „დამოკიდებულებას ხელოვნებასა და მატერიალურ საფუძველს შორის, არა აქვს მათემატიკურ-პროპორციული ხასიათი, და, მასადაღამე, არ არის აუცილებელი, რათა მაღალი საფეხურის საზოგადოებრივი მეურნეობის საფუძველზე მაინცდამაინც მაღალი ხარისხის ხელოვნება აღმოცენდეს. ხელოვნების ცვლილება არ მიმდინარეობს მისი მატერიალური საფუძვლის ცვლილების თანაბრად და ამიტომ არ შეიძლება მატერიალური საფუძვლის ცნება გამოეყენოთ საკმაო საბუთად მის ნიადაგზე აღმოცენებული ხელოვნების განსაზღვრისათვის, ე. ი. არ შეიძლება თქმა იმისა, რომ უფრო განვითარებულ ეკონომიკურ საფუძველზე აუცილებლად უფრო განვითარებული ხელოვნება, ან ხელოვნების ესა თუ ის ყანრი უნდა აღმოცენდეს. ყანრის შესახებ უნდა ითქვას, რომ მას შეუძლია თავისი განვითარების უმაღლეს საფეხურს მიაღწიოს საზოგადოებრივი განვითარების დაბალ საფეხურზე, რომლის შემდეგ ეს ყანრი კარგავს თავის აქტუალობას და ეცემა, რათა ადგილი დაუთმოს სხვა ყანრებს. მაგალითად, იგავ-არაკის და ეპოსის განვითარების უმაღლეს ფორმას იძლევა უკვე მონათმფლობელური საზოგადოება. კაპიტალისტურ საზოგადოებაში იგავ-არაკი და ეპოსი ეცემა, რადგან მის ფუნქციას უკეთესად ასრულებენ უფრო რთული ლიტერატურული ყანრები, როგორც არის, მაგალითად, სოციალური რომანი. აქედან ცხადია, რომ ხელოვნების შესახებ სრული ცოდნა მყარდება, მარქსის აზრით, არა a priori, არამედ a posteriori ხელოვნე-

ბის კონკრეტული ან დიალექტიკური შესწავლის — საშუალებით. სხვა-ნაირად რომ ითქვას, გარდა იმ ზოგადი კანონზომიერებებისა, რომელსაც ექვემდებარება ყოველი იდეოლოგია, თავისი არსით — თითოეული იდეოლოგიური ფაქტი საბოლოო ანგარიშში წარმოშობილია საზოგადოების მატერიალური საფუძვლისაგან, არის კიდევ სპეციფიკური კანონზომიერება, რომელსაც ექვემდებარება მხოლოდ ხელოვნება ან ხელოვნების მხოლოდ ერთი რომელიმე ჟანრი, იდეოლოგიის სხვა დარგებისაგან ან ხელოვნების სხვა ჟანრებისაგან განსხვავებით. სწორედ ამიტომ, ხელოვნების ამა თუ იმ ფაქტის შესწავლა არ შეიძლება ამოწურულად ჩაითვალოს, თუ არ არის შესწავლილი ის სპეციფიკური კანონზომიერება, რომელსაც ეს ფაქტი გამოავლენს და, მაშასადამე, ცოდნა იმისა, თუ რომელ საზოგადოებრივ გარემოში გაჩნდა ხელოვნების ფაქტი, არ არის საკმარისი.

მრავალი მაგალითით აშუქებს მარქსი თავის კონცეფციას და ცხადყოფს: მიუხედავად იმისა, რომ კაპიტალისტური მეურნეობა უფრო განვითარებულია, ვიდრე მონათმფლობელური, ამ უკანასკნელის საფუძველზე აღმოცენდა ძალიან მაღალი ხარისხის ხელოვნების ნიმუშები. „ხელოვნების ზოგიერთი ფორმების შესახებ (ასეთი. ფორმაა, მაგალითად, ეპოსი) დადგენილია, რომ ისინი თავიანთი კლასიკური და მსოფლიო ეპოქის შემქმნელი სახით ვერ წარმოიშობიან, თუ გაჩნდა უკვე მხატვრული შემოქმედება, როგორც ასეთი... განა სელფაქტორების, რკინიგზების, ლოკომოტივების და ელექტრონული ტელეგრაფის არსებობის დროს შესაძლებელია ბუნების შესახებ ისეთი შეხედულება, რომელიც საფუძვლად ედო ბერძნულ ფანტაზიას და, მაშასადამე, საბერძნეთის ხელოვნებას? განა იუპიტერისათვის დარჩებოდა ადგილი მხნამრიდის გვერდით?... განა აქილევსი შესაძლებელია საბუქდავი მანქანის გვერდით?“

ასე გადაეღობა წინასწარ მარქსი მექანისტურად მოაზროვნე თავის კრიტიკოსებს და აგრეთვე იმათ, ვინც თავიანთ თავს მარქსის მოწაფეებად თვლიდნენ, მაგრამ დიალექტიკური აზროვნების ნაკლებობის გამო მექანისტურად ესმოდათ მარქსის შეხედულებები¹.

~~კაპანელის აზრით, ყოველ შემოქმედს საკუთარი სამყარო აქვს. „ასეთი საკუთარი სამყარო აქვს ბარათაშვილსაც, შმაგი, პრომეთესეუ-~~

¹ ს. დანელია, ხელოვნება მარქსის გაგებით, გვ. 31—33, ხელნაწერი ინახება პირად არქივში.

ლი გრძნობათა სამყარო. კოსმოსისკენ სტიქიური სწრაფვის მარადიუ-
ლი წყურგულის სამყარო, ადამიანის შეზღუდულობის წინააღმდეგ
აჯანყებული სამყარო¹. ავტორი ბარათაშვილის ყოველ ლექსში ხე-
დავს ადამიანური გულის კვნესას, რომელიც ადამიანური ყოფიერების
სამყაროდან ესწრაფვის ზედროულ მარადიულ სიმართლეს. ამ მხრივ,
ბარათაშვილის მიერ გამოხატული მსოფლიო სევდა, კაპანელის აზრით,
დოსტოევსკისას ეხმიანება. ბარათაშვილი მთელი ცხოვრების ტრაგე-
დიის და წინააღმდეგობათა გამცნობიერებელია, რომელიც ესწრაფვის
კოსმოსს, მარადისობას, ბარათაშვილმა ყველაზე ნათლად გამოსახა
კაცობრიობის ობლობა, სასრულობა, გარდაამავლობა. ნივთთა საყო-
ველთაო მდინარებაში ჭეშმარიტად დიდი ადამიანების ხედრია დიდა
სევდის განცდა. ეს ერთნაირად გამოხატეს დოსტოევსკიმ და ბარათა-
შვილმა. ავტორი ასაბუთებს, რომ ბარათაშვილის პოეზიის მოტივები
ეროვნული კი არაა, არამედ ზოგადსაკაცობრიო და სამყაროსეული.
ბარათაშვილს იგი ბაირონისა და ლერმონტოვის გვერდით აყენებს.
მისი აზრით, ბარათაშვილის პოეზია ბუნების მიმართ დიდი სიყვარუ-
ლია, რაც მას თავისებურ პანთეისტურ ხასიათს აძლევს. ბარათაშვილის
პანთეიზმი მოგვაგონებს გიუიოს და ლიტრეს კოსმიზმს. თუ როგორ
ესმის ავტორს კოსმიზმის მსოფლმხედველობა, ამას იგი მომდევნო
წერილში განმარტავს: „კოსმიზმში თანამედროვე ფილოსოფია გუ-
ლისხმობს სამყაროს ისეთ გაგებას, რომელიც ქადაგებს ჩვენი აზრების,
გრძნობების და განწყობილებების გაფართოებას ჩვენი მე-ს მალმა,
ფართო ერთობას ბუნებასთან და შემოქმედებითი ნებელობის გულ-
გრილ სტიქიურ გამოვლენას“².

კაპანელისთვის კოსმიზმს განსაკუთრებული მნიშვნელობა ენიჭება,
რადგან ამ მსოფლმხედველობით მას შესაძლებლად მიაჩნია ცხოვრების
ძირეულ პრობლემათა გადაწყვეტა. მისი აზრით, ძველმა ღირებულე-
ბებმა დაკარგეს მნიშვნელობა და, ამავე დროს, კაცობრაობა სიცოცხ-
ლეს მოწყურებული ეძებს ცხოვრების საზრისს. იგი ამ მიმართე-
ბით ორ ძირითად ფილოსოფიურ მიმდინარეობას ხედავს, რომელნიც
დაკავშირებული არიან ცხოვრების სოციალურ-ეთიკურ პრობლემატი-
კასთან — ესაა გიუიოს და ნიცშეს ფილოსოფია. ორივესთვის საერთოა
ცხოვრების ახალ ღირებულებათა შექმნა, განსხვავება მხოლოდ ისაა,

¹ «Закавказская речь», 1912, № 45.

² იქვე.

რომ ერთის ფილოსოფია ექსპანსიურ-კოსმიურ ხასიათს ატარებს. მეორისა — ინდივიდუალურ-აგრესიულს. პირველი ქადაგებს სტიქიურა სიყვარულის გრძნობათა სოციალიზაციას, მეორე — ინდივიდუალურა ძალაუფლების გამოვლენას; პირველი ესწრაფვის შემოქმედებით მე-ს სრულ გამოვლენას ღრმა სიყვარულსა და ტანჯვაში, მეორე მოითხოვს, რომ ცალკეულმა ინდივიდუუმმა თავისი ძალები წარმართოს ზელისუფლებას მოპოვებისაკენ და ამ გზით მაღაწიოს ინდივიდუალურ უფლებებს; ერთი ესწრაფვის ინდივიდის გათქვეფას ერთობაში; მეორე — ინსტინქტსადმი დაქვემდებარებით — ინდივიდუუმის გაბატონებას: „ერთი ესწრაფვის პარმონიასა და ერთობას, მეორე გამარჯვებასა და წინააღმდეგობას“ კაპანელი ამ დაპირისპირების მიღმა ხედავს საერთოს, რაც ამ ორ მიმდინარეობას მისთვის საინტერესოდ ხდის და რის გამოც სურს მათი გაერთიანება. ეს საერთოა — კაცობრიობის აუცილებლობის სამეფოდან თავისუფლების სამეფოში გაყვანის მცდელობა. კაპანელი არ ფიქრობს, თითქოს გიუიოდან ნიცშემდე არ ყოფილა ასეთი ტენდენცია, მაგრამ კაცობრიობის ისტორიის მანძილზე ასეთი მისწრაფებანი ყოველთვის გულგატეხილობით მთავრდებოდა, დასახული მიზანი არ ხორციელდებოდა, ათასი მიზეზისა და შემთხვევითი გარემოების გამო. რაც უფრო ესწრაფოდნენ იდეალის მიღწევას, მით უფრო აუტანელი ხდებოდა ცხოვრება. „კაცობრიობის მთელი ისტორია გულგატეხილობისა და შეცდომების ისტორიაა“. კაცობრიობის ცხოვრების ეს ტრაგიზმა პირველად გაცნობიერეს გიუიომ და ნიცშემ და ამიტომ, კაპანელის აზრით, მათი ფილოსოფია აზროვნების ძირითად ტენდენციათა გამომხატველი. ამიტომ კოსმიზმის მსოფლმხედველობა ადამიანის მე-ს გაფართოების ბუნებასთან შერწყმის კიდევ ერთი ცდა. „ნიცშეც და გიუიოც ორივე ეძებს ცხოვრების საზრისს. ისინი ხედავენ ადამიანის არსებობის არარაობას და უსაზრისობას, მაგრამ უარყოფენ შოპენჰაუერიზმს მისი ბუდისტური ნირვანათი და ესწრაფვიან ცხოვრების სოციალურ-ეთიკურ რეფორმას, რათა არსებობას მიანიჭონ საზრისი“¹. ამ მოაზროვნებებს ავტორი ადარებს „დიდ ინკვიზიტორში“ ადამიანს, რომელსაც თავისი შეხედულებებისთვის აცხადებენ „ტყვედ და მოჯანყედ“. კაპანელი უერთდება ამ ორი მოაზროვნის ჯანყს „ლოგიკური სქემებისა და უსიცოცხლო დიალექტიკური ხრიკების“ წინააღმ-

¹ «Закавказская речь», 1912, № 45.

დევ. მათთან ერთად უარყოფს რაციონალურ-დოგმატური ხერხებით ყოფიერების გამართლების ყოველგვარ ცდას და ირაციონალურა იხს-ტინქტური სასიცოცხლო სწრაფვით უნდა გაასაზრის-ანოს ადამიანის ყოფიერება. თუ ნიცმე ასეთ მეამბოხედ თვლის პრომეთეს, რომელიც ყველა არიელი ხალხის ლეგენდებში ცოცხლობს, კაპანელი ფიქრობს, რომ მისი ანალოგი ქართულ მითოლოგიაში ამირანია. უფრო სწორად, ამირანის ანალოგია პრომეთე, რადგან პრომეთეს მთიი შექმნილია ქართული მითის საფუძველზე, რომელიც უფრო ბუნებრივად წარმოიდგინება კავკასიის გოგანტური მთების წიაღში — სწორედ აქ შეიძლება წარმოშობილყო თავისუფლებისაკენ ის დიდი სწრაფვა. ამირანსა და პრომეთეს რომ ახასიათებთ; სწორედ კავკასიის თოვლიანი მთებზე სჭირდებოდა მათ სამოქმედო ასპარეზად; სწორედ აქ შეეძლო „ადამიანს გამოველინა თავისი გონის სამყაროზე გავლენა“, მაგრამ სწორედ ეს თავისუფლებისაკენ სწრაფვა ყველაზე მეტადაა დაკავშირებული ტანჯვასთან, სამყაროს ყოფიერების ნებელობისადმი წინააღმდეგობის გამო. ტანჯვის გარეშე აღარაა ბრძოლა, ტანჯვა არის ცხოვრების სილამაზის წყარო. დოსტოვესკის, ნიცშეს, ბარათაშვილის, ვაჟას და მრავალი სხვა მოაზროვნის დამოწმებით კაპანელს სურს დაგვარწმუნოს, რომ „ტანჯვის იდეა წაიფელ ზოლად გასდევს კაცობრიობის მთელ შემოქმედებას, ტანჯვა განსაზღვრავს საგანთა მეტაფიზიკურ დირექცილებას და ადამიანის გონი შეყავს კოსმიური არსების ყველაზე ბნელ მანაგანობაში. ტანჯვა გარდაქმნის ერთ ყოფიერებას მეორედ. მან გადააქვს ყველაფერი არაცნობიერი ცნობიერსა და განსაზღვრულ სამყაროში“¹. კაპანელის აზრით, ყოველი ქეშმარიტი მსოფლქვერტის საფუძველში დევს ტანჯვა. კაცობრიობამ განვლო გულუბრყვილო ოპტიმიზმის პერიოდი და ცხადად დაინახა, რომ ტანჯვაა შემოქმედების საფუძველი და საზრისი. ტანჯვა, შემოქმედება და ცხოვრება — აი ის ძირითადი ცნებები, რომლებიც დომინირებენ კაპანელის კოსმისტურ მსოფლმხედველობაში. ამიტომ შემთხვევითა არ იყო, რომ კაპანელმა პირველი წიგნი გამოცა სათაურით: „ტანჯვა და შემოქმედება“ (1917). რომელიც მისი მოღვაწეობის დასაწყისში განვითარებულ შეხედულებებს ასახავს, ამას მოწმობს ისიც, რომ ამ წიგნში კაპანელმა შეიტანა პირველი წერილების სერია (ნიცშეს შესახებ წერილის გარდა). ყოველ შემთხვევაში. კაპანელის მოღვაწეობის ეს პერიოდი არის იმ წყაროს

¹ К. Капанели, Страдание и творчество, Тифлис, 1917, гл. 165.

მიგნება, რომლითაც იკვებებოდა მისი მსოფლმხედველობა, არა მარტო დასაწყისში, არამედ შემდგომშიც, როდესაც მან კოსმიზმის და „ცხოვრების ფილოსოფიის“ ფორმებში განვითარებული მსოფლმხედველობის აგება სცადა. კაპანელის აზრით, ერთადერთი საყოველთაო თვისება თუ ატრიბუტი, რომლითაც აღამიანას და საერთოდ ცოცხალი არსების ყოფიერება ხასიათდება, არის ტანჯვა. იგი ჩვენი ყოფიერების მუდმივი თანამგზავრია, რომელიც აფართოებს ჩვენს აზროვნებას, ხანგრძლივი სიძულვილის შემდეგ იწვევს სიყვარულს; მისით წარმოიშვა შემეცნების წყურვილიც და სიბრძნის სიყვარულიც. პლატონიდან დაწყებული, ფილოსოფოსობისა და შემეცნების საწყისად თუ კითხვა და ეკვი ცხადდებოდა, „ცხოვრების ფილოსოფიამ“ იგი შეცვალა ტანჯვით, რამდენადაც კითხვა და ეკვი ტანჯვის მაჩვენებელია. კაპანელმა ამ კუთხით სცადა ვაჟას შემოქმედების გააზრებაც — მისი აზრით, „ტანჯვის ესოდენ მნიშვნელოვანი როლი არავის გაუგია ისე კარგად, როგორც ჯერ კიდევ გაგებას და შეფასებას მოკლებულმა ვაჟა-ფშაველამ“. უნდა ითქვას, რომ ვაჟას პოეზიის გენიალობას დასაბუთებაში, მნიშვნელოვანი როლი მიუძღვის კაპანელის გააზრებებს, განსაკუთრებით მისი „გველის-მჭამელის“ გარშემო. კაპანელს ვაჟას შემოქმედების დახასიათებისთვის დასჭირდა გენიოსის და გენიალობის ანალიზი, რადგან ფიქრობს, რომ ვაჟა მიეკუთვნება იმ მცირერიცხოვან გენიოსებს, რომელთაც ვერ უგებენ თანამედროვენი, რამეთუ გენიოსები უფრო მეტს ხედავენ და განიცდიან, ვიდრე მათ თანამედროვეთ ძალუძთ დაინახონ, განიცადონ და შეაფასონ. მარტოობა გენიოსების ხვედრია.

კაპანელი ამ საკითხში განიცდის ბერგსონის „შემოქმედებითი ევოლუციის“ იდეების გავლენას და მასთან ერთად ამტკიცებს, რომ შემეცნების თეორია ფსიქოლოგიურად დაკავშირებულია შემოქმედებით აქტთან, და რომ ამ საკითხს ეხება ვაჟას „გველის-მჭამელიც“. ეს პოემა, ავტორის აზრით, „თავისი შინაგანი ღირებულებით პირველია ლატერატურაში. მისი შედარება შეიძლება რაბინდრანათ თაგორის „ლირიკულ ნაწყვეტებთან“ და შელის „ეპიფსიქიონთან“, მაგრამ ვაჟა-ფშაველას პოემა ორივეზე უფრო მძლავრად თავისი „ფილოსოფიური შინაარსით, რადგან მასში არაა თავორისეული გულუბრყვილობა და არც შელისეული ქალური საწყისი“. პოემა გადაგვიშლის ნათელხილვისა და ინტუიციის მთელ სამყაროს. მინდია იტანჯება და ტანჯვით იძებს გენიალობას, მაგრამ ეს გენიალობა შეუთავსებელია ყოველდღიურ ბედნიერებასთან და ამიტომ იკარგე-

ბა — ტანჯვით შობილი სიყვარული სიკვდილისკენ მოუწოდებს. ამ პოემაში გამოხატულია ის კოსმოსური შერწყმა, რომელიც კოსმიზმის საფუძველს წარმოადგენს და გვიჩვენებს, რომ შემოქმედება დაკავშირებულია ტანჯვასთან და რომ ტ ა ნ ჯ ვ ა ა ფ ა რ თ ო ე ბ ს ც ნ ო ბ ი ე რ ე ბ ა ს კ ო ს მ ო ს თ ა ნ შ ე რ წ ყ მ ა მ დ ე . კაპანელის აზრით, ვაჟას არა მარტო ქართულ, არამედ ევროპულ ლიტერატურაშიც არ აყავს წინაპარი. დოსტოვესკის მსგავსად იგი არა მარტო სწვდა ტანჯვის საზრისს, არამედ აღმოაჩინა და გადაწყვიტა გნოსეოლოგიური პრობლემა — ნივთთა არსებისა და ცხოვრების შემეცნების საკითხი — იმით, რომ ტანჯვა გახდა ჩვენი ცნობიერების და ნებელობითი აქტების მეტაფიზიკური საფუძველი. ვაჟამ შემეცნების წყაროდ გამოაცხადა არა გონება, არამედ ადამიანის გრძნობათა ორგანოების მთელი ერთიანი მოღვაწეობა. მინდია 12 წლის ტანჯვის შემდეგ ნივთს იმეცნებს მთელი თავისი არსებით. მსგავსი რამ აღწერილია ვაგნერის „ნიბელუნგების რგოლშიც“. კაპანელის აზრით, აქ მრავლად დაიძებნება ბერგსონისეული შემოქმედების ახსნის ფსიქოლოგიური მოტივების ანალოგია. ყოველ შემთხვევაში „მინდიას ფსიქოლოგია მთელი კაცობრიობის ფსიქოლოგიაა“. მინდია, როგორც ფსიქოლოგიური ფენომენი, უფრო მალა დგას, ვიდრე პრომეთე და ფაუსტი, მასში განხორციელებულია ადამიანის გონის განვითარების ყველა მომენტი (ხოლო ფაუსტსა და პრომეთეში ცალკეული მომენტებია). პოემაში ადამიანის არსებობის უღმრთელი ტრაგედია, მიწიერი ყოფის საზრისი და მიზანია გადმოცემული. ის, რაც სცადა ლამარტინმა და ვერ გააკეთა, გააკეთა ვაჟამ: მინდია არის კოსმოსური მსოფლმხედველობის განსახიერება, ის პანსოფია, რომელიც სიყვარულის საგნად იხდის ბუნებას (მინდიას, როგორც გენიოსს, ესმის კოსმოსის ენა და ამიტომ უყვარს იგი. ის, რაც ყოველთვის იყო ადამიანის მიზანი, — ბუნებასთან შერწყმა და მასთან კომუნიკაცია, — და რასაც ის ვერასდროს ახორციელებდა, განახორციელა მინდიამ. მასთან საუბრობს კოსმოსის ყოველი ნაწილი, ამავე დროს, ის ერწყმის მთელ კოსმოსს და მასთან ერთიანი ხდება. მის სახით ინდივიდუალობამ შეეგრძნო თავისი ყოფიერების საზრისი და საერთოდ მთელი ცხოვრების საზრისი, რადგან მას ესმის ცხოვრება და უყვარს იგი. მინდიას მამოძრავებელი სიყვარული ქმნის პარმონიას პიროვნებასა და ბუნებას შორის, მაგრამ ცხოვრება არის ძალა, რომელიც უარყოფს მინდიას (ამ პარმონიას) და ეს ძალა ოჯახია. ქალი და ოჯახი კლავენ მასში შემოქმედებით საწყისს, ეს ნიშნავს, რომ კეთი-

ლისა და ბოროტის განუწყვეტელ ბრძოლაში იმარჯვებს ბოროტი, რომლის სახელია ცხოვრება.

რასაკვირველია. კაპანელის მსოფლმხედველობა მიუღებელია ჩვენთვის. ის „ცხოვრების ფილოსოფიის“ ირაციონალური, ბიოლოგისტური ნაკადის განზომილებაში დევს, მაგრამ უტყუარა ფაქტია, რომ კაპანელმა თავისი მსოფლმხედველობის, კოსმიზმის მიუხედავად, თუ შის გზით, შეძლო ამოეკეთხა ორი დიდი შემოქმედის: ბარათაშვილისა და ვაჟა-ფშაველას პოეზიის ფილოსოფიური შინაარსი. განსაკუთრებით ხელშესახებია მისი დამსახურება ვაჟას „გველის-შჰამელის“ ფილოსოფიური ანალიზის საკითხში. კაპანელის მსოფლმხედველობის არეალში ისე მრავალმხრივად წარმოდგა ვაჟას პოემის ფილოსოფიური საზრისი, რომ მან დააკანონა შემდგომში მისი ფილოსოფიური ანალიზი. კაპანელის მიერ დაყენებული საკითხები იმდენად მნიშვნელოვანია, რომ პასუხის მიუხედავად მან შეძლო საკითხის დაყენებისთვის მიეცა ისეთი ბიძგი, რომელიც აზროვნებას დღესაც ამოძრავებს ამ მიმართულებით. აღბათ ეს აჩხსნება ვაჟას უსაზღვრო საყვარულოთ ბუნებისადმი, რომელიც კაპანელისეული კოსმიზმის ერთ-ერთი ძირითადი პრინციპია.

როგორც აღვნიშნეთ, ამ წერილების სერიაში წამოჭრილი პრობლემები მიიყვანს კაპანელს თავისი აზროვნების ძირითად მიმართულებამდე და მის ინტერესთა ფართო წრეს მოხაზავს, რაც შემდგომ განვითარებას პოულობს წიგნში: „ტანჯვა და შემოქმედება“ (რუსულ ენაზე). წიგნი გარკვეულად არ ატარებს ერთიანი ნაშრომის სახეს. იგი ავტორის განცხადებითაც „ფრაგმენტებს“ წარმოადგენს, მაგრამ ამ ფრაგმენტულ, ნახევრად ესეისტურ ფორმაში მოცემულია მისი მსოფლმხედველობა, რომელიც ახლო ნათესაობას ავლენს ნიცშესა და საერთოდ „ცხოვრების ფილოსოფიის“ მსოფლმხედველობრივ ტრადიციასთან, რომლის იდეები ამ შრომაში უფრო ვრცლად და მრავალფეროვნად არის წარმოდგენილი, ვიდრე წერილებში. არა მარტო საკითხებას დაყენებით თუ მათა გადაჭრის გზებით, არამედ ფილოსოფოსობის მხატვრულ ფორმაში გახვევითაც კაპანელი ნიცშეს მიმდევარია. იგი ფილოსოფიურ ძიებას ლიტერატურულ პუბლიცისტურ ფორმას ანიჭებს, რაც ამ პერიოდში მოინათლა პუბლიცისტურ ფილოსოფიად, რომელმაც თავისებური ესეისტური ფორმა მიიღო ექსისტენციალისტებთან. ეს ფორმა ადრეც არსებობდა, მაგრამ მან ლობინანტური როლი შეასრულა ექსისტენციალურა აზროვნებას ლიტერატურულ ფორმაში. კაპანელის მხატვრული სახეები და საერთოდ ლიტერატურული

სტილიც, სწორედ ამ ფორმის გამოხატეა. თუ გავითვალისწინებთ ამ ნააზრვეის ანტიინტელექტუალისტურ, ანტილოგიკისტურ ნაკადს, ადვილი გასაგები გახდება, რომ ასეთი ფორმა მას ყველაზე უკეთ მოერგო. ამავე დროს. აზროვნების ასეთი სტილი — გრძობათა სამყაროში აზრების გათქვეფა — ლოგიკური აზროვნებისათვის მიუღებელია. ალბათ ნაწილობრივ ამით აიხსნება კაპანელისადმი ინტერესის შენელება 20-იანი წლების დასასრულს და დღეისათვის არსებითად მისი დაკარგვა. კაპანელის აზროვნების განვითარების აღნიშნულ საფეხურზე უფრო გამოიკვეთა მისი ინტერესები და ამ წიგნში, რომელიც ფილოსოფიის კრიტიკული წერილების თავისებური კრებულია, ერთი საერთო იდეა თუ ტენდენცია გამოიხატა. ეს არის ტანჯვისა და შემოქმედების ორგანული ფსიქოლოგიური კავშირის იდეა, მტკიცება; რომ „ტანჯვა ონტოლოგიურად და დინამიკურად დაკავშირებულია შემოქმედებასთან“¹. ტანჯვა და არა გონება აკავშირებს სამყაროს რეალობას, იდეალს, სილამაზეს. ტანჯვა აღანთებს ნათელს. ამ წანამძღვრიდან ამოსვლით აფასებს კაპანელი გონებასა და მეცნიერებას. ცდილობს დაადგინოს სამყაროს მეცნიერული გაგების მეტაფიზიკური ღირებულება. ამ მიზნით გადადის ყოფიერების ზოგადი საკითხების განხილვაზე. მატერიისა და სულის, ცხოვრებისა და შემეცნების, ცოდნის სუბიექტურობა-ობიექტურობის პრობლემებზე. ამით თავისებურად ესთეტიკურ განასერში გააზრებული საკითხებიდან და ცხოვრების საზრისის კითხვიდან, იგი თავის მსოფლმხედველობის არეს აფართოებს ზოგად ონტოლოგიურ და გნოსეოლოგიურ პრობლემატიკამდე.

კაპანელი თავის ნააზრვეს იწყებს ყოფიერების არსების შემეცნების შესახებ საკითხის დასმით. უპირველესი ყოფიერების პრობლემაა, მაგრამ ეს ონტოლოგიური საკითხი რომ გადაწყდეს, ამისთვის აუცილებელია დადგინდეს საკითხის გადაწყვეტის საზღვრები — რა შეუძლია ადამიანს იცოდეს „ყოფიერების აბსოლუტური ონტოლოგიური არსების შესახებ“. ეს ნიშნავს, შემოწმდეს ადამიანის ცოდნა და დაისვას მისი არსებობის ძირითადი ფორმის მეცნიერების ღირებულების პრობლემა. რადგან საკითხი ფილოსოფიურ ასპექტში განახილება, უნდა დადგინდეს „მეცნიერების მეტაფიზიკური ღირებულება“. კაპანელის აზროვნების ეს წესი, ლოსკისა და ბერდიაევის მიერ „გნოსეოლო-

¹ К. Капанели. Страдание и творчество, Тифлис, 1917, гл. 3.

გიურ ონტოლოგიად“ წოდებული, მსჯელობის ფორმაა, რომელშიც ყოფიერების ძიებას წინ უსწრებს მისდამი მისასვლელი გზების დადგენა. ყოფიერების თეორია. პირველ რიგში მეცნიერებაა და საკითხი ისმის მისი არსების შესახებ. ამ-ს დასადგენად კი აუცილებელია მისი წარმოშობის გარკვევა. კაპანელის აზრით, მეცნიერება თავდაპირველად, ცხოვრებასთან მჭიდრო კავშირში წარმოიშვა. კერძოდ, ის იყო მოვლენათა პრაქტიკული განხილვა; ამიტომ ხელოვნებას წარმოადგენდა. თუ კლასიციზმის ფილოსოფია ხელოვნებაა, თუ არისტოტელედან ამოსული შოპენჰაუერისთვის ისტორია ხელოვნებაა, კაპანელისთვის მთელი ცოდნა ხელოვნება — არა მარტო მის ისტორიულ წარმოშობაში, არამედ არსებობის თანამედროვე ფორმაშიც. მისი აზრით, მეცნიერებისთვის ხელოვნებისეულობის ნიშანი იმიტომაც ძირითადი, რომ მეცნიერება ხელოვნების მსგავსად თვითნებურია. მისი ცნებები არაფერს შეიცავს სინამდვილის არსებიდან, რაც მათ აბსოლუტურ მნიშვნელობას მიანიჭებდა. მოვლენათა ყოველი ჯგუფისთვის არსებობს უსასრულოდ მრავალ თეორიათა შექმნის შესაძლებლობა და ყოველ მათგანს ერთნაირად ექნება არსებობის უფლება, თუკი ისინი ლოგიკურად სწორად იქნებიან მოაზრებულნი. ფაქტებს და თეორიას შორის კავშირის სხვა ფორმა არ არსებობს თუ არა სუბიექტური აუცილებლობა. როგორ შევიგრძნობთ სამყაროს, ესაა მეცნიერების შინაარსი, მაგრამ ჩვენ მიერ სამყაროს შეგრძნება იცვლება, შესაბამისად მეცნიერების შინაარსიც ცვლებადია. როდესაც სამყაროს შევიგრძნობდნენ ბრტყლად, შეიქმნა ევკლიდური გეომეტრია, როდესაც სამყაროს შეგრძნება შეიცვალა, სიბრტყეების გეომეტრია შეცვალა ლობაჩევსკისა და რიმანის სფეროთა გეომეტრიამ. კაპანელის აზრით, სამყაროს მეცნიერული გააზრება ისეთივე შეფარდებითი, არამყარ და მცდარია, როგორც წინამეცნიერული. ერთნაირი ღირებულებისაა ასტროლოგია, მაგია და თანამედროვე თეორიული გააზრებანი ასტრონომიისა და ქიმიის დარგში. („ჩვენ მეცნიერების აყვავებას- ეპოქის ადამიანები“ ცხოვრებასთან ბრძოლაში ისევე უმწეონი ვართ, როგორც წარმართები და ადრეული ქრისტიანები.) მეცნიერების ბატონობით რელიგიური მისტიციზმის სფერო კი არ ვიწროვდება, არამედ ფართოვდება და ეს იმიტომ, რომ მეცნიერებას არ ძალუძს არსების ცოდნა, ხოლო მოვლენათა მიმართების შესახებ მისი ცნებები მხოლოდ ყოფიერების შესაძლებლობებს გამოხატავენ და მოკლებული არიან აბსოლუტურ მნიშვნელობას. ატომის თანამედროვე თეორიამ კაცობრიობა დემოკრი-

ტეს მატერიალურ ატომებზე უფრო ღრმად ვერ შეიყვანა სინამდვილის ცოდნაში, იმიტომ, რომ არც ერთი და არც მეორე არაფერს ამბობს სამყაროს არსებობაზე. ახალი თეორიებით ადამიანები „მხოლოდ თავს იტყუებენ“. ძნელი მისახვედრი არაა, რომ კაპანელის ეს მსჯელობა საუკუნის დასაწყისში გაბატონებული რელატივიზმისა და კონვენციონალიზმის გამოძახილია; შემთხვევითი არაა, რომ შემდგომ კაპანელი თავისი აზროვნების წყაროებში დაასახელებს ანრი პუანკარეს ნააზრევს. კაპანელთან, შემეცნების პროცესში მოვლენათა სიღრმეში შეჭრის შედეგად, ძველი ცოდნის ახლით შეცვლა გაგებულია როგორც ცოდნის ობიექტურობის უარყოფელი და გააბსოლუტურებული რელატივიზმი. ლენინის მიერ გაკრიტიკებული მახიზმის, ემპირიოკრიტიციზმისა და ფიზიკური იდეალიზმის გნოსეოლოგიური პრინციპები გვხვდება კაპანელის მოძღვრებაშიც. მასთან მრავალი ლოგიკური წინააღმდეგობა იჩენს თავს. კერძოდ, როდესაც ამტკიცებს, რომ სამყაროს ევკლადური შეგრძნების შეცვლა გამოიწვია ამერიკის აღმოჩენამ და დედამიწის სფეროსებურობის გარკვევამ, რომელმაც მიგვიყვანა ლობაჩევსკისა და რიმანის მიერ სფეროსებურობის შეგრძნებამდე, ამით კაპანელი ნიადავს აცლის საკუთარ მტკიცებას თეორიის წმინდა სუბიექტურობაზე და მიუთითებს მისი შეცვლის ობიექტურ საფუძველზე. ის ფაქტი, რომ სამყაროს ატომისტური სურათი შეიცვალა ელექტრონულით, რომელსაც ახლავს მრავალი გაუცნობიერებელი და გადაუწყვეტელი საკითხი, მეტყველებს არა ცოდნის შეუძლებლობაზე საერთოდ, არამედ იმაზე, რომ აბსოლუტური ცოდნა მიუღწეველია, რომ სამყაროს შემეცნების გზაზე ყოველი ახალი ნაბიჯი ახალ საკითხებს სვამს და ახალ სიძნელებებს აწყდება. მაგრამ ეს ნაბიჯები არის სწორედ მიახლოება სამყაროს აბსოლუტურ ცოდნასთან, რომელიც ამომწურავად არ მიიღწევა, თუმცა ამის გამო ცოდნა არ სდება უსაფუძველო და სუბიექტური.

კაპანელის აზრით, ცოდნის სუბიექტურობა უფრო ნათლად ჩანს სოციალურ მეცნიერებებში. სოციალურის შესახებ თეორიათაგან კაპანელი ყველაზე მალლა აყენებს მეცნიერული სოციალიზმის თეორიას. შეუძლებელია არ დავეთანხმოთ კაპანელის მტკიცებას, რომ „არსებითად მეცნიერული სოციალიზმის“ თეორეტიკოსთა მოძღვრება ყველაზე კეთილშობილი და დადია, ყველაზე მწყობრი და სიმართლიერი, ყველაზე სერიოზული და რეალისტურია ყველა ფილოსოფიურ და სოცი-

ოლოგიურ მოძღვრებათაგან¹. მისი აზრით, სოციალისტების მოძღვრება, ისე როგორც ყველა მეცნიერული თეორია, ემყარება წანამძღვრებს: რომ წარსულის მოვლენათა მსვლელობა მიზეზობრივად განსაზღვრავს მომავალს. რომ მათ შორის ერთმნიშვნელოვანი კავშირია და, რომ სამყარო ექვემდებარება ერთგვარობის პრინციპს. რომლის გამოხატულებას წარმოადგენენ კანონები. კაპანელი ფიქრობს, რომ არცერთ ამ წანამძღვარს არა აქვს საფუძველი თვით სამყაროში. მომავლას პროგნოზები დღეს რომ დასაბუთებული ჩანს, ხვალ შეიძლება სინამდვილემ უკუაგდოს. დიალექტიკური ლოგიკა, რომელიც მიზეზობრივ განსაზღვრულობას ემყარება, არ ითვალისწინებს, რომ მიზეზობრიობიდან სულ უფრო მეტი გადახრა ხდება, რასაც უმნიშვნელოდ თვლიან, მაგრამ ფაქტობრივად შემთხვევით მოვლენათა რიცხვი არანაკლებია, ვიდრე კანონზომიერი. თეორიები და კანონები არაფერს გამოხატავენ, თუ არა ცნებათა ლოგიკურ კავშირს. „მეცნიერების კანონები ერთგვაროვანია, მაგრამ ერთგვარობა ბუნებაში არაა. ცხოვრების ფაქტები ლოგიკური თანმიმდევრობით არ მეორდება და მოვლენათა მსვლელობამ არ იცის მწყობრი კანონზომიერება. კანონი ყოფიერების ბუნებრივად განმეორებად ცდას კი არ გამოხატავს, არამედ განყენებულ ცნებათა მიმართებას, რომელნიც ადგენენ კავშირს მხოლოდ ზოგიერთ ხელოვნურად შერჩეულ მოვლენებს შორის“². ადამიანის ცნობიერებას სინამდვილიდან კი არ გამოყავს კანონები, არამედ არჩევს მოვლენათა განსაზღვრულ ჯგუფს, ამყარებს მათ შორის ლოგიკურ თანმიმდევრობას და შემდეგ ეს ლოგიზირებული მოვლენები ხდება მთელი სამყაროს ცხოვრების მასშტაბი. ე. ი. სუბიექტი უკარნახებს, თავს ახვევს სამყაროს პრინციპებს, რომელთაც მიაწერს ობიექტურ მნიშვნელობას. ეს არის რაციონალიზმის სიყალბე, რომელსაც, კაპანელის აზრით, ბერგსონმა სავსებით მართებულად დაუპირისპირა ცხოვრების სტიქიურობა. კაპანელის აზრით, ბერგსონის, ლამარკისა და დარვინის თეორიებმა რაციონალიზმს სიკვდილი მოუტანეს. არა თუ სამყარო, არამედ ჩვენი ცხოვრების ყოველი მომენტიც უსასრულოდ მრავალ შემთხვევითობათა შედეგია და არავითარი განგება და მიზანდასახულობა არა აქვს სამყაროსა და სიცოცხლეს. ამ შემთხვევითობათა სიმრავლე ცნობიერებისთვის მაუწყებდომელია. „სიცოცხლე კოსმიური ცხოვრების უსას-

¹ К. Капанели. Страдание и творчество, Тифлис, 1917, გვ. 9—10.

² იქვე გვ. 10.

რულოდ თვალუწვდენელი და საიდუმლოებით მოცული გამოვლენაა. ცხოვრების საყოველთაო პროცესის რაციონალიზება იქნებოდა ოკეანის გაზომვა ჩაის კოვზით¹. კაპანელის აზრით, ყველა ის დამთხვევა შემეცნების შედეგებისა სინამდვილესთან, რომლითაც მეცნიერები ამყობენ, მხოლოდ შემთხვევითია. „ფილოსოფიის ისტორია სამყაროს რეალობის ადამიანური შემეცნების სუბიექტურობის მთელ საიდუმლოებას გადაგვიშლის“. თვითონ კოსმიური ყოფიერება ადამიანისთვის რჩება მარადიულ საიდუმლოებად, რომლის გამოცნობა მას არ ძალუძს. ადამიანი მხოლოდ ქმნის პრინციპებს, რომლებითაც ზომავენ სამყაროს. ყველა ეპოქა და ფილოსოფოსი ცხოვრების საზომად საკუთარ პრინციპს აყენებს: ბერძნები — მორალურს; ქრისტიანები — სიყვარულს; კანტი — კატეგორიულ იმპერატივს; ვუნდტი — თემობას; ნატორპი — ერთობას; კოვალევსკი — სოლიდარობას; კონტი — ცოდნის ზრდას; ზამელი — ენერჯიის შენახვას; ნიცშე — სტაქურობას; პეგელი — ლოვოსს; შოპენჰაუერი — ნებელობას და სხვა და ადამიანის ცნობიერება მუდამ ახალ პრინციპებს ქმნის, მაგრამ ისინი ერთნაირად დაშორებულია იმ სინამდვილეს, რომელიც მასზე უნდა გაიზომოს: „უსასრულო წარსულსა და უსასრულო მომავალს შორის ვიყოფებით ჩვენ, როგორც მარადისობის ეფემერიდები, რომელთაც არ გვიწერია არც წარსულის და არც მომავლის საიდუმლოებათა წვდომა“. ყოფიერების არსება ადამიანისაგან დაფარულია, მას აქვს მხოლოდ ინტერპრეტაციები, რომელნიც გამოხატავენ ჩვენ მერ სამყაროს შეგონება-განცდას და არა თვით სამყაროს. კაპანელის აზრით, აბსოლუტური კეშმარიტება არ არსებობს, ხოლო შეფარდებითი კეშმარიტება შეუძლებელია. ერთადერთი, რისი დადგენაც შეიძლება, შემდეგია: „სუბიექტი კეშმარიტების ერთადერთი წყაროა, ყოფიერების კანონმდებელია, მოვლენათა და ნივთთა შემოქმედი“².

ყოველივე ზემოთქმულის შემდეგ დავსვათ კითხვა — როგორ გადაწყვიტა კაპანელმა დასმული საკითხი? ის ეძებდა მეცნიერების მეტაფიზიკურ ღირებულებას და ამ მიზნით შეიმუშავა გარკვეული პოზიცია. როგორია იგი? ამის გარკვევა მოითხოვს საკითხისადმი „ცხოვრების ფილოსოფიის“ პოზიციის გარკვევას. ცნობილია, რომ მეცნიერების

¹ К. Капанели. Страдание и творчество, Тифлис, 1917, гл. 12.

² იქვე, გვ. 15.

ნიშნით „ცხოვრების ფილოსოფიის“ და განსაკუთრებით ნიცშეს პოზიცია დღესაც სადავოა, ისე როგორც ექსისტენციალიზმის პოზიცია, რომელიც აგრძელებს „ცხოვრების ფილოსოფიის“ ტრადიციებს. ზოგიერთის აზრით, „ცხოვრების ფილოსოფია“ და ექსისტენციალიზმი მეცნიერების უარყოფაა, ყოველ შემთხვევაში ნიცშეს პოზიცია მეცნიერების ღირებულების უარყოფაშია. თვითონ ექსისტენციალისტებამტკიცებენ, რომ არც ნიცშე და არც ექსისტენციალიზმი არ უარყოფს მეცნიერების ღირებულებას. უარყოფენ მხოლოდ მეცნიერების გააბსოლუტურებას, სციენტრიზმს. ყოველ შემთხვევაში როგორც „ცხოვრების ფილოსოფიის“, ისე ექსისტენციალიზმის წარმომადგენლებთან საკითხი შეიძლება სადავო იყოს, მაგრამ კაპანელთან ამაზე დავა უსაფუძვლო იქნებოდა — იგი ნათლად, ყოველგვარი მერყეობის გარეშე, უარყოფს ცოდნის ობიექტურ ხასიათს და ამდენად მეცნიერების თეორიულ ღირებულებასაც. ერთადერთი, რაც რჩება მეცნიერებას, მისი პრაქტიკული მნიშვნელობაა და იგი არაა დამყარებული ცოდნის მოვლენათა არსებასთან შესაბამისობაზე. იგი მხოლოდ მეცნიერების პრინციპების სინამდვილეში ორიენტირებისთვის მოხერხებულ გამოყენებას ემყარება. აგნოსტიციზმი, კემპარიტების ობიექტურობის უარყოფა, სუბიექტივიზმი კაპანელის ნააზრევისა, მიმართულია მეცნიერების ღირებულების წინააღმდეგ.

მაშასადამე, კაპანელის აზრით, შემეცნება შეუძლებელია, ყოფიერების არსება მიუწვდომელია და მაინც ფილოსოფიამ უნდა იმსჯელოს ყოფიერებაზე. როგორ ესმის კაპანელს ყოფიერება? მართალია, მან გამოორიქხა ყოფიერებისაკენ ცოდნის გზა, და რწმენაც არაა მისი იდეალი, მაგრამ მაინც იძლევა ყოფიერების გარკვეულ გაგებას: ეს არაა სამყაროს ინტელექტუალური სურათი, არც გონების შედეგი. კაპანელის ენით რომ ვთქვათ, იგი სამყაროს სტიქიური განცდაა ისეთად, როგორადაც სუბიექტს ევლინება გრძნობების გზით, თავისთავადი სამყაროს წვდომის პრეტენზიის გარეშე. სანამ უშუალოდ ყოფიერების გაგების კაპანელისეულ თვალსაზრისს გადმოვცემდეთ, უნდა აღვნიშნოთ შემეცნების გზების მისეული კონტურები.

კაპანელის ფილოსოფოსობის ამოსავალია როგორც შემეცნების, ისე ყოფიერების მიმართ სუბიექტის განმსაზღვრელობის პრინციპი. ეს არაა აბსოლუტური სუბიექტი, მსოფლიო გონი ან ობიექტური ნებელობა. იგი ყოველი ინდივიდია, რომელიც სამყაროს სურათს ქმნის საკუთარი შთაბეჭდილებების შესაბამისად და რომელზედაც დამოკიდე-

ბულია სამყაროს გაგება. სამყარო და მისი სურათიც არც ინტელექტუალურია და არც წარმოდგენისეული, — იგი ნერვულ სისტემაში წარმოშობილ სახეთა ერთობლიობაა. „სამყარო ჩემი წარმოდგენა კი არაა, არამედ სახეთა სიმრავლე“. რეალობის გრძნობა მხოლოდ და მხოლოდ შთაბეჭდილებების მიღების უნარზეა დამოკიდებული და არა აბსტრაქციებზე ან სილოგიზმებზე. საკიონჯია. რა იწვევს სახეთა ერთობლიობას? კაპანელის აზრით, მცდარია თეორია, რომელიც ტვინს მიაწერს მათ წარმოშობას. ტვინი თვითონაა ერთ-ერთი სახე შექმნილი ჩემი განცდების გზით. ტვინი არაა აზრის წყარო, ტვინი არაფერს არ ქმნის. აზროვნება აქტიურ-ბიოლოგიურა ბუნების შემოქმედების შედეგია. კაპანელი ამ შემთხვევაში იმეორებს ავენაროუსის მოსაზრებას, რომ ტვინი არაა აზრის სამყოფელი, რომ აზრი მთელი ჩვენი ნერვული სისტემის მოქმედების შედეგია. კაპანელის აზრით, გონება კი არ განსაზღვრავს ჩვენს აზროვნებას, არამედ ინტუიცია, რომელიც ინტინქტური ნათელხედვის სიღრმის გამოვლენაა. ყოველი ინტუიცია ამოდის ორგანული ყოფიერების სიღრმიდან და „ობიექტურ ღირებულებას ღებულობს მხოლოდ შემოქმედებითი ინდივიდუალობის ილუზიაში“. (ეს მოწმობს, რომ აზროვნების წყაროა არა ტვინი, ან სუბიექტის რომელიმე ნაწილი, არამედ ინდივიდუალობის მთელი ბუნება. უარყოფს რა აზროვნების გამოშუშავების უნარს ტვინის მიერ, ამავე დროს, ცდილობს მოსსნას აზრისა და ტვინის კავშირის დამსაბუთებელი არგუმენტი, რომლის მიხედვით ტვინის დაზიანების შემთხვევაში აზროვნების უნარი იკარგება. კაპანელის აზრით, ეს მხოლოდ იმას მოწმობს, რომ ნერვულ სისტემაში გამოშუშავებული აზრების მიმართ ტვინი ასრულებს ტელეფონის სადგურის როლს, რომელიც გადასცემს ამ აზრებს. სხვანაირად აუხსნელი დარჩება, როგორ ხდება, რომ სულიერი პროცესების დარღვევის შემდეგ. ტვინის დაზიანების მიუხედავად, ხდება სულიერ პროცესთა აღდგენა. — ეს მიუთითებს იმაზე, რომ „ტვინი არაა ჩვენი შემეცნების წყარო და, რომ აზრთა ძირითადი თავდაპირველი ელემენტებია ორგანული წარმოშობისაა“. კიდევ მეტი, მისი აზრით, აზროვნების უნარი საერთოდ მთელი მატერიისათვისაა დამახასიათებელი, რადგან აზროვნება ორგანული გარემო არ არსებობს, ყოველი მატერია გარკვეულად განსულიერებულია და მას აქვს ტანჯვის უნარი. სწორედ ეს ტანჯვა ქმნის სულის

¹ К. Капанели. Страдание и творчество, Тифлис, 1917, გვ. 20.

სიდიადეს. შემოქმედებითი გონი ტანჯული მატერიის წარმონაშობია. „ყოველი მატერია ტანჯვის ცეცხლოვანი დარტყმების გავლენით ყალიბდება ცნობიერების მცოცავ სხივებად“. სამყაროს ცხოვრების ფორმა გონების ვიწრო კატეგორია როდია, არამედ ინსტინქტის ფართო და უსასრულო სიციცხლე. აქედან გამომდინარე, კაპანელი ცდილობს დაამტკიცოს, რომ არაა არავითარი დაპირისპირება სულსა და სხეულს შორის, აბსტრაქციათა და ცნებათა სამყარო კონკრეტულ, ფსიქიკურ მდგომარეობათა არაცნობიერად ორგანიზებული ფორმაა. სული არაა საწყობი, სადაც სასაფლაოს მსგავსად განლაგებულია იდეები და ცნებები. „იდეები ორგანული წარმონაქმნები ია“. მატერიის ყოველი ნაწილაკი ჩართულია შემოქმედებით ტანჯვაში და ყოველი ფსიქიკური ლტოლვა გამოსატავს წვის ფარულ პროცესს. კაპანელი ყველაფერ ამას ამტკიცებს იმის წინააღმდეგ, რომ აზრი ჩაითვალოს მატერიის უმაღლესი პროდუქტის — ტვინის თვისებად. იგი ცდილობს მთელ მატერიას მიაწეროს ორგანულობის თვისება, რომელიც აზრის წყაროდ ითვლება, მაგრამ ამით იმის მტკიცება კი არ უნდა, თითქმის მატერიაა საწყისი, არამედ მატერიის სპირიტუალიზაცია, განსულიერება არის მისთვის ყოფიერების მინიჭება. ყოველ შემთხვევაში საკითხს — აზრები ტვინის შედეგია, თუ ორგანული წარმონაშობისაა, კაპანელი მიყავს უფრო ფართო პრობლემამდე: როგორია მიმართება მატერიალურსა და სულიერს, ობიექტურსა და სუბიექტურს შორის. აქ უფრო მკაფიოდ გამოჩნდება კაპანელის სუბიექტური იდეალიზმი.

ყოფიერების კაპანელისეული გაგების ამოსავალი პრინციპია „მე“-ს აბსოლუტურობა. ყველა ფილოსოფოსმა თავისი პრინციპი წამოაყენა და კაპანელიც აყენებს მას: „ჩვენი მე, ეს დიადი პრინციპია... ობიექტი მხოლოდ სუბიექტის ილუზიაა... ობიექტად ყოფნა ნიშნავს სუბიექტისთვის ყოფნას, არსებობა ნიშნავს, იყო შემჩნეული და გაგებული. სუბიექტს ობიექტზე გადააქვს ეს, რასაც ნახულობს ამ ობიექტის აღქმაში“¹. სამყარო არც გონებაზე და წარმოდგენაზეა დამოკიდებული. სამყარო არის ის, რაც ჩემ მიერ შეგრძნობილია და ფორმირებული სახეებად. მაშასადამე, ყოფიერება ბუნებრივად განსულიერდება და სამყარო ინდივიდუალიზდება. ამ პროცესში მთავარია სიციცხლე, რომელსაც კაპანელი ორ საწყისს მიაწერს: ფიზიკურს და ფსიქიკურს. „მე“ სწორედ ამ ორი საწყისის გზით მიიღება, რაზეც პასუხი მოცე-

¹ К. К а п а н е л и. Страдание и творчество, Тифлис, 1917, გვ. 14, 15.

მულია კოსმიზმის მსოფლმხედველობაში, რომლის მიხედვით სამყაროსეული მატერიის სასიცოცხლო მოღვაწეობაში ხდება ორი მდგომარეობის — შეკუმშვისა და განმუხტვის — ცვლილება. პირველში მატერია აგროვებს ენერგიას, რისი ემანაციაც ხდება მეორე მდგომარეობაში. ორივე დამახასიათებელია როგორც ბუნებისთვის, ისე საზოგადოებისთვის. ისტორიაში შეკუმშვის პერიოდი უსწრებს განმუხტვას. კაცობრიობის ისტორიის პირველი პერიოდისათვის შეკუმშვა უცნობია. განმუხტვის პერიოდი კი აღმოსავლური და ცენტური კულტურების აყვავებაა. შემდეგ ისევე დგება შეკუმშვის პერიოდი (საშუალო საუკუნეები), შესაბამისად განმუხტვა იქნება რენესანსი. ასეთი პულსაცია ახასიათებს ყველა ხალხის კულტურას. მთელი მსოფლიო ისტორია — ეს არის შემოქმედებითი ევოლუციის, მატერიის სპირიტუალიზაციის პროცესი. ცხოვრებს პულსაციის ორი პერიოდი შეესაბამება ინსტინქტის ინტუიციასი გადასვლას. შეკუმშვა ინსტინქტის პროცესია, განმუხტვა — ინტუიციის. ინსტინქტისა და ინტუიციის ეს განსხვავება ძველ ბერძნულ მითებშია გაცნობიერებული — დიონისეს სახით წარმოდგენილია ინსტინქტი, ხოლო აპოლონის სახით ინტუიცია. დიონისე სხეულის, მიწიერის, ცხოველურის დამკვიდრებაა. იგი სასიცოცხლო წყურვილისა და ეროტული სიმთვრალის ექსტაზია. როდესაც ამ ვითარებაში არ ეტევა ძალა, მაშინ წარმოიშობა შემოქმედებითი სევდა, მოდის აპოლონი, როგორც შუქი ღამის შემდეგ. ესენი ერთმანეთის საპირისპირონი არიან, მაგრამ ერთმანეთიდან გამომდინარე. აპოლონი თავის მოღვაწეობას დიონისოს მიერ შექმნილ მასალაზე აგებს. ინტუიცია ინსტინქტის ორგანული სპირიტუალიზაციის გზით მიიღება. „ღამის სამეფო ინსტინქტი გადაიქცევა სინათლის, ინტუიციის სამეფოდ“, ამის საფუძველს ქმნის ეროსი, სიყვარული. სქესობრივი სიყვარული არის ის, რაც ადამიანის შემოქმედებით წვას იწვევს და ინსტინქტის სქესობრივ ენერგიად გადაქცევით ხდება ესთეტიკური, ეთიკური და ინტელექტუალური შემოქმედების ეროტულ მოთხოვნილებებთან მჭიდროდ დაკავშირება. და ეს კავშირი ეროსისა აპოლონთან ადამიანის ინდივიდუალობის განვითარებისათვის ყველაზე ძლიერი ფაქტორია. გენიოსი ეროსის შედეგია და არა სოციალურ-ეკონომიკური ვითარების. ასე წყვეტს კაპანელი საკითხს. „გენიოსის სულში ეროსი მუდმივად ზის, დიდი მხატვარი მხოლოდ ისაა, ვისაც სიყვარული შეუძლია განუწყვეტილად... დიდი ფილოსოფოსიც, ისე როგორც

დიდი მხატვარი, აღსავსეა ეროტული გრძნობებით¹. ტანჯვა, რომელსაც იწვევს სიყვარული, ასულიერებს ორგანულ სამყაროს. გენიოსის ხელში იგი ფართოვდება კოსმოსთან შერწყმამდე. აქ ავტორი ავლენს თავის დამოკიდებულებას ბერგსონთან, თუმცა ფორმალურად აკრიტიკებს მას, ცდილობს, ბერგსონის გავლენა ნაკლებმნიშვნელოვნად დასახოს, რადგან ბერგსონი თავადაა დავალებული გიუიოსაგან. იგი ამოსავლად თვისის გიუიოს მოძღვრებას და არა ბერგსონისას.

კაპანელი თავის კოსმიზმს, მთელი სამყაროს წარმოდგენას, ინდივიდის როგორც განსულიერებული „მე“-ს განასერში, ავსებს ფროიდიზმის პრინციპებით და შემოქმედების საზრისის გამოყენა სურს ეროტული საწყისებიდან. ესეც ინდივიდუალიზაციის გზაა, ამიტომ შემთხვევით არ უწოდებს ის თავის თეორიას „ანარქიულ ინდივიდუალიზმს“. მთელი სამყარო მას გამოყავს ინდივიდის გრძნობათა სამეფოდან. არა აბსტრაქტული ქმნას კონკრეტულს, არამედ კონკრეტული აბსტრაქტულს. ზოგჯერ კაპანელის ნააზრევში ისეთი დებულებები გვხვდება, რომელნიც უნდა მიგვანიშნებდნენ მის მატერიალისტურ მსოფლმხედველობაზე. ასე მაგალითად, ის ებრძვის ლოგოსის, გონის სამყაროს საწყისად გამოცხადებას და ამტკიცებს, რომ „გონება კი არ გამოყოფს მატერიას, არამედ მატერია იმანენტური სპირიტუალიზაციის მტანჯველ პროცესში აძლევს გონებას ფორმას, ანთებს ცნობიერების ცეცხლს, გადმოისვრის იდეათა, წარმოსახვათა, ილუზიათა, მზიურ ჩირაღდანს“². ფაქტობრივად კაპანელი ძალზე შორსაა მატერიალიზმისაგან, ხოლო თუ მას დავუჭერებთ, ის ასევე შორსაა იდეალიზმისაგანაც. მისი აზრით, „რეალიზმი (მატერიალიზმი — ე. კ.) და იდეალიზმი იმ ფორმით, როგორც ისინი არსებობენ ფილოსოფიის ისტორიაში, ადამიანის ლოგიკის სიკრუის ორი პოლუსია“, პოზიტივისტები კიანჭველებივით აგროვებენ მასალას, ხოლო რაციონალისტები ობობასავით თავისთავიდან ქსოვენ არსებათა და ნივთთა იდეებს. ამრიგად, იგი მატერიალიზმზე და იდეალიზმზე მალლა დგომის პრეტენზიას აცხადებს. ასეთი პრეტენზია პოზიტივიზმსაც აქვს, თუმცა კაპანელი მასაც უარყოფს. ამის მიუხედავად კაპანელის პოზიცია ალტერნატივის ერთ-ერთ მხარეზე თავსდება — ეს არის იდეალიზმის გარკვეული სახეობა — სენსუალისტური, სუბიექტური იდეალიზმი. კაპანელი არ ეთანხმე-

¹ К. Капанели. Страдание и творчество, Тифлис, 1917, გვ. 36.

² იქვე, გვ. 44.

ბა იმას, რომ სამყარო აბსოლუტური გონის გამოვლენაა, არც იმას, რომ სამყარო მისი წარმადგენაა, მაგრამ ამით ის იდეალიზმს კი არ ძღვეს, არამედ იდეალიზმის ზოგიერთ სახეობას უარყოფს ისევე იდეალიზმის სასარგებლოდ. „სამყარო თავის არსებობას რომ ჩვენი გრძნობის ორგანოებს უმადლის“¹, რომ სამყაროს მრავალფეროვნება კი არ განაპირობებს გრძნობათა ორგანოების მრავალსახოვნებას, და ხუთი გრძნობა იმიტომ კი არ გაგვიერთარდა, რომ ამდენი სახის გამლიზიანებელი არსებობს ბუნებაში, როგორც ამას მატერიალისტი ფოიერბახი ამტკიცებდა, არამედ იმიტომ, რომ სამყაროს მრავალფეროვნებას განაპირობებს გრძნობათა მრავალფეროვნება. და თუ მხოლოდ ერთი შეგრძნების უნარი გვექნებოდა, მაგალითად ყნოსვისა, ჩვენ არ აღმოგვაჩნდებოდა არავითარი იდეები აღქმად, მოსმენად, შეხებად და გემოს მქონე საგნებზე, სამყარო დაკარგავდა თავის მრავალფეროვნებას. და თუ ადამიანს მოემატებოდა რომელიმე გრძნობის ორგანო, ბუნებაც შესაბამისად გარდაიქმნებოდა მასში. ამიტომ, რაც არ უნდა ილაპარაკონ პოზიტივისტებმა და მისტიკოსებმა, „სამყაროს რეალობა დარჩება ადამიანის განცდათა ფენომენალურ რეალობად“². ზოგჯერ კაპანელის ნააზრევი ყოფიერების პრობლემაზე უახლოვდება პრინციპული კოორდინაციის თეორიას, რომლისთვისაც სუბიექტი და ობიექტი არ არის ერთიმეორის გარეშე. კაპანელის აზრითაც, „გონი მატერიის გარეშე არაფერია, მატერია გონის გარეშე არაორგანიზებული უსახო ქაოსია“³. ორივე კი თავის ერთიანობას პოულობს „მე“-ში, რომლის განმსაზღვრელია ინდივიდუალური თვითცნობიერება და რომლის საფუძველია განცდები. „თვითცნობიერება არის სამყაროს ინდივიდუალურ აღქმათა ჯამი, რომელთა გარეშე არაა რეალობა“⁴. კლასიკური სუბიექტური იდეალიზმის ენით რომ გამოვთქვათ, კაპანელის მტკიცება ნიშნავს: არსებობა უდრის აღქმას, მაგრამ არა ღმერთის, არამედ მხოლოდ და მხოლოდ ინდივიდის აღქმასა და განცდას, იმ შემთხვევაშიც, როცა უშვებენ ღმერთის არსებობას ზეცაში, საქმე გვაქვს მის მიწიერ წარმოშობასთან, რადგან „ობიექტი არ შეიძლება იყოს სუბიექტის გარეშე“⁵. ყველაფერი მიწიერია და ამ აზრით

¹ К. Капанели. Страдание и творчество, Тифлис, 1917, გვ. 44.

² იქვე, გვ. 45.

³ იქვე.

⁴ იქვე, გვ. 121.

⁵ იქვე, გვ. 93.

პლატონის იდეათა სამყარო, ისე როგორც სოლოვიოვის მისტიკური რეალობა, ილუზიაა და კანტის ნოუმენი სხვა არაფერია, თუ არა შეგრძნებადი და აღქმადი მოვლენის საპირისპირო. ამრიგად, სამყაროს ყოფიერება მთლიანად და სავსებით ინდივიდუალური ყოფიერების განცდებზეა დამოკიდებული. ეს დამოკიდებულება უფრო მეტია ყოფიერების შემეცნების შემთხვევაში. სამყაროს შემეცნება, მისი განსულიერების გაგება ხდება ჩვენი „მე“-ს განსულიერების შემეცნების გზით. სამყაროს შემეცნება გარდატეხილია „მე“-ს შემეცნებაზე. „რაც უფრო ჩავდრმავდებით ჩვენ „მე“-ში, მით უფრო ფართოა ცხოვრების შესახებ ჩვენი ცნება“¹. ყველაფერი დამოკიდებულია „მე“-ზე, მისი ყოფიერება არის სამყაროს ყოფიერების საზომი. „ადამიანური „მე“ სამყაროს სირთულის ბარომეტრია. რაც უფრო ფართოა „მე“, მით უფრო ფართოა ცხოვრება, მით უფრო მრავალფეროვანია ბუნება, ორგანული და ფსიქიკური განცდები ის საიდუმლო ლაბორატორიაა, სადაც კეთდება სამყაროს სურათი“². კაპანელი ეძებს არა აბსტრაქტულ „ასოქთავრულ“ „მე“-ს (ლენინი), არამედ ემპირიულს და მას, ადამიანის სახით, მიაწერს სამყაროს შემოქმედებას. ყოველი ემპირიული ადამიანი ქმნის თავის სამყაროს. „ადამიანი უდიდესი მხატვარია, ბუნება ადამიანის სულის შემოქმედებაა“. სამყაროს რეალობაც და მისი რეალობის შესახებ საკითხის დასმაც ერთნაირადაა ადამიანის საქმე, მისი შემოქმედების შედეგი, და ყოველივე ამას ადამიანში საწყისს აძლევს ტანჯვა. ის არა მარტო შემეცნების თეორიული გააზრებების წყაროა, არამედ სამყაროს ყოველმხრივი განვითარების გზაც. „ადამიანი ერთადერთი არსებაა, რომელშიც ალაპარაკდა ცხოვრების ტანჯვა, რომელშიც განცდათა ძალამ სამყაროს ორგანიზებული ნებელობათა სიღრმიდან გამოიწვია არსებობის რეალობა, ნივთთა, მოვლენათა და არსებთა რეალობა, საკითხი ყოფიერების რეალობისა და იდეალობის შესახებ, ორგანულ განცდათა საკითხი და ცხოვრების ყველა ღირებულება მოპოვებული და ნაგრძნობია ტანჯვით, რომელნიც აღმოცენდებიან ადამიანის სულის სიღრმიდან“³. ყოფიერების თვითყოფიერებაზე, შემეცნების თვითშემეცნებაზე დაყვანით კაპანელმა საფუძველი დაუდო სუბიექ-

¹ К. К а п а н е л и. Страдание и творчество, Тифлис, გვ.46.

² იქვე, გვ. 48.

³ იქვე, გვ. 48

ტური იდეალიზმის თავისებურ სენსუალისტურ ფორმას — ინდივიდუალისტურ სუბიექტურ იდეალიზმს. რომელშიც არა მარტო გნოსეოლოგიური, არამედ ონტოლოგიური მომენტებიც გრძნობათა გააბსოლუტურების შედეგად, ინდივიდის გრძნობებით წარმოშობილად ცხადდება. ამითვე შექმნა მან წანამძღვარა ფილოსოფიის ამოცანის შესაბამისად გაგებისთვის. თუ რაციონალისტები ყოფიერების ფილოსოფიას ამოცანად უსახავდნენ გარკვეული სქემების შექმნას, რომლებშიც ყოფიერება მოთავსდებოდა და მისდ მასშტაბი იქნებოდა, ხოლო ემპირისტები კმაყოფილდებოდნენ ყოფიერებას ცდისეული, ფაქტობრივი მონაცემების ფიქსირებით, კაპანელი მიზნად ისახავს, ორივე დაძლიოს და საფუძველი დაუდოს ფილოსოფიის ამოცანის ისეთ გაგებას, რომლის მიხედვითაც ფილოსოფიამ შემოქმედებითად უნდა აღიქვას სამყაროს რეალობა იმ ფორმით, როგორც ის ვლინდება სამყაროს მრავალფეროვნების ინდივიდუალიზაციის, განცდათა ინდივიდუალიზების მტანჯველ პროცესში.

თუ ყოფიერება კაპანელისათვის ონტოლოგიურადაც და გნოსეოლოგიურადაც ინდივიდუალურ განცდათა, შეგრძნებათა შედეგია, ასეთივე იქნება ყოფიერების არსებობის ფორმებიც. რადგან დრო და სივრცე ისევე უნდა იყოს გაგებული როგორც თვით ყოფიერება. კაპანელი უარყოფს სივრცისა და დროის ობიექტურობას. ამავე დროს, მათ კანტისეულ, სუბიექტურ იდეალისტურ გაგებასაც. მისთვის დრო და სივრცე ფსიქიკური ფენომენებია და განცდათა ქურჭელს კი არ წარმოადგენენ, არამედ განცდის ინტენსივობაზე არიან დამოკიდებულნი. „დრო და სივრცე იზომება ორგანულ განცდათა სიღრმით და რაც უფრო მტანჯველია განცდათა პროცესი, მით უფრო ფართოა სივრცე, მით უფრო ხანგრძლივია დრო!“. დროის ძირითადი საზომია ჩვენი განცდები, გრძნობათა ინტენსივობა, რაც უფრო მეტ შთაბეჭდილებას ვღებულობთ დღის განმავლობაში, მით უფრო დიდი გვეჩვენება დღე. თუ ღამეს ღრმა ძილში გავატარებთ, ის მოკლედ მოგვეჩვენება. მაგრამ უძილობის შემთხვევაში იგივე ღამე ხანგრძლივი და უსასრულო ჩანს. რადგან ბევრი განვიცადეთ და ვიტანჯეთ. თვით ის უმცირესი დროის ნაწილაკიც, რომელსაც „სეკუნდს“ ვუწოდებთ, დამოკიდებულია ჩვენს შეგრძნებათა სიხშირეზე. ადამიანის პულსი კურდღლის პულსს ტოლი რომ იყოს. მაშინ წამი გაცილებით უფრო მოკლე იქნებოდა. თუ ადა-

¹ К. Капанели. Страдание и творчество, Тифлис, 1917, გვ. 23.

მანის პულსი ხარის პულსის ტოლი იქნება, სეკუნდიც გახანგრძლივდება. დროში განსხვავებას იძლევა ასაკიც — რაც უფრო ახალგაზრდაა ადამიანი, მით უფრო მეტია მისი განცდები და შთაბეჭდილებები და მისთვის დრო ჩქარა გარბის; რაც უფრო მოხუცია, მით უფრო მონოტონურია მისი ცხოვრება, ღარიბია შთაბეჭდილებებით და მისთვის დროც ზღაზვნით მიედინება. ავტორის მტკიცებით ბერგსონის და, უფრო ადრე, გიუიოს შეხედულებათა საფუძველზე გაირკვევა, რომ დროც ფსიქოლოგიური ფენომენია და კანტის მოძღვრებამ დროზე დაკარგა ღირებულება. მას მხოლოდ ფილოსოფიის ისტორიისათვის შეიძლება ჰქონდეს მნიშვნელობა. ერთადერთი, რაც დღეისათვის მნიშვნელოვანია, იმის აღიარებაა, რომ „დრო არ არსებობს კონკრეტულ ორგანულ განცდათა გარეშე. ჰემარიტი დრო მიმდინარეობს მხოლოდ ფსიქოლოგიურ ნაკადში, რეალური დრო მხოლოდ კონკრეტულ-ფსიქოლოგიური ფაქტის განყენებული და პირობითი ფორმაა“¹.

ყოფიერების და მისი არსებობის ძირითადი ფორმების კაპანელისეული გაგების კრიტიკული ანალიზისთვის უნდა გამოვიყენოთ იდეალიზმისადმი მიდგომის ლენინური მეთოდი, რომლის ძირითადი პრინციპია იმის აღიარება, რომ იდეალიზმი სინამდვილის ერთი მხარის გააბსოლუტურებაა. კაპანელის იდეალიზმიც სწორედ ამ თვისებით ხასიათდება. დროის განცდა და სხვადასხვა ასაკში შთაბეჭდილებათა ინტენსივობის ცვლა, ისე როგორც ფსიქოლოგიურად სუბიექტის მიერ დროის ფენომენის განცდა, სხვადასხვაგვარია შთაბეჭდილებებთან დამოკიდებულებების მიხედვით; არაა სადავო, როგორც ის, რომ ისტორიული ეპოქების დრო განსხვავებულია და გაიზომება ამ ეპოქების ხდომილებათა ინტენსივობით. მაგრამ ამის გამო დროის ობიექტურობის უარყოფა და შთაბეჭდილებებამდე დაყვანა შეუძლებელია. როდესაც ჩვენ ვმსჯელობთ შთაბეჭდილებათა ინტენსივობის შესაბამისად ერთი და იმავე დროის სხვადასხვაგვარ ფსიქოლოგიურ განცდაზე, ფაქტობრივად საზომად ვიყენებთ განცდებისაგან დამოუკიდებელ დროს. სხვაგვარად არ შეგვიძლო გვეთქვა, რომ ერთი და იმავე დროის მონაკვეთი — დღე, ღამე თუ ეპოქა — ერთისთვის უფრო ხანგრძლივია, ვიდრე მეორისთვის. ფაქტობრივად ჩვენ ამით დროის ფსიქოლოგიურ განცდას ვზომავთ ობიექტურ დროზე ისე, როგორც სივრცის

¹ К. Капанели. Страдание и творчество, Тифлис, 1917, გვ. 38.

ფსიქოლოგიურ განცდას ობიექტურ სივრცეზე. დალილ მოგზაურს ერთი კილომეტრი მონაკვეთი ვაცილებით უფრო დიდი რომ ეჩვენება, ვიდრე დასვენებულს, ეს სივრცის ობიექტურობას კარ უარყოფს, არამედ ადასტურებს. ასეთივე კუთხით უნდა მივუდგეთ ყოფიერების კაპანელისეულ თეორიასაც. ყოველი სუბიექტი რომ ქმნის ყოფიერების გარკვეულ სურათს და ყოფიერებისკენ უშუალოდ გასახედი ერთადერთი ფანჯარა გავაჩნა გრძნობის სახით, ეს არაა სადავო, მაგრამ უარსაყოფია ამის საფუძველზე გამოყვანილი დასკვნა — თითქოს ჩვენი გრძნობების მიღმა სამყარო არ არსებობდეს და მისი ყოფიერება ჩვენს გრძნობებზე იყოს დამოკიდებული, თითქოს სამყაროს მრავალფეროვნებას გრძნობათა მრავალფეროვნება განსაზღვრავდეს. სინამდვილეში კი პირიქითაა: ჩვენი გრძნობათა ორგანოები გარეგანი გამლზიზიანებლების ზემოქმედებით ჩამოყალიბდნენ და იმდენი გრძნობის ორგანო გავაჩინა, რამდენი სახის გამლზიზიანებელიცაა. როგორც ფიიერბახი აღნიშნავდა, „ჩვენ არა გვაქვს არავითარი საფუძველი: წარმოვიდგინოთ, რომ თუ ადამიანს მეტი გრძნობის ორგანოები ექნებოდა, იგი აგრეთვე ბუნების მეტ თვისებებსა თუ ნივთებს შეიცნობდა. გარესამყაროში; არა-ორგანულ ბუნებაში ისინი უფრო მეტი რაოდენობით როდი არსებობენ, ვიდრე ორგანულში. ადამიანს სწორედ იმდენი გრძნობა გააჩნია, რამდენიც აუცილებელია, რათა სამყარო მის მთლიანობაში, მის ერთობლიობაში აღქვას“. ლენინი აჯამებს ფიიერბახის ამ დებულების შინაარსს და მნიშვნელობას, „ადამიანს რომ მეტი გრძნობები ჰქონდეს, აღმოაჩენდა თუ არა იგი მეტ საგნებს სამყაროში? არა“¹.

ვ. ი. ლენინის აზრით, ეს მნიშვნელოვანია აგნოსტიციზმის წინააღმდეგ. ასევე უმართებლოა კაპანელის მტკიცება, რომ რადგან შთაბეჭდილებით ვიცნობთ სამყაროს, — სამყარო შთაბეჭდილებათა ერთობლიობაა. მთავარია არა ის, არის თუ არა შთაბეჭდილება სამყაროს ცოდნის წყარო, არამედ ის, თუ რა ქმნის ამ შთაბეჭდილებებს. შთაბეჭდილებით რომ აღვიქვამთ სამყაროს, ეს არ ნიშნავს, რომ აღსაქმელი არ არსებობს აღმქმელის გარეშე; ობიექტა სუბიექტის გარეშე. როდესაც ლაპარაკია იმაზე, რომ ობიექტი არ არსებობს სუბიექტის გარეშე შემეცნების პროცესში, ეს მართებულია, მაგრამ შემეცნებისაგან დამოუკიდებლად სუბიექტის გარეშე ობიექტი ყოველთვის არსებობს. ყოფიერება შემეცნებაში გვეძლევა. მაგრამ შემეცნება არ ქმნის მას. ლენინის

¹ ვ. ი. ლენინი, თხზ., ტ. 38, გვ. 62—63.

არგუმენტები ემპირიოკრიტიციზმის წინააღმდეგ ძალაშია კაპანელის სენსუალისტური იდეალიზმის მიმართაც.

„ტანჯვა და შემოქმედებაში“, ისე როგორც წერილებშიც, დომინანტურია ისტორიისა და ინდივიდის ყოფიერების საზრისის პრობლემა, მიუხედავად იმისა, რომ ამ პრობლემამ მე-20 საუკუნეში განსაკუთრებული სიმწვავე მამინ მიიღო, როცა რეალური გახდა კულტურისა და კაცობრიობის მოსაზრების შესაძლებლობა. კაპანელი ამ პრობლემას ისევე მწვავედ აყენებს, როგორც იგი დღეს დგას. კითხვა, რომელიც ევროპის ოცმა ცნობილმა მოაზროვნემ წამოაყენა იასპერსისეული ფორმულირებით — „სად ვამყოფებით დღევანდებლობაში?“ — და მისი გაგრძელება, რომელიც მარქსისტებისა და არამარქსისტების შეხვედრისას დასვა — „საით მიდის კაცობრიობა?“ — კაპანელის მიერ დაყენებულია ნახევარი საუკუნით ადრე, ამასვე გამოხატავს კაპანელის გამოსვლიდან რამდენიმე ათეული წლის შემდეგ პრობლემის ტონისეული ფორმულირება — „საზრისი თუ უსაზრისობა?“ და კაპანელის მოკლე ყურადღება გადატანა იმ კითხვის პასუხზე. ამ კითხვის დაყენებითაც და მასზე პასუხითაც კაპანელის ნაზრევს უფრო სისტემატური სახე ეძლევა¹. აქვე, საზრისის რელიგიურ-თეორიის გაკვრით ხსენებით და არსებითად მის განუხილველად, კაპანელი გადადის ისტორიის იდეალისტურ-რაციონალისტური გავების კრიტიკაზე და ზოგჯერ მარქსის დამოწმებითაც ცდილობს უარყოს კაცობრიობის იდეალების განხორციელების შესაძლებლობა, ისტორიიდან აღებული მაგალითებით უჩვენოს ისტორიის უსაზრისობა. იგი ფიქრობს, რომ საერთოდ საზრისიანი ისტორიის ყოფიერება შეუძლებელია მარადიული ცვალებადობის გამო. ისტორიის საზრისის საკონს იგი სამ ასპექტში განიზილავს: მიზნის, კანონზომიერებისა და პროგრესის განზომილებაში. საზრისი ამით გარეშე არ არსებობს, ხოლო ეს განზომილებანი მიუთითებს მის შეუქ-

¹ კაპანელს სავსებით და მთლიანად შეაძლება მივესაუბროთ იასპერსის ნათქვამი ნიშნზე: „ნიცშე არც სპეციალური მკვლევარია, რომელიც მეთოდურად იძიებს, არც მაკონსტრუქტიველი ისტორიის ფილოსოფოსი, რომელიც საზოგადოდავისთან მამართებაში, თავისთავში ჩაეტრლ ნიელს განკითარებას, როგორც აკუთარ ისტორიულ ცნობიერებას გამოხატავს. არამედ იგი არის მკვლევარი (Seher), რომელიც გამოთქვამს იმას, რასაც მრავალდეროვან ასპექტში ჰერტს და რომელიც ამით დაკვირებათა სიუხვენ მღვანგველურად გადმოსცრის“. K. Jaspers, Nietzsche, Berlin, New York, 1974, S. 236.

ლებლობაზე ისტორიაში. ყოფიერების საზრისიანობის პირობა კაპანელის აზრით, პირველ რიგში მარადისობაა, მაგრამ ისტორია და მთელი სამყაროს ყოფიერება თავისში ატარებს არაყოფიერებას. თუ ორგანულ-სამყაროს საფუძველში დევს სიყვარული, რომლის ვარჯშე არაფერია არაა, თუთონ სიყვარული ორსახოვანია, არა პლატონისეული აზრით, — იდეალურია და მიწიერი. — არამედ ორსახოვანია სიყვარულის ერთადერთი ფორმა — მიწიერი სიყვარული, რომელსაც საფუძველად სქესობრივი ლტოლვა უდევს და რომლის შეწყობის სიყვდილის შესაძლებლობა მოცემული. სიყვდილი არაა ორსახოვანი, ის ახსია-იებს ყოველივეს, მაშინ, როდესაც სიყვარული არსებობს საწყისად. მაგრამ მხოლოდ ისეთი საწყისი, რომელშიც თავიდანვე სიყვდილია მოცემული. ამიტომ სამყარო, რომელიც აგებულია ამ ორსახოვან სიყვარულზე, სამყარო, რომელშიც ბატონობს სიყვდილი. შეუქმლებელია საზრისის მქონე იყოს. სამყარო კაპანელის წარმოდგენაში, ჰგავს ბრეიველ უფროსის სურათს — „სიყვდილის როკვა“, რომლის წინაშე საზრისს კარგავს ყოველივე — სიმღერეც, ახალგაზრდობაც, სიყვარულიც. კაპანელის აზრით, სამყაროს მხოლოდ მაშინ ექნებოდა საზრისი, ყოფიერება რომ იყოს მარადიული. ყოფიერება რომ არაა მარადიული, ეს ჯერ კიდევ ანტიკურობის „ბნელმა ფილოსოფოსმა“ გააცნობიერა ჰემ-მარიტად. სამყაროში ყველაფერი მიმდინარეობს და იცვლება, არაფერი არაა ერთხელ და სამუდამოდ მოცემული, ამიტომ არაფერს არ შეიძლება ჰქონდეს საზრისი — მარადისობის წინაშე არსებობა უსაზრისოა, ყოფიერების საზრისად არარას გამოცხადება. რომელიც ჰაიდგერის ერთ-ერთი მოტივია, თავს იჩენს კაპანელთანაც.

კაპანელი ანალიზებს საზრისიანობასთან დაკავშირებულ პრობლემატკას, აფიქსირებს, რომ საზრისი საყოველთაო მსჯელობის საგანი გახდა: ლაპარაკობენ „დიად მიზანზე“, იმაზე, თუ რა უნდა გაკეთდეს და რა არა. სახავენ გეგმებს — „რა ეაკეთოთ?“, ცდილობენ ხელი შეუწყონ პროგრესს და ამ გზით გაასაზრისიანონ სამყარო, მაგრამ პროგრესიც და მისი განსორციელების გზებიც, ისე როგორც დიდი მიზნები, საყოველთაო პარმონიის ჩათვლით, უაზრობათა გრძევაა. ყოველი ნაბიჯი, რომელიც კაცობრიობის წარმოდგენის ახლოებს სამყაროს საზრისთან, ვარგუნულად სრულყოფილად გამოიყურება. შინაგანად კიტრაგიკულია. კაპანელი განსაკუთრებით უარყოფითად ეიღებება პროგრესის ცნებას: „საყოველთაო პროგრესის ცნების ისტორია აღსავსეა შინააღმდეგობებით და მოკლებულია ობიექტურ საზრისს“. რატომ

ფიქრობს კაპანელი, რომ პროგრესი უსაზრისო და წინააღმდეგობრივი? მისი მოსაზრებები ასე გამოიყურება: პროგრესი უნდა იყოს სწორ-ხაზობრივი — ყოველი წინა შემდგომზე დაბალი. განვითარება ხდება ბუნების მარადიულობის მიწანშეწონილობისა და კარმონიის კანონების შესაბამისად. მაგრამ ასეთი მიწანშეწონილობა არ არსებობს ბუნებაში. სხვანაირად როგორ უხდა ავხსნათ მესამეულ პერიოდში ანთროპოიდების არსებობა. რომლებიც გაცილებით უფრო მაღლა იდგნენ. ვიდრე ხოჭოები და მორიელები, მაგრამ ეს უკანასკნელნი დარჩნენ. ანთროპოიდები კი გადაშენდნენ. დღეს ყველაზე განვითარებული არსება ადამიანი, თითქოს პროგრესის მაჩვენებელი უნდა იყოს. მაგრამ მის შემდეგ წარმოიშენნენ ჰიები, ზოგიერთი სახის მცოცავეები, ჰონოკოკები და სხვა მიკრობები. მაშასადამე. უკანასკნელი ქმნილება ყოფილა პარაზიტები და არა ადამიანი და საიდან უნდა ჰქონდეს ცხოვრებას საყოველთაო სიკეთისა და გონიერი იდეალების სახე. კაპანელი განცვიფრებას გამოთქვამს, რომ ადამიანებს ბრმად სჭერათ ძველი მორალის ტრადიციული პრინციპებისა და არ ცდილობენ სინამდვილეს თვალბში შეხედონ. ბუნებაში სიცოცხლეს განსაზღვრავს არა გონიერი საწყისები, არამედ ბრძოლა არსებობისათვის და რჩებიან უფრო ძლიერნი და კარგად შეგუებულნი არსებობას. ეს პროცესი იმდენად დისპარმონიული და ირაციონალურია, რომ მასში აბსოლუტურს პონა შეუძლებელია. პროგრესის საწინააღმდეგოა შემთხვევითობაც. პროგრესი რომ იყოს, გონების კანონები და პრინციპები უნდა განსაზღვრავდეს მოვლენათა მსვლელობას, სინამდვილეში კი „კანონები და პრინციპები არ განსაზღვრავენ სამყაროს ევოლუციის სულს. სამყაროს მოძრაობის არც ერთი მომენტი არ განსაზღვრება წინასწარ ადამიანური გონებით“ ისე, როგორც ოკეანეში თბილი და ცივი დინების მიმართულება არ განსაზღვრება მასში მყოფი ევშაპებით, ისტორიაში მოვლენათა მსვლელობა არაა განსაზღვრული ადამიანის ნებელობით. ადამიანთა იდეალები ისეთივე სულებლური, სასაცილო და უაზროა, როგორც თვით ადამიანის სიცოცხლე. კაპანელის მტკიცებით სოციალიზმის იდეალები, თუმცა ყველაზე ნათელი და ადამიანურია, ისინიც ისეთივე უტოპურია, როგორც რელიგიური იდეალები და არ არსებობს გზა, რომლითაც მათი განხორციელება მოხდება. ეს იმიტომ, რომ კაპანელის აზრით, სოციალური, ისე როგორც მთელი სამყარო, შემთხვევითობათა არენას წარმოადგენს, გარკვეული მიმართულების გარეშე არსებობს, სადაც დასტურს არ მოსდევს უარყოფა და უარყოფას —

დასტური. კაპანელი აკრიტიკებს სოციალ-დემოკრატებს, შემთხვევითობის როლის გაუთვალისწინებლობისათვის და იმოწმებს მარქსს, რომელსაც გენიალობამ ათქმევინა კუგელმანისადმი წერილში: „მსოფლიო ისტორიის გაკეთება ძალიან მოსახერხებელი იქნებოდა, ბრძოლას რაიმე მხოლოდ შეუშეცდარი, ხელშემწყობი შანსების პირობით იწყებდნენ. მეორე მხრივ, ისტორიას ძალიან მსტიკური ხასიათი ექნებოდა, შემთხვევითობანი რომ არავითარ როლს არ თამაშობდეს“¹. კაპანელის აზრით, ამით უარყოფილია ისტორიული კანონზომიერება და ადამიანთა როლიც ისტორიაში. ფაქტობრივად აქ მარქსი უარყოფს ისტორიის რელიგიურ თეორიას, რომელიც განგების ძალას უკავშირებს ისტორიას და ადამიანებს ართმევს უფლებას, აკეთონ ისტორია. მარქსის დებულება უარყოფს სწორედ იმათ მოსაზრებებს, ვისი აზრითაც ისტორიული პროგრესი უნდა ნიშნავდეს მხოლოდ წინსვლას, ისტორიული კანონზომიერება კი — მხოლოდ აუცილებლობის არსებობას (ასე ფიქრობს კაპანელიც). მარქსისთვის ისტორიული პროგრესი ზიგზაგისებურია, სპირალისებურია, სადაც საბოლოო ანგარიშში გზას იკვლევს წინსვლის ტენდენცია და რომელიც აღსავსეა შემთხვევითობებით. ისინი „განვითარების საერთო მსვლელობაში შედიან და მათ კვლავ სხვა შემთხვევითობანი აწონასწორებენ“². მარქსის აზრით, სწორედ ეს შემთხვევითობანი ხდიან ისტორიის მსვლელობას ადამიანთა ხასიათებზე დამოკიდებულად. ამდენად მარქსის მოსაზრებებში არ არის არც ერთი ის დებულება, რომელთაც ებრძვის კაპანელი, შემდეგში — შტამლერი თუ მარქსის სხვა კრიტიკოსები.

კაპანელის აზრით, სოციალიზმის შესაძლებლობა დამოკიდებულია სოციალური ინსტინქტის განვითარებაზე, მაგრამ ადამიანებში, თუმცა ისინი სოციალური არსებანი არიან, სოციალური ინსტინქტი მხოლოდ ჩანასახოვანი ფორმითაა. ისტორიული საზრისის მომხრენი ისტორიაზე ისეთსავე მანიპულაციას ახდენენ, როგორსაც ძველი ბერძნული მითოლოგიის გმირი დამასტე, რომლის ქონში დადგმული სარეცელი ხდებოდა საზომი ყველა მასზე მოხვედრილი ადამიანისათვის — სარეცელზე უფრო გრძელს სარეცლის ზომაზე გადაკვეთდა, ხოლო უფრო მოკლეს — ჭიმავდა. პროკრუსტეს სარეცლად წოდებული ეს საზომი, კაპა-

¹ მარქსი, წერილი კუგელმანს, 1871 წლის 17 აპრილი, კ. მარქსი და ფ. ენგელსი, რჩ. ნაწერები, ტ. 2, გვ. 562.

² იქვე.

ნელის აზრით, გამოყენებულია პროგრესის მომხრეთა მიერ — ისინი ისტორიულ ფაქტებს, რომლებიც არ ეტევა საზრისიანი ისტორიის ძაღულ ხარჩოში. უკუაგდებენ და იძას. რაც აკლია ისტორიას საზრისიანი მდინარეებისათვის. იხზავენ. ასე იქცევა ისტორია სიცრუის არქნად. ძნელი მისახედრი არაა, რომ აქ კაპანელი აყენებს ამ პერიოდის პოპულარული მოაზროვნის თეოდორ ლესინგის ანალოგიურ არგუმენტებს ისტორიის საზრისის წინააღმდეგ. ლესინგის შრომაში — „ისტორია როგორც უსაზრისოს გასაზრისიანება“ — მტკიცდება, რომ თავისთავად ისტორიას არავითარი საზრისი არ გააჩნია, მას ასაზრისიანებენ არა ისტორიულ პიროვნებები, არამედ ისტორიკოსები. „ისტორია გადააშლებს ჩვენ წინ, როგორც სავსებით უსაზრისო. თავისთავად ისტორიული მოვლენები „მკვდარი საკუჭნაოა“, რომელსაც „აყვავებულ ბაღად“ მხოლოდ ადამიანის სულის ფანტაზია გადააქცევს, რომელიც უსაზრისო ისტორიას აძლევს სულიერ საზრისს და მიზანს“¹. თ. ლესინგიც და კაპანელიც ერთნაირად ფიქრობენ, რომ ისტორიული სიცრუე ადამიანებს არ აწუხებთ, რომ სამყაროს უყვარს სიცრუე, კიდევ მეტი, როცა ადამიანებს ატყუებენ, ისინი კმაყოფილი არიან. კაპანელი იმეორებს რუსოს თეზისს — რომ კულტურის განვითარება არ აღმოცენდება კაცობრიობას: „პროგრესი არაა არც მორალის, არც ცნობიერების სფეროში. პირიქით, რაც უფრო მეტი ცოდნა აქვს ადამიანს, და რაც უფრო ფართოა მის წინაშე გადაშლილი ცხოვრებისეული წინააღმდეგობანი, მით უფრო მეტადაა მოშლილი პიროვნების ზნეობრივი ბუნება“². კაპანელი ამბობს, რომ ნშირად მეტად განათლებული და კულტურული ადამიანები უფრო საშიშია საზოგადოებისათვის, ვიდრე რომელიმე ველური. ადამიანურ სამყაროს არა აქვს მყუდრო ნავსაყუდელი, სადაც ჩაუშვებდა ადამიანის ღვთიური ბუნების გადამრჩენ ღუზას. „არაა მიზანი, არაა საზრისი, იდეალი მატყუარაა“. ევროპის მუზეუმები და ბიბლიოთეკები, ტაძრები, პანთეონები და ბაზილიკები, ათასწლიანი სიბრძნის გამოხატველნი, საზრისს და პროგრესს კი არ უჩვენებენ, არამედ ადამიანის ცხოვრების უსაზრისობას, ამოდ გაწეულ შრომას, რასაც ამდენი თაობა შეეწირა და რაც მიცვალებულის ჩონჩხებს მოგვაგონებს. ყველაფერი კვდება და გარდამავალია მარადისობის წინ-

¹ თ. ლესინგის შესახებ, იხ. ე. კოდუა. ისტორიის საზრისის საკითხისათვის, თბილისი, 1977, გვ. 224—257.

² კ. კაპანელი, დასახელებული ნაშრომი, გვ. 125.

ნაშე. ადამიანის ცხოვრება ჰგავს მეძებარი ძაღლის ნადირობას — ის ეძებს და დაღლილობისაგან სულს ძლივს ითქვამს, მაგრამ არც მ.ს მიერ მიკვლეული და დატოვებული კვალი, არც გზა, რომელზეც ის მიიბრბის, მისით აღნიშნული არაა. „ადამიანის ყოფიერებას აბრუნებს უმოწყალო ბედისწერა, ადამიანი საცოდავი ეფემერიდია (ფარვანა) არარაობითი სათამაშოა დროისა და შიმ-ს სელში. სამყაროს მოვლენათა შემთხვევითობების და თვითნებურობის ატმოსფეროში. ადამიანი მტვერია დედამიწაზე, წერტილია უსასრულობაში“¹. ადამიანის ცხოვრებაში არაფერი არაა უკვდავი — ყველაფერს წალეკავს მარადისობა. ისე როგორც ყველა მდინარე ზღვას უერთდება და ზღვა არ იცხება — ისევე უბრუნდება მდინარის სათავეს მისგან აორთქლილი წყლები და ისევე იწყება მდინარება, ისე როგორც მზე ამოდის და ჩადის, და ისევე ამოდის, ქარი ქრის და ისევე უბრუნდება თავის ამოვარდნის წერტილს. და კვლავ ქრის, ასეა ისტორიაშიც მარადიული წრებბრუნვა. ასეთია ჩვენი ყოფიერება. მართალი იყო ეკლესიასტე, როცა მას ამაოება უწოდა. ყველაფერი ამაოებაა. ადამიანები მოდიან და მიდიან. დედამიწა კი საუკუნეობით არსებობს, მისი შემოქმედი ძალები მტვერზე და ნაგავზე აშენებენ ახალ აყვავებულ სამყაროს, მაგრამ ეს აყვავებული სამყარო კვლავ მტვრად და ნაგვად იქცევა და ასეა მარად. კაპანელი სვამს კითხვას: განა ღირს, ამის გაცნობიერების შემდეგ, დავკარგოთ თუნდაც წუთიერი სიამოვნება, ტანჯვით მოპოვებული, ტოლსტოის, კანტის, სოკრატეს თუ სხვათა მორალური პრინციპების გამო? „რატომ უნდა გვაწუხებდეს იმედები და უჭონლობა, თუ ცხოვრებაში ყველაფერა ცვალებადია და არარაობაა, თუ არაა მიზანი და საზრისი, თუ ყველაფერი თანდათან უერთდება დავიწყების ცივ სამყაროს?“². იქნებ კაცობრიობის ისტორიული ცნობიერება, მისი მეხსიერება შემოინახავს ჩვენს საქმიანობას და ამიტომ ღირდეს საზრისის და პროგრესის აღიარება? მაგრამ კაპანელი ამაზეც უარყოფითად უპასუხებს, რადგან არაა მარადიული მეხსიერება. დავიწყების ბურუსი ადრე თუ გვიან ფარავს ყველაფერს და ისტორიულ ცნობიერებასაც.

კაპანელის პესიმიზმი და ნიჰილიზმი კულტურის, კაცობრიობის და საზრისის მიმართ მხატვრული სახეების უწყვეტ ნაკადშია მოქცეული. მისთვის სამყარო სიცრუის და დანაშაულის თავშესაფარია. იგი თავი-

¹ კ. კაპანელი, დასახელებული ნაშრომი, გვ. 126.

² იქვე, გვ. 127.

სებურად იმეორებს ივანე კარამაზოვის სიტყვებს — რომ სამყარო უველა პრინციპი ადამიანის ერთ კრემლადაც არ ღირს. კულტურის ძირითადი ნიშანი მის ჰუმანურობასა და წინსვლაში კი არაა, არამედ ფარისევლობაში. სამყარო, კაპანელის წარმოდგენაში გოლსუორთის „ფარისევლთა კუნძულის“ ანალოგიურია. ევანგელედან დაწყებული, ამბობს კაპანელი, თანამედროვე მეცნიერებისა და მორალის წარმომადგენლებამდე, ყველა, ვინც კულტურის ნაგებობას აშენებს, ფარისეველია: ადამიანები მშიშარანი არიან — ეშინიათ იყონ უზნეონი და აიძულებენ საკუთარ თავს, დაექვემდებარონ ზნეობას. ფაქტობრივად ადამიანში არავითარი ზნეობრივი პროგრესი არ მომხდარა. სოკრატესა და კანტის სკოლაგავლილი ადამიანი ისეთივეა, როგორც იყო ტაციტისა და ჰეროდოტეს მოღვაწეობის საუკუნეებში. „კაცობრიობა გაპყვირის სიკეთეზე, არსებობს კი ეშმაკობით, ცოდვებითა და დაცემულობით“. სამყაროში არ არსებობს ადამიანისთვის სულის დამამშვიდებელი რაიმე საშუალება. მეგობრობა, სიყვარული, თანაგრძნობა — ყველაფერი სიცრუეა. „ადამიანი მართოსულია“, ეულისა, რომელიც მოუცავს სამყაროს სიცივეს და გონის სიცარიელეს. კაპანელს არ სწამს, რომ ყალბი და ფარისევლობით საცხე სამყაროს, ამ ავგიას საჭინიბის, გაწმენდა შეეძლოს რაიმე სოციალურ ძალას, რევოლუციის ჩათვლით. ადამიანები ცხოვრობენ ილუზიებით და მათ მიერ გამოგონილი ზღაპრებით. ყველაფერი, რასაც ისინი ქმნიან — კულტურის ძეგლები და პარლამენტები, პრინციპები და კანონები — ძველდება და ადამიანები ანგრევენ ან ტოვებენ მათ. შემდეგ იწყებენ თავიდან ახლად შენებას, კვლავ ანგრევენ და ახალს აშენებენ და ასე ხდება უსასრულოდ. ესაა „სიზიფოსის შრომა, სადაა საზრისი? ვინ გააერთიანებს თავის სულში უსასრულობის ყველა ძაფს? ვინ იტყვის მარადიულ ყოვლისმომცველ სიმართლეს, ქვეშარიტებას, რომელიც გამონატავდა ცხოვრების მთელ სისრულეს და მრავალფეროვნებას?“¹. არ არის ამის მსგავსი არაფერი და არც შეიძლება იყოს, რადგან ყველაფერს წარმავლობის და ხრწნის ბეჭედი აზის. კულტურისა და ისტორიის საზრისის, ისე როგორც საერთოდ იდეალებისა და პრინციპების, სამყარო კაპანელმა სანაგვეში მოათავსა, მაგრამ შეიძლება თუ არა ამით გაეცეს პასუხი ყველა კითხვას? კაპანელის აზროვნება ნიჰილისტური კულტურისა და ჰუმანურობის, ნიჰილისტური პრინციპებისა და სოციალურობის მიმართ მაინც

¹ კ. კაპანელი, დასახელებული ნაშრომი, გვ. 136.

ექებს ადამიანისთვის რალაც გამართლებას, მაგრამ სოციალურის გვერდის ავლით—სოციალურის გარდა, არის ინდივიდუალური ყოფიერება, კაცობრიობის გარდა, არსებობს ინდივიდი „მე“ და საკითხი უნდა დაისვას: არის თუ არა რაიმე საზრისიანი „მე“-სთვის. თუ მისი ყოფიერება უსაზრისოა, ხომ არ უნდა დამთავრდეს ყველაფერი კაცობრიობის და „მე“-ს თვითმკვლევლობით? ნიცშეს მოძღვრებით შეიარაღებული კაპანელი ცდილობს გადალახოს ბოროტისა და კეთილის სამყარო. მის მიღმა ექებოს საწყისი, რომელიც ჰუმანიზმისა და კოლექტივიზმის არენიდან კი არ ამოვა, არამედ ცხოველური, ინსტინქტური და ინდივიდუალური საწყისებიდან, რომელიც გააშიშვლებს ადამიანის მორალურ და მრავალ სხვა პრინციპთა საფარით შემოსილ სხეულს, და წარმოაჩენს მას თავდაპირველ ორგიულ-დიონისური ღამისეული კულტიუბუნებით.

ყველაფერს თავისი ახსნა აქვს და კაპანელის ესოდენ ძლიერ გატაცებას ნიცშეს ნიპილიზმით და მის მიერ გაკვალებული გზით სვლასაც თავისი ახსნა უნდა ჰქონდეს. სიცოცხლეში აუღიარებელი გერმანელი მოაზროვნე, რომლის არც ერთი წიგნი არ გაყიდულა მის სიცოცხლეში, 80-იანი წლების დასასრულიდან, და განსაკუთრებით 90-იანი წლებიდან, იმდენად ავტორიტეტული და მოღურეი გახდა, რომ მის გავლენას განიცდიდა შემოქმედებითი და მოაზროვნე ინტელიგენციის თითქმის ყველა სფეროს წარმომადგენელი — ფილოსოფოსები და მწერლები, პოეტები და ხელოვნების მუშაკები. მისი გავლენა გასცდა ევროპის კონტინენტს. მან ფეხი მოიკიდა რუსეთშიც. არა მარტო ფილოსოფოსებს შორის, არამედ პოეტებშიც. სამართლიანად აღნიშნავს ავერინციევი რუსული სიმბოლიზმის მამამთავრის ვიაჩესლავ ივანოვის გატაცებას ნიცშეთი. ეს იყო 90-იანი წლები, რომელმაც სულიერი ატმოსფერო შეცვალა: „მისგან იწყება მნიშვნელოვანი მოვლენები, რომელთა შემდეგ ყველაფერი იცვლება. პირველ რიგში ვიაჩესლავ ივანოვი კითხულობს ფრიდრიხ ნიცშეს, რომელიც ცნობილი გახდა და ეს კითხვა მას თავებრუს ახვევს“¹. „თავებრუსდახვევა“ — ავერინციევის მიერ გამოყენებული ეს სიტყვა — გამოხატავს კაპანელის დამოკიდებულებასაც ნიცშესადმი. მას თავებრუ დაახვია ნიცშემ ოდნავ გვიანდელ პერიოდში, ვიდრე ვიაჩესლავ ივანოვს. ეს სულაც არ უნდა იყოს გა-

¹ С. С. Аверинцев, Вступительная статья к книге Вячеслава Иванова стихотворения и поэмы, Ленинград, 1976, стр. 14.

საკვირო, თუ მოვლენათა შემდგომ მსვლელობას შეეხედავთ. ნიციშენს ტროუსმფული სვლა სააზროვნო სამყაროში გამოიხატა ექსისტენციალ-ლაზმის დამოკიდებულებათაც ნიციშესადმი. ის ამ მიმდინარეობის თავისებურა სუფიერა მამაა, რომელმაც ექსისტენციალისტების აზროვნების საკადში ბევრი რამ განსაზღვრა. რადგან კაპანელის აზროვნების ვზაც „სიცოცხლის ფ. ლოსიფიაზე“ გადიოდა, ხოლო ამ მიმართულებას ყველაზე მნიშვნელოვანი წარმომადგენელი ნიციშე იყო, არ უნდა გვივირდეს, რომ კაპანელმა უკრიტიკოდ ათვისა მისა მასწავლებლის შეხედულებები და ამ ვზით ცდილობდა ყველა პრობლემის გადაწყვეტას. ასეთი იყო მის მიერ ყოფიერების, შემეცნების, კულტურისა და ისტორიის საზრ.სზე გაცემული პასუხები, ასეთია მის მიერ ინდივიდუალიზმის და ესთეტიზმის პრინციპების გააზრება და განვითარება. ცდა — დიონისური საწყისით განსაზღვროს ადამიანის ყოფიერების საზრისა, ეთიკურ და სოციალურ ღირებულებათა მიმართ ნიპილიზმის ვათარებაში ადამიანი დაუჭემდებაროს მხოლოდ და მხოლოდ ესთეტიკურ ღირებულებას.

ტანჯვა, რომელიც ასულიერებს სამყაროს ყოფიერებას, ამ გზით ქმნის ღირებულებებსაც: ესთეტიკურს, ეთიკურს და ფილოსოფიურს. მისი აზრით, ესთეტიკური ყველაზე მაღალი ღირებულებაა, რომლის გარეშეც არ იქნებოდა არც ეთიკური და არც ფილოსოფიური ღირებულებანი — ეს იმიტომ, რომ ადამიანის გარენისთანავე მას თან მოჰყვა განცრომის, საამოვნების იდეა, რომელიც ცხოვრების მიზნად იქცა. მორალური ღირებულებანი პირობითია — მათ არ შეიძლება ჰქონდეთ საყოველთაო მნიშვნელობა, ისინი არ განსაზღვრავენ ცხოვრებას. ცხოვრება ყველა მის მიმართებაში, დაწყებული ყოველდღიურობით და დამთავრებული კულტურის ყველაზე მაღალი საფეხურებით, ექვემდებარება მხოლოდ ერთს — ესთეტიკურ ღირებულებას. ინდივიდი თავისი ეგოისტური მისწრაფებების შესაბამისად იმას არჩევს, რაც მას საამოვნებას ანიჭებს. მშობელი შვილებში ლამაზს სცემს ყველაზე მეტ პატივს. მშობლებს უფრო ის შვილი უყვართ, რომელსაც ბევრი ფული შემოაქვს და ამით საამოვნებას ანიჭებს მათ. საერთოდ, „ესთეტიკური მოვლენები ინდივიდუალურ და ოჯახურ ცხოვრებაში უდიდეს როლს თამაშობენ... სიყვარული, რომლითაც სარგებლობს ცალკეული პიროვნება ოჯახსა ან საზოგადოებაში, განიზომება იმ საამოვნებით, რომელსაც სოციალური ინდივიდუალობის

ეგოიზმი მოითხოვს ამ პიროვნებისაგან¹. კაპანელის აზრით, სხვაგვარად შეუძლებელია. რადგან ჩვენი ყოფიერება ინდივიდუალობით განისაზღვრება. რომელსაც ინდივიდუალური თვითცნობიერება განაპირობებს. ამიტომ „ყოველი შესაძლებლობა მხოლოდ მაშინაა მნიშვნელობის მქონე, როდესაც ის ესთეტიკური ღირებულება ხდება, რომელიც მიღწევადია აღქმის, განცდის და შეგრძნებისათვის“². კაპანელი უარყოფს მორალურ ნორმებს და პრინციპებისაგან თავისუფალი ყოფიერებისაკენ მოუწოდებს ადამიანს, თუმცა, ამავე დროს, ცდილობს ესთეტიკური ღირებულებანი დასახოს განმსაზღვრელად და ადამიანის ცხოვრება თუ ყოფიერება მიიჩნიოს ესთეტიკურ განცდათა სამეფოდ. რომელშიც ყველაზე მნიშვნელოვანია ბიოლოგიური სიამოვნებანი. აქედან გამოყავს მას თანამედროვე მორალის უარყოფის მოტივებიც. მისი აზრით, ეს მორალი ინდივიდის სოციალურისადმი დაქვემდებარებისა და ინდივიდუალობის გამოვლენის ჩახშობის გზაა. კიდევ მეტი, ინდივიდი უფასურდება სოციალური ღირებულებებისადმი დაქვემდებარებით. თანამედროვე კულტურის მორალი, რომელიც მას ესახება სოკრატეს და კანტის მორალურ ნორმებად, ავტორს არსებითად ანტიქრისტიანულად მიაჩნია, რადგან ქრისტიანობისთვის პიროვნებას თავისთავში აქვს ღირებულება და ეს ღირებულება უმაღლესია, ღვთიურია. ის არ შეიძლება გახდეს რაიმე სახის ასოციაციის მსხვერპლი. სოკრატე კი საზოგადოებას, კანონს შეეწირა მსხვერპლად. კანონს, რომელიც გულგრილია ინდივიდუალობის ღირებულებისა და მნიშვნელობის მიმართ.

კაპანელის ნააზრევში ძირითადი ადგილი ეთმობა ინდივიდის თავისუფლების დაკარგვის პრობლემას — ადამიანის ინდივიდუალური ყოფიერების სოციალურში არაბუნებრივი განხორციელებას ანალიზს. მისი განხილვის თემა, „სამყაროს მიღება-არმიღების“ გვერდით, არის „ინდივიდისა და საზოგადოების“ მიმართება, მისთვის სოციალური არა მარტო უსაზრისოა, არამედ ინდივიდუალურის მტერია ყველა ფორმაში. ყოველი სოციალური შთანთქავს ინდივიდუალურს. აკარგვინებს მას საკუთარ სახეს. ეს პირველყოვლისა გამოვლინდება სოციალურის უმარტივეს ფორმაში — ოჯახში. ოჯახს საფუძვლად უდევს ადამიანთა ურთიერთლტოლვა სქესობრივი ინსტინქტის საფუძველზე, მაგრამ ოჯახის შექმნის შემდეგ ორივე ინდივიდი ოჯახური ურთიერთობის მონა

¹ კაპანელი. დასახ. ნაშრომი, გვ. 119.

² აქევი. გვ. 121.

ხდება ისე, როგორც შვილებიც ოჯახის ტრადიციებისა და კეთილდღეობის დაცვას სწირავენ თავიანთ ინდივიდუალობას. ოჯახში ცალკეული პიროვნების თავისუფლება, მიდრეკილებანი, გემოვნება ყველაფერი დამოკიდებულია კოლექტიურ ასოციაციაზე. „იწყება ინდივიდუალური დამოკიდებულების ატროფია, ისპობა პირადი ცხოვრების თავისუფლება“¹. კაპანელის აზრით, ძველი ქვეყნების ტრადიცია, რომლის მიხედვითაც ქალიშვილები გათხოვებამდე თავისუფლად ეძლეოდნენ სქესობრივ ცხოვრებას ტაძარში და შემდეგ ამ გზით ნაშოვნ ფულს უმატებდნენ თავიანთ მზითვეს, ფაქტობრივად იყო შურისძიება ქალის ინდივიდუალობის დამონებისათვის, რომელიც ოჯახურ ყოფაში შესვლით იწყებოდა. კულტურულ სამყაროში ასეთი შურისძიებაა კარნავალებზე გამოვლენილი თავისუფლება და თანამედროვე ცივილიზაციაში არსებული, ოჯახური ტრადიციების საწინააღმდეგო, ფარული სქესობრივი თავისუფლება. კაპანელის აზრით, ის, რაც ოდიბოსის კომპლექსის სახელითაა ცნობილი, უფრო ძველი ისტორიის მქონეა. ძველი ბერძნული მითოლოგია ღმერთების სამყაროში, სქესობრივ მიდრეკილებათა საფუძველზე, აფიქსირებს შვილის მამისადმი სიძულვილს და დედამეტის შერთვის ნიმუშებს. ასეთი იყო კრონოსის მიერ მამის კასტრირება და შვილების მოკვლა, გადარჩა მხოლოდ ზევსი, რომელმაც დედაზე დაქორწინების მიზნით მამა დაასაჭურისა. კაპანელის აზრით, მთელი ისტორიის მანძილზე ინდივიდუალობისათვის ბრძოლა ფსიქოლოგიურად უკავშირდება სამყაროს სექსუალიზებას, შვილის აჯანყებაში მამის წინააღმდეგ ვლინდება ყოველგვარი იმპერატივების უარმყოფელი სქესობრივი ლტოლვა თავდაპირველ სიშიშველეში. სქესობრივი მეტოქეობა იმავე ძალით იჩენს თავს დედა-შვილის დამოკიდებულებაში, როგორც სიყვარულის დედაშვილურ ფორმაში. სოფოკლეს დრამა მთელი სისრულით ავლენს „ერთობის სტიქიის ბატონობას ყოფითი მორალის სულიერ რაციონალიზმზე“. აქ ვლინდება კონფლიქტი მორალსა და სინამდვილის ესთეტიკურ აღქმას შორის. ცხოვრების სიმართლე სინამდვილეს აღიქვამს როგორც ესთეტიკურ ფენომენს და მისთვის უმნიშვნელოა ადამიანთა მიერ დაწესებული ყოფითი მორალი. ეს ნიშნავს, ინდივიდუალურისა და საზოგადოებრივის შეუთავსებლობას. ყოფიერების ტრაგიზმია ის, რომ „ინდივიდუალობის ბედნიერება სა-

¹ კ. კაპანელი, დასახელებული ნაშრომი, გვ. 110.

სოციალური ცხოვრებაში იწვევს შექარწყუნებასა და შავ ქირს. საზოგადოებრივი ცხოვრების ბედნიერება კი საჭიროებს ინდივიდუალობის ტანჯვასა და დაღუპვას¹. ამ აზრით, ოჯახი ბოროტებაა — სასარგებლო სოციალური ევოლუციისათვის, მაგრამ დამღუპველი ინდივიდუალური დამოუკიდებლობისათვის. ავტორი ამით ხსნის ძველი ხალხების პატივისცემას ჰეტერებისა და კურტიზანების მიმართ. ანალოგიურია თანამედროვე საფრანგეთში პროსტიტუციისადმი დამოკიდებულება — მას მიაჩნია, რომ მომავალში იგი დაძლევს ოჯახის კულტს.

კაპანელი ყველგან ხედავს ინდივიდუალიზმის ბრძოლას კოლექტივიზმთან და საზოგადოების ისტორია მიაჩნია არა მარტო კლასთა ბრძოლის არენად, არამედ ტანჯული ინდივიდუალობის ბრძოლადაც ადამიანთა ლოგიკისა და ცრურწმენების წინააღმდეგ. მისი აზრით, „სოციალიზმი წარმოადგენს მეტად ნაყოფიერ ნიადაგს თავისუფალი ინდივიდუალური ნებელობის შემოქმედებისათვის, მაგრამ ბოლოს და ბოლოს ინდივიდუალიზმის ბრძოლა კოლექტივიზმთან გარდუვალია, რადგან ადამიანის პიროვნება უნდა იყოს თავისუფალი, დამოუკიდებელი და მისთვის უმრავლესობის კანონი არ უნდა იყოს საველდებულო“². ადამიანის პიროვნება სამყაროს ევოლუციის ყველაზე მაღალი ღირებულებაა, ის განუმეორებელია და ამიტომ მის ერთჯერადობაში უნდა იყოს სრულყოფილი; საზოგადოება და გვარი გამეორებადია. კაპანელს გაუგებრად მიაჩნია, რატომ უნდა დაექვემდებაროს პიროვნება საზოგადოებას, რატომ უნდა დაეაყენოთ საზოგადოებრივი ეგოიზმი პიროვნებაზე უფრო მაღლა: თუ ეგოიზმი ბოროტებაა, პიროვნული ეგოიზმი განა უფრო ნაკლები ბოროტება არ იქნება, ვიდრე საზოგადოებრივი? — კითხულობს იგი. მას სძულს სოციალურ ერთობათა ფორმები და სოციალური ინსტიტუტები. მისი აზრით, საზოგადოება ბრბოა, რომელიც ერთნაირად რეაგირებს პიროვნების დაცემასა და აღზევებაზე, ის ერთნაირად უკრავს ტაშს მაშინაც, როდესაც ტახტზე აპყავთ პიროვნება, და მაშინაც, როდესაც — გოლგოთაზე; ის განურჩევლად უდგება პიროვნებას და საერთოდ ყოველგვარ ღირებულებას: ის სილამაზის და სრულყოფილების, ქვეშარტებისა და სინათლის.

¹ კ. კაპანელი, დასახელებული ნაშრომი, გვ. 113.

² იქვე, გვ. 118.

ქარშობისა და იმედის ჯალათია და მეგობრობს ქაოსთან და პირველობასთან. ბრბოში კაპანელი გულისხმობს არა მარტო გონებრივად შეზღუდულთ, არამედ განაალებულებსაც, პარლამენტებსაც და პარტიებსაც, რომლებიც ხშირად უქვეიანესი და განათლებული ადამიანებისაგან შედგებიან. მისთვის ერთადერთი დადებითი ფენომენი „მე“-ა. კაპანელი ბერდიაევის დარად იმ პერიოდში მისი ახალგაშობილი წიგნის „შემოქმედების საზრისის“ მიხედვით სამყაროს შემოქმედად და ერთადერთ ღირებულებად აცხადებს „მე“-ს. ცხოვრების ერთადერთი პირველადი პრინციპი „მე“-ა. მის გარეთ არაფერს აქვს დამოუკიდებელი მნიშვნელობა, არაფერს შეუძლია განსაზღვროს ადამიანის ცხოვრება, მისი იდეალი, სურვილები და მიზნები. ნივთებს არა აქვს შემოქმედებითი მნიშვნელობა, სამყარო მხოლოდ იმისთვისაა გამოსადეგი, რომ იყოს დიდი ადამიანური „მე“-ს შემოქმედებით ლტოლვათა განხორციელების საშუალება. „მე“ სამყაროს შემოქმედებითი და თვითმყოფადი საწყისია. ამ პრინციპებს კაპანელი ბერდიაევეთან ერთად იზიარებს, მაგრამ ემიჯნება მას ღმერთის რწმენაში. ბერდიაევემა ღმერთი დააყენა ინდივიდზე მალა. საერთოდ კაპანელი უკმაყოფილოა ბერდიაევის მიერ რწმენის დაშვებით. კაპანელის საბოლოო სიტყვა აბსოლუტური ინდივიდუალიზმია, „მე“-ს განუსაზღვრელი თავისუფლებაა და „მე“-სთვის ყოფიერების ყოველ მომენტში ტკობისა და განცხრომის ქადაგებაა. „მე“ არ უნდა იყოს შეზღუდული არც პრინციპებით და არც ღმერთით, მაშინ შეძლებს თავის თავდაპირველი ცხოველური მოთხოვნილებების მაქსიმალურად დაკმაყოფილებას და ინსტინქტების განვითარებას.

1923 წელს გამოვიდა კაპანელის მეორე მონოგრაფია — „სული და იდეა“. ეს იყო მისი პირველი ფილოსოფიური შრომა ქართულ ენაზე. განსხვავებით პირველი მონოგრაფიისაგან, ავტორი ამ შრომაში ცდილობს უფრო ჩამოყალიბებული და დამოუკიდებელი სახე მისცეს საკუთარ ნააზრევს. შრომის წინასიტყვაობაში ავტორი გვამცნობს, რომ გეთავაზობს ახალ მსოფლმხედველობას: „მსოფლმხედველობა, რომელიც ჩვენ შემოგვავაქვს ქართული აზროვნების ისტორიაში, ახალია თავისი შინაარსით“. არსებითად ეს მსოფლმხედველობა იგივე კოსმიზმი და ბიოფსიქიზმია, რომელთაც გეთავაზობდა ადრეულ შრომებში, მაგრამ აქ ამ მსოფლმხედველობისათვის ის ქმნის ახალ სახელწოდებასაც — „ორგანოტროპიზმი“. ახალი სახელწოდება არ ცვლის კაპანელის ნააზრევის წყაროებს და არც შინაარსს. მისი ამოსავალია ნიციშეს ინდი-

ვიდუალიზმი, ბერგსონის ანტიინტელექტუალიზმი და გიუიოს ანტიმორალიზმი. კაპანელი ფიქრობს, „რომ რაციონალიზმის ეპოქა დამთავრდა და ახალი ნაკადი ინდივიდუალიზმის, ირაციონალიზმის და ამორალიზმის გამარჯვებას ვეაუწყებთ“.

თავიდანვე უნდა აღინიშნოს, რომ კაპანელის ეს მკითრე ნაშრომები უფრო სისტემური ხასიათისაა. მასში წინა პლანზეა წამოწეული ინტროლოგიური. ენოსეოლოგიური და სპირიტუალური საზრისის პრობლემები. მაგრამ ენობრივი თვალსაზრისით პირველ შრომასთან შედარებით ის უკან ვადადგმული ნაბიჯია. ეს გარემოება ალბათ ნაწილობრივ იმიტომაც იყო გამოწვეული, რომ ამდროისთვის ქართული ფილოსოფიური ტერმინოლოგია ჯერ კიდევ არ იყო ჩამოყალიბებული. მაშინ, როდესაც კაპანელის პირველი შრომა დაწერილი იყო რუსულ ენაზე და შესაბამისი ტერმინოლოგიაც არსებობდა. ამიტომ რუსული წიგნი ვაცლებით უკეთ იკითხება, ვიდრე ქართული, რომელიც რაღაცნაირი ბარბაროზებით და გაუგებარი ტერმინებითაა დამძიმებული. ნათქვამს თუ იმასაც დაეუმატებთ, რომ კაპანელი თავისებურად „თავისუფალი მწერალია“, რომლის ნააზრევში მხატვრული სახეები და მეტაფორები მოძალებული, და, ამავე დროს, ავტორი მიზნად ისახავს არა სპეციალური ფილოსოფიური სისტემის, არამედ „ფილოსოფიურ-ესთეტიკური სისტემის“ შექმნას, თანაც ალოგიზმის საფუძველზე, გასაგები გახდება, რატომ არ იზიდავს თანამედროვე ქართულ-ფილოსოფიური აზრის მოთავეების: ნუცუბიძის, უზნაძის, დანელიას, გოგიბერიძისა და ბაქრაძის ლოგიკისა და ტერმინოლოგიის ტრადიციებზე ჩამოყალიბებულ აზროვნებას კაპანელისეული ალოგიზმი აზროვნებისა და ენის სფეროში, მისი მეტაფორები და მხატვრული სახეებით აზროვნება. ამას უნდა დაემატოს ისიც, რომ ფილოსოფიური სისტემები, რომელნიც კაპანელმა გაიხადა ამოსავლად და იმ დროისათვის ასე თუ ისე მოდური გახლდათ (ლაპარაკია ინტროლოგიურ სისტემებზე), მოკლე ხანში მოძველდა და ამდენად თანამედროვე მკითხველისთვის კაპანელის ნააზრევი ნაკლებად შეიძლება იყოს საინტერესო. პრობლემატიკიდან, რომელსაც კაპანელი ეძებდა და წყვეტდა. არსებითი მნიშვნელობა შეინარჩუნა სოციალურ-ფილოსოფიურმა პრობლემებმა: ისტორიისა და ინდივიდის ყოფიერების და საერთოდ მთელი ყოფიერების საზრისის საკითხმა ეპოქის დახასიათებასთან ერთად. ამიტომ ჩვენც ნაკლებად შევჩერდებით კაპანელის სოციალურ-ფილოსოფიურ ნააზრევზე. აღვნიშნავთ მხოლოდ, რომ კაპანელი ცდილობს სულისა და მატერიის მიმართების

კლასიკური თეორიების უარყოფას. მისი აზრით, შეუძლებელია სული-
სა და მატერიის დაპირისპირება და მათი პირველადის ძიება. მატერია
სულის გარეშე არაფერია. ისე როგორც სული მატერიის გარეშე —
მათ ერთიანობაში აქვთ საზრისი. ეს თავისებური ნაირსახეობა პრინცი-
პული კოორდინაციის თეორიისა კაპანელთან იწოდება კოსმიზმად და
ბიოფსიქიზმად: „ბიოფსიქიზმი და კოსმიზმი სრული გა-
მოსახულებაა ჩვენი ფილოსოფიური მსოფლმხედველობის. „სულსა“
და „მატერიას“ შორის დამოკიდებულება. ისე როგორც ეს ფილოსო-
ფიურ სისტემებშია გამოსატული, ჩვენთვის ერთგვარი პარალოგიზმია
და მთელი ეს წიგნი ამ ისტორიული მეშინაური პარალოგიზმის უარყო-
ფაა“¹. მთელი ეს შრომა, ისე როგორც წინარეც, ავტორის მიერ სინამ-
დვილის უშუალო განცდის თავისებური გადმოცემაა. ამ მხრივ კაპანე-
ლი მოგვაგონებს იმპრესიონისტებს. მხოლოდ იმ განსხვავებით, რომ
ისინი ეძებდნენ და აღიქვამდნენ ნათელ ფერებს. ყველაფერს მათ
შუქზე ხედავდნენ; კაპანელი კი ყველაფერში ეძებს ბნელს, ღამისეულს
და ყველაფერს აღიქვამს მუქ ფერებში. მისთვის ყველაფერი ღირებუ-
ლებას მოკლებულია, რადგან არაფერია აბსოლუტური, მთელი ისტო-
რია და კულტურა, ისე როგორც ადამიანის ყოფიერება, შეიძლება შე-
ვადართო უნივერსალს, რომელშიც ყველა სახის საქონელია მოცემული
და არჩევანი სუბიექტზეა დამოკიდებული. კაპანელის პოზიცია, თუ
განწყობა, ერთია — ყველაფერს მოუნახოს შავი ლაქები, მათზე დაიყ-
ვანოს ყველაფერი. ისტორიაც და კულტურაც უსაზრისობის უამრავ
ნიშნულს ავლენს და კაპანელიც სწორედ მათზე იღებს ორიენტაციას,
საზრისიანს კი უყურადღებოდ ტოვებს. ადამიანის ყოფიერება და
არსებობაც მრავალსახეოვანი: მას აქვს ღირებულება და პრინციპები
მის მიერ შექმნილი და ჰუმანურობის მაჩვენებელი; ადამიანს აქვს ის-
ტორია, რომელშიც ახორციელებს თავის ყოფიერებას და საკუთარ
არსებობას მასთან შესაბამისობაში მოიყვანს. მაგრამ კაპანელი ხედავს
მხოლოდ იმას, რაც ადამიანის შემოქმედებაში უსაზრისოა, მისი ყოფი-
ერების საწინააღმდეგოა, თუმცა მასთან ერთად და მისი მიზეზით
არსებობს. ის მუქი სათვალავებით ჰვრეტს სინამდვილეს და ამიტომ სხვა
ფერებს არ ცნობს. იგი მოუცავს სევდას, რომელსაც ის სამყაროსე-
ულს უწოდებს; რომელიც განსაზღვრავს მის ნიჰილიზმს კულტურისა
და ადამიანის მიმართ. თუ ექსისტენციალისტებმა შიში სიკვდილის წი-

¹ კ. კაპანელი. სული და ბნელ. თბილისი, 1923. გვ. 9.

ნაშე ადამიანის ყოფიერების ძირეულ ფენომენად გამოაცხადეს, კაპანელისთვის ეს შიში ადამიანის ყოფიერების სასრულობისა და მსხვერვალობის წინაშე ყველაფერს ართმევს სიმყარეს და ღირებულებას. სწორედ ამით აიხსნება მის თვალში ღირებულებათა გაუფასურება და შემდეგ სახის მტკიცებაში: „რაციონალიზმი აზროვნების ისტორიაში ინკვიზიციების მიხეზია... ირაციონალიზმი ახასიათებს არსებობის ყოველ წუთს... რასაც წუთისოფელს. სამყაროს ექაზით, ის შემთხვევითობათა დაუსრულებელი დინებაა... ისტორია ლეგენდაა... ერები და ქალაქები, ცივილიზაცია და კულტურა, მარადიული ლანდების კოშმარული დემონსტრაციაა... ჭია-ბუჰყევიდან შეიქმნა ადამიანის „მე“, ჭია-ბუჰყევიდან დაიშლება იგივე „მე“... აბსოლუტური ჭეშმარიტების ძიება, კაცობრიობის დონ-კიხოტობის კეთილშობილი სახეა... სამყაროს ერთ კუთხეში რაც ჭეშმარიტებაა, მეორე კუთხეში ის სიყალბეა... რაც დღეს რომელიმე ერისთვის იდეალია, ის შეიძლება ხვალ სათრეველი და საღალღობო გახდეს... ყველაფერი ლეგენდა და სოფიზმია... სამყაროს დაუსრულებლობაში ლოგიკური თვალთახედვით ნაოლეონი იგივეა. რაც ტასმანიის ბელურა, კანტი იგივეა; რაც ცეილონის კენგურუ¹. ამგვარი აზრებით აღსავსეა კაპანელის შრომები და გასაგებია, რომ ჭუმანიშმის და ოპტიმიზმის პრინციპებზე აგებული საზოგადოებისთვის ეს აზრები, ძალზე შორეული და არქაული მოჩანს. მაგრამ ამ აზრებს ერთნაირად ასაზრდოებდა, როგორც კაპანელის განწყობილება, ისე ეპოქის სოციალური კატაკლიზმები. წარსულის მრავალ უსაზრისობას მიემატა კაპანელის სამოღვაწეო ასპარეზზე გამოსვლის პერიოდში პირველი მსოფლიო ომი, რომელმაც უამრავ მატერიალურ ღირებულებებთან ერთად ოცი მილიონი ადამიანის სიცოცხლე იმსხვერპლა და ამდენევე ზეობრად დატოვა. ეს საკმაო შეიქნა დეკადენტური განწყობილების წარმოშობისათვის რუსეთისა და ევროპის მრავალ მოაზროვნეთა შორის. ამ ფაქტის კარგი ახსნა გერმანული სინამდვილის მიმართ მოცემული აქვს თომას მანს, რომელიც ახასიათებს რა ეპოქის დეკადენტურ სულისკვეთებას, აღნიშნავს:

«Живо чувствовалась здесь и объективно определились: невероятная обесцененность индивидуума как такового в результате войны, невнимательность, с которой жизнь проходит теперь мимо отдельной личности и которая претворилась в людских душах во всеобщее равнодушие к ее страданиям и гибели. Эта не-

¹ კ. კაპანელი, სული და იდეა, თბილისი, 1973, გვ. 10. 11. 12.

внимательность, это безразличие к судьбе одиночки могли показаться порождением только что закончившегося четырехлетнего кровавого пиришества; но никто не заблуждался: как во многих других аспектах, война и здесь лишь завершила, проявила и выдвинула преедала то, что давно уже намечалось и должно было лежать в основу нового жизнеощущения. Чувство, что завершилась эпоха, не только охватывавшая девятнадцатый век, но восходящая к концу средневековья, к подрыву схоластических святош, к эмансипации индивидуума, к рождению свободы, эпоха, каковую я, собственно, должен был считать своим вторым духовным отечеством, словом, эпоха буржуазного гуманизма, ощущение, что час этой эпохи пробил, что жизнь меняется, что мир вступает под новые, еще безыменные созвездья,— это невероятно настораживающее чувство, рожденное, правда, не окончанием войны, а уже ее началом, через четырнадцать лет после смены столетий, и было первоосновой потрясения, страха перед судьбой, извешанного тогда такими как я. Не удивительно, что все-разлагающее поражение довело это чувство до крайности».¹

სწორედ ეპოქის ანტიინდივიდუალისტურმა სულისკვეთებამ და ინდივიდის ღირებულებათა გაუფასურებამ გამოიწვია ინდივიდუალიზმისაკენ მიბრუნება და პროტესტი ინდივიდის გაუფასურების გამო. ამ პროტესტის გამოხატულება დიდი მასშტაბით იყო ნიცშეს, კირკეგორის, დოსტოევსკის და სხვათა ნააზრევი. უფრო პატარა მასშტაბით იგივე გამოიხატა კაპანელის ცნობებებში ამ თუ სხვა მოაზროვნეთა გზით.

კაპანელის ცდა („სული და იდეა“-ში) — სისტემური სახით წარმოედგინა მატერიალური და სულის მიმართების ფილოსოფიის ისტორიულ კონცეფციებთან დაპირისპირება და მათი უარყოფით შედეგება მატერიალური და სულის მიმართების ახალი სურათი, რომელსაც ის ბიოფსიქიზმს უწოდებს, წარუმატებელი გამოდგა. წარუმატებელი იყო ფილოსოფიის ისტორიული დასაბამებაც, რადგან იგი მოკლებული იყო სისტემატურობას, ასევე საკუთარი კონცეფციის წარმოდგენის ცდაც, ძირითადი, რას გამოატანაც შეიძლება კაპანელის მრავალსტეფიანობიდან, არის მტკიცება, რომ სულიერი პროცესება იაკვერებულა ნერვულ სისტემასთან და რომ შემეცნება ორგანული ბუნებისაა, რომ იდეები წარმოიშობა ორგანული ენერჯის ხარჯით, შემეცნება იქმნება ნერვული მასალებიდან. ამ მტკიცებათა სათავედ სულიერი კაპანელი ცდილობს, დაასაბუთოს იდეის მიწიერება, აჩვენოს, რომ ის არ არის „ზნეობრივი

¹ Т. М а н и. Сочинения, т. 5, 1960, стр. 107.

და შემატერიალური ბუნება“. კაპანელი ამტკიცებს, რომ მატერია გველენას ახდენს სულზე და სული მატერიაზე. „შემეცნება პასიური ორგანოტროპიულია“, იგი დამოკიდებულია ორგანიზმის გაწვრთნილობა-სა და ასოციაციებზე. კაპანელი ორგანიზმს ადარებს სახელმწიფოს, რომლის ფუნქციობა დამოკიდებულია მოხელეთა საქმიანობაზე — ორგანიზმის მოხელეებია ნერვული სისტემა და გრძნობის ორგანოები. ეს უკანასკნელი საშუაროში გასასვლელი ფანჯარაა, რომლიდან მიღებულ მასალას ამუშავებს ნერვული სისტემა. ამდენად, აზროვნება მთელი ორგანიზმის მოქმედების შედეგია და არა ტვინის.

კაპანელის პირველ მონოგრაფიაში მსჯელობა იყო კოსმიზმზე, მეორეში იგი შეივსო ორგანოტროპიზმით და ავტორი ცდილობს, გაარკვიოს მათ შორის მამართება. აღმოჩნდება, რომ აქ განსხვავება არაა. იმავე ბიოლოგიზმის (ორივე განშტოებით — ორგანიციზმითა და სოციალდარვინიზმით), ვულგარული მატერიალიზმის, პრინციპული კოორდინაციის დებულებები შევსებულია გეოგრაფიული დეტერმინიზმის პრინციპებით. ეს უკანასკნელი განსაკუთრებით მკაფიოდ გამოვლინდა შრომაში — „სული და იდეა“. ავტორის აზრით, მოვლენებისა და პროცესების სახეს განსაზღვრავს ცხოვრების პირობები, რაშიც იგულისხმება გეოგრაფიული და გეოლოგიური გარემო. „ყველაფერს პირობებს, შესაძლებლობისა და ტერიტორიის ბეჭედი აზის“. ადამიანის ანთროპოლოგიური თვისებები მას გამოყავს ჰავისაგან — ცხვირისა და პირის ზომა დამოკიდებული ყოფილა ჰაერის სიმძიმესა და სიმსუბუქეზე. გარემო აძულებს ორგანულ სამყაროს, შეეგუოს მას და შემდგომ ორგანულ სამყაროს არ შეუძლია გარემოს შეეცლა, არსებობისთვის ბრძოლა და გარემოსთან შეგუება განსაზღვრავენ განვითარებას. კაპანელის აზრით, მთელი სამყარო განსულიერებულია. „ტლანქა, ხორკლიანი... მატერია ქვეს ნატესა იქნება შარაგზაზე, თუ ფილოსოფოსის საფეთქელში მიმოქცეული სისხლი, სულერთია, არ არის მოკლებული სულიერობას“. და შემდეგ: „გრძნობა და აზრი არის მთელ ბუნებაში... ჩვენთვის არ არსებობს მატერია უსულია“. სულიერობა ყველაფერშია — მიწერალებსა და მცენარეებში, ელექტრონსა და რადიუმში. ამიტომ არსებობს მიზიდულობა. ისე როგორც საზოგადოებაში, კაპანელი ბუნებაშიც უარყოფს წინსვლას, განვითარებას. მისი აზრით, მატერიის მარადისობის პრინციპი გამორიცხავს ევოლუციას — ყველაფერ ყველაფრისაგან წარმოიშობა და ყველაფერი ყველაფერში

¹ კ. კაპანელი, სული და იდეა, გვ. 31, 46, 49.

გადადის, რომლის დროსაც სამყაროს ელემენტები უცვლელია. მრავალფეროვნება ელემენტთა გადაჯგუფების შედეგია, სიხსნე სხვა არაფერია, თუ არა ელემენტების შეუწყვეტელი ბრუნვა. სამყაროში არაფერი იკარგება და არც არაფერს აქვს დანიშნულება. ყოფიერების აზრით, ბუნების ძალთა თამაში დაუსრულებელია. ახალი სამყაროში მხოლოდ სახეშეცვლელი ძველა. მატერია ჰგავს მოგზაურებს, რომელთა დასვენების წერტილებია საგნები. ეს საყოველთაო მოძრაობა წინსვლის გარეშე ჰგავს პენელოპეს საქსოვს, რომელსაც მუდამ ქსოვს და შლის ოდისევსის მოლოდინში... სულისა და მატერიის ურთიერთშერწყმა კაპანელს ასე აქვს გამოთქმული: „სული ორგანული განცდის ენერგიაა და წარმოუდგენელია, თუ არ იცის მატერია, მატერია და მისი ფორმები წარმოუდგენელია სულის გარეშე“¹. კაპანელის აზრით, არც მატერიაა სუბსტანცია და არც სული. ამიტომ მატერიალიზმიც და იდეალიზმიც მცდარია. სუბსტანციურობა არ შეუძლია არც ერთს, რადგან ისინი ერთმანეთის გარეშე არ არსებობენ. მთელი სამყაროს განსულიერება, ეს თავისებური პრიმიტიული ანიმიზმი, რომელსაც შეუძლებელია მე-20 საუკუნეში რაიმე გამართლება ჰქონდეს, კაპანელის აზრით, თანამედროვე მოაზროვნეთა მიღწევებით საბუთდება, თუმცა არც ერთი მათგანის ნააზრევს არ იხილავს არსებითად.

შემეცნების საკითხების გააზრებაშიც კაპანელი რელატივიზმისა და აგნოსტიციზმის ნიადაგზე დგას. ის ხშირად იმეორებს პასკალის გამოთქმას: ალპებს აქეთ რაც ჰუმმარიტებაა, ის ალპებს იქით სიცრუეაო. ჰუმმარიტება, მისი აზრით, დამოკიდებულია დროზე, გარემოზე, ვითარებასა და სუბიექტზე. ყოველ შემთხვევაში, არც ერთი აზრი არ გამოხატავს საგანთა სამყაროს ისე, როგორც ის არსებობს და არც შეუძლია მას სწვდეს, რადგან „ჩვენი ცნებები ნამდვილი საგნებიდან გადაღებული სურათები კი არ არის, არამედ ტრადიციულად მიღებული სიმბოლოები... ჩვენ ვლაპარაკობთ არა საგანზე, არა საგნის თვისებებზე, არამედ იმ სიმბოლოებზე, იმ ნიშნებზე, რომელთა გამოსახულებანი შეადგენენ ჩვენს აზროვნებას“². მეცნიერული შემეცნება შეუძლებელია — ერთნაირი ღირებულებისაა ის, რასაც მეცნიერულ შემეცნებას ვეძახით და ისიც, რასაც ცრურწმენად ვთვლით. მაგალითად, დებულება: მთვარე იზიდავს ოკეანეთა წყლებს, ისეთივე მნიშვნელობისა

¹ კ. კაპანელი, სული და იდეა, გვ. 33.

² იქვე, გვ. 111.

გამოთქმა, როგორც მეგრელი დედაკაცის აზრი, რომ ბავშვი მომთვარა. ე. ი. მთვარემ გახადა ავად. არც მეცნიერებამ და არც იმ დედაკაცმა არ იციან მთვარის მოქმედება. ფაქტია, რომ იზიდავს, მაგრამ როგორ და რატომ. არავინ იცის. ამიტომ ამის გამოთქმა შეიძლება ეროსის ენაზეც: შეყვარებული მთვარე დროგამოშვებით კოცნის ოკეანეს და ტალღები, როგორც ჯულიეტები, იწევენ ხოლმე მალსა. თუ დავდგებით იმ თვალსაზრისზე, რომ ყველაფერს ეროტიკა უდევს საფუძვლად. ყველაფერი ბიოლოგიურ ურთიერთმისწრაფებათა შედეგია, და, ამვე დროს, განსულიერებული. შეგვიძლია ვთქვათ, რომ ყველგან სიყვარულია, პლანეტათა შორისაც, და ესაა მათი მიზიდულობის და მოძრაობის წყარო. კაპანელს შემეცნება მთლიანად ბიოლოგიური საწყისებით აქვს ახსნილი. ფიქრობს, რომ ის ნერვული სისტემის, განცდითი სულიერობის ცენტრალიზაციაა. სამყაროში ყველაფერი განცდაა. კაპანელი ასწორებს ბიბლიასაც და გოეთესაც: თუ ბიბლია ამბობდა — თავდაპირველად იყო სიტყვა, გოეთემ თქვა — თავდაპირველად იყო საქმე, კაპანელის აზრით, არც ერთი არაა სწორი, რადგან თავდაპირველად იყო განცდა. აბსოლუტური რელატივიზმი კაპანელთან პირველ რიგში განცდის თავისებურებითაა გამოწვეული. თუ შემეცნება განცდაა, განცდა კი ინდივიდუალური, ქვეშაირიტება შეუძლებელია იყოს საყოველთაო მნიშვნელობის, ის იმდენია, რამდენი ინდივიდუალური განცდაცაა, კიდევ მეტი — ყოველი შემეცნება ინდივიდუალურის შიგნით თითოეული ორგანოს მიერ დიფერენცირებულია და არ არსებობს მთელი ორგანიზმის ერთიანი შემეცნება, რადგან ჩვენი სხეულის ყოველ ნაწილს აქვს საკუთარი შემეცნება, საკუთარი ინტელიქტი და სულიერობა, რომელიც შედის ინდივიდუალურ მსოფლმხედველობაში, როგორც მდინარე ოკეანეში და საჭიროების დროს მოქმედებს ავტონომიურად. ამის საბუთად კაპანელს მოყავს ასეთი მაგალითი: თუ თითს ვიტკენთ, იგი დიდხანს თავისთავად. ჩვენი ჩარევის გარეშე ერთდება რაიმეს მიკარებას. მანასადამე, თითი ავტონომიურად იმეცნებს მასზე ზემოქმედების ძალას. მისი აზრით, ყოველი სოციალური ჯგუფიც თავისებურად განიცდის სამყაროს. ამიტომ „ჩვენი მსოფლმხედველობა კუთხური, ტერიტორიული და ტროპიულია“.

კაპანელი ამ შრომაში ეხმიანება ფილოსოფიაში ორ სიახლეს, თუ უკანასკნელ სიტყვას — ერთი მხრივ, შპენგლერის „ევროპის მზის ჩასვინების“ იდეებს. და მეორე მხრივ, შალვა ნუცუბიძის „ალეთოლოგიას“. შპენგლერის შრომა 1918 წელს გამოვიდა. ამ პერიოდში კაპა-

ნელს უკვე ჩამოყალიბებული ჰქონდა თავისი რელატივიზმი და აგნოსტიციზმი, მაგრამ მათ, დასაბუთების მიზნით, კიდევ მიუმატა მეცნიერებათა ახალი რიგი — „მათემატიკური მეცნიერებანი“. შპენგლერმა არა მარტო მსოფლმხედველობა გამოაცხადა ეპოქალურად და ინდივიდუალურად, არა მარტო ისტორია ჩათვალა პროვინციულად და პრეზენტისტულად, როდესაც ყოველი ეპოქა თავისი ინტერესების შესაბამის სურათს ქმნის, — ამას კაპანელიც ამტკიცებს, — არამედ მათემატიკაც, მათემატიკური შემეცნება, რომელზეც იზომებოდა შემეცნების სიზუსტე, ეპოქალურად გამოაცხადა და ამტკიცებდა, რომ ყოველ ეპოქას თავისი მათემატიკა აქვს. კაპანელმაც აიტაცა ეს იდეა. მისი აზრით, მათემატიკაც და ბუნებისმეტყველებაც „სულის ეშმაკობაა“

(ჰეგელის ტერმინი), მისი ობიექტურობა იმის შედეგია, რომ ჩვენი ორგანული ფსიქიკური ჩვეულება შემთხვევით შეესაბამება კოსმოსურ ირაციონალობას. ფაქტობრივად მეცნიერება ილუზიების სამყაროა. ყოველი საუკუნის ჭეშმარიტება ისტორიულ ფსიქიკურ ჩვევათა მიხედვით გადმოცემული მსოფლმხედველობათა წყობაა. ჭეშმარიტების ნიშანია ფსიქიკურობა, იგი განცდის ფორმაა, არა ზენდივიდუალური ცნობიერების, არამედ ემპირიული ინდივიდის „მე“-ს ვანცდაა. ცნება ფაქტის ასახვაა, მაგრამ ისე კი არა, რომ ფაქტის არსებობა განაპირობებდეს ცნების არსებობას, პირიქით, „თუ ცნება არ არის, არც ფაქტი არსებობს“. კაპანელის აზრით, ამ დებულების გამართლებაა ჰეგელის მტკიცება — თუ ფაქტები არ შეესაბამება ჩემს თეორიას, მით უარესი მათთვის. ყოველ შემთხვევაში, შემეცნება საგნის შესახებ არაფერს გვეუბნება, რადგან მხოლოდ თვისებებს ვაცნობს. თვისებები ჩვენა განცდის ფორმებია. იმის თქმა, რომ მაგიდა გრძელია, შავია და ათ გირვანქას იწონის, თვით მაგიდის შესახებ არაფერს გვეუბნება, არამედ გვამცნობს, რომ ჩვენი მხედველობის ძარღვს რაღაცა აღიზიანებს, რასაც დაარქვეს მაგიდა. იწონის ათ გირვანქას, ნიშნავს, რომ ჩვენი კუნთების გარკვეული ენერჯიაა საჭირო მის ასაწევად. ამგვარად, თვისებები შთაბეჭდილებებია, ამიტომ „ჩვენი წარმოდგენა საგანზე შთაბეჭდილებათა მეტს არაფერს შეიცავს და როდესაც საგანს განვმარტავთ, მხოლოდ ვალაგებთ შეგრძნებათა რიგს და რაოდენობას ჩვეულების მიხედვით. საგნის შინაგანი თვითური რაობა (კანტის ნოუმენი), ჩვენი ნერვული, ფსიქიკურ გაღიზიანებათა შეუცნობელი მიზეზია“¹.

¹ კ. კაპანელი, სული და იდეა, გვ. 67.

თავისი აზრის საილუსტრაციოდ კაპანელი იღებს ასეთ მაგალითს: „კეთილშობილი ადამიანი პატივისცემის ღირსია“ — ამ წინადადების ანალიზით ადგენს, რომ კეთილშობილი ნიშნავს დადებითს. ეს ცნება ჩვეულებრივი, ორგანოტროპული, ტერიტორიული და კუთხური. მისი მნიშვნელობა ამ კუთხურობით განისაზღვრება. „ღირსია“ გამოხატავს ამ კუთხურ კეთილშობილებასთან ჩვენს დამოკიდებულებას. „პატივისცემა“ კეთილშობილების ღირსების დაკავშირებაა სხვებთან, რომელთა პატივისცემა ჩვეათა გამოხატულებაა. ამდენად, წინადადების საზრისო მთლიანად სუბიექტურია შინაარსის ჩათვლით. ასეთივე ვითარებაა გეომეტრიის სფეროდან აღებულ მსჯელობაში. „სამკუთხედის“ ცნებაში ორი მომენტია — ერთი, რომ არსებობს ფიგურა შემოფარგლული სამი სწორით და მეორე, რომ მას ეძახიან სამკუთხედს; პირველი კუთხური თუ არა, პლანეტარული ჩვეულებითაა განმტკიცებული, მეორე ამ ჩვეულების სიმტკიცის გამოხატულებაა; პირველს შეიძლება მიეწეროს ჰერმეტიკობა-მცდარობა, მეორეს — არა. შემეცნებას, მისი აზრით, ორი მხარე აქვს — სიტყვები და ფაქტები, ჩვეულება აკავშირებს მათ ერთმანეთთან. ჩვეულება კი არაა დამოკიდებული არც ფაქტებზე და არც სიტყვებზე. კაპანელის აზრით, საგნის არსებობა მის აღქმაზეა დამოკიდებული. აღმქმელისაგან დამოუკიდებელი არსებობა, ბერგსონის მსგავსად, კაპანელს უაზრობად ეჩვენება. ეს ნიშნავს, რომ შეუძლებელია არსებობდეს ჰერმეტიკობა თავისთავად. თუ არსებობს თავისთავადი ჰერმეტიკობა, მხოლოდ იმდენად, რამდენადაც არსებობს ჰერმეტიკობა ჩვენთვის. კაპანელი ეხმაურება შ. ნუტუბიძის იმ პერიოდში გამოსულ შრომას — „ალეთოლოგიის საფუძვლები“, (1922). აღნიშნავს, რომ „შ. ნუტუბიძე იძლევა ჰერმეტიკობის პრობლემის ორიგინალურ დასაბუთებას. ქართულ ფილოსოფიურ ლიტერატურაში ალეთოლოგიის საფუძვლები საპატიო ადგილს დაიკავებს¹. მაგრამ კაპანელი არ ეთანხმება ნუტუბიძის ძირითად იდეას — თავისთავადი ჰერმეტიკობის არსებობას, რადგან მისი დაშვება გულისხმობს თავისთავადი სინამდვილის აღიარებას. კაპანელის აზრით კი თავისთავადი სინამდვილე არაა, ის მხოლოდ იმდენადაა, რამდენადაც მოცემულობაა. ამიტომ ჰერმეტიკობაც არ შეიძლება იყოს თავისთავადი. ჰერმეტიკობა არის, რაც „მე“-დან გადავიტანეთ სინამდვილეზე. „ფაქტის რეალობაში ჩვენ შევიცნობთ მხოლოდ იმ მტკიცებებს, რომელთაც მივაკუთვნებთ ფაქტს

¹ კ. კაპანელი, სული და იდეა, გვ. 68.

ჩვენი სურვილებისა და ორგანულ-ტემპერამენტული დასწრის გავლენით“¹. ფაქტის სახე გრძნობის ორგანოზეა დამოკიდებული. სხვანაირი გრძნობა რომ გექონდეს, ფაქტი სხვა სახეს მიიღებდა. ჩვენი 'მეცნებების წრე ჩვენზეა დამოკიდებული. თუნდაც დაეუშვათ შემეცნებამდე საგნის არსებობა, ის მაინც გამოირიცხულია, რომ ჩვენ მიერ შეცნობილი საგანი ისეთია, როგორადაც შევიცნობთ. საინტერესოა, რომ თავისთავადი ქვეშარიტების მიმართ ორი საპირისპირო თვალსაზრისი — ასახვის თეორიაც და კაპანელის სუბიექტივისტური პრინციპი — ერთნაირად უარყოფითადაა განწყობილი, თუმცა უარყოფა სხვადასხვა პოზიციიდან ხდება: ასახვის თეორიისთვის თავისთავადი ქვეშარიტება გამოირიცხულია, რადგან შემეცნება ასახვაში მდგომარეობს, ასახვა კი ამსახველისაგან დამოუკიდებლად არ არსებობს; კაპანელთან სხვა ვითარება — ერთი მხრივ, იგი ამტკიცებს, რომ მთელი სინამდვილე სულიერია, მამასადამე მას შთაბეჭდილების მიღების უნარიც უნდა ჰქონდეს. თუ ეს ექნება, თავისთავადი ქვეშარიტებაც უნდა იყოს, მაგრამ კაპანელი გამოირიცხავს თავისთავად ქვეშარიტებას იმის გამო, რომ მისთვის სინამდვილე არ არსებობს სუბიექტისაგან დამოუკიდებლად. არსებობა უდრის განცდას. თავისთავადი ქვეშარიტება კი განცდის გარეთ უნდა იყოს. მეორეც, კაპანელის მიხედვით საგანი თავისთავად არასდროს არ გვეძლევა. საგანი ისეთია, როგორადაც განვიცდით. მაგრამ კაპანელი უარყოფს არა მხოლოდ თავისთავად ქვეშარიტებას, არამედ ყოველგვარ ობიექტურ ქვეშარიტებას, ქადაგებს პლურალიზმსა და ინდივიდუალიზმს, აღადგენს პროტაგორას თეზისს, რომ ადამიანი არის საზომი ნივთთა — ისეთების, როგორებიც არიან და ისეთებისაც როგორებიც არ არიან. მარქსისტული თეორია კი ამოდის ობიექტური ქვეშარიტების აღიარებიდან. მაგრამ უარყოფს ობიექტურად არსებულ ქვეშარიტებას. თუ შემეცნება ასახვაა, ობიექტურად არსებული ქვეშარიტების დაშვება იქნებოდა შემეცნების შემეცნებამდე არსებობის აღიარება. ქვეშარიტების ობიექტურობისთვის არაა აუცილებელი მისი ობიექტურად არსებობა, საკმარისია ობიექტით განსაზღვრულობა. შემეცნებას, კაპანელის აზრით, ფაქტის როგორობა ან საგნის რაობა კი არ განსაზღვრავს, არამედ გრძნობის ორგანოთა სტრუქტურა. „მე რომ სხვანაირი გრძნობა მქონდეს, ან ფაქტის შეცნობის სხვანაირი ტრანს-

¹ კ. კაპანელი, სული და იმეა, გვ. 69.

ცენდენტალური პირობა, თვით ფაქტი სხვა სახეს მიიღებდა“¹, — ამტკიცებს იგი. ქვეშარიტება განპირობებულია ერის, ტომის თუ სხვა სახის სოციალურ-ეთნიკური ერთობის ტრადიციებით, ჩვევებით, კულტურით. მას მოაქვს ასეთი მაგალითი: ინგლისელ ექიმ ლოდორს, რომელიც მართავდა ავსტრალიის ერთ-ერთ პროვინციას, გამოეცხადა ავსტრალიელი, რომელსაც ცოლი გარდაცვლიდა — ავსტრალიელი ამაში მეზობელ ტომს ადანაშაულებდა და ითხოვდა ნებას, მოეკლა ამ ტომის ერთ-ერთი წევრის ცოლი. როცა უარი მიიღო, დაავადდა — აწუხებდა. რომ ვერ შეასრულა თავისი მოვალეობა. ბოლოს მაინც მაღწია მიწას. და ლოდორს მოახსენა, რომ შეასრულა თავისი ქვეშარიტო მოვალეობა. ამისთვის იგი ციხეში ჩასვეს. გამოდის, რომ ის, რაც ავსტრალიისთვის იყო ქვეშარიტი, ინგლისელისთვის არ აღმოჩნდა ქვეშარიტება, და კაპანელი ნიშნის მოგებით კითხულობს: ალეოლოგთან თვალსაზრისით ვისკენაა აბსოლუტური ქვეშარიტება? მასი აბრა, აქ ორი კულტურის შეხვედრის საზღვარზე ქვეშარიტებას ლოკატორ პრობლემა გადაიქცა „ტერიტორიულ-ტროპულად“. მართალია. მარტინიზმი უარყოფს თავისთავად ქვეშარიტებას, მაგრამ კაცა ელს არგუმენტი მაინც შეუძლებელია მივიჩნიოთ თავისთავადი ქვეშარიტების უარყოფელად. მის მაგალითში საკითხი არ ეხება ქვეშარიტება-მკდარობას, აქ ორი კულტურის ორი წარმოდგენაა ადამიანის მოვალეობაზე — ორივე ფიქრობს, რომ თავიანთი წარმოდგენაა სწორი, მაგრამ ეს არ ნიშნავს, თითქოს ამიტომ ორი ქვეშარიტება არსებობდეს. ფსიქოლოგიური თვალსაზრისით ორივე მხარე მართალია, ნორმატიული თვალსაზრისით — ერთ-ერთი. სინამდვილეში კი ქვეშარიტების საკითხი აქ საერთოდ არ დგას. თუნდაც ავსტრალიელის ნათქვამი სიმართლე იყოს, ეს არ ნიშნავს, რომ ის ქვეშარიტებაა, სიმართლე და ქვეშარიტება არ ემთხვევა ერთმანეთს: სიმართლე ფსიქოლოგიური კატეგორიაა და გამოხატავს გამოთქმელის დარწმუნებულობას მის სისწორეში; ქვეშარიტება კი შემეცნებისეული კატეგორიაა და გამოხატავს აზრის შესაბამისობას ნივთთა ვითარებასთან. რასაკვირველია, ქვეშარიტებას ყოველთვის თუ არა, ხშირად მაინც ახლავს მასში დარწმუნებულობა, მაგრამ ეს არ ნიშნავს, რომ რაიმეში დარწმუნებულობა მის შესახებ აზრს მიანიჭებს ქვეშარიტებას. აზრის ქვეშარიტება არაა დამოკიდებული იმაზე, დარწმუნებულია თუ არა მასში ვინმე.

¹ კ. კაპანელი, სული და იდეა, გვ. 69.

კაპანელი ეწოდეს იმ ოვალსაზრისსაც, რომ ქეშმარიტება ლოგიკის სხვაანაა, რომ ის საერთოდ ლოგიკას კატეგორიაა. კაპანელის აზრით. ქეშმარიტება ფსიქოლოგიური კატეგორიაა. მარადისობისა და უნივერსალობის მიხედვით ლოგიკაც ისევე ყალბია, როგორც ქეშმარიტება — ისიც კუთხურია. „თვისებათა შეგრძნობა და შეცნობა... ფსიქოლოგისტურია და არა ლოგიკური“¹. მისი აზრით, ყოველ ადამიანს თავისი სულიერი გაწვრთნილობა შეაქვს შემეცნებაში. ვაჭარი და მოწაფე სხვადასხვანაირად შეიცნობენ ფანქარს, ისე როგორც ყასაბი და მხატვარი — ძროხას. ყველა შემთხვევაში სუბიექტის განწყობა, მისი ფსიქიკური წარმართულობა განსაზღვრავს იმას, თუ რა სახისად შევიცნობთ საგანს და არასოდეს არ მივდივართ თვით საგნის რაობამდე. „საგნის თვისებათა სისტემაში ქეშმარიტების გამოსახვა სრულებით არ ნიშნავს საგნის რაობის შეცნობას. ისე როგორც ცარიელი ბოთლებისა და კოლოფების ჩამოწყობა თაროებზე სავაჭრო სახლის გახსნას არ ნიშნავს“². კაპანელი ფიქრობს, რომ ლოგიკა სხვა არაფერია, თუ არა ფსიქიკური ჩვეულებებით გამტკიცებულ პრინციპთა ერთობლიობა. და ლოგიკა ფსიქოლოგიის ერთ-ერთი სახეობაა. იგი აკრიტიკებს ვედენსკისა და ნუტუბიდის ანტიფსიქოლოგიზმს. კაცობრიობის ყველა უბედურებას — ინკვიზიციასა და ინტელექტუალურ კარჩაყეტილობას, ქრისტეს, სოკრატეს, ნიუტონის, გალილეის წამებას — იგი ლოგიკას აბრალებს. ამავე დროს, ამტკიცებს, რომ ლოგიკა მისაღებია როგორც მეთოდი, მაგრამ თუ იგი ამდენი უბედურების მიზეზია, როგორ შეიძლება მისი გამოცხადება მისაღებად. ერთი რამ სწორად აქვს კაპანელს მიგნებული — ეს არის გარკვეული მსგავსება ლოგიკასა და გრამატიკას შორის. ლოგიკა აკვირდება შემეცნების ბუნებას, ისე როგორც გრამატიკა ენისას. შემდეგ იმეორებს ჰეგელის დებულებას: ისე როგორც გრამატიკით ვერ ისწავლი ენას. ლოგიკით ვერ ისწავლი აზროვნებას. კაპანელის თვალსაზრისი არაა უბრალო ფსიქოლოგიზმი — ფსიქოლოგისტები არ უარყოფენ ლოგიკას. კაპანელის მიხედვით ლოგიკა სოფიზმია. ეს ალოგიზმი, შევსებული ირაციონალიზმითა და რელატივიზმით, არის კაპანელის შემეცნების თეორიის ძირითადი პრინციპი. ეს იგივე პრინციპებია, რაც პირველ შრომაში იყო. ყველა შემთხვევაში აღმოჩნდა, რომ კოსმიზმი და ორგანოტროპიზმი არაფრით განსხვავდე-

¹ კ. კაპანელი, სული და იდეა, გვ. 72.

² იქვე.

ბი ერომანიუოსისაგან. ასაღ სახელწოდებას ასაღი შინაარსს არ მოიპყილა.

კაპანელის ნააზრვეის გასაცნობად ძირითადია პიროვნებისა და ისტორიული ყოფიერების საზრისის საკითხი. ამ პრობლემის გარშემო „სულსა და იდეაში“ ბევრი რამ მეორდება პირველი შრომიდან, მაგრამ, ამავე დროს, არის გარკვეული სიახლეც—ამ დროისთვის უკვე გამოსულია ოსვალდ შპენგლერის „ეროპის მზის ჩასვენება“, რომლის გავლენის კვალი დაეტყო კაპანელის ამ ნაშრომს. ეს არ იყო შემთხვევითი — შპენგლერიც „სიცოცხლის ფილოსოფიის“ წარმომადგენელი იყო და ისიც კაპანელივით ყოფიერების უსაზრისობას და წრებრუნვებ თეორიას ქადაგებდა.

არსებითი განზომილება, რომელშიც კაპანელი ისტორიისა და ინდივიდის ყოფიერების უსაზრისობას ხედავს, ესაა წინააღმდეგობა იდეალსა და სინამდვილეს შორის. ყოველი ყოფიერების, იქნება ეს ინდივიდის თუ სოციალური ერთობების, საზრისი წარმოდგენილია იდეალის სახით, რომელსაც სუბიექტები ესწრაფვიან, მაგრამ ისტორიული სინამდვილე ამ იდეალის საპირისპიროა. იგი მიმოიხილავს ისტორიას ანტიკურობიდან დღემდე და აჩვენებს წინააღმდეგობას იდეალსა და სინამდვილეს შორის ყოველ ეპოქაში, რაც იწვევს ადამიანში საკუთარი უმწეობის შეგრძნებას, „მსოფლიო სევდას“, რომელიც გამოხატავს „კაცობრიობის უკეთილშობილეს და უმშვენეირეს გრძნობებს“. ადამიანი რომ გრძნობს წინააღმდეგობას იდეალსა და სინამდვილეს შორის, ეს იწვევს მასში ტანჯვას. ეს წინააღმდეგობა გადააწყვეტინებს მას, გადასინჯოს ღირებულებანი — ახალი ღირებულებანი ძველის ადგილს იკავებს და ისევე ახალ იდეალებს წარმოადგენს, რომელთაც არ უწერიათ განზორციელება და თავიდან იწყება შეუსაბამობა იდეალსა და სინამდვილეს შორის. კაცობრიობის მარადიული ტრაგედიის მიზეზი იდეალთა, ღირებულებათა სამყაროშია. იდეალები მოკლებულია მარადისობას — მორალი, ლოგიკა, ჭეშმარიტება დროული, ტერიტორიული და ორგანოტროპულია. კაცობრიობა ყოფიერების საზრისის მორალურობაში, ლოგიკურობაში, ჭეშმარიტებაში ეძებს, მაგრამ აღმოჩნდება, რომ არც ერთი არ არის მარადიული და განზორციელებადი. ადამიანი ბიოლოგიური არსებაა, მისი ინსტინქტები ძლევენ ყველა იდეალსა და ღირებულებას. აქედან წარმოდგება ჰამლეტის ეპიკები და განაზრებანი, კითხვები: რატომ, საიდან, რისთვის. ეს იდეალისა და სინამდვილის გათიშვის შედეგია: თუ ადამიანი შეიგრძნობს, რომ „ბო-

როტება და სიკეთე ისტორიაში ისეთივე მოვლენებია, როგორც სითბო და სიცივე ფიზიკაში, მაშინ ჩვენში არსებობის სიმწარის შეგრძნება განახევრდება¹. ადამიანის უბედურების წყარო მისსავე ძიების უნარშია. ადამიანი ეძებს მოვლენათა საზრისს, მიზანს. ცდილობს ყოველი არსებული გაამართლოს, ან გაკიცხოს, მაგრამ ერთი და მეორეც სუბიექტურია, ბუნებაში არაა არავითარი საზომი ამ ორი საპირისპირო შეფასებისათვის. ბუნება საქმიანობს ყოველგვარი მიზნისა და გაამართლების გარეშე, მისთვის ყველაფერი სულ ერთია, მას არ ამოძრავებს განგება. არ არსებობს ძალა, რომელიც მოაწესრიგებდა ყოფიერებას. „ქვეყანას არ ჰყავს მმართველი, რომელიც იდგება ქვეყნის გარეშე და მოაწესრიგებს ქვეყნის მსვლელობას, საგანთა და მოვლენათა დინებას. ტრანსცენდენტური, გარესქნელური მიზანი ცხოვრებას არა აქვს“². ავტორი იზიარებს თუ იმეორებს პოლ ვალერის მოსაზრებებს, გამოთქმულს „გონის კრიზისში“: ყოველი კულტურა დროთა განმავლობაში ნანგრევებად იქცევა, შემდეგ კი მითის ფორმით რჩება. „ჩვენ ვერ ვამჩნევთ კულტურის ისტორიაში განსაკუთრებულ აზრს, მიზანს. ყოველი ერი, ყოველი საუკუნე, როგორც ლეიდენის კონდენსატორი, დატვირთული ბიოლოგიური ენერგიით, იცლება და შემდეგ უმიზნოდ უსაზღვროებაში იკარგება: იყო ბაბილონი — ჰქონდა სახელმწიფოებრივი ორგანიზაცია, ჰყავდა მმართველები, იქმნებოდა მეტყველება, ლიტერატურა, ინდუსტრია; სიყვარული, ვნებათაღელვა, ილუზიები, გრძნობები ამშვენებდნენ, ასახიერებდნენ მიწა-წყალს, მინდორ-ველებს, ქალაქებსა და სოფლებს; იყო ეგვიპტი ფარაონებით, მოგვებით, სფინქსებით, წვერადებით, იდეალებით; ელადა თავისი მშვენიერი ღმერთებით, ტრაგედიული მითებით და ლამაზი განცდებით; რომი ძლევამოსილი გაშლილობით და გამბედაობით, ორატორებით და იმპერატორებით. იყვნენ და აღარ არიან? — დარჩა არსებობისა და დიდების ნანგრევები, მოწყენილი, დაღრეჩილი, დარჩა ისტორიული თქმები, დებულებები ვარჯისნი მხოლოდ გიმნაზიური მქვერმეტყველებისთვის. საუკუნეები გაივლიან და ეს თქმებიც აღარ იქნებიან — სხვა საქმეები, სხვა დროის ლეგენდები დაიკავენ მათ ადგალს“³. დავიწყების მტვერი ფარავს ყოველივეს, რაც თავადაც მტკრად და ფერფლად ქცეულა და რა აზრი

¹ კ. კაპანელი, სული და იდეა, გვ. 81.

² იქვე, გვ. 81—82.

³ იქვე, გვ. 82.

შეიძლება ჰქონდეს აყვავების გადასვლას ფერფლში? სიცოცხლისას სიკვდილში? ნუთუ იმისთვის ცხოვრობდა ერი თუ კულტურა, რომ სიკვდილით დაემთავრებინა არსებობა? რატომ იყო შემოქმედება, თუ მისი ბოლო არარაობა იქნებოდა? აი კითხვები, რომლებზეც პასუხი ამტკიცებინებს ავტორს, რომ ისტორია უსაზრისოა. იქნებ უკეთესი მდგომარეობა ინდივიდუალურ არსებობას აქვს და შეიძლება მისი საზრისიანობის მტკიცება? ინდივიდი ხომ თავისი განუმეორებელი გრძობებით და ინტელექტით, განცდებით და ემოციებით ამშვენებს ამა თუ იმ ეპოქას, ერს... მაგრამ მისი ბედიც ისეთივეა, როგორც კულტურის. მისი შემოქმედების, უკვდავების მოჩვენებითობის მიუხედავად მასაც საბოლოოდ დავიწყება და სიკვდილი უწერია. „ვის ახსოვს დღეს რომელიმე ძველი ელინის თავის ქალა თავისი ლამაზი იდეალებითა და ოცნებებით? საუკუნეთა წვიმები და გეოლოგიური ნაკეციები ფარავენ ინდივიდუალურ ვინაობას, მის კეთილშობილ განცდებსა და მისტიკურ შორეულობაში გააზრებულ ლანდებს“. ყოველ ინდივიდს თავისი სამყაროს მსოფლქვერეტა გააჩნია, მაგრამ ეს სამყაროც და მსოფლქვერეტაც წარმატებულია მასთან ერთად. წარმატულობის სევედა მოიცავს ყოველივეს და ერთნაირად განგვატდევენებს როგორც სოციალური, ისე ინდივიდის ყოფიერების უსაზრისობას. კაპანელის ეს ნააზრევი ეხმიანება არა მარტო ევროპელ მოაზროვნეთა პრობლემებს და ფიქრებს, არამედ ის ქართული პოეზიითაც არის ნასაზრდოები. პოეზია და ფილოსოფია, ჰაიდეგერის აზრით, ერთნაირად სვამს ყოფიერების საზრისის პრობლემას და ეს ქართულ პოეზიასაც ისევე ეხება, როგორც ევროპულს. კაპანელი, რომელიც თავის ფილოსოფოსობას იწყებს ქართული პოეზიის მოტივების გააზრებით, ვაჟასა და ბარათაშვილის გენიალობას ხედავს ყოფიერების პრობლემის დასმასა და გააზრებაში. ეხმიანება გალაკტიონისა და გრანელის პოეზიის მოტივებს, და ამას ფილოსოფიით ცდილობს. გასაკვირი არაა, თუ კაპანელი ემსგავსება გალაკტიონის მესაფლავეს, რომლისთვისაც ყველაფერი დავიწყებას ეძლევა. გალაკტიონი თითქოს არ ეთანხმება მესაფლავეს მტკიცებას, რომ „ქვეყანაზე ვინც კი კვდება, იმ წუთშივე მისი ჩრდილი ყველა ჩვენგანს ავიწყდება“, მაგრამ, ყოფიერების ცვალებადობის და წარმატულობის გავლენით დავიწყების აბსოლუტურობაში დარწმუნებული, კაპანელივით უაზროდ მიიჩნევს ისტორიულ თუ ინდივიდუალურ მებსიერებას, რომელსაც არაფრის შეცვლა არ შეუძლია:

„განისვენეთ, განისვენეთ დავიწყებულ არსთა ძელებო...
 თქვენს ყოფნაში არ ერევა ცოცხალ ფიქრი საარსებო...
 განისვენეთ, ძლეურა და უკვდავია თქვენი ძილი...
 რაღად უნდათ, რად სჭირიათ თქვენს საფლავებს ვარდ-ყვავილი?
 ან რას გარგებთ მოკვდავ კაცთა სამუდამო ერემლთა ფრქვევა?
 ძლით ველარ გამოგარკვევთ ვერაა ძალა, ვერც შემთხვევა..
 ასე ხდება ქვეყანაზე — ყველა ცოცხლობს, ყველა კვდება,
 და ვაი მას, ვის სიკვდილი სიცოცხლეშივე ავიწყდება...“

კაპანელი სწორედ იმათგანია, ვისაც სიკვდილი არ ავიწყდება და მთელი სიცოცხლე აწუხებს სიკვდილის პრობლემა. ის ცდილობს, უპასუხოს კითხვას ყოფიერების საზრისზე სიკვდილთან შეთანაზომებით, საზრისის პრობლემა სიკვდილის თვალსაწიერში თუ განზომილებაში დაიწახოს. ამ კუთხით უდგება ის საკითხს და გასაკვირი არ უნდა იყოს, რომ არარაობის წინაშე ვერ ხედავს საზრისს. მისთვის რელიგიური გზა გამორტყულია, მკვდრებით აღდგომა არ სწამს, სიკვდილი საბოლოო წერტილია. ამიტომ სვამს კითხვას — რისთვისაა საჭირო კულტურა, შემოქმედება. იგი აკრიტიკებს ბერდიაეც რწმენისათვის და უკვირს, რისთვის სწამს და რა უნდა სწამდეს. კაპანელი ხელმძღვანელობს „მერანის“ ავტორის და ცისფერყანწელების მოტივებით. შემთხვევითი არ იყო, რომ კაპანელმა მონოგრაფია დაწერა გალაკტიონზე — აჩრდილივით გასდევს მის ნააზრევს მოტივები გალაკტიონის პოეზიისა, გალაკტიონისა, რომელსაც ღრმად ჰქონდა გააზრებული ყოფიერების უსაზრისობა და ყოველთვის აწუხებდა კითხვა — „საით“ და „რისთვის?“ გავიხსენოთ ადგილები მისი ლექსიდან — „რისთვის?“:

„გამომადხოზლა იმავე დემონმა
 იმავე ფიქრისთვის, იმავე კენესისთვის,
 მან ჩემს თვალეში ამოიკითხა
 საბედისწერო — რისთვისო, რისთვის?“
 მას აქეთია მე ჭოჭოხეთს სულით ვატარებ,
 მას აქეთია ვცოცხლობ მხოლოდ დემონთა ცისთვის,
 დამეს ვათენებ და დღის ციმციმს ისევ ვაღამებ,
 თავში კი ისევ მიტრიალებს: „რად ვცოცხლობ, რისთვის?“

სწორედ ეს კითხვა — „სიცოცხლე რისთვის?“ — განსაზღვრავს კაპანელის ნააზრევს და უპასუხებს მას მესაფლავის სულისკვეთებით: „დაკარგული ვართ უფსკრულში; სადღაც, ვქანაობთ, ვირყევით, ვღელავთ, იმედებში ვართ და იმედებით ვიღუპებით, ვიგონებთ სქოლიებ-

სა და კატეგორიებს, ჩვენს ილუზიებში შექმნილ კერპებს ვემორჩილებით, ვთვრებით იდეებით, როგორც ალკოპოლით და ბოლოს კერპებსაც და იდეებსაც ვიცვლით, როგორც ტანისამოსს.

ჩვენს „მე“-ს ჩვენვე ვკლავთ და სიახლის მაცდურ დაპირებებში ვებრძვით დამტკიცებულსა და მიღებულს...“¹.

კაპანელი სულით პოეტია და მხატვრული სიტყვა მისი განასრების მუდმივი თანამგზავრი. თავისებური მხატვრული სიტყვაა „სალამოს“, რომელშიც ჩვეული ენაწყლიანობით ხატოვნად წარმოგვიდგენს მისთვის ძვირფას „წარმავლობის სევდას“, მასში გამოთქმული იდეები ახლოა ტერენტი გრანელის პოეტურ სტრიქონებთან ეტიუდში—„სიკვდილის შემდეგ“. ორივეს ერთი მოტივი ამოძრავებს — „memento mori“, სიკვდილის დავიწყება ორივესთვის მიუტყევებელია, ხოლო მის გააზრებას ორივე უნუგეშობამდე მიყავს:

„ქარი ქრის, წყალი მიდის, ბრუნავს უაზროდ წუთისოფელი;

ეგრე იყო, ეგრე იქნება, მაგრამ რაც იყო, აღარ არის; რაც არის, აღარ განმეორდება.

გრძნობ თუ არა, ადამიანო, სევდას მარტოობის და წარმავლობისას?

გრძნობ თუ არა, როგორ იკარგება შენი სახეობა დაუსრულებელ ძალთა და სახეთა მდინარებაში?...

ჩვენ არ ვიყავით წუთისოფლად; ვართ და აღარ ვიქნებით: მარადობა წარსულში, ესე იგი ბნელი და თვალგადაუწვდენელი უფსკრული; მარადობა მომავალში, ესე იგი, ისევე ბნელი და თვალგადაუწვდენელი უფსკრული.

ყველაფერი ამაოება და უაზრო მოქანცულობაა, მოქანცულობა დაუსრულებელი. ხრწნა და დავიწყება წუთისოფლად ყველაფრის ბეღია.

ქრება სიყმაწვილე, სურვილები, თითების მწველი, ნელდებაან; კეთილშობილი ზრახვანი გულისა და სულის აღარ განმეორდებაინ და მოგონებანი იმისა, რაც იყო, დიდხანს ჩვენთან აღარ დარჩებაინ.

არ არსებობს წუთისოფლად არც ერთი ღირებულება: მეგობრობა, ნათესაობა, საზოგადოება, სიყვარული, თანაგრძნობა — ყველაფერი მოტყუებაა: არ არის ქვეყნად ისეთი ადგილი, სადაც წმინდასა და კეთილშობილ სულს შეეძლოს დასვენება სიყვარულისა და მიმზიდველობის

¹ კ. კაპანელი, სული და იდეა, გვ. 82.

მახლობლად — ადამიანი მარტოა: მას გარსშემოერტყმის პლანეტარული სიცივე, კულტურული ფარისველობა და უმწეობა“¹.

კაპანელის და გრანელის განაზრებანი პარალელებს ქმნიან. ყველაფერი, რასაც კაპანელი გაიანზრებს ინდივიდებისა და სოციალური სუბიექტების მიმართ, გრანელს განცდილი აქვს საკუთარი ყოფიერების ტრაგიზმის, მისი მსხვერველობის სახით: „დადგება ზამთარი... მოვედები ღამით გათენებისას, როდესაც გარეთ იქნება ზამთრის გაცივებული მთვარე და ყინვა... ასე გათავდება სინათლე, გაქრებიან მოგონების წამები. გადავეცემი სიკვდილის მღუმარე ხელებს... ჩემი წამებული სხეული შეუერთდება მსოფლიო ელემენტებს... მოვა უიმედობა... ჩემს სხეულს ნელა ჩაუშვებენ სამარეში... და პირველ მიწას სახეზე მომადარის ვინმე უხეში მესაფლავე... კუბოს ფიცარზე შეწყდება უკანასკნელი გუგუნი მიწის და ქვების. პროცესია დაიშლება. მე და სიჩუმე დავრჩებით მარტო... ის სოფელი, სადაც დავიბადე, დაემსგავსება უდაბნოს... ასე გაივლიან საუკუნეები. ჩემს საფლავს დაადგება მზე შორეულ რიცხვის. ჩემ მიერ უხილავ საღამოს ბინდი დაფარავს მივიწყებულ ლოდებს და ჩემი საფლავიც შეიმოსება სიბნელით. წამოვა წვიმა, ქარიშხალი, და მოწყენილ საფლავზე დამადარის ყვითელ ფოთლებს. ასე დროთა შავი წვეთებით დახავსდება ჩემი სამარე, ზედ წამოიზრდება ბალახი... დილაადრიან უიმედოდ იკივლებენ ორთქლმავლები. მოვა კვირადღე და ჩემ ახლოს დარეკავენ ზარებს, ანთებენ სანთლებს. დაიღლებიან ხელაპყრობილი მლოცველები. წირვა გათავდება. საყდარს დაკეტავენ, ხატები დამწყვედული ტუსალებივით დარჩებიან შიგ და სასაფლაოს ჩხავილით გადაუფრენს ყვავი. გაქრება თვალები, რომელზედაც ესვენა თბილისის ღამეები მძიმე ლოდებივით. და ჩემი სამარის სამუდამო დარაჯი იქნება ჩემი უნაზესი და — სიჩუმე“².

გალაკტიონიც და გრანელიც ლაპარაკობენ სიკვდილზე, როგორც ჩვენი ყოფიერებას მუდმივ თანამგზავრზე. იმავეს ფიქრობს კაპანელი და ამ საზომით უდგება ყოველივე არსებულს — სიკვდილის წინაშე ყველაფერი უაზრო ჩანს, რადგან „სიკვდილის როკვა“ ბატონობს ყველაფერზე. სიკვდილის ეს ყოვლისმომცველობა და ყოვლისშემძლეობა, ყველაფრის სიკვდილით დასრულება ხდება არა სიცოცხლის ბოლოს, არამედ დასაწყისშივე. სიკვდილი წარმოშობასთან ერთადაა მოცემუ-

¹ კ. კაპანელი, სული და იდეა, გვ. 106—107.

² ტ. გრანელი, რჩეული, თბილისი, 1961, გვ. 258, 259, 260.

ლი. ეს აფაქრებინებს მოაზროვნეს, რომ შეუძლებელია რაიმე იყოს საზრისიანი, რადგან ყველაფერი წარმავალია, მარადიული მხოლოდ სიკვდილია. სიკვდილში კი საზრისის პოვნა შეუძლებელია. ამ თვალთახედვით ებრძვის კაპანელი იმ თეორიებს, რომლებიც ყოფიერების საზრისს ხედავენ განვითარებაში, წინსვლაში, პროგრესში. კაპანელი, ისე როგორც ზემოთ აღნიშნულ შემთხვევაში, აქაც ცდილობს იყოს ობიექტური და წარმოაჩინოს ყველა ის მხარე. რაც პროგრესის სასარგებლოდ მეთყველებს — ქალაქების გაშენება, რკინიგზები, ტელეფონები, აკადემიები, სამეცნიერო ლაბორატორიები, ფუფუნების საგნები — ყველაფერი ეს ხომ უნდა იყოს წინსვლის მაჩვენებელი. განა თანამედროვე ცივილიზაცია უფრო მაღლა არ დგას ჩვენს წინაპრებზე, რომლებიც ველურები იყვნენ? ეს და მრავალი მსგავსი ფაქტი პროგრესის დამადასტურებელია... მაგრამ მხოლოდ ერთი შეხედვით, სინამდვილეში კი, მისი აზრით, პროგრესი არ არსებობს და ამას ის მრავალმხრივად ასაბუთებს: პირველი, რაც პროგრესის უარყოფელია, არის სახლმწიფოს არსებობა. მისი შექმნის შემდეგ წარმოიშვა უსასრულო ომების სერია. ომის დროს ფრონტზე იხოება საზოგადოების საუკეთესო წარმომადგენლები. ზურგში კი დააეადებულები ამრავლებენ სახელმწიფოს ქვეშევრდომთა მოდგმას. ავადმყოფის შთამომავლობა ისევ დააეადებული იქნება. განა შეიძლება ამაში ვეძიოთ პროგრესი? — კითხულობს კაპანელი. მეორე მაგალითი, რომლის ანალიზით ის უარყოფს პროგრესს, არის ურბანიზაცია. ერისა და სახელმწიფოს წინსვლა, კულტურის დონე, და ღირებულებათა სიმრავლე მით უფრო მეტია, რაც უფრო მეტი ქალაქია მის ტერიტორიაზე, რადგან ქალაქი განათლებისა და კულტურის კერაა, მაგრამ იგივე ქალაქი თავისებური სავადმყოფოცაა, მისი პაერი აღსავსეა მკერობებით და ქალაქის გარემო გაცილებით უფრო მეტად აავადებს ადამიანს. ვიდრე სოფელი. ასე რომ, რაც უფრო მეტი ქალაქია ერის განკარგულებაში, მით უფრო დააეადებულია იგი და ახლოა განადგურებასთან. გაქალაქებას თან სდევს დეგენერაცია — ქალაქი ბუდეა ავადმყოფობისა და ტრაგედიისა. მაშასადამე, ესეც არაა პროგრესის მაჩვენებელი. კაპანელი კიდევ იღებს ერთ სფეროს, სადაც თითქოს პროგრესი უდავო უნდა იყოს — ესაა მეცნიერება და მისი ღირებულება. დღევანდელი ცოდნის დონე ხომ გაცილებით მაღალია, ვიდრე წინა ეპოქების. მაგრამ კაპანელი აგნოსტიციზმსე დამყარებით ამტკიცებს, რომ ჩვენი ცოდნა არაა უფრო მეტი. ვიდრე არისტოტელეს დროს იყო, რადგან იგი მაშინაც და დღესაც მოჩ-

ვენებითია. საერთოდ არაა არავითარი წყარო, რომელიც გვიჩვენებდა, რომ ჩვენ ნამდვილად ვიცით სამყარო განვითარების რომელიმე საფეხურზე და არა ვართ ილუზიების ტყვეობაში: „რაც უფრო შორს მივდივართ ჩვენს კვლევა-ძიებაში, მით უფრო საშინელია ეს ცხოვრება თითქოს შევდივართ დაუსრულებელ სამხეცეში... სამყაროში ნახეარზე მეტი მიკრობებს ეკუთვნის, პარაზიტები ჩვენში და ჩვენ გარშემო ისე დასერიანობენ, როგორც მეფეები თავიანთ სასახლეებში... მიცნიერს, რომელიც ქვეყნის შემეცნებას ფიქრობს, ხშირად სიცოცხლეს უსპობს უბრალო ტილი, უბრალო ხიწვი. თუ არსებობს ქვეყნად: მიზანშეწონილი წინსვლა, თუ არსებობს ბუნებაში პროგრესი, თუ მართლა ბუნების მიზანია კეთილშობილი და უკეთესი ელემენტების გაჩენა, მაშინ რა საჭიროა ადამიანის შემდეგ პარაზიტების წარმოშობა?“¹ მისი აზრით, სამყაროში იმდენი უაზრობაა, რომ პროგრესის იდეა დაემსგავსა ზღაპარს, რომელიც ადამიანმა გამოიგონა თავისი უნუგეშო მდგომარეობის შესამსუბუქებლად. თუ შპენგლერი კულტურებს მიიჩნევდა იზოლირებულ, თავისთავში ჩაკეტილ ერთეულებად, უარყოფდა კულტურათა მემკვიდრეობას და ამით პროგრესსაც, კაპანელი ფიქრობს, რომ პროგრესის უარსაყოფად სულაც არაა საჭირო კულტურათა მემკვიდრეობის უარყოფა. ყოველი კულტურას ელემენტები შეიძლება შედიოდეს სხვა კულტურაში; როგორც ბაბილონელების ასტრონომიული წარმოდგენანი და ელინების მსოფლმხედველობა ევროპულ კულტურაში, მაგრამ ეს არ ნიშნავს, რომ პროგრესი არსებობს, რადგან ყოველი კულტურა კარგავს თავის სახეს. სამყაროში არაფერია არაა აუცილებელი, ყველაფერი შემთხვევითობას ექვემდებარება. ამიტომ „ისტორია არის შემთხვევითობათა გაქანების პროცესი, შემთხვევითობების კოლოსალური რყევა. ამ დაუსრულებელ რყევასა და გაქანებაში არ არის შესვენება; არის ქარიშხალი, ხეტიალი, გარდაქმნა, სახეცვლილება, ადამიანები; მათი კულტურა, ცივილიზაციური ღირებულებანი, საუკუნეები, აკადემიები, დიდი ქალაქები, საყოველთაო მარადიული ხეტიალს დროითი, შემთხვევითი ფორმება“². იგი ასურათებს თანამედროვე ცივილიზაციას თავისი ტექნიკური მიღწევებითა და დაპრობილი სავრცეებათ, მანქანებით, ხომალდებით და თვითმფრინავებით. ყოველივე ამით ადამიანი ცდილობს იბატონოს მანქანე, წყალზე და

¹ კ. კაპანელი, დასახ. ნაშრომი, გვ. 91.

² იქვე, გვ. 92.

ჰაერში. ამის მიუხედავად „უკუღმართ წუთისოფელში ადამიანი დღესაც ისე უბედური და საცოდავია, როგორც პრეისტორიულ ეპოქაში. შიში და აგონია დღესაც სწევვენ ადამიანის ნერვებს, უსამართლობა და წინააღმდეგობა დღესაც კლავენ ადამიანის ნებისყოფას. თუ ტროგლოდიტს ეშინოდა მხეცებისა და გველების, დღევანდელ ადამიანს მკრობებისა და ტოლების ეშინია. ნიუტონებსა და პასკალებს ბუნება ისე ხოცავს და აშრავლებს, როგორც მორიელებსა და ჰონოკოკებს“¹. ერები და ხალხები, კულტურები და სახელმწიფოები არარაობიდან გამოდიან და არარაობას უბრუნდებიან, გზას არარაობიდან არარაობამდე არ შეიძლება პროგრესი ეწოდოს.

თითქოს კაპანელის საბოლოო სიტყვა ნათქვამია, — ისტორია და ინდივიდუალური ყოფიერება უსაზრისოა, — მაგრამ კაპანელის ნააზრევში არის მომენტები, რომლებიც შეუძლებელს ხდიან ამ უსაზრისობის პოზიციის პრინციპულობას. ყოველ შემთხვევაში კაპანელის შემეცნების თეორიული საწყისებიდან თუ ამოვალთ, მისთვის ისტორიის უსაზრისობის მტკიცება შეუძლებელი უნდა ყოფილიყო, რადგან ისტორიის საზრისიანობის თუ უსაზრისობის თეორია ერთნაირად ემყარება ისტორიული პროცესისა და თვით საზრისიანობის პრობლემის შემეცნების შესაძლებლობას, მაშინ როდესაც კაპანელი უარყოფს ამ შესაძლებლობას. იგი ყოველგვარ შემეცნებას ილუზიად აცხადებს და კითხვა ისმის, თუ შემეცნება ილუზიაა, რატომ არ ვრცელდება ეს ილუზიურობა ისტორიის უსაზრისობას შემეცნებაზე? არა მარტო ზოგადგნოსეოლოგური, არამედ კონკრეტულად საზრისის საკითხის გადაწყვეტის პოზიციაც მასთან აგნოსტიკურია: „ცხოვრების აზრი და მიზანი, წუთისოფლის და სამყაროს დასაწყისი და ბოლო, თვით ადამიანის სიცოცხლე, ძიება. შემოქმედება, იდეალები, ოცნებები, სიყვარული, ტრფობა, — ყველაფერი. რაც შეადგენს ადამიანის სიამაყეს. ყველაფერი. რათაც ადამიანი ამშვენებს თავისთავს — განა არ არის მოცული მარადიული საიდუმლოებათ? განა ვიცით ჩვენ, რა ასულდგმულებს საგანს, ნივთიერებას? განა ჩვენ შეგვიძლია ვთქვათ, რომ ჩვენი ცოდნა დღეს უფრო ღრმია, უფრო შინაარსიანი ვიდრე ძველად? განა ცხოვრების აზრი დღეს უფრო კარგად და ნათლად გვაქვს დასახული, ვიდრე არისტოტელეს და პლატონის დროს იყო?

მართალია, საუკუნეთა განმავლობაში ჩვენ შევიძინეთ დიდძალი

¹ კ. კაპანელი, დასახელებული ნაშრომი, გვ. 94—95.

მასალა; ბევრი რამ ვიცით დღეს ისეთი, რაც უწინ არ ვიცოდით და რის ცოდნა საჭირო იყო, მაგრამ ცხოვრების აზრი და სიღრმე მაინც ვერ შევისწავლეთ: ის, რაც ჩვენ ვიცით, შეეხება მხოლოდ ცხოვრების გარეგნობას, ნივთიერ ძალთა განაწილებას, საერთო მოძრაობის მექანიკას; თუ რა ასულდგმულებს ამ მოძრაობას, ან რა მიზანი აქვს მას, ჩვენ ეს არ ვიცით¹. ცხოვრების აზრის გაგების, მასში შექრის შეუძლებლობა, როგორ უნდა შევთავსოთ ცხოვრების უსაზრისობის მტკიცებაცთან? „არსებობის ქარი მიჭრის და მიეჩქარება ადამიანს, მცენარეს, პირუტყვს — ყველაფერს შემთხვევა ათამაშებს, რაც იყო, აღარ არის, რაც არის, აღარ იქნება. ლეგენდები და თქმულებები დარჩება: ბოლოს ლეგენდებსაც დაივიწყებენ, ხსენებაც არ იქნება.

სივრცეს, პლანეტებს, ზესკენელს, გარესკენელს ჩვენი წვალება, უმიზნო განგაში და ტკივილები არ აწუხებთ. ჩვენ საღდაც უპატრონოდ ვართ დაკარგული და არავის ვეცოდებით.

შემთხვევა გვათამაშებს ყოველ წუთს: შემთხვევა ქუჩაში, შემთხვევა რკინიგზაზე, შემთხვევა ზღვაზე, შემთხვევა ქამის დროს, შემთხვევა წყლის სმისას, შემთხვევა ღლით, შემთხვევა ღამით — წუთისოფელი შემთხვევათა შეუწყვეტელი ღენაა².

კაპანელი ილაშქრებს ლოგიკის წინააღმდეგ, მაგრამ ეს არ ამართლებს წინააღმდეგობას მის ნააზრევში: თუ არ შეიძლება ვიცოდეთ ცხოვრებისა და ისტორიის საზრისის არსებობა, როგორ შეგვიძლია ამ საკითხის გადაწყვეტა დადებითად ან უარყოფითად. ისტორიის მიმართ აგნოსტიკური პოზიცია გამორიცხავს საზრისის საკითხის გადაწყვეტას, რადგან ეს გადაწყვეტა შემეცნების შესაძლებლობას უნდა ემყარებოდეს. ამავე დროს, კაპანელის აგნოსტიციზმი მისი ნიჰილიზმის ერთერთი ძირეული მომენტი, მეცნიერების გაუფასურების მტკიცების საფუძველია და თუ ამ პრინციპს უარყოფს, უნდა აღიაროს მეცნიერების ღირებულება. კაპანელი ორივე ურთიერთსაწინააღმდეგო პრინციპს ემყარება. ბუნებრივად ისმის კითხვა — თუ შემეცნება ილუზიაა, რატომ არაა კაპანელისეული ყოფიერების უსაზრისობის შემეცნება ილუზია, რატომ უნდა ჩავთვალოთ ის ქეშმარიტებად. ეს წინააღმდეგობა კაპანელთან ერთად ახასიათებს ყველას, ვინც აგნოსტიციზმიდან ამოსვლით ამტკიცებს უსაზრისობას. ამ წინააღმდეგობის გადალახვა

¹ კ. კაპანელი, დასახვლებული ნაშრომი, გვ. 113.

² იქვე, გვ. 101.

შეუძლებელია ერთ-ერთი პრინციპის უარყოფის გარეშე. ამ ნააზრევში სხვა სახის წინააღმდეგობანიც არსებობს — კაპანელი ამტკიცებს ინდივიდუალური და სოციალური ყოფიერების უსაზრისობას, მაგრამ აუხსნელია, თუ უსაზრისოა, რატომ უნდა იარსებოს; თუ არსებობას არა აქვს საზრისი, მაშინ სიკვდილში უნდა ხედავდეს მას, მაგრამ კაპანელი არ იზიარებს მოსაზრებას, რომ ადამიანი არ უნდა გაჩნდეს და თუ გაჩნდება, ადრე უნდა მოისპოს. პირიქით, ის ადამიანს მოუწოდებს გარკვეული ღირებულებებისაკენ: ნუ იქნები „ეგრე შურიანი და ბოროტი, შეიყვარე და შეიგრძენი არსი ყოველი, შეუერთე სული შენი სიციცხლის მოძრაობას, ბალახების სუნთქვას და მდინარეების აორთქლებას“¹. თუ ყველაფერი უსაზრისოა, რატომ მოუწოდებს კაპანელი ადამიანს იმას, რასაც ვაჟა-ფშაველა, ალბერტ შვეიცერი და ყველა სიციცხლის მგოსანი ქადაგებდა — სიციცხლისადმი მოწიწებას, მისი ყველა ფორმის ხელყოფის შეუძლებლობას. ბიბლიის ერთ-ერთმა გმირმა დაწყველა ადამიანის გაჩენის დღე: „წარწყმედიც დღე იგი, რომელსა ვიშვე და ღამე იგი, რომელსა ითქვა: წული არს“ და მწერალმა ჯერალდ გორდონმა, ეს სიტყვები — „ის დღე დაიქცეს“ — აქცია თავისი რომანი-ტრაგედიის სათაურად, მაგრამ კაპანელი სულაც არ ადგას ამ გზას — ის მოუწოდებს ადამიანებს სიციცხლისაკენ, მორალური ნორმებისა და ჰუმანიტეტების შემეცნების გარეშე თავიანთ ბიოლოგიურ მოთხოვნილებათა მაქსიმალურად დაკმაყოფილების გზით, ყოველგვარი „ტაბუსა და ტოტემის“ გარეშე. თუ ასეთი სიციცხლისაკენ მოუწოდებს, ალბათ იმიტომ. რომ ეს მიიჩნია საზრისიანად, თორემ სხვაგვარად რა მნიშვნელობა ექნებოდა ასეთ ყოფასაც? კაპანელი ქმნის თეორიას, აკრიტიკებს მოწინააღმდეგეებს, ეძიებს საზრისის პრობლემას გარკვეულ პასუხს. რა მნიშვნელობა აქვს ყოველივე ამას? — თუ ყველაფერი უსაზრისოა, რატომ არ ავრცელებს ის უსაზრისობას მის ყოფიერებასა და საქმიანობაზე, რატომ არ დაუსვა წერტილი მან ყოველივეს, რას მიმართაც შეეძლო ამის გაკეთება, როცა გაიგო, რომ ყოველივე უსაზრისოა? აქ ისეთივე აპორია იქმნება, როგორც „ცრუს შემთხვევაში“. თუ დებულება საყოველთაოა, ის უნდა ვრცელდებოდეს მის გამომთქმელზეც. ისე როგორც ცრუს მტკიცება, რომ ის ცრუაა — თუ სიცრუეა, მაშინ შეუძლებელია ის ცრუ იყოს, თუ ჰუმანიტეტია მაშინაც არ იქნება ცრუ. მტკიცება უსაზრისობის შესახებ თვით

¹ კ. კაპანელი, დასახელებული ნაშრომი, გვ. 106.

ამ მტკიცებაზეც უნდა ვრცელდებოდეს. თუ არ ვრცელდება, ე. ი. საზრისი მაინც არსებობს. მართალია, ამ არგუმენტზეც აქვთ უსაზრისობის მომხრეებს გარკვეული პასუხი. თუ უსაზრისობა უნდა დამტკიცდეს იმით, რომ თვითმკვლელობით დავემთავრებთ სიცოცხლეს, გამოვა, რომ თვითმკვლელობას ჰქონია სასრისი. — ყოველ შემთხვევაში, კაპანელი ერთ მიმართებაში მაინც ეძებს სასრისს — ეს არის განცდათა სამყარო. მისი აზრით, ადამიანი გარემოსთან ოთხი სახის მიმართებაში იმყოფება, ესენია: ფიზიკური, ლოგიკური, მორალური და ესთეტიკური. პირველი გამოხატავს ორგანულ მდგომარეობას, მეორე — გონებით ხელმძღვანელობას, მესამე — ნებისყოფის ყოფიერებას, საზოგადოების ჩვეულებებს და მეოთხე — ინდივიდუალურ გამოვლენასა და სულიერ წყობას. ამათგან ყველაზე მნიშვნელოვანი გრძნობაა, მისი განშტოებებია ნებისყოფა და ინტელექტი. გრძნობა „უხვი, ლალი, ძლიერი, მახვილი და გამბედავია. მგრძნობიარე ადამიანი ყოველთვის გრძნობისა და კეთილშობილების კარებთან დგას“¹. გრძნობა აძლევს კულტურას სახესა და ინდივიდუალობას. გრძნობაში განიცდება მშვენიერება, როგორც ესთეტიკური იდეალი. „ცივილიზაციას, მეცნიერებას, მეტყველებას აქვს მხოლოდ ესთეტიკური მნიშვნელობა“². კაპანელის მტკიცებით, მთელი სამყარო რღვევისა და ცვალებადობის რიტმს ემორჩილება. წელიწადის დრონი, დღე და ღამე, სითბო და სიცივე, სიკვდილი და სიცოცხლე, სიკეთე და ბოროტება რიტმებია. კაპანელი, რომელიც იდეალებს უარყოფდა, ესთეტიკურ იდეალს უტოვებს ადგილს — თუმცა არაყოველღვარ ესთეტიკურს. სამი სახის ესთეტიკური იდეალიდან — იდეათა ესთეტიკა (პლატონი), ინტელექტის ესთეტიკა (კანტი); სოციალური სიმპათიის ესთეტიკა (გიუიო) — კაპანელი მხოლოდ მესამეს ანიჭებს მნიშვნელობას, რადგან გიუიო ხელოვნებას განიხილავს ბიოდინამიკური და სოციალური აზრით. კაპანელის მტკიცებით, მეცნიერებაც ხელოვნების სახეობაა. ყველაფერი გრძნობაზეა დამოკიდებული. მშვენიერება თავისთავად კი არაა, ის მიმართებაში იქმნება და გრძნობას ეძლევა. ამიტომ ესთეტიკა კულტურის ყველაზე სრული გამოხატულებაა. ეს ესთეტიზმი დამახასიათებელია „სიცოცხლის ფილოსოფიის“ სხვა წარმომადგენლებისთვისაც, მაგრამ იგი სწორედ ყოფიერების უსაზრისობის მტკიცების საპირისპიროა. მაშასადამე,

¹ კ. კაპანელი, დასახელებული ნაშრომი, გვ. 51.

² იქვე, გვ. 53.

კვლავ წინააღმდეგობასთან გვაქვს საქმე, რომელიც გადაუჭრელია ამ თეორიის ფარგლებში.

ჩვენი მიზანი იყო გვეჩვენებინა კაპანელის მსოფლმხედველობის განვითარება მისი მოღვაწეობის პირველ პერიოდში. მას შემდეგ, რაც მან სულიერი მამა იპოვა ნიციშეში, სცადა, მისგან ამოსვლით კოსმიზმისა და ორგანოტროპიზმის მიმართულეებით განვეითარებინა თავისი მსოფლმხედველობა. რასაკვირველია, მოაზროვნის მსოფლმხედველობის დახასიათება მოითხოვს მისი პოზიციის გარკვევას, არა მარტო ინდივიდუალური და სოციალური ყოფიერების, არა მარტო მეცნიერების, და კულტურის მიმართ, არამედ სხვა მომენტების მიმართაც. ამ შემთხვევაში ჩვენ შეგვეძლო განგვეხილა კაპანელის შეხედულება ქალზე, ოჯახსა და სიყვარულზე, ქართველის ტიპზე. მისი ცდა, გაეაზრებინა ქართველი კაცის ფსიქოლოგია — ეს აუცილებელი იყო თუნდაც იმის გამო, რომ მას ბევრი გაუგებრობა მოჰყვა კაპანელის ცხოვრებაში, მაგრამ ჩვენ შემოვიფარგლეთ კაპანელის ნააზრევის მხოლოდ იმ მომენტებით, რომელთაც თეორიული მსოფლმხედველობისთვის აქვთ მნიშვნელობა — ონტოლოგიური, გნოსეოლოგიური, სოციალურ-კულტურული და ყოფიერების საზრისისეული პრობლემებით. ყველაფერი ზემოაღნიშნული კაპანელის აზროვნებაში ძიების შემდგომ პირველ არსებით პერიოდს ეკუთვნის — ორივე მონოგრაფია ამ პერიოდის კუთვნილებაა.

კაპანელის ნააზრევა ქართულ პრესაში მნიშვნელოვანი გამოხმაურება და მხარდაჭერა პოვა. განსაკუთრებით ფართოდ გამოეხმაურა პრესა ნაშრომს — „სული და იდეა“. აი ზოგიერთი ადგილი ამ წიგნის შესახებ პრესიდან:

ყურნალი — „ილიონი“, № 6, 1923.

„ეს წიგნი ეხება ფილოსოფიურ და ესთეტიკურ საკითხებს. ორი მხრივთაა ამ წიგნის გამოსვლა ფრიად საყურადღებო: დღეს წიგნის გამოცემა საერთოდ დიდ სიძნელესთანაა დაკავშირებული. პატარა ბროშურებმა, უღლეურმა ესკიზებმა და მინიატურებმა აგერ ათ წელზე მეტია, რაც სერიოზული წიგნის ადგილი დაიკავეს. საქართველოში მოდაში შემოვიდა ამ უკანასკნელ ხანებში „შტეპირ ჰალ ეიბის“ სტილი მწერლობაში. დილეტანტ მკითხველსა და დილეტანტ მწერალსაც აქმაყოფილებს ეს საშინელი ალტენბერგიზმი ლიტერატურაში. კაპანელის წიგნი იშვიათი გამოჩაყლისია ამ მხრივ. მეორეს მხრივ კაპანელის წიგნი უფრო საყურადღებოა. უპირველესი შთაბეჭდილება, რომელსაც

„სული და იდეა“-ს წაქიხვიდან იღებს ადამიანი, ეს არის მისი პრობლემატურობა. ცხადია ავტორს ეტყობა, რომ იგი კულტურული პრობლემების ორბიტშია მოქცეული. ღრმა პრობლემებზე ფიქრი არ უყვარს არც ქართველ მკითხველს და არც ქართველ მწერალს. კ. კაპანელის წიგნში ფრიად ორიგინალური და თავისებური იდეებია გაბნეული“.

სრულიად საქართველოს მწერალთა კავშირის ჟურნალი „კ ა ე კ ა - ს ი ო ნ ი“ (№ 2—3, 1923 წ.) ასე ახასიათებს კ. კაპანელს:

„კ. კაპანელის მსოფლმხედველობა ბევრგან მატერიალიზმს უახლოვდება. სულისა და იდეის პრობლემა, რომელიც აღძრულია მისი წიგნით, ასეთ გაშუქებას ღებულობს:

კ. კაპანელის აზრით, სული ისეთივე თვისებაა მატერიისა — როგორც რადიუმი, ელექტრონი და მაგნიტი: ზედროული და ტრანსცენდენტური არსობა სულს არა აქვს. სამყაროს ყოველ კუთხეში მატერია განიცდის ერთგვარ წვას ობიექტური პირობების მიხედვით; ყველგან მყარდება ერთგვარი ურთიერთობა სხეულსა და მდგომარეობას შორის. მდგომარეობა ახდენს გავლენას სხეულზე, სხეული კი ავტომატურად ინახავს მდგომარეობის გავლენას თავის ატომურ-იონურ წყობაში როგორც „ბიოლოგიურ მეხსიერებას“.

კ. კაპანელი ამ ურთიერთობას მატერიისა და მოჩვენებითი „სულისას“ ნათლავს „ორგანოტროპიზმის“ სახელით. შემოქმედების ყოველი ფორმა — მეცნიერება, ხელოვნება, რელიგია ორგანოტროპიზმის ნაყოფია; არსებობისათვის ბრძოლაში ყოველი ტანი ეგუება პირობებს, და სული არის ამ ტანის რეფლექსი კუთხური საჭიროებისათვის; მდგომარეობა აღიზიანებს და აწვალებს მატერიას, შედეგი ამისა არის რეფლექსური მოვლენა, რომელსაც ჩვენ ვეძახით სულს. მატერია თავისთავად არსებობს იმდენად, რამდენადაც მატერიაში აისახება რეფლექსა წვალებისა და განცდის.

მატერიას აქვს მარადისობა მინიჭებული, ხოლო დაჯგუფება მატერიალური ელემენტებისა დროულია ყოველ მიწა-წყალზე. ისტორიაში არ არსებობს ჰეგელისებური სწორხაზოვანი გაქანება იდეისა, პროგრესის საკითხი კუთხური ყოფის საკითხია: ყოველ მიწა-წყალზე ყოველ ხალხს აქვს თავისი კულტურული და ცივილიზაციური ინდივიდუალობა სრულებით დამთავრებული; ყოველ ეპოქას აქვს თავის სული და სტილი და არავითარი აბსოლუტური მიზნები ისტორიისა არ არსებობენ. კ. კაპანელი ცდილობს ამ კონცეფციის ილუსტრაცია მოგვცეს ქართული კულტურის მაგალითებზე“.

გაზ. „პროლეტარული ბრძოლა“ 1923 წ. 20 იანვრის ნომერში წერს: „ქართული ფილოსოფიური აზროვნების ალორძინების საქმეში კ. კაპანელის „სული და იდეა“ უეჭველად მნიშვნელოვან მოვლენად უნდა ჩაითვალოს.

ფილოსოფიური ლიტერატურით ისეთი ღარიბი კულტურისათვის, როგორც არის საქართველოს კულტურა, კ. კაპანელის „სული და იდეა“. შეიძლება ითქვას -- დაუფასებელ ღირებულებას წარმოადგენს, მიუხედავად იმისა, ვეთანხმებით თუ არა პირადად ჩვენ მასში აღიარებულ ფილოსოფიურ საფუძვლებს.

თითოეული ინტელექტუალური პიროვნება, რომელსაც გათვალისწინებული აქვს ქართული ფილოსოფიური აზროვნების ალორძინების მნიშვნელობა ეროვნული კულტურისათვის, სიხარულით შეხვდება ამ წიგნის გამოქვეყნებას“.

გაზ. „ტრიბუნა“, № 560, 1923 წ., ორგანოტროპიზმის შესახებ წერს:

„მთელი რიგი საკითხები კ. კაპანელს შპენგლერისებურად აქვს განხილული სრულიად მისგან დამოუკიდებლად. „ყოველივე იდეა perse ორგანოტროპიული, ჭგუფური და ტემპერამენტულია, სამყაროს ერთ კუთხეში რაც ჭეშმარიტებაა, მეორე კუთხეში ის სიყალბეა; რაც პორტენტოტისათვის წმინდა და ღვთაებრივია, ის ჩვენთვის საზიზღარია და სასაცილოა; რაც დღეს რომელიმე ერისათვის იდეალია, ის შეიძლება ხვალ სათრეველი და საღალბო გახდეს“-ო, — წერს კ. კაპანელი.

შპენგლერისათვის არ არსებობს კულტურული ზოგადი, კაცობრიული. ის გვეუბნება: ჩვენ განსაზღვრული ეპოქის შვილები ვართ. „გამონაკლისი ვართ და არა წენი“. რაც არ არსებობდა ინდოელისა და ელინისათვის არსებობს ჩვენთვის, რაც არის, ისიც განსაზღვრულია და „არასოდეს არ განმეორდება მსგავსი კულტურა და მსგავსი ადამიანის ტიპი, რომლისათვისაც „მსოფლიო ისტორია“ არის შინაარსი კოსმოსური ჭერეტისა“ (Закат Европы, стр. 13).

არ არსებობს მარადიული ჭეშმარიტება (შპენგლერი, გვ. 42).

„შემთხვევათა დაუსრულებელი დენა არის ის, რასაც ჩვენ ვუწოდებთ წუთისოფელს, სამყაროს, ყოვლობას“, წერს კ. კაპანელი (გვ. 10).

„მსოფლიო ისტორიაში მე ვხედავ ორგანული ფორმების დაუსრულებელ აღმოცენებას და ცვალებადობას, სასწაულებრივი მყარობადობის და სიკვდილის სურათს“ (შპენგლერი, გვ. 20).

„ირაციონალობა ახსიათებს არსებობას ყოველ წყოს და მოძრაობას“... წერს კაპანელი.

შპენგლერსაც ბედი შეაქვს ისტორიის პროცესში. მისი „ბედისწერა“ ირაციონალური ფენომენია.

კ. კაპანელისათვის „არსებობენ ეპოქები, არ არსებობს ისტორია“; შპენგლერისათვის არსებობენ ეპოქები, არ არსებობს ისტორია, როგორც ორგანული მთლიანობა.

პროგრესი იღეა განხილული ბედნიერების თვალსაზრისით უარყოფითად წყდება კ. კაპანელის მიერ. ასეთივეა შპენგლერის დებულებაც. ადამიანთა ბედნიერება მისთვის სულელური ფრაზაა.

პროგრესი განხილული ბედნიერების თვალსაზრისით სხვა დასკვნას ვერ მიიღებს. ობიექტური აზრის ძიება არსებობის გამართლებისთვის ამო ხეტიალია, ოპტიმისტური ილუზიაა, ქიმერათა შენებაა.

კანტის აზრით, „ბედნიერება ყველა მოთხოვნათა დაკმაყოფილებაა“. ეს დებულება მართალი რომ იყოს, საჭიროა მოთხოვნილება განსაზღვრული იყოს რაოდენობაში. შესაძლებელი უნდა იყოს ჩვენ სურვილთა მთელი კომპლექსის გამოკვეთა, მისაღწევი უნდა იყოს ყველა მიზანი, ყველა მოთხოვნა, დღეს და ხვალაც არც პირველი, არც მეორე და არც მესამე პირობა არ არსებობს და ვერც იარსებებს. ანდა განა სურვილი იგივე ტანჯვის ფორმა არ არის აღმოცენებული „საჭიროებისაგან, მაშასადამე უკმაყოფილებისაგან და ტანჯვისაგან“ (შოპენჰაუერი, „Мир как воля и представление“, გვ. 372).

ამრიგად, თუ ობიექტურად სიცოცხლეს აზრი არა აქვს, ბედნიერების თვალსაზრისით პროგრესი არ არსებობს. კრიტიკის აზროვნებას ვერ ეუფლება ვერც პოზიტივისტ-ობიექტივისტების კონცეფცია აქყვეყნიური კეთილმდგომარეობისა, ვერც მისტიკოს-ობიექტივისტების კონცეფცია ღეთაებისა, სანუგეშო გამოსავალს ვერც იმ ან ენ ტ უ რ ი სუბიექტივისტები იძლევიან, რადგან ეს კონცეფცია გამოუვალი უნუგეშობის შედეგია, რომელიც ობიექტური უაზრობის ნანგრევებიდან დაშვებული სუბიექტურ აზრს ეძებს და „მე“-ს გაღმერთებით სურს საკითხის გადაჭრა.

კ. კაპანელის „წარმავლობის სევედა“ ღრმად განცდილი კოშმარია სიკვდილის პრობლემისა. წარმავლობაში ინთქმება ჩვენი პიროვნება. საუკუნეთა დაუსრულებელი ხეტიალი და კულტურათა ბოქვა ავსებს უსაზღვრო სივრცეს. ქეშმარიტად მოაზროვნე ადამიანის არსებობისათვის უპირველესი პრობლემაა მისი აზარსებობის პრობლემა. „ვერ დაი-

ჭირავს სიკვდილსა გზა ვიწრო, ვერცა კლდოვანი“... ისევ ჭეშმარიტებაა. შეიძლება მართალი იყოს ავეუსტ ვაისმანი და თანამკდროვე ბუნებისმეტყველნიც. რომ სიკვდილი არ არის ბუნებრივი მოვლენა, რომ უკვდავება ახასიათებს პლანეტებს და სხვ. მაგრამ, კიდევ მიღწეული რომ იქნეს უკვდავება, ბედნიერების საკითხი ამით არ წყდება. უკვდავი რომ ვიყოთ და ყველა სურვილთა კომპლექსის დაკმაყოფილებაც რომ შესაძლო იყოს, კაცობრიობას ესტუმრებოდა საშინელი სენი, — მოწყენა და იგი მთქნარებაში გაატარებდა უკვდავ არსებობას. გოეთეს, რომელსაც ყველა ბედნიერად თვლიდა, 75 წლის განმავლობაში ოთხი კვირაც სიამოვნებით არ გაუტარებია, როგორც თვითონ აღნიშნავს.

მართალია მაინლენდერი, რომელიც კანტს თვლას უდიდეს ფილოსოფოსად „თავის“ შესახებ, ხოლო შოპენჰაუერს უდიდეს ფილოსოფოსად „გულის“ შესახებ. არავის ისეთი სიმკაცრით არ გაუნადგურებია ადამიანთა იდეალი, როგორც შოპენჰაუერს, მაგრამ „ბიო-ფსიქიკურ კანონს ვერც იგი გადასცდა—ხოლერიანი ქალაქიდან გაიქცა სიცოცხლის დამგმობი. მამა გახდა ასკეტიზმის აპოლოგეტი, მხოლოდ ფორმალურად დაიცვა ასკეტიზმი და ქორწინებაში არ შესულა.

მართლაც რომ „წუთისოფელი ჩვენი ტანჯვის დემონსტრაციაა და ცივილიზაცია ჩვენი ღელვის აორთქლება“.....

საერთოდ საინტერესო, ორიგინალური ნააზრევია კ. კაპანელის შრომა. აქვს გადაჭარბება, უკიდურესობა, რაც გასაგებიც არის, სტილი განსაკუთრებული და მოხდენილია. გამოთქმა ლაკონიური და მხატვრული.

საკითხების ხასიათი და სფერო ფართო ასპარეზს შლის დისკუსიისთვის. სამწუხაროა, რომ ასეთი შრომა ვერ პოულობს სათანადო გამოხმაურებას. ავტორი გვირდება ახალ გამოკვლევას „ცხოვრება, როგორც ესთეტიკური ფენომენი“. აღსანიშნავია, რომ ამ ახლო ხანში რამდენიმე სერიოზული შრომა მოგვცა ჩვენმა ფილოსოფიურმა აზროვნებამ.

ავტორს შემოაქვს ახალი წესი პრობლემის დაყენებისა. არის საკითხების ორიგინალური გადაჭრა. საკვირველი შეხვედრა შპენგლერის კონცეფციებთან.

როგორც აღვნიშნეთ, ასეთი შრომანი უეჭველად კრიტიკული ეპოქის ანარეკლაა, შპენგლერის და კაპანელის შრომათა კონცეფციების შეხვედრაც აქ აიხსნება; კრიზისები აზროვნების სფეროში, კრიზისები სოციალურ-პოლიტიკურ სფეროში ნიადაგს აპოჩირებს რელატივის-

ტური და პესიმისტური თეორიებისათვის. ასეთი დიდი ინტერესი საქართველოში ჯერ არც ერთ წიგნს არ გამოუწვევია¹.

შემდგომი პერიოდი კაპანელის მსოფლმხედველობაში იწყება საქართველოს სოციალურ ცხოვრებაში მომხდარ ძვრებთან, საქართველოში საბჭოთა ხელისუფლების გაბატონებისაკენ მსწრაფ ოფიციალურ მსოფლმხედველობასთან — მარქსიზმთან მიმართების შეცვლით; მარქსიზმის კრიტიკიდან მასთან შეგუების, ორგანოტროპიზმისა და მარქსიზმის გაერთიანების ცდით. ამ პერიოდის ძირითადი ნაშრომია „სოციალური ესთეტიკის საფუძვლები. ორგანოტროპიზმი“, (1925), სოლო კაპანელის აზროვნების ძირითადი ტენდენცია მის ნააზრევში სოციალური სინამდვილის ცვლილებათა ასახვის ცდა. ეპოქის მოთხოვნათა გააზრება და მათგან გამომდინარე მსოფლმხედველობრივ თუ ესთეტიკურ ღირებულებათა სოციალური სინამდვილის სამსახურში ჩაყენების მცდელობაა. პირველ რიგში უნდა აღინიშნოს კაპანელის მიერ გონითი კრიზისის გაცნობიერება და იმ ფორმით ჩამოყალიბება, როგორადაც ეს ესახებოდათ იმ პერიოდის ევროპელ მოაზროვნეებს: პოლ ვალერის, ოსვალდ შპენგლერს, თომას მანს, პაულ ჰაცარდს და სხვებს. განსაკუთრებით იგრძნობა ამ პერიოდში შპენგლერის დიდი გავლენა და ეს გასაგებიცაა — შპენგლერმა თავისებური აჟიოტაჟი გამოიწვია ევროპულ აზროვნებაში. ამ პერიოდისთვის შპენგლერის ნააზრევი ყველაზე მოღური იყო და ვერც კაპანელი გაექცა მას. თუმცა, მაშინდელი პრესის აზრით, კაპანელი შპენგლერისაგან დამოუკიდებლად მივიდა ანალოგიურ იდეებამდე. მაგრამ ეს არ უნდა იყოს მართალი, რადგან ძალზე დიდია კაპანელის იდეების მსგავსება შპენგლერის იდეებთან, სწორედ მას შემდეგ, რაც შპენგლერის წიგნი გამოვიდა.

პირველი დიდი ნაბიჯი, რომელიც კაპანელმა გადადგა ახალ პერიოდში, იყო კულტურის კრიზისის გაცნობიერება. ღირებულებათა გადაფასების იდეა მან ადრეც წამოაყენა, მაგრამ კულტურის კრიზისის წინა შრომებში ასე ნათლად არ დაუსახავს. „ორგანოტროპიზმში“ ამ პრობლემამ გამოკვეთილი სახე მიიღო. კრიზისის მრავალ ნიშანთაგან ერთ-ერთი ძირითადია კულტურის მიერ მანქანური ცივილიზაციის სა-

¹ მასალები აღებულია კონსტანტინე კაპანელის „ორგანოტროპიზმზე“ გამომკვლელობისაგან დართული რეცენზიების ნაწყვეტებიდან, იხ. კ. კაპანელი, „სოციალური ესთეტიკის საფუძვლები“, თბ., 1925, დანართი გამომკვლელობისაგან „სული და იდეა“-ს გარშემო, ქართული პრესა ორგანოტროპიზმის შესახებ.

ხის მიღება. მანქანური ცივილიზაცია ანიველურებს და უკარგავს მას ყოველგვარ ღირებულებას. ერთეული, ცალკეული ითქვეფება სიპრაველში, მასაში და მთელი პლანეტა მოუცავს ნევრასთენიას. ინდივიდი გადაგდებული ამ მისთვის უცხო სამყაროში. რომელშიც „ისმის ზანზარი, პლანეტარული და არსებობის უღმობელი ტალღები ამსხვრევენ ინდივიდუალიზმის კენძულებს“, რომელშიც ტრადიციები და ღირებულებანი დამსხვრეულია, მოკლებულია ადამიანურ სახეობას, მასში არ ჩანს თანაგრძნობა, იმდენად, რომ ადამიანს თავისთავი ეცოდება. რომელშიც განსაკუთრებით მწვავედ გრძნობს სული ჩვენი ყოფისა და სურვილების ეფემერობას, ქვეყნიური ჩვევებისა და პრინციპების უაზრობას¹. კაპანელის აზრით, ურბანიზაციისა და მანქანური ცივილიზაციის პირობებში, ადამიანი სულ უფრო მეტად განიცდის სამყაროს უსასრულობის შეგრძნებით გამოწვეულ საკუთარი უსუსურობის გამო სევდას, მარტობას, და სამყაროში გადაგდებულობას: „სამყარო, ფერადი და თვალუწვდენელი, იშლება როგორც დაუსრულებელი ბოგანი შეუცნობელი ღმერთებისა, როგორც უპატრონო საავადმყოფო. მღუმარე სასაფლაო მარტობის გრძნობით“. კაპანელის აზრით, ამ საყოველთაო კრიზისულობის გამოხატვა მხოლოდ ხელოვნებას შეუძლია, მეცნიერება უძლურია გამოხატოს და განგვაკდევინოს კრიზისი. მეცნიერება, რომელსაც თანამედროვე ეპოქაში ყველაზე მაღლა აყენებენ, კაპანელის აზრით, ხელოვნების სახეობაა და გაცილებით უფრო ნაკლებ მნიშვნელოვანია, ვიდრე ლიტერატურა და მუსიკა. მხოლოდ ხელოვნებას შეუძლია გამოხატოს გონის კრიზისი, იგი მას გვაძლევს ინდივიდუალიზმის ტრაგედიის სახით, მაგრამ ეს ტრაგედია საერთო საკაცობრიო და სოციალურია, რადგან „ინდივიდუალიზმი ყოველთვის სოციალური გრძნობებით და იდეალებით საზრდობს და უაღრესი ინდივიდუალიზმი კოლექტიურ განცდებსა და სურვილებს ატარებს“. „თვით უდიდესი ინდივიდუალისტები: ფაუსტი, მანფრედი, რასკოლნიკოვი, ჰამლეტი სოციალური გრძნობებისა და იდეალების, სოციალური განცდების და სურვილების მატარებელნი არიან: ჰამლეტის ტრაგედია მთელი საზოგადოებისა და კაცობრიობის ტრაგედიაა; ჰამლეტის ტკივილები და სასოწარკვეთილება, მისი ექსპერიმენტები და ეჭვები, მისი მელანქოლია და რყევა, მისი სულის განცდათა ქარიშხალი შემთხვევებსა და პლანეტარული უმიზნობის ქაოსში გახვეული, კაცობრიობის

¹ კ. კაპანელი, სოციალური ესთეტიკის საფუძვლები. ორგანოტროპიზმი, თბ. 1925, გვ. 134.

სასოწარკვეთილება და სევდა: ჰამლეტი სიმბოლოა კოლექტიური უბედურების, სოციალური განცდის, სტიუარტების ოჯახის დაშლა. ლორდი დერნლის დაღუპვა, ბოსველის ვერაგობა და მუხანათობა სოციალურ-ისტორიული და ფსიქოლოგიურ-სიმბოლური რეალებია იმ დიდი და საკაცობრიო ტრაგედიისა, რომელსაც „ჰამლეტის“ სახელი ჰქვია; ფაუსტის ეგოისტურ გრძნობებში, სულიერ მღელვარებასა და მოქმედებაში არის ჩვენი განცდები და სურვილები, ჩვენი ნდომანი და იდეალები. მანფრედის სასოწარკვეთილებაში ისმის ჩვენი ტანჯვის უკმაყოფილების ხმა, მანფრედის დაღუპულ იმედებში ჩვენ ვხედავთ ჩვენი ცხოვრების მწარე წუთებს, ჩვენს მწუვავე გრძნობებს. მანფრედის ტრაგედიული აღმაფრენა იუნგფრაუს მწვერვალებზე, მანფრედის ოცნება კოლიზიის ნანგრევებზე და არწივის სიმბოლური ფრენის ათვალელებაში ჩვენი წუთისოფლური სევდის ფილოსოფიაა არსებობის კომპარულ სასაფლაოზე¹. ადამიანის გაუცხოების ნიშნები, რომელნიც მიგელ დე უნამუნომ და იოზე ორტეგა გასეტმა, ფრანც კაფკამ და ჰერმან ჰესემ აღწერეს საუკუნის დასაწყისში, ასახვას პოულობს კაპანელის ნაზრევშიც. „მე“-ს დაკარგულობა მისთვის უცხოდ გამხდარ სამყაროში, მისი გაუფასურება, სოციალურისადმი დაქვემდებარება, ტექნიკით ცხოვრების მანქანური რიტმიზირება, ურბანიზაციით „მე“-ს ბედისადმი აბსოლუტური გულგრილობა და „მე“-ს საკუთარი ყოფიერების წყაროებიდან, მისი ინდივიდუალობიდან გამოთიშვა, წარმოადგენს კაპანელის მიერ კრიზისულად დასახული საუკუნის ძირითად ნიშნებს. „ჩვენს მღელვარე საუკუნეს შეუძლია თამამად გაიმეოროს დოსტოევსკის რასკოლნიკოვის სიტყვები: მე ადამიანი არ მომიკლავს, პრინციპი მოვკალიო, ღირებულებათა გაუფასურების ეპოქაში პრინციპი, რომელსაც გამოეცალა არსებობის საფუძვლები, ვეღარ გამოადგება იმას, ვინც ცხოვრობს ახალსა და თავისებურ სოციალურ-ისტორიულ პირობებში“². კაპანელი გრძნობს კაცობრიობის უფსკრულთან მიახლოებას. კულტურის გემის კომპასის რყევას, და ღირებულებათა საყოველთაო დევალვაციას. მას სავსებით გაცნობიერებული აქვს არსებული სამყაროს კრიზისულობა, რასაც ის შემდეგნაირად აჯამებს: „კაცობრიობა ქანაობს უფსკრულზე; უნდობლობა მეფობს ხალხებში; ისტორიული

¹ იქვე, გვ. 135.

² იქვე, წინასიტყვაობა.

კატეგორიები იცრიცებიან და იხეთქებიან; დიდი არმიები, შეიარაღებული თავიდან ფეხებამდე, უცდიან ბრძანებას სისხლის დასაღვრელად. არსენალებს განადგურებისას აწყობენ ნერეული სიჩქარით: სამყაროს კომპასი ირწყევა არევდარევით; ადამიანი ტრაგედიული ტორტმანით თხოულობს ყოველდღე, რომ მეცნიერებამ გამოიგონოს ისეთი რამ, რაც შექმნის ატმოსფეროს უჩვეულო ყოფისას; თითქოს რაციონალიზმის და ისტორიული მეშხანისმის წინააღმდეგ ეწყობა გრანდიოზული შეთქმულება; სამყაროს სასოწარკვეთით დაღებული აქვს ხასა და შემოქმედებითი სული უცდის სოციალურ ატალებათა პარმონიულ განრიგებას, რათა მოუნახოს არსებობის შეუჩერებელ დენას ფორმულა—
შ ე დ ა რ ე ბ ი თ უფრო სწორი.

ცხოვრების ნორმა ინდივიდუალისტური ეპოქების დაიშალა, ის, რაც შეადგენდა არსებობის აზრსა და ღირებულებას ოჯახისას, რელიგიისას წოდებრივი რეგალიებისა პრივილეგიების სახით, ადამიანის სულს დღეს არ უდგება, ტრადიციულ ღირსებათა არე დაცარიელდა და ადამიანი დარჩა უსაზღვრობის არეში ისე, როგორც ლამაზი რაინდი სიერა-მორენის ხეობაში თავისი დამტვრეული ფარ-ხმალით; ინდუსტრიისა და წარმოების ვითარება ასხეაფერებს ისტორიულ ეპოქებს და ყოველ პერიოდს კულტურისას თან მიაქვს, თან მოაქვს თავისი სტილი და სული¹.

ამავე დროს, „სოციალური ესთეტიკის“ დაწერის დრო დაემთხვა ჩვენში სოციალურ გადატრიალებას, რომელმაც ახალი მსოფლმხედველობა და იდეოლოგია გააბატონა. კაპანელი ყოველგვარ სიახლეს აღიქვამს კულტურულ ცხოვრებაში და გრძნობს, რომ მოხდა დიდი სოციალური ძვრა მისი ერის ყოფიერებაში, ფიქრობს, ეს სოციალური ცვლილება აუცილებლობით მოითხოვს მსოფლმხედველობის შეცვლასაც, მაგრამ კაპანელისთვის მსოფლმხედველობა გარეგნული რამ როდი იყო, ტანისამოსივით ადვილად გამოეცვალა. მისი მსოფლმხედველობა — ეს იყო სამყარო და ღირებულებანი დანახული თავისი თვალსაწიერიდან თავისივე ინტერესებითა და სულიერი მიღრეკილებებით განპირობებული, საკუთარ ინდივიდუალობას შეზრდილი და შესისხლბორცებული, ამიტომ ვერ ახერხებს, რადიკალურად გაემიჯნოს მის მიერ შექმნილ მსოფლმხედველობას. ამავე დროს, ცდილობს გაითვალისწინოს ახალი სამყაროს მოთხოვნები. ამ მიზნით კაპანელმა სცადა, ერთი

¹ იქვე. წინასიტყვაობა.

მხრივ. ძველი იდეებისა და შეხედულებების შემდგომი სრულყოფა და, მეორე მხრივ, მათი სინთეზი ახალ იდეებთან, შეხედულებებთან. მარქსიზმის კრიტიკა, მისი პირველი პერიოდიდან დაწყებული და განსაკუთრებით ნათლად გამოსახული მის „ტანჯვასა და შემოქმედებაში“, ადგილს უთმობს მარქსიზმთან შერიგების ცდას, არა მარქსის მსოფლმხედველობაზე გადასვლას, არამედ მარქსისა და საკუთარი მსოფლმხედველობის სინთეზის ცდას — ეს არის „სოციალური ესთეტიკის“ ძირითადი იდეა, რის გამოც იგი ითვლება კაპანელის აზროვნებაში ახალ ეტაპად. ამ სიახლეზე თავის ნაშრომის წინასიტყვაობაში კაპანელი ასე ლაპარაკობს: „წინამდებარე წიგნი შეიცავს ავტორის გულწრფელ ცდას, აზროვნებისა და ხელოვნების პრობლემათა თეორიულ გადაჭრაში შეიტანოს გარკვეული სისტემა მსოფლგაგებისა: სოციოლოგიზმის და ბიოლოგიზმის უკანასკნელი მიღწევებით, ჩვენ ვიცავთ სოციოლოგიურ მსოფლგაგების პრინციპს ო რ გ ა ნ ო ტ რ ო პ ი უ ლ ი ფ ო რ მ უ ლ ი თ. ამ შემთხვევაში „სოციალური ესთეტიკის საფუძვლები“ შეადგენენ „სული და იდეის“ ფილოსოფიური თეზისების გაგრძელებას, სრულებით გარკვეული სისტემით აზროვნების, რომელიც უარყოფს ყოველგვარ აბსოლუტიზმს, და ემყარება რა სოციოლოგიურ რელატივიზმს, მიიმართება საკუთარი გზით მატერიალიზმისა და ორგანოტროპიზმისაკენ“¹. მარქსიზმის ბიოლოგიზმთან შეერთება ადრეც უცდიათ, — კერძოდ რუსეთის ინტელიგენციაში, რომლის კრიტიკა მოგვცა ლენინმა „მატერიალიზმსა და ემპირიოკრიტიციზმში“, თუმცა აქ განსხვავებული გზით იყო ნაცადი მარქსიზმის ბიოლოგიზმით შევსება: რუსეთის ინტელიგენციის გარკვეული ნაწილი, ბოგდანოვის მეთაურობით, რომელთაც ლენინმა რუსი მახსიებები უწოდა, და რომელნიც ადრე მარქსის პოზიციაზე იდგნენ, მახისა და ავენარიუსის ნააზრევის ჩამოყალიბებისთანავე შეეცადნენ მარქსიზმი შეევისთ „უახლესი ბუნებისმეტყველების ფილოსოფიით“. მათ იფიქრეს, რომ მარქსიზმს აკლია საბუნებისმეტყველო ფილოსოფიური ნაანრევი, რომ ის მხოლოდ სოციალური ფილოსოფიაა და რადგან უკანასკნელ სიტყვად საბუნებისმეტყველო ფილოსოფიაში მახისში ითვლებოდა, ისინი მახის პოზიციაზე გადავიდნენ. კაპანელი არ წასულა ამ გზით, თუმცა მანაც სცადა მარქსიზმს შეეება ბიოლოგიზმით. მაგრამ არა მარქსიზმიდან, არამედ ბიოლოგიზმიდან ამოსვლით, თანაც ისე, რომ მარქსიზმი

¹ იქვე, წინასიტყვაობა.

მოერგო თავისი ბიოლოგიზმისათვის, მოესდინა მარქსიზმის სოციალური მოძღვრების შეერთება „სიცოცხლის ფილოსოფიის“ ბიოლოგისტურ იდეებთან. ასეთ განუხორციელებელ სინთეზს ეძებდა კაპანელი მისი მსოფლმხედველობის განვითარების უკანასკნელ ეტაპზე. კონკრეტულად როგორ ჰქონდა კაპანელს წარმოდგენილი ეს სინთეზი? შრომაში — „სოციალური ესთეტიკა“ — ყველა ის დებულება, რომელიც მას წინა შრომებში ჰქონდა გამოთქმული, ადამიანის ბიოლოგიური ორგანიზაციის გრძობათა განმსაზღვრელობის პროგრესის არარსებობაზე, რელატივიზმზე, წრებრუნვის თეორიაზე თუ სხვათა, ძალაში რჩება. ერთადერთი პრინციპული დებულება, რომელსაც კაპანელი ცვლის, ეს არის ინდივიდუალურის ნაცვლად სოციალურის განმსაზღვრელობის, ინდივიდუალიზმის სოციალურით შეცვლის პრინციპი, მაგრამ ესეც ერთ განზომილებაში — ესთეტიკასთან მიმართებაში. შემოაქვს აგრეთვე, მისი თეორიისათვის ახალი პრინციპი პრაქტიკის სახით, მაგრამ ამ შემთხვევაში პრაქტიკა გაგებულია როგორც სასარგებლო და ის გაიგეებულია პრაქტიკის პრაგმატისტულ გაგებასთან. ყოველ შემთხვევაში ამ ნაწილობრივმა ცვლილებებმაც განასხვავა კაპანელის ამ პერიოდის ნააზრევი წინარესაგან და მისცა მას საშუალება ესთეტიკის და ლიტერატურის დარგში გამოეთქვა მრავალი ისეთი მოსაზრება, რომელიც სწორ გეზს იძლეოდა. თუმცა ეს ეხება ცალკეულ პრინციპებსა და დებულებებს. მთლიანად კი მისი კონცეფცია მცდარი და მიუღებელი დარჩა.

კაპანელმა მარქსის მოძღვრება, როგორც ბურჟუაზიული საზოგადოების კანონზომიერების აღმოჩენა და გაგება, უყურადღებოდ დატოვა და შეცვალა მარქსის თეორიის იმ მომენტით, რომელიც ეხება იდეოლოგიურ ფორმებს და მათ შორის ესთეტიკას უკავშირებს სოციალურ მოთხოვნილებებს: „სოციოლოგიური ორგანოტროპიზმი გამომსახველია რელატივისტური მსოფლგაგებისა: სოციოლოგიური ორგანოტროპიზმი, როგორც იდეოლოგიური სინთეზი მარქსიზმისა და ბიოლოგიზმის მიზნად ისახავს არა სოციალური კანონების გამოსახვას, არამედ სოციალურ სტრუქტურათა იდეოლოგიური ფორმების ანალიზს და ფილოსოფიურ-ესთეტიკური აბსოლუტების განმარტებას სოციალურ საჭიროებათა შემოქმედებითი ნებისყოფით“¹. საინტერესოა, რომ კაპანელი ცდილობს თავისი რელატივისტური თეორია გამოაცხა-

¹ იქვე, წინასიტყვაობა.

დოს ისეთ მსოფლმხედველობად, რომელიც დაკავშირებულია ქართველი ერის სულთან და რომლის ამოცანაა, უპასუხებდეს ქართული სულის თანამედროვე მოთხოვნებს. ეს საინტერესოა იმ მხრივ, რომ თეორია, რომელსაც საგნად გაუხდია მთელი სამყაროს სტრუქტურა, მასში მომხდარ ძირეულ ცვლათა ანალიზი, თითქოს არაფერს უნდა შეიცავდეს ეროვნულს და მისით განსაზღვრულს. მაგრამ კაპანელი ცდილობს, ის, რასაც იგი ქადაგებს ორგანოტროპიზმის სახით, იყოს არა მარტო ეპოქის ახალი გაგება, და ეპოქის მოთხოვნებზე პასუხი, არამედ ქართული სულის და ქართული კულტურის იმ მიმართულებით წაყვანა, რომელსაც მისგან მოითხოვს საერთაშორისო მოძრაობის იდეოლოგიური ატმოსფერო. ეს იქნება ქართული კულტურა ივანთავეისუფლებული „კუთხურ-ინდივიდუალისტური ნაჭუჭებისაგან“, რომელიც საჭიროებს „მორალისა და მსოფლ-გაგების ახალ ნორმებს“, ახალ არეებს „ხელოვნების, მეცნიერებისა და ფილოსოფიის მოძრაობაში“. კაპანელისთვის მაინც ძირითადი მსოფლმხედველობაა და ქართული სული, ეპოქის თვალსაწიერში გაშუქებული, მოითხოვს „მსოფლმხედველობის ძირეულ რეფორმას. სოციალური განხრით და სოციალოგიური მიმართულებით“. ამრიგად, კაპანელი ცდილობს, მისი მსოფლმხედველობა იყოს ეპოქის ამოცანებზე პასუხი და, ამავე დროს, ქართული სულით შეფერადებული ისე, რომ ქართული სულის მოთხოვნები განსაზღვრული იყოს ეპოქის მოთხოვნებით. მსოფლმხედველობაში ასეთი ორი — საკაცობრიო და ეროვნული — მომენტის შერწყმა, ერთი შეხედვით, მეტად ძნელი და თითქმის განუხორციელებელი ჩანს... და მაინც შესაძლებელია. მარქსის აზრით, ეს გარკვეულწილად განხორციელდა ფრანგულ ფილოსოფიაში, რომელშიც ზოგადსაკაცობრიო პრობლემატიკის დასმასა და გადაწყვეტას ფრანგული სულის ელფერი გადაჰკრავს (იხ. მარქსის „წმინდა ოჯახი“). შეიძლება ითქვას, რომ ასეთივე ხასიათისაა ყველა ერისთვის გამოსადეგი გერმანული ფილოსოფოსობის ფორმაც — მას გერმანული სულს ბეჭედი აზის თავისი ლოგიციზმით და გერმანული სირთულით, რაც ფრანგული ფილოსოფიის ნახევრად პოეზიურ აზროვნებასთან შედარებით მეტად მძიმე და სპეციფიკური სტილის მქონეა. კაპანელი შეეცადა თავისი ნახევრად მხატვრული ნააზრევი გამოეცხადებინა ქართული სულის გამომხატველად, მისი პოეტურობის, ფრაგმენტულობის და ელერადობის მაჩვენებლად; მისი ბრძოლა ლოგიკის წინააღმდეგ როგორც ეპოქის, ისე ქართული სულის რელატივისტური ტენდენციე-

ბის გამოსატყულებად. კაპანელის მიმართება ქართულ სინამდვილესთან ცალკე განხილვას მოითხოვს. აქ მასზე ვერ შეეჩერდებით. ჩვენ აზრ-
 ცანაა, პირველ რიგში ვაჩვენოთ ის სიახლე, რაც კაპანელის მსოფლ-
 მხედველობრივი ევოლუციის მეორე პერიოდისთვისაა დამახასიათე-
 ბელი. პირველ პერიოდში კაპანელი თავის მსოფლმხედველობას კოს-
 მისმს და ბიოფსიქიზმს უწოდებდა, შესაბამისად იქლეოდა ამ ცნებათა
 განმარტებას. პირველ პერიოდშიც იყო ლაპარაკი ორგანოტროპულო-
 ბაზე და მის შინაარსზე, მაგრამ ჯერ კიდევ გამოკვეთილად არ იყო
 წარმოდგენილი ამ მსოფლმხედველობის ორგანოტროპიზმი. მეორე პე-
 რიოდის შრომას „ორგანოტროპიზმი“ ეწოდება და არსებითად იწყება
 ორგანოტროპიზმის განმარტებით: ორგანოტროპულობა პირველ რიგში
 ემყარება ბიოლოგიურ და სოციოლოგიურ საწყისებს. ის თავისებურა
 ბგოსოციალური ჰიპოთეზაა, რომლის ანალოგიურს აყენებდა დე რო-
 ბერტი და არსებითად ბიოლოგისტური სოციოლოგიის პრინციპებიდან
 ამოდრიოდა. კაპანელის აზრით, თანამედროვეობას ახასიათებს ბიოლო-
 გიისა და სოციოლოგიის სინთეზი, რამაც შეარყია კანტის იდეალიზმის
 ფილოსოფიური საწყისები ზედროული კატეგორიებით: „სოციოლო-
 გიისა და ბიოლოგიის შემოქმედებითი ხასიათის სინთეზმა შეარყია ფ-
 ლოსოფიისა და საერთოდ, მსოფლმხედველობის ძირეული პრინციპე-
 ბი“¹. სოციოლოგია ბიოლოგიაზე დამყარებით უარყოფს უნივერსალი-
 ების პრობლემას და ყველაფერს განიხილავს შეფარდებითობისა და
 წარმავლობის განზომილებაში. ამ შეფარდებითობას განსაზღვრავს
 მიმართება მდგომარეობასა და არსს შორის.
 სწორედ ეს ურთიერთობაა ორგანოტროპულობა. ამოსავა-
 ლი ხდება ვითარების შესაბამისად ორგანიზმში გარკვეული რეფლექ-
 სების ჩამოყალიბება, რომელთაც შეესაბამება აზრებიც. ყოველი
 აზრის გამოხატვა შესაძლებელია მიმიკით, სახის გამოსახულებით და
 ყოველ ორგანოს განცდის საფუძველზე შეუძლია გარკვეული რეაგ-
 რება. განცდაზე ეს რეაგირება იქცევა ჩვევად და სხეულის ყოველ
 ორგანოს მთელი სხეულისაგან დამოუკიდებლადაც შეუძლია მოახდინ-
 ნოს რეაგირება გარემოს გავლენაზე. ყოველ შემთხვევაში ვარკვლის
 ცვლილება იწვევს სხეულის და აზრთა ცვლილებასაც. ამიტომაც ყვე-
 ლაფერი შეფარდებითი და ერთხელ და სამუდამოდ არაფერი არაა
 მოცემული. კაპანელი ორგანიციტების მსკაცხად დაწვრილებით

¹ იქვე, ვ. 17.

აღწერს ბიოლოგიურ რეფლექსებს და ამტკიცებს მათ განმსაზღვრელობას სოციალური ყოფიერების მიმართ. თავის მხრივ ის აღიარებს წმინდა სოციალურ რეფლექსებსაც — მიმიკას, წაბაძვას და სიმბოლოებს. ისინიც ყალიბდებიან ხანგრძლივი დროის განმავლობაში, იქცევიან ჩვევად, რომელიც მემკვიდრეობით გადადის. ყველაფერი ეს ავტორს სჭირდება იმის საჩვენებლად, რომ მდგომარეობა და არსი ერთმანეთთან ურთიერთობაში არიან, და რომ „მდგომარეობასა და არსს შორის არსებობს მუდმივი ურთიერთობა შემოქმედებითი ხასიათისა; მდგომარეობა მოქმედებს არსზე, არსი მოქმედებს მდგომარეობაზე. შემოქმედებით ურთიერთობას მდგომარეობასა და არსს შორის, რომელიც სამყაროს ყოველ კუთხეში თავისებურია, ჩვენ ვეძახით ორგანოტროპიზმს“¹. ორგანოტროპიზმის ძირითადი მოტივია კულტურისა და ყოფიერების ყველა მხარის და ასპექტის გარემოსთან ორგანულ-ბიოლოგიური შეგუების მოთხოვნილებებით ახსნა. ყოველი გარემო თავისებურია. ამიტომ მასთან შეგუების ფორმებიც სპეციფიურ სახეს ღებულობს. ეს ნიშნავს, რომ ის, რაც ერთი გარემოსთვის მისაღები და გასაგებია, უცხო და მიუღებელია მეორე გარემოსთვის: „ყოველ ყოფას ყოველ მიწა-წყალზე წუთისოფლად აქვს საკუთარი სული, სევდა, განცდა, სტილი და იდეა; სამყაროს დაუსრულებლობაში, ხალხთა გუგუნსა და მოძრაობებში, ეპოქათა და მოდგმათა ფერასცვალებაში ყოველი მომენტი არსებობისა, ყოველი სახე წარმოშობილი ბიოგენეტურად, მართლდება თავის შინაწყობაში პირობებით და მდგომარეობებით — სულისა და გარემყარობის ურთიერთობით — ორგანოტროპიზმით; ყოფა ყოფას მოწყვეტილია სულიერად და ყოველი არსი უსაზღვროების არეზე მართა განცდაში; სული და მისი რეალიები კუთხებრივ-ტროპული ფორმებია ორგანულ-ბიოლოგიური შეგუებისა; შემოქმედების ყოველი ფორმა გამოსახავს კუთხებრივ ტცივლებს და სიხარულს, კუთხებრივ განცდასა და სევდას; ღირებულება კუთხურკლასიკური საპირობების კვალიფიკაციით ისაზღვრება: იაპონელისათვის იაპონური ხელოვნება დიადი და მშვენიერია, ვინაიდან მასში გამოსახულია იაპონური ყოფის ორგანოტროპული განცდა; ბუშმენისათვის ბუშმენური ხელოვნება სავსეა აზრით და მშვენიებით: ყოველი ხალხის და ყოველი საუკუნის სოციალურ-ისტორიული პირობების კომპლექსი

¹ იქვე, გვ. 20.

ათვისებურებს ხელოვნების პრინციპს, ესთეტიკურ-ფილოსოფიურ იდეალებსა და ზრახვებს¹.

კაპანელი ამ ორგანოტროპიზმს მსოფლმხედველობის განვითარების მეორე პერიოდში პირველი პერიოდის ყოფიერების საზრისის პრობლემატიკიდან გადაიტანს ძირითადად ლიტერატურისა და ხელოვნების პრობლემატიკაზე. არც ისტორია რჩება უყურადღებოდ, მაგრამ იმდენად, რამდენადაც შპენგლერის არგუმენტებით უნდა შეავსოს მისი ანტიისტორიზმი და ნიჰილიზმი. მეორე პერიოდში ძირითადი მახვილი ლიტერატურასა და ხელოვნებაზეა გადატანილი. წიგნის სათაურიც გვამცნობს ამ ვითარებას — „სოციალური ესთეტიკა. ორგანოტროპიზმი“. ხალხთა ცხოვრების ასახვაში კაპანელი განსაკუთრებულ მნიშვნელობას ანიჭებს ესთეტიკურ იდეალებს, ფიქრობს, რომ ყველა ხალხის ცხოვრების თავისებურება პირველ რიგში შესაბამის ლიტერატურულ ხელოვნებისეულ ფორმებში პოულობს გამოხატულებას. კიდევ მეტი, მთელი ისტორია მას წარმოსახული აქვს ლიტერატურითა და ხელოვნებით შევსებული, რომლის გარეშე ისტორია უშინაარსოდ ეჩვენება. ამ პრინციპით უდგება ქართულ სინამდვილეს და ქართული ლიტერატურის განვითარებას მიიჩნევს საქართველოს სინამდვილის განცდის გამოხატულებად. „ლიტერატურული იდეალებისა და ტიპების სახეებს მდგომარეობა ამართლებს და ასაბუთებს ასოციაციებით და აპერცეფციებით; მაგრამ, ვინაიდან ქვეყნის ყოველ კუთხეს, ისტორიის ყოველ ეპოქას თავისი საკუთარი მდგომარეობა აქვს, ყოველი ხალხისა და ეპოქის ლიტერატურული იდეალები და სახეები განირჩევიან ერთმანეთისაგან, ესთეტიკური იდეალების მეტამორფოზა უმეშვეოდ გადაკავშირებულია სოციალურ სტრუქტურათა ევოლუციასთან და კულტურის ყოველგვარი ვითარება ათავისებურებს ლიტერატურისა და ხელოვნების მიმართებას.

ხალხის ცხოვრება, ხალხის განცდად ქცეული, ერთადერთი და უდიდესი წყაროა ლიტერატურისა და ხელოვნებისა; თვით ისტორია, თავისი ეპოქებითა და პერიპეტეებით სტრატეგიისა და სახელმწიფოებრივობის სფეროში, უშინაარსოა გარეშე ლიტერატურისა და ესთეტიკური იდეალებისა; ხალხის ისტორია იმდენად შინაარსიანია, იმდენად მდიდარია და თავისებური, რამდენადაც ხალხი ესთეტიკურად ასახავს თავის ყოფას, რამდენადაც ხელოვნება ამოკვეთს ხალხის განცდათა

¹ იქვე, გვ. 111.

მგზნებარე დაზგაზე სურვილებსა და მიზნებს, ცხოვრების იდეალებსა და ზრახვებს: საქართველოს წარსულა საინტერესოა სწორედ იქ, იმ ეპოქებში, სადაც ქართული სული შლის იდეალების მარაოებს ქართული ლიტერატურის ფურცლებად, სადაც დიდი მწერლები და ფილოსოფოსები ქართულ აზროვნებას მეტყველების მშვენიერ ფორმებში ასახავენ¹. ამავე დროს, კაპანელი ამ ორგანოტროპულ კავშირს მდგომარეობასა და განცდას შორის, რომელშიც მდგომარეობა განსაზღვრავს სულიერ ვითარებას. არ წაოოაჩენს ცალმაროვ მიმართებად. ის აკრიტიკებს იპოლიტ ტენის მიერ ხელოვნების მდგომარეობის და გეოგრაფიული ვითარებით განსაზღვრულობის მტკიცებას, რადგან მიაჩნია, რომ ეს საქმის ვითარების ერთი მხარეა. კაპანელი მოითხოვს, რომ განვიხილოთ მდგომარეობასა და ხელოვნებას შორის კორელაცია სრულყოფილად, რაც ნიშნავს, რომ არა მარტო მდგომარეობა ახდენს გავლენას სულიერ სამყაროზე. არამედ თავის მხრივ, სულიერი სამყარო მდგომარეობაზეც: „კაცობრიობის წარსულში როგორც პრეისტორიულ, ისე ისტორიულ პირობებში, ჩვენ ვხედავთ არა მარტო მდგომარეობის გავლენას, არამედ გავლენის პირუკუღმა გავლენასაც მდგომარეობაზე“². და შემდეგ: „მართალია, მდგომარეობა აძლევს ფორმას სულიერობას, მაგრამ მდგომარეობის შეცვლის დაჩქარება შეუძლია სულიერობის გავლენას... ორგანოტროპიზმის ესთეტიკურ ფილოსოფიაში მოცემულია ურთიერთობის პრობლემა მდგომარეობასა და სულს შორის, სულსა და მდგომარეობას შორის“³.

ამით განსაზღვრულია კაპანელის მსოფლმხედველობის ძირითადი ცნება, გარკვეულია მისი ფილოსოფოსობის ამოსავალი პრინციპი, რომლითაც ხსნის ყოველივეს, რის საფუძველზეც უარყოფს ლოგიკისა და აზრის საყოველთაო მნიშვნელობას. იგი ამტკიცებს, რომ ლოგიკური კანონის საყრდენი ორგანოტროპული კორელაციაა. ცნების ბუნებაში შედის გენეტური ელემენტი, ლოგიკური დებულებები იქმნებიან ორგანოტროპულ ურთიერთობათა სფეროში და დამოკიდებული არიან ტერიტორიის ანუ გარემოს ვითარებაზე. ამიტომ მიაჩნია მას ტრანსცენდენტალური იდეალიზმი, აპრიორული კატეგორიებით და გნოსეოლოგიური აბსოლუტიზმით, უარსაყოფად. ყოველ დროს და

¹ იქვე, გვ. 141.

² იქვე, გვ. 142.

³ იქვე, გვ. 144.

ყოველ ადგილს შესაბამისი ტიპი ჰყავს თავისი აზროვნებით. არ არის მართებული ჰამლეტის მტკიცება — „ნივეზის ნაქუქში რომ ვიყო მოთავსებული, მაინც ის ვიქნები, რაც ვარო“. კაპანელი ფიქრობს, — ჰამლეტის მდგომარეობის შეცვლა მას გადაასხვავებდა. ერთი საუკუნით ადრე რომ დაბადებულიყო, ის ჰამლეტი აღარ იქნებოდა, სხვა იდეები და სხვა ილუზიები სხვანაირად დაატრიალებდნენ მის ცხოვრებას. ჰამლეტს სურს შეაერთოს ეპოქებს შორის გაწყვეტილი კავშირი, მაგრამ ეს შეუძლებელია, რადგან დროც და სივრცეც სხვადასხვა ათვლის სისტემებიდან განსხვავებულია. აბსოლუტებს და უნივერსალებს, კანტის „წმინდა გონების“ მსგავს კატეგორიებს, კაცობრიობა იცვლის ძველი ტანისამოსივით და მათთვის ადგილი არ რჩება მარქსისა და აინშტაინის ფარდობითობის პრინციპის შემუშავების შემდეგ. კაპანელის დასკვნით, ინტელექტუალიზმი არის ინდივიდუალიზმის ტრაგედიის ნაწილი და ინდივიდუალიზმთან ერთად უნდა ჩაბარდეს წარსულს. ახალმა დრომ მოიტანა სოციალური ევოლუციისკენ მიწრაფება და მას უნდა შეეფარდოს აზროვნების გაგებაც, როგორც გენეტური პროცესისა, რომელსაც მდგომარეობა და ვითარება განსაზღვრავს — „ერთი მხრივ ფ ა ქ ტ ი უ რ ი მ დ გ ო მ ა რ ე ო ბ ი თ, მეორე მხრივ გ ე ნ ე ტ უ რ ი პ რ ო ც ე ს ი ს დეტერმინიზმით: აქტი ინტელექტისა და ინტუიციის, ბუნება ცნებისა, ყოველთვის ატარებს ორგანოტროპულ რეფლექსებს და ის, რასაც გნოსეოლოგიური იდეალიზმის მომხრენი მიაწერენ სულს ან „წმინდა გონებას“, შესაძლებელია იყოს ნაყოფი კ ო ო რ დ ი ნ ა ტ ე ბ ი ს მექანიზაციისა; რიცხვობრივ ცვლილებათა გამრავლება აწყობს მატერიაში ხარისხის ს ხ ვ ა ო ბ ა ს“¹. ის, რაც მდგომარეობის გზით ეძლევა სხეულს, იქცევა ჩვეულებად, რომელსაც გაცნობიერება არ სჭირდება. ამით აიხსნება ის, რომ კონდუქტორს გაქანებული მატარებლის კიბეზე სძინავს. და არ ვარდება, რადგან სხეული შეჩვეულია მდგომარეობას იმდენად, რომ წონასწორობის შესანარჩუნებლად არ სჭირდება საფრთხის გაცნობიერება. მოკლედ, ყველაფერი ბიოლოგიისა და სოციოლოგიის რელატივობით შევსებული პრინციპებით უნდა აიხსნას. ასეთი მსოფლმხედველობა მრავალმა მოაზროვნემ მოამზადა. „ბიოლოგიამ ერთი მხრივ, სოციოლოგიამ მეორე მხრივ მახვილი ჩასცა აბსოლუტებისა და კატეგორიების სამყაროს: დარვინმა მოუსპო არსებობის საშუალება თეო-

¹ ი ქ ე ე, გვ. 22—23.

ლოგიას; მარქსმა გამოუნახა მამოძრავებელი იმპულსი კულტურას, აინშტაინმა, ბერგსონმა და შპენგლერმა დაკრიცეს აბსოლუტიზმი — აკადემიური და ფილოსოფიურ-ესთეტიკური; ანრი პუანკარემ აინშტაინზე კიდევ უფრო ადრე გარკვევით დასვა რელატივიზმის პრობლემა la valeur de la science. აზრის მიმართება ყოველთვის ისაზღვრებოდა კულტურისა და იდეოლოგიის ხაერთო ევოლუციით და დღესაც ასე ხდება. თუ საშუალო საუკუნეებიდან დაწყებული მეთვრამეტე საუკუნემდე აზროვნების დირიჟორი იყო თეოლოგიური იდეალიზმი, ჩვენი დროის იდეოლოგიური მეთაურებია სოციოლოგიური შერჩევანი არსებობის საჭიროებისათვის და ბიოლოგიური ფილოგენეტიზმი¹.

კაპანელი ორგანოტროპიზმის პრინციპით უდგება სამყაროს ყველა ფენომენს და ყველაფრის ახსნას ცდილობს მდგომარეობით და საჭიროებით, სულერთია, იქნება ეს ლოგია, ჭეშმარიტება, მეცნიერება თუ ხელოვნება. მისი აზრით, ეს არის ამოსავალი მარქსის თეორიისა და ამიტომ თელის შესაძლებლად მარქსის თეორიასთან თავისი ნაზრების გაერთიანებას. მას აზროვნება და მისი კანონები საყოველთაოობას მოკლებულად მიაჩნია — ისინი გამოწვეულია პრაქტიკული მოთხოვნილებებით, პრაქტიკა კი სხვადასხვა კლასთან განსხვავებულია. ამიტომ არ უნდა არსებობდეს ერთიანი ლოგია, თუმცა კაპანელი იმასაც ხედავს, რომ ლოგიკის პრინციპები ყველას ემსახურება, მაგრამ ამას ლოგიკის გააბსოლუტურებად თვლის. მისი ენით თუ ვიტყვით, ლოგია თავისი სილოგიზმებით და იმპერატივებით წააგავს იმ როსკიბს, რომელიც დღეს ერთს ეკუთვნის და ხვალ მეორეს, და, ამავე დროს, ურცხვად დგას ორღეანელი ქალწულის რაინდულ პოზაში. მისი აზრით, ლოგია კლასობრივია, რადგან ყოველ სოციალურ წყობაში სილოგიზმების მიუხედავად ფიქრები და განცდები განსხვავებულია, ამიტომ ყველას თავისი ლოგია უნდა ჰქონდეს. მდგომარეობის შეფარდება აწყობს ლოგიკურ პრინციპებს და ყოველი კუთხის, ყოველი კლასის ლოგია ისევე თავისებურია, როგორც ესთეტიკა². მისი აზრით, ლოგია ეწინააღმდეგება განცდისა და მდგომარეობის ჭეშმარიტებას საყოველთაოობისადმი მისწრაფებით. ფაქტობრივად მის მნიშვნელობას განსაზღვრავს მდგომარეობა და განცდა. ამის საილუსტრაციოდ მას

¹ იქვე, 83-24.

² იქვე, 83-35—36.

მოყავს ასეთი მაგალითი: „მე ვიყიდე გუშინ წითელი ქათამი“. იმისდა მსხედვეთ, თუ რა მხარეს ვუსვამ ხაზს, ამ წინადადებაში იცვლება ქვემდებარე და შემასმენელი და შესაბამისად აზრის კონსტრუქციაც — თუ ყურადღებას ვაქცევ „მე“-ს, ის იქნება სუბიექტი, თუ „წითელს“ ვაქცევ ყურადღებას, მაშინ ის გახდება სუბიექტი. ეს მართლაც ასეა, მაგრამ სულაც არ მიუთითებს ლოგიკის მდგომარეობით განსაზღვრულობაზე, არამედ მიუთითებს წინადადების მნიშვნელობის, მისი საზარისის შეცვლაზე იმის მიხედვით, თუ გამოთქმის რა მხარეს ვაქცევთ ყურადღებას. საზარისის ეს ცვლილება სწორედ ერთიანი ლოგიკის ფარგლებშია შესაძლებელი. ლოგიკური კატეგორიები და სილოგიზმის ფიგურები რომ პრაქტიკის შედეგია, ფაქტია, მაგრამ ეს არ ნიშნავს, ისინი დამოკიდებული იყვნენ სოციალური ჯგუფების საჭიროებასა და ვითარებაზე. ამიტომ არ შეიძლება გავიზიაროთ კაპანელის მტკიცება, რომ „აზრის ღირებულება ეფარდება მდგომარეობის შეცნობას, ხოლო მდგომარეობის შეცნობა წარმართება სოციალური საჭიროების ინტერესის მიხედვით“. ლოგიკური კონსტრუქცია არაა განპირობებული საჭიროებითა და ინტერესებით და ლოგიკა არაა ორგანოტროპული და კლასობრივი. როდესაც კაპანელის ამ მოსაზრებებს ვაკრიტიკებთ, უნდა გავითვალისწინოთ ის ვითარება, რომელშიც ისინი გამოითქვა. 20-იანი წლების დასაწყისში და შემდეგაც ბევრ მარქსისტს ეჭვი არ ეპარებოდა კლასობრივი ენის, კლასობრივი ლოგიკის და აზროვნების არსებობაში, კაპანელმა სწორედ ეს აზრები გამოიყენა მისი რელატივიზმის მარქსთან დასაახლოვებლად. კაპანელის ტრაგედია იმაშია, რომ რელატივიზმის პოზიციებიდან აბსოლუტიზმის წინააღმდეგ მებრძოლი, თვითონ ააბსოლუტურებს სინამდვილის ცალკეულ მომენტებს და ამით მათ უზარობად აქცევს. სადავო არაა მისი მტკიცება — „ქვეყნად პრაქტიკული ცხოვრება რომ არ ყოფილიყო, არც ლოგიკა, არც მორალი არ იქნებოდა“. მაგრამ ეს სრულიადაც არ ნიშნავს, სწორი იყოს დებულება, რომ „ბურჟუაზიული ლოგიკა სულ სხვა სახისაა, პროლეტარული კი სხვა“. ხშირად კაპანელის დებულებაში არის მომენტი, რომელიც ჭეშმარიტებას შეიცავს, მაგრამ გააბსოლუტურებით შეცდომად იქცევა. ასეთია მისი მტკიცება შემოქმედების და მეცნიერების განვითარების პრაქტიკის მოთხოვნებით და მასთან კავშირით განპირობებულობის შესახებ. ეს პრინციპი თავის დროზე ენგელსმა ჩამოაყალიბა, მაგრამ კაპანელთან, ისე როგორც ყველაფერი სხვა, ეს პრინციპიც სახეს იცვლის და ცალმწრივად წარმოიდგინება: „მდგომა-

რეობა და იდეა ისტორიულად შექმნილებით ურთიერთობაში არიან, ამჟამად იდეა აქტიურ მოქმედებას იწყებს მხოლოდ მაშინ, როდესაც სოციალური საჭიროება ამახვილებს იდეის გავლენას. როგორც წინადადებაში ასრის იცვლება სოციალური საჭიროების განცდის ცვლილებით, ისე იდეოლოგიის ისტორიულ ვითარებაში ასრის მიმართება და ღირებულება იცვლება შეფარდებით სოციალ-კლასობრივი ინტერესისა. რამდენადაც წარსული კაცობრიობისა და ყოფილი იყო ყოველ საუკუნეში კლასებად და რამდენადაც თითოეული კლასი გამოდიოდა ისტორიულ მოძრაობათა ხელმძღვანელად, იმდენად სოციალური არე იდეოლოგიისა იკუმშებოდა კლასობრივი ინტერესებისა და საჭიროების საზღვრებში. მეცნიერება, ფილოსოფია, სელოვნება, სუროთმოდგრება და სხვა დარგი შემოქმედებისა ყოველთვის ყოველი ხალხის ცხოვრებაში იმდენად სახიერდებოდნენ, იმდენად ვითარდებოდნენ, რამდენადაც რომელიმე კლასის ინტერესებისათვის საჭირო იყვნენ; ამიტომ არასოდეს, არც ერთ ეპოქაში არ ჰქონებიათ თვითარსობითი და დამოუკიდებლობითი ხასიათი: გონებისა და სულის სახეობითი ფორმები ყოველთვის გამოყენებით თვისებას ატარებდნენ¹. აქაც კაპანელი მარქსიზმის დამახინჯებული და ცალმხრივი ინტერპრეტაციიდან ამოდის. ანგარიშს არ უწევს იმ გარემოებას, რომ ენგელსმა ეს ცალმხრივი გაგება გააკრიტიკა თავის წერილებში და ხაზი გაუსვა სულიერი ცხოვრების შინაგან ლოგიკას, მის უკუქმედებას მატერიალურ პროცესებზე.

კაპანელის ორგანოტროპიზმის თვალთახედვით, სამყაროში არაა ერთიანობა— ისტორია და კულტურა წარმოდგენილია სიმრავლის სახით, რომელშიც ყოველი კულტურა დამოკიდებულია დროზე, ტერიტორიასა და ხალხის რასობრივ ბიოლოგიურ თვისებებზე. ამიტომ კულტურათა შორის საერთო ენა და სტილი არ არსებობს. ყოველი კულტურა საკუთარი სტილის და სულიერი სამყაროს მქონეა, რომელიც ორგანოტროპულ მიმართებაშია მის საჭიროებებთან და გარემოსთან. მაშინაც, როდესაც კაცობრიობის სახელით მსჯელობენ, გულისხმობენ იმ ხალხებს, რომელთა წარმომადგენლები თავად არიან, დანარჩენთ ბერძნებივით ბარბაროსებად თვლიან. ის, რასაც მსოფლიო ისტორიას ვეძახით, ერთი ფრაგმენტია უსასრულო სამყაროში, ერთი კუთხეა პლანეტარულ არსებობაში. ყველაფერი ჩვენი სუბიექტური საზ-

¹ იქვე, გვ. 39.

რისით და თვალთანხედვიო გვაქვს გააზრებული. შპენგლერის ანალიტიკურად კაპანელი აკრიტიკებს არა მარტო მსოფლიო ისტორიის პროცესულ გაგებას, არამედ მისი პერიოდოზაციის სქემასაც ანტიკურობის, საშუალო საუკუნეებისა და ახალი დროის სახით. მიუთითებს, რომ ის, რაც ჩვენ ახალ დროდ გვესახება, გაცილებით უფრო მნიშვნელოვნად გვეჩვენება, ვიდრე ანტიკური სამყარო. ეს გამოწვეულია „ჩვენი ცხოვრების ეგოცენტრისტული დაკავშირებით მახლობელ მდგომარეობასთან კუთხურ-ტროპიული სურვილებით“. ამის შედეგაა კაპანელის ისტორიოსოფიაში ისტორიის უარყოფა, ისე როგორც გნოსეოლოგიაში ობიექტური ქვეშაობების და „ქვეშაობების, დროისა და ეპოქის ილუზია“ გამოცხადება.

კაპანელის ნააზრევის ახალი მომენტები განვითარების ამ ეტაპზე, ძირითადად, ეს არის მარქსთან დაახლოების სურვილი შპენგლერის იდეების გამოყენების გზით, მის მიერ წამოყენებული პრინციპების განმტკიცება, ორგანოტროპიზმის განმარტება როგორც მდგომარეობასა და სულს შორის ურთიერთქმედების პრინციპისა, რომელშიც განსაზღვრელი მდგომარეობაა, ლიტერატურისა და ხელოვნების გამოცხადება ხალხის ცხოვრების ასახვად (ასახვის ცნება პირველ პერიოდში საერთოდ გამორიცხული იყო), და ბოლოს, ალბათ ყველაზე ნაყოფიერი მისი შემდგომი კვლევითი საქმიანობისთვის, — ესაა ხელოვნების და ლიტერატურის სოციოლოგიის პრინციპები. კაპანელი იყო ქართულ სინამდვილეში პირველი მოაზროვნე, ქართული და მსოფლიო ლიტერატურის კლასიკური ნიმუშების სოციოლოგიური ანალიზი რომ გააკეთა და საფუძველი ჩაუყარა ხელოვნებისა და ლიტერატურის სოციოლოგიას საქართველოში, რომელიც შემდგომშიც დიდხანს იყო დავიწყებას მიცემული. ეს დარგი იმ პერიოდისათვის ევროპაშიც სიახლეს წარმოადგენდა. ქართული ლიტერატურის ისტორია კაპანელის გააზრებაში სოციალური სინამდვილის, ქართველი ხალხის სულიერი ცხოვრების სურათადაა წარმოდგენილი და მისი განვითარება ახსნილია სოციალური მიზეზებით. სხვა მწრივ კაპანელის მსოფლმხედველობის პრინციპები არ შეცვლილა. და ამდენად მისი კოსმიზმი, ბიოფსიქიზმი და ორგანოტროპიზმი ერთმანეთის შევსებას უფრო წარმოადგენენ, ვიდრე დაპირისპირებას.

კაპანელის მსოფლმხედველობის უფრო სრულად წარმოსადგენად საჭიროა ზოგადად მაინც აღვნიშნოთ მისი დამოკიდებულება არა მარტო ყოფიერებისა და ცნობიერების, კულტურისა და ისტორიის პრობ-

ლემბთან, არამედ მისი მიმართებაც ქართულ კულტურასთან და ქართულ სინამდვილესთან. აღსანიშნავია, რომ კაპანელმა აქაც სცადა თავისებურად გაეაზრებინა და დაეხასიათებინა ქართველი ერის სოციალური ფსიქოლოგია. მე-20 საუკუნის დასაწყისში ეს სიახლე იყო. ევროპაში ხალხთა ფსიქოლოგიის პრობლემატიკა ის-ის იყო მუშავდებოდა და კაპანელმა ეს სიახლე ქართულ სინამდვილეს მიუსადაგა. ამავე დროს, იგი შეავსო ორგანოტროპული პრინციპით. კაპანელის ნააზრევში ამ მიმართულებით ბევრი რამაა მიუღებელი და ეს კრიტიკოსებმა ადრეც აღნიშნეს, მაგრამ, ამასთან, არის მრავალი საინტერესო მიხვედრა და, რაც მთავარია, ასეთი ანალიზი ახალი იყო ქართული კულტურის მიმართ. თვითონ ხალხთა ფსიქოლოგიის (როგორც მაშინ უწოდებდნენ), სოციალური ფსიქოლოგიის (როგორც ახლა ჰქვია) პრინციპი მაშინ ახალი იყო არა მარტო ქართული, არამედ ევროპული აზროვნებისთვისაც. ბუნებრივია, ყოველი სიახლე სიძნელეებთანაა დაკავშირებული, სიძნელეები კი შეცდომებთან. მიუხედავად ამისა, სიახლის დანერგვის ცდა არ არის უარსაყოფი.

კაპანელის მსოფლმხედველობის ეს სქემატური სურათი საკმარისი უნდა იყოს იმის აღსანიშნავად, რომ ქართული სულიერი კულტურის და განსაკუთრებით ფილოსოფიური აზროვნების განვითარებაში კაპანელს გარკვეული ადგილი უკავია და არ იქნება მართებული მე-20 საუკუნის ქართული ფილოსოფიური აზროვნების განვითარებაში მისი ღვაწლის გაუთვალისწინებლობა. ამას ადასტურებს კაპანელის ესთეტიკის, ლიტერატურის ისტორიის და სხვა სფეროთა კვლევის შედეგებიც, რომლებიც სპეციალურ განხილვას მოითხოვენ.

კაპანელის ნააზრევი მისი სულის ენებათაღელვის შედეგია, კაპანელის სული კი ორგანული ნაწილია ქართული სულიერობის. ქართულ ხასიათში და მის სულიერ კოლიზიებში კაპანელი პოულობდა ნიცშეანურ მოტივებს. ეს მოტივები და შესაბამისი განაზრგბანი საუკუნის დასაწყისის ქართველ მოაზროვნეებში საქმოდ ღრმად იყო გამჯდარი და მას ვერ ავხსნიოთ მხოლოდ ნიცშეს ფილოსოფიის გავლენით. ნიცშესადმი დამოკიდებულება იმიტომ გაჩნდა ქართველ მოაზროვნეებში, რომ ქართულ სულს ჰქონდა შესაბამისი საწყისები. ამიტომ საესებით მართებულად უდერს ფილოსოფოსის, ანთროპოლოგის და ფსიქოლოგის გრიგოლ რობაქიძის სიტყვები, რომლითაც მან 1917 წელს მიმართა ქართველ მწერლებს და რომელიც მთლიანად და სავსებით ეხება კაპანელსაც: „ჩვენმა სულმა იცის წამება, — მაგრამ ჩვენს მხრებს არ

მოსხმიათ შელანქოლის მოსახლამი, ჩვენმა გულმა იცხ ცეცხლი. --
მაგრამ ჩენი ფიქრები თერფლით არ დამტვერულან. წამება ჩენი დი-
ონისოს ვნებაა და ცეცხლი ჩენი სიცოცხლის გენია...

და ნიცუმეს ზარატუსტრას სწორედ ჩენში შეუძლია დაბადოს
ლეთიური სიხალისით...

წამება და ცეცხლი: ამ ორ სიტყვაში მოცემულია მთელი ჩენი
სიცოცხლე“.

ე. კოლუა

შ ე ს ა ვ ა ლ ი

რაციონალიზმი — ისტორიული მსოფლმხედველობის გნოსეოლოგიური ეპოპეა — ფსიქოლოგიურად დაიშალა; ბერგსონი არსებობის ტრანსგედიას ხედავს ინტელექტუალიზმში; ნიცშე ნებისყოფის წვასა და ორგანულ-ქიმიურ აორთქლებაში ახრჩობს ისტორიულ-მეშჩანურ ცნებებს; გიულიო აცხადებს, რომ კაცობრიობის მორალს წუთისოფლად არ ესაქიროება სანქცია — *La morale sans obligation ni sanction*.

იდილიური მსოფლმხედველობისა და სულიერი მყუდროების ტაძარი ირღვევა სოციალურ-ისტორიულ რყევასთან ერთად და ცივილიზაციის ქარიშხლიან გაქანებაში ისმის ახალი ხმები, იშლება ილუზიებისა და მარადიული სოფიზმების ახალი მარაოები.

ჩვენც ფსიქოლოგიურად მსოფლიო იდეოლოგიის მეტამორფოზას ვეთანაბრებით და ჩვენი შემოქმედებითი გამჭირაზობის ფარგლებში ერთგვარ ფილოსოფიურ-ესთეტიკურ სისტემას ვიძლევიტ.

ბიოფსიქიზმი და კოსმიზმი სრული გამოსახულებაა ჩვენი ფილოსოფიური მსოფლმხედველობის: „სულისა“ და „მატერიის“ დამოკიდებულება ისე, როგორც ეს ფილოსოფიურ სისტემებშია გამოხატული, ჩვენთვის ერთგვარი პარალოგიზმია და მთელი ეს წიგნი ამ ისტორიულ-მეშჩანური პარალოგიზმის უარყოფაა.

სული როგორც მატერიის მუხეადობის დინამიკური აორთქლება, მატერია როგორც სტატიკური სახე კოსმოსური სულიერობის დინამიკური დენისა, მორალი როგორც ისტორიულ-პლანეტარული განზოგადება ორგანულ-ტერიტორიული ჩვეულების, ტრაპიზმი და სამყარო როგორც ესთეტიკური ფენომენი — აი ჩვენი მსოფლმხედველობის *points d'emergence*. წინამდებარე წიგნი სწორედ ამ თვალსაზრისით არის დაწერილი და ყოველი ჩვენი წერილი როგორც ფილოსოფიური, ისე ესთეტიკურ-კრიტიკული და ისტორიულ-ფსიქოლოგიური, როგორც აქ მოთავსებული, ისე სხვა ენებზე (*Страдание и творчес-*

თბო). ამ მსოფლმხედველობით არის დათანწყობილი. ჩვენთვის რაციონალიზმი ასროვნების ისტორიაში მიზეზია ინკვიზიციებისა, შვიათობისა და ტრაგედიის: ქრისტე, სოკრატე, ჯორდანო ბრუნო ამ გრანდიოზული და sub specie aeternitatis სოფისტური ტრაგედიის დიდი გმირები არიან. კანტის მორალი, მისი კატეგორიები და რეპრეზენტაციები ჰამლეტის ქარიშხლიანი სულის სისტემატიზაციაა.

ირაციონალობა ახასიათებს არსებობის ყოველ წუთს და მოძრაობას: ერთეულების სარბიელს საზღვრავს მრავლობის სტიქიური დანაწილება და ინდივიდუალობის ბედი ირაციონალურ ნებისყოფაზეა დამოკიდებული.

შემთხვევათა დაუსრულებელი დენა არის ის, რასაც ჩვენ ვეძახით წუთისოფელს, სამყაროს, ყოვლობას.

არსებობის ცვალებადობა და სტიქიურობის შეგრძნება ადამიანში იწვევს კოსმოსურ სევდას, რომელიც თავისებურად ახალისებს კაცობრიობის ინტელექტუალურ კულტურას, აღრმავებს განცდას და მთლიან პიროვნებას ისევ ეძახის:

Præter intelligere!

შეიგრძნობს რა ადამიანი თავისი ყოფის წარმავლობას, შეიქმნება უფრო გულკეთილი და ნაღდი: ორგანული წვა კოსმოსურად გაშლის ადამიანის სულსა და რაც უფრო ქალაქური, რაც უფრო აჩქოლებული და ათქრიალებული იქნება წუთისოფლური ყოფა, მით უფრო მძლავრი, ტკბილი და ორგანული გასდება ადამიანში წყურვილი მარადისობისა და მშვენიერებისა — კოსმიზმი.

ჩვენს ყოველდღიურ ყოფას რომ ჩამოვაშოროთ ისტორიულ-ტრადიციული მორალი და მისი კატეგორიები, კუთხურ ჩვეულებათა ნაოქები, ჩვენ რომ ყოველ საღამოს ვგრძნობდეთ, თუ როგორი აჩქარებით, სიზმარეულად, ქურდულად გაივლიან წლები, როგორ ველურად, შშაგად, ატორტმანებით ჩაიძირებით არარაობისა და რღვევის უფსკრულში, და მთელი ჩვენი ნერვული დელვიდან დაჩება მსოლოდ ერთი მუქადა მტვერი, რომელსაც გაანიავენს წუთისოფლის ქარიშხალი, ჩვენ გაცილებით უფრო ბედნიერი და გულკეთილი ვიქნებოდით, უფრო ხშირად აგვიჩუყდებოდა სიყვარულით გული ამ უთაებლო და მუდამ მოუწყობელ არსებობაში. მოვლენები და საგნები დროული, დრეკილი და ხრწნადი ფორმებია მარადიულად უცვლელი ცვალებადობის: სული ყოვლობის ნივთიერების შინაგანი რყევის დინამიკური აორთქლება: იდეები ორგანულ დელვათა თეოამპქრეტი ასნივოსნება და არსებობის

ყოველი წუთი შემთხვევათა გაურკვეველი და უსაზღვრო დენაა; ჩვენი წუთისოფლური ტანჯვა და ყოფა ბოლოს და ბოლოს მხოლოდ თქმა და ზღაპარია, — ისტორია ლეგენდაა; ერები და ქალაქები, ცივილიზაცია და კულტურა, ორგანული ფორმები, საუკუნეების ღრეკანი და კაცობრიობის განგაში მარადიული ლანდების კოშმარული დემონსტრაციაა, დაუსრულებელი და უთავბოლო კადრილია.

ჭია-ღუებიდან შეიქმნა მე ადამიანის; ჭია-ღუებიდან დაიშლება იგივე მე და უცვლელ ცვალებადობაში ვერასოდეს ველარ განმეორდება მთლიანი იგივეობით. მხოლოდ დაშლილი უჭრედები მარადიულ ხეტი-ალში ერთმანეთს ველარ შეიცნობენ და ჩვენი მე დაფლეთილი, ჩვენი სული დადრესილი უსახო ყოვლობაში დაიბნევა.

ძიება გნოსური, ძიება აბსოლუტური ჭეშმარიტებისა კაცობრიობის დონკიხოტობის კეთილშობილური სახეა და ცხადყოფს წუთისოფლად ჩვენს გულწრფელ გულუბრყვილობას, მაგრამ ყოველგვარი იდეა per se ორგანოტროპული, ჯგუფური და ტემპერამენტულია; სამყაროს ერთ კუთხეში რაც ჭეშმარიტებაა, მეორე კუთხეში ის სიყალბეა; ჰოტენტოტისათვის რაც წმინდა და ღვთაებრივია, ის ჩვენთვის საზიზღარი და სასაცილოა; რაც დღეს რომელიმე ერისათვის იდეალია, ის შეიძლება ხვალ სათრეველი და სალალბო გახდეს.

ჭეშმარიტება ორგანულ-ფსიქიკური ჩვეულების დროული, წარმავალი ტემპერამენტული ფორმაა და sub specie aeternitatis ყველაფერი ლეგენდა და სოფიზმია.

ცხოვრების აზრი მოხერხება და თქმაა.

სამყაროს დაუსრულებლობაში ლოგიკური თვალთახედვით ნაპო-
ლეონი იგივეა, რაც ტასმანიის ბელურა, კანტი იგივეა, რაც ცვილონის
კენგურუ.

სულისა და მატერიის ისტორიული განმარტება

საბერძნეთის ფილოსოფოსების წარმოდგენაში სული ორგვარია: პირველი გვარის სული არის იდეა, ლოგოსი; მას არა აქვს ნივთიერი არსებობა, ის არის უსხეულო, მოკლებული განფენილობას, ნასვრეტობას და სხვა მატერიულ თვისებებს. მეორე გვარის სული ჰაერის მსგავსი ორგანული ნივთიერებაა, რომელიც მიმოფანტულია ჰაერში, სივრცეში, — აქედან შედის ადამიანის სისხლში, ნერვულ სისტემაში და აცხოველებს მთელს ორგანიზმს. პნევმა — მეორე გვარის სული არის ფსიქეს, პირველი გვარის სულის, სადგური. ფსიქე არის სამნაირი: ნერვოვებითი, მგრძნობელობითი, რომელიც დგას უფრო მაღლა, ვიდრე ნერვოვებითი, მესამე, ყველაზე უფრო მაღალი და კეთილმოზილი სული იყო მეტყველებითი სული.

პნევმაც სამგვარი იყო: პირველი ნივთიერების პნევმა: მეორე — ცხოველობის პნევმა; მესამე შეადგენდა ზოგადი ხასიათის პნევმას. პირველი გვარის პნევმის ადგილი იყო ღვიძლი, მისეული ქსოვილებით. მეორე გვარის პნევმის ადგილი იყო — გული; მესამენაირი პნევმისა კი — ტვინი ნერვებითურთ.

ფილოსოფოსი არისტოტელე, თავისებურად სარგებლობდა ამ კლასიფიკაციით: იგი ფიჭობდა, რომ ცხოვრების მასულდგმულბეული ძალა სხვადასხვა პირობებში სხვადასხვა სახისა იყო: არისტოტელეს აზრით, სამყაროში არის სულიერობის სხვადასხვა მდგომარეობა, რადგან სულიერობა შემოქმედებითი მუხვადობაა, სრულყოფისკენ გამართი მიმდინარეობაა. სულიერობის აღმათხევით მიმდინარეობას არისტოტელე უწოდებს ენტელექიას; მცენარეული სული, ცხოველობაში — ცხოველური, ადამიანში კი უმაღლესი წერტილი ენტელექიის, ყველაზე უფრო სრულყოფილი სახე უნივერსალური სულიერობისა.

ყველგან და ყველაფერში არის ტრფიალება ენტელექიისა: მიწერალი. მცენარე: პირუტყვი, ადამიანი შემოქმედებითი წერტილებაა. სადაც ისვენებს ენტელექია, რომლებშიც ცხადყოფილია სრულყოფის სახეები და სახიერებანი.

ჰუმანისტები იმეორებდნენ არისტოტელეს სიტყვებს და ამტკიცებდნენ: სული ყველაფერშიაო.

ჰუმანისტებისა და ანტიკური ფილოსოფოსების მსოფლმხედველობაში სული არსებობდა როგორც ერთგვარი თვითმყოფი რაობა (სუბსტანცია); სული იყო ძალა, ენერგია, *idee force*, --- სული იყო ის, რაც ამოძრავებდა ნივთიერებას. თვით ნივთიერება (მატერია) იყო ერთგვარა მასა, რომელსაც არ შეეძლო თავისთავად მოძრაობა, რომლის არსებობა დამოკიდებული იყო სულის არსებობაზე; სული, როგორც ამბობს პლატონი, ერთგვარი დემიურგია შემოქმედი ცხოვრების სახეებისა და ფორმებისა. მატერია იყო „დაუსრულებადი“ და „გამოურკვეველი“, „ტლანქი“, „ბნელი“, „ძნელი გვარი“, რომელიც ქმნის „მესამე დასაწყისს წუთისოფლისას“, რომელიც აზროვნებისთვის წარმოადგენს არარაობას, რომელსაც არა აქვს სახე, რომელიც „ყოველი მრმღებია“, რომელიც არ არის არც მიწა, არც წყალი, არც ჰაერი; არც ორთქლი, არც ცეცხლი. მატერია არის დემონური ვრცეულობა, რომელშიც იქმნება და რომელიც თვითონ ვერ ქმნის. მატერია საჭიროა, როგორც შესაძლებლობის განუსაზღვრელი რეალობა — რეალობა ბრმა, მოვლენა ყალბი, რომელიც გვეჩვენება დიდად. მაგრამ თავისთავად პატარაა, რომლის არსებობა არის ეფემერობა, არარაობა, რომლის სახე მუდამ გარბის და მუდამ ტყუის: ასე ახასიათებს პლატონი მატერიას თავის „ტიმეა-ში“. ნეოპლატონისტმა პლოტინმა თავის მეორე „ენეადი“-ს მეოთხე წიგნში და მესამე „ენეადების“ მეექვსე წიგნში მოგვცა თითქმის უფრო მკაცრი, უფრო უღმობწელი დახასიათება მატერიისა. მატერია არ არის რთული, იგი მარტივია და „ერთეული ტლანქად მამდინარე“, მას სხეული და რაოდენობა არა აქვს; მას არა აქვს ფორმა და ზომა: იგი მხოლოდ „ზომის ვრცეულობას იძლევა“, უცხო ძალა ქმნის სახეს, ფორმას და რაოდენობას მატერიაში; მატერია არის მხოლოდ „ილუზია განფენილობისა“.

არისტოტელეს აზრით, თუმცა მატერიას არა აქვს არაერთარი დადებითი თვისება, მაგრამ აქვს „ნიჭიერება“ ყოფნისა და არყოფნის. მატერია მეტაფიზიკური ორმაგობაა და უარყოფს აზროვნების ლოგიკურობას.

სულ სხვანაირად უყურებენ მატერიას თვით მატერიალისტები.

მატერიალიზმის წარმომადგენლები: დემოკრიტე. ეპიკურე. ლეკიპე. ლუკრეციუს კარა მატერიას ხსნიან როგორც ერთგვარ ყოველობას, ერთგვარ აბსოლუტურობას, მხოლოდ მატერია ნაწილდება, იმუხვება;

ნაწილები ერთმანეთს შორდებიან და ისევ ერთდებიან; მოძრაობა ნაწილებისა არის თვით ცხოვრება. ყოველი მატერიის ნაწილი ანუ ატომი მონაწილეობს მოძრაობაში.

არაფერი წუთისოფლად არ ეკარგება; ხრწნადი საგნების ატომები ერთმანეთს შორდებიან. მაგრამ არსებობას მაინც განაგრძობენ. არსებობენ თუ არა ატომები? ამის საყურადღებო პასუხს, საკმაოდ დასაბუთებულს, ჩვენ ვხედავთ ლუკრეციუს კარას პოემაში — „De rerum natura“. ატომი ისე პატარაა, რომ ადამიანი მას ვერ ხედავს: გარეგან გრძნობათა ორგანოების საშუალებით ადამიანს არ შეუძლია შეიციოს და შეიგნოს ატომის არსებობა და ოდენობა, მაგრამ, რომ ატომი არსებობს, ამას ჩვენ გვიმოწმებენ სხვადასხვა მაგალითები: ტანისამოსი, რომელიც გადაკიდებულია წყლის პირას, სველდება; როდესაც ტანისამოსი მზეზეა, ატომებს ეშინიათ და გარბიან. ამნაირად სიმშრალე და სისველე, ისე როგორც ყველაფერი, დამოკიდებულია მოძრაობაზე. ბეჭედი, რომელსაც ჩვენ რამდენიმე წელიწადს ვატარებთ, წვრილდება: მას შორდება ნაწილები, რომელთა დანახვა ჩვენ არ შეგვიძლია, მაგრამ რამდენიმე წლის შემდეგ კი ვხედავთ, რომ ნაწილი შემადგენლობისა ბეჭედს დაჰკარგვია და დღეს ის აღარ არის, რაც იყო. ლუკრეციუს კარა გველაპარაკება თავისი პოემის მეორე ნაწილში ატომთა მოძრაობასა და თვისებებზე: ატომები არიან განუწყვეტელ მოძრაობაში; ატომთა მოძრაობა არის შეუჩერებელი „დაღმართევა“ დაუსრულებელ უსაზღვროებაში, „დაღმართევით“ მოძრაობა: ანუ პირვანდელისკენ სწრაფვაა, პარალელურია და სწორი, მხოლოდ შემდეგ სხვადასხვა ატომთა და სხვადასხვა გარემომცველთა გამო, მოძრაობათა პარალელები იძლება და იწყება არეც-დარეცითი განგაში. რით აიხსნება, რომ ატომთა განგაშსა და მოძრაობას ჩვენ ვერ ვხედავთ და საგნებს, რომელთა შემადგენლობა (ატომები) მოძრაობაშია, აქვთ წყნარი სახეები? — ამის პასუხად ლუკრეციუს კარა იძლევა სურათს: წარმოვიდგინოთ, ამბობს იგი, შორს ჩვენგან თამაშობს ჭოგის... ცხვრები დახტიან სან იქით, ხან აქეთ, მაგრამ მათ თამაშსა და მოძრაობას ჩვენ ვერ ვხედავთ, რადგან შორს ვართ. ჩვენ ვხედავთ მხოლოდ მალლობს, რომელიც ჭოგის ფერად მოჩანს.

ატომები არიან სხვადასხვა ფორმის: ზოგი მრგვალია, ზოგი წვეტიანი, ზოგი წყალტუი. დასავლეთ ევროპის ფილოსოფიაში ატომიზმს საბატიო ადგილი უკავია: არა მარტო მატერიალისტებს, თვით დეკარტსაც სჯერადი ატომის არსებობა. დეკარტი ფიქრობდა, რომ ატომს აქვს

განფენილობა და ატომთა შორის ხედავდა მხოლოდ გარემცველობით განსხვავებას. დეკარტის სიტყვით, ატომი უსუაოა. მას არა აქვს არც წონა, არც მასა; წონას ატომი ღებულობს მხოლოდ მოძრაობაში, ნიუტონს არა მარტო ატომთა არსებობა სჯეროდა, არამედ ატომთა შორის ეძებდა მსოფლიო მიზიდულობის კანონის მიხეზს, ავოგადრო ატომებს ეძახის ელემენტარულ მოლეკულებს (molecules elementaires); იგი შეეცადა დაემტკიცებინა ატომების არსებობა *journal de Physique*-ში: *Essai d'une manière de déterminer les masses relatives des molecules elementaires des corps et des proportions selon lesquelles elles entrent dans les combinaisons.*

ინგლისელმა ფიზიკოსმა Prout-მა 1815 წ. და სამი წლის შემდეგ — 1818 წ. გერმანელმა მეცნიერმა Meinecke-მ წარმოადგინეს თავისებურად დასაბუთებული ჰიპოთეზა მატერიისა და ატომების თვითმყოფ რაობაზე. პროუტმა და მეინეკემ ერთგვარად გააღრმავეს თაღეს მიღეტელის კოსმოლოგია: აიღეს წყალბადი მატერიის თვითმყოფ რაობად, პირველყოფილი „ქაოსი“, მათი აზრით, სავსე იყო მხოლოდ წყალბადის ატომებით: წყალბადის ატომთა მილიარდები ინძრეოდნენ და ირყეოდნენ დაუსრულებლად; უთვალავ წელთა განმავლობაში გრძელდებოდა დამუხვა და განწვალება, რაც უფრო ცეცდებოდა წყალბადური მასა, მით უფრო იხეთქებოდა და ნაწილდებოდა.

ნაწილები უერთდებოდნენ ერთმანეთს არევიარევიით და უთავბოლოდ: თანდათან რთულდებოდა ქიმიური შემადგენლობა პირველყოფილი მატერიისა.

რთული ნივთიერება უერთდებოდა რთულს და ბუნებრივი რეაქტივებით იქმნებოდა მოძრავი, ორგანული ნივთიერება. ორგანულ ნივთიერებაში ეწყობოდა თავისთავად, ბუნებრივად ორგანიზაცია-ნერვული სისტემა, რომლის ნაწილები უთვალავ წელთა განმავლობაში ერთმანეთს შეჩვეულნი ქმნიდნენ ერთეულ, განუკვეთელ ხმაშეწყობილებას — იმ ხმაშეწყობილებას, რომელსაც მარადიულად შემოქმედებითი ხასიათი აქვს, რომელიც წარმოადგენს ყოვლობის პროტილეს, ენერგიას, ძალას, სულს.

ბოლო დროს ატომის შედგენილობაც შეისწავლეს: ამტკიცებენ, ატომი ელექტრული იონებიდან შედგება და არ არსებობს მატერია, რომელსაც არ ჰქონდეს ელვისებური ძალა.

სული და შემცნება როგორც ორგანული ჩვეულება

ყოვლობის ენერგია უნივერსალობის სულიერ მოვლენათა მრავლობაში გამოიხატება, სულიერი მოვლენები კი ჩნდებიან ორგანულ-ნერვულ სითხეში, რომელიც ბოლოსა და ბოლოს შედგება იმ მინერალუ-პისაგან, რომელნიც ბუყბუყებენ მინერალური წყლების აუზებში და, რომელთა აორთქლება ზრდის და ამაგრებს მცენარეულობას, მათით საზრდობს ძლიერი ნებისყოფა ცხოველების და ადამიანების.

საზოგადოდ ცხოველებისა და ადამიანების ნერვების გალიზიანება იწვევს ამ მინერალების არაჩვეულებრივად აჩქარებულ მოძრაობას. მოძრაობაში მატულობს ნერვული ენერგია. რაც უფრო ძლიერია გალიზიანება, მით უფრო დიდია ნერვული ენერგიის დენა, მით უფრო მდიდარია სული ადამიანისა ყოვლობის შეგრძნებებით და ემოციებით.

სული თავისი შეგრძნებით და ემოციებით, თავისი სხივოსანი იდეებით და შეცნაურებებით ორგანული მოძრაობის ქიმიური სახეცვლილების შედეგია: ქიმიური ელემენტების შემოქმედებითი ატალდება იძლევა სულიერობას ისე, როგორც აჩქარებული მოძრაობა იძლევა სითბოსა და ცეცხლს.

მთელი გონება შემეცნების პროცესის მხოლოდ ჩვეულებით განყენებული სფეროა სულიერობის და ემორჩილება ორგანულ-ნერვული ელემენტების სახეცვლილებას ისე, როგორც კონკრეტული სახეები ფიზიოლოგიური და ბიოლოგიური ცხოვრებისა. ჩვენი საკმელების ქიმიურ ელემენტებს ისეთივე გავლენა აქვს ჩვენს შემეცნებაზე, როგორც ჩვენს კუნთებზე: იდეა ისე ისახება ბიოორგანულად როგორც შეგრძნება, იდეას ისე ესაქიროება თვისმჭვრეტი გასხივოსნებისათვის ჩვენი მუსკულების ქიმიური შემადგენლობა, როგორც ფიზიოლოგიურ გალიზიანებას: როდესაც ჩვენ ჩქარა მივდივართ ან ავდივართ მთაზე, თუნდაც ნელ-ნელა, ვამჩნევთ, რომ რაც უფრო და უფრო გვეძიმება მუსკულები ფეხებისა და მკლავებს. მით უფრო და უფრო გვეძიმება განყენებულად აწროვნება და ფიქრი ტრანსცენდენტალობის სფეროში. ელემენტარული სახეები შემეცნებისა ამ დროს ჩვენ გვაქვს, გვაქვს წარმოდგენები, ფიზიოლოგიური შეგრძნებები, მაგრამ გვეძიმება ასოციაციებზე ფიქრი და მეტაფიზიკურად მსჯელობა. ორგანული ენერგია არაჩვეულებრივ მოძრაობაში ზედმეტ გვეხარჭება და სულიერობის სფეროში ვერ შედის ჩვენი ნერვების ქიმიური ელემენტების შემოქმედებითი ატალდება.

მთელი ჩვენი შემეცნების პროცესი ორგანული ჯიშისაა.

საკმლის მიღების შემდეგ თითქმის მთელი საათის განმავლობაში ჩვენ მეტად გვეძნელება განყენებულად ფიქრი, მეტაფიზიკური თხზულების წაკითხვა და სხვა... ახალგაზრდობისა და ჯანმრთელობის დროს ვერ ვამჩნევთ ამ სახის ორგანულ მოქანცულობას, მაგრამ დაახლოებით ოცდაათი წლის შემდეგ თითქმის ყოველთვის სადილის შემდეგ ვგრძნობთ, რომ ჩვენი ორგანიზმი ვერ ასრულებს, ფიზიოლოგიურ მოვალეობასთან ერთად, მეორე მოვალეობას — ინტელექტუალური სახისას. თუ ჩვენ თავს ძალას დავატანთ ამ დროს და მაინც დავიწყებთ გონებით მუშაობას, მაშინვე გვეპარება ძილი, ვგრძნობთ თავის ტკივილსა და ნერვების მოღუწებას. მაშასადამე, იდეის განსახეობა თხოულობს ორგანულისა და თერმული ენერჯის დახარჯვას, ნერვების წვას და ღრესას. შემეცნების ფსიქიკური condicio იქმნება იმ მასალებიდან, რა მასალებიდანაც შედგება ორგანულად ჩვენი ნერვული სისტემა. იდეა არ არის ზებუნებრივი და ზემატერიული მოვლენა, იგი ნერვული ნივთიერების წვის გასხივოსნებაა, ბიოორგანულად იდეა ჩვენში ისე მზადდება, ისე იქმნება, როგორც ელვა ჰაერში, როგორც ცეცხლის ალი კაქსა და ფოლადს შორის, როგორც მინერალური ელემენტების სხივოსანი ბუყბუყი მინერალურ ზოლებში.

სპეციალური ორგანოები: მხედველობის, გემოვნების, ყნოსვის, სმენის, შეხების ვერ ასრულებენ თავიანთ მოვალეობებს, ვერ შემოაქვთ და ვერ გააქვთ ცხოვრების სახეები, თუ ორგანიზმი ვერ ჰქამს და ვერ სვამს წესიერად; მოხუცებულობის დროს სული ვერ იჩენს იმდენ აქტივობას; რამდენსაც ჩვენ ვხედავთ ახალგაზრდობის დროს; შეგრძნებები, იდეები, იდეალები, აფექტები — მთელი სულიერი აქტივობა მოღუწებულია. ისე, როგორც მოღუწებულია თვით ორგანიზმი, რომელშიც ხდება შემეცნება.

მოძრაობაში ისახება თვით შეგნება. შემეცნება იმდენად შინაარსიანია, რამდენადაც დიდია და ძლიერი ორგანული გაღიზიანება. შემეცნება ათლექტურ ტანსალობაში კი არ ღრმავდება, არამედ ამ ტანსალობის გაღიზიანების დაშლაში.

ონანისტები, მორფისტები და ეროტულად აგზნებული ადამიანები სულიერად მდიდრები არიან, მათ ეადვილებათ მგოსნობა, ორატორობა, მეტაფიზიკურად აზროვნება მანამდე, სანამ ორგანულ გაღიზიანებებს აქვთ აქტიური ხასიათი, სანამ ნერვული სისტემა იტანს შემოქმე-

დებ.თა ტალღების მატერიალურ წვასა და მინერალების აორთქლებას. მთელი სულიერობა იმ სახით, რა სახითაც ჩვენ მას ვხედავთ შემოქმედებითი ევოლუციის დღევანდელ პირობებში, ორგანული ჩვევისა და შევრძნების შედეგია. ფილოსოფიური ფსიქოლოგია ამტკიცებს ამას მავალითებით, რომელთა შორის საცხებით ირკვევა მატერიის გავლენა სულზე და სულის გავლენა მატერიაზე, ირკვევა ის, თუ როგორ ინახება სტატიკურად, ფიზიოლოგიურ-მატერიალურ სფეროში ორგანულ-განცდისა და ნერვული მდელვარების ყოველი სახე, თუ როგორ იქმნება თანდათანობით სულიერობის სფეროში განსახეობა თვითმპყვრეტო მატერიისა.

პროფ. პავლოვს უნდოდა თურმე კუჭის საჭმლის მომნელებელი სითხის გამოკვლევა, ამისათვის რუსი მეცნიერი უჭრიდა მუცელს ძაღლს იმნაირად, რომ გარედან შესაძლებელი ყოფილიყო დაწავა კუჭს საჭმლის მომნელებელი სითხის დენისა.

კუჭის გაღიზიანება გარედან რომელიმე ნივთიერებით ამ ხეცნობა იწვევდა კუჭში საჭმლის მომნელებელ სითხეს. ამ ფიზიოლოგიურ-აქტიდან პავლოვი გადავიდა ფსიქიკურზე: იგი მხოლოდ აჩვენებდა საჭმელს ძაღლს, ფიზიოლოგიური ქიმიიდან, როგორც ვიცით, ყოველ საჭმელს ესაჭიროება კუჭში განსაკუთრებული შემადგენლობის სითხე — ცხიმი, ცილა, სახამებელი, სიმკვავენი და სხვა ნივთიერებანი. პავლოვის ცდებში აღმოჩნდა, რომ იმ დროს, როდესაც ძაღლს საჭმელს აჩვენებენ, ძაღლის შემეცნება ტვინიდან განკარგულებას იძლევა — კუჭმა ამა და ამ შემადგენლობის სითხე მოამზადოსო. შეცნაურება მხედველობითი აპარატიდან მიდის ტვინში, ტვინი იძლევა განკარგულებას შესაფერისი სითხის მოსამზადებლად. შემეცნების ორგანული სახე აქ საუცხოოდ მტკიცდება. ორგანიზმში შენახულა მეხსიერება იმისა, რომ ამ და ამ საჭმლის მომნელებელ სითხეში უნდა შედიოდეს ეს და ეს ნივთიერებანი, — და განკარგულებას ორგანული ჩვეულების შემეცნებისას კუჭი ასრულებს იდეალურად. მაშინვე ქმნის და იძლევა იმ სითხეს, რომელიც ნაჩვენები საჭმლისათვის აუცილებელია.

პელმოლოცი შემდეგნაირად იქცეოდა: იღებდა ფანქარს პერპენდიკულარულად და რამდენიმე წუთს უყურებდა. შემდეგ აიღებდა სამკუთხიან პრიზმას და იყურებოდა ფანქრისაკენ ამ პრიზმიდან. როგორც ვიცით, ასეთ პრიზმას თვისება აქვს, გვიჩვენოს საგანი არა იქ, სადაც არის, არამედ სხვაგან, რადგან სინათლის სხივებს განზე ისვრის. რამდენიმე წუთის შემდეგ ეს მეცნიერი პრიზმას გადადებდა და თვალებ-

დახუჭული მარჯვენა ხელით ეძებდა ფანქარს. თურმე ხელი ეძებდა ფანქარს არა იქ, სადაც პრიზმიდან მას ეჩვენებოდა. არამედ იქ, სადაც მანამდე ფანქარი იყო, მხოლოდ რამდენიმე ცდის შემდეგ ხელი ეძებდა ფანქარს, იქ, სადაც პრიზმიდან თვალი იყურებოდა ცდების დროს.

მაგრამ მეცნიერი ისევ უბრუნდებოდა პირვანდელ მდგომარეობას. ჯერ უყურებდა ფანქარს უპრიზმიოდ რამდენიმე წუთს, შემდეგ ხუჭავდა თვალებს და ხელით ეძებდა ფანქარს — ხელი ეძებდა ფანქარს სწორედ იქ, სადაც უნდა ყოფილიყო პრიზმიდან რომ ეყურებინათ. შემეცნების პროცესი ორგანოტროპულია, ასოციაცია მხოლოდ ჩვეულებათა შეგრძნებაში იქმნება თანდათანობით.

მეო, — ამბობს ვუნდტი, — შევაჩვიე ჩემი ძალი სიტყვა „ჰოპის“ წარმოთქმის დროს ჯოხზე გადახტუნვასო. როდესაც, ერთხელ. ბრძანება მივეცი „ჰოპით“, მაგრამ უჯოხოდ, ძალმა გაკვირვებული შემომხედა. მხოლოდ როდესაც ბრძანება განმეორებული იყო, ძალმა დაიწყო ყეფა და წუხილი. ბოლოს, როდესაც რამდენიმეჯერ მოვითხოვე და განვიმეორე „ჰოპ“, ძალმა ძალა დაატანა თავის თავს და იხტუნა ჰაერში, თან ხმამალა წამოიყეფა, თითქოს უკმაყოფილო იყო ჩემი მეტად არაჩვეულებრივი და უსაფუძვლო ბრძანებით. რამდენიმე დღის შემდეგ ძალი სრულებით შეეჩვია ჩემს მოთხოვნილებებს და სიტყვა „ჰოპზე“, უჯოხოდ თავისუფლად ხტუნავდა ჰაერში. ასოციაცია ჯოხის სახისა და ბგერა „ჰოპ“ ძალმა შეითვისა როგორც ორგანული პროცესი და როდესაც ძალს უჯოხოდ მოსთხოვეს ხტუნვა, ძალი გაკვირვებას გამოთქვამდა ორგანული ლეღვით:

თითქოს ორგანულად იშლებოდა ძალის „პიროვნება“, ძალის მსოფლმხედველობა, როდესაც ბრძანება არ შეეფერებოდა შეგრძნობილ სინამდვილეს: ძალი წუხდა, ყეფას იწყებდა. მთელი ჩვენი შემეცნების პროცესი თავისი ასოციაციებით და მორალით ბოლოს და ბოლოს წმინდა ფილოსოფიური თვალსაზრისით მხოლოდ ერთგვარი რთული სახეა იმ მეტად კონკრეტული მაგალითის. რომელიც ისახება ჯოხს, ძალს და „ჰოპს“ შორის.

შევეჩვიეთ ცხოვრების ონტოლოგიური სახეცვლილების თანდათანობას და როდესაც ცხოვრება დროგამოშვებით არღვევს მიმდინარეობის წესრიგს ან ისტორიულად, ან ბიოლოგიურად, ჩვენი სულიერა პიეტიზმი ირღვევა: „ტრაგედიას“ ვეძახით ამ მომენტს და მეტად მწვავედ ვგრძნობთ ცხოვრების ასეთ „უკუღმართობას“: მიწისძვრა, პლანეტების არე-დარევიტ მოძრაობა, სხვადასხვა დროს ხალხთა გადასახ-

ლება და ისტორიულ-სოციალური რევოლუციები — თქმა არ უნდა, ბოლოს და ბოლოს ყველაფერი, ეს ისეთივე მეტაფიზიკური სულმოკლეობაა, ისეთივე, „ტრაგედია“, როგორც იმ ძაღლის სულიერი განცდა და ორგანული მღვდვარება, რომელმაც „ჰოპის“ დროს ჯოხი ვერ დაინახა და ფიქრობდა: ვის გაუგონია „ჰოპი“ უჯოხოდო; ასოციაციები ორგანულ-ბიოლოგიური შემოქმედებაა.

ნერვული სისტემა შემოქმედი აპარატი და სხვადასხვა ნაწილები ამ სისტემისა ასრულებენ მხოლოდ იმ დანიშნულებებს, რომლებიც მათ ევალებათ. გარეგან გრძნობათა ორგანოები არიან თავისებური ფანჯრები, რომლებითაც ნერვული სისტემა უკავშირდება მსოფლიოს ყოფას, წუთისოფელს. მხედველობის, შეხების, ყნოსვის, გემოვნებისა და სმენის ორგანოები, როგორც მოხელეები, ემსახურებიან ნერვულ სისტემას: მიაქვთ ცენტრებში მიმღეობის სახეები, შეგრძნებები და მოაქვთ ცენტრებიდან პერიფერიებში გადასაცემად ამბები და განკარგულებები. ორგანიზმი მთელი სახელმწიფოა, რომლის არსებობა დამოკიდებულია იმაზე, თუ რამდენად კარგად ასრულებენ თავიანთ მოვალეობას მოხელეები; თუ რომელიმე ფუნქცია არ სრულდება როგორც საჭიროა, სახელმწიფო ინგრევა, ირყევა, ავადმყოფდება; ბოლოს ავადმყოფობა იპყრობს მთელს სახელმწიფოს და სახელმწიფო იშლება. მოვლენისა და საგნის რაობა არის ჩვენი ორგანულ ჩვეულებათა რაობა, ჩვენი ნერვული მიმღეობის ფენომენური რაობა. მართალია სოფისტი: ადამიანი არის საზომი წუთისოფლის; მატერიისა და მოძრაობის რაობა მხოლოდ და მხოლოდ ფენომენურია, მაგრამ რაკი შემეცნების პროცესში საქმე გვაქვს არა საგნის რაობასთან, არამედ საგნის მიმღეობის რაობასთან, შეგვიძლია ვთქვათ, რომ საგანი არ არსებობს ჩვენ გარეშე, უჩვენოდ მიმღეობა არის განცდა და არა ჰერეტა, განცდა არის წვა და წვის პროცესში იქმნება მიმღეობის რეალობა. საგანი ორმაგ ყოფაშია: ამაში კანტი მართალია, მაგრამ მიმღეობის პროცესში საგანი არის მხოლოდ ფენომენი განცდისა და ფენომენის რეალობა არის განცდის რეალობა; ჰერეტა არის ნერვული დრესის სხივისებური ენერგია. ყოველგვარი შემეცნება ორგანული შემოქმედებაა და არ არსებობს არავითარი განსაკუთრებული აპარატი შემეცნებისა. ტვინი ასრულებს ტელეფონის როლს, მას ევალება მხოლოდ იმის გადაცემა, რაც უკვე მზად არის, ტვინის ხვეულები იგოვეა, რაც ტელეფონის მავთულები, რომელთაც აქვთ დამოკიდებულება ძარღვებისა და უჯრედების ნასვრეტებთან.

მოვლენებისა და საგნების სახეები წუთისოფლად ყველგან იქმნება საერთო ცხოვრების პირობების მიხედვით — გეოგრაფიულსა და გეოლოგიური შესაძლებლობის ფარგლებში: შემოქმედებითი ევოლუცია აყალიბებდა არსებობის ფორმებს იმ მასალებით, რომლებიც ადგილობრივად მოიპოვებოდნენ და იყვნენ შეგუებულნი ქიმიოტროპულად ტერიტორიულ მდგომარეობასთან.

ორგანული და არაორგანული ბუნება, მცენარეულობა, პირუტყვი, ადამიანი, ქვეყნები და პლანეტები — ყველაფერი თავისებური სახეა შემოქმედებითი ენტელექტის შესაძლებლობისა, ყველაფერს აზის ბეჭედი პირობების, შესაძლებლობისა და ტერიტორიისა. საკვირველია გარეგან გრძნობათა ორგანოების მოკვეთილობა: იქ, სადაც ჰაერი იყო მსუბუქი და ბევრის შესუნთქვა იყო საჭირო, ადამიანს შეექმნა დიდი ცხვირი და გაშლილი პირი. იქ, სადაც ჰაერი იყო მძიმე და ცოტას შესუნთქვა იყო საჭირო, ცხვირიც შედარებით პატარაა და პირიც. არსებობის ზოგადი, კოსმოსური პირობები ერთნაირი კალაპოტია ყოველი ორგანიზმისათვის, — როგორც მცენარისათვის, ისე ცხოველისათვის. ორგანული ატენილობის ფორმა ყველგან ტროპულია და ყოველი ტროპიზმი ტერიტორიულია. სიცოცხლის ფენომენის სახეცვლილება უაღრესად ემორჩილება ევოლუციას და არის ყოველთვის შედეგი გარშემო წრის ფიზიკური თვისებებისა — იქნება ეს დარვინის არსებობისათვის ბრძოლის კანონზე აშენებული თუ შემთხვევათა დაზგაზე აკვეთილი, სულ ერთია. ყოველი არსის სასიცოცხლო ფუნქციები მოძრაობენ თერმოტროპულად და ქიმიოტროპულად: ნილოსის ნიანგს არ შეუძლია ცხოვრება ჩრდილოეთის ოკეანეში და ჩრდილოეთის ეგრეთ წოდებულ თეთრ დათვს არ შეუძლია ცხოვრება აფრიკის უდაბნოში. შეგუებას და შეჩვევასა აქვს თავისი ენერჯია, რომელიც საზრდობს ორგანიზმსა და გარემოს შორის ქიმიურ-თერმული დამოკიდებულებით; საუკუნეთა განმავლობაში ეს დამოკიდებულება ხდება ორგანული — კანის ნასვრეტებით და ძარღვებით შემოდის ორგანიზმში ქიმიური ნივთიერება, ორგანიზმი იცლება არასაჭირო ელემენტებიდან და ამნაირად იქმნება ინდივიდუალური სახე ტერიტორიული ტროპიზმით, ორგანული შეგარძნებით.

არსი ნელ-ნელა ითვისებს ორგანულად ქიმიურ-თერმულ შემადგენლობას ცხოვრებისას და ხდება ცხოვრების შემოქმედებითი ინდი-

ვიდუალიზაცია: სითბო, სინათლე, ელექტრონი, ჰაერის მოძრაობა — ყველანი ერთად და სათითაოდ ქმნიან ნერვული აშლილობის თავისებურებას; ბევრი სხვა ნივთიერება, ფუსფუსი და მოძრაობაც მონაწილეობს ამ თავისებურების შექმნაში და ბოლოს და ბოლოს ყოველი ორგანული ქსნილება, მცენარე იქნება ის თუ ცხოველი. რავინდ მარტივი იყოს მისი სხეული, არის მეტად რთული ბიოლოგიური ინდივიდუალიზაცია ცხოვრების ელემენტების და ყოველ მის მოძრაობაში იკუმშება არაერთი მილიონი წარსულის სახეებისა და ფორმების არაერთი წვა, არაერთი ცანცახი პირველყოფილ ძალთა.

ნერვული სისტემა არის ერთნაირი აპარატი ორგანული აშლილობის სტიქიური მოძრაობის; ეს აპარატი შეიქმნა პირველყოფილ ნივთიერებათა განწვალებაში სტიქიურად: არავითარი მიზანშეწონილობა, გონივრულობა ამ შემოქმედებაში არ ყოფილა, გარდა შესაძლებლობისა. აპარატმა მიიღო მხოლოდ ის სახე, რომელიც შესაძლებელი იყო მიეღო მას განუსაზღვრელ ქიმიურ-თერმულ პირობებში იმ საპირობების მიხედვით, რომელიც თავისთავად იქმნებოდა უთავბოლო და სტიქიური ყოვლობის ორგანულ ტეხილობაში.

ძარღვები ცოცხალ ორგანიზმში იგივეა, რაც მდინარეები ბუნებაში; თუ ძარღვთა ქსოვილი მკიდროა და სისხლით მდიდარია, ორგანიზმი ძლიერია და შემოქმედება მისი დიდია, თუ ძარღვებში არ არის ბლომად დაგროვილი ბიოდინამიკური სითხე პირველყოფილ ნივთიერებათა, ორგანიზმი ისე ღარიბია იდეალებით და გრძნობებით, როგორც საპარა მცენარეებით და მწვანეულობით.

წუთისოფელი ნივთიერებათა წვაა და ამ ლეთაებრივი წვის შედეგია უნივერსალობის იდეოლოგიური განსხივისება.

გოეთეს სული „ფაუსტში“ ამბობს: ცხოვრების ტალღებში, მოქმედებათა ქარიშხალში მე ამოვდივარ, მე ჩავდივარო.

ყოვლობის ენტელექტია მთლად გამოიხატება ამ სიტყვებში: სულიერი მღელვარება ამოდის და ჩადის ბრძოლის ცეცხლით და ორთქლით ცხოვრების ნაპრალებსა და უფსკრულებში, ორგანული ცხოვრება იწვის, იმუხვება; სისხლის ბურთულები ბუყბუყებენ და დნებიან, ნერვული ქსოვილი განცდათა ტალღებში მძიმდება და ნერგოვნებითი ინსტიქტი იცრიცება, ამოდინ თვითმჭკვრეტი სხივები ორგანული უფსკრულიდან და ეფინებიან მთელს ინდივიდუალობას, იწყება გასხივისება, განათება, გამკვირვალება. ტყუილად კი არ არის, რომ ხელოვანებმა მოისურვეს წმინდანებისა და წინასწარმეტყველების სუ-

რათების თავების გარშემო შარავანდების გაკეთება. თითქოს ეს თავისებური სიმბოლოა ორგანულ-გასისოვონებისა და სპარტულიზაციისა.

ბიოლოგი და ბუნებისმეტყველი საბატიე ამბობს: ვინ იცის, როდესაც აკუი ფოლადს ეკარება და მათ შორის ცეცხლის ალი ჩნდება. შეიძლება ეს „არაორგანული“ ბუნების თავისებური მკრძნობელობის ენა იყოსო.

დიდი ფსიქოლოგები და პოეტები ამბობენ — ბუნებასაც აქვს თავისი ენა, თავისი წუხილი, თავისი სევდა, ოცნება, გრძნობა და იდეალებიო. იბსენი და ჩვენი ბრძენი გაუა-ფშაველა ელაპარაკებიან ბუნებას, კლდეებს და მდინარეებს. პერ გუნტი ლაღად გატარებული ცხოვრების შემდეგ უკვე ღრმად მოხუცებული ბრუნდება სახლში და როდესაც მოხუცი ცეცხლისაგან გადამწვარი ტყით შინისაკენ მიეშურება, მას მოესმის უცნაური ხმა, რომელიც წააგავს ბავშვის ქვითინს — ეს ბუნების ქვითინია, ეს ყოვლობის წვაა აცრემლებული. იგი გლოვობს დაღუპულ სიცოცხლეს პერ გუნტისას, ამტყუნებს ჭაღარა მგზავრს, რომ მან ამაოდ გაატარა თავისი ცხოვრება. ნისლები მიმოდიან მის ფეხთა ქვეშ და იღუმალად ებუტბუტებიან მას: „ჩვენ — აზრნი ვართ, რომელნიც შენ ბოლომდის ვერ განსჭვრიტე“, ჭარისაგან დაფორიანებული, გამხმარი ფოთლები ჩურჩულებენ: „ჩვენ სიმღერანი ვართ, რომელნიც შენვე არ იმღერე“. ნამის ცვარნი ხის ტოტებიდან ცვივიან და ჩუმაღ ქვითინებენ: „ჩვენ საქმენი ვართ, რომელნიც შენ ვერ შეასრულე“.

აზრები, სიმღერები, ცრემლები, საქმეები — ყველაფერი ბუნებაში არის. გაუა-ფშაველას გმირს — მინდიასაც კარგად ესმის ბუჩქებისა, ბორცვ-კორდების, ბალახების და მცენარეების წუხილი და სევდა, განსაკუთრებით მას შემდეგ, რაც მან ტანჯვით გარდაქმნა თავისი მე, შექამა გველის ხორცი — ცხოვრების სიმწარე და თავის ორგანულ-ნერვულ სიმპკვირვალეში შეიგრძნო მარადისობისადმი ღვთაებრივი სიყვარული. მართალია მეცნიერი საბატიე: სულიერობას აქვს ადგილი მინერალეებსა და მცენარეებში; ელექტრონი, მაგნიტი, რადიუმი ელემენტებია უნივერსალური სულიერობის, მთელი სამყარო ასულდგმულე-ბულია და ბუნება თავისი ენტელექციით და გრადაციებით მხოლოდ აფერადებული სულიერობაა: ტლანქი, ხორკლიანი და წყლუტი მატერია ქვის ნატეხი იქნება შარავნაზე თუ ფილოსოფოსის საფეთქელში მიმოქცევადი სისხლის ბურთულა, — სულ ერთია, — არ არის მოკლე-

ბული სულიერობას. ამბობენ: მთვარე მოქმედებს დედამიწაზეო. მაგალითად, იზიდავს ოკეანეების წყლებს და იწვევს მათ ამოწევას და უკუქცევასო. რა ხდება ამ დროს? როგორ მოქმედებს მთვარე ჩვენს პლანეტაზე? რა ძალა აქვს მთვარეს ისეთი, რომ სივრცის დაუსრულებლობაში გადადის ჩვენთვის წარმოსადგენ საზღვარს და იზიდავს ოკეანეთა წყლებს? ფიზიკა ამბობს: მოძრაობა წყალთა მასისა, რომელსაც ჩვენ ვეძახით ოკეანეებს ამოწევას და უკუქცევას, პერიოდულად ხდება და უდრის ცვლილებას იმ მდგომარეობისას, რომელშიც არის დროგამოშვებით მთვარე დედამიწის მიმართო.

ეს ლომონოსოვის სტილით გამოთქმული დებულება ფიზიკოსებისა, ჩვენი აზრით, არაფრით განსხვავდება იმ სადა რელიგიურ-მისტიკური წარმოდგენისაგან, რომელიც აქვს თუნდაც სამეგრელოს მივარდნილ კუთხეში რომელიმე სოფელს დედაკაცს, როდესაც მას მთვარის მობრუნების დროს ბავშვი ავად გაუხდება და იგი. სრულებით დარწმუნებულია იმაში, რომ ეს მთვარის ბრალია, ამბობს — ბავშვს მთვარეული დაეძარტათო.

როგორც სოფელმა დედაკაცმა არ იცის, როგორ მოქმედებს მთვარე მობრუნების დროს ბავშვის ნერვულ სისტემაზე და ხდის ბავშვს ავად, არც ფლამარიონმა იცის, როგორ იზიდავს მთვარე შორიდან უკიდვანო ოკეანეთა უთვალავ ტალღას...

ფაქტი ის არის, რომ იზიდავს და მოქმედებს ძალა მიმზიდველობისა და მოქმედებისა. ის ისე ცხადია, როგორც სქესთა შორის ჩვენს პლანეტაზე სიყვარული და ამიტომ ფიზიკოსების მძიმე სტილის მაგიერ ჩვენ შეგვეძლო უფრო პოეტურად გვეთქვა: შეყვარებული მთვარე დროგამოშვებით კოცნის ჩვენს ოკეანეებს და ტალღები, როგორც ჭულიეტები, იწევიან ხოლმე მალღა.

ყოვლობის უსაზღვროებაში გაშლილია სურვილი სიყვარულისა და პლანეტები წარმოდგენენ ისეთსავე მგრძნობიარე ორგანიზმებს, როგორც დედამიწაზე ცხოველები და ადამიანები.

სული ორგანიზმში არის მხოლოდ ნაწილი მსოფლიო სულიერობისა და მატერია თავისი ფორმით მხოლოდ ცხადყოფს სულის დროგამოშვებით სტატიკურ, შეკუმშულ, უძრავ მდგომარეობას. სული — ლოგოსი მატერიის მუხეადობაში სტიქიურად შექმნილი ორგანული მეხსიერებაა. ჩვენი ნერვები და კუნთები ბიოდინამიკური მავთულებია ამ მეხსიერებისა. ჩვენში მშვენიერად შენახულა მეხსიერება ნერგოვნებითი და ცხოველობითი ენტელექციისა როგორც ბიოლოგიური ფაქტი:

წარბის მუსკულის შეკვეცა ნიშნავს ყურადღებას; წამწამის მუსკულის აწევა ნიშნავს ჩაფიქრებას; ცხვირის ნესტოების მუსკულების გაწევა წყრომას გამოხატავს; პირის კუთხეების მუსკულების გაფართოება ზიზლის ნიშანია.

სულიერობის ორგანოტროპულობა მტკიცდება ამ ფაქტებით; სულისა და მატერიის დამოკიდებულება ფსიქოფიზიკურად ირკვევა, სული ორგანული განცდის ენერჯია და წარმოდგენელია, თუ არ იცის მან თავის მხრივ მატერია, მატერია და მისი ფორმები წარმოდგენელია, თუ არ არის სული.

სული მატერიის განწვალების დინამიკური აორთქლებაა; მატერია სულის სტატიკური განსხეულებაა.

მატერია როგორც სუბსტანცია შეუძლებელია, რადგან ყოველი სუბსტანციობა სულის შემოქმედებითი განსახეობაა; სული როგორც სუბსტანცია შეუძლებელია, რადგან სულის სუბსტანციობის წარმოდგენა მხოლოდ მაშინ შეიძლება ჰქონდეს ადამიანს, როდესაც უნივერსალური სულიერების მიმდინარეობა მიიღებს მატერიულ-სტატიკურ სახეს. სული უმატერიო ერთფეროვანი ნირვანაა, უსახო, გაურკვეველი ქაოსია, კოსმოსური მატერია უსულო ბაბილონელების ფანტასტიკურ თიამატს წააგავს: ენტელექიასა და შემოქმედებით მუხვადობას მას ვერ მივაწვრთ, რაც უნდა სპირიტუალური იყოს ჩვენი წარმოდგენა.

ევოლუცია და მატერიის მარადისობა

სამყარო, რომელშიც მიმდინარეობს ყოფა მინერალური, მცენარეული და ცხოველური, არის მატერიული განწვალების დაუსრულებლობა და ყოველი მოვლენა წუთისოფლად წარმოადგენს ერთგვარ სახეცკლილებით იგივეობას ამ დაუსრულებელი განწვალებისას: შეუჩერებელი და უთავბოლო რყევა საგანთა, რომელიც განუწყვეტლივ ხდება ჩვენ თვალწინ, მუდმივი წარმოშობა ორგანულისა და არაორგანული ფორმების, ხალვათობა ფერადებისა და ბუნების ძალთა ვნებათა დელვის არის მხოლოდ ირგვლივობითი მოძრაობა იმ ელემენტების, რომელთა რიცხვი და ხარისხი რჩება ყოველთვის ერთი და იგივე და რომელთა შეუწყვეტელი შემოქმედებითი გადაჯგუფება ქმნის მარადიული სხვადასხვაობის უსახლვრო ფერადობას. წუთისოფელი მხოლოდ „ელემენტების“ ნეტიალია და ეგვიპტელების რელიგია ბიოლოგიის

ერთგვარ შესავალს წარმოადგენს. ემბრიოლოგიური გამოკვლევანი გვიჩვენებს (ბერის კანონი), რომ ყოველი უმაღლესი ტიპის ცხოველის ჩანასახი განიცდის სახეცვლილებათა მთელ რიგს, სანამდე მოიღებდეს ბოლოს თავის საკუთარ გვარულ ფორმას. ამნარად ენტელექიის კიბე, რომლითაც პირველყოფილი მდგომარეობიდან ამოდის ცხოველთა სამეფო. არის ასლი იმ მდგომარეობისა, რომელსაც განიცდის ორგანიზმში ემბრიონი თავისი სახის დასრულებამდე: ადამიანის ჩანასახი თანდათანობით ზრდის დროს იღებს სახეს თევზისას, ფრინველისას, მამუნისას და ბოლოს — ადამიანისას. ეგვიპტელი ბრძენი საუკუნეთა უფსკრულში ინსტინქტურად გრძნობდა მცენარეულ და პირუტყვულ ყოვლობასთან ნათესაობას და თავის წარმოდგენაში ურიგდებოდა იმ ბედს, რომელიც მის სულიერ ყოფას მოელოდა...

წინათაც ჰქონდა ადამიანს ერთგვარი წარმოდგენა იმის შესახებ, რომ არსებობის დაუსრულებელ ჯაჭვში მისი ცხოვრება წარმოადგენდა მხოლოდ ერთ რგოლს, ერთ მარტყვალს და მთელი სიცოცხლე იყო მხოლოდ ელემენტების ტრიალი უთავბოლო და შეუჩერებელი.

რაც ყოფილა, — იქნებო, ამბობდა ისრაელი ბრძენი, დამწერი განცდით და ნერვული დელვით. მართლაც, ყველაფერი ყველაფერში შედის და ყველაფერიდან ყველაფერი ჩნდება და მეორდება: პურში, რომელსაც ჩვენ ვჭამთ; ჰაერში, რომლითაც ჩვენ ვსუნთქავთ, წყალში, რომელსაც ჩვენ ვსვამთ, ჩვენ ვიზიდავთ, ვიღებთ ნივთიერებათა ქიმიურ შემადგენლობას, რომელიც საუკუნეთა სიღრმეში შედიოდა ჩვენი წინაპრების სისხლსა და ხორცში. იქთიოზავრებისა და პირველყოფილი „პითეკანთროპუსების“ მარტლებით საზრდოობენ მცენარეები.

სურნელოვანი ყვავილი, რომელიც საამოდ აღიზიანებს ჩვენს ყნოსვით ნერვებს, სტიქიური დაგროვებაა მარადიული მუხვადობის კეთილშობილი ელემენტების და რაც დღეს ნაგავში ყარს, ის ხვალ თეთრ ზამბახად გაიშლება.

არაფერი, რასაც ჩვენ წუთისოფლად ვხედავთ, არ იყარვება.

უძირო სივრცე პლანეტური წვით გადაორთქლილი, ზღვა და მდინარეები, ცხოველთა და მცენარეთა დაუშრეტელი გზნება — ყველაფერი საერთო წყაროდან ჩნდება და ეს წყარო ყოვლობისა, მარადიულად მდინარე როგორც დიდი ოკეანე, არასოდეს არც იკლებს და არც მატულობს.

მცენარე. რომელიც დღეს თავმომწონედ ვაშლილა და იზიდავს ხარბად მზის სხივებთან სითბოსა და სინათლეს, ხვალ ბუხრიდან აქ

სითბოს და სინათლეს ბნელ ოთახს გადასცემს და ააჩქარებს მოძრაობას პოეტის ანუ ვაჟკრის სისხლისას.

შეყვარებულნი, რომელნიც ერთმანეთს ვნებიან სუნთქვაში ჰოცნიან და სიყვარულს ეფიცებიან, ასრულებენ მხოლოდ ბიოგენეტიკურ მოვალეობას: — ენერგია ყოვლობის უნდა გადასცენ ახალ ორგანიზმს, რომლის ჩასახვის დროს ისინი გრძნობენ კავშირს მარადისობასთან და თავიანთ სურვილთა აორთქლებაში უერთდებიან უნივერსალობას, — თითქოს უბრუნებენ მცენარეებს, მინერალებსა და პირუტყვებს, ბიოლოგიურად მიღებულ ელემენტებს. ორთქლმავლიდან წვის ენერგია შედის ვაგონების მოძრაობაში; თოფის წამლის ქიმიური დაშლა იძლევა სინათლესა და მექანიკურ ძალას: ვოლტის სვეტში თუთია და ქანგბადი ელექტრულ ჩქერში გადადის.

ფიზიოლოგიური გაღიზიანება იძლევა შეგრძნებას, შეგრძნება გადადის შთაბეჭდილებაში. შთაბეჭდილება ქმნის შეცნაურებას.

ბიოლოგიური ზღვა ღელავს: ტალღა ტალღას მისდევს და მოძრაობა იძლევა სახიერებას საგნებისა და მოვლენებისას. სახეცვლილებით იგივეობაში ყოვლობის ენერგია ღებულობს სტატიკურ-მატერიალურ სახეს და არც ერთი ატომი თავისი გრძნეული სხეულისა ბუნებას არ ეკარგება: გოთებისა და ვანდალების ძვლებით დანოყიერებული მინდვრებიდან იკვებება დღევანდელი ევროპა და პარიზელი ინტელიგენტის სისხლის ბურთულებში მოძრაობენ ბუნების წიაღში სახეცვლილი ატომები ატილასი, კარლოსებისა და მათი ცხენებისა.

ბუნების ძალთა თამაში დაუსრულებელია და ყველაფერი ახალი წუთისოფლად არის მხოლოდ სახეცვლილი ელემენტებიდან შემდგარი მარადიული იგივეობა.

მუხზადი და განწყვლადი მატერია მოგზაურობს და საგნები მხოლოდ დასვენებითი წერტილებია ამ უსაზღვრო მოგზაურობის: ზღვის ტალღების აქაფება, პლანეტების სივრცის უფსკრულში ტრიალი, პირუტყვთა და მცენარეთა ზმორება, ატომთა შორის მიზიდულობა, სქესების შემოქმედებითი დამძიმება და ერთმანეთისადმი ვნებიანი ლტოლვა. მინერალებს ბუყბუყი, სითბო, ელექტრონი, რადიუმი და მაგნიტი — ყველაფერი გვიმტკიცებს იმას, რომ მატერიას აქვს შემოქმედებითი ენერგია, აქვს ძალა, აქვს სული.

მთელი ჩვენი შემეცნება არის მხოლოდ ცენტრალისაცია ნერვულ სისტემის განცდითი სულიერების.

ჩვენი სხეულის ყოველ ნაწილს აქვს საკუთარი შემეცნება, საკუთა-

რი ინტელექტი და სულიერობა, რომელიც შედის ინდივიდუალურ მსოფლმხედველობაში, როგორც მდინარე ოკეანეში და რომელიც საჭიროების დროს მოქმედებს ავტონომიურად: საკმარისია თითო გვეტ-კიხოს და რამდენიმე დღე თითო თავისთავად. უჩვენოდ ერდება ყველაფრის მიკარებას; შეიძლება ეს ვინმემ მიაწეროს შეჩვევას, მაგრამ რა არის ჩვეულება, თუ არა განცდითი სახე შემეცნებისა და სულიერობის?

არის მხედარი, რომელსაც ცხენზე შეუძლია არა მარტო მარჯვედ ჯდომა, არამედ თავისუფალი ძილი და დასვენება იმიტომ, რომ მასში დაგროვილა მეხსიერება დიდი ხნის ორგანული განცდის და ჩვეულების, და ეს მეხსიერება მოქმედებს როგორც ბიოლოგიური ენერჯია ინტელექტუალური სახის.

ბავშვი რომ პირველად ანბანის წერას იწყებს, მთელი ტანი მუშაობს: კალმისტარი რომ თითებით უკავია და დასაწერად ემზადება მაგიდაზე თავდახრილი, მაშინ მისი ტანის ყველა კუნთიც მონაწილეობს წერის პროცესში და ხარჯავს ენერჯიას. ზოგიერთ ბავშვს პირიდან ენაც აქვს გამოწეული, როგორც ნიშანი ორგანული აღელვებისა და ნერვების დაჭიმვისა.

მაგრამ ორგანიზმი ინახავს ჩვეულების ენერჯიას და რამდენიმე წლის შემდეგ ბავშვს წერის დროს არ ესაჭიროება არც ნერვების დაჭიმვა, არც ენის გამოგრძელება, არც ორგანული აღელვება.

ინტელექტი არის მოხერხება, ეშმაკობა — die liste der Vernunft, რომელიც იქმნება სტიქიურად, მატერიის მუხვადობის პროცესში როგორც ბიოლოგიური ფაქტი.

სტატიკური და დინამიკური მხარეები შემეცნებისა და სულიერობის, რომელიც შეადგენს ბერკსონის ფილოსოფიის საგანს, არის იგივე კანტის დუალიზმი — ძველი ფენომენისა და ნოუმენის ფილოსოფია, იგი გვხვდება მხოლოდ ლოგიკური განზოგადებისა და სუბიექტივობის სფეროში.

ინტუიცია არის განცდის ეპიფენომენი და სული სულიერ მოვლენათა ცხადყოფა: წუთისოფლის მოვლენებსა და საგნებს ჩვენი ორგანულ-ნერვული ჩვეულება აძლევს ღირებულებას და სახიერებას.

არარა არის ჩვენს შემეცნებაში ისეთი რამ, რასაც შეიძლება ჰქონდეს უნივერსალური, კოსმოსური ხასიათი. ალპების იქით რაც ქვეშაირიტებაა, ის ალპების აქეთ სიცრუეაო, — ამბობდა პასკალი.

ჩვენი მსოფლმხედველობა კუთხური, ტერიტორიული და ტროპუ-

ლია; ჩვენი მორალი და პრინციპები, ჩვენი იდეები და ღმერთები, ჩვენი მოკვეთილობა და სტილი — ყველაფერი ჩვენი შეფარდებულია იმ მდგომარეობასთან, რომელშიც ჩვენ ვიმყოფებით, რომელსაც ჩვენ ვაძლევთ სახეს, ფერებს, ღირებულებას და რომელიც ჩვენზე მოქმედებს...

ამასთანავე, მატერიას, სხეულს აქვს გვარული, რასული კეთილშობილება: გოჭი, რომელიც აბრეშუმის საბანში აღზარდეს და სუფთა სალონში პარკეტებზე აგოგმანეს, რამდენიმე თვის შემდეგ ტალახსა და ნაგავს ეძებს. მემკვიდრეობითი ინსტინქტი ეძახის ტალახისკენ და ვერავითარი პედაგოგი ვერ გარდაქმნის მის ფიზიოლოგიურ ნერვულ მიდრეკილებას.

წიწილა კვერცხიდან ახალგამოჩეილი, გამწარებით ეძებს საკენკს ისე, როგორც დედამისი: მთელი ორგანული მეხსიერება მემკვიდრეობით გადმოსულა და ცხადდება როგორც ბიოლოგიური ფაქტი, რომელიც ამოძრავებს და ამოქმედებს სხეულს, მატერიას.

ყოველი სხეული, რაგინდ მარტივი იყოს ორგანულად, არის უნივერსალური ენტელექტის შესვენების წერტილი: პლანეტების სისტემითა და მოძრაობიდან დაწყებული გათავებული ცხოველებით და ადამიანებით ყველაფერი დაუსრულებელი და შეუჩერებელი შემოქმედებითი მდინარების სტატიკური სახეებია.

ყოველი საგანი თავისი მოძრაობით შეკავშირებულია ყოველობასთან; ყოველი მოვლენა თავის მსვლელობაში შებოჭილია საერთო ბიოლოგიური თხევის ძლიერებით, რომელიც მუდამ ქსოვს და შლის როგორც პენელოპეს დაზგა ოდისეუსის შოლოდინში...

უბრალო ხელის აწევა, ფეხის გადადგმა ჩვენი, ჩვეულებრივი სიანხლე და ნერვულობა ადამიანისა, ფიზიკური და ფსიქიკური თავისებურებანი ცხოველების — ყველაფერი წინასწარ განსაზღვრულია წარსულის ორგანული ევოლუციის შესაძლებლობით. ბუნებაში გვარებისა და ჯიშების არსებობა ბიოგენეტიკური დეტერმინაციის ცხადყოფაა: ქათმის კვერცხიდან მხოლოდ ქათამი იზადება, ძაღლის შვილი ძაღლი იქნება, ქერის თესლი ისევ ქერს იძლევა. რა სახის უნდა იყოს მდგომარეობა, გვარის ენერგია მაინც თავს იჩენს: არსებობს ორგანული მეხსიერება როგორც ბიოლოგიური ფაქტი და მხოლოდ ეს აძლევს ღირებულებას, ლოგიკას და აზრს ჩვენს ცხოვრებას.

გვარული და ინდივიდუალური ბრვეინობა არის ბიოლოგიურად დაკრძვლილი პოტენციის ერთეული სახეობა და სპეციალურა ფაქტორ-

რები ვერ იმოქმედებენ ამ პოტენციის გარეშე ისე, როგორც ექიმი ვერ მოარჩენს ავადმყოფს, რომელსაც აღარა აქვს სიცოცხლის ძალა.

მიქელანჯელოსა და ტოსკანელი კარბონაროს სისხლი შემოქმედებითმა ევოლუციამ (évolution créatrice) სხვადასხვა მასალებიდან დაამზადა, — და ცხადია. მათი სულიერი და ინდივიდუალური ღირებულებანი სხვადასხვაობენ წუთისოფლად.

ენტელექციის საფეხურები მატერიალური ყოვლობის შემოქმედებითი განწყობაა და განწყობების პროცესში თავისთავად იქმნება ღირებულება გვარული, რასული, ინდივიდუალური.

ყოველ ეპოქას ისტორიაში, ისე როგორც ყოველ ადამიანს, ყოველ ცხოველს; ყოველ მცენარეს ბუნებაში, აქვს თავისი სული და თავისი მატერია.

სული ისტორიაში ქმნის ხასიათს, მატერია — ტიპს. ხასიათი არის იდეა, აზრი — ლტოლვა; ტიპია — ფორმა, სხეული, სახე.



არსებობს თუ არა თავისთავად (per se) ის, რასაც ჩვენ ვეძახით მატერიას, სხეულს, ნივთიერებას? არის თუ არა ჩვენი შეგრძნებათა და შეცნაურებათა გარეშე სხვა სახის ყოფა, სხვა მდგომარეობათა და მოვლენათა ფორმები? სხეულებრივი, მატერიალ-ბიოლოგიური განწყობა ყოფის, რომელიც მიმდინარეობს უსაზღვროდ და შეუჩერებლად, ისეთია per se, როგორც ჩვენ, ადამიანები ჩვენს ცოდვილს პლანეტაზე ვხედავთ ჩვენი სუსტი თვალებით, თუ სხვანაირია, სხვა ფორმებისა და თვისებებისა?

აზროვნების ისტორიაში ასეთი ხასიათის საკითხები ძველია და მათი ჩამოყალიბება კანტის ტერმინებში (ნოუმენი და ფენომენი) ლოგიკური დასკვნაა XVIII საუკუნემდე დასრულებული მსოფლმხედველობისა. მატერიის ორმაგი არსებობა იგივე ფენომენალიზმია და როდესაც ვამტკიცებთ ამ ორმაგ არსებობას; ისე როგორც ყოველთვის, ვტრიალებთ სუბიექტივობისა და ფენომენალობის სფეროში: შემეცნება წარმოებს ტრადიციულ ცნებათა და ჩვეულებათა საშუალებით; შემეცნების პროცესი დამზადებული კატეგორიებიდან ერთგვარი განსოვადებითი გადასვლაა ინდივიდუალურ-ფსიქიკურ ასიმილაციაზე.

! ჩვენი ცნებები ნამდვილი საგნებიდან ვადაღებული სურათები კი

არ არის, არამედ ტრადიციულად მიღებული სიმბოლოები, ნიშნები, რომელთაც შევეჩვიეთ ჩვენი გრძნობათა ორგანოების საშუალებით და შესაძლებლობით.

ჩვენ ვლაპარაკობთ არა საგანსე, არა საგნის თვისებებზე. არამედ იმ სიმბოლოებზე, იმ ნიშნებზე, რომელთა გამოსახულებანი შეადგენენ ჩვენს აზროვნებას და რომლებიც არსებობენ იმდენად, რამდენადაც ჩვენ მათ ვამჩნევთ წუთისოფლად.

ჩვენ ვაძლევთ სახესა და სახიერებას მთელს ყოფას, მთელს სიცოცხლეს და მოძრაობას, მაგრამ, ამავე დროს, ვერაფერს იტყვის ქვეყნად. რომ ჩვენი გრძნობათა ორგანოები ჩვენი თვალები და ყურები, ჩვენი შეხებითი და ყნოსვითი აპარატები იდეალური სისწორით იღებენ საგანთა ფორმებს და ნაკეთებს.

ჩვენს პლანეტაზე რომ უტბად გაჩნდნენ სხვა ჯიშის „ადამიანები“, სხვანაირი გრძნობითი აპარატების მქონე „ხალხი“, ალბათ სულ სხვა სახესა და სხვა მოვლენებს დაინახავენ. პოლანდიელი მეცნიერი ზვედენბერგი, რომელმაც პირველად ჩაიხედა მიკროსკოპში XVII საუკუნის დამლევის, კინალამ შეიშალა ჭკუიდან. მან დაწვა თავისი ნაწერები და თქვა: ჩვენი აზროვნება შეუარაცყოფა ბუნების საიდუმლოებისო.

დაუსრულებლობისა და საიდუმლოების ოკეანეში ჩვენი ყოფა და კულტურა არის მხოლოდ პატარა, ეფემერული კუნძული. ის, რასაც ჩვენ ვეძახით მატერიას, ენერგიას, ძალას არის ერთგვარი ონტოლოგიური პროექცია იმისა, რასაც ვეძახით სულს, იდეას, აზრს და რაც თავისთავად (per se) წარმოადგენს მატერიის დინამიკური მუხვადობის აკვამლებას და სხივოსან აორთქლებას მარადობისაკენ.

ორგანული მისხიერება და კოსმიზმი

პირველად სიტყვა გაჩნდა, — ამბობდნენ თეოლოგები; გოეთემ შეასწორა: არა, სიტყვა კი არ ყოფილა პირველად, საქმე იყო. ჩვენ ვფიქრობთ, არც სიტყვა, არც საქმე — პირველად განცდა იყო.

შორეულ წარსულში ჩვენ არ გვექონდა ჩამოყალიბებული ორგანული სახეობა და მთელი ჩვენი ტანი ერთად ასრულებდა იმ ფუნქციებს, რომელთაც დღეს ასრულებენ ჩვენი გარეგანი და შინაგანი გრძნობათა ორგანოები, თვალები, ყურები, კანი, ლორწოიანი გარსები და სხვა... ჩვენი ორგანოების მოყვანილობა შედეგია იმ შეფარდებულობის, რო-

მელიც არსებობდა უთვალავ საუკუნეთა განმავლობაში ორგანული ევოლუციისა და კოსმოსურ-სტიქიურ მსვლელობას შორის. ჩვენი ნერვული სისტემა გალიზიანებათა მიმღები და გამანაწილებელი აპარატია: ეს საკვირველი აპარატო მით უფრო მარჯვედ, სახიერად რთულდებოდა და ვითარდებოდა, რაც უფრო სწეტ გალიზიანებას იღებდა ჩვენი ტანი: ყოველგვარი გალიზიანების კვალი რჩებოდა ჩვენს სხეულში და როდესაც გალიზიანება კვლავყოფდებოდა, ნერვული სისტემა მარჯვედ იღებდა მას, რაკი კვალი ძველი გალიზიანებისა ხელს უწყობდა მიღებას.

შეფარდებულობიდან შეიქმნა ჩვეულების ძალა და ყოველგვარი შემთხვევითი განმეორებული მოვლენა ჩვენს სხეულში უფრო მარჯვედ მოძრაობდა, ვიდრე პირვანდელი.

საერთოდ არა მარტო ჩვენში, არამედ მთელს ბუნებაში კვალი მოძრაობისა რჩება როგორც ბიოლოგიური ფაქტი ორგანული მეხსიერების და ვინ იცის, შეიძლება ეს იყოს მთავარი მიზეზი ბუნების სახეების ჩამოყალიბებისა და ჩვენი ამეტყველების. არა მარტო ცხოველს და ადამიანს, არამედ ყოველგვარ ნოვითერებას ბუნებაში აქვს თვისება საკუთარი, სპეციფიკური: კაეს რომ ფოლადი მიეკარება, ცეცხლი გაჩნდება, მაგრამ ყოველგვარი ქვა კაეს მაგივრობას ვერ გაწევს; მხოლოდ კაეს აქვს ამისთანა განსაკუთრებული თვისება. სპეციფიკურობა ჩვენს ორგანოებს მარტო კი არ ახასიათებს, არამედ „უასაკო“ ბუნებასაც და შესაძლებელია მომავალში ფსიქოლოგიამ გაარღვიოს ჩინეთის კედელი ორგანულსა და არაორგანულ ბუნებას შორის; თუ ყანგბადის დანაწილება შეიძლება უფრო მარტივ ელემენტებად, ალბათ შეგრძნობაც შეიძლება დანაწილდეს... თუ ელექტრონის შემადგენელი ელემენტები დავინახეთ, მაშინ სულს არსებობა, სულიერი მოვლენების მოძრაობა უფრო გასაგები იქნება ჩვენთვის.

სამყარო თანდათანობით გვიახლოვდება. რაც უფრო შორს მიდის ჩვენი გონება, მით უფრო ახლო ვგრძნობთ თავს ბუნებასთან, ყოვლობასთან; შემეცნების ისტორიას ახსოვს დრო, როდესაც ადამიანი ერიდებოდა ბუნებას, სხეულს, მატერიას ყოვლობისას; ცხოველებიც უსულო რამეები იყვნენ ადამიანის წარმოდგენაში; ძაღლს სული არა აქვსო, ამბობდა დეკარტი. მაგრამ დღეს შეიძლება სხვანაირი შეხედულება იქონიოს ადამიანმა: ბუნების მეტყველება, ცხოველებისა და მცენარეების მორფოლოგიური დეტალები გვიმტკიცებენ, რომ გრძნობა და აზრი არის მთელს ბუნებაში, ყოვლობის ყველა ტანში. მცენარეებიც ისე სუნთქავენ, როგორც ცხოველები და ადამიანები. და ამ სუნთქვის

დროს სარგებლობენ სისხლით. მცენარის სუნთქვა გაძლიერებულიც შეიძლება იყოს და მისუსტებულიც და ამის მიხედვით მცენარეებშიც იქმნება სითბო, სიცხე, ორთქლი, ვნერგია, სული. ცხოველთა სისხლის ფუნქციებსა და მცენარეთა სუნთქვ-ს პროცესს შორის არა მარტო მსგავსება არსებობს, არამედ სრული იგვეობა. მცენარეთა უჯრედების თეთრი წვენი, — ეს იმათი სისხლია: ამ სისხლის საშუალებით სუნთქვენ უჯრედები, იმის საშუალებითვე გაძლიერებული სუნთქვის დროს მცენარეს ეტყობა ტანის სიბზობს გადიდება. მართალია, მცენარეების სისხლი თეთრია და უფერული, როგორც უხერხემლო რბილტანა ცხოველებისა და მწერების სისხლი, მაგრამ დიდი გაღიზიანებისა და აჩქარებული სუნთქვის დროს ის იღებს მოწითალო ფერს და მაშინ კი ჩანს დიდი მსგავსება იმ პირობებთან, რასაც ცხოველთა სამეფოში ვხედავთ და რაც ანოციერებს, ასაზროებს ჩვენს ნებისყოფასა და სულიერობას, ჩვენს იდეალებსა და გრძნობებს.

მცენარის გაჭრილ ადგილზე რჩება წითელი ლაქები — ნიშანი ღრმა ტკივილებისა და მწვავე განცდისა. გადაჭრილი მცენარე ძლიერად სუნთქავს და ამის გამო თეთრი სისხლი ივსება უნაგზადით და ძლიერად გაღიზიანებული პიგმენტები წითლდება.

თითქოს ჩვენი მსოფლმხედველობა თანდათანობით უნავერსალურ სახეს ღებულობს. დღეს, დარწმუნებული ვართ, ცხოველების და ადამიანების ძირითადი ფიზიოლოგიური თვისებები მცენარეებსაც აქვთ; დღეს ვიცით, რომ განოციერება, გამრავლება, სუნთქვა, საკმლის მიღება, ქიმიური მუშაობა მცენარეებსაც შეუძლიათ; განსხვავება ცხოველებსა და მცენარეებს შორის დღევანდელი ბიოლოგიისა და მორფოლოგიის მიხედვით მხოლოდ განცდის პოტენციალობაშია. ადამიანებისა და ცხოველების ორგანული რყევა, ფიზიოლოგიური წვა უფრო ღრმად შედარებით მცენარეების ორგანულ-ფიზიოლოგიურ მოვლენებთან, ამასთანავე, ინსტინქტურ-ფსიქიკურ თვისებებს ჩვენი ბუნებისას მცენარეებშიც ვხედავთ და სული ჩვენს წარმოდგენაში ბიოკოსმოსურად იშლება. შესაძლებელია, რომ ეს ბუნება, რომელსაც ჩვენ არაორგანულს ვეძახით, რომელსაც არა აქვს დღევანდელი ინტელიგენტის წარმოდგენაში სული და სხეული, იყოს სულიერი და გონიერიც, შესაძლებელია სულის ძირითადი თვისებები, ჩვენთვის უხილავი სახით, იყოს მინერალებშიც.

კაჟის აცეცხლება, წყლის რაკრაკი, ჰაერეთის ზუზუნი, ნივთიერების რახუნის უსათუოდ ელემენტების რყევის ამეტყველებაა და ერთგვარი

დღესასწაულებელია. წარმართული მსოფლმხედველობის კონცეფცია სტიქიებით და ღმერთებით ერთგვარად ეხმარება ჩვენს გრძნობათა სუსტ ორგანოებს მსოფლიო სულიერობის შეცნობაში. ძველი ბერძენების მხატვრული სული გრძნობდა კოსმოსური სულიერობის რხევას და ბუნების სმებში სედავდა თავისი გონიერებისა და ილუზიების თანაბარ გამოსახულებას.

პოეტები და მეტაფიზიკოსები დღესაც ჩვენი სულიერი მოვლენების მსგავს სახეებს ეძებენ სამყაროში და ზნობად დღევანდელ მოაზროვნეს ზღვისპირად ან მუხის ძირას შეიძლება ისე აუჩუყდეს გული, როგორც შორეულ წარსულში ელინს აუჩუყდებოდა, როდესაც მას სირენების, ნიმფებისა და დრიადების ხმები მოესმოდა.

ფოთლების შრიალი, ტალღათა გუგუნო, ფრინველების ჭიკჭიკი, პირუტყვების ღმუილი ისეთივე ეპიზოდური გამოსახულებაა მსოფლიო ენტელექტისა, როგორც ჩვენი ბგერები და მეტყველება.

თვით ჩვენი სხეული უჯრედების მთელი სამყაროა და ყოველი ჩვენი სურვილი ჩვენში მოთავსებული უთვალავი არსების სურვილთა ჯამია: ჩვენს „მე“-ს ამოძრავებენ, ამოქმედებენ პატარა homunculi-ები და ყოველ წუთს ჩვენი ნებისყოფა განსაზღვრულია „ვილაციების“ სურვილებით.

ჩვენი ინდივიდუალობა იძირება კოსმოსურ სირთულეში, საუკუნეები და ყველა დროის ორგანული ფორმები ჩვენში იკუმშებიან და ჩვენს სხეულს, მის ნაწილებსა და უჯრედებს ნათესაობა აქვთ სამყაროს ნაწილებთან.

ბუნებისმეტყველებმა და ექიმებმა იციან ეს: მაროლები, რომელთაც ექიმები ავადმყოფებს აძლევენ, როდესაც სხეულში შედიან, უჯრედებს ალიზიანებენ და ნერვულ-ფსიქიკურ აქტივობას იწვევენ; ალბათ არის რაღაც ნათესაობა, რაღაც დამოკიდებულება ჩვენს ორგანულ-ფსიქიკურ აორთქლებასა და სამკურნალო ნატრიებს შორის.

ყოველგვარი აღივების დროს, ყოველგვარი დიდი წუხილისა და სიხარულის დროს ჩვენ ბუნებისაკენ ვიყურებით, თითქოს სული ჩვენი შორეულის დაუსრულებლობაში ეძებს მეგობრობასა და ნათესაობას, თითქოს იგი ხელახლა რიტმულად შედის იმ მაროლებსა და სიმკავეში, იმ მინერალებსა და მცენარეებში, რომელნიც სამყაროშია მიმოფანტული და რომელთა ნაწილების აორთქლებით ჩვენში იქმნება ჩვენი სულის აქტივობა, ჩვენი იდეალები და ილუზიები.

ახალი კვლევა-ძიებანი გვარწმუნებს, რომ მოძრაობაში მატერია-

ლური მასა მატულობს, ჩვენთვის არ არსებობს მატერია უსულო, არ არსებობს ისეთი ხიწვი, რაჰელშიც არ იყოს ერთგვარი შინაგანი რყევა, ბრგვინაობა, ერთგვარი თვითგადამსახი დინამიკური თვითაორთქლება: მხოლოდ, რაც უფრო ძლიერია შინაგანი ატომურ-იონური სიმძლავრე, მით უფრო დინამიკურია თვითგადამსახი აორთქლება და ასხივოსნება: მოძრაობაში მატერიული მასა ითენთება, იდრესება, იონოდიამიზმით ივსება. მასა მატულობს და მასასთან ერთად სულიერობის აორთქლება და სულიც.

მოვლენები და საგნები მხოლოდ სხვადასხვა სტატიკური სახეებია ყოვლობის დინამიკური მოძრაობის. ბალახი, ქვა, ცხოველი, პლანეტა, ცეცხლი, ადამიანი, მიკრობი, მორიელი, სოკრატე სხვადასხვა ფორმის შეკუმშული ელექტრულ-დინამიკური ერთეულებია, სტატიკურად ჩამოყალიბებული ყოვლობის დეტერმინიზმით და ორგანოტროპულად შეგრძნობილი ჩვენში.

სამყაროში ჩვენ ვამჩნევთ მხოლოდ ისეთ სტატიკურ სახეებს, რომელთა შეცნაურება-შეცნობა შეუძლია ჩვენს გრძნობათა ორგანოებს თავიანთ ტროპულ ჩვეულებათა მიხედვით: მთელი ჩვენი გონება ყოვლობის დაუსრულებლობაში მხოლოდ ქაფის ბუშტია და ჩვენი მე თავის გრძნობებით და იდეალებით ისე ეფემერულია და საცოდავი, როგორც უღრან ტყეში ქარისაგან აფორიაქებული ფოთლები, როგორც ოკეანის ტალღებში შემთხვევით გადაგდებული ნივთი.

გრძნობა და რიტმი

ადამიანს წუთისოფელთან აქვს ოთხი სხვადასხვა სახის დამოკიდებულება:

1. ფიზიკური — გამომსახველი ორგანული მდგომარეობისა და ტროპული შეთანაბრების.

2. ლოგიკური — გამომსახველი არსებობის ისეთი მომენტებისა, რომელთაც წინ მიუძღვის გონება;

3. მორალური — ნებისყოფის დამყენებელი გარკვეულ გზაზე შეფარდებით საზოგადოებისა და ისტორიის ტრადიციასთან;

4. ესთეტიკური — გამომსახველი ინდივიდუალური გემოვნებისა და სულიერ წყობათა.

ადამიანის სახე შეიძლება მოკვეთილი იყოს სწორად; იგი შეიძლება

პატისაყემი იყოს თავისი მახვილი გონებით; იგი შეიძლება საინტერესო იყოს მტკიცე ხასიათით, მაგრამ ყველა ამ თვისებასთან ადამიანში შეიძლება იყოს ისეთი რამ, რაც მას, როგორც ინდივიდუმს, აძლევს განსაკუთრებულ სიმშვენიერეს წუთისოფლად.

ბავშვობიდანვე ადამიანში თავს იჩენს გენეტიკურ-ინდივიდუალური კულტი — კულტი გამომხატველი ორგანულ-ჯიშური დახრილობისა, მიდრეკილებისა, კულტი, რომელიც არის კონდენსატორი ბიოლოგიური მახასიათებლების და რომელიც ხშირად გვევლინება ან ორგანული თვისების, ან ფსიქიკური ნიჭიერების სახით.

არის კულტი ტანსალობის, ინტელექტური მახვილობის, მორალური ძიების, გემოვნებისა და სილამაზის; ყოველ კულტს ჰყავს თავისი წარმომადგენელი — კულტის სახის მატარებელი — გვარი, ჯიში, ერი, სასელმწიფო, კერძო ადამიანი. განსაკუთრებულ ისტორიულ-სოციალურ ხვეულში განსაკუთრებული ბიოლოგიური პოტენცია იჩენს თავის ინდივიდუალურ სახეს, ჩამოქნის თანდათანობით სტიქიური ღელვისა და კოსმოსური რყევის პროცესში.

ინდივიდუალობაში არის სამი დიდი მომენტი განთვისებული ერთმანეთისაგან ჩვენი ლოგიკური განყენებით — მომენტი გრძნობისა, მომენტი ნებისყოფის და მომენტი ინტელექტის.

ორგანულ ევოლუციაში გრძნობას უფრო მნიშვნელოვანი ადგილი უჭირავს, ვიდრე ნებისყოფასა და ინტელექტს: ნებისყოფა თავისებური დინამიკური ფორმაა გრძნობის; ინტელექტი იგავე გრძნობის ემანაციაა; გრძნობა როგორც ბიოლოგიური ფაქტი შემოქმედებითი მოძრაობის და რხევის პირვანდელი თვითმჩენი მიზეზია; გრძნობა მთლიანი ორგანულ-ფსიქიკური ელემენტია, ინტელექტი კი — რყევადი; გრძნობა ყოველთვის უფრო კოსმოსური ხასიათისაა, ვიდრე ინტელექტი: გრძნობა ყოველთვის აერთებს და მხოლოდ აერთებს; ინტელექტი ბუნებრივად ანაწილებს და ხელოვნურად აერთებს.

გრძნობის პროცესი უხვი, ლალი, ძლიერი, მახვილი და გამბედავია. მგრძნობიარე ადამიანი ყოველთვის გრძნობისა და კეთილშობილების კარებთან დგას; ვნება სიყვარულში გადადის; ვნებათა რყევა ერთგვარი რიტმის დასაწყისია; ვნებიანი ველურია, მაგრამ ველური კეთილშობილი, გულკეთილი; გემოვნება ოცნებით ფარავს წუთისოფლის ქუჩყსა და განკერძოებულ ყოფას ტკბილი ალერსით, მთვრალი უჯრედების რიტმული ათამაშებით უკავშირებს შორეულობას, მარადობას.

ადამიანი ეძებს ვეფხვის ლამაზ ტყავს, ირმის მშვენიერ რქებს,

ზღვის ცხოველების ფერად ნაჭუჭებს; ადამიანი იგონებს სხვადასხვა ფორმას თიხის, რკინის, სპალენძის, ვერცხლის ჭურჭლეულობას; ადამიანი ქსოვს, კვეთს, ქმნის — აშენებს კოშკებს, სრა-პალატებს; თხზავს სისტემებს და ჰიპოთეზებს, რომ გაამშვენიეროს და გაამარადოს თავისი ყოფა-ჩმახი, ჭუჭყიანი, დროული და წარმავალი.

პირველყოფილი ტროგლოდიტი მშინარა და მთრთოლვარე თავის ბანჯგვლიან სხეულში გრძნობს ესთეტიკურ-ერრტულ მოთხრწნილებას; სექსუალური რყევა ადამიანის საერთოდ თავისებური ნაძალადევი ფორმაა წუთისოფლური უზწნობისა და მარადიულად უპრინციპო ყოფის; დროგამოშვებით ქარიშხლიანი არითმია ბუნების ძალების, ისტორიულ-კულტურული რყევა და განგაში, არევე-დარევეითი ცივილიზაციური ნახტომები და გაქანება ბიოლოგიური ეროსის დემონური თამაშია და ეს დემონური თამაში ვნებიანი და სტიქიური, აღელვებული ორგანული ინსტინქტებით, აძლევს ყოველი საუკუნის კულტურას თავისებურ სახეს, გარეგნობას, ინდივიდუალობას.

კაცობრიობის ცივილიზაცია ბიოლოგიური ეროსის ემანაციაა. ჩვენი კულტურის სტატიკური სახეები — ბიბლიოთეკები, ბარელიეფები, მუზეუმები, ნანგრეეების რომანტიკული გამომეტყველება, დროული და წარმავალი მოფარგვლილობაა ორგანულ-ბიოლოგიური აორთქლების.

მეცნიერება არ არის თვითური ცოდნა რაობის, — მხოლოდ ილუზიების გადანაწილება; ყოველი საუკუნის ქეშმარიტება მსოფლმხედველობათა დათანწყობებაა ისტორიულ-ფსიქიკურ ჩვეულებათა მიხედვით

თვით მათემატიკა თავისი ფორმულებით, ინტეგრალებით, დიფერენციალებით და ლიმიტებით, თვით მექანიკა თავისი ეშმაკეული მიხედვრილობით, თვით ბუნებისმეტყველება თავისი მორფოლოგიური დეტალებით, ჩვენი აღელვებული და მარადიულად მაძიებელი სულის მხოლოდ მოხერხებაა — die List der Vernunft, მოხერხება, რომელსაც აქვს ობიექტური მნიშვნელობა იმდენად, რამდენადაც ჩვენი ორგანულ-ფსიქიკური ჩვეულება შემთხვევით შეეფარდება კოსმოსურ ირაციონალობას.

აღგებრული და გეომეტრიული ფორმულები, ქიმიური ელემენტების მოძრაობის კანონები, ასტრონომიული შეთანაბრებანი კაცობრიობის ტანჯული სულის მახვილი ლეგენდებია, დამაშვენებელი წუთისოფლური თქრიალისა და კოშმარული აცეცხლების. კულტურას, ცივილიზაციას, მეცნიერებას, მეტყველებას აქვს მხოლოდ ესთეტიკუ-

რი მნიშვნელობა. ფორმები ჩვენი შემოქმედებისა და მქტყველებსა დროული მოხერხებისა და გამოვნების გამოსახულებაა. უდიდესი და უმშვენიერესი ჩვენი შემოქმედება მაჩვენებელია ჩვენი ესთეტიკური იდეალის ორიგინალობისა და სისრულის. ბოლოს და ბოლოს საინტერესოა არა ის, თუ რას ვაკეთებთ, არამედ როგორ ვაკეთებთ. კულტურულ-ცივილიზაციური შემოქმედება ერთგვარი ოსტატობაა, გოტიკური სტილის აწვერადება რომანტიკული აღმაფრენის სიმბოლოა; ეიფელის კოშკი ფრანგული სულის ატორტმანების იდეური სტატიკაა; შექსპირის კოსმიზმი ინგლისური გაშლილობის გამოსახულებაა.

ისტორიულ-კულტურული მღელვარება აყალიბებს ფორმებს — განცდა ქმნის სახეს.

საუკუნეები და ერები, როგორც ლეგენდარული არმიები, იკრიბებიან და იშლებიან: სახელმწიფოები და ადამიანები თავიანთი ჩვეულებებით, სურვილებით, იდეალებით და ილუზიებით აფართქლდებიან, ათქრიალდებიან, ღელავენ, ეძებენ და იტანჯებიან, საუკუნეთა განმავლობაში მრავლდებიან, ორგანულ-ბიოლოგიურად იზრდებიან; დაიქანცებიან ღელვა-ძიებაში და წუთისოფელს შორდებიან, ვით უდაბნოში მოხეტიალე მგზავრები. დროთა მდუმარე სასაფლაოზე მოდიან სხვები და შლიან უთავბოლო პოემის ახალ რვეულებს, ჩმახავენ ახალ სიტყვებს, იგონებენ ღმერთებს და მეცნიერულ ზღაპრებს...

ყოფის ოკეანეს აღელვებს რღვევისა და ცვალებადობის რიტმი; მთელი სამყარო რიტმულ მოძრაობათა ღენაა. ზამთარი, გაზაფხული, ზაფხული, შემოდგომა; ღღე და ღამე; სითბო და სიცივე; სიკეთე და ბოროტება; სიკვდილი და სიცოცხლე რიტმებია.

მსოფლიო ისტორიაში რევოლუციები და მყუდროების იდილიები, ფილოსოფიაში რწმენა და იკვები, ბიოლოგიაში სისავსე და სიცარიელე, პლანეტების კოსმოსურ მოძრაობაში გაყრა და მიმზიდველობა, სქესთა შორის ზიზღი და მზიდარულობა იგვეე რიტმებია ყოვლობის დაუსრულებელი პოემისა.

სიხარულის უთავბოლო ნახტომები ცეკვაში გადადის ორგანულად, არეულ-დარეული მოძრაობებიდან ჰარმონიული წყობა იქმნება, გაურკვეველი ბგერები ტაქტს ემორჩილებიან და იწყება მუსიკა—რიტმული რხევა.

როიალის ხმაზე, ან კარგი ორატორული მეტყველების სმენის დროს ხშირად ჩვენი კუნთურ-ნერვული შეგრძნებანი ისე საამოდ ატორტმანდებიან, რომ გვეძნელება დაჯდომა, გვეძნელება დგომა ერთ ალაგას,

გვადელებს სურვილი მოძრაობისა, ხტუნვისა, სურვილი ესთეტიკური გაქანებისა და ბრძოლისა... თითქოს უხილავი ატომები შემოდინან ჩვენში, ხტიან, ცეკვავენ; თითქოს ჩვენი ნერვული სისტემის სვეულუმბუცულგან კოცნა და ალერსია; თითქოს ჩვენი სხეულის ყოველი უჯრედი გრძნობს გახალისებას, აცხოველებას; თითქოს ჩვენში ვილაყებამოძრაოდნენ, ამღერდნენ, ამეტყველდნენ: თითქოს უხილავს, უსაკოს და შეუცნობელს ვუახლოედებით; სიმძიმე ჩვენი ტანისა, ჩვენი ფიზიოლოგიური ვრცეულობა შეგრძნებათა არითმიაში იძირებიან; სული თანდათანობით იშლება; დროისა და სივრცის საზღვრების შეცნობა ილესება ლირიკულ-ესთეტიკურ განცდაში; საუკუნეები იკუმშებიან და ისტორიული პერიოდების ხარვეზები ჩვენ წინაშე შლიან სამარადუმო ძიებათა ფერად მარაოებს.

მშვენიერების იდეა

რა არის მშვენიერება? სად იბადება და რას წარმოადგენს მშვენიერების იდეა? თვით საგანია, თვით ბუნების მოვლენაა მშვენიერი, თუ ადამიანშია მშვენიერების იდეის შემოქმედი ძალა? საზოგადოდ მიღებულია, რომ სილამაზე შეადგენს საგნის ანუ მოვლენის თვისებას, ორგანულ მოყვანილობას. ჩვენ თითქმის ყოველდღე ვამბობთ: „ლამაზი ხმა“, „მშვენიერი სახე“, „ლამაზი ქალი“, „მშვენიერი ბუნება“ — ვამბობთ ამას და თან საგანს ვაკუთვნებთ თვისებას, თითქოს საგანი იყოს ლამაზი, მშვენიერი; ჩვენ როდესაც ვამბობთ, ეს ქალი ლამაზია, დარწმუნებული ვართ, რომ სილამაზე შეადგენს ქალის თვისებას, რომელსაც აქვს ჩვენთვის ობიექტური მნიშვნელობა და რომელიც სრულებით არ არის დამოკიდებული იმაზე, თუ რა სულიერ განწყობილებაზეა ამ „სილამაზის“ მკვრეტი.

ერთი სიტყვით, საზოგადოდ მიღებულია ის აზრი, რომ სილამაზე არის საგნის ანუ მოვლენის თვისება, წმინდა ორგანული ხასიათის, რომელიც დამოუკიდებელია თავისი არსებობით. სწორია თუ არა ეს აზრი? რა თქმა უნდა, არა. ჩვენ ვიცით, რომ ერთი და იგივე საგანი თითქმის ერთსა და იმავე დროს სხვადასხვა ადამიანზე სხვადასხვა შთაბეჭდილებას ახდენს თავისი გარეგნობათ; ერთი ფიქრობს, რომ საგანი მშვენიერია, მეორეს საგანი ეზიზღება, მახინჯად ეჩვენება. რაც უფრო თავისებურია ინდივიდუალური და ეროვნული წყობილება ადამიანის

ცხოვრებისა, მით უფრო სუბიექტურია მისი ესთეტიკური შეხედულება. სხვადასხვა პირობებსა და ცხოვრების მოვლენებში გაწვრიანდ ადამიანებს მშვენიერებას იღეა სხვადასხვა სახით ეჩვენებათ და სხვადასხვა ესთეტიკური იდეალი აქვთ. ისტორიულ. ეროვნულ და კლასიკურ მიზეზებს ესთეტიკური იდეალის შექმნის პროცესში ზედ ემატება ინდივიდუალურ-ორგანული განცდის შემოქმედებითი აგზნებულება.

ეროვნულ-ისტორიული ცხოვრების ფარგლებში იქმნება ერის მორალი, ესთეტიკა, ერის ფილოსოფია და პოეზია, ლიტერატურა და მეცნიერება.

კაცობრიობის სული ისტორიულ შეგრძნობაში გამოიხატება, არის მრავალ საუკუნეთა და მრავალ ჩამომავლობათა განცდის და თანდათანობით სულიერი ვარჯიშობის ნაყოფი. მშვენიერია წუთისოფლად ყველაფერი, რის ყოფას და სახეს ჩვენ შევეჩვიეთ; მშვენიერია ყველაფერი, რაც აკმაყოფილებს ჩვენს ნერვულ გაღიზიანებას, რაც ფსიქოლოგიურად შეეფარდება იმ გრძნობებს, რომლებიც შემუშავებულია ინდივიდუალობაში ცხოვრებისა და ჩვეულებათა პირობების მიხედვით; აღმოსავლეთში, მაგალითად, უყვართ მყვირალა ფერები, ჩრდილოეთში კი, სადაც მზე აღმოსავლეთურად არ აცხუნებს, უყვართ მკრთალი ფერები. მშვენიერების იდეა სხვადასხვა პირობებში სხვადასხვა სახისაა — საერთო მასშტაბი არ არსებობს; ჩინეთში ლამაზს ეძახიან ისეთ ქალს, რომელიც ტანად მსხვილია, ფეხები პატარა აქვს, თხელი თმა და დიდი ყურები. ჩვენში ასეთი ქალი საზიზღარი იქნებოდა; იაპონელებს უყვართ ყვითელი კანი და შავი კბილები — თეთრი კბილები ძალღებს აქვთო — ამბობს იაპონელი. ჩვენს მოგონებაში კი თეთრი კბილების დანახვა ღვთიურ ცაქცაცხს იწვევს; სამხრეთ აფრიკაში ახალგაზრდებს ძალით უმტკრევენ კბილებს, რადგან სრულებით უკბილო ახალგაზრდა სილამაზის იდეალია; მშვენიერება ორგანული შეჩვევის და ნერვული წვის შედეგია. ისტორიული პირობები, გეოგრაფიული მდებარეობა, შთამომავლობათა ადათები, ინდივიდუალობის თავისებურება — აი ფსიქოლოგიური პირობები, რომელთა შორის ისახება მშვენიერების იდეა. მშვენიერება შემოქმედებითი ევოლუციის ისტორიოლოგიური სახეა: ყოველ კუთხეს დედამიწისას, სადაც უცხოვრია ადამიანს, აქვს თავისი ისტორია და მასთან ერთად თავისი ესთეტიკა — საუკუნეთა განმავლობაში შექმნილი სულის აქტივობა და წყობილება. მშვენიერების იდეა უაღრესად ისტორიულ-ტროპულია. ქართველს უყვარს ისეთი სახე, რომელიც ქართველის ტემპერამენტს შეეფერება; ევრო-

პელს უყვარს ის სახე, რომელიც ევროპელის ტემპერამენტს შეეფერება; ტემპერამენტი კი მრავალ შთამომავლობათა განცდის დაზვავება ნაქსოვი და, მასასადამე, ყოველთვის ისტორიულია, ყოველთვის იწნება განსაზღვრულ ეთნოგრაფიულ და ისტორიულ პირობებში, ცხოვრების მძაფრ ბრძოლასა და ტანჯვაში მშვენიერების სახე არის მხოლოდ ისტორიულ-კულტურული მგრძნობელობის და ორგანული გალიზიანების ესთეტიკური განსახეობა. განსახეობა შემოქმედებითი პროცესია და ამ შემოქმედებით პროცესში სილამაზის ემოცია, რომელიც სუბიექტურია და ორგანული, სუბიექტური ილუზიის საშუალებით ძარღვთა წვაში სხვადასხვა ადამიანის ორგანული წყობილება ღებულობს მოჩვენებით ობიექტურ ხასიათს. რადგან სხვადასხვა ნერვული სისტემა სხვადასხვანაირად იწვის და განიცდის, სილამაზე ღრმად სუბიექტური ცნებაა, და სილამაზის ემოციის „ობიექტივაცია“, სადაც უნდა იყოს და რა პირობებში, სულ ერთია, ყოველთვის ინდივიდუალურია. მშვენიერების იდეა ეყრდნობა ადამიანის განცდას და სულის ძიებას: თუ სული კმაყოფილია, თუ ადამიანის გული ცხოვრების სახეების შეგრძნებით მთვრალია, მაშინ ადამიანს ეძნელება, რა თქმა უნდა, მოძრაობა და ძიება, ეძნელება აღშფოთება და აღელვება, მაშინ იგი მოდუნებულია და სისხლის მოძრაობა მისი წყნარია. ილუზიებსა და ოცნებებს ადამიანის გულის სიღრმეში ადგილი არა აქვს, თუ ადამიანი ბედით კმაყოფილია, თუ არ იწვის სურვილებით იგი, თუ არ იტანჯება სული მისი ცხოვრების სიჩმახით. დანტე ალიგიერი იმიტომ ეტრფოდა ბეატრიჩეს სახის მშვენიერებას, რომ გრძნობდა წუთისოფლის უკუღმართობას, უწესრიგობასა და სიმახინჯეს. დანტე უყურებდა ამ ცხოვრებას როგორც კომპარულ მოჩვენებას და ეტრფოდა ბეატრიჩეს, როგორც მშვენიერებას, როგორც სულის დამამშვიდებელ ძალას. დანტემ იგრძნო ცხოვრების სიჩმახე და შექმნა ბეატრიჩეს სახე, რომ დაეფარა წუთისოფლის სიმახინჯე თავისი გრძნეული სიზმრებით.

ბეატრიჩეს სახე ნაზ და გრძნეული სიზმრებითაა ნაქსოვი: ადამიანს უნდა ჰქონდეს მშვენიერი სული, რომ ნახოს მშვენიერი სიზმარი. მხოლოდ სულის სიმშვენიერე სულის სინაზება და ვინც ტლანქ ცხოვრებას ურიგდება, სული მისი ტლანქია, ისე როგორც ყოველდღიური ცხოვრება, მშვენიერების იდეა ადამიანობასთან ერთად იბადება სწორედ იქ, სადაც იწყება იდეალის შეგრძნობა, როგორც ფსიქოლოგიური აუცილებლობა. როდესაც ადამიანი ამბობს — საგანი მშვენიერიაო, არკვევს და ახასიათებს არა ობიექტურ მოვლენას, არამედ თავისი სულის შინა-

არსს და დამახასიათებელ თვისებას. სილამაზე არის იდეური კავშირი ორგანული განცდისა და სულისა ილუზიის საშუალებით გატანილი ინდივიდუალობიდან უნივერსალობაში. რაც უფრო მდიდარია ადამიანი ილუზიებით, მით უფრო ჩქარა იშლება ცხოვრება მის თვალწინ ესთეტიკურ ფენოქენად, მით უფრო ხშირად ხედავს სული მოქანცულ ბეატრიჩებსა და დულცინებს. სილამაზე სულიერი ხორციელობაა — ილუზიების ტალღებში შექმნილი და განცდის ცეცხლში „სინამდვილედ“ ქცეული. სანამდე სული განიცდის აღფრთოვანებას, სანამდე გული აღგზნებულია, მხოლოდ მანამდე არსებობს „სინამდვილე“ მშვენიერი და თვალწარმტაცი. ძარღვების სიმთვრალე — ორგანული სიგიჟე სისხლის აჩქარებული მოძრაობით ქმნის სურვილის სიღრმეს და სული ადამიანის ლალად დასეირნობს ოცნების ბაღებში, წყვეტს ყვაილებსა და ისვენებს სხვადასხვა ბუჩქის ძირას... დღეს ხედავს ზღვის ტალღებზე მცურავ აფროდიტეს, ხვალ ღრუბელთა შორის მოციმიციმე ბეატრიჩეს, დღეს მხურვალედ „ეწებება“ ნესტან-დარეჯანს: მკერდი მკერდსა შეეწება, გარდაეკდო ყელი ყელსა, ხვალ მულღანანზარის ველზე თინათინის სახეს გაშლის კოსმოსურ მშვენიერებად, მარისსა და ოტარიდს შეუერთებს თავის ოცნებებსა და მწველ გრძნობებს. მშვენიერების იდეას იცნობენ მხოლოდ განცდით და გრძნობებით მდიდარი ძარღვები. საგანი მით უფრო მშვენიერია, რაც უფრო ღრმად ორგანული წვა ადამიანისა, რომელიც ჰერეტს საგანს; რაც უფრო აჩქარებით ბუებუყებს ნერვული სისტემა, მით უფრო მალე იტაცებს ადამიანს ოცნება: რაც უფრო შეუბრალებელია ცხოვრების ქარიშხალი, რაც უფრო იბუებება წუთისოფლის სიმწარით ადამიანი, მით უფრო ლალად ნამავს ორგანული ტანჯვა სულის შემოქმედებას, მით უფრო მდიდარია იდეალებით და ილუზიებით სული.

იდეა არის განცდის განსახილველი. მშვენიერების იდეა იფშენება ორგანულად, იზრდება მით უფრო ჩქარა, რაც უფრო ღრმად სულიერი მღელვარება. ნერვული მოქანცულობა ყოველთვის იწვევს სულის სილალეს, სისავსეს შემოქმედებითი სევდისას, — და შემოქმედებითი სევდა ქმნის ეროტიკულ მკრთომარეობას: იწვება შეყვარების პროცესი და თან იზრდება შემოქმედებითი სევდა, რომელიც ბოლოს და ბოლოს ღებულობს კოსმოსურ ხასიათს. ორგანული წვის ორთქლი ეფინება მთელს ინდივიდუალობას, ჩხვლავს სხეულს, შეაქვს ეროტიკული სითბო ძარღვთა ნასერტებში და სულათ მთვრალი იძირება სიყვარულისა და სევდის გრძნობებში. ინძრევა, ირყევა, იწვეს. იცრება ისლი-

ვიდუალობა და თანდათან უახლოვდება ყოვლობას — უნივერსალობას: თვალწინ იშლება განუქვერგტელი სამყარო მთებით, ოკეანეებით, ჩქარად მორბენალი მდინარეებით, ფერადი სახეებით. შეგარძნების ცეცხლი აღრმავებს სიყვარულს: თრთოლა, სიცოცხლე, მოვლენათა და საგანთა უბნობა, ზღვის ტალღებზე მზის სხივების ლივლივი, შუადღის ხილვა ტკბილვნიბანი — ყველაფერი ღელავს, ყველაფერს ეძლევა ილუზიური ღირებულება სიყვარულის ენტელექიაში, ყველაფერს აქვს მიმზიდველობა, რადგან მშვენიერების შეგარძნობა — ეს ესთეტიკური ანთროპომორფიზმი — ცხოვრების თვითმყოფი რაობის უარყოფაა და ილუზიების განმტკიცება.

წუთისოფელი თავისთავად არც მშვენიერია და არც საზიზღარი, არც კეთილმოქმედია და არც ბოროტი: ცხოვრების დამახასიათებელი თვისებებია სტიქიურობა და ირაციონალობა. ადამიანის აზროვნება ისტორიოლოგიურია, ადამიანის მორალი არ არის ბუნების მორალი. ჩვენს იდეალებსა და ოცნებებს, ჩვენს გარძნობებსა და ტრაგედიებს ბუნება არ იცნობს. ჩვენი ენა ბუნებას არ ესმის და არც ჩვენ გვესმის ბუნების ენა. ბეატრიჩეები და დულცინეები არსებობენ მხოლოდ ჩვენს სულიერ მოძრაობაში. ბუნებისათვის ბეატრიჩეები და დულცინეები იგივეა, რაც ბუჭყები და ჭიებო.

წუთისოფლის მოვლენების თვითმყოფ რაობას ჩვენ არ ვიცნობთ, ჩვენ არ ვიცით, რას წარმოადგენს საგნები და მოვლენები per se, ჩვენ ვეყრდნობით მხოლოდ ჩვენს ორგანულ შეცნაურებას, ჩვენს სულიერ მიმღობას; ჩვენ ვიცით მხოლოდ ის, რასაც გვეუბნებიან ჩვენი გარძნობათა ორგანოები და თვითდაკვირვებანი. ჩვენთვის წუთისოფელი ფენომენია მწვავე ორგანული შეცნაურებისა და ჭკრეტის საგანთა, მოვლენათა სახეები და ფერები ფსიქოლოგიურად ილუზიურია. ჩვენი ნერვული დრესა და მღელვარება აძლევს ცხოვრებას სიმდიდრეს და ღირებულებას, სახეებსა და ფერებს; საკმარისია შეიცვალოს ჩვენი ნერვული მდგომარეობა, რომ ცხოვრების მოვლენებმა მიიღონ სხვა სახეები და სხვა ფერები. ჩვენი იდეალი ჩვენი ორგანული ცახცახის. ჩვენი ხორციელი წვის ლიღნოია ინდვიდუალური ლირწების დინებით შექმნილი, ან შთამომავლობის ფსიქოლოგიური წვრთნით აბოლებული და ანათებული.

ბეატრიჩეები და დულცინეები, ვენერები და ლაურები მშვენიერები არიან მხოლოდ იმიტომ, რომ შემოქმედებათმა სულმა მოინდომა მათი ვამშვენიერება. რადესაც შემოქმედებით სულს ეკარგება თავისი

ხორციელი ენერგია, როდესაც ორგანულ-ეროტიკული ცეცხლი მღელვარებისა და მოძრაობის შემდეგ ქრება, საგანს ეკარგება თავისი მშვენიერი სახე. ჰაინრიხ ჰაინეს გმირს ტანგეიზერს. რომელიც ერთ გამოქვაბულში რვა დღის განმავლობაში ტკბება სილამაზის ღმერთის — ვენერას სიყვარულით, რვა დღის შემდეგ საზიზღრად ეჩვენება მშვენიერი „არსება“ და იგი გაჯავრებული ეუბნება მას — მე შენ არ მიყვარხარო. მშვენიერება ინდივიდუალურ-ეროტიკული სურვილებსა და გულის ენებათა ილუზიური განსხეულებაა. ერთხელ თურმე ინდოეთის ღმერთი — ვიშნუ შეხვდა მშვენიერ ქალწულს, დაუწყო მას გაშმაგებული ცქერა; ქალწულმა ვერ აიტანა ვიშნუს თვალების სიბასრე და უცბად ამოეფარა ღმერთს უკან, მაშინ თურმე ღმერთს კინჩხზე ამოუვიდა თვალები და ისე უცქერდა ქალწულს — ძლიერია ინდივიდუალობაში სურვილის ძალა.

რა არის ტობოსელი დულცინეა, თუ არა ლამაზი რაინდის სურვილის ილუზიური განსხეულება? ჩვენ ვიცით, რომ ტობოსელი დულცინეა (მშვენიერება) იყო ერთი ჩაგოდრებული გლეხის გოგო, სახელად ალდონსა. სანჩო პანსა მას ეძახის ალდონსას და წარმოდგენილი ჰყავს მხოლოდ როგორც ალდონსა. მაგრამ ლამაზი რაინდს ვინ დააჯერებს, რომ დულცინეა არის მხოლოდ ალდონსა? ვინ დააჯერებს დანტეს, რომ ბეატრიჩე არის უბრალო, სუსტი, ფიზიკურად საზიზღარი არსება? ვინ დაარწმუნებს ტარიელს, რომ ნესტან-დარეჯანის ორგანულ მთლიანობაში არის ნაწილი წმინდა გონების თვალსაზრისით ესთეტიკურად მიუღებელი? ცხოვრება ესთეტიკური ფენომენია, მშვენიერების სახე ადამიანის სულის ილუზიაა.

არც ერთი მშვენიერი, არც ერთი საზიზღარი ქალი არსად არ დაბადებულა და არც დაიბადება, ისე როგორც არც ერთი ბოროტება და არც ერთი სიკეთე წუთისოფლად არასოდეს არ ყოფილა: „მშვენიერი“ „საზიზღარი“, „ბოროტი“, „კეთილი“ — ყველაფერი ეს ჩვენი, ადამიანების გამოგონილია და თავისთავად არაფერი მშვენიერი, არც არაფერი საზიზღარი არ არსებობს: შინაარსს, ღირებულებას, თვისებებს, სახეებს და მიზნებს ცხოვრებას აძლევს მხოლოდ ადამიანი და მისი ორგანულ-ფსიქიკური ჩვეულება.

სიყვარული და ეგოიზმი ერთად შეუძლებელიაო იტყვის comme il faut-ს ხალხი, მეშინიზმით დამძიმებული და სალონურ ბავარდას შეჩვეული.

ჩვენ ვამბობთ: სიყვარული ყოველთვის ეგოისტურია. აბა რომელ ქალს შეუძლია სიყვარულისთვის თავისი სიყვარული დათმოს? თუ ქალს მართლა უყვარს კაცი არათავისთვის, რატომ არ აძლევს კაცს ნებას სხვა ქალთან ისიამოვნოს? თუ მას კაცი უყვარს არა როგორც იარაღი თავისი სიამოვნებისათვის, არამედ გარეშე თავისი სიამოვნებისა, უნდა უყვარდეს ისიც, ვინც მის ქმარს ასიამოვნებს. ცხადია, ვერც ერთი ტანსაღი ქალი ვერ მოითმენს იმას, რომ მისთვის სიყვარული კაცი სხვა ქალს კოცნიდეს მის თვალწინ.

რატომ? თუ მე ვინმე მიყვარს, რატომ არ მინდა, რომ მას სხვამ ასიამოვნოს? ჩემს პატარა ბავშვს ერთხელ გზაზე ძალიან მოსწყურდა, ვიღაც მგზავრმა მას წყალი დააღვინა; მე ეს ისე მესიამოვნა, რომ დღესაც, როდესაც მომაგონდება სახე იმ ადამიანის, რომელმაც ჩემს ბავშვს წყალი დააღვინა, სიყვარულისა და სათნოების გრძნობა დამივლის ძარღვების ნასვრეტებში.

რატომ ქალს არ უყვარს სხვა ქალი, რომელიც მის ქმარს კოცნის, ასიამოვნებს? ცხადია, ყოველგვარი სიყვარული თვითშეყვარებაა; როდესაც სოფიო ივანეს ელაპარაკება — მე შენ მიყვარხარო, სიცრუეს ამბობს. სოფიოს უყვარს მხოლოდ თავისი თავი და თავისი სიამოვნება.

სიყვარულის მაზანი ეგოისტურია, მაგრამ პროცესი კი პანთეისტური და კოსმოსური.

მშობლიური და ოჯახურ-ნათესაური სიყვარული სექსუალური სიყვარულისაგან წარმოიშვა; არსებობს მხოლოდ ერთადერთი ფორმა სიყვარულისა — სექსუალური სიყვარული: დედა შეიღს რომ ეალერსება, ფიზიოლოგიურად სექსუალობაში დნება და სულიერად ითალხება სექსუალურ-ერთიკული რომანტიზმით.

ქალიშვილი რომ თხოვდება, დედას უხარია იმიტომ, რომ ქალიშვილის „ბედნიერებას“ თვითონ განიცდის თავისი წარსულის მოგონებასა და წარმოსახვაში.

ჩვენი თვალები, როდესაც ლამაზ სახეს ხედავენ. ნერვები სექსუალურ ტრფიალებით ითენახება; სილამაზისადმი ტრფიალებსა

ადამიანში მით უფრო მძლავრია, რაც უფრო ძლიერია სქესობრივი მოთხოვნალება.

ლამაზი ქალის დანახვაზე ჩვენი სული კოსმოსურად იზღვება: მაშინვე გვებადება სურვილი უსაზღვრო სიყვარულისა და კეთილმოქმედების; ორგანულ ხვეულებში მაშინვე აიშლებიან ტრფიალებანი და ნდომანი. გიყვარს არა მარტო ქალი, რომელსაც ხედავ, არამედ ყველაფერი გარშემო, გიყვარს ტანისამოსი, რომელიც მას აცვია, გიყვარს ქეაფენილი, რომელზეც ქალი დგას, გიყვარს ახლომახლო ადამიანები, მცენარეები, ბალახი, სახლები და მათი სახურაეები, გიყვარს ამ დროს მთელი ქვეყანა, მთელი სამყარო ზესკნელით, ქვესკნელით და გარესკნელით.

სიყვარული ჩვენი სულის კოსმიზმის უდიდესი და უმშვენიერესი ფორმაა; თვით კოსმიზმი როგორც ფორმა ორგანულ-ეროტიკული ტრფიალების ერთგვარი ემანაციაა სექსუალობისა.

დიდი პოეტები შეყვარებულებს მთვარესა და პლანეტებთან ალაპარაკებენ, ბალახებსა და მცენარეებს სულიერად უკავშირებენ: გოეთე, შილერი, შელი, რუსთაველი, ბარათაშვილი, ბესიკი, ვაჟა-ფშაველა სიყვარულს კოსმიზმის შეგრძნებას უთანაბრებენ; რუსთაველი შეყვარებულ აეთანდლის ამღერებს მულღაზანზარის ველზე და ამ სიმღერით პაერი რიტმულად ატალღდება, აირწევა; ბალახები და პირუტყვები ეროტიკულად აცახცახდებიან: თითქოს ცნების ამყოლობაში აინჭრევა მთელი სამყარო და ჩვენი სულის ოცნება თავის მოჩვენებათა გრძელი რიგით ფარავს აქოთებულსა და ჭეუჭყიან სინამდვილეს; შეყვარებულს ავიწყდება, რომ არსებობს ქვეყნად ორგანული ნაკლი და უსრულობა, ჭეუჭყი და წირბლა, ავიწყდება, რომ ქალს ხშირად გვიარბული სუნი აქვს, ავიწყდება რომ, ის, რასაც ის ღვთაებას ეძახის, არის მხოლოდ ფიზიოლოგიური მასა.

მეშვარითების პრობლემა და ლოგიკა

შეუთანხმე აზრები ერთმანეთს, — ლაპარაკობდნენ ელინები; შეუთანხმე აზრები ავტორიტეტს, — ამბობდნენ საშუალო საუკუნეებში; შეუთანხმე აზრები ფაქტებს — ამბობენ დღეს; ჰეგელი ფაქტებს ომს უცხადებდა — ფაქტები თუ ჩემს თეორიას არ ემორჩილებიან. მით უარესი ფაქტებისათვის, — ამბობდა იგი.

მაგრამ, დრო რომანტიკული იდეოლოგიით შეეცვალა და ფაქტებს დღეს უფრო ენდობიან, ვიდრე რაციონალისტურ ტრიადებს, სქოლიოებსა და გააზრებულ ზვიადობას. დღეს ფაქტების ინტერპრეტაცია საჭირო იმიტომ, რომ ფაქტების ტრაალსა და ქარიშხალში ვისრჩობით.

ჩვენი აზრით შემთხვევითი ფაქტის კაუზალური ასახვაა და ჩვენი მსჯელობა ასახული ფაქტების სისტემა — სისტემა მწყობრი და სახიერი; იმ დროს, როდესაც ფაქტები სამყაროში ერთმანეთს ეწინააღმდეგებიან და ერთმანეთთან ჩხუბობენ, ჩვენს პატარა თავის ქალაში იდეები და სახეები ფაქტებისა ერთმანეთთან შეგობრულად ბინადრობენ.

ფაქტის ასახვას ცნებას ეძახიან და ყოველი ცნება ასახული ნიშნებისა და თვისებათა ერთგვარი კოეფიციენტი: ჩვეულება აგროვებს ფაქტის ასახულ თვისებებს და ერთ ცნებაში აყალიბებს; ცნება ფაქტის ცხადყოფაა: თუ ცნება არ არის, არც ფაქტი არსებობს; თუ ცნება არის, ფაქტი ცხადყოფილია სიტყვით, სახელით; სიტყვა ერთგვარი სავიზიტო ბარათია, ცნების ერთგვარი აფიშაა, გამომსახველი ცნების გარემომცველობისა და ფაქტის მოცემულობის.

ჩვენ ვიცნობთ არა საგანს, არამედ საგნის თვისებებს; შემეცნება ასახულ თვისებათა სისტემაა: მაგიდა შავია, გრძელი, ფართო და იწონის ათ გირვანქას; რას ნიშნავს ეს? ეს ნიშნავს იმას, რომ რაღაცა ალიზიანებს ჩვენს მხედველობით ძარღვს და რაც ალიზიანებს, იმას სახელად დაარქვეს მაგიდა; შეეჩვიეთ ჩვენ ამ სიტყვას იმიტომ, რომ სანამდე ჩვენ ვიხმარდით მას, სხვებმა ისმარეს და ჩვენ ეს გვესმოდა; შემდეგ დავიწყეთ ხმარება ამ სიტყვის ისე, როგორც სხვები ხმარობდნენ; მაგიდა იწონის ათ გირვანქას — ეს ნიშნავს იმას, რომ მის ასაწევად საჭიროა ენერგია ნაკლები, ვიდრე თერთმეტ გირვანქიანს ესაჭიროება და მეტი, ვიდრე ცხრა გირვანქიანს... ესე იგი საგანი იწვევს ჩვენი კუნთების ერთგვარ გალიზიანებას; ამნაირად, თვისებათა ასახვა შთაბეჭდილებათა სისტემაა; ჩვენი წარმოდგენა საგანზე მეტს არაფერს შეიცავს, გარდა შთაბეჭდილებებისა და როდესაც ჩვენ საგნის განმარტებას ვიძლევი, მხოლოდ ვალაგებთ ჩვეულების მიხედვით შეგრძნობათა რიგსა და რაოდენობას; საგნის შინაგანი, თვითური რაობა არის შეუცნობელი (კანტის ნოუმენი) მიზეზი ჩვენი ნერვულ-ფსიქიკურ გალიზიანებათა. შთაბეჭდილებათა ფორმას აყალიბებს ორგანოტროპიზმი. ავიღოთ წინადადება: „კეთილშობილი ადამიანი ღირსია პატივისცემის“. ანალიზი ამ წინადადებისა შემდეგს გვიჩვენებს: სიტყვა კეთილშობილი ნიშნავს ყოველდღიურ ჩვეულებაში განმტკიცებულ

დადებით ცნებას, ცნებას ორგანოტროპულს, ჯგუფურს, ტერიტორიულს, კუთხურს; თავისთავად ეს ცნება ანალიტიკურია და ორგანოტროპული; ჩვენ მაინც ვუმატებთ სიტყვას — „ლირსია“, რომელიც სახავს კეთილშობილებასთან ჩვენს დამოკიდებულებას; სიტყვა „პატივისცემა“ ნიშნავს კეთილშობილების ღირებულების გადაკავშირებას სსკვბთან, რომელთა პატივისცემა ონტოლოგიურ ჩვეულებათა ასახვაა.

გავარკვიოთ გეომეტრიული ცნება: „სამკუთხედი“. სამკუთხედის განმარტებაში, ისე როგორც ყოველ განმარტებაში, ორი მხარეა: ერთი ლაპარაკობს, რომ არსებობს წუთისოფლად ფიგურა, რომელიც შემოფარგლულია სამი სწორი წირით; მეორე ნაწილი: — ასეთ ფიგურას ეძახიან სამკუთხედს. პირველი არის საფუძველი ონტოლოგიურად ახატული, ისტორიულ-ტერიტორიული ჩვეულებებით განმტკიცებული, პლანეტარული (შეიძლება მარისზე სხვანაირი ასახვა იყოს სამკუთხედის); მეორე არის თვითგანმარტება ონტოლოგიურად ასახულ ჩვეულებათა; პირველი შეიძლება იყოს ქვეშარიტება, ან სიცრუე; მეორე არც ქვეშარიტებაა და არც სიცრუე; პირველი არის საფუძველი ყოველგვარ თეორემათა და მოაზრებათა სამკუთხედის შესახებ; მეორე არის რეზიუმე ფაქტებისა ერთ სიტყვაში — სამკუთხედში. პირველი ქვეშარიტებაა იმდენად, რამდენად მეორე მოხერხება და თქმაა; პირველი ცოდნაა იმდენად, რამდენად მეორე ენის მეტყველების საშუალებაა; პირველი გამოსახავს დამოკიდებულებას სამ სწორ წირთა შორის; მეორე ამ დამოკიდებულების სახელწოდებაა*.

ბუნება ჩვენი შემეცნების ორ მხარეს შეიცავს: მას ერთი მხრივ საქმე აქვს სიტყვებთან, მეორე მხრივ მოვლენებთან, ფაქტებთან; სიტყვებსა და ფაქტებს აერთებს ერთმანეთთან ჩვეულება წუთისოფლური, ჩვენი განცდით დაწმენდილი და შეფარდებული შთაბეჭდილებებით გაღიზიანებულ სულიერ მდგომარეობასთან.

ბოლოს და ბოლოს შემეცნების პროცესი არამცთუ ფსიქიკურია, არამედ ნევროზულიც. ჩვენ შეგვაქვს ჩვენი ნერვულ-ფსიქიკური ინდივიდუალობის ლოგოსი ყოვლობაში და სული ჩვენი დაუსრულებლობის დენაში იგვიეა, რაც თერმომეტრი ქვაბში: ჩვენ ვიძლევიტ ყოვ-

* შ. ნუტუბიძე, „აღეთოლოგიის საფუძვლები“, „ქვეშარიტების პრობლემა“ (თბილისი, 1922 წ. წიგნი I.) სწორედ ამ საკითხებს ეხება. შ. ნუტუბიძე იძლევა ქვეშარიტების პრობლემის ორიგინალურ დასაბულებას, ქართულ ფილოსოფიურ ლიტერატურაში „აღეთოლოგიის საფუძვლები“ საპატრიო ადგილს დაიკვრს.

ლობის მოვლენების განმარტებას ჩვენი შთაბეჭდილებებით და ნერ-
ვულ-ფსიქიკური შეცნაურებებით ისე, როგორც ქვაბში რყევადი
მდგომარეობის თანდათანობითი ცვლილებების ასახვას იძლევა შიგ
მოთავსებული თერმომეტრი.

საგანი წუთისოფლად მხოლოდ იმ წუთიდან არსებობს, რა წუთს
იგი ცნებაში აღსახება: ქვეშარიტება თავისთავად არსებობს იმდენად,
რამდენადაც ქვეშარიტება ჩვენთვის არსებობს; ჩვენ გადაგვაქვს ჩვენი
მეობიდან უნივერსალობაში სახეები; ჩვენს ორგანულ-ფსიქიკურ ჩვეუ-
ლებაში იჩალებება ტრანსცენდენტალური გონება და ფაქტის ასახულ
თვისებათა აყოვლადებაში სული ჩვენი ქსოვს ონტოლოგიური რეა-
ლიზმის ფორმებს: ჩვენ შევიცნობთ ფაქტის რეალობაში მხოლოდ იმ
თვისებებს, რომელთაც მივაკუთვნებთ ფაქტს ჩვენი სურვილებისა და
ორგანულ-ტემპერამენტული დახრილობის გავლენით. საგანთა და მოე-
ლენათა დენას ჩვენ შევიცნობთ იმით, რომ ვეძებთ კანონს გამომსა-
ხველს სტატიკურობისას: ვცდილობთ ფაქტი ფაქტს გადავბათ, შემდეგ
ხელოვნურად შევთამაშოთ ფაქტები და ცდების საშუალებით ფორ-
მულები გამოვიყვანოთ; მაგრამ ფაქტი, რომელსაც მე შევიცნობ,
არის ხელოვნურად ამოგლეჯილი ყოვლობის სტატიკური დენიდან: მე
რომ სხვანაირი გრძნობა მქონდეს, ან სხვანაირი ტრანსცენდენტალური
პირობა ფაქტის შეცნობის, თვით ფაქტი სხვა სახეს მიიღებდა; ცხადია,
აქედან ქვეშარიტება თავისთავად არ არსებობს, რადგან შემთხვევითი
და დეფექტური სტრუქტურა შეცნობის შემთხვევით ფაქტს ირჩევს:
ვინ იცის, ბუნებაში რამდენი პასკალისა და ბოილ-მარიოტის კანონი-
სებრი ფაქტები აღმოჩნდებოდა (შეიძლება კიდევ უკეთესი), ჩვენ
რომ უკეთესად მოწყობილი გრძნობათა ორგანოები გვქონდეს. ჩვენი
შემეცნება წააგავს ფარგალს, რომელიც შეიძლება გაფართოვდეს,
შეიძლება შევიწროვდეს; წრეწირი, რომელსაც ჩვენი შემეცნება ხა-
ზავს, არა ბუნებრივია, არამედ ხელოვნური.

• ჩვენ რომ ჩვენი თვალებით ან სმენით ფაქტს შევიცნობთ, განა ის
ქვეშარიტი შეცნობაა? ჩვენ რომ მიკროსკოპში ვიყურებით და გადი-
დებულ მოვლენებს ვხედავთ, ვინ არის იმის თავდები, რომ ჩვენი თვა-
ლები და გამადიდებელი შუშა არ გვატყუებს? — ვხედავთ რალაცეებს,
შევიცნობთ, სახელებს დავარქმევთ ისე, როგორც ჩვენ გვებერხება,
როგორც შეგვიძლია, როგორც მოვისურვებთ და შემდეგ ვლაპარა-
კობთ — ეს ქვეშარიტებააო. შეიძლება კაცი დაეთანხმოს დროებით იმ
აზრს, რომ საგანი არსებობს მანამდე, სანამ ჩვენ შევიცნობთ, მაგრამ

არავითარი საფუძველი არა გვაქვს ვიფიქროო, რომ ჩვენ მიერ შეცნობილი სავანის ისეთია, როგორც ჩვენ შევიცნობთ.

დღემდე ფიზიკა გვასწავლიდა, მოლეკულები ატომებისაგან შედგება; დღეს ფიზიკოსები ამტკიცებენ — მოლეკულები და თვით ატომები ელვისებურა იონებისაგან შედგება. როდესაც ვლაპარაკობდით: მოლეკულები მხოლოდ ატომებისაგან შედგება, განა ეს ჭეშმარიტება იყო? ახლა ლაპარაკობენ: ატომები ელექტროიონებისაგან შედგება: ვინ იტყვის, არის თუ არა ეს დებულება ჭეშმარიტება თავისთავად?

ავსტრალიაში ადგილობრივ მცხოვრებლებს თურმე ასეთი წარმოდგენა აქვთ ადამიანის მოვალეობაზე: ვინმეს რომ ნათესავი მოუკვდება, ვალდებულია მეზობელ ტომს მოუკლას სამაგიეროდ ერთი წევრი, რადგან ნათესავის სიკვდილს ავსტრალიელი აბრალებს მეზობელ ტომს, რომელმაც მას გამოუგზავნა ბოროტი სული.

ერთხელ თურმე ინგლისელ ექიმ ლოდორს, მმართველს ავსტრალიის ერთ-ერთი პროვინციისას, გამოეცხადა ერთი ავსტრალიელი, რომელსაც ცოლი გარდაცვლიდა და თხოვა: გამიშვი მეზობელ ტომს მოვუკლავ სამაგიეროსო. ლოდორი დაემუქრა, თუ კიდევ მსგავსის თქმას გაბედავდა, იგი მას ციხეში ჩააგდებდა. ავსტრალიელი დაავადმყოფდა, მას აწუხებდა სინდისი მოვალეობის შეუსრულებლობის გამო: ცოლის სული მას ხშირად ეცხადებოდა და, როგორც ჰამლეტს მამის აჩრდილი, მოსვენებას არ აძლევდა. ერთხელ წამოვარდა თურმე ლოგინიდან ავადმყოფი და გაიქცა. რამდენიმე დღის შემდეგ დაბრუნებულმა გამოეცხადა ექიმ ლოდორს: რაც გინდა მიქენი, შევასრულე ჩემი ჭეშმარიტი მოვალეობა, მეზობელს ცოლი მოვუკალიო. ლოდორმა შეიპყრო ავსტრალიელი და ციხეში გაგზავნა.

საინტერესოა: ალეთოლოგიის თვალთახედვით ვისკენ არის აბსოლუტური ჭეშმარიტება — ინგლისელის თუ ავსტრალიელის მხარეს.

ჩვენ კი ვფიქრობთ, რომ ორი სხვადასხვა სახის კულტურულ-ტროპული ტრადიცია აქ ერთმანეთს შეხვდა და პრობლემა ჭეშმარიტებისა, პრობლემა ლოგიკური გადაიქცა ტერიტორიულ-ტროპულ პრობლემად.

ლოგიკა მხოლოდ ჩვეულებით აყოვლადებული ინტელექტუალური ზოგადობაა — ზოგადობა კუთხური, ჯგუფური, ხშირად ტემპერამენტული ხასიათის, და როგორც ასეთი, ყალბი მარადობისა და უნივერსალობის თვალთახედვით.

ყოველობის მიმდინარეობა ალოგიკურია და რაც უფრო გაყვება ადამიანი ლოგიკას, მით უფრო უბედური იქნება იგი წუთისოფლად.

ქვეშარიტება როგორც პრობლემა ლოგიკის საგანია: ლოგიკის დებულებები საფუძველია ქვეშარიტების: შემეცნების დროს ჩვენ ვსარგებლობთ იმით, რაც გვაქვს და რასაც ჩვეულებრივად ვენდობით: შენ დებირენი, რანუეე და ბოლცანო სინამდვილის ოდენობას ჩვენი აზრის ვარემომცველობას უფარდებენ და, როგორც პარმენიდე, საგანსა და შეცნობას შორის იგივეობას ხედავენ. ფსიქოლოგიურად ბუნებრივია. როდესაც ფილოსოფოსი-რაციონალისტები საგანს შეცნობას უფარდებენ და სანამ საგანს შეიცნობენ, შეაქვთ შეცნობის პროცესში თავიანთი აპრიორიზმი და პრედიკატები: კანტმა ადრე შეამჩნია ეს, მაგრამ მაინც აპრიორიზმსა და ტრანსცენდენტალობას მიენდო, როგორც აუცილებელ პირობებს შემეცნებისას.

მაგრამ, რას წარმოადგენს ეს აუცილებელი პირობები და არსებობს თუ არა თავისთავად ქვეშარიტება, რომელსაც ჩვენ ვიჭერთ არსებობის ოკეანეში ამ აუცილებელი პირობებით?

როგორც დავინახეთ, ფაქტისა და შემეცნების დამოკიდებულება ყოველთვის შემთხვევითი ხასიათისაა. შემეცნების უდიდესი მომენტები — განყენება, შედარება, აყოვლადება ბოლოს და ბოლოს ერთგვარი ფსიქიკური combinaison-ებია და შედეგი ამ კომბინირების არის ცნება, რომელიც ერთგვარ გააზრებულ სინთეზს წარმოადგენს — სინთეზს შეგრძნობილ თვისებათა.

მაგრამ, თვისებათა შეგრძნება და შეცნობა, როგორც აპერცეფციის პროცესი გვიჩვენებს, ფსიქოლოგისტურია და არა ლოგისტური. ყოველ ადამიანს პროფესიისა და სულიერი წვრთნის ფსიქიკური ატრიბუტები შეაქვს საგნის შეცნობის პროცესში: ფანქარს მოწაფე და ვაქარი სხვადასხვა სახით შეიცნობენ; ძროხის კუნთებს მხატვარი და ყასაბი სხვადასხვა თვალთახედვით უყურებენ. აპრიორული და ტრანსცენდენტალური რაც არის შემეცნების პროცესში, ყველაფერი შემოტანილია პროფესიული წინდახრილობით და ონტოლოგიურ ჩვეულებათა ასახვით. დარჩა აპერცეფციის ინდუქციური ელემენტი — თვისებების რაობათა შეცნაურება და ამ ელემენტის განზოგადება ხან განყენების სახით, ხან შედარების და ხან აყოვლადების.

მაგრამ განყენება, შედარება, აყოვლადება, სწვრივადობა და სხვა მთავარი მომენტები შემეცნებისა აზროვნების ჩვეულების სტატიკაა და როგორც ასეთები ცხადყოფენ საგნის თვისებათა სისტემას და არა საგანსა და საგნის რაობას.

საგნის თვისებათა სისტემაში ქვეშარიტების გამოსახვა სრულებით

არ ნიშნავს საგნის რაობის შეცნობას, როგორც ცარიელი ბოთლებისა და კოლოფების ჩამოწყობა თაროებზე საეაქრო სახლის გახსნას არ ნიშნავს*.

ლოგიკის ძირითადი პრინციპები ფსიქიკური ჩვეულებითაა განმტკიცებული; განუწყვეტლობა და ხშირი განმეორება ფსიქიკურ ფაქტისა საფუძველს აძლევს აზროვნებას ისე, როგორც ფიზიკურ მოძრაობა და ხშირი განმეორება აძლევს საშუალებას მარჯვე მოძრაობისას კუნთებს.

ფსიქოლოგია ორგანოტროპულია და ლოგია მხოლოდ ერთგვარი სტატიკურ-გრაფული განყოფილებაა ფსიქოლოგიის; რუსეთში ვედენსკი და ჩვენში ნუტუბიძე წინააღმდეგს ამტკიცებენ: მათი და მათი წინაპრების აზრით ლოგია სრულებით დამოუკიდებელია ფსიქოლოგიისაგან, პირიქით, ფსიქოლოგიას ეძლევა ღირებულება იმიტომ, რომ არსებობს ლოგიკის კანონები...

ჩვენთვის ლოგია მხოლოდ ერთგვარი დაკვირვების სისტემაა, როგორც გრამატიკა: ლოგია აკვირდება შემეცნების ბუნებას, გრამატიკა კი ენის ბუნებას; ლოგიკის ცოდნა ადამიანს არ შეეღის შეცდომებში, არც გრამატიკა შეეღის მაინც და მაინც ენის შესწავლაში: ვისაც უნდა შეისწავლოს ქართული ენა და ლიტერატურა, უნდა შეისწავლოს რუსთაველი, თმოგველი, ბარათაშვილი, ჭავჭავაძე და არა ხუნდაძის გრამატიკა.

ლოგია მხოლოდ სტატისტიკა აზროვნების ბუნებაში; აზროვნების ფაქტები კი ალოგიკურ ყოვლობას უკავშირდება.

ლოგია მისაღებია როგორც მეთოდი, როგორც ხერხი და არა როგორც ნორმა, არა როგორც საზომი.

რაც უფრო უმეშვეოდ და ლირიკული განცდებით შეედივართ ყოვლობაში, რაც უფრო შორს ვიხედებით კეთილშობილი ზრახვებით და ინტუიციით, რაც უფრო კოსმოსური და მეტაონტოლოგიურია სული ჩვენი, მით უფრო ვამჩნევთ, რომ ლოგია როგორც ნორმა ყალბია და კაცობრიობის კულტურის ერთგვარ დეფექტს წარმოადგენს.

საშუალო საუკუნეების ინკვიზიციებსა და ინტელექტუალურ კარჩაეკტილობას ლოგია ხელს უწყობდა: ყოველგვარ ჭგუფურსა და კუთხურ განაპირებას ლოგიკით ასაბუთებენ; ლოგიკამ აწამა ქრისტი,

* აქ ვეხებით ჭეშმარიტების პრობლემას იმდენად, რამდენადაც გვესაქირობა უარყოფა ამ პრობლემისა ჩვენი მსოფლმხედველობის გამოსარკვევად. შ. ნუტუბიძის ფილოსოფიურ დებულებებს ცალკე ვაყარჩევთ.

სოკრატე, ბრუნო, გალილეი; ლოგიკით ხელმძღვანელობენ დიალექტიკური შანტაჟებისა და აფერების დროს.

ლოგიკა უარყოფს გენიოსური კეთილშობილებისა და კოსმოსური სევდის გაშლილობას, ლოგიკა სულისა და ნებისყოფის ბორკილია. ლოგიკის დებულებები მეშჩანური comme il faut-ს მარჯვლებია.

ლოგიკის საუკეთესო ფორმა არის სოფიზმი — ფორმა, რომელიც უარყოფს ლოგიკას და კარიკატურულად ეთანაბრება ყოველობის ირაციონალობას.

იდეალუზის მკოლუცია

კულტურის ისტორიაში ხშირად არის მომენტები მიმდინარეობათა გაერთიანების. სინთეზის: ერთმანეთს საუკუნეთა განმავლობაში დაშორებული ელემენტები სხვადასხვა მიზეზის გამო ერთდებიან, მთლიან სახეს იღებენ.

აგრეთვე არის მომენტები გაყრისა და განაპირების: ელემენტები, რომელნიც წინათ, მთლიან ერთეულში იყვნენ მოთავსებულნი, ერთმანეთს შორდებიან და სხვადასხვა გზით იწყებენ „ვეოლუციას“, ხეტიან.

მომენტი სინთეზის „პროგრესული“ მომენტია ისტორიაში; მომენტი გაყრისა და დანაწილების „რეგრესის“ მაჩვენებელია.

ძველი პოლიციურ-მონარქიული სახელმწიფოები — ბაბილონი, ასურეთი, სპარსეთი — დაიპყრეს მაკედონელებმა: კულტურა ამ სახელმწიფოებს, დათანაწყობებული ელინიზმით, შევიდა ხმელთაშუა ზღვის ცივილიზაციაში, რომელშიც დროთა ვითარებაში ჩაისახა ქრისტიანული მოძღვრების ძლიერი ორგანიზაციები.

ანტიკური ცივილიზაცია დებულობს უნივერსალურ ხასიათს: ფსიქოლოგიურ გაშლილობასა და კოსმიზმს მატერიულ ფორმას აძლევს ცეზარების მსოფლიო ხასიათის გაქანება; მაგრამ, საშუალო საუკუნეები ფეოდალური განწყობებით არღვევენ მთლიან კულტურულ-ცივილიზაციურ მიმდინარეობას და რელიგიური პერსპექტივების ჰაერეთი ისტორიულ-რასული ტემპერამენტის მიხედვით კაცობრიობის კულტურის მთლიან მიმდინარეობას ორად ყოფს:

ერთი. მიმართულება იღებს ბიზანტიურ-აღმოსავლეთურ სახეს; მეორე — რომანულ-გერმანულს, დასავლეთურს.

ბიზანტიურ-აღმოსავლეთური კულტურა ცუდ პირობებში ვითარ-

დება — ბიზანტიას ჯერ ჯვაროსანთა ლაშქრები იკავებენ. შექმნილ თურქები, პალკანეთის ნახევარკუნძულზე სლავური სახელმწიფოება ორიგინალობას ვერ იჩენენ; რუსეთს მოძრაობის საშუალებას არ აძლევენ მონღოლები ორნახევარი საუკუნის განმავლობაში; საქართველოს სისტემატურად აობრებენ ისევ მონღოლები და სპარსელები.

რომანულ-გერმანული ცივილიზაცია გაცილებით უკეთეს პირობებში ვითარდება: საქართველო, რუსეთი და სხვა კულტურული სახელმწიფოები იფარავენ საუკუნეთა განმავლობაში ევროპას აღმოსავლეთის ურდოებისაგან; ხალხთა დიდი გადასახლების შემდეგ ევროპა დასვენებულია; მან არ იცის, ვინ არიან ჯალაღდინები, ქაიხოსროები, ჩინგისხანები, ბატეები და სხვა...

ევროპა არ წყვეტს კავშირს საშუალო საუკუნეების განმავლობაში: ანტიკურ ქვეყნებთან, ძველი ცივილიზაციის სხივოსან წარმომადგენლებთან: პლატონი და არისტოტელე ისეთივე ავტორიტეტები არიან ევროპელებისათვის საშუალო საუკუნეებში, როგორც ქრისტეს მოციქულები და წინასწარმეტყველები.

მართალია, ფანტიკურ-რელიგიური გატაცება, პაპების მრუშობა და ბერების ორდენების ლირწებრიობა კულტურული მუშაობის წესიერ მიმდინარეობას ხელს უშლიან, მაგრამ წყურვილი შემოქმედებისა და ჭეშმარიტების ხილვის, წყურვილი ცოდნისა და მშვენიერების ევროპელს ისევ ელინიზმისაკენ ეძახის: თვით კათოლიკური ეკლესია, მიუხედავად თავისი სიმკაცრისა და ასკეტიზმის, საპატიო ადგილს უთმობს წარმართულ ესთეტიკას; პარიზის ცნობილი ღვთისმშობლის ტაძრის (Notre Dame de Paris) სახურავზე კათოლიკე მხატვარს გამოყავს საუცხოო სიმბოლო სიმშაგისა და ჯიქურობის — Chimere. დონისეს კულტი დიდი ხალხით სრულდება დღემდე ევროპის დიდი ქალაქების ქუჩებში ეგრეთ წოდებული კარნავალის სახით.

საშუალო საუკუნეების იდეოლოგი, ქრისტიანი, მორწმუნე კათოლიკე დანტე ალიგიერი ანტიკური მწერლების ჯოჯოხეთში მოთავსებას ვერ ბედავს და რადგან პომეროსი, პლატონი, არისტოტელე, ციცერონი მონათლულნი არ იყვნენ, დანტე იძულებულია დატოვოს ისინი სამოთხის გარეთ, სადმე ჯოჯოხეთის მახლობლად, მაგრამ იქ, სადაც ტანჯვა არ არის.

ანტიკური კულტურის ასეთი განსაკუთრებული პატივისცემა ახასიათებს მთელს საშუალო საუკუნეებს; ტერტულიანე ლაპარაკობს: ქრისტიანული ფილოსოფია მხოლოდ კეთილშობილი დაგვირგვინებაა

წარმართული კულტურის კეთილშობილი ზრახვებისაო; მინუცი სულის უკვდავებას ამტკიცებს და ამბროსი პატივს სცემს ანტაკურ ქვეყანას და რომის რესპუბლიკის ეპოქას მშვენიერ დროს ეძახის. (Gaston Boissier *La fin du paganisme*, 254, 279, 339).

რენესანსის ეპოქა ამის შემდეგ ფსიქოლოგიურად გასაგებია: კლასიკური ცივილიზაციის გაკვლავყოფებას ნიადაგი ჰქონდა თვით საშუალო საუკუნეებშიც: ახალი საუკუნეების სოც. ისტორიული და გეოგრაფიული კოსმიზმი მთლიანობისა და ბუნებრიობის ნატურაში უფრო მძლავრად იხრება თავისუფლებისა და ესთეტიკური იდეალებისაკენ.

კლასიკური ლიტერატურა ჰუმანისტების ხელში და ბიბლია პროტესტანტების უბეში — ორი დიდი ძალაა, რომელნიც ებრძვიან მონასტრული ტრადიციების სიმშრალეს, სქოლასტიკურ უსულობას. ჰუმანისტების იდეალია მთლიანი პიროვნება, ადამიანობა სრული, დამთავრებული: პროტესტანტები და რეფორმატორები ქრისტიანული მოძღვრების ეკლესიური ფორმებისა და ორგანიზაციების განახლებას აპირებენ კულტურის საერთო მიმდინარეობასთან შეფარდებით და საზოგადოებრივი სულიერი განწყობილების აღლოს აღებით.

რეფორმაცია იყო რენესანსის ფსიქოლოგიური გაგრძელება რელიგიის სფეროში და გამოსახავდა ახალი საუკუნეების ახალ მორალს, არღვევდა კათოლიკურ-ფეოდალურ მსოფლმხედველობას და იძლეოდა პერსპექტივებს, რომელნიც აკმაყოფილებდნენ იმ დროს რელიგიურად მოაზროვნე წრეებს.

კაცობრიობა დაქანცული აღმოსავლეთში ლაშქრობით, ფეოდალური განწყვალებით, მტკიცე სახელმწიფოებრივი ორგანიზაციების უქონლობით, გრძნობს მოთხოვნილებას სულიერი განახლებისას და ახალი ფილოსოფიურ-რელიგიური პრინციპების ძიებისას.

გეოგრაფიული და კოსმოსური მსოფლმხედველობის გაფართოება, ამერიკის აღმოჩენა, ოკეანეების გაცნობა, დასაბუქდი მანქანების გამოგონება, ბუნებისმეტყველებისა და მორალის სფეროში ახალი კვლევადიებანი კათოლიკური მთლიანი მსოფლმხედველობის მაგიერ ნიადაგს უმზადებს ადამიანის ქაოსურ სულიერ დრამას, მონტენის მწარე თქმას: *que sais-je?*

რომის პაპების თეოკრატიული მმართველობის იდეალი ფეოდალიზმთან ერთად დაიღუპა და ვერც ანსელმ კენტერბერიელის *Credo ut intelligam*, ვერც თომა აკვინელის პათოსური მეტყველება, ვერც

დაგვიანებული ტრიდენტის კონგრესი ვერ ახერხებენ საშუალო საუკუნეების მსოფლმხედველობის რესტავრაციას.

თვით იესუიტისში, მისი პედაგოგიური და დიპლომატიური ცდები, მისი პოლიტიკურ-რელიგიური ზრახვები მხოლოდ ამწვავებენ არსებობის ტრაგედიის გრძნობას და ყოველგვარი უკუხედვა, ყოველგვარი სურვილი წარსულის დაბრუნებისა იწვევს წინააღმდეგობას აზროვნებისა და გრძნობის სფეროში.

ლუთერის თეზისებს, რომელიც ვიტენბერგის უნივერსიტეტის კარებზე იყო გაკრული, ფსიქოლოგიურად აყოველადებს რენესანსის ხელოვნება — ენებიანობისა და წარმართული გრძნობების ამშლელი; ტიციანის ვენერა თავისი ლალად აბორცვილი ძეძუებით ისე ებრძოდა რომის პაპებსა და ასკეტიზმს, როგორც რუსო და ვოლტერი კათოლიკობას და კლერიკალობას.

ირღვევა საზოგადოდ კვიეტური და იდილიური სულიერი წყობა და ადამიანი გრძნობს თავის უსუსურობას, უმწეობას მოვლენათა და საგანთა უსაზღვრო დენაში.

სოციალური ინტერესების წინააღმდეგობანი, ყოველდღიური ცხოვრების უაზროდ ატორტმანებული და მრუში მოძრაობა, დიადი პრინციპების და ფიქრების უშედეგოდ დაღუპვა. ჭეშმარიტებისა და კეთილშობილების დამარცხება — ყველაფერი ეს იწვევს პესიმისტურ აზრებსა და სევდას.

გაცვეთილი ფრაზა „მსოფლიო სევდა“ უფრო ღრმა ხასიათისაა, ვიდრე სიტყვიერების ოფიციალური ისტორიკოსები ფიქრობენ: მანფრედისა და ფაუსტის წუხილი, ჰამლეტის ტრაგედია, ბარათაშვილისა და ლეოპარდის სასოწარკვეთილება კაცობრიობის უკეთილშობილესი და უმშვენიერესი გრძნობის გამოსახულებაა.

საშუალო საუკუნეებში არ იყო ისე მწარე წინააღმდეგობა იდეალსა და სინამდვილეს შორის: ყოველგვარ საშინელებასა და საზიზღრობას კათოლიკობა ხსნიდა რელიგიური საჭიროებით; სისხლი, ღალატი, სიკვდილით დასჯა, წვალება — ყველაფერი მისაღები იყო, თუკი ამას მოითხოვდა ინტერესი რელიგიისა და ეკლესიური ტრადიციისა.

ახალ საუკუნეებში კათოლიკობას დაეკარგა ძალა; ავტორიტეტი ეკლესიისა დაეცა; ადამიანი მეტს ვერ არწმუნებს თავის თავს, რომ იდეალს შეუძლია გაამართლოს სინამდვილე. იქვეები იპყრობს ადამიანის სულს და ნებისყოფას ინტელექტი ახრჩობს იმიტომ, რომ ადამიანი მთლიანად არ არის განთავისუფლებული ტრადიციისაგან: გრძნობა

იმისა. რომ არსებობს უთანხმოება იდეალსა და სინამდვილეს შორის, არის მაისუი ტანჯვისა და ცრემლების, რადგან ადამიანს არ ყოფნის გამბედაობა ისტორიულ-ტრადიციულ ღირებულებათა სრული გადაფასებისა.

რენესანსი, რეფორმაცია, საფრანგეთის დიდი რევოლუცია ინდივიდუალური მთლიანობისა და უფლებრიობისათვის იბრძვიან. მაგრამ წარსულის კულტი, ისტორიულ-ლოგიკური ტრაფარეტი ანახევრებს ენერჯას ამ ბრძოლისას და მებრძოლი ივსება მხოლოდ ეჭვებით.

ჰამლეტმა არ იცის, რა ქნას და ეძებს ფაქტებს, რომ დააწმუნდეს—სად არის ჭეშმარიტება, მაგრამ ჰამლეტის ლოგიკა ტრადიციული და ყალბია; ჰამლეტი კეთილშობილი რაინდია ძიებაში, მაგრამ პრინციპი ამ ძიებისა ყალბია.

ჰამლეტს ესაჭიროება თავისი სულის დასამშვიდებლად წუთისოფლური უზნეობა გაამართლოს მორალური პრინციპების წინაშე, მაგრამ ეს მორალური პრინციპები, რომლითაც ჰამლეტი ზომავს წუთისოფლურ უზნეობას, რეალობას, ორგანულ მრუშობას, ფიზიოლოგიურ წვას, რას წარმოადგენს თავისთავად? არის თუ არა ღირებულება ტრანსცენდენტური, მარადიული იმ თვალთახედვაში, რომელსაც ჰამლეტი უეხადებს ნდობას, რომლითაც იგი ატაცებულია?

ჰამლეტს მამა მოუკლეს და სული მამისა მოსვენებას არ აძლევს მას: შურისძიებისაკენ ეძახის. სული აქ არის სიმბოლო კაცობრიობის ისტორიული მორალის, სუსტებისა და უძლურების მორალის. რა უნდა სულს? სულს აწუხებს, რომ ქალი, რომელიც მას კოცნიდა, მას ეკუთვნოდა მთელი ტანით, ახლა სხვას ჰყავს; ახლა ამ ქალს სხვა კოცნის, სხვა ეალერსება, ახლა ეს ქალი სხვისია მთელი ტანით.

მაგრამ ეს ხომ ბუნების კანონია: ბრძოლა, სუსტის დამარცხება, ძლიერის გამარჯვება; სუსტების ხვედრი ძლიერებს ეკუთვნის; ძმამ ძმა მოკლა და რძალი ცოლად წაიყვანა, მწვავე ფაქტია, მაგრამ ფაქტი მისაღები ბიოლოგიური და ფიზიოლოგიური თვალთახედვით.

სქესობრივი წვა, მზიდარულობა ვნებათა, ფიზიოლოგიურ-ნერვული რეალობა, განცდა, ნდომა მიკარებისა, შეერთებისა — ეს ხომ სალი სხეულის თვისებებია, თვისებები მოუშორებელი.

მხოლოდ ჰამლეტის მამის სული მსჯელობს როგორც ლუარსაბ თათქარიძე ძილში: თათქარიძეს ესიზმრება, ვითომ მოკვდა, საფლავეში ჩაასვენეს და მარტოდ დარჩა, მას აწუხებს ის, რომ ცოლი, მისი დარეჯანი არ ჩაჰყვა საფლავეში.

ჰამლეტის მამის სულიც ეგრე სჯის: ტრადიციული მორალი, ლოგიკა საუკუნეების მეშჩანურო, ფილისტერული ფსიქოლოგია მოდგმათა თხოულობენ, რომ ძმას არ ჰყავდეს ცოლად ძმის ქერვი, მაგრამ ამ ლოგიკას, ამ მორალს ავიწყდება, რომ ქალისადმი ტრფიალება თავისთავად არ ემორჩილება არც მორალს, არც ლოგიკას. სასოვადოდ ცხოვრებას არ უდგება არც ჩვენი მორალი, არც ჩვენი ლოგიკა: ჩვენი მორალი, მისი პრინციპები, ჩვენი ლოგიკა, მისი კატეგორიები მხოლოდ ჩვენი წუთისოფლური ჩვეულებების შედეგია; ჩვენი ჩვეულების გარეშე ჩვენს იდეალებსა და პრინციპებს არა აქვს არაერთარი საფუძველი, არაერთარი რეალობა; ფორმები ჩვენი მორალისა და აზროვნების ისე იკეცება ჩვენს ნერვულ-ფიზიოლოგიურ თვისებებში, მათ ჩვეულებებში, როგორც ტანისამოსი, რომელსაც ჩვენ ყოველდღიურად ვატარებთ და რომელიც თანდათანობით ღებულობს ჩვენი ტანადობის გამომსახველ ფორმას, რასაც სპენსერი შეფარდებულობის კანონს ეძახის, ის ბოლოს და ბოლოს ორგანული ჩვეულების კანონია.

სული ჩვენი უნდა შეეჩვიოს მწვერვალებისა და სიღრმეების დანახვას, როგორც ჩვენი ტანი ეჩვევა შემოდგომის სუსხში ნოტიო ჰაერეთს: წუთისოფლური ღირებულებები—ოჯახი, ნათესაობა, სიყვარული, იმედი, აღერსი, შეგობრობა იდილიურ-კვიეტური ცნებებია — ისტორიული მეშჩანიზმის გამომსახველი:

ტრაგედია ინდივიდუალიზმისა ბოლოს და ბოლოს ჩვეულებათა ტრაგედიაა და იმ დღიდან, რა დღესაც ადამიანი დარწმუნდება, რომ ბოროტება და სკეტე ისტორიაში ისეთივე მოვლენებია, როგორც სითბო და სიცივე ფიზიკაში, შეგრძნება არსებობის სიმწარისა ჩვენში განახეერდება.

ქვეყანას არა ჰყავს მმართველი, ქვეყნის გარეშე რომ იდგეს და ისე აწესრიგებდეს ქვეყნის მიმდინარეობას — საგანთა და მოვლენათა დენას; ტრანსცენდენტური, გარესკნელური მიზანი ცხოვრებას არა აქვს; ჩვენ ვერ ვამჩნევთ კულტურის ისტორიაში განსაკუთრებულ აზრს, მიზანს; ყოველი ერო, ყოველი საუკუნე, როგორც ლეონის კონდენსატორი, დატვირთული ბიოლოგიური ენერგით, იცვლება და შემდეგ უმიზნოდ უსაზღვროებაში იკარგება: იყო ბაბილონი, მას ჰქონდა სახელმწიფოებრივი ორგანიზაცია, ჰყავდა მმართველები, იქმნებოდა მეტყველება, ლატერატურა, ინდუსტრია: სიყვარული, ვნებათა ღელვა, ილუსიები, ვრძნობება ამშვენებურკბდნენ, ასახეობდნენ მწაწყალს, მინდორ-ველებს, ქალაქებსა და სოფლებს, იყო ეგვიპტე ფარა-

ონებით, მოგვებით, სფინქსებით, წვერაღებით, იდეალებით; ელადა თავის მშვენიერი ღმერთებით, ტრაგედიული მითებით და ლამაზი განცდებით; რომი ძლევამოსილი გაშლილობით და გამბედაობით, ორატორებით და იმპერატორებით იყვნენ და აღარ არიან? დარჩა არსებობისა და დიდების ნანგრევები მოწყენილი, დაღრევილი: დარჩა ისტორიული თქმები, დებულებები სავარგონი მხოლოდ გიმნაზიური მკვერმეტყველებისათვის; საუკუნეები გაივლის და გაქრება: სხვა საქმეები, სხვა დროის ლეგენდები დაიკავებენ მათ ადგილს.

ვის ახსოვს დღეს რომელიმე ძველი ელინის თავის ქალა, სადაც მოთავსებული იყო ლამაზი იდეალები და ოცნებები? საუკუნეთა წვიმები და გეოლოგიური ნაკეციები ფარავენ ინდივიდუალურ ვინაობას, მის კეთილშობილ განცდებსა და მისტიკურ შორეულობაში გააზრებულ ლანდებს. დაკარგული ვართ უფსკრულში; სადაც ვქანაობთ, ვირყევით, ვღელავთ, იმედებში ვართ და იმედებით ვიღუპებით, ვიგონებთ სქოლიოებსა და კატეგორიებს, ჩვენს ილუზიებში შექმნილ კერპებს ვემორჩილებით, ვთერებათ იდეებით, როგორც ალკოჰოლით და ბოლოს კერპებსაც და იდეებსაც ვიცვლით, როგორც ტანისამოსს.

ჩვენს „მე“-ს ჩვენვე ვკლავთ და სიახლის მაცდურ დაპირებებში ვებრძვით დამტკიცებულსა და მიღებულს...

კარგად ამბობს დოსტოევსკის რასკოლნიკოვი: „მე ქალი არ მომიკლავს, მე პრინციპი მოვკალიო“. პრინციპი შეცნობილი ჩვეულებათა ლოგიკური სინთეზია და როგორც ასეთი ინტელექტუალური კულტურის ნავთსაყუდელს წარმოადგენს. მხოლოდ ამ მდორე ნავსაყუდელში იხრჩობა ხალისი და სიცოცხლე ჩვენი ყოფისა; რაც უფრო მალე გავა აქედან მღელვარე ოკეანეში კაცობრიობის სული, რაც უფრო მივენდობით აფექტებს, სტიქიურ-კოსმოსურ ყომარბაზობას, მით უფრო ლამაზი იქნება ჩვენი არსებობა წუთისოფლად.

ჰამლეტის ტრაგედია ისაა, რომ ხომალდი მისი აზროვნებისა ისტორიულ-ლოგიკური ტრადიციის მდორე ნავსადგურში დგას: ჰამლეტი ვერ კლავს პრინციპს, მხოლოდ ეძებს და ემორჩილება, შურიანობს და ნაღვლიანობაში იხრჩობა, როგორც ილია ჭავჭავაძის მეურმე, რომელიც თავისი უძღურების გამო შურით ხარებს უტყლამუნებს შოლტებს.

ნაპოლეონსა და ცეზარს შეუძლიათ ათასების დახოცვა ბრძოლის ველზე ფეტიშება-სა და ყალბი ღმერთების სახელით, რასკოლნიკოვს და ჰამლეტს კი თითო ადამიანის მოკვლაც ეძნელებათ. ტრაგედია ინდივი-

დუალობისა მხოლოდ ჩვეულების ტრაგედიაა და ვინ იცის, შეიძლება ყველაფერი, რითაც ჩვენ წუთისოფლად თავს ვინუგეშებთ, მხოლოდ ლანდური ჩვენებაა ტკბილი ჩვეულების, მეშჩანური იდილიის.

ფილოსოფოსმა ვუნდტმა პატარა ძალღი შეაჩვია ჯონზე ხტუნვას: როდესაც ფილოსოფოსი ძალღს ეტყოდა: „ჰოპ“, ძალღი ჯონს გადაახტებოდა. ერთხელ ვუნდტმა ძალღს უბრძანა უჯონოდ ხტუნვა, „ჰოპო“, — უთხრა ფილოსოფოსმა ძალღს, მაგრამ ძალღი, შეჩვეული „ჰოპის“ დროს ჯონის დანახვას, არ დაიძრა ადგილიდან და სულელურად შეჰყურებდა პატრონს, — თითქოს საყვედურობდა თვალებით — ვის გაუგონია „ჰოპ“ უჯონოდ?

ფილოსოფოსის ჯონი სიმბოლოა ორგანული ჩვეულების. ტრადიციის პრინციპის, კერპის: ჩვენც გვიკვირს, როდესაც ცხოვრება უბრინცოდ (უჯონოდ) გვახტუნებს.

პროგრესი არ არსებობს

არსებობს თუ არა პროგრესი? — ასეთი საკითხი ბევრს უსაფუძვლოდ მიაჩნია: — არსებობს, რა თქმა უნდა; ქალაქების გაშენება, რკინიგზები, ტელეფონები, ტელეგრაფები, აკადემიები და სამეცნიერო ლაბორატორიები, ფუფუნების საგნები — განა ყველაფერი ეს კაცობრიობის წინსვლის ნიშანი არ არის? პროგრესი არსებობს: ისტორია თანდათანობით აგროვებს ფაქტებს, მასალებს: ერები გამოდიან პირველყოფილი მდგომარეობიდან, ტოვებენ ტყეებს და აშენებენ ქალაქებს, სწავლობენ, იძენენ ცოდნას, აკეთებენ გზებს, ხიდებს, ეცნობიან ერთმანეთს — განა ეს პროგრესი არ არის შედარებით იმ მდგომარეობასთან. რომელშიც კაცობრიობა იმყოფებოდა რამდენიმე ათასი წლის წინათ; ეს მდგომარეობა უკეთესია, უფრო ლამაზია და მისაღები, უფრო ხელს უწყობს საერთოდ კაცობრიობის გაკეთილშობილებას, მაშ პროგრესი არსებობს: ასეთია ლოგიკა კაცობრიობის.

მართალია თუ არა ეს ასრ? ხდება თუ არა საერთოდ ცხოვრების ელემენტების გაკეთილშობილება?

სახელმწიფოებრივი ფორმა არსებობისა უარყოფს პროგრესის დეას: ისტორია გეიმტყიცებს, რომ მას შემდეგ, რაც სახელმწიფოები არსებობენ. არის განუწყვეტელი ბრძოლა და ომი სახელმწიფოთა შორის. ომის დროს ხდება შეჩჩევა არა უკეთესი ელემენტების. არამედ

ისეთი ელემენტების, რომელნიც საერთო ცხოვრების გაკეთილშობილებას ხელს უშლიან: ომი მოითხოვს, რომ უკეთესები, ტანსაღები გამოვადნენ ბრძოლის ველზე და ეს ტანსაღი ხალხი ხოცავს ერთმანეთს იმ დროს, როდესაც სუსტნი, ავადმყოფნი შინ რჩებიან, ამრავლებენ ავადმყოფ მოდგმას, თაობებს; უკეთესი, უმშვენიერესი ელემენტი ისაობა; სუსტი, უარესი ფიზიოლოგიური და ორგანული სიმახინჯის განსახიერება აგრძელებს თავის არსებობას თავისი ავადმყოფი თესლით. განა კაცობრიობის ინტერესი მოითხოვს, რომ უკეთესი და უმშვენიერესი ელემენტი დაიღუპოს და ცუდი დარჩეს?

სად არის აქ წინსვლა?

ავიღოთ ცივილიზაციის მეორე თანამდევნი თვისება: გაქალაქების პროცესი, შემჩნეულია, რომ სახელმწიფო, ერი მით უფრო კულტურულია, მით უფრო პატივცემულია, მით უფრო მეტი ღირებულების მატარებელია საერთო თვალთახედვით, რაც მეტი ქალაქებია იმ მიწა-წყალზე, რომელიც უჭირავს ერს, სახელმწიფოს.

მაგრამ ყოველი ქალაქი არის ერთგვარი საავადმყოფო: ქლექი, რევმატიზმი, ნევროზი, ლუესი უფრო ქალაქშია გავრცელებული, ვიდრე სოფელში. პარაზიტება გადამდებ სნეულებათა სწორედ ქალაქში მრავლდება. სოფლის ჰაერი კლავს პარაზიტებს; ქალაქის აყროლებული ჰაერი მათ ამრავლებს. სოფლიდან მოსული ტანსაღი ელემენტი, ტანსაღი ადამიანის მეორე, მესამე მოდგმა ქალაქში უსათუოდ ავადმყოფდება ან ქლექით, ან ნევროზით, ან ლუესით ან სხვა რამე გადამდები სენით, შეიძლება ითქვას თამამად: რაც მეტი ქალაქია იმ მიწა-წყალზე, რომელიც ერს უჭირავს, მით უფრო ავადმყოფია ერი, მით უფრო ახლოა იგი განადგურების კართან. გაქალაქებას თან სდევს დეგენერაცია, ორგანული გადაშენება, ხრწნა... ქალაქი ბუდეა საშინელებას, ავადმყოფობის, ქალაქი ბუდეა ტრაგედიისა; კულტურა, ცივილიზაცია გამოიხატება ქალაქების მრავლობაში, მხოლოდ ყოველი ქალაქი მომასწავებელია უბედურების, ავადმყოფობის, დეგენერაციის. პარიზი, ბერლინი, ლონდონი — ცენტრებია კაცობრიობის ტრაგედიისა: ქლექი, ლუესი, ნევროზი ანადგურებს კაცობრიობას ამ ცენტრებში. სოციალური შერჩევა ომის დროს და გაქალაქების პროცესი ისტორიაში უარყოფს პროგრესს, კაცობრიობის ორგანულსა და ცივილიზაციურ გაკეთილშობილებას.

მეტყვიან: მეცნიერება და მისი ღირებულება ხომ უდავოა? ჩვენი ხომ ახლა მეტი ვიცით, ვიდრე ჩვენმა წინაპრებმა იცოდნენ? მედიცინა,

ასტრონომია. ბუნებასმეტყველება ჩვენი შემეცნების თანდათანობითი განვითარების მაჩვენებელია... დადგება დრო, როდესაც ჩვენ ყველაფერი გვეცოდინება.

— ჩვენი შემეცნება მხოლოდ გარეგნულად არის დიადი და თვალსაჩინო: არსებითად ჩვენ იმაზე მეტი ბევრი არაფერი ვიცით, რაც ეკოდნენ საბურქანეთში არისტოტელეს დროს; ჩვენ დღესაც ბევრი რამე არ ვიცით: ჩვენი გარეგანი გრძობათა ორგანოები სუსტია სამყაროს რაობის შესაცნაურებლად, მიკროსკოპი, გამაღილებელი შუშა ამის დამამტკიცებელია: როდესაც ჩვენ მიკროსკოპში ვიხედებით, ვხედავთ, რომ საგანი ისეთი არ ყოფილა, როგორც მას ჩვენ ვხედავთ ჩვეულებრივად, მას ისეთი სახე აქვს, როგორის მიღება შეუძლია ჩვენს მხედველობათ აპარატს; ჩვენ რომ სხვანაირი თვალეები გვქონდეს, მაშინ საგანიც სხვა სახის იქნებოდა; სამყარო, რომელსაც ჩვენ ვხედავთ, არის მხოლოდ ის სამყარო, რომლის დანახვა შეუძლია ჩვენს თვალებს.

ვერავინ დაგვიდგება, რა თქმა უნდა, იმის თავდებად, რომ ჩვენი თვალეები სწორად ხედავენ სამყაროს რეალობას. ორგანული ევოლუციის თანდათანობით სახეცვლილებამ შექმნა ჩვენი გარეგანი გრძობათა ორგანოები, ერთგვარი ფანჯრები, ერთგვარი ღარები, რომლებითაც უთვალავ წელთა განმავლობაში მოძრაობდნენ სტაქიურად, ბიოდინამიკურად პირველყოფილი პროტოზოები და სპერმები, მაგრამ ფანჯრები და ღარები შეიქმნა მხოლოდ შესაძლებლობის ფარგლებში და არც ერთ ჩვენს ორგანოს იდეალური სახე არა აქვს. მიზანშეწონილობას და იდეალობას ბუნება დასცინის, ენა და მორალი — ადამიანის სამყაროს ენა და მორალი არ არის!

სვედენბერგმა, ჰოლანდიელმა მეცნიერმა, რომელმაც პირველად ჩაიხედა მიკროსკოპში, აიღო და დაწვა ყველაფერი, რაც მას ჰქონდა დაწერილი: გამაღიებელმა შუშამ დაარწმუნა, რომ მისი წმინდა გონების კატეგორიები, რომელნიც იყვნენ აშენებულნი მისი მხედველობითი აპარატის ასახვაზე, ტყუოდნენ და სამყაროს ჰქონდა სხვა სახე, არა ისეთი, როგორც მას ეჩვენებოდა და როგორც მან აღწერა...

✓ ჩვენი ცოდნა, მთელი ჩვენი მსოფლმხედველობა იმაზე არის აშენებული, თუ რა სახისაა ჩვენი ორგანულ-ფიზიოლოგიური ჩვეულება: თანდათან გაფართოება, თანდათან გაღრმავება ორგანული ჩვეულებისა არის საფუძველი ჩვენი აზროვნებისა; ✕

სულის აქტუალობას ქმნის მემკვიდრეობით მიღებული ენერჯია ორგანული ჩვეულებისა.

ქმსოფლმხედველობა ადამიანის ჩვეულების განვითარების ნაყოფია. აბსოლუტური, უნივერსალური ხასიათი ჩვენს შემეცნებას არა აქვს: ჩვენი სული ჩვენი ორგანული განცდის აორთქლებდა... ჩვენი იდეები უფრო ჩვენს ნერვულ სისტემასთან არიან დაკავშირებული, ვიდრე სამყაროსთან. ამიტომ რამდენი მოაზროვნეა წუთისოფლად, იმდენი სხვადასხვა თვისებები მიეწერება სამყაროს: სპინოზა ყოველგან ხედავს მათემატიკურ ღვთაებას, ბერგსონი სტიქიურ ძალთა ათამაშებას (elan vital), კანტი უკავშირებს მოვალეობის იდეას ვარსკვლავებსა და სივრცის ესთეტიკურ ჰერეტას. ყოველი ფილოსოფოსი თავისი ორგანულ-ესთეტიკური განცდის ფანჯრიდან იყურება სამყაროში და ყოველ მათგანს ეს ქვეყანა ეჩვენება იმ სახით, რა სახეც უფრო შეეფარდება მის ორგანული ჩვეულების დენას, ჩვენ ვუახლოვდებით ქვეშარიტებას მხოლოდ ილუზიის ფარგლებში: მიუხედავად იმისა, რომ ბევრი უჯრედი და ხვეული შევისწავლეთ, ჩვენი დამოკიდებულება ბუნებასთან ისეთივეა, როგორც იყო შორეულ წარსულში. ბევრი რამ წინათ არ ვიცოდით და დღესაც არ ვიცით. მიუხედავად ჩვენი მეცნიერული და აკადემიური გაჭიანობისა, ჩვენზე ისე ბატონობს შემთხვევათა გრძელი რიგი, როგორც ბატონობდა ადამიანზე მრავალ საუკუნეთა წინათ.

რაც უფრო შორს მივდივართ ჩვენს კვლევა-ძიებაში, მით უფრო საშინელია ეს ცხოვრება; ჩვენ თითქოს შევდივართ დაუსრულებელ სამხეცეში:

სხვადასხვაგვარი მიკრობები სხვადასხვანაირად ირახმებიან ჩვენ გარშემო, ახალ-ახალ სახელებს ვარქმევთ მათ, ვებრძვით დროგამოშვებით, მაგრამ ვემორჩილებით ბოლოს და ბოლოს...

სამყაროს ნახევარზე მეტი მიკრობებს ეკუთვნის, პარაზიტები ჩვენში და ჩვენ გარშემო ისე დასერიანობენ, როგორც მეფეები თავიანთ სასახლეებში. ჩვენ ვეცნიერს, რომელიც ქვეყნის შემეცნებას ცდილობს, სიცოცხლეს უსპობს ხშირად უბრალო ტილი, უბრალო ხიწვი, თუ არსებობს ქვეყნად მიზანშეწონილი წინსვლა, თუ არსებობს ბუნებაში პროგრესი, თუ მართლა ბუნების მიზანია კეთილშობილი და უკეთესი ელემენტების გაჩენა, მაშინ რა საჭიროა ადამიანის შემდეგ პარაზიტების გაჩენა? ზოგიერთი გვარის ტილები, ვენერიულ სნეულებათა მიკრობები გაჩნდნენ, ცხადია, ადამიანის შემდეგ. თუ ბუნებამ შეცდომით შექმნა ადამიანის გაჩენამდე მორიელი, რწყილები და სხვა გვარი მავნე ცხოველები, შეიძლება ეს საჭირო იყო ორგანული ევოლუციისათვის, მაგრამ სრულებით ვაუგებარია ადამიანის გაჩენის შემდეგ პარაზიტ-

ბის გაჩენა: ეს იმას ნიშნავს, რომ ნაპოლეონისა და ლუესის მიკრობებს ბუნება ერთნაირად უყურებს და მათ შორის განსხვავებას ვერ ხედავს. ნუთუ ნაპოლეონი უფრო კეთილშობილი სახე არ არის შემოქმედებითი ევოლუციის, ვიდრე ლუესის მიკრობი? პარიზში ცხოვრობენ ბერგ-სონებიც და სუს.ჟნატის ჰონოკოკებიც. რად ესაჭიროებოდა შემოქმედებით ევოლუციას? რა საჭიროა M-III სევენიეს სხეულთან. ოთახში ბინადრობდეს საზოგადოებრივი მორიელი? მაგრამ, კიდევ უფრო უაზრობა არაა განა სასქესო ორგანოს არსებობა იმ ალაგას, სადაც იგი არსებობს? განა ლეთიური ცახცახი, რომელსაც ჩვენ განვიციდით სქესობრივი მოთხოვნების დაკმაყოფილების დროს, უფრო ლამაზი და ესთეტიკურად მისაღები ადგილით არ უნდა იყოს გაღიზიანებული? ეტყობა ჩვენი ესთეტიკა, ჩვენი მორალი, ჩვენი კატეგორიები ბუნებასათვის უცნობია და თქმულება პროგრესისა და საერთო ცხოვრების მიზანშეწონილობის შესახებ ერთგვარი ზღაპარია, შექმნილი იმ დროს, როდესაც ადამიანს ენატრებოდა მყუდრო, მეშინაურად აწყობილი, ტკბილი ცხოვრება, ცხოვრება სავსე იდილიებით. ფილოსოფია, მისი მოვალეობის იდეა, მისი კატეგორიები ერთგვარი გამომხატველია კაცობრიობის მეშინაური სულიერი განწყობილებისა. პროგრესისა და მიზანშეწონილობის იდეა მხოლოდ ისტორიული ზღაპარია.

ისტორია არის შემთხვევათა გაქანების პროცესი, შემთხვევების კოლოსალური რყევა; ამ დაუსრულებელ რყევასა და გაქანებაში არ არის შესვენება, არის ქარიშხალი, ხეტიალი, გარდაქმნა, სახეცვლილება; ადამიანები, მათი კულტურა, ცივილიზაციური ღირებულებანი, საუკუნეები, აკადემიები, დიდი ქალაქები დროული, შემთხვევითი ფორმებია ყოვლობის მარადიული ხეტიალისა. სხვადასხვა დრო, დაწესებულებანი, ღირებულებანი, კულტურული ტიპები, მართალია, დაშლილ ელემენტებად შედიან ახალ მიმართულებებში, როგორც ბაბილონელების ასტრონომიული ცნებანი, როგორც ელინების მსოფლმხედველობა ევროპის კულტურაში, მაგრამ მთლიანობა, ინდივიდუალობა, სახეობა კულტურულ-ცივილიზაციური იკარგება ყოფის დაუსრულებლობაში და ისტორიული ეპოქა, მისი სული და იდეა წარმოადგენს სამყაროში ტრაგედიულ ეფემერობას, რომლის ნაწილები მარადიულ ხეტიალში ერთმანეთს ვერ ცნობენ და რომელსაც ეკარგება წუთისოფლური ინდივიდუალური მოფარგლულობა.

ჩვენ ვიცით ცივილიზაციური სტრუქტურა. ეკონომიკური ტიპები, სასელმწიფოებრივი ფორმები შველი ქვეყნების, მაგრამ, ჩვენ ვიცით

მხოლოდ შემთხვევით დარჩენილი მასალებით; მეფეები და დიდი მოღვაწენი, წინასწარმეტყველები და მოგვები, მეცნიერები და ფილოსოფოსები აკეთებდნენ თავიანთ დიდსა და საკაცობრიო საქმეებს შემთხვევით: ნიუტონს რომ მაგარი სურდო დამართოდა იმ დღეს, რა დღესაც მას თავში მოუვიდა იდეა მიზიდულობის კანონისა, შეიძლება შემდეგ სრულებით არ დაფიქრებულყო ამ კანონზე. და კაცობრიობას შეიძლება დღესაც არ ჰქონოდა გარკვეული წარმოდგენა სამყაროს მოძრაობის შესახებ.

ნაპოლეონის მამა რომ დამთვრალიყო იმ დროისათვის, როდესაც ნაპოლეონი ჩაისახა დედის მუცელში. შეიძლება თვით ნაპოლეონი რაქიტინი და რეგვენი ყოფილიყო, როგორც ჩვეულებრივად ხდება ალკოჰოლიკების ოჯახში.

შემთხვევითია ყოველი წარმოსახვა, შემთხვევითია ყოველი მოქმედება, მოძრაობა და ფორმა: გარკვეული, განსაზღვრული, სწორი ლოგიკური და მიზანშეწონილი პლანეტარულ ყოფაში არაა არის; კულტურულ-ცივილიზაციური აპქრიალება და ნერვული ლაყლაყი შემთხვევათა დემონური თამაშია და რაც არის ისტორიაში, არის მხოლოდ იმიტომ, რომ შემთხვევათა დენამ წარმოშვა.

არც თეოლოგიური, არც იმანენტურ-ტელეოლოგიური აზრი და მიზანი ჩვენს ყოფასა და კულტურას არა აქვს წუთისოფლად.

იყო დრო პრეისტორიული: ადამიანი ცხოვრობდა გამოქვაბულებში, დადიოდა შიშველი; მხეცის ტყავის გაძრობა მისი იდეალი იყო: მას ჰქონდა ერთადერთი იარაღი — ქვის ნაჯახი; ადამიანი არ იცნობდა დედამიწის სიმდიდრეს, ნივთების თვისებებს; ჰაერეთის მოკლენები მასში იწვევდა გაკვირებას; მიწის დამუშავება არ შეეძლო, მრეწველი ვერ გახდებოდა; შიშველი, ღარიბი, ალქატი, მშვიერი ადამიანი დადიოდა ტყეში, ისვენებდა წყლის პირად.

გრძელი რიგი პრეისტორიულ მოდგმათა გაჰყვა ეამთა დენას; შეუცნობელი, გაურკვეველი ბურუსი ფარავს შორეული წარსულის კულტურას, წინაისტორიულ ეონებს.

ცივილიზაცია ეგვიპტური, ქალდეური, სპარსული, ელანური და რომაული რიგ-რიგად გადიან ისტორიიდან. მსოფლიო კულტურის დიდი ქალაქები: თებესი, სპარტა, კართაგენი, ათინა, რომი ტოვებენ ნანგრევებს: კაცობრიობა მაინც ჭიუტად იბრძვის; მეცნიერები არკვევენ მატერიის თვისებებს, კოსმოსურ სფეროებს, ერები აშენებენ ქალაქებსა და სახელმწიფოებს, ქალაქთა შორის გაჰყავთ გზები, გვირაბები, მავ-

თულები; აშრობენ ქაობებს და ქანჭრობებს; ქალაქებში აკეთებენ სახლებს, სასახლეებს, მუზეუმებს, პანსიონებს. ქარხნებში ამზადებენ საჭირო ნივთებს და საგნებს; ფერმებში საქონლებს და ფრინველებს ამრავლებენ; აღნობენ მადნებს, წურავენ სურნელოვან მცენარეებს; კოსმეტიკურ სითხეებს კონსერვებად აწყობენ; სამკურნალო მარილებს წმენდენ ქიმიურ ლაბორატორიებში.

ხომალდები აერთებენ კონტინენტებს და ოკეანეებზე ლაღად დასეირნობენ; რადიო მიარხვეს ჰაერეთის ტალღებს და კუნძულები ერთმანეთს დაშორებულნი, გარკვევით ლაპარაკობენ ერთმანეთის გასაგონად.

ბაღები, ბოსტნები, ამწვანებული მინდორ-ველები, ხეხილი; რკინიგზებით დასერილი და ელექტრონით განათებული აგარაკები; დიდ ქალაქები თეატრებით, ვიტრინებით და ქვაფენილებით, მეცნიერებით, პოეზიით და ფილოსოფიით — აი დღევანდელი სახე მსოფლიო კულტურის.

მაგრამ, უკუღმართ წუთისოფელში ადამიანი დღესაც ისე უბედური და საცოდავია, როგორც პრეისტორიულ ეპოქებში: შიში და აგონია დღესაც წვაეს ადამიანის ნერვებს; უსამართლობა და წინააღმდეგობა დღესაც კლავს ადამიანის ნებისყოფას. თუ ტროგლოდიტს ეშინოდა მხეცებისა და გველების, დღევანდელ ადამიანს მიკრობებისა და ტილების ეშინია.

ნიუტონებს და პასკალებს ბუნება ისე ხოცავს და ამრავლებს როგორც მორიელებსა და ჰონოკოკებს.

ჯიშებისა და გვარების ევოლუცია სიკეთესა და ბოროტებას ისე ითმენს, როგორც ჩვენ ვითმენთ სიცივისა და სითბოს ცვალებადობას. X სამყაროს აზღვავებულ ძალთა გაქანებაში ადამიანი თავისი ფორმულებით და ქიმერული წრეწირებით საცოდავია, საზიზღარი რომ არ იყოს თავის ფლიდობით, ცუდლუტობით, პრანქიაობით და ფიზიოლოგიური მოყვანილობით. X

არასოდეს კაცობრიობის წარსულში გულშემატკივრობას და თანაგრძნობას არ ჰქონია ადგილი, და სწორედ ამაშია ცხოვრების საშინელება — ადამიანის მორალისა და სინამდვილის — უთანხმოება: ერთი რომ საფლავეში მიდის და ფერფლად იქცევა, მეორე ეროსის ცეცხლში იძირება, პირველყოფილ ძალთა სიგიჟისა და ნეტარების მორევში ბანაობს; ერთს რომ სიყვარულის და ბედნიერების ბუღბუღი უმღერის, მეორეს მამინ ცხოვრების თავშეუკავებელი და უზნეო დემონი ჯოჯო-

სეთისაკენ მიაქანებს; ერთი რომ სივრცეში მიმოფანტულ მნათობთა გუნდების ჰერეტიკთ ტკბება და უთვალავ ყუაეილთა სუნთქვით ძღება. მკორეს მაშინ პარი ევსება ქუბითა და ბუჩქით.

აღამიანი — პოეზიისა და ფილოსოფიის საუნჯე, ჰუმმარიტემათა ზვიადი მეტყველი, კულტურისა და ცივილიზაციის მესაჰე, ჰუჰყიანი, სუნიანი და მყარლია, როგორც ტაბასტიანი დედაკაცი.

ოჯახი, ცოლი, შვილი, ნათესაობა, სახლი, სამზარეულო, კულტურა ჩვეულებებით გატკბილებული სახელებია. წუთისოფლური ჰუჰყი და სუნი უნდა გეზიზღებოდეს, თუ ხარ კეთილშობილი...

მარადობაში ჩვენი ოჯახი და სიყვარული, ნათესაობა და მეგობრები ისე გაიფანტება, როგორც ცეილონის კუნძულზე ქარიშხლის დროს ტყეში დამხრჩვალ ბელურის ფრთები...

ჩვენი სული და გონება სოფიზმებითაა დაბლანდული, კაცობრიობას არა აქვს შინაგანი შედღეება, ერთეული სული; არსებობენ ეპოქები, არ არსებობს ისტორია: თითქოს როგორც გრანდიოზული მძიმე არტილერია, სახვე ცეცხლით და ენერგიით, ღელავს და ორთქლდება სამყარო: ჰლექის მიკრობები და სოკრატეები, რღევეის დემონები და კეთილშობილი სულები ერთნაირად დაძრწიან, შემთხვევებს ერთნაირად ემორჩილებიან.

გაივლიან რა ჩქარსა და უაზრო ცვლილებებს, დაღლილი, დათენთილი ერები შეუცნობელი უფსკრულისაკენ მიექანებიან — როგორც აცეცხლებული ლეგენდარული არმია მადიებელი სულებისა, (ჩვენ გამოვდივართ არარაობიდან და შემოვირბენთ რა ქარიშხლიანი გაქანებით ჩვენს ყოფას, ჩმახსა და უთავბოლოს, ისევე არარაობაში ვიკარგებით.)

მარადისობის იღმა

საღამო ჟამს, როდესაც დიდი ქალაქის ქუჩებში ჩოჩქოლი დაწყნარდება და სივრცეში შორიდან აიშლება ძალღების სევდიანი ყეფა, სულ ჩვენი ატორტმანდება და გული ნერვიულად შეიკუმშება; საუკუნეთა კარები ლანდურ ჩვენებაში გაიღება: ერებსა და სახელმწიფოებს, სხვადასხვა დროის ღმერთებსა და ლეგენდებს, მეტყველების სისტემებსა და ჰიპოთეზებს რაღაც მწუხრული ზეწარი გადაეფარება. ატირდებიან ხეები, ფოთლებში ამრიალდება ენტელექიის რიტმი და მდინარეები

ნელად აორთქლდებიან, თითქოს ნერვები ყოვლობის გრანდიოზული სხეულს. რომელიც დაუსრულებლად იწვის და ღელავს, განიცდის და კვამლდება. დიდი ქალაქის ნოტიო დინჯად აღრუბლება და ყოფა ადამიანისა ამ ბურუსით ვარშემორტყმული, თითქოს იძირება გაურკვეველსა და უთავბოლო ნირვანაში.

სამყარო იწყებს ლოცვას: მინერალების ბუხბუხი, მცენარეების შმორება, პირუტყვების ღელვა, ადამიანების განცდა ღეთიური რყევით უნივერსალური სულიერობის, ყოვლობის ენტელექტის. ჩვენს ნერვულ სისტემაშიც იღვიძებს სურვილი განყოვლადების, სურვილი სავსე სინაზით, სავსე ალერსით და წყურვილით.

არც ერთი ბოროტი აზრი, არც ერთი ცუდი ფიქრი ჩვენში აღარ არის... სივრცე, კაცობრიობა, ქალაქი, სახურავები სახლებისა და ქუჩების აგუგუნებული ტროტუარები მარადობის იდეით ივსება: თითქოს უხილავი ატომები ჩვენი განცდისა და სულის მღელვარებისა ეფინებიან წუთისოფელს, საგნებსა და მოვლენებს; თითქოს ჩვენში ალაპარაკდნენ ჩვენი წინაპრების დაუქმყოფილებელი სურვილები, თითქოს ჩვენში ამღერდნენ დაღუპული სახელმწიფოები, ერები და ბიოლოგიური ტიპები.

ადამიანთა შორის მტრობა და ლაღვა, წუთისოფლის ქორები და ინტრიგები სასაცილო და საზიზღარია ამ წუთს დაუსრულებლობის წინაშე:

გაუგებარია, რატომ ადამიანი ადამიანს ახრჩობს; რა საჭიროა ქვეყნად ამდენი ცრემლი, ამდენი წვალება და ერთმანეთის დევნა: ქვეყანა დიდია, არსებობს მარადიული, მოძრაობა დაუსრულებელი, პლანეტარული სახეცვლილება უსაზღვრო, ჩვენი ინდივიდუალური ყოფა კი წარმავალი, ხრწნადი და უსუსური...

მზემ სირცხვილი არ იცის — რამდენი საუკუნეა დაპყრებს გულგრილად დედამიწასა და მის ცოდვებს.

პირველყოფილი ქაოსიდან ადამიანის კულტურამდე დიდი და გრძელი გზა გასული, გზა ოღროჩოღრო.

არსები და მოვლენები ყოველ წუთს იღუპებოდნენ და დღესაც იღუპებიან ამ გზაზე.

ლეპიდონდრონებისა და იქთიოზავრების ეპოქა, გეოლოგიურ-ველკანური ღელვანი, ტრიოგლოდიტების ხეტიალი და შიში, სახელმწიფოების დაღუპული იმედები, ოლიმპოს ასხივოსნება, ღმერთების, გმირე-

ბის და იმპერატორების ტრაბახი, მეცნიერება, სოფიზმები—ყველაფერი ღეგენდაა. ტანჯული სულის ღეგენდა.

ჩვენი ქიმიის და ფიზიკის კანონები, მათემატიკის ფორმულები და ლიბრეტები მოხერხებული თქმაა კოსმოსური ღეგენდასა, მხოლოდ თქმა, ზღაპარი... თავის ქალა, რომელშიც დღეს მოთავსებულია დიადი აზრები და იდეალები, რომლებიც დღეს ერთგვარი საყდარია ბუნების მოვლენებისა, ხვალ მტვრად იქცევა და ქია-ღუებით ივსება.

ჩვენი ზვიადი და გაპრანჭული ყოფიდან რჩება მხოლოდ ერთი მუქალა მტვერი და ვინ იცის, სამყაროს დაუსრულებლობაში ვინ უფრო მალლა დგას: ნაპოლეონი თუ ტანმანის ბელურა, კანტი თუ ცეილონის კენგურუ?

სევდავ მარადისობისა, დაუსრულებლობის იდეავ, რა პატარაა თქვენ წინაშე წუთისოფელი? რა სასაცილოა ჩვენი ყოფა, რა უმიზნოა ჩვენი ღელვანი? რა სულმოკლეობაა ჩვენი წუხილი?

ოჯახი, ცოლი, შვილი, ღედა, ნათესაობა, ერთმანეთის პატივისცემა და ფარისევლობა, მეგობრობა, ზვიადი პათოსი და უზრუნველყოფილ მთქნარება, ჩვენი კუთხური ჩვეულებები, მორალი, აზრები — ყველაფერი დროულია. ღირებულება მარადიული არაფერს არა აქვს, ყველაფერი შემთხვევითია: შემთხვევით ვიბადებით, შემთხვევით წავალთ წუთისოფლიდან და უდიდესი ყოფა, უმშვენიერესი სახე დავიწყებას მიეცემა...

ჩემ გვერდით აგერ სძინავს ჩემს პატარა ქალიშვილს, ღიმილი პატარა ტუჩებს ნელა არხევს: ეტყობა, ძილში ჩაპყოლია ტკბილი ფიქრები და უმანკო სული ოცნებას განაგრძობს; არსებობის ტკივილები მას ამჟამად არ აწუხებს; სული მისი დარდსა და ექვეებს არ იცნობს.

მაგრამ, ვინ იცის, რომელი შემთხვევა, სად რას იზამს: ვინ იცის, რომელი სენის საზიზღარი მიკრობი სად, როდის შეიპარება მის მშვენიერ ტანში? ვინ იცის, რა ტანჯვა მოელის? რამდენი ცრემლი დასჭირდება? ვინ იცის, რა პირობებში დაეშორდებით წუთისოფლად ჩვენ ერთმანეთს? შემდეგ ხომ ჩვენ ერთმანეთს ვერასოდეს ვერ შევხვდებით: დაუსრულებლობის დენაში შეიძლება ჩვენი სხეულების უჭრედები ერთმანეთს შეხვდნენ სადმე, რომელამე ხეობაში, ან მთის მწვერვალზე, ან ოკეანის უფსკრულში, ან გარყვნილი ქალაქის რომელიმე მტვრიან შესახვევში, მაგრამ ერთმანეთს ისინი ველარ იცნობენ, ისე დაშორდებიან ერთმანეთს და გაგრძელდება სამყაროში მათი უნუგეშო ხეტიალი.

სიყვარული, იმედები, ალერსის ტკბილი გრძობანი, ჩვენ: ყოველ-
დღე ურთი სვეულებები, ერთმანეთის ცქერა, თამაში, სიხარული. — ყვე-
ლაფერი გაქრება, გაქრება ისე, როგორც სიზმარი, როგორც ლეპიდონ-
დროსები და ბრონტოზაურები, ქალიქარნასელი მეოცნებენი და სედი-
ანი რომანტიკოსები.

რალა ჩვენი ყოფა, წუთისოფელი? რა საქროა ეს ცრემლები,
სევდა, წუხილი, კომერციული განგაში და მანქანების თქრიალი? რა
გვაჩქარებს, რას დავეძებთ?...

ერები, სახელმწიფოები რისთვის ღელავენ? ყველაფერი ტერიტო-
რიულ-ფიზიოლოგიური ეგოიზმია და ყოველგვარი რომანტიკა ორგა-
ნული სისავის ვნებიანი აორთქლება: ეგვიპტე, ასურეთი, ათინა,
რომი, კართაგენი ღელავენ, ტერიტორიულ-ფიზიოლოგიურად იწვოდ-
ნენ, ეძებდნენ, იმედებში იყვნენ... საღლა არიან კეთილშობილი, მაძი-
ებელი სულები?

აღელდნენ, ასხივოსდნენ, გაქრნენ...

— დარჩა მხოლოდ ლეგენდა, თქმულება, დარჩა მხოლოდ მოგონე-
ბა ცარიელი, სევდიანი. — დაიწყება მარადიული, არარობა მტკრიანი,
ამოება ჩუმი.

სამყაროში დაძრწიან წარსულის უჭრედები და სულები: პირუტყ-
ვების ღმუილში, მცენარეების შრიალში, მინერალების აქაფებაში, ჩვე-
ნი საფეთქლის რიტმულ რხევაში წარსული მღერის, მუსიკას უკრავს:.

ყოველ წუთს ჩვენ ვიშლებით, წარსულში ვიძირებით, ვიკარგებთ:
ირღვევა ჩვენი ყოფა, იტრიცება ჩვენი სახე და უჭრედები ჩვენი ორგა-
ნული ერთეულისა თანდათანობით შორდებიან ერთმანეთს და თითო-
ეულ მათგანს მიაქვს ჩვენი სულის ნაწილი, მიაქვს ჩვენი ტკბილი
ჩვეულებები და იმედები.

ყოვლობის არითმია არ გაიმეორებს არასოდეს სურვილებსა და
ტკბილ ჩვეულებებს ჩვენი მეობით: მარადობის თქრიალში განმეორ-
დება ყველაფერი, ჩვენი სხეულის ნაწილებიც განმეორდებიან, მაგრამ
ჩვენი მე — მთლიანი, ერთეული, ვნებიანი, შემოქმედი, ცეცხოვანი,
ჩვენი მე — თესლით, სისხლით, სიყვარულით, იმედებით ვერასოდეს
ვეღარ განმეორდება. რატომ დილიდან საღამომდე ერთმანეთს არ
კეოცნით? რატომ ერთმანეთის ალერსში არ ვატარებთ დროს? რატომ
აღამიანებს ერთმანეთი სძულთ, ეზიზღებათ?

არსებობის ქარი მიქრის და მიეჩქარება; აღამიანს, მცენარეს, პი-
რუტყვს — ყველაფერს შემთხვევა ათამაშებს: რაც იყო, აღარ არის,

რაც არის, აღარ იქნება. ლეგენდები და თქმულებები დარჩება; ბოლოს ლეგენდებსაც დაივიწყებენ, ხსენებაც არ იქნება.

სივრცეს, პლანეტებს, ზესკნელს, გარესკნელს ჩვენი წკალება, უმიზნო ვანგაში და ტკივილები არ აწუხებთ: ჩვენ საღდაც უპატრონოდ ვართ დაკარგული და არავის ვეცოდებით.

შემთხვევა გვათამაშებს ყოველ წუთს: შემთხვევა ქუჩაში, შემთხვევა რკინიგზაზე, შემთხვევა ზღვაში, შემთხვევა ქამის დროს, შემთხვევა წყლის დაღვებაზე. შემთხვევა დღით, შემთხვევა ღამით — წუთისოფელი შემთხვევათა შეუწყვეტელი დენაა; დიდ ქალაქებში მეცნიერები და ლუესის მიკრობები ერთნაირად ემორჩილებიან შემთხვევებს...

ადამიანები მაინც ტრაბახობენ, მაინც იპრანჭებიან; მეცნიერები და ქალები მიზნებს ისახავენ და იმედებით ბერდებიან;

ქვეყანა სავსეა ცრუ პიპოთეზებით და ყალბი პათოსით. ქალები კოცნას ერიდებიან და ინახავენ ღამაზე ტუჩებს ჭიებისათვის; განკერძობულია მშვენიერება, თითქოს მღინარეში წყლის დაღვება არ შეეძლოს რამდენიმე პირუტყვს ერთად.

ავადმყოფისთვის ექიმი მოგვეყავს და ვარჩინთ იმიტომ, რომ ხელმეორედ გახდეს ავად, თითქოს ერთხელ ტანჯვა საკმარისი არ იყოს...

სოფიზმებით და მეშხანობით შეკრულია წუთისოფელი: ნებისყოფა რომ ერთ ნაბიჯს წინ გადაადგმევიწინებს ადამიანს, ტრადიციული სოფიზმები მეორე ნაბიჯით უკან წივვენ მას...

უდიდესი მტერი ადამიანის მისივე სოფიზმებია; უდიდესი დეფექტი კულტურის ლოგიკაა — ჩვენი, ტრადიციული, ისტორიული ლოგიკა, ლოგიკა, რომელიც ჩამოკიდებია ჩვენს სულს, როგორც ძველი ჩანისამოსის სასირცხვო ნაგლეჯები...

დააკვირდით სივრცის სიღრმეს: აქ არც ზომა და არც საზღვარია; ჩვენ რაღაც მოვჭორეთ წუთისოფლად, გამოვიგონეთ კატეგორიები, მორალი, მოვალეობა და ვიხრჩობით ჩვენს ჭორებში.

საწყალი ადამიანი ცრუობს თავისთვის, სივრცე ლურჯი, თვალმიუწვდომელი იცინის...

იყვნენ საუკუნეები და ხალხნი; მზე ამოდიოდა და ჩადიოდა როგორც ყოველთვის; მოდგმები არევედარევიტ იცვლებოდნენ; ოჯახური და სოციალური ღირებულებანი იქმნებოდა: ქალები ქსოვდნენ, კაცები ნადირობდნენ, ვაჭრობდნენ, ოცნებობდნენ, მუშაობდნენ — აშენებდნენ სახლებს, თხრიდნენ არხებს, იყო სიყვარული და ალერსი, იყო სევდა და წუხილი.

უთვალავი კეთილშობილი ზრახვანი, დიადი განცდანი და ფაქრები, იდეალები და მოქმედებანი იყო — ფაუსტებისა და ჰამლეტების ეპოქა — ჩვენი ცივილიზაციის ტრავედა — ყალბი მორალის ლამაზი პათოსი იყო და სხენება დარჩა კლეკითა და ლუესით დაავადებულ კაცობრაბაში.

მოდგმა მოდგმას მისდევს აჩქარებით; სხეულებრივი ფორმები არსებობისა მარადიული წყვდიადიდან გამოდიან: ტრიალებენ, ირყევიან, ქანაობენ, ეძებენ და ტირილით ისევ წყვდიადში იკარგებიან. ლანდები მოძრაობენ პლანეტარულ გარსში გახეუღნი: როგორც გრანდიოზული, მძიმე არტილერია, ღელავს და ორთქლდება კაცობრაობა; გაიღლის რა ჩქარსა და უაზრო ცვლილებებს, შეუცნობელი უფსკრულისაკენ მიეჭახება.

როგორც ლეგენდარული არმია მაძიებელი სულებრისა. ჩვენ გამოვდივართ არარაობიდან და შემოვირბნთ რა ქარიშხლიანი გაქანებით ჩვენს ყოფას ჩმახსა და უთავბოლოს, ისევ არარაობაში ვიკარგებით.

მართალია, ჩვენი განცდა და სულსკვეთება მომავალში შევა, უგრედები ჩვენი ტანისა იქნება დაუსრულებელ ზეტიალში; ჩვენი სხეული ქიმიურად სახეცვლილი, ნაწილებად შევა სხვა სხეულებში, მაგრამ ჩვენი მე, ჩვენი სახე არასოდეს აღარ იქნება, წავა და ვეღარ წამოვა კვლავ წუთისოფლად; ბუნების ცვლილება სპობს ინდივიდუალობის სისაღეს; ინდივიდუუმი მყიფე ელემენტია ბიოლოგიური სახეცვლილებისა და ნივთიერებათა მიმოქცევადობა შლის სახეს, ტპს: რკინა ეანგად იქცევა, სპილენძი ზენჯად, ადამიანი მტერად.

მარადობა ათრევს და ალაღობებს ელემენტებს, სახეს კი ხრწნის...

წარმავლობის სევედა

So ist das Leben.

ნ ი ე უ ე

დაუსრულებელი ფერადობა, ლაბორატორიებისა და ინსტიტუტების გაშენება, დიდ ქალაქებში უაზრო ჩოჩქოლი, მოუსვენარი მღელვარება, პროფესორებისა და დოცენტების ტრაბახი, ტყუილი, სიცრუე. მოწამლული ჰაერით სუნთქვა, ჰლექი, ვენერიული სნეულებანი, შანტაჟი, კომერციული აფერები, ვაიძვერა და უსინდისო პირთა ინტრიგე-

ბი, დილექტანტების და უზნეო ქალების შეღებილი ლოყები, მშრომელთა ოფლი, მოტყუებულთა ცრემლები, მეოცნებეთა შიმშილი და სიღატაკე — აი ცივილიზაცია, აი ის, რასაც ჩვენ ვეძახით კულტურას, განათლებას, წინსვლას...

მაგრამ ყველაფერი ეს იყო ძველად:

რომი, ბაბილონი, კართაგენი, ათინა იცნობდნენ კულტურას, — სული დალიეს ამ „ბედნიერებაში“.

ჩვენს დიდ ქალაქებსაც ძველი ცივილიზაციის ცენტრების ბედი მოელის:

მიიხრწნება ორგანულად და ამოშრება წუთისოფლად პრობლემატისა და რეაქტივების, ინტრიგებისა და შანტაჟების მყარალი ჭაობი; ბოლო მოედება ალკიმიკოსთა ფუსფუსს და მორწმუნეთა იდეალი კომმარით დამთავრდება: ველად გაჭრილ პირუტყვთა ბლავილი და შუაღამის სიჩუმეში ძაღლის სევდიანი ყეფა სიმფონიურად დაასრულებენ არსებობის ზღაპარს.

რაც არის, აღარ იქნება...

საუკუნე საუკუნეს მისდევს და აჩქარებით ერთმანეთს ფარავს, ვით დაუსრულებელი ჯაჭვის მარკვლები; საზღვარი არა აქვს საშლავს, საზღვარი არა აქვს არც სივრცეს:

რაც უფრო შორს იხედება საწყალი ადამიანის გონება, მით უფრო დიდია ეს ქვეყანა და პატარაა ადამიანი — ადამიანი, ოცნებებისა და ცრემლების აღუვსებელი ჭურჭელი.

პლანეტები და ვარსკვლავები სივრცის სიღრმეში მიმოფანტულან, ოკეანეები და მათი კუნძულები გადაშლილან დედამიწის გარშემო; დედამიწაზე მინერალების, მცენარეებისა და ცხოველთა გრძნეული სუნთქვა ისმის — უსწორმასწორო, ხალვათი.

საუკუნეთა დასაწყისში აცეცხლებული კოსმოსური ნისლოვანები სივრცეში დახეტილობდნენ; ერთი მათგანი შეიქმნა — ჩვენი მზე თავის გარშემო მოსრიალე პლანეტებით, რომელნიც უთვალავ წელთა განმავლობაში მოსწყდნენ შუაგულს, სივრცეში თანდათანობით გაცივდნენ; გაცივებულსა და ჭუჭყიან ფენებზე მინერალური ელემენტების უსწორმასწორო გადაჯგუფებასა და აბუყბუყებაში მცენარეები და ცხოველები გაჩნდნენ, მათ შორის წარმოიშვა ადამიანი — მოხერხებული, ფლიდი, ცუდლუტი, მანკიერი და ეშმაკი.

წუთისოფელი ძალდატანებაა: ჰიანჭველა მიეჩქარება მწერის დასაქერად, მონადირე ტყეში ათვალეირებს თავის მსხვერპლს, მეთევზე

გულის ფანჯალით ელის ანკესზე თევზის მოხვედრას: მეომარი მტერს ემუქრება და შურით ივსება, თითქოს ვერ ეტევა ამქვეყნად, თითქოს მას არ ყოფნის მზე და ჰაერი.

ქარი ქრს, წყალი მიდის, ბრუნავს უასროდ წუთისოფელი:

ეგრე იყო, ეგრე იქნება, მაგრამ რაც იყო, აღარ არის: რაც არის, აღარ განმეორდება.

გრძნობ თუ არა, ადამიანო, სევდას მარტოობისა და წარმავლობისას?

გრძნობ თუ არა, როგორ იკარგება შენი სახეობა დაუსრულებელ ძალთა და სახეთა მიმდინარეობაში?

— თუ გრძნობ, რადა ხარ ეგრე შურიანი და ბოროტი? შეიყვარე და შეიგრძენი არსი ყოველი:

შეუერთე სული შენი სიკოცხლის მოძრაობას. სუნთქვას ბალახებისას და მდინარეების აორთქლებას: ხომ ხედავ, რა უცბად ქრება ყველაფერი?

მხოლოდ მეხსიერება, მწვავე მეხსიერება რჩება, რომელიც არ აძლევს მოსვენებას ჩვენს სულს, სხეულს და ნერვებს. მართლაც. რა არის საამოვნება, რომელიც ჩვენ ბედნიერებას გვპირდება?

ან რა არის ტანჯვა, რომელიც ჩვენ ეგრე გვაშინებს?

მხოლოდ ჩვენი ჩვეულება, ჩვეულების სიტკბოება და მისი უარყოფა.

რა უაზროა ადამიანის ცხოვრება?

* * *

ჩვენ არ ვიყავით წუთისოფლად, ვართ და აღარ ვიქნებით: მარადობა წარსულში, ესე იგი ბნელი და თვალგადაუწვდენელი უფსკრული; მარადობა მომავალში, ესე იგი, ისევ ბნელი და თვალგადაუწვდენელი უფსკრული.

შუაში რაღაც მოჩვენება, პატარა, სუსტი, წარმავალი მოჩვენება. რომელიც სადღაც მიეჩქარება, რაღაცას ეძებს და თან ამ ძიებასთან ერთად ქრება და იკარგება: სივრცე ლურჯი, თვალმოუწვდომელი ფანჯრებიდან შორს ტუტფად იშლება.

— ეგრე იყო, ეგრე იქნება. რად არის წარმავალი ადამიანის ცხოვრება?

ან რა აშინებს ადამიანს და რატომ არის იგი ასე სულმოკლე? სულ-
ერიი არ არის განა:

— სამი დღე გავრძელდება ჩვენი სიცოცხლე თუ სამი საუკუნე?
ყველაფერი ამოება და უაზრო მოქანცულობაა, მოქანცულობა
დაუსრულებელი. ხრწნა და დაეწყება წუთისოფლად ყველაფრის
ბეღია.

ქრება სიყმაწველე, თითების მწველი სურვილები ნელდებიან; კე-
თილშობილი ზრახვანი გულისა და სულის აღარ განმეორდებიან და
მოგონებანი იმისა, რაც იყო, დიდხანს ჩვენთან აღარ დარჩებიან.

ქარი დაბერავს და სახე გამოიცილება; ვნებათა ღელვაში დაქან-
ცულ გულს დასვენება მოენატრება, მთელი ცხოვრება თითქოს დაცინ-
ვით შეგბედავს; და ის, რაც შენ წუთისოფლად განახავს, სიკეთე იყო
თუ ბოროტება, ტანჯვა იყო თუ სიამოვნება, ზღაპრად დარჩება; სინა-
ნულის გრძნობა გულზე ჩამოგეკიდება, როგორც მძიმე ქვა. ცრემლე-
ბით წარსულს ვერ დააბრუნებ და დაუკმაყოფილებელ სურვილთა შუ-
რისძიება დაგახრჩობს, როგორც შეუბრალებელი მევალე. ყოფა შენი
მერყევია, ისე როგორც ყველაფერი წუთისოფლად:

ცხოვრებაში, როგორც სიცრუეთა და მოტყუებათა ჯურღმულში,
ყოველ წუთს უნდა ელოდე უსამართლობას და განსაცდელს. სიცრუე
ყველაფერში და ყოველგან სიცრუე;

არ არსებობს წუთისოფლად არც ერთი ღირებულება: მეგობრობა,
ნათესაობა, საზოგადოება, სიყვარული, თანაგრძნობა — ყველაფერი
მოტყუებაა; არ არის ქვეყნად ისეთი ადგილი; სადაც წმინდასა და კე-
თილშობილ სულს შეეძლოს დასვენება სიყვარულისა და მიმზიდვე-
ლობის მახლობლად — ადამიანი მარტოა: მას გარშემოერთყმის პლანე-
ტარული სივრცე, კულტურული ფარისევლობა და უმწეობა. ცხოვრე-
ბის სისავსე, სიხარულის გრძნობა, წარმართული ვნებათა ღელვა,
ცახცახი სიყვარულისა და ნდობა მშვენიერებისა მხოლოდ ორგანული
ბუყბუყის აორთქლებაა.

წუთისოფელი ირაციონალური, უთავბოლო და უზნეო მიმდინა-
რეობაა: უძღურია ადამიანის გონება და ყალბია ყველა პრინციპი
არსებობისა. სოკრატე ბრძენმა თურმე საწამლაეი დალა და ციხიდან

გაქცევას უარი თქვა — რატომ? ქრისტე ჭვარზე აცვეს: ვილაცის სურვილი იყო ეს, მაგრამ რისთვის? — ჭორდანო ბრუნო ცეცხლში დაწვეს, — რა მიზნით?

განა ამით რაიმე შეიცვალა დაუსრულებლობაში? სივრცე ცივად გაშლილია და ფარავს ჩვენს პლანეტას ამაყად. ყველაფერს აქვს თავისი ადგილი ცხოვრებაში: ფორმათა და სახეთა სხვადასხვაობა, ცვალებადობა მდგომარეობათა და მიმდინარეობათა... — ყველაფერს აქვს თავისი საფუძველი და ყველა მართალია თავისთვის: არსად არაფერი არ არის განსასღვრული და გარკვეული, არსად არაფერი არ არის გონივრული, ღვთაებრივი და ზედროული; რაღაც ადამიანებს არ უნდათ თავისუფლება გულისა და სულის: მათ ეზიზღებათ ხალვათობა და გაშლილობა შემოქმედებითი ნებისყოფისა. ადამიანები თანდათანობით იგონებენ სხვადასხვა ზღაპრებს და თავს ინუგეშებენ...

დაუსრულებლად ირყევიან და, ვით სიზიფე, მუდამ იწყებენ...

სად არის აზრი? ვის სულშია თავმოყრილი მიზეზები და პრინციპები ღვთაებრიობისა? ვინ იტყვის ქეშმარიტებას ყოვლობაში განზოგადებულს?

* * *

ძლევა და ტანჯვა, მოქანცულობა და ტკივილები, შემთხვევათა კომპარი და დემონური ხარხარი წინააღმდეგობათა ახრჩობს ჩვენს სულს და ებრძვის ჩვენს ნებისყოფას.

ცხოვრება ჯოჯოხეთური მანქანაა მარადობის ფრთებით უფსკრულისაყენ რომ მიექანება: ამ ფრთების გაშლისა და შეკვეცის დროს ეშმაკი და ანგელოზი კოცნიან ერთმანეთს.

სიყვარული და სიკვდილი ორმაგობაა მარადიული.

* * *

სუნთქვა სიყვარულისა უფრო ძლიერია, ვიდრე სიკვდილის სუნთქვა: სტაქია სიყვარულისა უსაზღვროა, ვით ოკეანე, ვით მარადობა; სტაქია სიკვდილისა ერთდროულია, ვით ლანდი, ვით ფიქრი; სიყვარულს ძალუძს ერთი წუთი მარადობად აქციოს და მარადობა კი წუთად შეცვალოს; სიკვდილი უარყოფს ყოველგვარ მარადობას და გვევლინება მხოლოდ ერთი წუთით. გახვეული ცისკრის სხივთაგან მოქსოვილ მსოფლიო სისარულის ხაეკრდში, სიყვარული თვალწინ გვიშლის

ზურმუხტოვან სივრცეს, ღმერთებით და იდეალებით გამშენიერებული.. აღლევებულსა და უსაზღვრო ზღვაზე ღრუბელთა მსუბუქ ფრთებით მოექანება ჩვენსკენ სიყვარული. რათა მან მძლავრი გრგვინით, თვით ოქროს ზმანებათა ოქროს ნემსებით დაჩხვლიტოს სულა ჩვენი. რათა მან ოცნების გაზაფხულით, ყვავილებით და ოქროს ქსოვილებით დაატკბოს გული ჩვენი, მარტოდ შთენილი და მოტყუებული. სიკვდილი ფარავს მგზნებარე ვნებას ცრემლთა მდინარისაგან შექმნილი ღრუბლებით და ამოტყორცნის ხალხთა და სამეფოთ, რომელთაც ელის ცივი დავიწყება და გახრწნა... სიყვარულს ცეცხლი უკიდია, მაგრამ იგი არ იწვის, ვით არ იწვოდა ბიბლიური ცეცხლმოკიდებული ჩირგვი; სიკვდილმა არ უწყის — რა არის ღვთიური წვა. სიყვარული ცეცხლში იწრთობა და კოცნა მისი გვიხსნის მთელს სიღრმავებს კოსმოსური ტანჯვა-დაქანტულობისას; იგი აერთებს ოცნების ოკეანეში უსაზღვრო ლურჯ თეთრს და დემონურ სიცივეს მიწისას; სიკვდილი აშორებს ცასა და დედამიწას ერთმანეთს მსოფლიო სივრცეთა სიკვდილთა... ბასრა და ბრწყინვალე წვეტით ეჭრება სიყვარული უძრავ, იოვ მარმარილოს და შემოქმედებით აღტაცებაში ამოალიველებს მისგან სხივოსანს. მკვეთრ სახეს ნათელ მოლიმარე გულის დედოფლისას; სუნთქვა სიყვარულისა უფრო ძლიერია, ვიდრე სიკვდილის სუნთქვა.

* * *

სიყვარული საწამლაგია, საწამლავი, რომელსაც ამზადებს თვით ბუნება, ყოველი იმედი ფუჭია, წუთისოფლად ცხოვრება უმიზნოა და უაზრო.

საუკუნეთა ძიებისა და ცრემლების ნაყოფი ჯერჯერობით მხოლოდ უსამართლობისა და ამაოების იდეა! დედამიწაზე მშვენიერების ხანგრძლივობა და სრული ბედნიერება ჯერ არაა უნახავს. დიდი ხანია ადამიანებს თავისუფლად და უშიშრად არ შეუძლიათ არც სიყვარული, არც სიძულვილი; მათ სჩვევიათ მხოლოდ დალატი, სინანულის ცრემლები; ცოდვა და ურვა სულისა. ეს ცხოვრება ყველაფერს კეთილს ტალახში სვრის, ყველაფერს კარგსა და მშვენიერს მარად ლანძღავს და შეურაცხყოფს.

კეთილისთვის დაჯილდოების მაგიერ გოლგოთის მთაზე აყვანეს ქვეყნის მხსნელი და იქ ჯვარზე აცვეს. სოკრატე ბრძენს საწამლავი დააღვივნეს იმიტომ, რომ ქადაგებდა ათინაში სიყვარულს; ჯორდანა

ბრუნო ცეცხლში დაწვეს იმიტომ, რომ სიმართლის თქმა ხმაშალა გაბედა. ხალხთა გუგუნი და მღელვარება. სისხლის წვიმა და ცრემლების ოკეანე --- ყველაფერი ეს მხოლოდ მეშინაობის ხმაა, სევდის მომგვრელი ხმა ამოებისა. ვინ იცის, რამდენი ცრემლი და ტკბილი იმედია დაკარგული საუკუნეთა თანაუგრძნობლად; მეფობენ ცხოვრებაში მხოლოდ სულით მდაბალნი და უგრძნობელნი: წუთისოფლად ბუდობს მხოლოდ წერილი სურვლები, მხოლოდ მეშინაობა; იდეალები, სიყვარულის ცრემლები, მაღალი გრძნობები და ოცნებები მხოლოდ და მხოლოდ გმირთა შემოქმედებაა.

თუ რამე არის საყურადღებო წუთისოფლად — ეს არის გმირთა მართო ძახილი, საუკუნეთა გრდემლებზე ამეტყველებული!

* * *

რა არის ეს სახიზლარი წუთისოფელი, ფარისევლობით ატრუსული და მეშინაობით ახრიოკებული?

— ნიღაბთა კრებული, უსულო, უსახო, უგრძნობი, უგულო;

დიდი ხანია სამყაროს ყრუ ველში ადამიანის აზრი დაბორცავს უნაესაყუდლოდ და უმიზნოდ; საუკუნეთა სრბოლა ერთსახიანი და უფერულია: იდეალები და ღმერთები იცვლებიან, მშვენიერების მიმბირველობა მუდამ წუთიერი და წარმავალია.

მშვენიერი სახე მხოლოდ სისხლის მღელვარების ნერგოვნებითა იორთქლია და გულის ტრფიალება აცახცახებულ ძარღვთა ცეცხლია.

სატრფოს აბრეშუმეულ ნაშენის დაფუძევა იქვნარევე გულის ძგერას აღარაფერს ეუბნება და მარგალიტის მსგავსი სიყვარულისა და სინანულის ცრემლი შენანების სურვილში ზიზღს იწვევს:

ზოზლი ყოფილა სიციცხლის შხამის და სურვილების უკანასკნელი სიტყვა, კუნთების დამთენთი, ძარღვების დამგლეჯი, იმედების უარმყოფი სიტყვა.

საღამო ქაშს

წუთისოფელი ოდენობას თვისას შლის უსახლერო სივრცის დაუსრულებელ საიდუმლოების სანახაობათა შორეული ლანდებით. ძრწიან უფსკრულნი, გალობენ უსმოდ ფერხულში ჩაბმულნი ვარსკვლავნი და პლანეტები: არსნი თვალშეუდგამად ხმოვენ მარადობას, რათა განაქარგონ ყოველს ცეცხლი და ააკვამლონ შინაგანი წვა...

ჯერ კიდევ შეუცნობელი პირველყოფილი ქაოსი, უცნაურის იგივეობით ძლევამოსილი და თან ცივი, თითქოს ნელ-ნელა მსვლელობს ზღვად დაფენილ ღრუბელთა შორის.

ჰაერში კენესის საიდუმლო სუნთქვა სტიქიათა უთვალავ საუკუნეთა სიგეიისა და ისმის შორეული ბრგვინაობით ტლანქი ძახილი ქლექით დააეადებულ სურვილებსა; ფერადი მორთულობით ბრწყინავენ ჩვენებანი იდეალებისა და საუკუნეთა უზარმაზარ წიგნებს ოქროთ მოვარაყებულ ყდებში შლიან არსებობის ოკეანეზე სამარადყამო ძიებად.

ხალხთა ცხოვრებანი და საუკუნეების მკვეთრი მახვილობანი თითქოს ირწყვიან საიდუმლოების სამრეკლოში და ბრწყინვალე წარმოდგენათა ძაფებზე ამონაქსოვ ოცნებებში ძილისპირულს მღერიან...

O altitudo, non liquet!

წუთისოფელი და წარსული

ბევრი რამ არის ადამიანის ცხოვრებაში საიდუმლო, — ამბობს შექსპირის გმირი და მართლაც, ცხოვრების აზრი და მიზანი, წუთისოფლის და სამყაროს დასაწყისი და ბოლო, თვით ადამიანის სიცოცხლე, ძიება, შემოქმედება, იდეალები, ოცნებები, სიყვარული, ტრფობა, — ყველაფერი, რაც შეადგენს ადამიანის სიამაყეს, ყველაფერი, რითაც ადამიანი ამშვენებს თავის თავს — განა ეს არ არის მოცული მარადიული საიდუმლოებით? განა ვიცით ჩვენ, რა ასულდგმულებს საგანს, ნივთიერებას? განა შეგვიძლია ვთქვათ, რომ ჩვენი ცოდნა დღეს უფრო ღრმაა, უფრო შინაარსიანი, ვიდრე ძველად? განა ცხოვრების აზრი დღეს უფრო კარგად და ნათლად გვაქვს დასახული, ვიდრე არისტოტელეს და პლატონის დროს იყო?

მართალია, საუკუნეთა განმავლობაში ჩვენ შევიძინეთ დიდძალი მასალა; ბევრი რამ ვიცით დღეს ისეთი, რაც უწინ არ ვიცოდით და რის ცოდნა საჭირო იყო, მაგრამ ცხოვრების აზრი და სიღრმე მაინც ვერ შევისწავლეთ: ის, რაც ჩვენ ვიცით, შეეხება მხოლოდ ცხოვრების გარეგნობას, ნივთიერ ძალთა განაწილებას, საერთო მოძრაობის მექანიკას; თუ რა ასულდგმულებს ამ მოძრაობას, ან რა მიზანი აქვს მას, ჩვენ ეს არ ვიცით; მოხმარება რომელიმე ნივთის ან მოძრაობის ჩვენ შეგვიძლია, მაგრამ რას წარმოადგენს თვით ნივთი, რას წარმოადგენს

მისი მოძრაობა, ეს კი ჩვენ არ ვიცით: ჩვენ ვხმარობთ ელექტრონს, სევიძლია მისი კილოვატებით გამოანგარიშება, ვიცით რა ძალა აქვს ელექტრონის მოძრაობას, მაგრამ, აბა რომელი მეცნიერი გვეტყვის, თუ რა არის ელექტრონი და როგორ ამხადებს ბუნება ამ ძალას? ვერც ერთი მეცნიერი ვერ იტყვის, რომ ეს არის და აქ მხადდება ელექტრონის ძალაო, ისე როგორც ვერც ერთი ადამიანი ვერ იტყვის დედამიწის ზურგზე კვერცხი გაჩაღდა უწინ თუ ქათამი; ბუნების გარეგნობა და სტიქიურ ძალთა მექანიზმი ჩვენ შევისწავლეთ, მაგრამ თვით სული მოძრაობისა და წუთისოფლისა შეადგენს ჩვენთვის საიდუმლოებას.

მეცნიერები ამბობენ, ქვა, რომელსაც სივრცეში ისვრიან, ისევე დედამიწაზე ვარდება იმიტომ, რომ დედამიწას აქვს ერთნაირი მიზიდულობის ძალაო. თქმა არ უნდა, ეს კარგადაა მოფიქრებული, მაგრამ განა ვიცით, რაში გამოიხატება და სად იხადება ეს ძალა? ვინ იტყვის: რა მიზეზია, რომ ყველაფერი დედამიწას უბრუნდება? — ამ კითხვაზე ჭერჭერობით ვერც ერთმა მეცნიერმა ვერ გვიპასუხა. მეცნიერები ამბობენ: ჩვენ გვინდა მოძრაობის და ცხოვრების კანონები შევისწავლოთ და სრულდება არ არის საჭირო პირვანდელი მიზეზების ცოდნაო; ბუნების სიმდიდრეს კანონებით კი მოვისმართ, ცხოვრებას გაველამაზებთ, ელექტრონებს გავაჩაღებთ, ტელეფონებსა და ტელეგრაფებს გავაბამთ, ვივლოთ, ვიმოქმედებთ, ვიცხოვრებთ და აბა რა საჭიროა მიზეზების და მიხნების ცოდნაო?

ეგრე მსჯელობს კაცობრიობა, ასეთია მეშჩანური ცხოვრების სიტყვა და თვით ლოგიკა. მაგრამ საკმარისია მეშჩანობაში შემოიჭრას რომელიმე ტრაგედია, მაშინვე ლოგიკა ირყევა: გონება რწმუნდება, რომ ცხოვრება არც ისე ერთფეროვანი და ერთაზრიანი ყოფილა როგორც ეგონა მას. გამოანგარიშება და წინასწარ გათვალისწინება ცხოვრების მრავალმხრივობისა შეუძლებელია: ადამიანი სუსტია, მისი მსოფლმხედველობა განსაზღვრულია, იგი იცნობს მხოლოდ განსაკუთრებულ ჭგუფს მოვლენებისას. იგი იცნობს მხოლოდ ერთ კუთხეს შემოქმედებისას და სულისას ტემპერამენტით განჭვრეტის.

მაგრამ, ქვეყანაზე არაფერია ისეთი, რომ მოსვენებაში იყოს და კბონდეს მარადიული ღარებულება და ხასიათი; იოტისოდენა ქვიშის კენჭი და ვეებერთელა მთა-კლდეები რღვევისა და ცვალებადობის სტიქიას ერთნაირად ემორჩილებიან. შემთხვევებს და ცვლილებებს ექვემდებარება ყველაფერი: უზარმაზარი მთა დღეს ამაყად გამოშტორალი ღრუთა გასმავლობაში ნაიყიერ მანდვრად იქცევა; სოგ ადგი-

ლას სრულებით მოულოდნელად ქვეყანა წყლით ივსება და მრავალ საუკუნეთა შემოქმედება იფარება...

ხშირად იქ, სადაც ტბა იყო და მეთევზეები თევზებს იჭერდნენ, შენდება დროთა განმავლობაში მშვენიერი ქალაქი და ბაღი. ხშირად ქალაქი კატასტროფულად ისე ღრმად ეარდება დედამიწაში, რომ იქ, სადაც წინათ ხალხი ცხოვრობდა და ბრძოლა იყო ვაჩალებული, იქ, სადაც ოდესღაც ტაძრებით და ღმერთებით ამყობდნენ, კანონებსა და იდეებს იგონებდნენ, ახლა ვსედავთ მხოლოდ სალ კლდეებს და ხეობებს.

ასე ეკარგება წუთისოფლად ყოველივე მოვლენას და საგანს თავისი სახე, ასე ისობა ინდივიდუალობა, ასე წარმავალია ყველაფერი, რასაც კი ვხედავთ, გვიყვარს და მოგვწონს: ყველაფერი ირღვევა და იშლება, ყველაფერი იკარგება და იძირება უნუგეშოდ და სამუდამოდ არარაობისა და ამოების უფსკრულში იბადებიან და ქრებიან საუკუნეთა ილუზიები; სილამაზე, მშვენიერება, ალტაცება, სიყვარული — ყველაფერი წარმავალია, ყველაფერი დროულია. რაც უნდა გრძელი იყოს ბედნიერება წუთისოფლად, დღე უბედურებისა მაინც დადგება: სიცოცხლის ქარი მიჭრის და მიიჩქარის.

საიდუმლოებითაა მოცული ჩვენი არსებობა წუთისოფლად და რაც ჩვენ ვიცით, ყველაფერი დროული იგვევობა: ჩვენ ვფიქრობთ, წინ მივდივართ, მაგრამ ისევ იქ ვართ, სადაც ვიყავით; წარსულს უარყოფთ და ისევ წარსულს ვუბრუნდებით; ქიმიამ ალქიმიამ უარყო, მაგრამ პერსპექტივებში გვესახება ისევ ალქიმიის ეპოქა: მენდელეევის სისტემა ირღვევა, ევკლიდეს პოსტულატები დაშალა ლობაჩევსკიმ, რიმანსა და ლეჟანდრს ახალ სფეროებში გადააქვს ჩვენი სული და იდეალები, მითურ-კოსმოსური ეპოქა ჩვენი მსოფლმხედველობის, რომელსაც ჰქონდა ადგილი შორეულ წარსულში, კვლავ შედის ცივილიზაციის ისტორიაში და კვლავ იწყება სამყაროს ანთროპომორფიზმი: დღეს ჩვენი ბიოლოგები მცენარეებსა და მინერალებში სულსა და გრძნობებს ეძებენ, დაუჭარებელი იყო წინათ სიტყვებისა და გრძნობების უმავთულო გადაცემა: დღეს ჩვენი სიტყვები სივრცის დაუსრულებლობას არხევენ და ვნებიანი პარიზი უმავთულოდ ნიუ-იორკს ელაპარაკება.

შეიძლება მეტერლინიკის პრეზანტიზმიც არ იყოს მოკლებული ფსიქოლოგიურ საფუძველს, მთელს ყოვლობას შეიძლება ასულდგმულებს ერთი განცდა, ერთი „აზრი“, ერთი სული.

წუთისოფელი ჩვენი ტანჯვის დემონსტრაციაა და ცივილიზაცია

ჩვენი ღელის აორთქლება; დრო ჩვენი განცდით იზომება და სივრცე ჩვენი წარმოდგენების ილუზიაა.

წარსული აწმყოში შედის, აწმყო მომავალში; ყველაფრის ნაწილია ყველაფერი და ახლის ფორმაში ძველის სული მოძრაობს.

ყველაფერი საუკუნეთა შრომის, ძიების და წვალების ნაყოფია, ცხოვრების ყოველი სახე წარსულის განცდის გამომხატველია; არას კავშირი უხილავი, მარადიული საიდუმლოებით გარემოცული წარსულსა და ცხოვრების ყოველ მოვლენასა და წუთს შორის: ზშირად ადამიანის უბრალო და უმიზნო ხელის მოქნევაში ისახება წინაპართა განცდა, მრავალათასწლიანი ორგანული ცახცახი.

წარსულის სული ამოძრავებს აწმყოს, წარსულის შფოთვით ნაშობი ორთქლი ათბობს მომავალს. უშინაარსო, უიდეალო და ჩმახი იქნებოდა კაცობრიობის ცხოვრება, რომ მას არ ჰქონდეს წარსული, რომელიც სასოწარკვეთილებისა და უიმედობის დროს ყოველთვის იძლევა იდეალებისა და მისწრაფებათა განახლების მაგალითებს:

ამბობენ, თურმე, როდესაც მიქელანჯელოს სახელგანთქმული ქანდაკება — „მოსე“ შექმნდათ მუშებს მუზეუმში, მიქელანჯელო შორიდან უყურებდა ქანდაკებას და როდესაც ქანდაკება ვერ შეეცია მუზეუმის კარებში, მიქელანჯელო წამოვიდა გულმოსული, მიუახლოვდა ქანდაკებას, რაც ღონე ჰქონდა, მოიქნია და დაარტყა „მოსეს“ თავზე ჩაქუჩი: რად ვერ ინძრევი, განა არ იცი, შენშია ჩემი სულიო, — უთხრა მოქანდაკემ ქანდაკებას.

შემოქმედების ცეცხლმა მოინდომა ნივთიერების გასულდგმულება და იდეალის განივთიერება: წარსულის განცდა (მიქელანჯელო) ეტრფოდა „წარსულის (სიმბოლო — მოსე წინასწარმეტყველი) სახეს და ტრფობა ქმნიდა რელიგიურ აღტაცებასა და ილუზიებს. შორეული აღმოსავლეთის სულისკვეთება განსახიერდა დასავლეთის სულის განცდაში: ასე უერთდება წარსული აწმყოს და მომავალს; ასე გადადის ორგანული მღელვარების პროცესი შემოქმედებით აღტაცებაში: ყოველი წუთი ამქვეყნად განსაზღვრულია საუკუნეთა მიმდინარეობაში, ყოველ მოქმედებაში და აქტივობაში, წუთისოფლის ყოველ კუნჭულში თავმოყრილია სურვილი, რომელიც შეიქმნა სტიქიურად, ირაციონალურად მრავალი წლის განმავლობაში. ჩვენი წინაპართა სულები ტრიალებენ ჩვენში და ჩვენ გარშემო: ისინი მონაწილეობენ ყოველდღიურ ცხოვრებაში.

წარსულს ყოველთვის აქვს მამოვებელი უკვდავება აწმყოში და

მთელი ჩვენი სულიერი არსება ცხოვრების წარსულის შინაარსის განმეორებაა; მხოლოდ ამ განმეორებას აქვს თავისი ინდივიდუალური სახე. რომელსაც მემეკიდრეობა გადაყავს მარადობაში: დააკვირდით ცხოვრებას, შეისწავლეთ თანამედროვე კულტურა, სტილი, შექადგენლობა, შინაარსი: შეახედეთ ტაძრებში, მონასტრებში, სხვადასხვა დაწესებულებებში: — მიუხედავად იმისა, რომ ათასი წლის ქრისტიანობისა, წარმართული გრძობა კიდევ მძლავრია ჩვენში; დასავლეთ ევროპის სხვადასხვა ქალაქების ძველ ტაძრებში, თითქმის ყოველგან დაინახავთ ჩვენი წმინდანების გვერდით წარმართული გრძობის გამომხატველი ღმერთების სურათებს. ამ მხრივ პარიზის ლეთისმშობლის ტაძარი წარმოადგენს საუცხოო მაგალითს: სახელგანთქმული ტაძრის („ნოტრ დამ დე პარის“) სახურავზე გაკეთებულია დიდი ქანდაკება ქიმერების — Chimeres, ქიმერები და დემონები ლეთისმშობლის ტაძრის სახურავზე — სიმბოლოა გამომხატველი უხილავი და გამოუცნობელი კავშირისა, რომელიც არსებობს მოვლენათა შორის და რომლის საიდუმლოებით მოცული ძალა განაგებს ადამიანის ცხოვრებასა და სიცოცხლეს, შეადგენს ადამიანის ბედისწერას, აღელვებს სხეულთა და მოვლენათა ზღვას და აერთებს ცხოვრების გამოუთქმელ ტკივილებს და წუთისოფლის ნეტარებას; აი ძალა სტიქიური, ირაციონალური, ძალა, რომელიც ცდილობს შეზღუდოს ყოველივე მოვლენის და არსის თავისუფლება და რომელსაც ძველი ბერძნები ეძახდნენ მოირას. წუთისოფლის მოვლენათა და ძალთა მთვრალ ქანობაში იბადება იდეა აუცილებლობის: აქ იწყება კავშირი ქრისტესა და ლუციფერს შორის, აქ ისახება იდეა ცხოვრების ორმაგობისა — განხეთქილებისა და შეთანხმების, ბრძოლისა და შერიგების, სწორედ აქ არის იდეალისა და რელიგიური ძიების დასაწყისი. სწორედ ეს აღელვებდა წარსულში გმირებსა და ღმერთებს, და ამით იტანჯებოდნენ პრომეთე, ქრისტე, ბუდა.

მსთეპიკური იდეალი

არსებობს სამგვარი ესთეტიკური თვალთახედვა: ესთეტიკა იდეალის (პლატონი), ესთეტიკა ინტელექტის (კანტი), ესთეტიკა სოციალური სიმშათის (გიუიო). პლატონი და პლოტინი წუთისოფლის მიმდინარეობას უყურებენ, როგორც დროულ ფორმას მარადიული უნივერსალიებისას — *universalia ante rem*: რაც არის, არის როგორც დროული გამოსახულება იდეალის, რომელიც რეალურია მარადიულად, რო-

მელსაც არა აქვს დასაწყისი, რომელიც არ იხრწნება არასოდეს. სახე ყოველი ცხადყოფს წყობას, რიგს, სისტემას, რომელთა ორიგინალები ინახება შორეულსა და შეუცნობელ სამყაროში. არის ქვეყანა, სადაც ბინადრობენ საერთო იდეალები, უკვდავი რეალიები, არის სფერო კოსმოსური. სადაც ფერები და სახეები, ფორმები და წირები არასოდეს არ იშლებიან, ყოველი საგანი, რომელიც წუთისოფლად არსებობს, სახეს იღებს ჩვენს სულსა და წარმოდგენაში იმიტომ, რომ ორიგინალი ამ სახისა სხვაგან, სხვა სამყაროში არის და ასლი ამ ორიგინალისა ჩვენში იმყოფება, როგორც გამოკრთომა ზედროულისა და მარადიულის.

დეკარტის შემდეგ სამყაროს გრძნობითი ფორმები — ფერები და ხმები, მორალური და ესთეტიკური თვისებები — სიკეთე და მავნებლობა თანდათანობით ანთროპომორფულ და ლოგისტურ სახეს იღებს: კანტი ესთეტიკური სიამოვნების გრძნობას ხსნის ჩვენი ინტელექტის თამაშით და შეცნაურებათა სიმსუბუქით. შილერი და ინგლისელი ევოლუციონისტები შეთანხმებულად, მწყობრად აყალიბებენ თეორიას: ესთეტიკური ემოცია და ინტელექტუალური თამაში ერთი და იგივეაო. ესთეტიკა ამნაირად — ფსიქოლოგიური დილექტანტიზმით, ფორმალიზმით და ტრანსცენდენტალური სკეპტიციზმით თავდება. ხელოვნება იდეათა თამაშია — აი ტრანსცენდენტალური ესთეტიკის უკანასკნელი სიტყვა.

გიუიო უარყოფს ხელოვნებას როგორც თამაშს იდეებისას და ამტკიცებს, რომ ესთეტიკური იდეალი ბიოდინამიკური და სოციალური ხასიათისაა: ქვეყანა გრძნობისა და ნებისყოფის, ქვეყანა რეალური და იდეალური ერთმანეთს ედულება და რაც ღრმა და სერიოზულია ჩვენში, რაც ჩვენი ინდივიდუალობის მთავარ ატრიბუტს წარმოადგენს, რაც ჩვენს სულსა და გულს ალელვებს და რისთვისაც ჩვენ გვეხარჯება ორგანული, კუნთური ენერგია, არის საფუძველი ესთეტიკური იდეალისა; კანტის ესთეტიკა, ესთეტიკა შეცნაურებათა თამაშისა და ჰერეტიკისა გარდაიქმნა ფსიქოლოგიურად განცდისა და ორგანული იმპულსის ესთეტიკად; შიმშილი და გაძლომა, სიბო და სიცივე, ვნება და ზიზღი ორგანული ესთეტიკის ფსიქოლოგიური წახნაგებია: წინააღმდეგობანი ქმნიან ტაქტსა და რიტმს და ლტოლვა მშვენიერებისადმი არის არა წმინდა ინტელექტის ათამაშება, როგორც კანტი ფიქრობდა, არამედ ღრმა ორგანულ-ბიოლოგიური მოთხოვნილება ჩვენი ბუნებისა და ფსიქიკის, ისეთივე მოთხოვნილება, როგორც შიმშილი და წყურვილი.

ფრინველი მღერის არაგანსაზღვრული მიზნით — ამბობდა შილერი, ჩვენ ვიტყვი: ფრინველი მღერის არაგანსაზღვრული მიზნით, მაგრამ განსაზღვრული ორგანული კრძნობა არჩევს მის ჩერებულ ბუნებას და განსაზღვრული პათოლოგიური სურვილი ამღერებს მას: ფრინველი მღერის იმიტომ, რომ განიცდის ან სექსურ ლტოლვას, ან შიმშილს, ან შიშს, ან კმაყოფილებას: განცდა ამეტყველებს არსს და სურვილი ნდომის ნებისყოფის ესთეტიკური ფორმაა. ნდომა თუ ჩვენში არ არის, არც მშვენიერებაა და არც იდეალი ჩვენთვის: ვისაც სურვილი არა აქვს, იმისთვის მშვენიერი ელენეს სახე და დახატული ბოლოკი ერთი და იგივეა. ჩვენი სურვილი მემკვიდრეობით მიღებულ ბუნებათა ინდივიდუალური ფორმაა და ყოველ ლტოლვაში ჩვენ გამოვხატავთ ძალაუნებურად არა მარტო იმას, რაც ჩვენ გვინდა, არამედ იმასაც, რაც ჩვენს წინაპრებს უნდოდათ და რაც ჩვენში გადმოვიდა როგორც წარსულის ნაშთი, დიდი ხნით დამზადებული...

შორეული წარსულიდან ადამიანი სხედასხვა საშუალებებით უკავშირებს თავის თავს, თავის განცდებს და იდეალებს სამყაროს: მითურ-კოსმოსური სოციოლოგია საფუძველია რელიგიისა და ესთეტიკის; იდეალი რელიგიური და ესთეტიკური იდეალი ერთმანეთს მისდევს ყოველი ერის ცხოვრებაში: რელიგია და ღმერთები, გმირები და ხელოვნება ერთმანეთის შევსება და დამატებაა, რელიგია იძლევა ბუნების მოვლენების განმარტებას, მოვლენათა შორის კავშირს და ზედროული ნებისყოფის სიმბოლოს; რელიგია ემბრიონული კოსმოლოგიაა, და როგორც ასეთი, ადამიანის მისწრაფებათა აბსოლუტური გამოსახულებაა. დროისა და სივრცის განსაზღვრულობას რელიგია უარყოფს და იღებს წუთისოფლის მიმდინარეობას ისე, როგორც არის, იმ იმედით, რომ სხვა სამყაროში ანახლავრებული იქნება... ხელოვნება, პირიქით, განსახეობაში იძლევა ინტენსიურსა და ექსპანსიურ იდეალობას, რომელიც არ ემორჩილება არავითარ კანონს, გეგმას, მოვალეობას, გარდა ორგანულ-ესთეტიკური საამოვნებისას და მეობის სისავსის შეგრძნობისას.

რელიგია საგანია მსჯელობისა და რწმენის: ხელოვნების სფეროა განცდა და განცდის ესთეტიკური წარმოსახვა; ხელოვნების მიზანია იდეალის დაუყოვნებლივი რეალიზაცია: კათოლიკების ეკლესიაში ეგრძნობთ, რომ მუსიკა და მხატვრობა მაშინვე აკმაყოფილებენ ჩვენს სულს; წარმოდგენაში გვექვს მარადობის შიში და იმედი, შორეულობაში ვეძებთ აზრს არსებობისას, მაგრამ მუსიკა და მისტიკური ავუგუ-

ნება ხმებისა აღებენ გრძნობის კარებს და ოცნებაში გვესახება ის, რაც ენას ვერ გამოუთქვამს და რაც გულს უნდა. ხელოვნების საგანი მით უფრო დიდია, რაც უფრო ღრმა არის ვანცდა წარმოდგენაში ასახული მოვლენისა. ვანცდაში თანდათანობით იშლება ილუზია რეალობისა. ეს ილუზია აერთებს ინდივიდუალობას სოციალობასთან და სამყაროსთან: გრძნობის სიმბოლო, რომელსაც ხელოვნება იძლევა, აღიზიანებს ჩვენს ნერვულ-ფსიქიკურ ბუნებას და ყოველგვარი ნაწარმოები ხელოვნებისა მაშინ არის ქეშმარიტი და დიადი, თუ იწვევს ჩვენში სოციალური ან კოსმოსური ხასიათის სიმპათიის ვანცდას, ხელოვნების პრინციპი სოციოლოგიურ-კოსმოსურია: ხელოვნება ჩვენ ყოველთვის გვაერთებს ვინმესთან, ან რამესთან; სული ჩვენი აწყობილია სოციალურად და კოსმოსურად; ტანჯვის გრძნობას ანახევრებს თანაგრძნობა; სიხარულს აორკეცებს კოლექტიური ვანცდა. როდესაც ჩვენ გარშემო ტირილია, ჩვენც გული გვეკუმშება მწუხარებისაგან; ჩვენ გარშემო რომ სიხარულია, ჩვენც სიხარული გვივლის ტანში; სცენაზე რომ ქორწილია, ჩვენც ნაწილობრივ ვანვიციდით ქორწილს. როდესაც ჩვენ რომელიმე დიდი პოეტის ნაწერს ვკითხულობთ, სახე გვეწყობა შეფარდებით იმ აზრებთან, რომელიც წიგნშია. გრძნობა, კარგად გამოხატული, გადამდებია, როგორც „ისპანკა“, იდეა ხელოვნებისა დინამიტია, სოციალური ევოლუციის და ყოველი გრძნობა, ყოველი ჩვენი სიტყვა, მიუხედავად ჩვენი პრინციპისა და მსოფლმხედველობის, ჩვენ გვაერთებს ყოველბასთან.

კასტური ფსიქოლოგია და ესთეტიკური იდეალი ძველი იცრიცება: ეპოქა ვანდეგილობისა და რომანტიკული ინდივიდუალიზმის, ფაუსტისა და ჰამლეტის ეპოქა გვიმტიკეებს, რომ ინდივიდუალური ტანჯვის ილუზიების გზით ჩვენ, როგორც ოსკარ უაილდი, მივიღიართ კოლექტივიზმისა და კოსმიზმისაკენ. ძველი ეპოსის გაშლილობა, საშუალო საუკუნეების ვაგაბონდური ტრუბადურიზმი, გოთური სულის აღმაფრენა და რომანტიკულ-კოსმოსური აწვევადება მაჩვენებელია იმისა, რომ ადამიანი თანდათანობით შედის თავისი ვანცდებით და ილუზიებით ახალ სამყაროში, საზოგადოებრიობისა და ყოველობის სფეროში.

თანამედროვე მეცნიერება და ტექნიკა მიოურ-კოსმოსური მსოფლმხედველობის რეგენერაციაა; ნივთიერების იონებად დანაწილება ახალი ქიმიური ელემენტების მიკვლევა, ჰაერის დაპყრობა, ოკეანეებისა და კუნძულების შეცნობა, მსოფლიო დეტალების და ხეულების

თანდათანობითი ათვალთვალება თანამედროვე მეცნიერებას აძლევს მეტაფიზიკურ ხასიათს და სული ჩვენი შეუცნობელის სფეროში შედის. სავესე ფორმულებით და პრინციპებით, როგორც შეიარაღებული რაინდი გოთური სტილისა სასახლის დერეფანში შედიოდა, სავესე მისტიკური გრძნობით და ნერვეულ-ფსიქიკური ატორტმანებით; პოეზია არის მეტაფიზიკური ფორმა მეცნიერების და უმაღლესი მეცნიერული დებულებები და თეორიები ყოველთვის თავდება ლეგენდარული პათოსით.

მეცნიერი წერს ღწურსა და დეტალურ ისტორიას ქვეყნისას, პოეტი ლეგენდებად ანაწილებს წუთისოფლის სახეებსა და ფორმებს; თვით ლეგენდა რეალური დოკუმენტების უღწურესი ელემენტია, უფრო ფილოსოფიური, ვიდრე ისტორია ფაქტებისა; ისტორია მოგვითხრობს მხოლოდ მშრალსა და სადავო ფაქტებზე იმ დროს, როდესაც ლეგენდა აყალიბებს ღრმასა და მარადიულ გრძნობებს, რომლებმაც წარმოშვეს თვით ფაქტები.

რაც დღეს ჭეშმარიტი და ფაქტია, ხვალ ის ლეგენდად იქცევა: სიმორე რეალობას აბნელებს და აზვიადებს; რაც ახლოა — ფაქტია, რაც შორსაა — ლეგენდა: ზედმეტი სინათლისაგან მთის მწვერვალიდან სივრცე შავად მოჩანს და ხშირად უდიდესი ჭეშმარიტება და რეალობა უმშვენიერესი ლეგენდაა წუთისოფლისა. დღევანდელ სალონებსა და თეატრებში ელექტრონით განათებული ფორმები მისტიკურ სახეებს იღებენ და რეალობის განცდა ჩვენში უმეშვეოდ გადადის შორეულობის შეგრძნებაში. დღევანდელი მეცნიერები პოეზიისა და მეტაფიზიკისა შესავალია: სამყაროს გრანდიოზულ ტაძარში მეცნიერი მხოლოდ მეკარეა, პოეტი კი — ქურუმი, ფილოსოფოსი — მოგვი.

მეცნიერება ბოლოს და ბოლოს ერთგვარი ფორმაა ხელოვნების — ფორმა ალქატი და სტატიკური; ხელოვნება უმეშვეო გამოსახულებაა კოსმოსური სულიერების დინამიკური დენისა, ყოვლობის მატერიული მუხვადობის და შემოქმედებითი განწვალებისა; მეცნიერულ დებულებათა ღირებულება დამოკიდებულია იმაზე, თუ რაოდენ შესაძლებელია განრიგება ფაქტების დროის და სივრცის პირობებში პლანეტარული ლოგიკისა და ტრადიციული ტროპიზმის მიხედვით; ხელოვნება არღვევს ბანალობას ჩვეულებისას, ყოველდღიურობისას ჩვენი ნერვეულ-ფსიქიკური იმპულსების ამყოლობით და დროულ სახეში გვიჩვენებს მარადიულის ვლენას.

იდეალი და ტანჯვა

კაცობრიობის იდეალი კულტურის საერთო მსვლელობასთან ერთად ეითარდება. ესთეტიკა კულტურის უსრულესი გამოსახულებაა: კულტურა ტანისა და სულის. კულტურა ორგანული და ფსიქიკური. კულტურა მორთულობისა და ყოფა-ცხოვრების ერთგვარი ესთეტიზაციის პროცესია; დიდი კულტურა ყოველთვის ღრმა ესთეტიკურ იდეალს გამოსახავს და კულტურის პერიპეტეებში სული ჩვენი თანდათანობით ეჩვევა სილამაზის დაფასებას, გული ჩვენი თანდათანობით ითხოვს ესთეტიკურ გაქანებას, ტრიალსა და ხეტიალს, მოძრაობასა და ათამაშებას: ევროპული ვალსი, ჩვენებური ლეკური, სალონური ახითხითება და გრძნობათა არითმია კულტურული ადამიანის ნერვულ-ფსიქიკური არყევის მაჩვენებელია და სექსურ-ეროტიკულ ენებათა ლელვასთან ერთად გამოსახავენ სურვილს კოსმოსური გაშლილობისას და გაქანებისას მარადობისაკენ.

მუსიკა უმეშვეო ამოძახილია ადამიანის ნერვულ-ფსიქიკური რხევის. მუსიკის ხმა ჩვენ გვართმევს ჩვენს საკუთარ მე-ს, ჩვენს განცდებსა და იდეალებს, რათა გადაგვიყვანოს ყოვლობაში, რათა სოციალური ემოციებით და ჩვენი ლირიკული გრძნებით მარადისობასთან შეგვაერთოს; ჩვენი ზურნა და ქიანური ჩვენი ისტორიული ფსიქოლოგიის ინსტრუმენტალური ასმაურებაა: შეწუხებული ხმა, დაჩქარებული ბგერები, თითქოს ჩვენი წინაპრების აღელვებას და მოძრაობას გამოსახავენ, თითქოს ჭალაღეღინები, ხოჯა ხანები, შაჰ-აბასები და მათი ურდოები დაძრწიან ხევეებში, თითქოს ჩვენი წინაპრები გარბიან მათათა ბილიკებით: გულშეწუხება, აჩქარება, ატორტმანება, დევნა, ტკივილები, ცრემლები — თითქოს ეს ყველაფერი ერთად ისმის ზურნასა და ქიანურის ხმებში: რაც უცხოელებისთვის გაუგებარი და მყვირალაა ამ ხმებში, ის ჩვენთვის რიტმული და მუსიკალურია: წარსულის განცდა შენახულა ჩვენში და ამ განცდის რხევა ჩვენს ნერვულ ხვეულებსა და უჭრედებში მუსიკად იქცევა, როცა გვესმის ჩვენი ფსიქიკურ მდგომარეობასთან შეთანაბრებული ასმაურება ნეტებისა და ინსტრუმენტებისა.

ყოველგვარი ესთეტიკური იდეალი გამოსახავს ტერიტორიულ-ტროპულ გემოვნებასა და სულიერობის წყობას; მხატვრულ ნაწარმოებს აქვს ესთეტიკური ეფექტები მხოლოდ იმ ადამიანისთვის, რომელსაც აქვს ესთეტიკური ორგანიზაცია სწვრივად იმასთან, რომელმაც შექ-

მნა ესთეტიკური ეფექტი. ღირებულება მხატვრული ნაწარმოებისა იზომება იმის მიხედვით, თუ როგორი ხასიათის სულიერ ამყოლობას იწვევს ჩვენში — თუ ჩვენი სურვილები და ვანცდებია გამოხატული. ჩვენ მოვეწონება, თუ არა და არა; ტოლსტოი განსაკუთრებული ფილოსოფიურ-რელიგიური თვალთახედვით აფასებს შექსპირს და ლაპარაკობს: შექსპირის ნაწერები არავითარ ლიტერატურულ-ესთეტიკურ ღირებულებას არ წარმოადგენსო. ლოგიკა ტოლსტოის, რუსი თავადის მსოფლმხედველობის გამომსახველი, ვერ იგუებს შექსპირის გაშლილობასა და ირაციონალობას.

საფრანგეთის ფსევდოკლასიკოსებიც, განსაკუთრებული თეორიით შეზღუდულნი, შექსპირს, როგორც ტოლსტოი, ისე უყურებდნენ: შექსპირი მწერალი არ არისო — ამბობდა ვოლტერი.

ლიტერატურული ნაწარმოების ღირებულება ყოველთვის შეფარდებულია საზოგადოების ფსიქოლოგიასთან: აზრი კარგია, თუკი ესაჭიროება რომელიმე ჯგუფს ან ეპოქას; იდეას პატივს სცემენ იმდენად, რამდენადაც სოციალურ-ისტორიულ შეგრძნებას გამოსახავს; ისტორიაში გასაავალი და ფასი აქვს ისეთ აზრებს, რომელნიც ჯგუფური, ან ისტორიული განცდის მაჩვენებელია.

თვით იდეა თავისი ბუნებით შედეგია ორგანულ-ფსიქიკური აქტივობის: არა მარტო იდეა ლიტერატურული, არამედ ყოველგვარი ცნება კუთხური ან ინდივიდუალური განაპირებაა ზოგადი ფსიქოლოგიისა, ზოგადი მეტყველების; მხოლოდ ყოველგვარი ფსიქოლოგიური ზოგადობა თავისთავად რასულსა და პროფესიულ-კუთხურ ილუზიებს ეყრდნობა; არის ილუზია, რომელიც მთელს კაცობრიობას ეჩვენება, რომელსაც იზიარებს არაერთი ერი და საუკუნე (*idola tribus*), რომელიც ინდივიდუალურ გემოვნებას აკმაყოფილებს და მემკვიდრეობით მიღებულ თვისებებს აყალიბებს; არის ილუზია თეატრული (*idola theatri*), რომელიც გამომდინარეობს დიდი ავტორიტეტებისა და ტრიბუნების სიტყვებისაგან.

ილუზია მოუვა ხოლმე კაცობრიობას და ატრიალებს ყოველ ეპოქას თავისებურად; ილუზია მოუვა ერს და კერძო ადამიანსაც; დროგამოშვებით ადამიანი განიცდის ილუზიებს, როგორც ერთგვარ ავადმყოფობას, როგორც ერთგვარ ინფლუენციას: ილუზია ისე გადამდებია, როგორც ინფლუენცია; ილუზია ადამიანს იმორჩილებს საესებით და თავისი ბიოლოგიურ-ფიზიოლოგიური ინტერესით ალაპარაკებს; ინდივიდუალური ფსიქიკის ფესვები ფიზიოლოგიურ-ნერველ ბუნებაშია

და ჩვენი იდეალები დამოკიდებულია იმაზე, თუ რაოდენი ენერგია, სისხლი და სითბოა ჩვენს სხეულში; ვარდისფერი სახე და იმედები, რომელიც ეჩვენება ახალგაზრდას, არის იდეური გამოკრთომა მისი მანაგანი ორგანული სისავისისა, ენერგიისა და გრძნობის; მოხუცისთვის წვეყანას ნაკლები ფასი და ნაკლები სახე აქვს.

ენას ალაპარაკებს განცდა: ჩვენ ვაფასებთ მხოლოდ იმას, რაც კვყვარება, რასაც ვხედავთ, რაც ჩვენთვის სასარგებლოა; იდეა სარგებლობისა — ეგოცენტრიზმი ტროპული ფსიქოლოგიის აზარმაკია: ალტრუიზმი ერთგვარი ფორმაა ეგოიზმის: ადამიანი გულკეთილია არა იმიტომ, რომ სხვისთვის უნდა კარგო, არამედ იმიტომ, რომ გულკეთილობა მას სიამოვნებს პირადად: მდიდარი რომ ღარიბს აძლევს, ღარიბზე არანაკლებ სიხარულს განიცდის თვითონ იმ გრძნობაში, რომ მას შეუძლია გაცემა: „რასაცა ვასცემ, შენია, რას არა, დაკარგულია“.

ალტრუიზმი ეგოიზმის ფსიქოლოგიური ორეულია: როცა გაქვს, გაქვს სურვალი გაცემის; ვისაც არა აქვს, არც გაცემა შეუძლია.



ადამიანი მოწაფეა და ტანჯვა მისი მასწავლებელი; სისხლით იწერება ისტორია და ცრემლებით ირეცხება საუკუნეები; რაც არის, ყველაფერი ტანჯვამ შექმნა და ვინც იტანჯება, ის მარადიულს ხედავს წარმავალში.

ტანჯვაში სულს ნათელი ეფინება; ქარიშხალი და ვნება სულს ღვთაებისაკენ ეძახის: ძველი ღმერთები და გმირები, ტაძრები და კერპები ტანჯვის შემოქმედებან.

ადამიანის გულში არის სისათუთე, რომელიც სავსეა ტანჯვითა გამოსახულებებით, მოგონებებით, სახეებოთ და ლანდებით; სული ძლიერია და მდიდარი მხოლოდ მაშინ, როდესაც ტანჯვამ უკვე გააარა...

ტანჯვა ქმნის სილამაზეს: რაც უფრო ვიტანჯებით. მით უფრო ეძებს სული ღამაზ სახეს. სისრულეს, ხმაშეწყობილობას; მილოსელი ვენერა ისეთი სულის შემოქმედებან, რომელიც არ იყო კმაყოფილი და იტანჯებოდა, რომელსაც ენატრებოდა სრულყოფილი სილამაზე.

ტანჯვაში ისახება სურვილი გაშლისა, გაღალებისა, გაქანებისა: ვრი, რომელიც სხვაზე მეტად იტანჯება, სხვასე უფრო მალე იგონებს ღმერთებს და იდეალებს. მეცნიერებას და ხელოვნებას.

მეტყველება და ტექნიკა — ორივე გაკირვების მოხერხებაა და რასაც მდგომარეობა უყარნახებს, იმას აკეთებს სული დატანჯული.

ყოველი ერის რელიგია ფსიქოლოგიური ასახვაა ონტოლოგიური მდგომარეობის: გვიბტელების ღმერთი იყო ხარი, რადგან ხარი მათ ძალიან ესაჭიროებოდათ მიწის დამუშავებაში.

საბერძნეთში ყოველი ქალაქი თავის ღმერთს ადიდებდა და ყოველი ღმერთი იყო გამომხატველი ადამიანის ინტერესებისა და სურვილებისა.

იდეალი შორეულისა და ზედროულის მხოლოდ დროისა და პირობების შედეგაა; რაც მარადიულია, ის შეიქმნა დროულ პირობებში; რაც დროულია, ის მარადიული თვალთახედვით ყალბია; რასაც ოდესღაც ადიდებენ, ის დღეს ჩვენ გვეზიზღება და რასაც დღეს ჩვენ ვადიდებთ, ის მომავალს სასაცილოდ არ ეყოფა.

ყოველი საუკუნე თავისას ამბობს, ყოველი ერი თავისებურად ლოცულობს და ყოველი ადამიანი თავის თავს ატყუებს. ქვეშარტება მხოლოდ ილუზიაა მისი და ხშირად ბოროტება სიკეთეა, ისე როგორც სიკეთე ბოროტებაა:

ქრისტემ ლაზარე გააცოცხლა — განა სიკეთე უქნა? — ლაზარეს ორჯერ სიკვდილი დასჭირდა; რომ არ გაეცოცხლებინა, მხოლოდ ერთხელ მოკვდებოდა. ტყუილი არასოდეს არ თქვაო, ჩვენ ვეუბნებით ბავშვს, მაგრამ თვითონ ვამბობთ ტყუილს, როდესაც ბავშვი ავად ვახდებთ: დაღი, წამალი ტკბილია შეაქარიეთო. ჭარის უფროსი ჭარისკაცს ტყუილისათვის სჯის, მაგრამ ბრძოლის ველზე თვითონ ამბობს ტყუილს, რომ გაამხნევოს ჭარისკაცი: მდგომარეობა ქმნის ლოგიკას, გაკირვება ქმნის ილუზიას; მდგომარეობის და გაკირვების გარეშე ყველაფერი სოფიზმი და ლეგენდაა.

იდეა და ფორმა

იდეა ნიშნავს აზრს, შინაარსს, შინაგან ლტოლვათა და ხილვათა ლოგიკურ სახეობას.

ფორმა არის მოკვეთილობა ნაკვეთებისა, მეტყველება გარეგნობისა. იდეა ჩვენი შეცნაურების შინაგანი რაობაა.

ფორმა ჩვენი ერთდროული შთაბეჭდილების ეფემერული მოკვეთილობაა.

იდეა თეორიულ-ლოგიკური პრინციპია შემოქმედებ-სა: ფორმა ჩვენი შემოქმედებითი ქვრეტის ილუზიური განსახეობაა.

იდეა და ფორმა ორი დიდი ელემენტია ყოველი შემოქმედების, ისტორიისა და ცივილიზაციის ყოველი სახის.

მეტყველებისა და ლიტერატურის ისტორიაში არაერთხელ დასმულა საკითხი: რა უფრო მნიშვნელოვანია ცხოვრებასა და შემოქმედება-ში — იდეა თუ ფორმა? აზრი თუ გარეგანი სახეობა.

რა არის უფრო დიადი და მეტყველი: შინაგანი რაობა თუ გარეგანი სახეობა?

ცივილიზაციისა და კულტურის გრანდიოზული სახეები რაში უფრო გამოიხატებიან: ნაკვთთა სიმეტრიაში თუ ლოგიკურ სახეობაში?

განსაკუთრებით მწვავედ წამოაყენა ეს საკითხი მხატვრულმა ლიტერატურამ: გამოჩნდნენ მწერლები, რომლებიც თამამად ლაპარაკობენ ფორმის უპირატესობაზე, ნაკვთთა სახეობის სიდიადეზე. ამტკიცებენ, ყოველ შემთხვევაში ცდილობენ დაამტკიცონ, რომ იდეა შემოქმედებისა ბოლოს და ბოლოს ფორმის რითმულსა და რიტმულ წყობაში გამოიხატება, რომ ფორმა არის ყველაფერი და აზრი კი მეორეხარისხოვანი ელემენტი.

მართალია თუ არა ეს?

შემოქმედება — იქნება მხატვრული თუ თეორიულ-მეცნიერული — სულ ერთია, არის ერთგვარი ესთეტიკური განსხეულება ადამიანის სულიერი მღვლეარებისა: ყოველი ადამიანის სულიერი მღვლეარება, ყოველი ადამიანის გრძნობებისა და ცნებების შემოქმედებითი მოძრაობა არის ერთგვარი ენერჯის დახარჯვა, ერთგვარი ლოგიკურ-ესთეტიკურად ჩამოყალიბება ნებისყოფის ცხადყოფისა. ყოველი ნებისყოფის ცხადყოფა გამოიხატება ნერვულ შერხევაში, შემოქმედებით განცდაში: მხატვარმა, მეცნიერმა, მწერალმა ჯერ თვითონ უნდა დაინახოს სახე, ჯერ თვითონ უნდა შეიგრძნოს და შეიცნაუროს და მხოლოდ ინდივიდუალური სახეშეგრძნობის შემდეგ შეიძლება გაობიექტივება, გარეთ გამოტანა.

შემოქმედს შეუძლია კვეთოს ცხოვრების სახე მხოლოდ განცდის დაზგაზე.

განცდა არის ესთეტიკური სახეობის საფუძველი. განცდაში გამოიხატება შინაგანი ხილვა შემოქმედებითი გრძნეულებისა.

ამ შინაგანი ხილვის გაობიექტივება შემოქმედებითი პროცესის განსხეულებაა; ყოველი განსხეულება ფორმის ჩამოყალიბებაა. შემოქმე-

დი ჯერ ათამაშებულია: მან არ იცის, რა ხდება მასში: ის მხოლოდ ამოძრავებულა გამოუთქმელი სიხარულით, მწვავე სიტკობებით; ის ეძებს თიხას, მარმარილოს. ტილოს. ქალაღდს: ინსტრუქტურად გრძნობს მისტკურ ორსულობას: გრძნობა გადაღის განცდამი და იწყება ღვთიური ატალღება ნებისყოფისა, იწყება შინაგანი ხილვა იდეალური სახისა. ფსიქოლოგიურად მოძრავდება ესთეტიკური ნაკვეთების ლოგიკური აყოვლადება: სხეულებრივ ოცნება სინამდვილისკენ მიიწევა, თვით სინამდვილე ადამიანის სურვილებში იღესება. იჩაღება და ესთეტიკურ სახეცვლილებას განიცდის. შემოქმედებით დაზგაზე იკვეთება იდეალური სახე.

ღიადი და ღვთაებრივია აქ იღვა; სხეულებრივი ოცნება; ფორმა, ფერები, ნაკვეთები, ხაზები მხოლოდ ტანისამოსია შემოქმედებითი სულიერობისა, მხოლოდ დროისა და გემოვნების შესაფერი გარეგნობაა. მარადიულობა მხოლოდ იღვაში გამოიხატება, მხოლოდ იღვა არის გამომსახველი მარადობის მგოსნურ-ფილოსოფიური შეგრძნობისა, სამყაროს დაუსრულებლობის შეცნაურებისა. ზოგადი, საკაცობრიო სეველის ღვთაებრივი განზოგადებისა; ყოველი შემოქმედება მსოფლიო სეველის გამოსახულებათა, შეგრძნობათა ამ სეველის პოეტურად და ფილოსოფიურად სულის აწყობათა.

მშვენიერია წუთისოფლად მხოლოდ ის სახე, რომელშიც და რომლის საშუალებით ადამიანი გამოსახავს მარადობის წყურვილს და არსებობის სევედას. ტარიელის ცრემლები რუს პირად, ავთანდილის სიმღერა მულღაზანზარის ველზე. დანტეს დაუსრულებელი ხეტიალი, შექსპირის გრანდიოზული ოცნებები ჩვენი სულის მარადიული სეველიანობის სახეებია.

სამყაროს თვალგადაუწეღენელ სივრცეში წუთისოფლის წარმავლობის შეცნაურება პოეზიას აერთებს ფილოსოფიასთან: საღამოს ეამს, როდესაც სული ჩვენი ითვალისწინებს და კიდევაც გრძნობს სიციცხლის არარაობას, როდესაც ჩვენში იღვიძებს მარადობის წყურვილი და ჩვენ ვეტრფით დაუსრულებლობის სიჩუმეს როგორც შეყვარებულნი, ჩვენს აზროვნებაში ცხოვრების შინაარსსა ღვთაებრივი სეველის შეგრძნობაში გადაღის: მაშინ ადამიანი გრძნობს ერთსა და იმავე დროს წარმავლობის სიმწარეს და მარადობის სიყვარულს. რა თქმა უნდა, ყველა ამას ვერ გრძნობს, მაგრამ ღიდი პოეტებო და მეცნიერები. საზოგადო მოღვაწეები და პოლიტიკოსები. ფილოსოფოსები და მორალისტები აქ ერთადებიან. ცხოვრების სახეების სიმშვენიერე და ამ

სიმშვენიერის წარმავლობა — ხრწნადობის იდეა ადამიანის სულიერ მღვდვარებაში ერთად ისახება.

მართალია რუსთაველი, როდესაც ამბობს:

შაირობა სიბრძნისაა ერთი დარგიო. მართლაც, შეუძლებელია პოეტობა, თუ არ არის ერთგვარი სულიერი და შემოქმედებითი სილალე, ერთგვარი ესთეტიკურ-ეროტიკული სისავსე შეგვრძნობა-შეცნაურების სფეროში.

პოეზია მეტყველების უმშვენიერესი სახეა და რაც უნდა წყობილა იყოს გარეგნობა, შინაარსის სიდიადე მაინც აუცილებელია: შინაარსი აძლევს ფორმას დინამიკურ ხასიათს, ფორმის სახეობა შინაარსის სიმკვეთრეზეა დამყარებული. ფორმა მხოლოდ ტექნიკური და მატერიალური მხარეა შემოქმედებისა; შინაგანი, სულიერი მხარე აზრია, ის აზრი, რომელიც აძლევს სახეს მთელს ცივილიზაციას კაცობრიობისას, მთელს დაუსრულებელს მიმდინარეობას და ცვალებადობას ისტორიისას, საერთო შემოქმედებისას. ფორმის პატივისცემა და აზრის უარყოფა სულისა და სულიერობის უარყოფაა:

— ეს ერთგვარი სილატაქეა.

გოეთე „ფაუსტში“ ამბობს: „როდესაც ადამიანს თავში აზრი აკლია, საგანგებოდ გამოჩნებული სიტყვებით ცდილობს თავისი უაზრობა დაფაროს“. საქმე ისაა, რომ ხშირად თავში აზრი აკლია არა მართო ცალკე ადამიანს, არამედ მთელს საზოგადოებასა და ეპოქას. ამ დროს უაზრო თავებში იბადება სიტყვებისადმი უსაზღვრო „პატივისცემა“; იწყება თავხედური. უზნეო და უზრდელური გამოსვლები აზრისა, ლოგიკისა და წარსულის საწინააღმდეგოდ. ქუჩური ხასიათი ეძლევა საზოგადოებისა და ერის ესთეტიკას: ლანძღვენ და აგინებენ ავტორიტეტებს, კბრძვიან ტრადიციას, საუკუნეთა განმავლობაში განმტკიცებული ცხოვრებისა და ისტორიის ფორმებს, სახეებს. ეს არის დრო ისტორიული და კულტურული დეგენერაციისა, რომელიც ამახინჯებს ცივილიზაციას.

ტრადიციისა და ისტორიის უარყოფა ჩვენ კიდევ გვესმის იქ, სადაც ვრი კარგად იცნობს თავის ტრადიციას და ისტორიას: იტალიაში წარსულის უარყოფა იყო ერთგვარი ისტორიოლოგიური ანარქიზმი, ეს იყო ერთგვარი ბუნტი, ერთგვარი აჯანყება წარსულს შეგვრძნობილო ვრანდიოზობის წინააღმდეგ. საქართველოში ქართველი უარყოფს იმ წარსულს, რომლის შესახებ მას არა აქვს არავითარი წარმოდგენა. სა-

ქართველოში ქართველი ამბობს: მე წარსული მეზიზღებო და თან არც კი იცის, რა ეზიზღება მას.

სურვილი შემოქმედების „ახალი“ ფორმის შემოღებისა საქართველოში იმ დროს, როდესაც ჩვენ არა გვაქვს შესწავლილი კლასიკური ფორმები ჩვენი ეროვნული სულიერი მიმდინარეობისა, მიუღებელია თავისთავად: ილია ჭავჭავაძე რა მწერალია — ამბობს ქართველი ინტელიგენტი და თან არც კი იცის, რა დაწერა ილია ჭავჭავაძემ, თითქოს აქ მართლდება პარადოქსი ოსკარ უაილდისა: კლასიკოსი ისეთი მწერალია, — ამბობს უაილდი, — რომელზეც ყველა ლაპარაკობს და რომლის ნაწერებს აღარაფერს კითხულობსო.

საზოგადო, საკაცობრიო თვალთახედვითაც მიუღებელია წარსულის უარყოფა და მარტო წარმავალი ფორმის პატივისცემა: რა არის ის, რაც ჩვენ გვზიზღავს დანტესა და გოეთეს ნაწერებში — ფორმა თუ იდეა? რას აქვს ამ ნაწერებში მაღალი, ზოგადი, საკაცობრიო ღირებულება — ფორმას თუ იდეას? ფორმა დანტეს ნაწერების — ჩვეულებრივი იტალიური ტერციები დღეს ვერავის ზიზღავს. მშრალი, დიდაქტიკური წყობა სიტყვებისა, ცივი, ერთსახიანი თხრობა ამბისა მოკლებულია ესთეტიკურ მიზიდველობას. დღეს ევროპელი ინტელიგენტი დანტეს პოემაში გრძნობს საშუალო საუკუნეების თვითმპყრობელ კათოლიკობას; წარსული მკითხველის ოცნებაში იღებს სხეულებრივ სახეს და თანდათანობით იშლება სიმბოლურად რელიგიურ-ესთეტიკური ჰერმეტიკის დაუსრულებლობაში. აქ ლაპარაკობს იდეა, ახრი, აქ არის განცდა კოლოსალური ნებისყოფისა და არა უწინ პრანჭიაობა აკრობატისა და უონგლიორისა.

ფაუსტის ტრაგედია კაცობრიობის სულიერა განცდის ეპოპეაა: ფორმა, ლექსთა წყობა, ტექნიკური დრამატიზაცია ამ საკაცობრიო ტრაგედიისა კი არ იზიდავს ჩვენს ყურადღებას, არამედ მაძიებელი სულის ტრაგედიული განცდის სიდიადე; რომელ ენაზეც უნდა წაიკითხოთ, ლექსად იქნება, თუ პროზით, სულ ერთია, „არსებობის ტალღებში“, „მოქმედებათა ქარიშხალში“ ადამიანის სულს მღელვარებაა აზარმაცი ჩვენი სიმპათიისა და ყურადღების, ჩვენი აღტაცებისა და ღრმა პატივისცემის.

საზოგადოდ, საკაცობრიო ღირებულებას შემოქმედებას აძლევს ყოველთვის აზრი — იდეა, ლოგოსი, ფორმა შემოქმედებისა ყოველთვის დროულია. იგი, ასე ვთქვათ, ბრბოს გემოვნებაზეა დამყარებული; მხოლოდ აზრი არის გამომხატველი იმ ღვთაებრივი სევდისა, რომელიც

ისახება მარადობისადმი ტრფიალებში და რომელსაც აქვს რელიგიურ-
ესთეტიკური ღირებულება ამ უსწორმასწორო წუთისოფელში.

ის, ვინც ვერ გრძნობს მარადობისადმი ტრფიალებას; ის, ვინც კმა-
ყოფილია თავისი სიტყვებით; ის, ვისაც სჯერა, რომ ცხოვრების დაუს-
რულებლობის გამოსახვა შეიძლება განსაზღვრულ ფორმულაში, სუ-
ლით ღარიბია და ვერასოდეს ვერ ეტყვის ვერც თავის ერს და ვერც
კაცობრიობას ახალსა და უჩვეულო სიტყვას.

ახალ სიტყვას უნდა ძლიერი განცდა: მარგალიტებს ისვრის მხო-
ლოდ ატალღებული სღვა. ვისაც უნდა გამოსახოს ლამაზი ფორმა,
უნდა ატაროს თავის სულში განცდათა ქაოსი.

სოციალური მსოფლიოს საფუძვლები

მ რ ბ ა ნ მ ტ რ მ კ ი ზ მ ი

წ ი ნ ა ს ი ტ ყ ვ ა მ ბ ა

ქართული კულტურის წარსული თავის ორგანულ ვითარებაში თანდათანობას მოკლებულია და შეიცავს უფრო ცალკეული ეპიზოდების არითმიულ დენას, ვიდრე წყობასა და გარკვეული გზით მიმართებას: თითქოს საქართველოს მიწა-წყალი თავის გეოლოგიურ-გეოგრაფიული უსწორმასწორობით, ტეხილებით და ღროტოებით ქართველი ხალხის ისტორიული შემოქმედების სიმბოლურ სახეს წარმოადგენს, თითქოს ქართული ნებისყოფის სოციალურ-კულტურულ ვითარებასა და საქართველოს ბუნებრივ პირობებს შორის არსებობს თავისებური შეფარდება. დაულაგებელი, უსისტემო და ქაოსურ-აზიურაა ქართული სული თავის ისტორიულ წარსულში: ფიზიოლოგიური მომენტი ანელებს ქართული სულის ისტორიულ-გენეტიკურ წვასა და შემოქმედებით წვალებას: შორეული წარსულიდან ატალახებული სოციალური ყოფა ჯალალდინებისა, ქაიხოსროებისა და ხოჯა-ხანების ჩვეულებათა გადმონაშთებით, უკუღმართად ჩაღეკილი ქართული სხეულისა და საზოგადოებრიობის უჯრედულ ხვეულებში, მემკვიდრეობით მოდგმათა რიგებში გადმოცემული, ხშირად ალაღობებდა ქართული რასის ისედაც მოთენთილ ნებისყოფას. ქართულმა სულმა თავისი ისტორიული სახეობა ჩამოაყალიბა სუპერისტორიულ პირობებში და ისიც ეპიზოდებით.

მხოლოდ მეცხრამეტე საუკუნის განმავლობაში ქართული კულტურის მიმართება იხრება გარკვევით ევროპისაკენ და ქართული სულის ისტორიულ-აზიური ფორმები თავიანთი ქრელი ორნამენტალიზმით თანდათანობით იცრაცებიან: მეცხრამეტე საუკუნის მეორე ნახევარში ქართული საზოგადოებრიობის დათანაწყობებასთან, კლასობრივი ოდე-

ოლოგიის წარმოსახვასთან ერთად იწყება ქართული კულტურის სისტემატური ინტელექტუალიზაცია; აზიურ-ტირანიული ღრეობა და მცონარეული ლირწებრიობის ვანვავში ქართველი ხალხის ცხოვრებაში იცვლება სახელმწიფოებრიობა-სა და სოციალური ყოფის პირობებით. ლიტერატურასა და საზოგადოებაში შემოდიან არა საღაღობოდ, არა ნათესაეებისა და ნაცნობების გასართობად, არამედ გარკვეული სოციალურ-ფილოსოფიური იდეებით, საზოგადო მოღვაწეობისა და შემოქმედების ახალი ზრახვებით, ახალი მიზნებით. მაგრამ სიახლის მიმდინარეობა ცხოვრების საჭიროებამ თანდათანობით პოლიტიკურ-სახელმწიფოებრივ ზრუნვისაკენ გადახარა და ქართული კულტურის ფენებში ჩარჩა ცუდი წარსულის ნალექი წოდებრივი პრეტენზიებისა და „უჩემოდ ვინ იმღერეთას“ სახით. ხოლო საერთაშორისო მოძრაობათა იდეოლოგიური ჰაერეთი სულ სხვა მიმართულებით ეძახის ქართულ შემოქმედებას.

ინდივიდუალისტურ-თეოლოგიური კონსტრუქცია სულისა და განცდის, მოკლებული ისტორიულ საფუძვლებს, შინაგან სიმართლეს, იდეოლოგიური ჰაერეთის განახლებას ეწინააღმდეგება და ამიტომ, ბუნებრივია, პოლიტიკურ-სოციალურ რევოლუციასთან ერთად ძირეული რეფორმა აზროვნებისა, მეცნიერებისა და ლიტერატურულ-ესთეტიკურ ცნებათა რეორგანიზაცია ესაჭიროება არა მარტო სოციალურ-ისტორიულ წყობას სამყაროისას, არამედ კულტურულსა და იდეოლოგიურსაც: სული ადამიანისა, გადახრილი სუპერისტორიული ვითარებისაკენ, სული, განთავისუფლებული კუთხურ-ინდივიდუალისტური ნაჭუჭებისაგან, საჭიროებს ახალ ნორმებს მორალისა და მსოფლგაგებისას, ახალ იდეოლოგიურ აზარმაცებს ნებისყოფათა მოძრაობისას ხელოვნებისა, მეცნიერებისა და ფილოსოფიის არეებში.

წუთისოფლურ ჩოჩქოლსა და მოძრაობაში, რღვევისა და განახლების ქარიშხალში რა სახის უნდა იყოს მიმართება ადამიანის სულისა?

კაცობრიობა ქანაობს უფსკრულზე: უნდობლობა მეფობს ხალხებში; ისტორიული კატეგორიები იცრიცება და იხეთქება; დიდი არმიები, შეიარაღებული თავიდან ფეხამდე, უცდიან ბრძანებას სისხლის დასაღვრელად; არსენალებს განადგურებისას აწყობენ ნერვული სიჩქარით; სამყაროს კომპასი ირწევა არე-დარევიით; ადამიანი ტრაგედიული ტორტმანით თხოულობს ყოველდღე, რომ მეცნიერებამ გამოგანოს ისეთი რამ, რაც შექმნის ატმოსფეროს უჩვეულო ყოფისას; თაუჯის რაკონალიომისა და ისტორიული მეშჩანისმის წინააღმდეგ ეწყობა

გრანდიოზული შეთქმულება; სამყაროს სასოწარკვეთით დაღებული აქვს ხახა და შემოქმედებათა სული უცდის სოციალურ ატალღებათა ჰარმონიულ განრიგებას, რათა მოუხახოს არსებობის შეუჩინებელ დენას ფორმულა შედარებით უფრო სწორი და ღწერა.

ცხოვრების ნორმა ინდივიდუალისტური ეპოქებისა დაიშალა: ის, რაც შეადგენდა არსებობის აზრსა და ღირებულებას ოჯახისას, რელიგიისას წოდებრივი რეგალიებისა და პრივილეგიების სახით, ადამიანის სულს ღღეს არ უდგება; ტრადიციულ ღირსებათა არე დაცარიელდა და ადამიანი დარჩა უსაზღვროების არეზე ისე, როგორც ლამანჩელი რაინდი სიერა-მორენის ხეობაში თავისი დამტვრეული ფარ-ხმალით; ინდუსტრიისა და წარმოების ვითარება ასხვაფერებს ისტორიულ ეპოქებს და ყოველ პერიოდს კულტურისას თან მიაქვს, თან მოაქვს თავისი სტილი და სული. ბუნების თანდათანობით გარდაქმნასა და ფერისცვალებაში ადამიანი თვითონ იცვლება სულით, იდეებით, განცდებით, ილუზიებით; პირამიდების აშენება ნილოსის თვალგადაუწვდენელ ცხელ ქალებზე და საცოდავი ქოხების შეკოწიწება ციმბირის ცივ ტაიგებში სხვადასხვა ილუზიებს და განცდებს, სხვადასხვა სახის გრძობებსა და იდეალებს იწვევს.

ცივილიზაციის ისტორია წარმოადგენს დროულ-სივრცულ ცვალებათა იდეოლოგიურ ფორმულებს და ყოველ პერიოდს ევოლუციისას აქვს თავისებური ტანი და სული, თავისებური ფიზიკურ-მატერიალური კონსტრუქცია და იდეურ-ინტუიციური სიმბოლოები.

წარმოების ვითარებასთან კაცობრიობა დროგამოშვებით იცვლის საყოფაცხოვრებო ნორმებს, იდეებს, ილუზიებს, განცდებსა და ჩვენი დროის ადამიანს ისე არ გამოადგება ძველი ისტორიულ-კულტურული პრინციპები, — იდეური განსახეობანი თავიანთი ზედროული აბსოლუტებით და უნივერსალიებით, — როგორც ორგანულად გავსებულ ვაჟ-კაცს არ გამოადგება ბავშვობის დროის ტანისამოსი. საყოფაცხოვრებო ნორმების გამოთვლისათვის კულტურისა და სოციალ-ეკონომიკურ სტრუქტურათა სახეცვალებასთან ერთად ჩვენი სული მოითხოვს მსოფლმხედველობის ძირეულ რეფორმას სოციალური გადახრით და სოციოლოგიური მიმართულებით; ნიშნები ამისა ჩვენ უკვე გვაქვს მეცნიერებასა და ფილოსოფიაში, ხელოვნებასა და საზოგადოებრივ მოძრაობებში; თუ თეოლოგიური იდეალიზმი ოდესღაც გამომსახველი იყო ინდივიდუალისტური აბსოლუ-

ტებისა და საზღვარგადაცილებული პრეტენზიებისა, სოციოლოგიური ორგანოტროპიზმი გამომსახველია რელატივისტური მსოფლგაგებისა: სოციოლოგიური ორგანოტროპიზმი როგორც იდეოლოგიური სინთეზი მარქსიზმისა და ბიოლოგიზმისა მიზნად ისახავს არა სოციალური კანონების გამოსახვას, არამედ სოციალურ სტრუქტურათა იდეოლოგიური ფორმების ანალიზს და ფილოსოფიურ-ესთეტიკური აბსოლუტების განმარტებას სოციალურ საქმეობათა შემოქმედებითი ნებისყოფით. სწორედ აქედან იწყება ჩვენი ფილოსოფიური ომი კანტისა და ნეოკანტელების წინააღმდეგ, სწორედ აქედან ერღვევა საფუძველი კანტის, შილერისა და ინგლისელი ევოლუციონისტების ესთეტიკურ ფილოსოფიას — „თამაშისა“ და „წმინდა ხელოვნების“ თეორიას, რომელსაც დღემდე ქადაგებენ, როგორც ჩვენში, ისე ევროპაში და რომელიც ყოველთვის თავდება დეკადანსის ყოველგვარი ფორმით და მისტიციზმით.

ჩვენს მღელვარე საუკუნეს შეუძლია თამამად გაიმეოროს დოსტოევსკის რასკოლნიკოვის სიტყვები: მე ადამიანი არ მომიკლავს, მე პრინციპი მოკვალიო. ღირებულებათა გადაფასების ეპოქაში პრინციპი, რომელსაც გამოეცალა არსებობის საფუძველები, ვეღარ გამოადგება იმას, ვინც ცხოვრობს ახალსა და თავისებურ სოციალურ ისტორიულ პირობებში.

წინამდებარე წიგნი შეიცავს ავტორის გულწრფელ ცდას—აზროვნებისა და ხელოვნების პრობლემათა თეორიულ გადაჭრაში შეიტანოს გარკვეული სისტემა მსოფლგაგებისა: სოციოლოგიზმის და ბიოლოგიზმის უკანასკნელი მიღწევებით ჩვენ ვიცავთ სოციოლოგიურ მსოფლგაგების პრინციპს ო რ გ ა ნ ო ტ რ ო პ უ ლ ი ფ ო რ მ უ ლ ი თ. ამ შემთხვევაში „სოციალური ესთეტიკის საფუძველები“ შეადგენს „სული და იდეის“ ფილოსოფიური თეზისების გაგრძელებას სრულიად გარკვეული სისტემით აზროვნებისა, რომელნიც უარყოფს ყოველგვარ აბსოლუტიზმს და ემყარება სოციოლოგიურ რელატივიზმს, მიემართება საკუთარი გზით მატერიალიზმისა და ორგანოტროპიზმისაკენ. ჩვენი მიზანი სრულებით არ არის ხელოვნების დაკავშირება საზოგადოებრივ ცხოვრებასთან: ერთი მხრით, ჩვენ ეს მიგვაჩნია საკმაოდ გარკვეულ ცნებად (პლენხანოვი, ტოლსტოი, რესკინი), მეორე მხრით, ეს თავისთავად გამომდინარეობს ჩვენი დებულებებიდან: ჩვენ გვ ა ი ნ ტ ე რ ე ს ე ბ ს გ ე ნ ე ზ ი ს ი შე მ ო ქ მ ე დ ე ბ ი-

თი სულისა და მასი ვერბალურ-ესთეტიკური ფორმების მამართლებს ცივილიზაციურ სექულ-
ლებში.

სოციალური საქიროების ორგანოტროპული ურთიერთობა, რომელსაც ჩვენ ვარკვევთ ამ წიგნში, გაადგილების და შეფარდების პრობლემა. რომელთა საშუალებით ჩვენ ვარღვევთ რაციონალისტურ-ინდივიდუალისტური ესთეტიკის საფუძვლებს — თამაშისა და წმინდა ხელოვნების თეორიას, უსაზღვროების იდეას სიყვარულით და შემოქმედებითი სევდით, აი რას ვუპირისპირებთ ჩვენ ბუჩუყაზიულ მისტიკურ დეკადანსის magischen idealismus-ის სხვადასხვა მიმართულებებს; ხელოვნების ჰიპერტროფიის პრობლემა, ჩვენი ღრმა რწმენით, ცივილიზაციის ჰიპერტროფიის პრობლემა და კულტურის წყობათა საერთო რეორგანიზაცია თავისთავად გამოიწვევს ხელოვნების რენესანსს, ხოლო ეს რენესანსი ხელოვნებისა დაიჭერს კავშირს არა რელიგიასთან, როგორც წარსულში იყო, არამედ მეცნიერებასთან; თვით მეცნიერება თანდათანობით მიიღებს გაშლილ სახეს, დაუახლოვდება ხელოვნებას ძირითად ფორმებში და გედვიით ამაყისრიანი ინტეგრაციები, რომელთა საშუალებით აინშტაინი, პენ-ლევე, პუანკარე, მინკოვსკი და სხვები უსაზღვროებათა სივრცეებს ანგარიშობენ, არ იქნება მომავალში ისე დაშორებული ხელოვნებას, როგორც დღესაა. ჩვენ არ ვეთანხმებით ერნსტ რენანს, როდესაც იგი ამბობს: მეცნიერება მტერია ხელოვნებისო; ჩვენ ვერც შპენგლერს დავეთანხმებით, როდესაც იგი უარყოფს ხელოვნების ღირებულებას. აპრიორიზმის და საერთოდ კანტის ფილოსოფიის თვალსაზრისით რენანიც მართალია და შპენგლერიც — ხელოვნებას თავისთავად ღირებულება არა აქვს, მაგრამ ჩვენთვის თავისთავად არამცთუ ხელოვნება, არამედ არც ერთი ფორმა შემოქმედებისა არავითარ ღირებულებას არ წარმოადგენს: ყველაფერი ღირებულა იმდენად, რამდენადაც არსებობს სოციალურ ურთიერთობაში, რამდენადაც ემსახურება სოციალურ საქიროებას: ხომალდი, დატვირთული ძვირფასი ნივთებით, რომელიც მიაპობს ოკეანის ტალღებს და მიიჩქარის ნიუ-იორკიდან ლონდონისაკენ, დიდ ღირებულებას წარმოადგენს იმიტომ, რომ ემსახურება ადამიანთა და სახელმწიფოთა ურთიერთობას — სოციალური ცხოვრების საქიროებას. მაგრამ იგივე სომალდა, ჩაძირული

ქვირფასი ნივთებით ოკეანის უფსკრულში, ვანა წარმოადგენს რაიმე ღირებულებას კაცობრიობისათვის? -- არ არსებობს ღირებულება ურთიერთობისა და სოციალური საჭიროების გარეშე. მაგრამ ხელოვნება ხომ ფუნქციას სოციალური ცხოვრების და ღირებულება მისი განიზომება სოციალური საჭიროებით, პლანეტური ურთიერთობით, რასაც მკითხველი დაინახავს ამ წიგნში.

კონსტანტინე კაპანელი

ქ. თბილისი
1925, იანვრის 28.

რეზუმე და აზრი

ჩვენი დრო ღირებულებათა გადაფასების დროა; გადაფასებას მოიხზოვს ცხოვრების ყოველი მხარე, კულტურის ყოველგვარი ფორმა — ტექნიკა და ინდუსტრია ისე საჭიროებს ცვლილებებს, ფერისცვალებას, როგორც მეცნიერება და ფილოსოფია. ცხოვრების ძველი ნორმები საკმაოდ დაცვეთილი და დაცრეცილია: კულტურის მატერიული და იდეური მხარეები ერთნაირად ატარებს დაღებს ამ დაცვეთილობისა და დაცრეცისას. აზრი ადამიანისა სულის მიმართებასთან ერთად იზრება საერთო ევოლუციისაკენ: თეოლოგია, რომელიც ამაგრებდა და იმედებით ასულდგმულებდა ინდივიდუალისტურ კულტურას, თანდათანობით ადგილს უთმობს სოციოლოგიასა და ბიოლოგიას — სოციალისტური კულტურის ერას.

სოციოლოგიისა და ბიოლოგიის შემოქმედებითი ხასიათის სინთეზმა შეარყია ფილოსოფიისა და საერთოდ მსოფლმხედველობის ძირეული პრინციპები: განსაკუთრებით შეიცვალა მდგომარეობა ფსიქოლოგიისა და გნოსეოლოგიური იდეალიზმისა; სხვადასხვა სახის „ნიჭიერებანი“, „ფუნქციები“, „ტრანსცენდენტური მოვლენები“, რომლებიც იძლეოდნენ სულისა და აზროვნების „განმარტებებს“ და რომელთა გამეორებანი მესხიერების, ყურადღების, გრძნობის და ნებისყოფის აბსტრაქციებით ტრაფარეტებად გადაიქცნენ ჩვენში, ბოლოს და ბოლოს კარგავენ მეცნიერულ ღირებულებას — სადაც აზრი ემყარება ზედროულ მოცემულობას, იქ მეცნიერებას ადგილი არა აქვს, რჩება მხოლოდ თეოლოგია; ამ მხრივ გერმანელი ფილოსოფოსების: შუპეს, ჰუსერლის, კოპენის და სხვათა გნოსეოლოგიური იდეალიზმი იგივე თეოლოგიაა, მხოლოდ რომანტიკულ-მეტაფიზიკური გადახრით.

სოციოლოგია ბიოლოგიის დახმარებით უარყოფს ყოველგვარი „მოცემულობისა“ და „უნივერსალების“ პრობლემას — ის, რაც დოგმატურად მოცემული იყო ძველ აზროვნებაში, სოციოლოგიური თვალსაზრისით, გენეზისის პრობლემად იქცა, ხოლო ფილოგენეტიკური

იდეა არსებობისა დაუსრულებლად ტრიალებს არსისა და მდგომარეობის ურთიერთობაში — ორგანოტროპულობაში. ფილოგენეტიკური პროცესი მცენარეულისა და ცხოველური სამყაროსა გვიჩვენებს ცხოვრების სხვადასხვა პირობებში — წყალში, მიწაში, მიწაზე. ჰაერში — თუ როგორ წარმოიშვა, ჩაისახა არსებობის ორგანული ცხოვრების ფუნქციები, უჭრედული რეფლექსური მოძრაობა გარკვევით ეტყობა ერთუჯრედიან ცხოველს, რომელიც გაჭირვების დროს უტბად იკუმშება, ვიწროვდება, იკვეცება, ხოლო კარგ პირობებში ფართოვდება, იშლება სამოქმედოდ — აქტუობას იჩენს, ერთუჯრედიან ცხოველებს აქვთ ერთგვარი რეზერვი ენერჯისა, რომელსაც ისინი იღებენ გარედან ჰაერისა და კვების საშუალებით: მაგრამ, ამავე დროს, მათ აქვთ ერთგვარი რეზერვი სულ სხვა წყაროდან — მემკვიდრეობით მიღებული ჩვეულებებიდან.

მემკვიდრეობით მიღებული ორგანული ჩვეულებები თანდათანობით ცვლიან უჯრედულ სტრუქტურას და ამ ცვლილებებში სისტემატურად იქმნება სიადვილე ჩვეულებათა გამოვრებისა, რომელიც შეადგენს ინდივიდუალური ცხოვრების სიმდიდრეს: როდესაც ტანს მდგომარეობა დაუწყებს გაღიზიანებას, ორგანულ ჩვეულებათა ენერჯია რეფლექსების სახის წინააღმდეგობას უწყევს მდგომარეობას. ეს საპასუხო რეაქციები ტანისა შესაძლებელია იქაც, სადაც ტანს არა აქვს ნერვული სისტემა, მხოლოდ უკანასკნელ პირობებში საპასუხო რეაქციას იძლევა არა რომელიმე ნაწილი ტანისა, არამედ მთელი ტანი.

ნერვულ სისტემაში ენტელექიურად განაწილებულია ოთხი სხვადასხვა სახის შრომა ორგანული ლაბორატორიისა: პირველი — ვეგეტატიური ფორმა, რომელიც ლორწოიანი გარსებისა და შინაგანი ნასკეების საშუალებით ასაზრდოებს ტანს; მეორე — საბერავი — საწმენდნაწილი, რომელიც შედგება ფილტვებისა და გასავალი მილებისაგან, საიდანაც ორგანული ლაბორატორიის ყანგეული აორთქლება გადის და ტანი სუფთავდება; მესამე — სერხემალი და მოგრძო ტვინი, როგორც ლაბორატორიის დინამო-სადგურები, საიდანაც ლაბორატორია იწყებს მუშაობას; მეოთხე — პატარა ტვინი და დიდი ტვინის ზოლებიანი ნაწილი, რომელნიც საბოლოოდ აწესრიგებენ ორგანული ცხოვრების მოუსვენარ ღელვასა და მუშაობას. კოსმოსური ცხოვრების ფილოგენეტიკურმა ვითარებამ მოგვცა სხვადასხვა სახის რეფლექსები: კუნთების თეთრი ბურთულების და სპერმატოზოიდების მემკვიდრეობითი და თანშობილი ხასიათის რეფლექსები, რომლებიც გაადგილე-

ბულია ნერვული სისტემის ვეგეტატიურ ნაწილში. ჩვეულებრივია, მარტივი ორგანული რეფლექსები შეადგენენ სპეციალური ორგანოების ოფისებებს და გენეტიკურად ესენიც თანშობილნი არიან; ორგანული ჩვეულებრივი რეფლექსების დაყოფა შეიძლება ორად: ეგზოგენური რეფლექსები (კანისა, კუნთებისა, გარსებისა), რომელნიც წარმოიშობიან გარედან მოქმედებისაგან; ენდოგენური რეფლექსები (მოძრაობისა, დაღლისა, კვებისა და სხვა...), რომელნიც დაშოკიდებულნი არიან ტანის შინაგან მიზეზებზე.

ენდოგენური და ეგზოგენური რეფლექსები წარმოადგენენ ერთგვარ წყაროს უმადლესი, კრებითი ხასიათის რეფლექსებისათვის, რომელთა ორგანიზაცია მოითხოვს ჩვეულებრივი ორგანული რეფლექსების კოორდინაციებს, ერთმანეთთან გადაკავშირებას: ჩხვლეტის ან დაწვის დროს ჩვენს ხელს ამოძრავებს თვითდაცვითი რეფლექსი, რომელიც უკავშირდება მხედველობის რეფლექსს და როდესაც თვალი დაინახავს ცხელს, ან წვეტიან რამეს, აცნობებს გასაჭირს ხელს; აქ ხდება ერთგვარი კოორდინაციული განკითხვა საჭიროებით გაღიზიანებული უჭრედებისა და ყოველი აქტი ტანისა გამოწვეულია ან გარედან გაღიზიანებით, ან შინაგანი იმპულსებით: ნერწყვის დენა საკმლის მიღების წინ და სექსური თრთოლვა სქესთა ერთმანეთთან დაახლოების დროს ორგანულ-დინამიკურ განკუთხვათა „ფედერაციული“ შეფარდება არსებობის ბიოლოგიურსა და სოციალურ საჭიროებასთან. კრებითი ხასიათის რეფლექსები თავიანთი ბიოლოგიური და სოციალური როლებით გაიყოფიან: სტენიური, თვითდაცვისა და საორიენტაციო რეფლექსებად; სტენიური რეფლექსები ამოძრავებენ ადამიანისა და ცხოველის ტანს მოთხოვნილებათა დაკმაყოფილების დროს; როდესაც სხეულს არსებობის პირობები ხელს უწყობს, სტენიური რეფლექსები იწვევს ტანში სიამოვნებისა და ბედნიერების გრძნობას; თვითდაცვის რეფლექსები ყოველთვის სტენიური ხასიათისაა: ცხოვრების უარყოფითი პირობები როდესაც ემუქრებიან სხეულს და იგი ცდილობს ყოველგვარი საშუალებით — შეკუმშვით, შეკვცევით ან გადახრით — გადაურჩეს მდგომარეობას, ჩვენ გვაქვს თვითდაცვითი რეფლექსი; საორიენტაციო რეფლექსი ირჩევს ბრძოლის მეთოდებს — ისრება ხან თვითდაცვისკენ და ხან აგრესიულობისაკენ, იმის მიხედვით, თუ რა შესაძლებლობას ხედავს სხეული არსებობის რეალურ პირობებში. სტენიური, თვითდაცვისა და საორიენტაციო რეფლექსები ბიოლოგიურ სინამდვილესთან არის გადაკავშირებული და ყოველი მათგანი ასრულებს მოვალეობას უფრო ფიზიოლოგიური კეთილდღეობისათვის.

გარდა ამ რეფლექსებისა, არის წმინდა სოციალური ხასიათის რეფლექსები: წაბაძვისა, მიმიკისა და სიმბოლოებისა; სპეციალური ხასიათის რეფლექსები იქმნებიან საუკუნეთა განმავლობაში თანდათანობით: მათი მექანიზმი მომდინარეობს მემკვიდრეობით და თან იმატებს რეალურ ცხოვრებაში ინდივიდუალურ შეჩვევებს, ტანისა და ნერვიულ სისტემის წვალების შედეგებს; მოდგმიდან მოდგმაში ნელ-ნელა გადადის კუნთბრივი შეჩვევანი და ყოველგვარი ფორმა ჩვენი ტანის მოძრაობისა, ჩვენი ნებისყოფის სახიერებისა მხოლოდ რეპროდუქცია რეფლექსურ ცენტრებში შენახული ბიოლოგიური მემკვიდრეებისა; რაც უფრო აწვალებს არსებობა ტანს, მით უფრო ტანი ინახავს თავის ატომურ-იონურ წყობაში ფილოგენეტიკურ ცვლილებათა და წვალებათა მოდუსებს; სული ტანში დინამიკური აორთქლებაა მატერიულ-იონურ ცვლილებათა და ეს დინამიკური ფორმა ორგანული აორთქლებისა მიღებულია არა როგორც უნივერსალური „რეალია“, არამედ როგორც ეპიფენომენი, როგორც შედეგი განსაკუთრებული პირობებისა.

ჩვენი ტანის სპეციალური ორგანოები თავიანთი სპეციფიკური თვისებებით, ჩვენი ხელებისა და ფეხების ავტომატური მოძრაობანი ამეტყველებისა და ბგერითი განწვალების პანტომიმური პირობებით მხოლოდ რთული კოორდინატებია შეფარდებითი რეფლექსებისა. ტანი რეფლექსების კომპლექსია; ინდივიდუალობა და მისი ყოფაქცევის ფორმები წინასწარ განსაზღვრულია მიდგომათა ფილოგენეტიკური ორგანოტროპიზმით.

ქვეყნად არ არსებობს ისეთი ტანი, რომელიც სრულიად დამოუკიდებელი იყოს სხვა ტანებისაგან; ყოველი არსი იმყოფება არსთა შორის და იმდენად, რამდენადაც ისაზღვრება ერთეული მრავლობით, ერთეულში იქმნება ორგანული წყობა შეფარდებით მრავლობასთან: მ დ გ ო მ ა რ ე ო ბ ა ს ა და ა რ ს ს შ ო რ ი ს ა რ ს ე ბ ო ბ ს მ უ დ მ ი ვ ი უ რ თ ი ე რ თ ო ბ ა შე მ ო ქ მ ე დ ე ბ ი თ ი ხ ა ს ი ა თ ი ს ა — მ დ გ ო მ ა რ ე ო ბ ა მ ო ქ მ ე დ ე ბ ს ა რ ს ხ ე, ა რ ს ი მ ო ქ მ ე დ ე ბ ს მ დ გ ო მ ა რ ე ო ბ ა ხ ე. შემოქმედებით ურთიერთობას მდგომარეობასა და არსს შორის, რომელიც საშუაროს ყოველ კუთხეში თავისებურია, ჩვენ ვეძახით ორგანოტროპიზმს. ამ ურთიერთობაში შეუქლებელია ადამიანის გონებამ დაუშვას რომელიმე აბსოლუტი, რომელიმე ზედროული კატეგორია; აქ სრული რელატიური მსოფლგაგება და რეფლექსოლოგია ეძიებს იმ ფენებს, იმ ნაკეცებს ორგანულ ცხოვრებაში, რომელიც დალეკილია არსსა და მდგომარეო-

ბას შორის არსებულ ორგანოტროპულ ურთიერთობაში; რეფლექსოლოგიის საგანია ორგანიზმის შეფარდებით მოქმედებათა შესწავლა. შეფარდებითი მოქმედება არის ისა ისაზღვრება მემკვიდრეობით და ინდივიდუალურად შეიძენილი რეაქციებით, დაწყებული მარტივი ორგანული რეფლექსებით, რომლებიც წუთისოფლად საზღვრავენ ადამიანს მოქმედებასა და საერთოდ ყოფაქცევას.

ვინაიდან მემკვიდრეობის პირობები ოჯახურ-სოციალურ არეებში სხვადასხვაობენ აღზრდასა და მდგომარეობის მიხედვით, ყოველი პიროვნება წარმოადგენს თავისებურებას, განუმეორებელს დროულ-სივრცისეულად; შეცნობა და შემდეგ განვითარება შინაგანი პროცესისა ორმაგი ასოციაციებით ატარებენ უსათუოდ ინდივიდუალურ ხასიათს: განსახება შინაგან განცდათა ყოველთვის ვერ არის აბსოლუტურად სწორი, რადგან სიტყვა არის მხოლოდ სიმბოლო, ნიშანი, რომელსაც ხშირად არა აქვს სხვადასხვა ადამიანისათვის ერთი და იგივე მნიშვნელობა და ამიტომ იწვევს ხშირად არა ერთსა და იმავე აზრს, არამედ მხოლოდ მსგავს აზრებს; გარდა ამისა, აზრი გამომსახველი განცდასა, რამდენიმე დღის შემდეგ, და მით უფრო წლებისა, ივსება შემოქმედებითი განსახებით, ინდივიდუალური ფანტაზიებით, რაც ხელს უშლის უსათუოდ სიდწურესა და სისწორეს ადამიანის მეობისა ობიექტური თვალთახედვით. უკიდურესი ინდივიდუალიზაცია ამ შემთხვევაში ყოველთვის თავდება სოლიფისიზმით და რამდენადაც სული ადამიანისა დამძიმებულია ფილოგენეტიკური ნალექებით, იმდენად გონება ჰოკლებულია შინაგანი ხილვის დამოუკიდებლობას და თავისუფლებას: კანტის Kritik der reinen Vernunft თავიდან ბოლომდე ამ თვალთახედვით შეიცავს პარალოგიზმს, ვინაიდან reine Vernunft თავისთავად არ არსებობს; გნოსეოლოგიური იდეალიზმი ნეოკანტიანელებსა ემყარება წმინდა გონების პრიმატს და ამიტომ შეცდომაზეა აწყობილი მთელი ფილოსოფია იმათი, რომელნიც—ჰუ ს ე რ ლ ი, შ უ პ ე, კ ო ჰ ე ნ ი და საქართველოში ნ უ ც უ ბ ი ძ ე — ფიქრობენ, რომ ჰემარტების დასაბუთება შეიძლება ლოგიკურად; გნოსეოლოგიურ იდეალიზმს ავიწყდება, რომ ის, რასაც ლოგიკური კანონები ემყარება, არის მხოლოდ ორგანოტროპული კორელაცია უმადლესი ბიოდინამიკური რეფლექსებისა; პრობლემა ფაქტობრივი მოცემულობისა ბოლოს და ბოლოს არის პრობლემა იდეოლოგიის ფილოგენეტიკური დაღეკვისა; ცნების ბუნებაში ყოველთვის შედის ელემენტი გენეტიკური და რამდე-

ნადაც ცნება გენეზისის არეში გადადის, ლოგიკისა, მისი ძირითადი კანონებისა და ჭეშმარიტების პრობლემა თავისთავად იხსნება. ლოგიკური დებულებები იქმნება ორგანოტროპულ ურთიერთობათა ხვეულებში, როგორც ჩვენი ტანისამოსის მოყვანილობა ჩვენი კუნთების ხანგრძლივ მოძრაობაში.

ცნება და ღირებულება გაადგილებულია სამყაროში — ყოველ კუთხეს და ყოველ წუთს არსებობისას აქვს საკუთარი მყარობა და ჭეშმარიტება, საკუთარი გამართლება და საკუთარი პრინციპი: ფაქტისა და ჰამლეტის უბედურებანი შედეგია გნოსეოლოგიური აბსოლუტიზმის პრეტენზიებისა და თავაწყვეტილი ტრანსცენდენტური იდეალიზმისა, რომელსაც მარადიულობის წყურვილი ახრჩობს. მაგრამ შეზოკილია ორგანოტროპული გენეტიკით. განა ტრანსცენდენტური იდეალიზმის ფორმულა არ არის ჰამლეტის სიტყვები: „ნიგვზის ნაქუქში რომ ვიყო მოთავსებული, მაინც ის ვიქნები, რაც ვარო“. თავისთავად ეს არ არის მართალი: არამცთუ ნიგვზის ნაქუქში, არამედ უბრალო მდგომარეობის გამოცვლის შემდეგ ამას ჰამლეტი ვერ იტყოდა: ჰამლეტი, რომ ერთი საუკუნით აღრე დაბადებულიყო, ან ერთი საუკუნით გვიან, ჰამლეტი არ იქნებოდა — სხვა იდეები და სხვა ილუზიები სხვანაირად დაატრიბუტდნენ მის ცხოვრებას და ქვეყნის ურთიერთობას, „დაირღვა დროთა შორის კეშირი და მე უნდა შევეერთო ეპოქებო“, — განაგრძობს დანიელი ტრაგედიალი რაინდი და აქაც ნათლად ჩანს კანტის ტიპის ადამიანი: — დრო ორ მოვლენათა შორის და სივრცე ორ წერტილთა შორის სხვად: სხვა ადგილიდან სხვადასხვა მოცემულობით იხედება; კაცობრიული მსოფლმხედველობა შეიცავს გადაადგილების პრობლემას; ჩვენ ვერ ვიტყვით — *universalia in rem*, ვერც *universalia ante rem*; უნივერსალები აზროვნებაში მარქსისა და აინშტაინის შემდეგ ისე საცოდავია, როგორც ძველი ტანისამოსის სასიროცხვილო ნაგლეჯები; ვინც აბსოლუტებსა და უნივერსალებს ქადაგებს ფილოსოფიაში, ის ცხადია, ისევე იმ საშუალო საუკუნეებისაკენ იხედება. საიდანაც წარმოიშვა ეს უნივერსალები თავიანთი ფეოდალურ-არისტოკრატიული პრეტენზიებით და „წმინდა გონებით“.

Reine Vernunft კანტისა იგივეა, რაც *les données immédiates* ბერგსონისა, განსხვავება მხოლოდ საკითხისადმი მდგომარეობა: დასაყრდენი კანტისათვის ინტელექტია, ბერგსონისათვის — ინტუიცია; ინტელექტი სტატიკურად გაყოვლადებული ფორმაა აზროვნებისა.

ნებისა, ფორმა მოცემული მათემატიკურ კოორდინატებსა და სქოლი-
ოებში, ფორმა უძრავი, უნივერსალური, შემცველი ყოვლობისა; ინტუ-
იცია ელვისებური გაალებაა შინაგანი ხილვისა, ინტელექტის მხოლოდ
ისეთი მომენტებისა, რომლებშიც ორგანული წვა ანათებს არსებობას,
როგორც კედლის სერელიდან შემოკრბილი მზის სხივი ანათებს
ჰაერში განიაებულ მტვერს; ვერც ინტელექტის ბლაგვი წახნაგები,
ვერც ინტუიციის მისტიკურ-ელვისებრი გაალებანი ვერ იხედებიან
ღროულ-სივრცისეული მრავლობის გარეშე — არსი და მისი სული,
აზრი და მისი ფორმები განსაზღვრულია ერთი მხრით ფაქტობრივი
მდგომარეობით, მეორე მხრით გ ე ნ ე ტ ი კ უ რ ი პ რ ო ც ე ს ი ს
დეტერმინიზმით, აქტი ინტელექტისა და ინტუიციის ბუნება-ცნებისა
ყოველთვის ატარებს ორგანოტროპულ რეფლექსებს და ის, რასაც
გნოსეოლოგიური იდეალიზმის მომხრენი მიაწერენ სულს ან „წმინდა
გონებას“, შესაძლებელია იყოს ნაყოფი კ ო ო რ დ ი ნ ა ტ ე ბ ი ს მ ე-
ქანიზაციისა; რიცხვობრივ ცვლილებათა გამრავლება აწყობს მატერია-
ში ხარისხის ს ხ ე ა ო ბ ა ს და ვინ იცის, განა ც ო ც ხ ა ლ ი ა რ ს ი
თავისი სულით და ინტელექტით მართლა ასე დაშორებულია არაორგა-
ნულ ბუნებას, როგორც ინტელექტუალისტები ფიქრობენ? სული და
მისი განყენებული ფორმა ინტელექტი ისეთივე პროდუქტებია ბუნე-
ბისა, ყოვლობისა, როგორც შაქარი და ქინაქინა; ყოველი სხეული ქვეყ-
ნად ერთგვარი აპარატია გაღიზიანებათა და მძლეობათა, ყოველი ტანი
ერთგვარი აკუმულატორია იმ გავლენათა, რომელთაც ახდენენ სხვა
ტანები ან, ზოგადად რომ ვთქვათ, მდგომარეობა, ყოველი მდგომარე-
ობა თავის წყობაში ინახავს ევოლუციის ფილოგენეტიკურ ფორმებს და
საგანთა ფაქტობრივი ურთიერთობის შედეგებს: შემოქმედებისა და
სულის გაღიზიანებელი იმპულსთაგანი ერთი ფილოგენეტიზმია, მეო-
რე — გარემყარობა, გავლენა გარე მყარობისა აპერცეფციულად ემყა-
რება ორგანული ევოლუციის ფილოგენეტიკურ შესაძლებლობას; სინ-
თეზი ფილოგენეტიზმისა და ფაქტობრივი მყარობისა შემეცნებაში
აპერცეფციის საფუძველია; შემეცნება შეუძლებელია, თუ არ არის
ინტეგრალური შეხვედრა ფილოგენეტიზმისა და ფაქტობრივი მყარო-
ბისა. გნოსეოლოგიური იდეალიზმი ივიწყებს აპრიორიზმის ფილოგენე-
ტურ პირობას და პრობლემა ბიოლოგიური მექსიერებისა, რეფლექსე-
ბისა, ჩვეულებათა კუნთებრივ-ნერვული კოორდინატებისა ცალკე
პრობლემად მიაჩნია; ამ მიზნით ცდილობენ კ ო ჰ ე ნ ი და ჰ უ-
ს ე რ ლ ი ვ ე დ ე ნ ს კ ი და ნ უ ც უ ბ ი ძ ე ლ ო გ ი კ ო ს არეთა გა-

ფართოებას, პრეტენზიას აცხადებენ ქეშმარიტების მეცნიერებასა და უსუვერსალიების რეგენერაციაზე; თქმა არ უნდა, ეს თავისებური დეფორმაციაა ძველი ინტელექტუალიზმისა. მაგრამ, ცოტა არ იყოს, ისე დაკვიანებული, რომ ინტელექტუალიზმს ვერ იხსნის დაღუპვისაგან.

ინტელექტუალიზმი თავისი ლოგიკურ-აღეთოლოგიური საკითხებით ერთგვარი ფორმულაა ინდივიდუალისტური კულტურისა და ისიც, როგორც ინდივიდუალისტური კულტურა, თავის კონსტრუქციაში მოკლებულა სწორედ იმ ქეშმარიტებას, რომლის დასაბუთებას ცდილობს თვითონ; კაცობრიობის სული XIX საუკუნემ სოციალური ევოლუციონისკენ გადახარა და წარმოების ვითარებამ გამოიწვია ღირებულებათა გადაფასებას სურვილი. ბიოლოგიამ ერთი მხრით, სოციოლოგიამ მეორე მხრით მახვილი ჩასცა აბსოლუტებისა და კატეგორიების სამყაროს: დარგ-ინმა მოუსპო არსებობის საშუალება თეოლოგიას; მარქსმა გამოუნახა მამოძრავებელი იმპულსი კულტურას, აინშტაინმა, ბერგსონმა და შპენგლერმა დაკრიცეს აკადემიური და ფილოსოფიურ-ესთეტიკური აბსოლუტიზმი; ანრი პუანკარემ აინშტაინზე კიდევ უფრო ადრე გარკვევით დასვა რელატივიზმის პრობლემა — *La valeur de la science*. აზრის მიმართება ყოველთვის ისაზღვრებოდა კულტურისა და იდეოლოგიის საერთო ევოლუციით და დღესაც ასე ხდება — თუ საშუალო საუკუნეებიდან დაწყებული მეთვრამეტე საუკუნემდე აზროვნების დარჩენილი იყო თეოლოგიური იდეალიზმი. ჩვენი დროის იდეოლოგიური მეთაურებია სოციოლოგიური შერჩევანი არსებობის საჭიროებისათვის და ბიოლოგიური ფილოგენეტიზმი.

ბიოლოგიაში სიმბიოგენეზით და ევოლუციის შემოქმედებითი ნახტომებით სამყაროს ორგანული ფორმების ახსნა-განმარტებისათვის იმეორებს რომელი პოეტი-ფილოსოფოსის სიტყვებს: *Desine quapropter novitate exterritus ipsa expuere ex animo rationem sed magis escri, indicio perpende et si tibi vera videntur, dede manus aut si falsum est accingere contra*^{*}; და ამასთანავე, სპობს ძველ უფსკრულს სულსა და მატერიას შორის იმით, რომ მატერიის ცენტურ-იონურ განწყალებებაში ეძიებს სულიერობის პრინციპს. ბიოლოგიურ სამყაროში ჩვენ ვხედავთ ორგანულ ფორმათა შორის რეფლექსური კოორდინატების ვითარებას არსებობის საჭიროებათათვის: სპე-

* Lucretius, *De rerum natura*.

ციფიკური თვისებანი ჩვენი გრძნობათა ორგანოებისა ალბათ რთული რეფლექსების ფორმებია და სულის შემოქმედებითი გამახვილება მხოლოდ სინთეზური შედეგია ორგანოტროპულ გადასრიათა: ფაქტი სულიერ სფეროში თითქმის ყოველთვის რეფლექსური მოვლენაა — დაუჯერებელია, რომ ენის ელექტროზაცია არ იწვევდეს ქიმიურ ცვლილებებს გალიზიანებასთან ერთად: რა არის ბიოლს და ბოლოს ენის ელექტრიზაცია, თუ არა ქიმიური ცვლილებები? და რა არის ქიმიური ცვლილებები, თუ არა ის, რასაც ჩვენ გემოვნებას ვეძახით; ამრიგად, გემოვნების ორგანული შეცნობა უბრალო გამოყოფაა ენის ორგანოტროპული მდგომარეობიდან იმ მომენტისა, რომელსაც ჩვენ ვამჩნევთ გემოვნების სახით.

არსებობის ყოველ მოვლენაში — იქნება ეს ქვის ნატეხი შარავზახე, თუ იდეა თავის ქალაში — მოცემულია სინთეზურა ფორმულა შემოქმედებით ცვლილებათა რეფლექსური კოორდინატებისა. სული და ინტელექტი თავის ლოგიკურ-რაციონალისტურა ნორმებით ისეთივე პროდუქტებია სამყაროს ბიოდინამიკურ ცვლილებათა, როგორც ელექტრონი და სინმატოგრაფი. სამყაროში მოძრაობის ყოველგვარი კვალი განმეორებით მოძრაობის სიძნელეს აადვილებს: ცვლილება ტანისა, ჩვეულებად ქცეული, ბოლოს და ბოლოს ტანის თვისებას შეადგენს და კვლავყოფდება ორგანული რეფლექსების სახით მით უფრო ადვილად, რაც უფრო ხშირი იყო მისი სტიქიური, მექანიკური განმეორება კოსმოსური არსებობის დენაში. — საგანი და არსი ერთნაირად ინახავს ორგანული ცვლილებებით შექმნილ თვისებებს და მით უფრო ვირტუოზულად ასახიერებს მათ, რაც უფრო ხშირად მოითხოვს არსებობის ორგანოტროპული პირობები ორგანულ ცვლილებათა კვლავინდებურ ვითარებას.

აქ არის კოსმოსური სულიერების დასაწყისი და ინტელექტის პირველი ნახტომის დინამიკური ფორმა — élan vital.

გრძნობისა და მეტყველების სიმბოლური განიშნებით განმეორებითი მოძრაობა უფრო მარჯვეა, ვიდრე პირვანდელი; მოძრაობის იონური და ბიობლასტიკური ენერგია არ იკარგება — რჩება ჩვეულების სახით; შემოქმედებითი ევოლუციის ყოველი საფეხური ხასიათდება ორგანული განცდის მოგონებით, გახსენებით, გაკვლავყოფებით. განმეორებითი მოძრაობა ამზადებს რეფლექსოლოგიურ ნიადაგს მოძრაობათა შორის ერთგვარი ხარვეზის შეგრძნობისათვის, რომელსაც ჩვენ ვეძახით ხელოვნებაში რიტმის შეგრძნებას; სულის მოძრაო-

ბის ჩვეულება ბოლოს და ბოლოს რიტმის პროცესა; რიტმი იგივე სულია: „უასაკო“. არაორგანული ბუნება ისე გამოსახავს ჩვეულების ძალას, ენერჯის სულს, როგორც მცენარეული და ცხოველური: ქრონომეტრი. როგორც ამბობენ, კარგი თვისებებისაა, თუკი დღახანს იყო ხმარებაში; ძველი წინწილა ხშირად უკეთესია, ვიდრე ახალი: კარა რამდენიმე დღის შემდეგ ვაკეთებთ-სა და ჩამოკიდებისა უფრო მარჯვედ უკეთება, ვიდრე პირველად რომ ჩამოკიდეს.

ერთი სიტყვით, განმეორება ერთი და იმავე განცდისა მატერიული-იონურ წყობაში იძლევა ტანის ბიოლოგიურ მეხსიერებას: კონტექტორი მატარებელს მიჰყვება, მას გაქანებული მატარებლის კიბეზე სძინავს, სხეული ისე შესჩევია მდგომარეობას, რომ ინტელექტის მაგიერობას ასრულებს და გააზრება არ არის საჭირო, რათა ტანმა შეინახოს თავისი თავი მუდმივად; თითი, რომელიც თქვენ რამდენიმე დღის წინათ იტკინეთ, მიუხედავად იმისა, რომ მოგირჩათ უკვე თავისთავად, გონების. ინტელექტის დაუკითხავად კიდევ დიდხანს ერიდება ყველაფრის მიკარებას: როდესაც თქვენ ხელი ჭიბეში მივაქვთ, თითი განზე იწევა რეფლექსურად მანამდისაც, სანამ თქვენ გაიაზრებთ თითის შესახებ, თითქოს იგი იყოს შეიარაღებული საკუთარი, ავტონომიური ხასიათის ინტელექტით, — მეხსიერების დინამიკური გაღვარებით — სულით. არა მარტო ყოველ უჭრედს, არამედ ყოველ „ციტადს“, ყოველ „ბიობლასტს“ სხეულისას აჭვს საკუთარი, ავტონომიური განცდა და სული, საკუთარ „ინტელექტი“. სული ინდივიდუალური მხოლოდ კონსორციული ნალექია მატერიალურ იონურ წვალებათა, ნალექი პატარა პომუნკულების, რომელთა რიცხვი და შინაგან წვათა განმეორებანი ხარისხობრივად იძლევიან ტემპერამენტს ინდივიდუალობისას.

ყოველ ტანში პატარა სურვილების მთრთოლვარე მოძრაობა სურვილთა ატალღებას იძლევა; სურვილთა ატალღება, ჩვეულებად ქცეული, ამზადებს ინტერვალებს რიტმისა და მუსიკისათვის. ამეტყველება სტატეკური ფორმაა მატერიის დინამიკური განცდისა და რყევის: წყალთა მასების ხმაურობა, მცენარეთა რხევა და შრიალი, ცხოველების ღმუილი ისეთივე ფორმებია კოსმოსური მეტყველებისა, როგორც პეგელის დიალექტიკა და პიუგოს ვერბალიზმი; ძაღლებს შეუძლიათ ყეფით, კუდის ქნევით, ტანის რეფლექსური კონველსიებით ზოგერთი იდეის გამოსახვა; ზღვის ღომი ითვისებს ადამიანის მოქმედებებს თავისებურად და იმეორებს მათ დროგამოშვებით ფსიქიკური ნიშნების ამყოლობით.

მეთაური ირემი აჩერებს ჯოგს განსაკუთრებული ხმებით და ნიშნებით; მაიმუნები, განსაკუთრებით გიბონები, ხშირად იკრიბებიან საბა-ასოდ; ზოგაერთ ფრანველს შეუძლია ხმების გაბგერება, არტიკულაცია; შტაინტალი ამბობს: ენა არ არის თანშობილი თვისება პრეისტორიული ხასიათისა, ადამიანი ჭმნის ენასო. ნუთარე მეტყველების ევოლუციას განცდისა და ნებისყოფის განვითარებას უფარდებს. მეტყველება არის ამოძახილი მუსკულების მოძრაობისა; კუნთურ-ნერვული ენერჯის დახარჯვა საფუძველია რიტმული მოძრაობის. რიტმული მოძრაობა ყოველთვის სწვრავად ხდება ამეტყველებასთან: ჭერ კუნთურ-ნერვული რყევა, შემდეგ ყვირილი, როგორც განიანება და ფსიქოლოგიური შეება; შემდეგ არტიკულაცია და ვოკალიზაცია: ხმა ისეთივე კუთვნილებაა ჩვენი ტანისა, როგორც კუნთების ელასტიკურობა; გაბგერება კერძობითი ფორმაა ორგანულ-ფსიქიკური დელვის; სიტყვა სიმბოლური გამოსახულებაა აღელვებული კუნთების მოძრაობისა და რიტმის. სიტყვას აქვს ორგანულ-ფსიქიკური შეთანაბრებითი ლოკალიზაცია, მაჩვენებელი იმისა, რომ სიტყვა სუსტია როგორც სიმბოლო; პლასტიკა და ორატორული მეტყველება გვაგონებს შემოქმედებითი ევოლუციის შორეულ წარსულს — ჩვენი ორგანულ-ბიოლოგიური სპირიტუალიზაციის ემბრიონულ ეპოქებს: დავიწყებულის გახსენება როდესაც გვინდა, ჩვენ წარბზე ვისვამთ ხელს; როდესაც სურვილი გვაქვს, ვინმეს ჩვენი სიყვარული დავემტკიცოთ, ხელს გულზე მივადებთ, როგორც სიმბოლოს გრძნობის ლოკალიზაციისას, ზიზღის გამოსახატავად პირის კუთხეებს ვაკეთებთ და ხელებს ვიქნევთ ნერვულად. სწორედ აქ ცხადდება დრამატული ელემენტა ჩვენი სულიერი ცხოვრებისა, სწორედ აქ ისახება ღრმა ორგანული მოთხოვნილება ადამიანის ბუნებისა — განასახიეროს თავისი შინაგანი არსება არისტოტელეს „კათარსისის“ არეში. სულიერობის ნერვულ-ორგანული აკვეთა შინაგანი ხილვის დრამატული ემბრიონია; მატერიას აქვს თვისება, შეინახოს თავის ატომურ-იონურ წყობაში ყოველგვარი შინაგანი რყევა კვალი, მოძრაობა აადვილებს ყოველთვის მოძრაობის განმეორებას; ფსიქოლოგიური ფესვი ჩვენი მეტყველებისა არის უსათუოდ ჩვენი კუნთების მოძრაობა და ამ მოძრაობის რიტმული ენერჯია — ქორეოგრაფია არის პირვანდელი სახე ესთეტიკური დასაწყისის; ცეკვა ორგანულ-ფსიქიკური აღელვების პრიმიტიული ფორმაა: მართალია, ტანის მოძრაობა ვერ გამოსახავს სავსებით სულის მოძრაობას, მაგრამ სულის მოძრაობაზე ჩვენ შეგვიძლია ვიქონიოთ ერთგვარი წარმოდგენა ყო-

ველთვის, როდესაც ჩვენს სულსა და ნერვებთან ერთად ირხვეა ჩვენი ტანი. ჩვენს სულსა და ჩვენს ტანს შორის არსებობს ერთგვარი უმეშვეო კავშირი: წარბის მუსკულის შეკვეცა ნიშნავს ყურადღებას, წამწამის მუსკულის აწვევა ნიშნავს ჩაფიქრებას; ცხვირის ნესტოების მუსკულის გაფართოება წყრომას გამოხატავს, პირის კუთხეთა მუსკულების გაწევა ზიზღის ნიშანია; მთელი სახე ადამიანისა წარმოადგენს ერთგვარ სცენას, სადაც სულიერი მოვლენები, როგორც მსახიობები, იძლევიან ორგანულ-ფსიქიკურ განცდათა გამოფენას. ტანი ადამიანის რთული ინსტრუმენტი, რომლის ნაწილები თავიანთი უჩრედული სულეზით უკრავენ აკომპანიმენტს მთლიანი ინდივიდუალობის სულიერობისას. სიმღერა ფსიქიკური რეზონანსია ორგანული აღლევებისა და პირველყოფილი ადამიანის მეტყველება ალბათ დაიწყო სიმღერით; ყოველი ერი პირველად წყობილსიტყვიერებით ლაპარაკობს, გრაფიკული და პლასტიკური ხელოვნება სტატიკური ფორმებია ორგანულ-ფსიქიკური აღლევებისა და რიტმის; სანამ ადამიანი დაიწყებდა ენის მოძრაობას, კუნთებრივ მოძრაობაში იყო და ლელავდა, როგორც ბავშვი, რომელიც იწყებს წერა-კითხვას. დღესაც წითელკანიანი ინდოელები ერთმანეთს ესაუბრებიან კუნთებით და თითების რხევით. კუნთების ამოძრავება სულიერი აღლევებისა და ნებისყოფის არითმიის მაჩვენებელია. ნებისყოფის არითმია თავისთავად ერთგვარი დრამატიზაციის პროცესია და ორგანულ-კუნთებრივი გამომეტყველება ჩვენი ტანისა თავისი ფიზიოლოგიურ-ანატომიური ნაოქებით, ნერვულ-უჩრედულ განცდებით და ჩვეულებებით თავისებური ცხადყოფა ყოვლობის ენტელექტის შემოქმედებითი ევოლუციისა და მისი ფორმების განსახიერებისა.

კულტურულ-ესთეტიკური ასახვა წუთისოფლური მიმდინარეობის როგორც მთელი ჩვენი გარეგნობათა ორგანოებით, ისე მთელი ჩვენი შინაგანი ხილვით — ინტუიციით მოხერხებისა და გამჭირახობის ნაყოფია; ხელოვნების არე უფრო ფართოა, ვიდრე მეცნიერების: თვით მეცნიერება ერთგვარი ფორმაა ხელოვნების; განყენების შესაძლებლობა ადამიანის სულში ესთეტიკური განცდისა და წვალების პროდუქტია. მოწყობილ ტანში ფილოგენეტიკურ-ნერვული სისტემა ემსახურება ტანის აქტივობას იმდენად, რამდენადაც ტანის კუნთურ მოძრაობებში ავტომატურად უკავშირდებიან ერთმანეთს ორგანული რეფლექსები; ხოლო რეფლექსების ერთმანეთთან დაკავშირებას იწვევს ორგანული ცხოვრების ესთეტიკური ინტერესები — ინტერესები თვითდაცვისა და ორიენტაციის არსებობისათვის ბრძოლაში: სული ინდივი-

დუალური, რომელსაც კანტი და ნეოკანტიანელები უყურებენ როგორც ერთგვარ ვალდებულებათა აბსოლუტს. თავის შინაგან წყობაში სოციალურ-გვარული კატეგორიაა და არსებითად დამოკიდებულია სოციალურ ურთიერთობაზე: გნოსეალოგიაში და ონტოლოგიაში სულის სტატიკური შესუთვაა და ხელოვნური განსაზღვრა ნებისყოფის შემოქმედებითი დანართებისა: აზრი ტანის რეფლექსურ მოძრაობათა თავისებური ფუნქციაა და ყოველთვის, როდესაც სული სახიერდება სულიერ მოვლენებში, ჩვენ ვხედავთ პარალელურად კუნთურ მოძრაობათა ავტომატურ ფორმებს, რომელთა საშუალებით ნებისყოფა კუმშავს წარსულის ორგანულ ჩვეულებებს აწმყოში მოქმედებისათვის.

სწორედ ამიტომ ჩვენ უარვყოფთ ინტელექტუალიზმს და მის გნოსეოლოგისტურ ფილოსოფიას, რომელიც მხოლოდ იდეოლოგიური ფორმულაა ინდივიდუალიზმის სტატიკური პათოსისა.

გაადგილება და შეფარდება

ქეშმარიტებას სახავს არა იდეები, არამედ მდგომარეობანი: აზრის ღირებულება მდგომარეობის რეფლექსია; ყოველი აზრი ჩნდება არა მარტო ადამიანში, არამედ საგანშიც: აზრი იმდენადაა აზრი, რამდენადაც საგნობრივი და კორელატურია. აზრი სიტყვებში გამოსახული, მდგომარეობის საშუალებით საგანს ერთვის ორგანოტროპულად; ქეშმარიტება არ არსებობს მდგომარეობის გარეშე: ლოგიკური წყობის უძრავი, სტატიკური ფორმები სინამდვილეს არ შეეფერება; ცნება აისახება მდგომარეობის განცდაში და არა ლოგიკურ-სტატიკურად ჩაწყობილ ინტელექტში; თვით ინტელექტი ორგანოტროპული კოორდინატების რეფლექსური ფორმაა: ინტელექტს წინ მიუძღვის ინსტინქტი, ინსტინქტი რეფლექსების ქსოვილია, გამაგრებული, განმტკიცებული ჩვეულებებში; ინსტინქტის ორგანული წვალება, ცრეცა ინტელექტის თვითმჭვრეტ სხივებს იძლევა. ერთი სიტყვით, სული წარმოუდგენელია ორგანული წვალებისა და განცდის გარეშე: წინადადება, რომელსაც გამოსახულია ჩვენი აზრი (ახერების შესახებ. შემადგენელ წყობაში მიჰყვება მდგომარეობის განცდას და სწორედ ეს საუკეთესო დამატკიცებელია იმისა, რომ არ არსებობს არავითარი ზოგადი და სტატიკური რეალია (realia) ინტელექტუალური ხასიათისა. ლოგიკა თავის

ისტორიულ ფარგლებში ეწინააღმდეგება მდგომარეობისა და განცდის ქეშმარიტებას: ჩვენ უარყოფთ სილოგისტურ ლოგიკას, მის ფორმალურ დებულებას არა მარტო იმ მოსაზრებით, რომელიც წამოაყენა სტუარტ მილმა, არამედ სულ სხვა მოსაზრებითაც — სტუარტ მილმა შეარყია სილოგისტური ლოგიკის შინაგანი წყობა, ჩვენ ვხედავთ შეურიგებელ წინააღმდეგობას მდგომარეობის განცდასა და ძველი სილოგისტური ფორმის მეტყველების კონსტრუქციას შორის: აზროვნების ლოგიკურ-სტატუკური ფორმა ირყევა ცხოვრების საჭიროების მიხედვით; ცხოვრების საჭიროება იძლევა განცდის ინტენსივობას, განცდის ინტენსივობა კი დინამიკურ სახეს აძლევს მეტყველების კონსტრუქციას; ავიღოთ კოაკრეტული მაგალითი, რომელიც არღვევს, სუბიექტისა (ქვემდებარე) და პრედიკატის (შემასმენელი) სტატუკურ ურთიერთობას; წინადადება ავიღოთ ყოველდღიური ცხოვრებიდან, რომ უფრო თვალსაჩინო იყოს განმარტება: „მე ვიყიდე გუშინ წითელი ქათამი“.

ლოგიკურ-სინტაქსური შემეცნებით ამ წინადადებაში ლაპარაკია იმაზე, რომ მე ვიყიდე ქათამი: „მე“ სუბიექტია, „ვიყიდე“ პრედიკატი; „წითელი“ განმარტება და სხვა. რეალური ცხოვრების ასახვაში აზროვნების პროცესი ყოველთვის ასეთი შემეცნების ფორმას ვერ მიიღებს: სუბიექტისა და პრედიკატის ურთიერთობა მდგომარეობასთან იცვლება და რამდენადაც ცვალებადია ძირითადი ფორმები მეტყველების ლოგიკური კონსტრუქციისა, იმდენად ცვალებადია ღირებულება აზრის მიმართებისა; მდგომარეობის განცდის ყოველ მომენტს სუბიექტისა და პრედიკატის ურთიერთობა გადააქვს აზრის სრული შეცვლით და გამახვილები ს ბათოსით ერთი ადგილიდან მეორეზე. ყოველი სიტყვა ამ წინადადებაში მიიღებს როგორც სუბიექტის, ისე პრედიკატის ხასიათს, თუკი ჩვენი მდგომარეობა, რომელიც აძლევს წინადადების ყოველ გამოთქმას ერთგვარ ინტონაციას, მოითხოვს ამას: წინადადებაში — „მე ვიყიდე წითელი ქათამი“, თუკი ჩემი ოჯახურ-სოციალური მდგომარეობა გაამახვილებს სიტყვას „მე“, მაშინ „მე“ იქნება მართლა სუბიექტი, თუ არა და — არა, სუბიექტი იქნება სხვა რომელიმე სიტყვა, რომელსაც გაამახვილებს ჩემი მდგომარეობის სოციალური საჭიროება; თუ მე ოჯახში შემოვედი ერთგვარი აღელვებით და ჩემი ცხოვრების საჭიროება მოითხოვს, მივაქციო ყურადღება სხვებისა იმაზე, რომ მე ვიყიდე წითელი ქათამი და არა თეთრი, შავი და კრელი, ცხადია, აზრი მთელი წინადა-

დებისა და მასსადავს სუბიექტი. იქნება გამოსახული ჩემს ინტონაციასა, რომელსაც მძებნებს სოციალური სპირიტის განცდას და რომელიც გამოითქმება სიტყვაში — „წითელი“. თუ მე მდგომარეობა მიძღულებს გამახვილებით წარმოვთქვა სიტყვა „ქათამი“, თუ მე განსაკუთრებული ყურადღებით უნდა ვთქვა, რომ ვეყიდვ ქათამი (და არა ღორი, ბატი, ცხვარი ან სხვა რომელიმე ცხოველი). აზრი, სუბიექტის მახვენებელი, გადმოვა სიტყვაზე — „ქათამი“. ჩვენ გვაქვს ამ ანალიზში ცოცხალი მაგალითი იმისა, რომ აზრის მიმართებას იძლევა მდგომარეობის განცდა და სტატეკური დათანაწყობება აზროვნებისა, ლოგიკურ-სინტაქსურად მიღებული, სინამდვილეს შორდება: სინამდვილე ქცევადი და დინამიკურია და ყოველი მდგომარეობა სინამდვილისა ამახვილებს მეტყველების ფსიქიკურ საფუძველს თავისებურად: ღირებულება აზრისა წინადადებაში ეფარდება მდგომარეობის შეცნობას, ხოლო მდგომარეობის შეცნობა მიმართება სოციალური საჭიროების ინტერესის მიხედვით. სოციალური საჭიროება შესაძლებლად ხდის აზროვნების ვითარების დანახვას, განსაკუთრებით ლოგიკური წყობის კონსტრუქციას. აზროვნების ლოგიკურ წყობას, რომელიც ღვთაებრივ და ტრანსცენდენტურ მოვლენად მიაჩნიათ გნოსეოლოგიური იდეალიზმის წარმომადგენლებს, ჩვენ ვუკავშირებთ ორგანულად, უმეშვეოდ სოციალურ საჭიროებათა კოორდინაციას და ამით მთელი საიდუმლოება „წმინდა“ გონებისა, მისი ანტინომიებისა, აპრიორული პრინციპებისა და სქოლიოებისა ჩვენ თვალწინ იღებს პლანეტარულ და ორგანოტროპულ ხასიათს; შემეცნების პროცესი უკავშირდება სოციალურ საჭიროებათა გენეტიკურ ევოლუციას და ყოველი ფორმა ინტელექტისა ითარგება პლანეტარული ყოფის ჩვეულებათა ხვეულებში.

გნოსეოლოგიური მიმართულება აზროვნებისა — ჰემშარიტების ლოგიკური ძიება, გარეშე სოციალური ურთიერთობისა, წარმოდგენს უსაფუძვლო პრეტენზიებს ადამიანის სულისას, საზოგადოებრივი ფსიქოლოგია თანდათანობით აცხადებს სითამამეს და წარმოების ვითარებაში ამუშავებს მსოფლმხედველობის ისეთ სისტემას, რომელიც აკმაყოფილებს კოლექტიურ ინტერესებს. ადამიანთა ურთიერთობაში შექმნილ სურვილებს; რამდენადაც ცხოვრების პირობები და ნივთები ადამიანთა გარშემო ქაოსურ-სტიქიურ მოძრაობაში ეწყობიან თანდათანობით სოციალური სურვილების მიხედვით, იმდენად ადამიანთა სურვილებსა და პირობებს შორის იმართება ერთგვარი საორიენტაციო

ჩვეულება შემოქმედებითი ნებისყოფისა. მთელ სამყაროში ჩვენ ვსკდავთ ასეთი ხასიათის ურთიერთობას; პლანეტები მოძრაობენ გასსაკუთრებულ ურთიერთობაში; დედამიწა ოკეანეებით და ხმელეთებით ისე შეგუებულია სამყაროს ურთიერთობას, როგორც თევზი წყალში ყოფნას — მოაშორეთ თევზი წყალს, ჩათხარეთ მიწაში და მაშინვე დაილუპება; დედამიწა, მოწყვეტილი პლანეტებთან ურთიერთობას. გადავარდება გარესკნელში და, აგრეთვე, დაილუპება; სამყაროში შეუძლებელია ცალკეული ყოფა, განაპირებული დგომა; ყოველი ნივთი შემოკრულია ნივთებით და არსებით; ყოველი არსი შემოკრულია არსებით და ნივთებით, მათი ურთიერთობა ქმნის მათი ტანების ფორმებს, მათი განცდებისა და იდეების სახეებს. ურთიერთობას აქვს შემოქმედებითი ხასიათი: აიღეთ ხე და ტყე; ხეები ტყეში ერთმანეთზე ახდენენ გავლენას და ამ გავლენაში მოძრაობს ორგანული ყოფის ენერგია, ამოქერით რამდენიმე ძირი ხე და ეს იქონიებს გავლენას მახლობელ ხეებზე, მათ შესვდებათ ნაკლები სისველე, ნაკლები ნოტიო და მეტი მზის სხივები; აიღეთ ჭოგი; ყოველი ცხოველი ჭოგური ცხოვერების პირობებს ეგუება და ითვისებს ჭოგის ფსიქოლოგიას, ინსტინქტურ-ორგანულ მოძრაობებს, სოციალური ყოფის კორელაციას; ბიზონები, სირაქლელები, ნიანგები, ქვემძრომები, ფრინველები — საერთოდ მთელი ცხოველური სამყარო აწყობს და ახერხებს წუთისოფლურ ყოფას ორგანოტროპული ურთიერთობით — შეგუების შემოქმედებითი სწორწონაობით. განა ასევე არ ხდება ადამიანებში? მათ პროფესიულ და სოციალურ საჭიროებათა ურთიერთობაში? განა წარმოების იარაღები, კულტურული შემოქმედების ხერხი, მიღწევანი ხელოვნებისა და მეცნიერებისა ორგანოტროპული ორგანიზაცია არ არის? ყოველმა კუთხემ სამყაროში აკეთა ის, რისი გაკეთებაც შეიძლებოდა; ყოველი პროფესია ირჩევა გენეტიკური მეხსიერების და მდგომარეობის ურთიერთობით; ბუნების შესაძლებლობა ხელს უწყობს ამ ურთიერთობას — სადაც წითელი თიხაა, ადამიანი აკეთებს ქურქელს, სადაც დიდძალი ხე-ტყეა, ადამიანი აშენებს და ღურგლობას ეჩვევა, სადაც რკინა ბლომად არის, ადამიანი ზეინკლობას სწავლობს; მდგომარეობა იძლევა ორგანოტროპული შემოქმედების შესაძლებლობას, ნებისყოფის ვირტუოზული წრთვნისა და ვარჯიშობის ორგანულ-ფსიქიკურ მოთხოვნილებებს, შემდეგ ინტელექტურ რეფლექსებს, ასოციაციებს და აპერცეფციებს; ლოგიკური აპერცეფციები და ასოციაციები სხვადასხვაობენ ისე, როგორც მდგომარეობანი: ბუმშენის ასოციაციები სხვა წყობისაა,

პარიზელი ინტელიგენტის ასოციაციებია სხვა წყობის; სულელები ასე სხვადასხვაობენ. როგორც მათი მდვიმარეობანს.

ჩვენს სულს არა აქვს არც ერთი ისეთი ხასიათის თვისება, რომელიც არ იყოს შექცენილი ან მემკვიდრეობით. ან ინდივიდუალურად სოციალურ არეში — ქვეშარტების, ცნობიერების, ლოგიკისა და მორალის პრობლემა არსებითად დამოკიდებულებისა და შეფარდების პრობლემა; ქვეყანა ისეა მოწყობილი, ისეთი ხასიათისაა, საგანთა და მოვლენათა წუთისოფლური დენა, რომ „ერთში“ რაც ისახება, ის წარმოადგენს „მეორის“ გავლენას: ერთმანეთზე ახდენენ შემოქმედებითი ხასიათის გავლენას არა მარტო ცხოველები და ადამიანები, არამედ მცენარეებიც; მცენარე მცენარეზე ახდენს გავლენას, მიუხედავად იმისა, რომ მოძრაობა არ შეუძლია; ტყეში, მაგალითად, ყოველი ხე იღებს არსებობისათვის იმდენ სინათლესა და იმდენ ნოყიერებას, რამდენიც მას ერგება სხვა ხეთა შორის; სოციალური ურთიერთობის პრინციპები ბუნებრივად აწყობილია და ყოველი ბუნებრივი მოვლენა ემორჩილება მას დროულ-სივრცისეულად. მთელს სამყაროში — ბუნების ყოველ კუთხეში სოციალური შეფარდების ფორმები არსებობს და მოვლენებს აძლევენ მიმართებას. დამოკიდებულებისა და შეფარდების საკითხი ჩვენთვის უფრო მნიშვნელოვანია, ვიდრე რომელიმე აბსოლუტია: ჩვენ ვფიქრობთ, რომ ყოველგვარი ატრიბუტი, ყოველგვარი კატეგორია, რომელთა შესახებ ესოდენ მკვერმეტყველებას ხარჯავენ არისტოტელე, კანტი, სპინოზა, ლაიბნიცი, ბერნადო, ბოლცანო და სხვებო, წარმოადგენენ სოციალურ-გენეტიკურ ჩვეულებათა კოროლარებს.

არსისა და მისი შემეცნების ცალკეული, სრულებით განაპირებული დგომა შეუძლებელია: შემეცნებისა და საერთოდ აზროვნების ბუნება ვერ იარსებებს პირობებისა და შეფარდების გარეშე; აზრი იმდენად არის დასაბუთებული, რამდენადაც შეფარდების გამომსახველია, რამდენადაც „ერთში“ ჩანს „მეორეს“ გავლენა. წარმოვიდგინოთ, რომ ერთი ღამის განმავლობაში ჩვენი ძილის დროს ქვეყნად ყოველი არსი ათასჯერ გადიდდა; სახლი, რომელშიც ჩვენ ვცხოვრობთ, ტახტი, რომელზეც ჩვენ ვწევართ, თვალები, რომლებითაც ჩვენ ვიხედებით, თითები, რომლებითაც ჩვენ ვწერთ. მაგიდა, რომელზეც ვსადილობთ. ლუქმა, რომელსაც პირში ვიდებთ, პირი თვითონ, კბილები, მთელი ტანი და ჩვენ გარშემო მთელი სამყარო საგნებით და მოვლენებით — ერთი სიტყვით, ყველაფერი ღამის განმავლობაში ათასჯერ უფრო გა-

დიდდა, შევამჩნევდით თუ არა ჩვენ ასეთი საყოველთაო მოცულობის გადიდებას, ასეთი არაჩვეულებრივი ხასიათის მოვლენას? — ცხადია, ვერა. ეთქვათ ჩემი ოთახიდან ჰიშკრამდე გუშინ იყო ორასი ნაბიჯი, დამის განმავლობაში ეს მანძილი გახდა ათასჯერ მეტი, მაგრამ ჩემი ფეხებიც სომ ათასჯერ უფრო დიდი იქნება გუშინდელზე და თუ ეს ასეა, მაშინ მე ოთახიდან ჰიშკრამდე რომ მივიდე, დამჭირდება დღეს იმდენი დრო, რამდენიც გუშინ დამჭირდა. ჩემი ორგანული ენერგია დაიხარჯება იმდენი, რამდენიც გუშინ დაიხარჯა და ფსიქიკურად, განცდის სფეროში ჩემთვის არსებითად არაფერი შეიცვლება. ვინ იცის, შეიძლება სამყაროში შეფარდებთა ასეთი ცვლილება ყოველ წუთს ხდება, მაგრამ ჩვენ ვერ ვამჩნევთ — შემეცნების ჩვეულება შემეცნების ფორმებს ხდის სავალდებულოდ და როდესაც ლაპარაკობენ ლოგიკური პრინციპის შესახებ, ივიწყებენ თითქმის ყოველთვის, რომ ლოგიკა მთელი თავისი ფორმულებით და კატეგორიებით პლანეტური და სოციალური საჭიროების გამონაწურია: მდგომარეობის შეფარდება აწყობს ლოგიკურ პრინციპებს და ყოველი კუთხის, ყოველი კლასის ლოგიკა ისე თავისებურია, როგორც ესთეტიკა; ბურჟუაზიული ლოგიკა სულ სხვა სახისაა, პროლეტარული კი — სულ სხვა: ყოველი მდგომარეობის სოციალური ინტერესი თავისებურად ასაბუთებს თავის არსებობას და მდგომარეობასთან ერთად იცვლება ჩვენი სულის ლოგიკურ-ესთეტიკური პრინციპი. ცხადია, სოლოგიზმის ფორმები ლოგიკის სახელმძღვანელოებში ჩაწერილი, დარჩება ისე, როგორც იყო, მაგრამ სოციალური მდგომარეობის ყოველი თავისებური წყობა, მიუხედავად იმისა, რომ ლოგიკის სახელმძღვანელოში არის ჩაწერილი, თავისებური იქნება, ამაში შინაგანი სიმართლე უსათუოდ მდგომარეობით განისაზღვრება, და არა იმით, რაც სოლოგიზმებშია ჩაწყობილი.

პრობლემა ლოგიკური სუბსტანციისა წარმოუდგენელია, თუ არ არის კონკრეტული მატარებელი მეობისა და რა არის მეობა, თუ არა ერთგვარი კონა პერცეფციებისა; როდესაც ჩვენ შინაგანი ხილვით ვიჭრებით იმაში, რასაც ეძახიან „მე“-ს, ვამჩნევთ რომელიმე პერცეფციას: მეობის შეგრძნობათა სამყარო ყოველ წუთს შეაცავს მდგომარეობის რომელიმე გამოვლენას; სითბო, სიცივე, სინათლე, სიბნელე, სიყვარული, სიძულვილი, სიამოვნება, ტანჯვა პერცეფციებია; ჩვენ ვერ დავიჭერთ მეობის ვერც ერთს წუთს პერცეფციათა გარეშე და როდესაც რაიმეს განვიცდით, ან რაიმეზე ვფიქრობთ, ჩვენს მეობაში იწყება პერ-

ცუფციათა მთელი მოძრაობა, მთელი დღევა; ამ ფსიქიკურ დღევაში განსაკუთრებით გამოყოფა რომელიმე მომენტა. რომელიც ეთანხმება ჩვენი ყოფს სოციალურ ინტერესს და აქ არის როგორც ლოგიკის. ისე ესთეტიკური დასაწყისის პრინციპი: ჩვენ ვიგებთ ადვილად ისეთ აზრებს, რომელთაც აქვთ მსგავსება ჩვენს აზრებთან; ჩვენ ვიგრძნობთ რომელიმე სიხარულს, ან ტკივილს მორალური ხასიათისას იმდენად. რამდენადაც დაკავშირებული ვართ საყოფაცხოვრებო ინტერესით ჩვენი აზრებისა და განცდების სოციალურ არეებთან; საკვირველია თვით აზრისა და განცდის ურთიერთობა: აზრი მაშინ შეითვისება, როდესაც აფექტის პროცესს გაივლის; ხოლო ამისათვის აზრს ესაჭიროება სოციალური არე და შეფარდებათა ობიექტები: საკმარისია, მე შევხედო მზიარული სახის ადამიანს და იდეა-შეცნობა აფექტის სახით შეცვლის მთელ ჩემს სულიერ განწყობალებას, მიუხედავად ჩემი ლოგიკური და ესთეტიკური პრინციპებისა; საკმარისია, მე დავინახო გაბრაზებული ადამიანი, რომ ჩემში წარმოიშვას ერთგვარი მსგავსი ხასიათის სულიერი მოვლენა, მაჩვენებელი შეფარდებისა იდეებში. ამრიგად, იდეები და გრძნობები მართლდებიან ცხოვრებაში ერთგვარი შეფარდებით და ურთიერთობით: სხვათა იდეები და აზრები, სხვათა გრძნობანი და ილუზიები იმდენად გასაგებია ჩემთვის, იმდენად ირკვევა ჩემს ცნობიერებაში, რამდენადაც ჩემი სული, ჩემი ცნობიერების სამყარო — ჩემი მე თავიანთი ფორმების გენეტიკურ ცვლილებებში ისეთივე მდგომარეობაში იყენენ, როგორც სხვათა სულები, სხვათა იდეები და ცნობიერებანი. ლოგიკური, მორალური, ესთეტიკური „დასაწყისები“ კი არ წარმოადგენენ მარადიულ უნივერსალიებს, არამედ დროულ-სივრცულ კოროლარიებს, შემუშავებულს თანდათანობით სოციალურ ჩვეულებათა ფორმებში; სხვათა აზრები და გრძნობები ჩვენში მხოლოდ მაშინ გამოიწვევს თანაგრძნობას, როდესაც შესაძლებელია ფსიქოლოგიურად იდეათა და გრძნობათა სოციალიზაცია; შეცნობა რომელიმე ფაქტისა ცხოვრებაში მდგომარეობს გარკვეულ შეფარდებათა შეცნობაში: არც ლოგიკური, არც მორალური, არც ესთეტიკური, არც რელიგიური ფაქტი ცალკეულ კატეგორიას არ წარმოადგენს და ბოლოს და ბოლოს ფაქტის რეალობა გამოისახება ურთიერთობაში, რომელიც გვხვდება ყველგან, სადაც სამყაროში არსი იკავებს რომელიმე ადგილს არსთა შორის; სული ყოველთვის დაინახავს თავის სურვილებში იმას, რაც მდგომარეობის გავლენამ შექმნა სულში, ხოლო მეორე სული თავის განცდებსა და სურვილებში უკავ-

შირდება პირველს იმდენად, რამდენადაც გენეტიკურად ჩაისახნენ საერთო მდგომარეობაში, საერთო ყოფაში. სულისა და ინტელექტის ორგანიზაცია წუთისოფლად წარმოადგენს სოციალური ცხოვრების გენეტიკურ ფუნქციას და ყოველი სულიერი მოვლენა — ყოველი გრძნობა, ყოველი იდეა ისეთივე სოციალური ფენომენია, როგორც ყოველი მოვლენა, ყოველი არსი.

წუთისოფელი უთვალავ ფერებში სხვადასხვაობას გვიშლის თვალწინ. საიდან არის ეს სხვადასხვაობა გვარებისა, ჯიშებისა, რასებისა. ხასიათებისა, ფორმებისა? ვინ ჩამოაყალიბა სახეები კანონთა, ჩვეულებათა, ზნეობათა, იდეათა, გრძნობათა? ვინ შექმნა მასალა არსებობისა, წყობა სხეულისა. დახრილობანი ტემპერამენტისა, თვისებანი მოვლენათა, უხეირობანი და ბორბტებანი ბაქტერიებისა? ყველაფერი ყველგან განასახიერა არსებობის საჭიროებამ: ბ ე რ გ ს ო ნ ი ს შემოქმედებითი ევოლუცია და ა რ ი ს ტ ო ტ ე ლ ე ს ენტელექტია ბოლოს და ბოლოს არსებობის საჭიროებათა ორგანოტროპული რეაქციები; მეტყველება, რელიგია, მეცნიერება, ტრადიცია, ფილოსოფია. ესთეტიკური გემოვნება რ ე ფ ლ ე ქ ს ო ლ ო გ ი უ რ ი ფორმებია პლანეტურ საჭიროებათა სოციალური და კლასობრივი განცდებისა: პირობები, რომელთა შორის ტრიალებს ყოველდღიურად არსებობის საჭიროებისათვის ადამიანი, ქმნის თანდათანობით, ტანჯვით, წვალებით, ღელვით ტემპერამენტსა და სულის თვისებებს; ადამიანი ითვისებს ყოველგვარ ჩვეულებას. ყოველგვარ გრძნობას სოციალურ წვალებათა ხვეულებში; არ არსებობს არც ერთი თვისება პლანეტური ყოფისა, რომელიც არ იყოს გენეტიკური შედეგი არსისა და მდგომარეობის ორგანოტროპული ურთიერთობისა, იდეები არიან მატერიულ-იონურ წვალებათა ასხივოსნებანი და იდეოლოგიათა მოდიფიკაციებს აწყობს სოციალურ საჭიროებათა *l'influence de l'habitude*. კოსმოსურ უსაზღვროებაში. ყოფას ყოველთვის აქვს სული ორგანოტროპული და კუთხური ხასიათისა; რაც უფრო შორს გააშლებიან მეცნიერულ-ასტრონომიულ პერსპექტივებში სივრცეები და არეები უსაზღვროებისა, მით უფრო პლანეტური განცდა კაცობრიობისა შეიგრძნობს სევდას ეფემერული არსებობისას. მით უფრო ღრმად და მწვავედ სიყვარულის რელიგია შეიპყრობს შეშინებულ სულს: კაცობრიობის მომავალი კერპი იქნება კოსმოსური ეროსი, მარადიული ქალღუბლის რომანტიკული გაალებით; გაშლილი საწყაროში და შეკუმშული ადამიანის სულში ორგანოტროპულად გადმონაშთთა აპერცეფციებით.

სულა თავისი ასოციაციებით და ტემპერამენტით გენეტიკური ფორმა შემოქმედებითი ევოლუციისა, რომლის ყოველ მომენტში უკრება ნებისყოფის ინტერესი, რომლის ყოველი ატრიბუტი გამოჩნდება სოციალურ-კლასობრივ და პროგრესულ გადახრათა. მას შემდეგ, რაც არსებობს აზრი, არსებობს აზრის გამოყენებითი პრაქტიკა: ანტიურ ქვეყნებში აზრი ემსახურებოდა არისტოკრატიულ ესთეტიზმს და სამყარო მაშინ ადამიანს ეჩვენებოდა როგორც ორანჟერეა ცისფერი ლეილით და წრეწირული გუმბათით; საშუალო საუკუნეებში აზრი თეოლოგიას ემსახურებოდა და სულიერ მოვლენებს ერთმანეთთან აკავშირებდა სუპერისტორიული თეიზმი; ბურჟუაზიულ-კაპიტალისტურ სამყაროში აზრი ემორჩილებოდა საცესებით აგრესიული ინდივიდუალიზმის აპეტიტს — ლოგიკა თავისი სილოგაზმებით და ვერბალური იმპერატივებით წააგავს იმ როსკისს, რომელიც დღეს ერთს ეკუთვნის, ხვალ მეორეს და, ამავე დროს, ურცხვად დგას ორღეანელი ქალწულის რაინდულ პოზაში; ლოგიკა გნოსეოლოგაზმით და მორალაზმით გადმონაშთია მეშჩანურ-ინდივიდუალისტური სულის კონსტრუქციისა და სოციალური ესთეტიკის პრინციპი მოითხოვს გნოსეოლოგიას განყენებულ, მეტაფიზიკური აპოლოგეტიკიდან დარჩეს მხოლოდ თეორია იდეათა სოციალური შეთანხმებისა — თეორია სოციალური საჭიროებისა, თეორია აქტივიზმისა და პრაქტიციზმის. ქვეყნად პრაქტიკული ცხოვრება რომ არ ყოფილიყო, არც ლოგიკა და არც მორალი არ იქნებოდა: ლოგიკა და მორალი სუპერისტორიულად კარგნიან პრაქტიკას, არამედ პრაქტიკა და მისი საჭიროებებითი გამახვილება ქმნის ლოგიკისა და მორალის პრინციპებს; ამავე დროს, ლოგიკასა და მორალს შეუძლია პრაქტიკის მიმართების გადახრა და არსებობის კონსტრუქციის ფერისცვალება; იდეა პრაქტიკისა და საჭიროების ეპიფენომენია, ხოლო დროგამოშვებით პრაქტიკა და სოციალური საჭიროება იდეის გავლენას განიცდის; მდგომარეობა და იდეა ისტორიულად შემოქმედებით ურთიერთობაში არიან, თუმცა იდეა აქტიურ მოქმედებას იწყებს მხოლოდ მაშინ, როდესაც სოციალური საჭიროება ამახვილებს იდეის გავლენას. როგორც წინადადებაში აზრი იცვლება სოციალური საჭიროების განცდის ცვლილებით, ისე იდეოლოგიის ისტორიულ ვითარებაში აზრის მიმართება და ღირებულება იცვლება სოციალურ-კლასობრივ ინტერესთან. შეფარლებით: რამდენად წარსული კაცობრიობისა დახეთქილი იყო

ყოველ საუკუნეში კლასებად და რამდენადაც თითოეული კლასი გამო-
დიოდა ისტორიულ მოძრაობათა ხელმძღვანელად, იმდენად სოციალუ-
რი არე იდეოლოგიისა იკუმშებოდა კლასობრივი ინტერესების და სა-
ჭიროების სახელებში: მეცნაერება, ფილოსოფია, ხელოვნება, ხუ-
როთმოძღვრება და სხვა დარგები შემოქმედებისა ყოველთვის ყოველ
საღზის ცხოვრებაში იმდენად სახიერდებოდა, იმდენად ვითარდებოდა,
რამდენადაც რომელიმე კლასის ინტერესებ-სათვის იყო საჭირო. ამ-
ტომ არასოდეს, არც ერთ ეპოქაში შემოქმედებასა და მეცნაერებას,
ფილოსოფიასა და ხელოვნებას არ ჰქონია თ ვ ი თ ა რ ს ო ბ ი თ ი და
დ ა მ ო უ კ ი დ ე ბ ლ ო ბ ი თ ი ხასიათი: გონებისა და სულის სახე-
ობითი ფორმები ყოველთვის გა მო ყ ე ნ ე ბ ი თ თვისებას ატარებ-
და, გონება ადამიანისა კაცობრიობის წარსულში არასოდეს „წმინდა“
არ ყოფილა: ინტელექტის ყოველი ფორმა, აზრის ყოველი ასხივოსნე-
ბა, გრძნობისა და ნებისყოფის ყოველი აფექტი ორგანოტროპულადაა
დაკავშირებული მდგომარეობის საჭიროებასთან; ყოველი ტანი ცდი-
ლობს შეეგუოს მდგომარეობას, შეეჩვიოს არსებობის პირობებს — გე-
ოლოგიურს, კლიმატურს, ატმოსფერულს, სოციალურს; ყოველი სხეუ-
ლი წუთისოფლად იღებს ისეთ ფორმას, იკეთებს ისეთ გარეგან, თუ
შინაგან ორგანოებს, რომელნიც შეეფარდებიან მდგომარეობის მყარო-
ბადობას, საგანთა და მოვლენათა ირაციონალურ, სტიქიურ დენას:
სამყაროში არ არსებობს არც ერთი ტანი, რომელიც არ განიცდიდეს
გავლენას სხვა ტანებისა და მოვლენებისას, რომელიც არ იყოს იძულე-
ბული მდგომარეობით, გარემყარობით აირჩიოს ესა თუ ის მიმართება;
მდგომარეობა რეგულატორია იმ ქიმიურ-ბიოლოგიურ ცვლილებათა
და მოძრაობათა, რომელნიც ხდება სხეულში: ყოველი სხეული სამყა-
როში წარმოადგენს ერთგვარ ქიმიურ ლაბორატორიას, რომელშიც
ჩვეულებით განმტკიცებული „წესით“ მიმოდინ ქიმიურ-ბიოლოგიური
პროცესები.

შემოკმედავის ორგანოტროპული პრინციპი

კაცობრიობის მსოფლგაგება კონცენტრულად შლის დროულობისა
და ვრცეულობის არეს: ევკლიდეს პოსტულატებისა და პტო-
ლემეოსისა ჰორიზონტადან, თელოგიურ-რელიგიური აბსოლუტე-
ბისა და ტელეოლოგიურ-რაციონალისტური კატეგორიუებიდან თანდა-

თანობით, ეჭვების და რყევის განცდებით. გააზრებათა და განსახეობათა გრძნეული კოორდინატებით ჩვენ შევდევართ ლობახევესკის, რიშანისა და აინშტაინის კოსმოლოგიურ სფეროებში. საიდანაც სოკრატეს ტიპის ადამიანები და კანტის მრავალი თავისი მძიმე ტერმინოლოგიით და კატეგორიებით ისე საცოდავად მოჩანან, როგორც ლამანხელი რაინდი და მისი ფარ-ხმალი სიერა-მორენის ხეობაში.

კაცობრიობა თითქოს თანდათანობით შედის დაუსრულებელ სამხეცეში: სული ჩვენი შეიარაღებული მეცნიერებით და ტექნიკით, სავსე ეჭვებით და ფორმულებით. შებოქილი კუთხური ჩვეულებებით და სოციალურ-ოჯახური ინტერესებით. თანდათანობით უსაზღვროების ქაოსში იჭრება: დრო იყო, როდესაც ადამიანს ჰქონდა რწმენა უკვდავებისა, ლეთაებრიობისა და სტაბილიზმისა: ლოცვებით და იმედებით, პრეტენზიებით და პრივილეგიებით ადამიანი ინუგეშებდა წუთისოფლად თავს და ყოველ წუთს თავის ყოველდღიურ არსებობას იგა აფერადებდა რომანტიზმით და ილუზიებით: შეიცვალა ფსიქოლოგიური ჰაერითი — პაპების potestas clavium-ის და ინდულგენციებს მაგიერ ადამიანმა დაიწახა ქვეყნად ბრძოლა არსებობისათვის თავისი კოშმარული შემთხვევებით, მიკრობებით და შეგუების უცნაური ჩვეულებებით. ფეოდალურ-არისტოკრატიული პათოსისა და მოკაზმულობის ნაცვლად ადამიანი შეკუთრებს დიდ ქალაქთა მღელვარე ქუჩებს. ვიტრინებს რიალებასა და მანქანების გრაფანს.

რელიგიურ-ეკლესიურა დოგმატები, სუბსტანციები, სქოლიოები და კატეგორიები აზიის სოჯა-ხანებისა და დასავლეთ ევროპის ფეოდალების სასახლეებში შეთხზულა, ეგოცენტრისტული „ქვეშარიტებები“ ცეზარებისა, მეფეებისა და ეპისკოპოსების სოციალურ-ისტორიული სტრუქტურა სხვადასხვა ხალხისა, დატვირთული ტროპული ინტერესების სილოგიზმებით და აყოვლადებული სქოლასტიკური პათოსით, ჩამოეკიდა ცივილიზაციის ენორმულ ისტორიას, როგორც სასრცხვლო ნაგლეჯება ძველი ტანისამოსისა. ფილოსოფიური სისტემები და ლიტერატურული ტაპები ევროპისა ფსიქოლოგიური რეალიზება კუთხურ-ეროვნული ტრადიციებისა, რასულ-ისტორიულ კერძობათა. ყოველგვარ ღირებულებას ამ ქვეყნად აქვს მხოლოდ ადგილობრივი ხასიათი — ყველაფერს აქვს მნიშვნელობა მხოლოდ განსაკუთრებულა ჭგუფისათვის. განსაკუთრებული საზოგადოებისა და ეპოქისათვის; მნიშვნელობისა და ღირებულების საკითხი, ბოლოს და ბოლოს,

ინტერესისა და საჭიროების საკითხია: არ არსებობს არავითარი კატეგორიები, არავითარი პრინციპები, არავითარი ლოგიკური კანონები საყოველთაო ხასიათისა, მარადული ღირებულებისა: ზრობლემას დროისას, სივრცისას, მოძრაობისას, მორალისას კაცობრიობა ყოველ საუკუნეში სოციალურ-ფსიქოლოგიურ რეზულტატებს უთანაბრებს — ფსიქოლოგიური თვალსაზრისით, აინშტაინის კოსმოლოგიური რელატივიზმი ისეთივე სიმბოლური გამომხატუებაა ჩვენი დროის სოციალურ-ისტორიული რყევისა და პლანეტარული განცდისა. როგორც ნიუტონის სელესტური მექანიკა იყო თავისი დროის გაზვიადებული თეოლოგიური რაციონალიზმის მათემატიკური სიმბოლიკა.

კაცობრიობის მსოფლმხედველობა ყოველთვის ისტორიული და ტროპულია: სამყაროს წყობა და სახეობა ერთეულების ქაოსია, უდიდესი ქვეშარტება მხოლოდ ტროპული განცდის დათანაწყობებდაა: სული ჩვენი იხედება წუთისოფლად სოციალურ-ტროპული ინტერესებისა და საჭიროების თვალებით. სისტემები და პრინციპები, ღმერთები, ზეაკები, კანონები და იდეალები განსხეულებულია ტროპულ-კუთხური ტანჯვით და ილუზიებით. რა არის ნიცშეს ზეაკი, თუ არა გერმანელი არისტოკრატის პათოსი? რა აქვს საერთო ზარატუსტრას ინდოელთან? ვანა ტოლსტოი ზიზღით არ უყურებს შექსპირს და განა ამ ზიზღში არ ისახება მთელი ფსიქოლოგია ბარინიზმისა და მისი თვისებური მორალისა? განა ძველი ეგვიპტელი ღვთაური სიხარულით არ ივსებოდა, როდესაც ლოცულობდა ნილოსის წინაშე? განა ეგვიპტელისათვის უმაღლესი ქვეშარტება არ იყო ნილოსის ღვთაებრივი კეთილმოქმედება — ეგვიპტის ჭალების დანაოყიერება? განა აქ სოციალურ-ტერიტორიული ინტერესი არ ქმნის იდეას ღვთაებრივობისას, და ძლიერებისას? განა საშუალო საუკუნეების ქრისტიანები ცრემლებით არ ივსებოდნენ და როზგებს არ ირტყამდნენ საიქიოსათვის? განა საუკუნეთა განმავლობაში ევროპელები ერთმანეთს ეცხლში არ წვაავდენ ზიარების საკითხისათვის? განა მთელი ერები არ იბრძოდნენ მუმობისა და ჩონჩხებისათვის? ვინ იცის, რამდენი გულუბრყვილო პატრიოტი შიდიოდა ბრძოლის ველზე pour le roi, pour le patrie? — მაგრამ, ყველაფერი ეს დღეს ისე სასაცილოა ჩვენთვის, როგორც ტიბეტელი დალაი ლამა მლოცველის პოზაში. ყველაფერს, რასაც ისტორიაში ერთ დროს დიდი აზრი ჰქონდა, რაც უდიდეს ქვეშარტებად ითვლებოდა,

რისთვისაც თავს იკლავდნენ და ხშირად ერთმანეთსაც ხოცავდნენ შეუბრალებლად, ჩვენ დღეს ირონიით ვუყურებთ: დრომ და პირობებმა თან წაიღო აზრი ცხოვრებისა, სული ეპოქებისა. ყოველ ეპოქას, ყოველ ტეროტორიას, ყოველ კუთხეს, ყოველ ჯგუფს აქვს სული და სტილი. საკუთარი განცდა და ინდივიდუალობა. რომელთაც ბუნება არ იმეორებს მთლიანი იგვეობით და რომლის ნაწილები დაუსრულებელ ხეტიალსა და ცვალებადობაში არიან. ჩვეულება ორგანულ-ფსიქიკური, რომელიც ყალიბდება საუკუნეთა განმავლობაში განსაკუთრებულ მიწა-წყალზე, განსაკუთრებულ სოციალურ-ისტორიულ პირობებში, მემკვიდრეობით მიღებული ფსიქოლოგიურ ატრიბუტებისა და ორგანულ-ტროპულ შეფარდებულობათა საშუალებით იძლევა კულტურისა და ცივილიზაციის ღირებულებებს: დიადი ლაბორატორია ლოგიკურ-გნოსეოლოგიურ და მეტაფიზიკურ-რელიგიური კატეგორიებისა ისტორიულ-კულტურული ჩვეულებაა: ყოველ ეპოქაში მტკიცდება გაბატონებული კლასისა და ჯგუფის მსოფლმხედველობა; ყოველ ისტორიულ პერიოდში ფილოსოფია და ესთეტიკა, მორალი და რელიგია გამოსახვენ რომელიმე კლასის ან ჯგუფის სულიერ მოთხოვნილებებს; კანტის მსოფლმხედველობა ფსიქოლოგიური გამოკრთომაა იმ პოეტურ-ინდივიდუალისტური და რაციონალისტურ-ფეოლოგიური სულიერი განწყობილებისა, რომლებითაც შებოჭილია კანტის დროის საზოგადოებრავე აზრი; ყოველ დიდ კულტურას აქვს თავისი ენა, თავისი სტილი და იდეა, რომელიც გასაგებია მხოლოდ იმ ადამიანისათვის, რომლის სული შეჩვეულია და ეკუთვნის ამ კულტურას: სოკრატესა და კანტის რაციონალიზმი, ყოველგვარი სუპერისტორიული პრეტენზიებით, აბსოლუტური ჭეშმარიტების გამოსახვისა ყალბია, ვინაიდან ჭეშმარიტება, როგორც ასეთი, ვერასოდეს ვერ შორდება დროისა და პირობების გავლენას; მდგომარეობისა და ისტორიული განცდის ჰაერეთს.

პროცესი ინტელექტუალიზაციისა ემორჩილება დროულ-სივრცულობას და ძველი არაბეთის დიდი ბრძენი ალ-ფარაბი თავისი არაბული ვიზიონიზმით ისე გამოსახავს არაბეთის ტროპული განცდის ჭეშმარიტებას, როგორც კანტი თავისი გნოსეოლოგიური დუალიზმით ევროპის ფეოდალურ-არისტოკრატიული რაციონალიზმის აპოგეას და ამ აპოგეის ფსიქოლოგიურ დესტრუქციას.

ყოველი კულტურა, ყოველი გეოგრაფიული და გეოლოგიური მყარობისა, შეფარდებით იღებს სრულყოფილ ისტორიულ-ფსიქო-

ლოგიურ სახეს და ყოველი სრულყოფა არის მხოლოდ დროული და კუთხური სიმბოლო რასულ-ბიოლოგიური შესაძლებლობის ფილო-გენური და სოციოგენური ტრანსფორმაციისა: რომაელის ტოვა და ეეროპელის სერთუკი, ანტიკური ცირკები და ინგლისელუ-ბის საფესბურთო მოედნები, მიკენის კულტურა და ვითური სტილი, არისტოტელე და კანტი, ალექსანდრე მაკედონელი და ნაპოლეონ ბონაპარტე, დანტე და რუს-თაველი, ვაჟა-ფშაველა და იბსენი პლანეტურ-ტრო-პულ შესაძლებლობათა ფსიქოგენეტური რეალიებია: ყოველ მათგანს აქვს საკუთარი ფორმა, მიზანი და მიზეზი, ყოველ მათგანს აქვს საკუ-თარი იდეა, აზრი, სული და არსებობის წყარო, ყველაფერი ეს გა-მართლებულია ჩვეულებით, ადათებით, ისტორიულ-სოციალური პე-რიპეტებით, პოლიტიკურ-ეკონომიკური ინტერესებით, ონტოლოგიუ-რი საჭიროებებით და ცივილიზაციური ნევროზით.

სამყაროს ყოველ კუთხეს აქვს განსაკუთრებული შესაძლებლობა აღელვების, ათქრიალებისა და ატორტმანების: ცივილიზაცია თავისი ქარხნებით, ქალაქებით, ინსტიტუტებით, ლაბორატორიებით და კოსმე-ტიკით არის ბაოლოგური ღელვისა და წვის შემოქმედებითი აკვამ-ლება, აორთქლება, ენერგიის განიაება — élan vital; ცივილიზაცია ყოვლობის ენტელექციის ქაოსური ნახტომია და ყოველი ფორმა კულ-ტურის ტანჯვითაა ნაქსოვი და ცრემლებით ნარეცხი; იერუსალიმი, რომი, ბაბილონი, პარიზი, ბერლინი, ნიუ-იორკი, ლონდონი ბიოლოგი-ური ღელვისა და აორთქლებს გიგანტური სადგურებია.

სამყარო იწვის როგორც ბიბლიური ცეცხლმოდებული ჩირგვი და ამ წვის ასხივონება ანათებს ყოვლობის ქაოსურ სიბნელეს, როგორც ელვა ქარიშხლიანი ღამ-ს წყვდიადს. ხალხები თავიანთი ტანჯვებით და ინტუიციებით ანთებენ ცეცხლსა და სანთელს სამყაროს სხვადასხვა კუთხეებში; ადამიანები თავიანთი ინდუსტრიებით და კომბინაციებით დაძწიან კომმარულ დაუსრულებლობაში, იგონებენ პრინციპებს და თხზავენ კატეგორიებს თავიანთი ინტერესებისა და გემოვნების ფორ-მებში. მოდგმები და თაობები ამ პრინციპებით, ამ კატეგორიებით ებო-ქავენ სურვალებსა და ნებისყოფას; შავ მანტაში ხვევენ გრძნობათა ცეცხლის ალებს, კეთილშობლ ჩხვლეტას სულისა და გულისას; რო-გორც ლეგენდარული სიზიფე, ადამიანები უსარგებლო ტვირთის გადა-ტან-გადმოტანაში ითენთებან და მუდამ დაუქმყოფილებელ სურვილ-თა ძაებში იხრჩიობან.

მსოფლიო ცივილიზაციის თანდათანობით გაშლაში არ არის მილი-
ანი დენა, არ არის ერთეულობის მიზანი; სხვადასხვა კუთხიდან სხვა-
დასხვა სახეები და სულები მოჩანან: არიან ეპიზოდები, პერსონები,
კერძობანი, ფრაგმენტები. ინდივიდუალური და სოციალური თავისე-
ბურებანი, რომელნიც რიგრიგობით იძირებიან მარადიულობის ხასაში
და რომელთა შორის არ არის გამაერთიანებელი ხიდი, არ არის ვადა-
სასვლელ-გადმოსასვლელი ფონი. *La durée éternelle* არსებობის სა-
საფლაოზე შლის ასალ-ასალ ჩვეულებებს: უსაზღვროებაში კულტუ-
რები და ეპოქები ისე იძირებიან, როგორც არსები და პატარა ხიწვები;
ნაპოლეონი დიდი ოკეანის კუნძულზე თავისი კონველსიებით
საცოდავად მოჩანს, როგორც ბელურა ტასმანიის ულრან ტყეში. ფი-
ლოსოფოსები, მეცნიერები და გმირები სამყაროს ქაოსურ განგაშში
თავიანთი მოქანცული სხეულებით, თავიანთი ფილოსოფიურ-მორალუ-
რი სოფიზმებით და პრინციპებით ამეტყველებენ მხოლოდ პირუტყ-
ვულ-მეცნიერულ ეგოცენტრიზმსა და ტერიტორიულ-კუთხურ ჩვეუ-
ლებებს; აფრიკის ცხელ ქამიდეებში ტუარინების ბრი-
განდიზში წარმოიშვა ფსიქოგენეტურად, როგორც ევროპაში
რაინდობის კულტი, ან ლაიბნიციის მონადლოგია: საკმაო საფუძე-
ლიანობის პრინციპის სოციალ-ტროპიზმი ასაბუთებს, ამართლებს რო-
გორც ერთს, ისე მეორეს და ბოლოს და ბოლოს წუთისოფელი წარ-
მოადგენს კუთხურ-ტროპულ ჩვეულებათა დაუსრულებელ ყაზარმას.
ამ ენორმული ყაზარმის სხვადასხვა კუთხეში სხვადასხვა სულებია თა-
ვიანთი ინტერესებით, ფეტიშებით, თავიანთი იდეალებით და ილუზიე-
ბით, თავიანთი მორალურ-რელიგიური რეგალებით და ტრადიციებით;
ყოველ კუთხეშია ღმერთები, პრინციპები, კვშმარატებანი, სილოგიზ-
მები რელიგიისა და ფილოსოფიისა, რომელთაც აზრი და მნიშვნელო-
ბა მხოლოდ განსაკუთრებულ პირობებში აქვთ, ყოველ კუთხეში არის
ლაპარაკი კაცობრიობაზე, აბსოლუტობაზე, მარადიულობაზე, მაგრამ
ყოველგვარი დასაბუთება ტროპულია: საბერძნეთის ფილოსოფოსები
კაცობრაობაზე მსჯელობენ და თან ამ მსჯელობაში გულისხმობენ ყო-
ველთვის ბერძნებს, სხვებს ბარბაროსებს ეძახიან; განა ეს ტროპიზმი
და ეგოცენტრიზმი არ არის? კანტი ქადაგებს მორალის აბსოლუ-
ტობას ყველა ხალხისა და საუკუნისათვის, მაგრამ მის განყენებულ
სისტემურ პროფეტიზმში გარკვევით იკითხება გერმანული
სითამამე ბურგერული პათოსით და სოციალურ-ფსიქოლოგიურა
ტროპიზმით. ტოლსტოი თავისი ეთიკური მაქსიმალიზმით და

თავადური გაშლილობით კონკრეტული სიმბოლოა რუსული სულის ისტორიულ-ტერიტორიული გაქანებისა და ნირვანული უსაზღვროების შეგრძნობისა. რაბინდრანათ თაგორის რიტმულ მეტყველებაში მუსიკალურ იდეებად რჩევა ინდოეთის წარსული, პაერი, ბუნება და უღრან ტყეთა შტოები. ყოველი დიდი მწერალი და მოაზროვნე აბსოლუტების მწვერვალებს ხედავს კერძობისა და ისტორიული ტერიტორიულობის შინაგანი ხილვის თვალებით.

რა არის ბოლოს და ბოლოს ის, რასაც ჩვენ კაცობრიობის ისტორიას ვეძახით? — ერთი პატარა კუთხე სამყაროსი სხვადასხვა განმეორებით და ვარიაციებით: უოვალაჟი პლანეტა და ქვეყანა დასრიალებს უსაზღვროებაში; დრამები, ტრაგედიები და კომედიები კუთხურად მშლებიან; ძალთა პერიპეტეები ჭკუფდებიან როგორც სტიქიონთა როია; ჩვენ კი ვზომავთ ფანტასტიკურ უსაზღვროებას ჩვენი სუსტი თვალებით და საერთოდ შეგრძნებათა ორგანოებით, რომელთა სპეციფიკური ატრიბუტები მხოლოდ დეტერმინაციაა იმისა, რასაც მეხედები რანი ეძახოდა *l'influence de l'habitude*.

ჩვენ სრულიად ანგარიშს არ ვუწევთ იმას, რომ ჩვენი საზომი ჩვენი მდგომარეობისა და სოციალურ-პლანეტური ასოციაციების ნაყოფია; ჩვენ გვაეწუდება, რომ როგორც წმინდა ინტელექტუალური, ისე წმინდა მორალური მიღწევა ჩვენი სულისა მხოლოდ ისტორიულ-კუთხურ ჩვეულებათა ფენომენოლოგიაა.

რაც ხდება ჩვენი პატარა პლანეტის პატარა და ეფემერულ კუთხეებში, ის გვაკვირვებს და მსოფლიო ისტორიას ვეძახით რამდენიმე საუკუნის ეპიზოდურსა და ფრაგმენტულ. აღწერას; რა არის „მსოფლიო ისტორიის“ არე დაუსრულებლობასთან შედარებით, იმ დაუსრულებლობასთან, რომელსაც გვისახავენ ნათლად ჩვენს წარმოდგენაში ბიოლოგია და ასტრონომიული მეცნიერებანი? რა პატარად და საცოდავად მოჩანს ჩვენი წუთისოფელი თავისი ცრემლებით, ტკივილებით და კომბინაციებით კოსმოლოგიური თეორიების სამრეკლოდან? რა უაზროა ჩვენი ყოფა და ტორტმანი როგორც ოჯახური, ისე სოციალური უსაზღვროების გაშლილ სივრცეზე?

საღამო უამს, როდესაც წუთისოფელი მიიძინებს ფერად სიჩუმეში და ინტელექტი ჩვენი კუთხური არსებობიდან უნივერსალობისკენ მიიწვეს თანდათანობით, ჩვენ ვრწმუნდებით, რომ მეტად პატარა ადგილი გვიკავია მუდამ შეუცნობელსა და მარადიული საიდუმლოებით მოცულ უნივერსალობაში: მართალია, დედამიწა, კოპერნიკის

შემდეგ არ არის გეოგრაფიული ცენტრი სამყაროსა, მაგრამ ის, რაც დედამ-წაზე ხდება, ჩვენ მაისც ყოვლობის ცენტრად მ-გვაჩნია და ზე-ადი პათოსით ვამეტყველებთ ბალღურ ეგოცენტრიზმს. მუდამ მერყევეს და ცვალებადს: ჩვენ ვაზეადებთ ჩვენს მდგომარეობას არა მარტო სამყაროსა და დაუსრულებლობის წინაშე, არამედ ჩვენი საკუთარი წარსულის წინაშეც; ისტორიკოსების აზროვნება ცალმხრივი და ეგოცენტრისტულია: „საშუალო“ და „ახალი“ საუკუნეები გაქიმულია თავიანთი ინკვიზიციებით, კარლოსებით, ინდულგენციებით და რეფორმაციებით; ჩვენთან რაც უფრო ახლოსაა საუკუნეები, მით უფრო ბევრს ვლაპარაკობთ მათზე, რადგან ჩვენი ცხოვრება და ინტერესი ეგოცენტრისტულად გადაკეცილებულია მახლობელ მდგომარეობასთან. გაივლიან წლები და ჩვენ სულიერად დე-შორდებით ყველაფერს, როგორც დაშორებული ვართ დღეს სფინქსებსა და პირამიდებს. ნაპოლეონისა და ლუდოვიკოების „ისტორია“ შეადგენს ტომებს, მხოლოდ ცეზარებისა და მაკედონელების შესახებ ცოტა რამ ვიცით, და რაც ვიცით, იმასაც მთქნარებით და ზანტად ვამბობთ, რადგან სული, შეხუთული მდგომარეობით და ორგანოტროპიზმით, დაქშორებია წარსულს, დაქშორებია სინამდვილეს, ერთ დროს მწველსა და ცეცხლის მფრქვეველს. ამბობენ: დრაკონები, სოლონები, პიზისტრატები არასოდეს არ ყოფილანო, ამბობენ, თითქოს ეს სახელები იყოს გამოგონილი, ლეგენდარული, — ამბობენ, პომპროსი არასოდეს არ ყოფილა ქვეყანაზეო, შექსპირს არ დაუწერია „ჰამლეტიო“; საუკუნეები გაივლიან, სუსხიანი ქარიშხალი გადაარეცხს არსებობის ტალახსა და ქუქყს, დროული მყარობის პრეტენზიებსა და სოფიზმებს; ჩმახი ცხოვრების petits fails მარადობის ოკეანეებში ჩაიძირებიან: ჩვენი კულტურისა და ცივილიზაციისაგან, ჩვენი ისტორიულ-ფილოსოფიური სილოგიზმებისა და სისტემებისაგან დარჩება მხოლოდ მითები და ლეგენდები, მხოლოდ თქმა და ზღაპარი; აფრიკის უდაბნოში შავად აწვევადებული პირამიდები, კელნისა და პარიზის გოთური სტილის ტაძრები, დიდი ქალაქების მანქანათა გრაგანი და ლედების თქრილა, უზარმაზარი არეები ისტორიული და სუპერისტორიული პერიპეტეებით დასცანიან ჩვენს ეგოცენტრიზმს წუთისოფლად, დასცინიან ჩვენს კატეგორიებსა და პრინციპებს, გვიმტკიცებენ, რომ ჩვენი მორალი და ჩვენი მსოფლგაგება, ჩვენი ღმერთები და ჩვენი ლოცვები ყალბია sub specie aeternitatis, რადგან გარეშე წრისა, გა-

რეჟიმი მდგომარეობისა, გარეშე *l'influence de l'habitude*-ისა ყოველგვარ კატეგორიას, ყოველგვარ ღმერთსა და პრინციპს ეკარგება აზრი ცხოვრებაში, ეკარგება საფუძველი მყარობისა, ეკარგება *principium rationis sufficientis*.

ქვეყნად არის მხოლოდ პროცესები, არის მხოლოდ ლეღვა, განგაში, ტორტმანა; ბედისწერა გარდაისახა სტიქიურობასა და ირაციონალობაში; არიან მხოლოდ ტანები და მათი მექანიკური ფიზიოლოგიური დამოკიდებულებანი ერთმანეთთან; ტანებსა და მოვლენებს შორის შემთხვევათა ფერხულია გამართული და ადამიანის გონებამ ვერ გამოიხატა ფორმულა შემთხვევათა ლიმიტების გამოსარკვევად; ექსპერიმენტები და პოზიტივიზმი, *petits fails* ყოველდღიურ არსებობაში, პრაქტიკისა და ინდუსტრიის არითმეტიკა — ყველაფერი ეს საერთო კულტურულ მემდინარეობაში გარეული, იძლევა ქაოსურ სურათს და ამ ქაოსში ადამიანებმა შეიტანეს წუთისოფლად თავიანთი ეგოცენტრიზმი, თავიანთი კუთხურ-ტროპული სურვილები. ყველაფერს, რაც ამ სურვილებს ეწინააღმდეგება ბოროტება დაარქვეს, ყველაფერი, რაც არ არის მიზანშეწონილი კუთხურ-ტროპულ ეგოცენტრიზმთან, ტრაგედიად გამოაცხადეს; შეთხზეს პოსტულატები, კოროლარიები, სილოგიზმები ტროპულ-ეგოცენტრისტული თვალთახედვით და ინტერესებით; ჩინეთის კედლებით შემოხაზეს თავიანთი მიწა-წყალი და ისტორიული პერიოდები; პატრიოტიზმი გამოაცხადეს პრივილეგიად: ქვეყანა გიბრალტარის სვეტებთან თავდებოა, — ამბობდენ ელინები, — ვინც ბერძენი არ არის, ყველა ბარბაროსი და სულელიაო, — აი ტროპული მსოფლგაგების ისტორიული ფორმა.

დღემდე ასეთი ტროპიზმი, მიუხედავად ცივილიზაციის ჰუმანურ პრინციპებისა, მიუხედავად კანტის „მაღალი და კეთილშობილი“ მორალისა, არის ერთადერთი *idée force* მატერიალური და სულიერი კულტურისა: განა სახელოვანი გერმანელი ფილოსოფოსები და მეცნიერები არ იყენენ, რომ ვილჰელმ მეორეს დაუდასტურეს ევროპის განადგურების გეგმა სწორედ გერმანული ორგანოტროპიზმისათვის? განა ფრანგებისა და გერმანელების ისტორიული ურთიერთობა ორგანოტროპული კარნაკტილობისა და კუთხურობის დიადი ფაქტი არ არის? განა ვუნდტის აზრი ბერგსონის ფილოსოფიაზე, ტოლსტოის აზრი შექსპირის შემოქმედებაზე ღრმად არ არის გადაკავშირებული ისტორიულ-გენეტიკურ და კუთხურ-ტროპულ ჩვეულებებთან, ადათებთან, განცდებთან? განა ამ დი-

დრ ადამიანების ურთიერთობაში ნათლად არ ჩანს ლოგიკური დეპულეგაციის, სილოგისტური დაკრამებისა და მორალის პრიმატების ეს სალურო დამოკიდებულება ისტორიულ-ტექნიკურ-სოციალურ სფეროებზე და ფსიქიკურ-გენეტიკურ ლისანსებზე? განა აქ ლოგიკა და ქეშმარიტება არ ემორჩილება კუთხურ ფსიქოლოგიას, ისტორიული მყარობის თავისებურებას, რასულ-ბიოლოგიურ დეტერმინაციას?

მართალია, ლოგიკისა და გნოსეოლოგიის ზოგიერთ სახელმძღვანელოში, მათემატიკურ ფორმულებსა და ლიმიტებში აზრი ადამიანის ქეშმარიტებას ღალადებს, მაგრამ რით განსხვავდება არსებითად ასეთი ხასიათის „ქეშმარიტების ღალადი“ იმ პატარა ბავშვის ოცნებისაგან, რომელმაც შემოიკვლო ჯოხი ბარძაყთა შორის და რომელიც დარწმუნებულია, დროებით მაინც, რომ შეჯდა ტაიქზე? ქეშმარიტება სუპერკონდიციური ბერებისა და ეპისკოპოსების პრობლემაა: ინტელექტუალისტებისა და ალეთოლოგისტების მარადიულ ქეშმარიტებას ბოლოს და ბოლოს ისეთივე მნიშვნელობა აქვს კულტურის ევოლუციაში, როგორც საშუალო საუკუნეების თეოლოგების აზრს ანგელოზთა იერარქიაზე, ან მაგების ასტროლოგიას. ფილოსოფიური იდეა მსოფლიო ვითარებისა, გადაავლებს რა თვალს წუთისოფელს, აისახავს რა წარმოდგენაში ყოვლობის მიმდინარეობას უსაზღვროებასთან გადაკვეთებით, ამჩნევს სხვადასხვა მიწა-წყალზე სხვადასხვა სახეებს ზოგენური და ფილოგენური ატრიბუტებით, ცივილიზაციური თავისებურებებით და ფაქტიურ-ემპირიული ქეშმარიტებებით: ყოვლობის აბსოლუტურ დენას ჩვენ ვამჩნევთ მხოლოდ იმდენად, რამდენადაც ჩვენ ვაკავშირებთ ჩვენს სივრცით წარმოსახვაში ფაქტიურ-ემპირიულ სხვაობათა მყარობებს ერთმანეთთან და რამდენადაც ჩვენ ვაწვავლებთ ჩვენს შინაგან ხილვაში უნახეს გრძნობებს ჩვენი სულისა და მეობისას.

ლოგიკურ-ალეთოლოგიური ზოგადობანი, იდეალისტურ-რაციონალისტური აბსოლუტები, სუპერისტორიული და სუპერემპირიული კატეგორიები იმდენად არსებობენ, რამდენადაც ჩვენი შემოქმედებით განსახებანი აყოვლადებენ კერძო ფაქტებს; ბოლოს და ბოლოს ყოვლობის ის არე, რომელსაც შეიცავს საგანი ჩვენი მსოფლმხედველობისა და რომელიც ჰეგელს ეჩვენებოდა როგორც გრანდიოზული გაქანება აბსოლუტური იდეისა, თავისი გეოლოგიურ-ფილოგენური მეტამორფოზებით, ისტორიულ-სოციალური ცვლილებებით, რასულ-ბიო-

ლოგიური ტიპებით, ფილოსოფიურ-ესთეტიკური სისტემები. კრაი-
სიტყვით, მთელი მყარობები და მ. ს. ს. ცივილიზაციური აკაპულსაო.
არის მსალოდ ერთი და ისაჲ მკტად ეფემერული წრეწირი იმ უსასღე-
როებისა, რომლის შიშს განვიციდით ყოველ წუთს და რომელსაც გგ-
სახავს იდეა კოსმოსური დენისა — იდეა მარადობისა.

ვიზიონერებს, ფილოსოფოსებსა და პოეტებს კუთხურ-ისტორიული
მსოფლგაგებანი განუზოგადებიათ თავიანთ ოცნებათა განსახებებში:
ანალოგიებით და სილოგიზმებით აუყოვლადებიათ პი-
პოთეზები, სისტემები აზროვნებისა და თეორიები მდგომარეობათა
ინტერესების მიხედვით ჩამოუყალიბებიათ; ქიმიკოსებს, კომბინატო-
რებს და ფაბრიკანტებს აუშენებიათ ინსტიტუტები, ლაბორატორიები,
სეისმოგრაფიული სადგურები, ობსერვატორიები; მკურნალებსა და
ბიოლოგებს მოუნახავთ მარილები, ბალახები, სითხეები, აწყობენ ნა-
რევებს, ამზადებენ მიქსტურებს, ემულსიებს: მოუწყეიათ ქალაქები და
სახელმწიფოები რკინის გზებით და გვირაბებით, ასანსიონებით, ელექ-
ტროსა და რადიოს სადგურებით; დალაგებულან, დაწყობილან ფერადი
მორთულობით და თავიანთი კუთხურ-ტემპერამენტული სოფიზმებით
აღამიანები ერთმანეთს ედავებიათ და აჯრებენ.

იდეებსა და ღმერთებს წუთისოფლად იცვლიან, როგორც ტანისა-
მოსებს; დროთა ხვეულა აწყობს კრებნარებს, ბიოლოგიურ წვათა და
ნერველ-ფსიქიკურ დრესათა ჟანგულებს ანიავებს დაუსრულებელი
წამოწყება მარადიული ცვალებადობისა: სხეულში ხდება მუდმივი
ტრანსფორმაცია ენერჯისა იმის მიხედვით, თუ რა დამოკიდებულება
აქვს სხეულს სხვა სხეულებთან. არც ერთ ტანს, არც ერთ ხიწვს სამ-
ყაროში არ შეუძლია გადალახოს როია საგანთა და მოვლენათა; ღირე-
ბულება სიტუაციურია: ყანაღისა და მიკრობის არსებობას ბიოლოგი-
ური ევოლუციის თვალსაზრისით ისეთივე საფუძველი აქვს, როგორც
წმინდანისა და გმირის თავგანწირვას; სიკეთე და ბოროტება ისეთივე
კანონიერი მოვლენებია დაუსრულებლობის არეზე, როგორც სითბო
და სიცივე; წინააღმდეგობანი ქმნიან მოწინააღმდეგეთა სიდიადეს და
ყველაფერი ღირებულია იმდენად, რამდენადაც დროულ-სივრ-
ცული საქროება მოითხოვს ღირებულების აუტოლებლობას: არ არსე-
ბობს ღირებულება თავის თავად, არის ღირებულეება
მხოლოდ საქროებისათვის.

შეყვარებულები სიყვარულს ერთმანეთს ეფიცებიან, მაგრამ სიყვა-
რულის ამყოლობაში ერთმანეთს ზიზლით შორდებიან: პოზა დიდებისა

და ქვეშარიტების კარგავს თავის პათოსის სიზვიადეს შემთხვევათა რიგში და ერთეულებს მყარობა თავისი პრინციპებით და კატეგორიებით ისაზღვრება ონტოლოგიურ მრავლობაში; დიდება და მშვენიერება ცხოვრების ალოგიკურად ღრეკლ ხვეულებში მტკრად და ნაფოტებად იქცევა: მტკრისა და ნაგავისაგან მშვენიერი და დიადი სახეები იქმნება.

ცხოვრება უარყოფს ყოველგვარ აბსოლუტობას — იდეის, სისტემის, პრინციპის, მორალის და უფლების აბსოლუტობას: ყველაფერი, რაც არის ადამიანში, — ყველაფერი, რასაც ფარავს აღზრდა, მორალი, ტრადიცია, — ყველაფერი, რაც იწვევს მისწრაფებას, იდეალს, ლტოლვას, მოძრაობას სულისა და გულისას, შედეგია დროული და კუთხური შეჩვევის, ტემპერამენტული და ორგანულ-რასული დახრილობის: რა მნიშვნელობა აქვს ევროპელის ილუზიებსა და იდეალებს ტიბეტის დალი-ლამისათვის და რა აქვს საერთო ტიბეტის დალი-ლამას პარიზის ან ლაიფციგის პროფესორთან? უნივერსალური სულიერობის ყოველი სახე — ყოველი მოვლენა ანთებულია კუთხური ინტერესებითა და სურვილებით; კუთხური ხერხი და კომბინაციებია კუთხური საქროებისათვის; ცივილიზაცია კუთხური ტანჯვისა და ლელვის აორთქლებაა: ცნებები და იდეალები, გრძნობები და ზრახვები იმდენად იღებენ ზოგად ხასიათს, რამდენადაც ერთმანეთს ემსგავსებიან სხვადასხვა კუთხეთა ინტერესები და ჩვეულებები; მათემატიკა და ლოგიკური ყოველადობა ჩვენს პლანეტაზე კუთხური სულების ჩვეულებათა ერთმანეთთან მსგავსებას წარმოადგენენ და უძიმესი აბსოლუტები გერმანელი ფილოსოფოსებისა გერმანულ ფსიქოლოგიას გამოსახავს ისე, როგორც ტუარინების ბრიგანდიზმი გამოსახავს აფრიკის უდაბნოებში დამშეული სხეულების ინტერესებსა და ველურ სურვილებს: სწორი და მრუდი, პატიოსანი და უსინდისო, ეგოიზმი და თავგანწირვა ისეთი სიტყვები და ცნებებია, რომელთა მნიშვნელობა და შინაარსი ღირებულია მხოლოდ განსაზღვრულ პირობებში — ტერიტორიისა, ისტორიისა და ოჯახურ საზოგადოებრივ ჩვეულებათა პირობებში.

მარადიული არარა არის სამყაროში და ამიტომ საბოლოოდ არც წუთისოფლურ ღირებულებათა კვალიფიკაციაა მისაღები: ეს კვალიფიკაცია დროულ ჩვეულებათა ეპიფენომენური შემოქმედებაა და ნაკარნახევაა ინტერესებით — ისტორიულ-სოციალური ტრადიციის ფსიქოლოგიური გადანაშთებით; ღირებულება კუთხურ-ტროპული აჟიო-

ტაჟის საკიობია და რაც დღეს ადამიანებს ბოროტებად მიაჩნიათ ქვეყანაზე, ხეალ იმას თაყვისს სცემენ, ხეალ მას ღმერთად აღიარებენ; ოღეაღლი შორეულსა და ხედროულის მხოლოდ დროისა და პირობების შედეგია: რაც ჩვენთვის მარადიულია, ის შექმნა დროულ პირობებში; რაც დროულია, ის მარადიული თვალთახედვით ყალბია, რასაც ოდესღაც აღიღებდნენ, ის ჩვენ დღეს გვეზიზღება და რასაც დღეს ჩვენ ვადიდებთ, ის მომავალს სასაცილოდ არ ეყოფა: ჭეშმარიტება დროისა და ეპოქის ილუზიაა; ყოველი საუკუნე თავისას ამბობს, ყოველი ხალხი თავისებურად ლოცულობს; ყოველი ჭგუფი თავისი სოციალური ინტერესების თვალებით იხედება და ყოველი ადამიანი სულის ექსტაზით და სხეულის ნევროზით თავის თავს ინუგეშებს. სამყარო ბაზარია, სადაც ცხოველებს შემოაქვთ ყოველი კუთხიდან თავიანთი საჭიროებებით და ინტერესებით ნაქსოვი სურვილები; წინააღმდეგობათა რკალი გარდაუვალა მარადიულად: ადამიანი, რომელიც თავის მეგობარს შემოსავლიან ადგილს აძლევს, კარგი, პატიოსანი და მშვენიერი კაცია, რაც უნდა ცულლუტი და უსინდისო იყოს სხვებისათვის; მოსამართლე, რომელიც ათავისუფლებს ავაზაკს, ავაზაკის წარმოდგენაში კეთილშობილი და დიდებული ადამიანია: სოციალური საქიროებით და ინტერესით შებოქილია სული და ლოგიკა ადამიანისა; სწორედ ამიტომ ხშირად ბოროტება სიკეთეა, ისე როგორც სიკეთე ბოროტებაა: ქრისტემ ლაზარე გააცოცხლა — სიკეთე უქნა განა? — ლაზარეს ორჯერ სიკვდილი დასჭირდა, — რომ არ გაეცოცხლებინა, მხოლოდ ერთხელ მოკვდებოდა. ტყუილი არასოდეს არ თქვაო, ჩვენ ვეუბნებით ბავშვებს, მაგრამ ჩვენ თვითონ ვამბობთ ტყუილს, როდესაც ბავშვი ავად გახდება — დალიე, წამალი ტებილია შექარივითო; ჯარის უფროსი ჯარისკაცს ტყუილისათვის სასტიკად სჯის, მაგრამ ბრძოლის ველზე თვითონ ამბობს ტყუილს, რომ გაამხნევოს იგი: მდგომარეობისა და გაჭირვების გარეშე ყველაფერი სოფიზმი და ლეგენდაა, სამყაროს მარადიულ ფერისცვალებაში მარადიულად ცვალებადი ღმერთებია საქიროება და ინტერესი.

არსებობისა და სამყაროს პატარა კუთხე, რომელსაც იცნობს ჩვენი სული, რომელიც გვაოცებს გეოლოგიურ-ბიოლოგიური ფენებით და სოციალურ-ისტორიული პერიპეტეებით, შემოზღუდულია უსაზღვროების გარსით და რასაც ჩვენ ჩვენს კუთხურ-პლანეტარულ მყარობაში ვქმნით დიდი ექსტაზით და პათოსით, დაუსრულებლობის ირგვლივო-

ბაში მხოლოდ ლანდური ჩვენებაა, მხოლოდ თქმაა: მარადისობის ცხელ სახაშ... ძირებიან ჭაშები და სახეები, ფორმები და რეალუბა... პრ.სიკვება და ღმერთები, ისტორიული ეპოქები თავიანთი სტილითა და კოსტუმებით იშლებიან და იცეცებიან როგორც ფერადი მარაოები; ბოლოგური ბრგვინაობის ორთქლით ინისლება სამყაროს ინტელექტუალური პაერთი და ყალბი პათოსი სქოლასტიკური რეგალიებისა ადამიანის სულში ადგილს უთმობს კოსმოსურ გრძნობათა ატალლებას; მორალი იზრჩობა ფიზიოლოგიურ წვაში; ისტორიულ კუთხურობათა მეშინაზში იცრეება და იძენძება... პრინციპს კლავს უსაზღვროების შეგრძნობა და სულს ლტოლვას ანელებს შიში წარმავლობსა. ისტორიოსოფია უარყოფს ისტორიას და სილოგიზმა ისე გამოიყურება ლოგოსის სახელმძღვანელოებდან, როგორც სველი ქაიაში შემოდგომის ავდარში.

სამყარო როგორც სხული და ენბელქია

ქვეყანა, რომელსაც ჩვენ ვიცნობთ, ჩვენი გრძნობათა ორგანოებისა და ჩვენი შემეცნებითი ბუნების გარეშე ჩვენთვის წარმოუდგენელია: მართალია, რ ა ღ ა ც ა არის ჩვენ გარეშე, მაგრამ თვით ეს აზრი ჩვენი, რომელიც ამბობს, რომ რ ა ღ ა ც ა ჩვენ გარეშე იმყოფება და ჩვენზე მოქმედებს, არის ნაყოფი ჩვენი გრძნობათა ორგანოებისა და სულიერობის შემოქმედებისა, ორგანული ლაბორატორიის მუშაობისა; თუმცა, ამავე დროს, მთელი ჩვენი არსება თავისთავად შემოქმედებაა ჩვენი ორგანოებისა და სულიერობისაგან ერთგვარად დამოუკიდებელი მდგომარეობისა, რომელსაც აწყობს ყოველ წუთს სამყაროს ყოველ კუთხეში კოსმოსურ ფერისცვალებათა არანეემანი. სამყარო per se უცნობია ჩვენთვის, მაგრამ როდესაც ჩვენ ამას ვამბობთ, ჩვენი აზრი, გამოთქმული ამ სიტყვებში, ვერ შორდება ჩვენს ეპიფენომენურ რეალობას, ვინაიდან ჩვენი გრძნობათა ორგანოები და ჩვენი გააზრებანი უცნობზე იმდენად შეძლებენ მსჯელობას, რამდენადაც ჩვენი სუსტი ცნობიერების სამყარო, განსაზღვრული ბ ი ო ლ ო გ ი უ რ - ფ ი ზ ი ო ლ ო გ ი უ რ ი პ ი რ ო ბ ე ბ ი თ, ნაცნობიდან გადადის უცნობზე მხოლოდ სახეობით გააზრებაში, მხოლოდ იმ ეპითეტებით და ატრიბუტებით, რომელნიც მიეწერებიან ცნობილ მდგომარეობას ტანჯვით, წვალებით სოციალურ საქიროებაში და რომლებითაც ჩვენი სული და

ინტელექტი იძულებულია დაახასიათოს უცნობი მდგომარეობა. კანტმა, როდესაც იგრძნო ეს, მთელი შემეცნების პრობლემა გადაიტანა პრაქტიკული ცხოვრებისა და რწმენის სფეროში: სხვა გამოსავალი კანტს არ ჰქონდა, აქ ის უნდა დაყრდნობოდა რწმენას. ვინაიდან თეორიული, განყენებული პროცესი ლოგიკურ-ალეთოლოგიური ხასიათისა აქ ყოველთვის სქოლასტიკით და ვერბალიზმით თავდება.

კანტის ფილოსოფია საუკეთესო მაგალითია იმისა, რომ გნოსეოლოგიზმი ფილოსოფიაში არის მთავარი მხარე: შემეცნების ანალიზში გულწრფელი მოაზროვნე უსათუოდ წააწყდება საკითხს — საიდან? ფაქტი ჩვენი ინტელექტური ცხოვრებისა დაკავშირებულია ჩვენს გრძნობათა ორგანოებთან, მათ სპეციფიკურ თვისებებთან და მუშაობასთან; ჩვენი მსჯელობა დაშენებულია იმაზე, თუ რას ამბობს ჩვენი თვალები, ყურები, ჩვენი სხეულის მთელი კანი და ლორწოვანი გარსები გემოვნების და ყნოსვის ორგანოებისა; ცხადია, ჩვენ რომ არცერთი გრძნობის ორგანო არ გვექნდეს, გააზრების საშუალებაც არ გვექნება, მაგრამ, მას შემდეგ, რაც კაცობრიობამ გამოიგონა გამადიდებელი შუშა (მიკროსკოპი), ნათლად დამტკიცდა, რომ ჩვენი თვალები რასაც ხედავს, ისეთი სრულებით არაა სამყარო; ჩვენი თვალები ვერ იღებს სინამდვილეს იმ ოდენობით, რა ოდენობითაც მიკროსკოპიდან ხედავს ჰას; ვინ იტყვის, როდის ვაღებთ ჩვენ სამყაროს სწორ სახეს — მიკროსკოპიდან, თუ მარტო ჩვენი თვალებით? ყოველ შემთხვევაში სათვალეებაც იმას ამბობს, რომ ჩვენი თვალი, როგორც მიძღები ორგანო, ძალიან მგრძნობიარეა, მაგრამ, ამავე დროს, ძალიან სუსტი და განსაზღვრული თავისი ფიზიოლოგიურ-ანატომიური და მორფოლოგიური ბუნებით. ერთხელ და სამუდამოდ უნდა დარწმუნდნენ გნოსეოლოგისტები, რომ აზროვნების პროცესის განხილვა გენეტიზმის გარეშე შეუძლებელია და უნაყოფო. აზროვნება ეპიფენომენია სულაერობის და სული თავისთავად დინამიკური აორთქლებთა მატერიული განწვალებისა, აზროვნება, ამრიგად, ერთგვარი ექუხედვაა მესამე საფეხურიდან — თვითქვერეტა თავისი პირვანდელი ბუნებისა. მატერიული სამყაროისა; სული და ინტელექტი ისეთივე თვისებებია მატერიისა, როგორც სითბო, სინათლე. ელექტროობა და რადიაცია.

ინტელექტის ინტუიციური ხილვა დროგამოშვებით ისე ანათებს სამყაროს. მის საგნებს. არსებასა და მოვლენებს. როგორც ელვა ღამის

წყველიადში; ერთი ან ნახევარი წამით ჩვენ ვხედავთ სამყაროს და მოვლენათა ქაოსურ როას: შემდეგ ისევ ბნელი ქაოსი აღებს თავის ხახას: ჩვენი ინტელექტი უინტელიგოდ იღებს სამყაროს მხოლოდ სტატეკურ, უსრავ ფორმებს და ინტელექტუალური შემეცნება ერთგვარად ყალბია: ინტელექტი მხოლოდ ინტელიგურ ვააღებამი ჰერეტს ნივთებს სკუპირს ადამიანთან; ინტელიგური გააღება იგივე პოეტური და სიმბოლური ხილვაა ჩვენი სულისა, რომელსაც სამყარო ეჩვენება როგორც მთლიანი სხეული. რომელიც ოდენობით გაცილებით უფრო დიდია, ვიდრე ჩვენ ვართ, მაგრამ ეს მხოლოდ ჩვენს თვალებში; ჩვენი გრძნობათა ორგანოების მიმღობასა და შეცნობაში ჩვენც ერთგვარ პატარა სამყაროს წარმოვადგენთ: ჩვენში ჩვენი სხეულის ნერვულ-უჯრედულ ხვეულებში, ჩვენი სხეულის ლორწოიან გარსებში უთვალავი არსებები და ბაქტერიები ისე თავისუფლად დანავარდობენ როგორც სამყაროშია ჩვენ; დროგამოშვებით ბაქტერიები და ჰიები ჩვენს სხეულში ისეთსავე აჯანყებებს ახდენენ, როგორც ჩვენ ვახდენთ ისტორიაში; სამყაროს უსახლვროებაში მთელი ჩვენი სურვლებით, იდეალებით, გრძნობებით, ილუზიებით ბოლოს და ბოლოს ჩვენ იგივე ვართ, რაც ჰიები და მიკრო ორგანიზმები ჩვენს ნაწლავებში; სამყარო სხეულია. ერთი დიდი სხეული თავისი ნერვული სისტემით, ბიოლოგიურ-ფიზიოლოგიური მყარობით, მორფოლოგიით და ინსტინქტებით, სამყარო, როგორც სხეული, ისე განიცდის თავის ორგანულ-გეოლოგიურ და ბიოლოგიურ ცვლილებებს. როგორც ცალკეული ადამიანი განიცდის თავისი ტანის ცვლილებებსა და ტკივლებს; შეიძლება სამყაროში მეტეოროლოგიური მოვლენები, მაგალითად გვალვა, ისეთი რაჟე იყოს, რაც წააგავს ჩვენი კუჭის დისპეზიას; განა მდინარეები თავიანთი წყალთა მასების ტალღებით ბუნებაში იგივე არ არიან, რაც სისხლის მიღები ჩვენს ორგანიზმში? განა გაჰირებებს დროს ჩვენი ტანი ისე არ იკრუნჩხება კონვულსიებში, როგორც ჩვენი პლანეტა გეოლოგიური ფენებს რყევისა და ძვრის დროს? განა სამყაროს დროგამოშვებით ისე არ მოველინება კოსმოსური არათმია და განგავი, როგორც ადამიანებს ისტორიაში? განა პლანეტები ერთმანეთთან საყვარულით არ არიან შეკავშირებულნი — ვინ არის, რომ სივრცეში აჩერებს ამ პლანეტებს? რატომ არის, რომ პლანეტები უფსკრულში არ ცვოდებიან? ჩვენ ვფიქრობთ. რომ პლანეტები ისე განიცდიან სექსუალურ ატრაქციებს. როგორც ადამიანები და ცხოველები: პლანეტების რიტმულ რხევაში უსახლვროების არესე ჩანს კოსმოსური ეროსის თამაში — პლანეტები ეარშიყებიან

ერთმანეთს და უსაზღვროებაში გადაწოლილნი, ერთმანეთს კოცნიან შორეული ნდომით; პლანეტები ისე არიან დედლები და მამლები, როგორც დედამიწაზე ფრინველები და ცხოველები. პლანეტების უზარმაზარ სამოყებში დაბადებისა და სიკვდილის დაუსრულებელი ქარიშხალია და ამ ქარიშხალში ტრაკლებს ჩვენს პლანეტაზე თაობები და არსები თავიანთი ბიოლოგიურ-ფიზიოლოგიური ინტერესებით. სოციალ-ისტორიული პერპეტუებით, მორალურ-ესთეტიკური ჩვეულებებით და კულტურულ-ცივილიზაციური ილუზიებით.

ამ თვალთახედვით მეტად საცოდავია ჩვენი ყოფა წუთისოფლურია — თუ მართლა ჩვენ ქვეყნად გვიკავია ისეთივე ადგილი, როგორც ჭიებსა და მიკრობებს ჩვენს ტანში, მაშინ ჩვენი მორალი, ჩვენი მეცნიერება, ჩვენი ფილოსოფია და ხელოვნება მხოლოდ კომბინაციები და მოხერხებაა, ნაკარნახევი მდგომარეობით და გაქირვებით. ჩალის ფასად არ ღირს მაშინ ჩვენი წუთისოფლური ყოფა მთელი ჩვენი ოქანტურ-ნათესაური ფარისევლობით და ობლივანსებით, მთელი გერმანული გნოსეოლოგიით და არისტოტელეს სილოგიზმებით.

წუთისოფელი მხოლოდ ქიმიზმი და ყნოსვაა ტანებისა... სული წვალეების აორთქლებაა, იდეა — წვის ასხივოსნება. მთელ სამყაროში, რომელიც წარმოადგენს ერთ ორგანიზმს, ერთ სხეულს, მეთოდურად დაშლისა და წვის ქიმიური პროცესი ყოველგან ერთნაირად ტარდება, მხოლოდ ფორმებში გამოისახება სხვაობა, რომელიც ახასიათებს ბუნების მოვლენებს ბედს ამ ქვეყნად: ტყეში ხე ორგანულად ისე ფულურავდება, როგორც ჩვენი სხეული მოსუცებულობისა და სისუსტის დროს, მხოლოდ ფორმა ორგანულად დაშლილი ხისა და ჩვენი ტანისა სხვადასხვა სახისაა; წყალთა მასები მდინარეებსა და ოკეანეებში ისე მოძრაობენ, როგორც სისხლის ბურთულები. ჩვენი ტანის სისხლის მილებში, მხოლოდ პროცესი მოძრაობისა ოკეანეებში სხვა ფორმისაა, ჩვენს ტანში კი — სულ სხვა; ვაჟა-ფშაველას თქმით. მთები ისევე იბურებიან ფიქრთა ნისლებით, როგორც ჩვენი თავის ქალა; მთის წყაროს ისეთივე წუხილი და სევდა აქვს ინდივიდუალობის დაკარგვას. როდესაც ის უერთდება დიდ მდინარეს, როგორც ჩვენ, როდესაც ჩვენი წუთისოფლური ყოფის ბოლოს ჩვენი ტანი უერთდება ბუნებას, როდესაც ჩვენი „მე“, აკინძული ბიოგენეტიკური წვალეებით. იშლება სამარადევამოდ და მთელ ჩვენს ფორმულებსა და ნორმებში ჩაწყობილი ყოფ-დან, მთელი ჩვენი კულტურულ-ცივილიზაცი-

ური პრეტენზიებიდან რჩება მხოლოდ ერთი მუქა მტვერი, რომელიც გაიფანტება მეტეოროლოგიურ ცვლილებებში და რომელიც გახდება გეოლოგიური ფენების მასალა. უსაზღვროებას დაღებული აქვს უძირო ხახა და არსები რიგრიგობით იძირებიან ამ ხახაში: ვერც დამსახურებული პროფესორებს ფორმულები, ვერც აჩქარებული დოცენტებს ტრაბახ- და პრეტენზიები, ვერც გულაჩუყებულ მეოცნებეთა ლამენტაციები ვერ გარდაქმნიან მყარი -- არსებობის ბიოდინამიკური დენის მეთოდს: არსებობის წყობაში ადამიანს შეუძლია შეიტანოს განრიგების სისტემა, მაგრამ ეს სისტემა დონკინოტური დარჩება, თუ შეუფარდებელი იქნება მდგომარეობასთან, პირობებთან — ყოფის საჭიროებასთან: ყველაფერი, რასაც ხალხები ისტორიაში აკეთებენ, ყველაფერი, რასაც ჩვენ ვხედავთ კულტურის ევოლუციაში, ყოველთვის არსებობის საჭიროებით იყო გამოწვეული და არსად ჩვენს პლანეტაზე ცივილიზაციის არც ერთ ფორმაში არ არის მოცემული ისეთი სახე. ისეთი თვისება, რომელიც არ იყოს ნაკარნახევი ორგანული ყოფის სოციალური საჭიროებით; არ ისტოტელეს სილოგიზმების კონსტრუქცია, სამუალო საუქუნეების universal-ები, სპინოზას ატრიბუტები, კანტის იმპერატივები, ნეოკანტიანელების გნოსეოლოგიაში, ჩვენი დროის ბიოლოგიაში და სოციოლოგიაში სოციალურ-პლანეტურ წვალებათა რეფლექსებია: იდეოლოგიას რომ დავაკვირდებოთ კარგად, რომ ჩავიხედავთ იდეოლოგიის გენეტიკური წარმოშობის შინაგან ხეულებში; აღმოვაჩინთ ყოველთვის იდეებს და ილუზიების ჭამოყენებით. საჭიროებით ხასიათს.

ისტორიაში არ ყოფილა არც ერთი იდეა, რომელსაც არ ჰქონოდაც ოდესმე სოციალური საჭიროების მნიშვნელობა; როდესაც ვინმე ამტკიცებს იდეის დამოუკიდებლობას, „სიწმინდეს“ (ბერგსონის pure perception კანტის reine Vernunft), ამტკიცებს ამავე დროს ორგანოტროპიზმის შინაგან სეპარტლეს — სახელდობრ იმას, რომ მისი საკუთარი ყოფა ხელოვნურად მოწყვეტალია ცხოვრების შემოქმედებით, წარმოებით პრაქტიკას; ყოფას, ვინაიდან უმეშვეო, ორგანული დამოკიდებულება არა აქვს არსებობის წარმოებით მიმდინარეობასთან. სული თავის იდეოლოგიურ წარმოსახვებში გაუბრუნს სინამდვილეს რეფლექსურად და იწყება დაუსრულებელი იდეალისტური ბავარდავი „აბსოლუტურ ჰეგემარიტებაზე“, „წმინდა ხელოვნებაზე“, იდეის ალეთოლოგიურ-ბიოლოგიურ პრიმატებზე; სწორედ აქ ისახება ორგანოტროპული ხასიათი იდეასა და მდგომარე-

ობას შორის: სული თავისი შინაგანი დუღილის ასხევისნებით—იდეთ ერთვის ტანის სოციალურ-პლანეტურ წვალეზაში შექმნილ რეფლექსებს; იდეა ბოლოს და ბოლოს მატერიის სოციალურ-პლანეტური წვალეზის რეფლექსებია; რეფლექსები აორთქილი გენეტაკურად და პრაქტიკული ცხოვრების საჭიროებისათვის ჩვეულებებში სახეებად და ფორმულებად ქცეული.

სამყარო, რომელშიც მიმდინარეობს ყოფა მინერალური, მცენარეული და ცხოველური, არის მატერიული განწვალეზის დაუსრულებლობა და ყოველი მოვლენა წუთისოფლად წარმოადგენს ერთგვარ სახეცვლილებით იგივეობას ამ დაუსრულებელი განწვალეზისას. შეუჩერებელი და უთავბოლო რყევა საგანთა, რომელიც განუწყვეტლივ ხდება ჩვენ თვალწინ, მუდმივი წარმოშობა ორგანულისა და არაორგანული ფორმებისა, ხალვათობა ფერადებისა და ბუნების ძალთა ღელვისა არის მხოლოდ ირგვლეცობითი მოძრაობა იმ ელემენტებისა, რომელთა რიცხვი და ხარისხი რჩება ყოველთვის ერთი და იგივე და რომელთა შეუწყვეტელი შემოქმედებითი გადაჯგუფება ქმნის მარადიული სხვადასხვაობის უსაზღვრო ფერადობას. წუთისოფელი მხოლოდ „ელემენტების“ ხეტიალია და ეგვიპტელთა რელიგია ბიოლოგიის ერთგვარ შესწავლას წარმოადგენს: ემბრიოლოგიური გამოკვლევანი გვიჩვენებს (ბერის კანონი), რომ ყოველი უმაღლესი ტიპის ცხოველის ჩანასახი განიცდის სახეცვლილებათა მთელ რიგს. სანამდე მიიღებდეს საკუთარ გვარულ ფორმას, აწნაირად, ენტელექტის კიბე, რომლითაც პირველყოფილი მდგომარეობიდან ამოდის ცხოველთა სამეფო, არის ასლი იმ მდგომარეობისა, რომელსაც განიცდის ორგანიზმში ემბრიონი თავისი სახის დასრულებამდე. ადამიანის ჩანასახი თანდათანობით, ზრდის დროს. იღებს სახეებს: თევზასას, ფრინველისას, მაიმუნისას და მხოლოდ ბოლოს ადამიანისას. ეგვიპტელი ბრძენი საუკუნეთა უფესკრულში ინსტანქტურად გრძნობდა მცენარეულ და პრუტყვეულ ყოვლობასთან ნათესაობას და თავის წარმოდგენაში ურიგდებოდა იმ ბედს, რომელიც მის სულიერ ყოფას მოელოდა. წინათაც ჰქონდა ადამიანს ერთგვარი წარმოდგენა იმაზე, რომ არსებობის დაუსრულებელ ჯაქვში მისი ცხოვრება წარმოადგენდა მხოლოდ ერთ რგოლს, ერთ მარცვალს და მთელი სიცოცხლე იყო მხოლოდ ელემენტების ტრიალი უთავბოლო და შეუჩერებელი. რაც ყოფილა, იქნებაო, — ამბობდა ისრაელელი ბრძენი, დამწვარი განცდით და ნერვული ღელეთ. მართლაც ყველაფერი ყველაფერში შედის და ყველაფ-

რიდან ყველაფერი ჩნდება და მეორდება — პურში, რომელსაც ჩვენ ვკვამთ, პაერში, რომლითაც ჩვენ ვსუნთქავთ, წყალში, რომელსაც ჩვენ ვსვამთ, ჩვენ ვიზიდავთ, ვიღებთ ნივთიერებათა ქიმიურ შემადგენლობას, რომელიც საუკუნეთა საღრმეში შედიოდა ჩვენი წინაპრების სისხლსა და ხორცში. იქთიოზავრებისა და პირველყოფილი „პითეკანთროპუსების“ მარჩლებით საზრდობენ მცენარეები. სურნელოვანი ყვავილი, რომელიც საამოდ აღიზიანებს ჩვენს ყნოსვით ნერვებს, სტიქიური დაგროვება მარადიული მუხეადობას კეთილშობილი ელემენტებისა და რაც დღეს ნაგავში ყარს, ის ხვალ თეთრ ზამბახად გაიშლება. არაფერი იმიდან, რასაც ჩვენ წუთისოფლად ვხედავთ, არ იკარგება: უძირო სივრცე, პლანეტური წვით გადაორთქლილი, ზღვა და მდინარეები, ცხოველთა და მცენარეთა დაუმრეტელა გზება — ყველაფერი საერთო წყაროდან ჩნდება და ეს წყარო ყოვლობის, მარადიულად მდინარე, როგორც დიდი ოკეანე. არასოდეს არც იკლებს და არც მატულობს.

მცენარე, რომელიც დღეს თავმომწონედ გაშლილა და იზიდავს ხარბად მზის სხივებიდან სითბოსა და სინათლეს, ხვალ ბუხრიდან ამ სითბოს და სინათლეს ბნელ ოთახს გადასცემს და აჩქარებს მოძრაობას პოეტის ან ვაკრის სისხლისას. შეყვარებულნი, რომელნიც ერთმანეთს ვნებიან სუნთქვაში ჰკოცნიან და სიყვარულს ეფიცებიან, ასრულებენ მხოლოდ ბიოგენეტიკურ მოვალეობას: — ენერგია ყოვლობისა უნდა გადასცენ ახალ ორგანიზმს, რომლის ჩასახვის დროს ისინა გრძნობენ კავშირს მარადისობასთან და თავიანთ სურვილთა აორთქლებაში უერთდებიან უნივერსალობას, თითქოს უბრუნებენ მცენარეებს, მინერალებსა და პირუტყვებს ბიოლოგიურად მიღებულ ელემენტებს; ორთქლმავლიდან წვის ენერგია შედის ვაგონების მოძრაობაში; თოფის წამლის ქიმიური დაშლა იძლევა სინათლესა და მექანიკურ ძალას; ვოლტის სვეტში თუთია და ყანგბადი ელექტრულ ჩქერში გადადის. ფიზიოლოგიური გაღიზიანება იძლევა შეგრძნებას, შეგრძნება გადადის შთაბეჭდილებაში, შთაბეჭდილება ქმნის შეცნაურებას. ბიოლოგიური ზღვა დღეს: ტალღა ტალღას მისდევს და მოძრაობა იძლევა საჩიერებას საგნებისა და მოვლენებისას. სახეცვლილებით იგივეობაში

† ყოვლობის ენერგია ღებულობს სტატიკურ-მატერიულ სახეს და აჩქარობს ატომი თავისი გრძნეული სხეულისა ბუნებას არ ეკარგება: გოთებისა და ვანდალების ძვლებით დანოყიერებული მინდვრებიდან აკვებება დღევანდელი ევროპა და პარიზელი ინტელიგენტის სისხლის

ბურთულეებში მოძრაობენ ბუნების წიაღში სახეცვლილი ატომები ატილასი, კარლოსები და მათი ცხენებისა. ბუნების თამაში დაუსრულებელია და ყოველი ახალი წუთისოფლად არის მხოლოდ სახეცვლილი ელემენტებიდან შემდგარი მარადიული იკუეობა.

მუნადი და განწვალეადი მატერია მოგზაურობს; საგნები მხოლოდ დასვენებითი წერტილებია ამ უსაზღვრო მოგზაურობის: ზღვის ტალღებს აქაფება, პლანეტების სივრცის უფსკრულში ტრიალი. პირუტყვი და მცენარეთა ზმორება, ატომთა შორის მიმზიდველობა, სქესების შემოქმედებითი დამძიმება და ერთმანეთისადმი ვნებიანი ღრთოვა, მინერალების ბუყბუყი, სითბო, ელექტრობა, რადიაცია და მანუსტიზმი — ყველაფერი გეომტკიცებს იმას, რომ მატერიას აქვს შემოქმედებითი ენერგია, აქვს ძალა, აქვს სული. მთელი ჩვენი შემეცნება არის მხოლოდ ცენტრალიზაცია ნერვული სისტემის განცდითი სულაერობის. ჩვენი სხეულის ყოველ ნაწილს აქვს საკუთარი შემეცნება, საკუთარი ინტელექტი და სულიერობა, რომელიც შედის ინდივიდუალურ მსოფლმხედველობაში, როგორც მდინარე ოკეანეში და როქელიც საჭიროების დროს მოქმედებს ავტომატურად: საკმარისია ჩვენ ერთი გვეტყინოს და რამდენიმე დღე თითი თავისთავად, უჩვენოდ ერიდება ყველაფრის მიკარებას; შეიძლება ეს ვინმემ მიაწეროს შეჩვევას. მაგრამ რა არის ჩვეულება, თუ არა განცდითი სახე შემეცნებისა და სულაერებისა? არის მხედარი, რომელსაც ცხენზე შეუძლია არა მარტო მარჯვედ ჯდომა, არამედ თავისუფლად ძილი და დასვენება იმიტომ, რომ მასში დაგროვილა მესხიერება დიდა ხნის ორგანული განცდისა და ჩვეულებისა და ეს მესხიერება მოქმედებს როგორც ინტელექტუალური სახის ბიოლოგიური ენერგია. ბავშვი რომ პირველად ანბანის წერას იწყებს, მთელი ტანით მუშაობს: კალმისტარი რომ თითებით უკავია და საწერად ემზადება მაგიდაზე თავდახრილი, მაშინ მისი ტანის ყველა კუნთიც ლებულობს მონაწილეობას წერის პროცესში და ხარკავს ენერგიას, ზოგიერთ ბავშვს პირიდან ენაც აქვს გამოწეული, როგორც ნიშანი ორგანული აღლეებისა და ნერვების დაქიმვისა.

მაგრამ ორგანიზმი ინახავს ჩვეულების ენერგიას და რამდენიმე წლის შემდეგ ბავშვს წერის დროს არ ესაჭიროება არც ნერვების დაქიმვა; არც ენის გამოგრძელება, არც ორგანული აღლეება. ინტელექტი არის მოხერხება, ეშმაკეულობა — die Liste der Vernunft, რომელიც იქმნება სტიქიურად მატერიის მუხვადობის პროცესში, როგორც ბიოლოგიური ფაქტი.

სტატიკური და დინამიკური მხარეები შემეცნებისა და სულიერობისა, რომელიც შეადგენს ბერგსონის ფილოსოფიის საგანს, არის იგივე კანტის დუალიზმი — ძველი ფენომენისა და ნოუმენის ფილოსოფია, რომელიც არას მხოლოდ ლოგიკური განზოგადებისა და სუბიექტივობის სფეროში. ინტუიცია არის განცდას ეპიფენომენი და სული — სულიერ მოვლენათა ცხადყოფა: წუთისოფლის მოვლენებსა და საგნებს ჩვენი ორგანულ-ნერვული ჩვეულება აძლევს ღირებულებას და სახიერებას. არარა არის ჩვენს შემეცნებაში ისეთი, რასაც ჰქონდეს უნივერსალური, კოსმოსური ხასიათი: ალბებს იქით რაც ჰქმშირიტებაა, ის ალბებს აქეთ სიცრუეა, ამბობდა პასკალი.

წიწილა, კვერცხიდან ახლა გამოჩეკილა, გამწარებით ეძვბს საკენკს ისე, როგორც დედამისი: მთელი ორგანული მეხსიერება მემკვიდრეობით გადმოსულა და ცხადყოფდება როგორც ბიოლოგიური ფაქტი, რომელიც ამოძრავებს და ამოქმედებს სხეულს, მატერიას. ყოველი სხეული, რაგინდ მარტივი იყოს ორგანულად, არის უნივერსალური ენტელექტის შესვენების წერტილი: პლანეტების სასტემისა და მოძრაობიდან დაწყებული, გათავებული ცხოველებით და ადამიანებით, ყველაფერი დაუსრულებელი და შეუჩერებელი შემოქმედებითი მდინარების სტატიკური სახეებია. ყოველი საგანი თავისი მოძრაობით შეკავშირებულია ყოვლობასთან; ყოველი მოვლენა თავის მსვლელობაში შებოჭილია საერთო ბიოლოგიური თხევის ძლიერებით, რომელიც მუდამ ქსოვს და შლის როგორც პენელოპეს დაზგა ოდისევსის მოლოდინში... უბრალო ხელს აწევა: ფეხის გადადგმა ჩვენი, ჩვეულებრივი სიანჩხლე და ნერვიულობა ადამიანისა, ფიზიკური და ფსიქიკური თავისებურებანი ცხოველებისა — ყველაფერი წინასწარ განსაზღვრულია წარსულის ორგანული ევოლუციის შესაძლებლობით. ბუნებაში გვარებისა და ჯიშების არსებობა ბიოგენეტიკური დეტერმინიზაციის ცხადყოფაა: ქათმის კვერცხიდან მხოლოდ ქათამი იზადება, ქერის თესლი ისევ ქერს იძლევა. რა სახისაც უნდა იყოს მდგომარეობა, გვარული ენერგია, მაინც თავს იჩენს: არსებობს ორგანული მეხსიერება, როგორც ბიოლოგიური ფაქტი და მხოლოდ ეს აძლევს ღირებულებას, ლოგიკას და აზრს ჩვენს ცხოვრებას. გვარული და ინდივიდუალური ბრგვინაობა არის ბიოლოგიურად დაგროვილი პოტენციის ერთეული სახიერება და სოციალური ფაქტორები ვერ იმოქმედებენ ამ პოტენციის გარეშე ისე, როგორც ექიმი ვერ მოარჩენს ავადმყოფს, რომელსაც აღარა აქვს სიცოცხლის ძალა.

არსები ერთმანეთს ეჯახებოდნ და ამ დაუსრულებელ დაჯახებათა ხმა ის, რაც ისმის ქვეყნად, რასაც ჩვენ ცხოვრებასა და წუთისოფელს ვეძახით; უსაზღვროების ყოველ კუთხეში ყოფას აქვს თავისი კუთხურ-რეფლექტორული ბრგვინაობა, თავისი შინაგანი დრესა, ღელვა და წვა. მატერია ყოვლობის ენტელექციის სტატიკური ფორმაა და, როგორც ასეთი, გარეგნულად იგივეა, რაც იყო, მაგრამ შინაგან არსობაში ყოველთვის ფერისცვალებაშია: მატერია არსებობის ყოველ წუთს იგივეა სტატიკურად, მხოლოდ დინამიკურად არ არის იგივე; ამიტომ ითქმის: მატერია არის და ამავე დროს არ არის — არის სტატიკურად, არ არის დინამიკურად.

ყოვლობის რთობაში, მოძრაობათა და ღელვათა თქრიალში მატერია განიცდის თავისი არსობის შინაგან წინააღმდეგობას, წვალებას; ამ წვალებაში მატერიის ყოველი ნაწილი თავისებურ რეზონანსს იძლევა; ყოველი ატომურ-იონური წყობა მატერიისა თავისებურად ხმაურობს მდგომარეობისა და პირობების მიხედვით; არსი გენეტიკურად მიღებულ ბიოლოგიურ პოტენციაში — ორგანულ მეხსიერებაში თავისებურ შინაგან ბრგვინაობას იძლევა; მატერია განცდაშია, არსი წვალებაშია; სამყარო იწვის და სამარადეამოდ დანთებულ ცეცხლში მწველ განცდათა კონველსიებით იკრუნჩხებიან ტანები და სხეულები; ბიოლოგიურ მოთხოვნილებათა და სოციალურ საჭიროებათა ინტერესებში ყოველი არსი ერკვევა თანდათანობით და ამ თანდათანობაში სახიერდებიან კულტურა და ცივილიზაცია, მეტყველება და მეცნიერება, ფილოსოფია და ხელოვნება.

კულტურულ-ცივილიზაციური განგაში — წუთისოფლური ხმაურობა კოსმოსურად მატერიულ-იონურ რყევათა შემოქმედებითი სიგნალიზაციაა: ქარის ღმუილი, წყალთა მასების ჩქეფანი, მცენარეთა შრიალი, პირუტყვთა ბლავილი, კაცთა ღრეობა მატერიულ-ორგანულ ღელვათა სიგნალებია უსაზღვროების ყრუ სიჩუმეში.

რასაც ჩვენ „რაკუნს“ ვეძახით, ის თავისებური გაბგერება და თქმაა: „არს ენა რამ საიდუმლო უსაკოთა და უსულოთ შორის“; ცეცხლის ალი, რომელსაც აჩენს კაჟისა და ფოლადის ერთმანეთთან დაჯახება, ისეთივე ცხადყოფაა მათი იონურ-ატომურ შედგენილობათა ღელვისა, როგორც ჩვენი წამოყვირება და დორბლიანი გაბრაზება ცხადყოფაა ჩვენი ორგანულ განცდათა და ლტოლვათა. ენა და მეტყვე-

ლება საერთოდ, რომელნიც გააჩნია წუთისოფლად ადამიანებს, შედეგა ბიოლოგიურ-ისტორიულ წვალებათა, კუთხურ-ტერიტორიულ საჭიროებათა და ჩვეულებათა: ყოველი ადამიანი წუთისოფლად, ისე როგორც ყოველი არსი, თავისი არსებობის თავისებურ სიგნალს იძლევა და ეს თავისებურება შემოქმედებითი სიგნალიზაციისა ისაზღვრება სამყაროს ყოველ კუთხეში ბიოლოგიური და სოციალურ-ისტორიული დეტერმინაციით.

არსებობის ყოველი მომენტის შემოქმედებითი გაშლა დამოკიდებულია წინამყარობის შინაგანი წვისა და შემოქმედებითი ღელვისაგან; მატერია იმთავითვე ჩათრეულია ენტელექტურ პალპიტაციაში და ყოველგვარი საჭიროება, იქნება ის ბიოლოგიური თუ სოციალური, მატერიალ აძლევს მოძრაობის მიმართებას; მოძრაობის მიმართებით ბიოლოგიურსა და სოციალური ინტერესების განხორციელებაში არსი აწყობს სამოქმედო არეს. სულიერი და ინტელექტუალური მოძრაობის ყოველი პროდუქტი იარაღია ცხოვრების ტექნიკის ორგანულ-ბიოლოგიური მოხერხებისა და გამჭირახობისა; შემოქმედება — რელიგიური, ფილოსოფიური, მეცნიერული, ესთეტიკური — ცდილობს მატერიული ნიშნებით — სახეებით, რეგალიებით, ლაბორატორიებით, შუშებით, კოლბებით, კატეგორიებით, პრინციპებით განამტკიცოს წუთისოფლად სულის შინაგანი ხილვის სიმბოლიკა; შემოქმედებითი ენერჯის გაშლა სიგნალების გაცემაა სამყაროში: მუსიკით, მეტყველებით, მხატვრობით ჩვენ ვაძლევთ ერთმანეთს ჩვენი სურვილებისა და ინტერესების გამომსახველ სიგნალებს, ერთგვარ ნიშნებს; ამ ნიშნებით, ამ სიგნალებით ჩვენ ერთმანეთს ველაპარაკებით, ჩვენს იდეებსა და ზრახვებს გამოვსახავთ, ჩვენს ნდომათა და სურვილებს სხვასთან ვაერთებთ; ჩვენი ბგერები და მათი მატერიული ფორმები — ანბანები სქელტანიან წიგნებში ისეთსავე სიგნალებს იძლევიან, როგორც რკინიგზაზე საყვირი ან ზღვის ჩირალი ქარიშხლიანი ღამის წყვილიაღში; ისტორიული ეპოქები, სხვადასხვა ხალხთა ცივილიზაციური სახეები; სოციალურ-ეკონომიკური სტრუქტურები თავიანთი ფერადი კოსტიუმებით, ხეული პერიპეტეობით და რეგალიებით სახეობითი ფორმები და სიგნალებია, განსახიერებელი, გამოწვეული ბიოლოგიური და სოციალური ინტერესებით. შემოქმედების მოთხოვნილება ისე ბუნებრივი და ორგანული ხასიათისაა, როგორც ფიზიოლოგიური ნდომა და სექსუალური გატაცება.

შემოქმედების პროცესი გართობა და თამაში კი არაა, არამედ

არსებობასათვის სერის და საჭიროების ტექნიკა; მუსიკალური სიმფონია ან კარკი სურათი ისე ანათებს სულის შინაგან ხილვას, როგორც ელექტრონი ბნელ ოთახს; პოეზიას წუთისოფლად ისეთივე სარგებლობა მოაქვს, როგორც ჭაობის გამრობას; თქმა ისეთივე შვებაა სხეულისათვის, როგორც ფაზიოლოგიური მოთხოვნილების დაკმაყოფილების გრძნობა: კანტისა და ინგლისელი ევოლუციონისტების აზრი ხელოვნებაზე მსოლოდ დილექტანტობია: ხელოვნება და მეცნიერება ბოლოს და ბოლოს ორივე ხელოვნებაა; მეცნიერება და ხელოვნება ორი სხვადასხვა ფორმის სიგნალია ჩვენი სულის ტკივილებისა და ინტელექტუალურ-ესთეტიკურ მოხერხებათა მაჩვენებელი. განცდის რეფლექსურ-ფსიქოლოგიურ შედეგს შეადგენს ყოველგვარა ხმაურობა, მსოლოდ ადამიანში ორგანულ-ბიოლოგიური ხმაურობა თანდათანობით განიწვალება ბგერებად, რომელთა სახეობითი ფორმა გვიჩვენებს თითქმის ყოველთვის რომელიმე მოქმედებას, შრომას, ენერჯის დახარჯვას: გაბგერება და სიტყვის წარმოთქმა — ეს უბრალო და პრიმიტიული ფორმები ჩვენი მეტყველებისა — საჭიროებენ სასუნთქ ორგანოთა მოძრაობასა და შრომას? განა ყოველ გამოთქმაში არ არის განსახიერებელი მოძრაობითი სქემა ჩვენი კუნთებისა? — ყოველი სიტყვის მოცემულობაში არის ერთგვარი შრომა — შრომა ფილტვებისა, სასუნთქი ორგანოების, ნერვული სისტემის; რომ დავაკვირდებით შემოქმედებით განსახეობათა მექანიზმს, საცხებით გარკვევით დავინახავთ ერთ ფრიად საყურადღებო ფსიქოფიზიკურ მოვლენას: ყოველი ემოცია ჩვენი სულისა ფიზიოლოგიურ-მატერიული განსახეობისაკენ მიილტვის: სიხარული თავდება სიცილ-ხარხარით — კუნთების ახითხითებით, მწუხარება — კონვულსიებით და ცრემლებით, გაბრაზება — კუნთების ღრეობით; რაც უფრო ძლიერია ემოცია, როგორც განცდა, მით უფრო დიდია მოთხოვნილება ამ ემოციის სულიერი მატერიალიზაციისა. ჩვენ ხშირად ვშიშობთ, რაიმე ცუდი არ დაემართოს იმ ადამიანს, რომლის დიდი მწუხარება სიჩუმეში ტარდება და ნერვულ-კუნთურ გამოსახვას ვერ პოულობს. ემოცია სუსტდება, როდესაც კუნთები იწყებს მოძრაობას ემოციის გამოსახატავად; არამც თუ ემოცია, ყოველი სულიერი მოვლენა, როდესაც აღწევს ერთგვარ ინტენსივობას, გადადის ჩვენი ტანს მოძრაობით პროცესში; ამაში არის ღირებულება და სიცხოველე სულიერ მოვლენათა: რა იქნებოდა თავისთავად სულიერი მოვლენა, რომ მის კუნთურ-ნერვულ მატერიალიზაციას ვერ ახერხებდეს ჩვენი სხეული? რა არის მთელი ჩვენი მეტყვე-

ღესა გრისნეული ს: ტყეებით და ფერადი სახეებით, თუ არა ვოკალური შედგენილი კუნთურ-ნერვულ მოძრაობათა, რომელთაც აქეთ ადგენს ჩვენს სასუნსო ორგანოებში. — ფილტვებსა და დიაფრაგმებში? არსებობს ერთგვარი კოორდინაცია მეტყველების ფორმათა და ფიზიოლოგიურ-მუსიკალურ მოძრაობათა შორის: შემოქმედების პროცესი ნაწილობრივ უსათუოდ არის პროცესი კუნთების მუშაობისა, უკრედული წვისა, ექსტიკულაციისა; შემოქმედებითი პროცესი იწყება კუნთურ-ნერვული მატერიალიზაციით და თავდება ისევ მატერიალიზაციით — ფერებით, მხატვრული სახეებით, ბგერებით, მელოდიით. სული მხოლოდ მეშვეობას ეწევა მატერიულ ფორმათა შორის: კუნთურ-ნერვულ მოძრაობა აორთქლდება იდეური სხივებით და ეს სხივები ისევ ქსოვენ შემოქმედებით წარმოსახვაში მატერიულ ფორმებსა და სახეებს, ტიპებსა და ნაკვთებს. ჩვენი წამოყვრება ისეთივე კუნთურ-ნერვული მოქმედებაა როგორც ჩვენი ხელების ქნევა და საერთოდ ექსტიკულაცია: რამდენადაც ადამიანი სულიერად მოძრაობს, რამდენადაც იგი აზროვნებს, იმდენადვე ღელავს ორგანულად და კუნთურად: სახის სხვადასხვა გრიმასებით, ტანის სხვადასხვა მოძრაობით, ბგერებით, სიტყვების, ერთი სიტყვით, მთელი ორგანულ-კუნთური არსობით ადამიანი, როგორც ცოცხალი არსი, პასუხს აძლევს მდგომარეობისა და პირობების გავლენას და ამ პასუხით, ამ სიგნალებით იგი გამოსახავს თავის სურვილებსა და ინტერესებს; ამ სიგნალებით ადამიანი თითქოს ამბობს: მე მინდა, მე ვფიქრობ, მე ვგრძნობ. მთელი რიგი სულიერ ლტოლვათა ადამიანს იწვევს მოქმედებისა და მოძრაობისათვის: სული ადამიანისა ბოლოს და ბოლოს ემოციებში გამოისახება და არ არსებობს სულიერობის პროცესში ისეთი მოვლენა, რომელიც არ იყოს ერთგვარი რეფლექსი ნერვული ხასიათისა, რომელსაც არ ჰქონდეს ჩვენი ტანის რომელიმე ნაწილში საკუთარი სამოქმედო არე. ჩვენი ტანი და მისი გარეგანი გრძნობათა ორგანოები აკვეთილია განსაკუთრებულ პირობებში ბიოლოგიური ინტერესებით და სოციალური ხასიათის საჭიროებებით: როგორც ჩვენი ფიზიკური, ისე სულიერი ცხოვრება ინახავს ისეთ თვისებებს, რომელნიც საჭიროა ან ბიოლოგიური, ან სოციალური საჭიროებისათვის; წუთისოფელი წარმოადგენს ურთიერთობას; არსთა, საგანთა, ცხოველთა და ადამიანთა ურთიერთობა შეიცავს ცხოვრების ყოველ მომენტს — არსებობის საჭიროებანი და სოციალური ინტერესები ხშირად აერთიანებენ ადამიანებს; ამ გაერთიანებისათვის უდიდესი საშუალებაა მეტყველება როგორც კუნთური,

ისე სიტყვიერი ხასიათისა; დღესაც არიან ველურები, რომელნიც ერთმანეთს კუნთებით და ექსტრაკულაციით ელაპარაკებიან: წითელკისკის ინდოელებს, — ამბობს ლ. ბ. ბ. კ. — ცოტა სიტყვები აქვთ, თუ ერთმანეთის კუნთების მოძრაობას ვერ ხედავენ, ვერ იგებენ ერთმანეთის აზრს, ამიტომ ისინი მხოლოდ დღეს სინათლეზე ელაპარაკებიან ერთმანეთს; კუნთებრივი სიგნალი წარმოიშობა ორგანული ცხოვრებისაგან უმეშვეოდ და ორგანიზმის მოქმედების შეჩერებასთან ერთად იკარგება; მეტყველური სიგნალი ორგანული ცხოვრებიდან იწყება, მაგრამ სტატიკურად განაგრძობს ორგანული ლელვის სახიერებას: კუნთებრივი სიგნალი გამოიხატება ტანის პანტომიმურ მოძრაობასა და ცეკვაში; მეტყველურ-სიმბოლურ სიგნალს შეადგენს მხატვრობა, სკულპტურა, დაწერილი სიტყვა; როგორც კუნთების მოძრაობას. ისე მეტყველებას აქვს ბოლოს და ბოლოს ერთი და იგივე მიზანი — გრძნობათა, აზრთა და სურვილთა სოციალიზაცია, გაზიარება განცდათა და სულიერ მოვლენათა. მეტყველება იწყება ბოლოვით და ფიზიოლოგიით; თავდება სოციოლოგიით და კოსმოლოგიით: ჩვენი ტანი ისე არის მოწყობილი, რომ მას ესაჭიროება ჰაერი და ნივთიერებათა წვა; ჰაერით დაეანგულობა ორგანულ პოტენციას იძლევა და ტანი, სავსე ელექტრული-იონური დინამიზმით, ირხევა; ჰაერის ჩქერი, რომელიც შედის ტანში, განსაკუთრებით ფილტვებში, ამოძრავებს სასუნთქ მილებს, იწვევს მათ გალიზიანებას და დაეანგულობის სხვადასხვა სახით ისევ შორდება სხეულს; ჰაერის მიმოქცევა სასუნთქ მილებში იწვევს სისტემატურად მახლობელი კუნთების შეკუმშვას და გაწევას; ნერვულ-უჯრედული პალპიტაცია, ჰაერის მოძრაობით გამოწვეული, ქმნის ბგერათა ტალღებს: ბგერათა ტალღები სასუნთქი ღრუტობით ამოდიან და ეფინებიან სამყაროს სხვადასხვა სახის რხევით.

მეტყველების გენეზისში უნდა აღინიშნოს როგორც უტყუარი ფსიქოლოგიური ფაქტი ის, რომ ხმოვანი ბგერები უფრო ახალი ფორმაციისა არიან, ვიდრე თანხმოვანები: წარმოშობა თანხმოვანთა უნდა მიეწეროს ფსიქოლოგიურად იმ ეპოქებს, როდესაც ცხოველური მდგომარეობიდან ადამიანი კიდევ არ იყო გამოსული და როდესაც არტიკულაცია არ ჰქონდა ისე თავისუფალი, ელასტიკური, როგორც დღეს აქვს. ჰაერი მძლავრად აწევბოდა სასუნთქ ორგანოებს და უკუქცევა გაეანგულების ვერ პოულობდა თავისუფალ გზას სასუნთქავი მილებით: გამოთქმის ფსიქოლოგიური დაკნინება და პათოსი თავდებოდა

გაღიზიანებული უჯრედების ბლავი ხრანტალით და სერკულ-ორგანიული პალპიტაცია ვერ ახერხებდა სრულ გაბგერებას.

თანხმობების აკუმულაცია ქართულ მეტყველებაში ფსიქოლოგიური გაჭირვებისა და გაბგერების სიძნელის მაჩვენებელია; ყოველი თანხმობის გამოთქმაში ჩანს ფიზიოლოგიური მისწრაფება ფსიქოლოგიურ დაბრკოლებათა გადალახვისაკენ. ამეტყველების პროცესი გენეტიკურად ორგანული განცდის ნაეურია და რამდენად მყარი პირობები აწვალეზენ ორგანულ განცდას, იმდენად გამოთქმა იძენს შინაგან თავისუფლებას.

სიტყვა და სოციალური საპირობება

მეტყველებს გენეზისი იხედება შორეულ წარსულში და იქ. სადაც ცივილიზაციის ისტორია ვერ ხედავს სიტყვებსა და სიმბოლოების მინიშნებას, ამჩნევს მეტყველების რუდიმენტულ ფორმებს კუნთურ-ნერვულ მოძრაობაში: სადაც სულს ვერ მოუხერხებია ქარაგმული მინიშნება, იქ კუნთები იძლევიან სახეობითი ხასიათის ნიშნებს; შეიძლება კუნთური მეტყველების ატავისტური ნაშთია ის, რომ გამოთქმა ცივილიზაციის დასაწყისში ყოველთვის კონკრეტული და სახეობითი ხასიათისა.

კაფრები შავ ღრუბლებს „დედებს“ ეძახიან და წვიმას „დედათა რძეს“; ლოცვის დროს კაფრები ცას წვიმა გამოგვიგზავნეო კი არ ეტყვიან, არამედ „გვაწოვე დედათა ძუძუებიო“; დაბეჭდილ ანბანებს კაფრები „თესლებს“ ეძახიან.

ბონგოები თავიანთი მუსიკალური ინსტრუმენტებით გამოსახავენ ბგერებს მხეცის ღმუილისას, ტალღათა ხმაურისას, ან ფრინველის ჰიკ-ჰიკისას. საყურადღებოა ველური ამერიკელების ქარაგმულ-ესთეტიკური თქმა: მამაკაცებისათვის განსაკუთრებული სახელები აქვთ და ეს სახელები ნათლად გამოსახავენ თვისებრიობითი სახეობის ფორმებს ისე, როგორც დედაკაცების სახელები ცხადყოფენ თავისებური სინაზისა, სისათუთისა და სიაზიზის იდეას, განსახიერებულს ორგანოტროპულად და ყოველთვის შეფარდებულს იმ ინტერესებთან, რომელთაც აქვთ ადგილი სოციალურ ურთიერთობაში.

არსებობისათვის ბრძოლაში პროფესიასთან ერთად ისახება მეტყველების პირვანდელი ფორმა და სულის ესთეტიკური გადახრა ამა თუ იმ მიმართებით ყოველთვის დამოკიდებულია სოციალურ-ინდუს-

ტრიულ საჭიროებაზე. ყოველი ხალხის იდეოლოგია გამოსახავს სოციალურ ტკივილებსა და განცდებს, მეურნეობასა და ინდუსტრიის საყოფაცხოვრებო ფორმებს; მეტყველება და ესთეტიკა ვითარდება ყოფის ინტერესებით; სახეობითი ფორმები ველური ამერიკელების მეტყველებისა მაჩვენებელია საგანთა თვისებრობის ესთეტიზაციისა ყოფაცხოვრების ინტერესებთან მიმართებით:

მამაკაცთა სახელები:

დედაკაცთა სახელები:

მატყუარა მგელი,
თეთრი დათვი,
წითელი კამეჩი,
ირმის თავი,
ცხენის კული,
სისხლიანი ხელები.

წიაღელი თაიგული,
გადახრილი ყვავილი,
მტირალი სვეტი,
სურნელოვანი ბალახი,
მთის წყარო,
თეთრი ღრუბელი.

ჩვენს სოფლებშიც, განსაკუთრებით მთაში, დღესაც იხმარება სახელები: ირემა, დათვია, მაყვალა, ორომელა, მზია; მთაში ეს სახელება ძალიან ხშირია და ნათლად მოწმობენ იმას, რომ მეტყველების პრიმიტიულ ფორმას ახასიათებს სახეობა, ხოლო სახეობა ესთეტიკურად ითარგმნება, იკვეთება არსებობისათვის ბრძოლის საჭიროებებზე — სოციალურ-ინდუსტრიულ წვალებასა და ტანჯვაში. კულტურის ფორმა დასაწყისში ყოველთვის ისეთია, როგორც შეეფერება ხალხის საჭიროებასა და ინტერესებს: მონადირე ხალხის მეტყველება და ესთეტიკა განსხვავდება არსებითად იმ ხალხის მეტყველებისა და ესთეტიკისაგან, რომელიც ეწევა მიწის დამუშავებას: არსებობის საჭიროება სხვადასხვა პირობებში მოითხოვს სხვადასხვა სახის იარაღებს და ხერხს მოქმედებისას; აქედან, ცხადია, სული ადამიანისა თავისი მეტყველებით და ესთეტიკით, თავისი ფილოსოფიით იხრება სოციალური მდგომარეობისაკენ; მეტყველების გენეზისი გვიჩვენებს, რომ კულტურის დასაწყისში ყოველ გამოთქმას აქვს სახეობითი ხასიათი და ემყარება ფსიქოლოგიურად სოციალური საჭიროების ესთეტიკურ განცდას: წითელკანიანი ამერიკელების ლექსიკონში მოცემულია სულის ესთეტიკური წყობა და ეროტიკული განცდა მდგომარეობასთან ორგანოტროპული კავშირებით და კუთხურ-სოციალური ასოციაციებით. ყოველი სიტყვა სახეა საგნის თვისებისა, რომელსაც გაეცნო ადა-

მიანი არსებობისათვის ბრძოლაში, სოციალურ ურთიერთობაში, კოს-
მოსურ-მყარულ პირობებში. ყოველი სახე იმპერია: ცნებათა გაი-
ყენება ამპინჯებს სიტყვის ბუნებას; ცნებებს ევოლუცია სიტყვას თან-
დათანობით უკარგავს პირვანდელ სახესა და ღირებულებას, ამრუდებს
შეფარდებას სინამდვილესა და გააზრებას შორის. სიტყვა — სახე პირ-
ვანდელ ფორმაში შეფარდებულია სოციალურ საქაროებასთან: არ
არსებობს ხალხის ლექსიკონში ისეთი სიტყვა, რომელიც კონკრეტუ-
ლად არ ყოფილა ფონეტიკურ-სიმბოლური სახე რომელიმე ეპოქის
სოციალურსა და ინდუსტრიულ საქაროებებში; პრიმიტიულ მეტყვე-
ლებაში ნათლად ირკვევა სიტყვის ორი მხარე — ს ა ჯ ი რ ო ე ბ ი თ ი
და ს ა ხ ე ო ბ ი თ ი. ჩვენი თეორიის მიხედვით მეტყველება შედე-
გა არსებობისათვის ბრძოლისა, მისი ხერხებისა და ფორმების: ჩვენ
ვამბობთ: კონკრეტულიდან განყენებულისაკენ, ერთეულიდან ზოგადი-
საკენ და არა პირუკულმა; ენათმეცნიერება არ იცნობს არც აზიაში, არც
აფრიკაში, არც კუნძულებზე დიდი ოკეანისა ისეთ მართლა ველურ
ტომს, რომელსაც კქონდეს გვარეულობისა და ჭიშის გამომსახველი
სიტყვა ან ტერმინი სიმბოლური ხასიათისა; არიან ველურები, რომელ-
თაც აქვთ სხვადასხვა სიტყვა სხვადასხვა ფერის ძაღლის დასარქმევად,
მაგრამ, ამავე დროს, არა აქვთ სიტყვა, რომელიც ზოგადად გამოსახავ-
დეს ჭიშურ ცნებას — „ძაღლი“. ასეთ მდგომარეობაშია ცხენის და
სხვა ცხოველების დასახელების საქმე. წითელი ცხენი, შავი ცხენი,
თეთრი ცხენი ცალკეულად თითო-თითო სახელს ატარებს; ცხენი, რო-
მელიც მირბის, ისეთი ერთი სიტყვით გამოისახება, რომელსაც არავი-
თარი კავშირი არა აქვს ცნებასთან — „ცხენი“; ჩრდილოეთ ამერიკაში
ამბობენ: „თეთრი მუხა“, „წითელი მუხა“, „შავი მუხა“, მაგრამ ვერ
იტყვიან საზოგადოდ ისეთ სიტყვას, რომელიც გამოსახავს საერთოდ
ცნებას — „მუხა“.

ცხოვრების პრიმიტიულ პირობებში საერთოდ გონების განყენება
არ ხდება, ამიტომ ველურებს არა აქვთ ზოგად ცნებათა გამომსახველი
სიტყვები: პრეისტორიული არსებობის დროს ყოველი სიტყვა გამოსა-
ხავს კონკრეტულ მდგომარეობას და სახეს, თითქო სულის შემოქმე-
დებთი წარმოსახვა იჭერს არსებობის ოკეანეში élan vital-ის სოცია-
ლურ საქაროებათა ფორმებს.

სოციალურ საქაროებათა ვითარებაში, ეკონომიკურსა და ოჯახურ
მდგომარეობათა ცვლილებებში სიტყვა განიცდის ერთგვარ ფერისცვა-
ლებას — კონკრეტულიდან თანდათანობით ხდება უფრო და უფრო

განყენებული; ბოლოს და ბოლოს სიტყვა კარგავს პირენდელ შინა-
არსს, და, ეფარდება რა წარმოების ვითარებას, ახდენს მეტყველებაში
ს ე მ ა ნ ტ ი კ უ რ დეფორმაციას. ასეთია ქართული სიტყვა — „და-
კეტე“, რომელიც ოდესღაც ნიშნავდა კარგვზე ბაწრის საშუალებით
კეტის გაყრას, დღეს კი „დაკეტვა“ ნიშნავს დახურვას, მიხურვას და არა
კეტის გაღებას.

ასეთივე ს ე მ ა ნ ტ ი კ უ რ ი დეფორმაციის მაჩვენებელია რუ-
სული სიტყვა „ИОУМЦИ“, რომელიც ძველ რუსეთში, თითქმის მე-17
საუკუნის დამლევამდე ნიშნავდა ადამიანს, რომელსაც საცხოვრებელი
ბინა ჰქონდა ქვედა სართულში; თუნდაც ძალიან პატიოსანი რომ ყო-
ფილიყო, ქვედა სართულში მცხოვრებს მაინც „პოდლეც“ ეძახდნენ,
დღეს კი ადამიანი შეიძლება ქვედა სართულში ცხოვრობდეს, მაგრამ
„პოდლეცი“ არ იყოს; კულტურის ევოლუციასა და წარმოების ვითა-
რებაში სიტყვამ გამოიკვალა შინაარსი და მიმართება. ამ მხრივ სწო-
რედ მეტად საინტერესოა ქართული სიტყვა „ცხოვნება“, რომელიც
წარმართულ საქართველოში იხმარებოდა იმ მნიშვნელობით, რა მნიშე-
ნელობითაც ჩვენ ვხმარობთ ახლა სიტყვას — სიცოცხლე. „ცხოვნი
მეფეთმეფეო“, ეუბნება ერთი გმირი მეორეს „ვისრაჰიანში“, ესე იგი,
იცოცხლე დიდხანს მეფეთმეფეო. ქრისტიანობის შემოღების შემდეგ
საქართველოში სოციალური ფსიქოლოგიის ევოლუციასთან პარალე-
ლურად „ცხოვნება“, როგორც ცნება, იღებს „ტრანზიტულ“ ფორმას —
გამოსახავს ცხოვრებას საიქიომი: კულტურის ევოლუციამ სიტყვას
მისცა ახალი შინაარსი, სოციალურმა საჭიროებამ გარდაქმნა სიტყვის
მნიშვნელობა.

ადამიანი მოძრაობს ადამიანთა შორის და ყოველი სიტყვა, რომელ-
საც ადამიანი ხმარობს, პირდაპირ დამოკიდებულებაშია სოციალურ
ცხოვრებასთან: სიტყვა იძენად არსებობს, რამდენადაც ცხოვრებას
საჭიროება მოითხოვს სიტყვის არსებობას: თავისთავად სოციალური
საჭიროებისაგან დამოუკიდებლად სიტყვას მნიშვნელობა არა აქვს; თუ
რომელიმე საზოგადოების სოციალური სტრუქტურა იცვლება, მაშინ
სიტყვაც განიცდის ცვლილებას. საყურადღებოა ამ მხრივ ქართული
სიტყვა „პატივი“, რომელიც რუსთაველის დროს ნიშნავდა ტანჯვას.
წვალებას; რუსთაველის ავთანდილი, მულღასანხარის ველზე მამაეა-
ლა „ცასა შესტარს“, „ეუბნებეს, ეტყვის“.. „მას უთხრნენ ჩემნი პა-
ტივი“. ესე იგი. გადაეცა მას, თინათინს, ჩემა წვალეაო. დღეს კი
სიტყვა „პატივი“ სულ სხვა მნიშვნელობით იხმარება: ცხადია, კულ-

ტურის ევოლუციამ — სოციალურ საჭიროებათა ისტორიულმა ცვლილებამ — სიტყვას წაართვა ერთი შინაარსი, მისცა მეორე.

სოციალურ საჭიროებათა ცვლილება ადამიანის მოხერხებით, წარმოების ინტენსიურ განვითარების გამო სწორად სიტყვას აყენებს პირდაპირ „აბსურდულ“ მდგომარეობაში: სიტყვის ვარგვანი მხარე რჩება. მაგრამ შინაარსი სხვა არის: ასეთია რუსული სიტყვა — „чернил“, რომელიც ნიშნავდა და ნიშნავს დღესაც ისეთ რამეს, რაც შავად რჩება ქაღალდზე, ან სხვა რამეზე, მაგრამ წარმოების განვითარებამ, სოციალური შემოქმედების გამჭრახობამ, ადამიანის მოხერხებამ წარმოშვეს სხვა ფერი, რომელიც ცხოვრების საჭიროებას ეხმარება, ემსახურება ისე, როგორც „чернил“. რუსულ მეტყველებაში იხმარება ფრაზა — „красное чернило“: წარმოიდგინეთ: შედიხართ სადმე მაღაზიაში და დიდი რიხით ამბობთ — „дайте мне, пожалуйста, красное чернило“, თან სრულებით არ აკვრდებოთ, რომ სისულელეს ამბობთ: საიდან შეიძლება, წითელი იყოს, თუ შავია! როგორ შეუძლია ვინმეს, ქვეყანაზე გააჩინოს: красное чернило? ეს იქნება არა მარტო ქიმიის კანონების წინააღმდეგ, არამედ ჩვენი შემეცნების წინააღმდეგაც. მაგრამ ჩვეულება, სოციალური ფსიქოლოგიით გამტკაცებული, ხშირად ინახავს კულტურის აბსურდულ ფორმებს.

სოციალური საჭიროებას ფორმები ერთგვარი არტახებია მეტყველებისა და ხელოვნებისათვის; სული ადამიანისა ვერ გაქცევა ვერასოდეს იმას, რაც მის გარშემო ხდება, რაიც შეადგენს საზოგადოებრივი ცხოვრების მთავარ თვისებებს: თუ კულტურის ევოლუცია ინტენსიურად მიმდინარეობს. მეტყველებაც მორფოლოგიურად და ფონეტიკურადაც აღწევს შინაგან თავისუფლებას და ელასტიკურობას: ისტორიული პულსაცია ქაოვს მეტყველების ფორმებს სოციალურ განცდათა დასგაზე: ხალხის სოციალურ-ეკონომიკური მდგომარეობა თუ არ იცვლება, არც მეტყველების ფორმა იცვლება: ქართული მეტყველება, განსაკუთრებით პერაფერებისა, საუცხოოდ ამტკაცებს ჩვენს დებულებას: საქართველოს იმ კუთხეებში, სადაც შენახულა ძველი ცხოვრების სტრუქტურა, ძველი სოციალურ-ოჯახური სტილი, მეტყველებაც ინახავს ძველ სიტყვებს: სვანეთში, მაგალითად, დღესაც ხმარობენ ისეთ სიტყვებს, რომელთაც ახალი ქართული ლიტერატურა არ ხმარობს, მაგრამ სახარების უძველეს თარგმანებში მკითხველი შეხვდება ხშირად. სამეგრელოში დღესაც ხმარობენ სიტყვას — „შქართუნი“, რაც ნიშნავს საბანს. სახურავს: საყურადღებოა, რომ ძველ ქართულში

ეს სიტყვა იხმარებოდა. „ვისრამიანის“ მთარგმნელი ამ სიტყვას ხმარობს: ეტყობა მაშინდელი საზოგადოებისათვის სიტყვა „შქართუნს“ ჰქონია, ყოველდღიური თუ არა, აკადემიური საქორების მნიშვნელობა მაინც. „ვეფხისტყაოსანში“ სიტყვა „კაპანა“ ნიშნავს ჩეხს. ლროტიან ადგალს, სამეგრელოში დღესაც არსებობს სოფელი „კაპანა“. საერთოდ ჩვენში, როდესაც კულტურის ცენტრალზაცია ხდებოდა, როდესაც პერიფერიებსა და ცენტრებს შორის იყო სოციალური ურთიერთობა და მასთან ერთად ფსიქოლოგიური ურთიერთობაც, მეტყველების ფორმები უფრო მეტ არეს პოულობდენ ჩვენს მიწა-წყალზე. სწორედ ამ თვალთახედვით ახსნება ნ. შარის მტკიცება, რომ ზოგიერთი სიტყვა და ფრაზა „ვეფხისტყაოსნისა“ საქართველოს განაპირა ადგილებისათვის უფრო გასაგებია, ვიდრე ცენტრებისა და ქალაქებისათვის: პერიფერიებში სული სოციალური არსებობისა დარჩა ისტორიული კონსერვაციის ფორმაში, ქალაქებსა და ცენტრებში ცხოვრების ინტენსიურმა მოძრაობამ ჩაკლა სიძველე განცდისა და ყოფისა, მასთან ერთად ძველი მეტყველების ფორმაც.

ჩვენი მაგალითებიდან ცხადია, თუ რა დიდი შემოქმედებითი ურთიერთობა არსებობს მეტყველებისა და სოციალური საქარობის ყოველდღიურ ვითარებას შორის: ამასთანავე, ცხადია, თუ რამდენად ყალბია ის აზრი, რომელსაც ევროპაში ქადაგებენ დებონალდი, მიულერი და ჩვენში მათი ატაშეები — აზრი, თითქოს მეტყველება წარმოადგენდეს რაღაც ზედროულ, პრეისტორიულ კატეგორიას, რომელიც კაცობრიობამ მიიღო დამზადებული მეორე სამყაროდან: ყოველგვარა სიტყვა სოციალური წვლებისა და ტანჯვის ნაყოფია, ყოველი სიტყვა შრომისა, ან პროფესიის რომელიმე ფორმასთან არის ორგანულად დაკავშირებული.

სოციალური სემანტიკის თვალთახედვით აღსანიშნავია მეტყველებაში ორი მომენტი: — ერთი, როდესაც სიტყვა, რომელიც წინათ ნიშნავდა საგნის, ან მოვლენის რომელიმე ნაწილს, რომელიმე კონკრეტულ თვისებას, იხმარება შემდეგ თვით ამ საგნის აღსანიშნავად მთლიანად ანდა მსგავსი მოვლენის: ასეთია რუსული სიტყვა — „мил“, რომელიც წარმოიშვა სიტყვიდან „милость“. აქ ჩვენ გვაქვს შემოქმედებით წარმოსახვაში ერთგვარი სიმბოლურა მიმსგავსება და შეკვეცა... არის მეორე შემთხვევა, როდესაც რომელიმე სიტყვა წინათ იხმარებოდა მოქმედების გამოსათქვამად — იყო ზმნა. მაგრამ შემდეგ თანდათანობით იღებს არსებითი სახელის სიმბოლოს: ასეთია სიტყვა —

ar (რომაული), რომელიც ერთ დროს გამოსახავდა ხ ვ ნ ა ს, თ ხ რ ა ს და რომლიდან შემდეგ წარმოიშვა სიტყვა — ars (bas latin), აქედან — სიტყვა არტი-სტი. საკვირველი რამ არის მეტყველების ევოლუცია და მისი შემოქმედებითი ფორმები; ერთ დროს სიტყვა ეხებოდა ინდუსტრიას. მეურნეობას (ar-ars), დღეს ხელოვნების ერთი ფორმა-ოავანია (არტი-სტი).

პრაბიტულ ენათა შესწავლამ დაამტკიცა, რომ პირველყოფილი ადამიანი შორეულ წარსულში და დღესაც ზოგაერთ ველურ ქვეყნებში, აგრეთვე ოკეანეთა დიდ კუნძულებზე ყოველთვის სიტყვებს იგონებს რომელიმე ინ დ უ ს ტ რ ი უ ლ ი, ა გ რ ა რ უ ლ ი, ე კ ო ნ ო მ ი უ რ ი და ს ო ც ი ა ლ უ რ ი საჭიროებისათვის: არსებობისათვის ბრძოლის პროცესში უდიდესი ინჟინერია საჭიროება: მეტყველების ყოველი ფორმა ისე, როგორც საერთოდ ხელოვნებას ყოველგვარი სახე, ორგანულად უკავშირდება სოციალურ-ისტორიულ საჭიროებათა ფორმებს; ჩვენ ვერ მივიღებთ კ ა ნ ტ ი ს ა და ნ ე ო კ ა ნ ტ ე ლების აზრს მეტყველებისა და საერთოდ ესთეტიკურ-ინტელექტუალური დასაწყისის შესახებ: წმინდა გონების სტატუტური ფორმები და აპრიორები, რომელსაც ეყრდნობა კ ა ნ ტ ი ესთეტიკური პრინციპის გამოსარკვევად და რომელსაც პოეტური გატაცებით და იდეალიზმით იმეორებს შ ი ლ ე რ ი, ჩვენთვის ს ო ც ი ა ლ უ რ ჩ ვ ე უ ლ ე ბ ა თ ა გ ა დ მ ო ნ ა შ თ ე ბ ი ა. ის, რასაც ინტელექტუალიზმი ეყრდნობა. ჩვენთვის კარგავს მნიშვნელობას. რადგან ჩვენს სულს დღეს სამყაროსთან აქვს ისეთი ხასიათის ურთიერთობა, რომელსაც არაფერი საერთო არა აქვს მდგომარეობასთან, რომელშიც შემუშავდა ინტელექტუალისტების „აპრიორიზმი“.

ლუდოვიგ ნ უ ა რ ე მ აღმოაჩინა ენათმეცნიერებაში ფაქტი შემდეგა ხასიათისა: ველურების გამოთქმაში ჩვენ თურმე ყოველთვის შეგვიძლია გავარკვიოთ სამი ცნება ა გ რ ა რ უ ლ ს ო ც ი ა ლ უ რ ი ცხოვრების დამახასიათებელი: „თხრა“, „ქსოვა“, „ქრა“; ხალხი, რაც უნდა ველური იყოს, მაინც, — ამბობს ნ უ ა რ ე, — ამ სამი სხვადასხვა ცნებას გამომსახველ სიტყვებს უსათუოდ ხმარობს. საყურადღებო ისიც, რომ ველურების ცხოვრებაში ხელოვნების ფორმები უკავშირდებიან აგრარულ დღესასწაულებს: კულტურული ბერძნებიც კი ტრაგედია ულსა და კომედიურ ფორმებს ადამიანის განცდისას აგრარულ-

• Ursprung der Sprache, Mainz.

ლა და სოციალური ინტერესებით ხსნიდენ ხოლმე: ტრაგედია წარმო-
შობა მაგალითად იკარიონის ვენახის გაფუჭებისა და თხის დაკვლის
პროცესისაგან: კომედიის წარმოშობა, მეცნიერების აზრით, მიეწერება
საბერძნეთის სოციალურ უთანასწორობას, რომლის შედეგი იყო ბერძ-
ნულ ქალაქებში ღამლამობით ყმების ხეტიალი და ზოგიერთი მებატო-
ნის კომპარტან დაცინვა, აყალმაყალი და სხვა...

მეტყველებისა და ხელოვნების ევოლუციაში სოციალური ფსიქო-
ლოგია თამაშობს შემოქმედებით როლს: იქ, სადაც სოციალური გან-
ცდა უსწორმასწოროდ მიმდინარეობს, სადაც საზოგადოებრივი კო-
ლექტიური სული ისტორიულ ხვეულებში სისრულესა და სისაესეს
ვერ აღწევს, სადაც არ არის ერთგვარი ესთეტიკური ექსპანსიობა, მე-
ტყველების ევოლუცია სუსტია, არტიკულაცია ბლაგვი, გაბგერება
ბნელი, შეხუთული, ღრუ; ყოველი ეპოქისა და ყოველი ხალხის მეტყ-
ველება მით უფრო თავისუფალია და რიტმული თავის შინაგან ფონე-
ტიკურ-მორფოლოგიურ წყობაში, რაც უფრო ძლიერია საზოგადოების
ან მასზე გაბატონებული კლასის სული თავის კულტურულ-ესთეტიკუ-
რი სისრულისა და სისაესის შეგრძნობაში: მეტყველება შეფარდებუ-
ლია სოციალურ გაცდასთან, აგრარულ-ინდუსტრიულ ფორმებთან,
კულტურულ-ცივილიზაციურ ფერადობასთან; მეტყველება და მისი
სიმბოლური ქარაგმები ვერ იარსებებს გარეშე საზოგადოებრიობისა,
ხალხის ისტორიულ-ეპოქალური პერაპეტიებისა, გარეშე ჭგუფებისა
და მასებისა. მეტყველება დაიწყო ისეთი ბგერებით და მარცვლებით,
რომელთაც კავშირი ჰქონდათ ცხოვრების პრაქტიკასთან, შრომასთან,
წარმოების იარაღებთან; მონადირე ხალხის მეტყველება საესეა ისეთი
სიტყვებით, გამოთქმებით, ქარაგმებით, რომელთა საჭიროებას ყოველ-
დღე გრძნობს მონადირე ადამიანი; იგავ-არაკებში, თქმულებებსა და
ლეგენდებში, რელიგიურ სიმბოლოებსა და სახეებში სოციალური
მდგომარეობა პოულობს თავის გამოსახულებას; ხალხი, რომლის ყო-
ველდღიური ყოფა მიმდინარეობს მრეწველობასა და ვაჭრობაში, ხმა-
რობს სიტყვებს მრეწველობისა და ვაჭრობისათვის დამახასიათებელს.
სული არსებობისათვის ბრძოლაში საჭიროებისაყენ იზრება და მეტყ-
ველება მარჭაფად ემსახურება სულის გადაჩრის ვითარებას. საზოგა-
დოების კლასობრივი, ჭგუფური და პროფესიული დანაწილებანი ახდე-
ნენ თავისებურ გავლენას მეტყველებასა და ლიტერატურაზე: ყოველ
კლასს აქვს საკუთარი ემოციები და იდეები, ამიტომ საჭიროებს სიტყ-
ვებს ამ ემოციებისა და იდეების გამოსათქმელად. ყოველ პროფესიას

ესაჭიროება მთელი რიგი ნივთებისა, საწარმოო იარაღებისა, განსაკუთრებული ხერხისა, გამჭვირახობისა, რომელთა თანდათანობით ვარჯიშობა — ჩვეულებაში განმტკიცება აწყობს სულისა, აზროვნებისა და შემოქმედების თავისებურ სისტემას: ასე რომ, სისტემა იდეოლოგიისა, ხელოვნებისა და მეცნიერებისა არ არის *universalia ante rem*; დღევანდელი სული მორალისა და ლოგიკის პრინციპებით, დაწყობილი სოციალური საჭიროების ფარგლებში, შედეგია იმ ურთიერთობისა, რომელიც ამოძრავებს თითოეულ წევრს საერთო ინტერესებთან შეთანხმებით და ეს შეთანხმება საზღვრავს ხელოვნებისა და მეცნიერების ფორმათა თავისებურებას ყოველი ეპოქისა, ყოველი ხალხისა და ყოველი კლასის ცხოვრებაში*. სოციალურ ურთიერთობას თან ახლავს ერთგვარი გაზიარება ფსიქოლოგიური ხასიათისა. ერთგვარი გრძნობათა სოციალიზაცია, რომელსაც ვერ გაექცევა ვერც ერთი ცხოველი, ვერც ერთი ადამიანი.

ყოველი მომენტი ენისა და ლიტერატურის ვითარებისა მატერიალურ-სტატისტიკური ფორმა სოციალური მოძრაობისა და ტიპიკულების კოლექტიური სულის დათანაწყობებისა და შემოქმედებითი განრიგებისა. მეტყველება სულის განთავისუფლებაა განცდისაგან: გამოთქმის საშუალება სულას ტიპიკულებს ანახევრებს, ათავისუფლებს იდეას სოციალური ცხოვრების ამყოლობაში და ამოძრავებს შემოქმედებით ნებისყოფას: ლიტერატურულ-ესთეტიკური ნაწარმოები მონუმენტია განცდათა ემანაციისა; რაც უფრო ღელავს შემოქმედებითი სული ინდივიდუალური ყოფის ნაჭუქში, მით უფრო მარჯვედ ქსოვს იგი სოციალურ ურთიერთობაში კლასობრივი, ჯგუფობრივი და ისტორიული ხასიათის იდეალებს.

მელოდიური ტონალობა, თქმის რიტმი, სიტყვების წყობა, გაბგერების სისუფთავე მომდინარეობს გენეტიკურად ისტორიულ-სოციალური სიღრმიდან; სული იწმინდება, ირეცხება ისტორიულ ცვლილებათა ქარიშხალში და მეტყველებაც არსებობის ყოველ წუთს ეთვისება თავის კონსტრუქციაში ცხოვრების ცვლილებებს; ხელოვნების რომელიმე ფორმის განსახიერებას ყოველ ეპოქაში წინ უძღვის სოციალური სულისა და იდეოლოგიის დათანაწყობება და სანამ მეტყველების, აზროვნების სტილი ეპოქის შემოქმედებაში ასე თუ ისე ჩამოყალიბდება, სოციალური ფსიქოლოგიის შინაგანი ლტოლვა განიცდის განსაკუთრებული სტილისა და ფორმის საჭიროებას. სიტყვების დაწყობა

* Lévy-Bruhl; „Les fonctions mentales dans les sociétés inférieures.

მეტყველებაში მაჩვენებელია ერთგვარი სოციალური განცდისა, სურვილების დაჭვჭვებისა და მიმართებათა: სხვადასხვა სახის განცდა სიტყვებს სხვადასხვა ფორმაში აწყობს; ყოფა ასახიერებს მეტყველებას — ქალაქურსა და ინტელიგენტურ ყოფას აქვს თავისებური სიტყვათა წყობა, თავისებური ფონეტიკა, გაბგერება, არტიკულაცია; სოფლურ ყოფას თავისებური მეტყველება და არტიკულაცია აქვს; მთა თავისი მეტყველების ფონეტიკური თავისებურებით ძალიან განსხვავდება ბარისაგან: ყაზბეგისა და ვაჟა-ფშაველას მეტყველება ფონეტიკურ-სემანტიკური თვალთახედვით დიდ ღირებულებას წარმოადგენს ქართული კულტურისას, განსაკუთრებით ქართული მეცნიერებისათვის: ქართული არტიკულაციის მხედრულ-ვაჟური პათოსი, რომელიც შეადგენს ყაზბეგისა და ვაჟა-ფშაველას ნაწერების მთავარ თვისებას, ღირსია ცალკე მეცნიერული კვლევა-ძიებისა და არა ლანძღვა-გინებისა, როგორც ზოგიერთებს ემარჯვებათ უცოდინარობის და უკულტურობის გამო. საქართველოს პერიფერიების მდიდარი კულტურა, ორგანულად შეჭრილი ქართული შემოქმედების ფორმებში, სახიერდება არა მარტო ხალხურ მუსიკაში, არამედ ხალხურ მეტყველებაშიც, ხალხურ გამოთქმაშიც: გამოთქმაში ისმის სულის წვალება — განცდა და ტკივილები არსებობისა; გამოთქმის ტემპრი სოციალური წვალებისა და ტანჯვის რეფლექსია: ყოველდღიურ ცხოვრებაში ცნობილია, რომ სხვადასხვა სულიერ განწყობილებას სახის სხვადასხვა გამოთქმა აქვს: მხიარული ადამიანის გამოთქმა არ წააგავს მწუხარე ადამიანის გამოთქმას: ყმის გამოთქმა სხვა ინტონაციისაა, მებატონის გამოთქმა სხვა ინტონაციის, საქმის მეთაურის გამოთქმა არ წააგავს მიმყოლის გამოთქმას; სოციალური საქროება იძლევა მეტყველების ფორმებს და გამოთქმის თავისებურებას: ოცი-ოცდახუთი წლის წინათ ჩვენში ადგილი ჰქონდა სოციალური ფსიქოლოგიის სულ სხვა ფორმას; ცხადია, მაშინ მეტყველებაც სხვა სახისა იყო, მაშინ არავინ ხმარობდა სიტყვებს: „პროფტაე-შირი“, „კომინტერნი“, „ალმასკომი“, „ადგილკომი“, „პოლიტგანი“; სამაგიეროდ ამბობდენ: „პოლიცია“, „ალმატებულება“. „ბრწყინვალეა“, „თავადი“, „გუბერნატორა“ და სხვა... ამ სიტყვებს მოითხოვდა მაშინდელი საზოგადოებრივი ცხოვრების საქროება — მაშინდელი ურთიერთობა ადამიანთა შორის; დღევანდელი ურთიერთობა სხვა სახისაა და, ცხადია, სოციალური საქროება მოითხოვს სხვა სიტყვებს სხვა ვანცლებსა და სხვა იდეალებს გამოსათქმელად.

ვინც დაახლოებულია ლიტერატურასა და საერთოდ ესთეტიკურ ხასიათის საკითხებთან, ვისაც აინტერესებს ხელოვნებასა და კულტურის დიადი სახეება, მათი ახსნა-განმარტება, ის ჩვენს წიგნში დაინახავს სრულებით ახალ დებულებას, რომელაც უარყოფს ძველ თეორებს მეტყველებასა და ხელოვნებაზე, რომელაც გარკვევით და მკვეთრად ამბობს: მეტყველებისა და ხელოვნების ფორმებს იძლევა სოციალური საჭიროება.

ამ სრულებით ახალ ფილოსოფიურ-სემანტიკურ დებულების საილუსტრაციოდ ჩვენ ავიღებთ ქართული მეტყველების მორფოლოგიურ ევოლუციას: საქართველოში, ისე როგორც სხვა ქვეყნებში, მეტყველება საუცხოოდ გამოსახავს სოციალური ფსიქოლოგიის ამყარებას — შეფარდებას სულის თავისებური გაბგერებისას სოციალურ-კულტურულ ვითარებასთან; სოციალურ-კულტურული გაშლა ჩვენი ისტორიისა ათავისუფლებს მეტყველების შინაგან ფორმებს და მათე, მეთერამეტე საუკუნის ქართული მეტყველება უფრო თავისუფალია შინაგანი წყობით, უფრო რიტმულია და მელოდიური გაბგერებაში, ვიდრე მეთოთხმეტე და მეთხთმეტე საუკუნეთა მეტყველება; სხვა ქვეყნებში, სადაც კულტურის ევოლუცია უფრო სწორხაზოვნად მიმდინარეობს, უფრო რეგულარულად ვითარდება, მეტყველებაც თანდათანობით და სისტემატურად იღებს რიტმულ სახეს, თანდათანობით და სისტემატურად განცდა ფსიქოლოგიური იძლევა შემოქმედებითი ხასიათის ლეღვით თანხმოვანთა აკუმულაციას და ხმოვან ბგერებს იწვევს ფონეტიკურ-ესთეტიკური არტიკულაციისაკენ. საქართველოში კი სოციალურ-კულტურული ვითარების უსწორმასწორობა ახდენს ქართული მეტყველების ერთგვარ „უკანონო“ დეფორმაციას და ყოველი მწერალი თავისი პათოსით, თავისი სტილით საეხებით ემორჩილება სოციალურ-ფსიქოლოგიური ჰაერეთის დაწოლასა და შეკუმშვას, ნერვულობასა და კონველსიებს: მარცვლების რიტმული წყობა, ხმოვანთა და თანხმოვანთა შეფარდებულობა, პათოსი თქმისა, გაბგერების ეპიკური ან ლირიკული ტონი მეტყველების ევოლუციაში ყოველთვის ყველა ხალხის და ისტორიის ცხოვრებაში სოციალურ-ისტორიული განცდის ინსტრუმენტული ფორმებია; სულიერი სისავსე ინდე-დუალურ მყარობაში იძლევა მეტყველების სრულყოფის ესთეტიკურ ფორმას, მდგომარეობა კვეთს მეტყველებისა და ხელოვნების ფორმას, მდგომარეობა სულისა და აზროვნების თერქია; მდგომარეობის შევიწროება და შეკუმშვა იწვევს არტაკულაციისა და გაბგერების შევიწროებას; მდგომარეობის გაშლა, სოციალურ-კულტურული ვითა-

რების გაფართოება იწვევს მეტყველების ესთეტიზაციას: ხალხი რაც უფრო გახიციდის სოციალურად და იწვის ისტორიულად პერიოდულ შესვენებაში, მით უფრო რიტმულია და ლამაზი მისი მეტყველება.

არას გვარგებს სიმძიმელი, უსარგებლო ცრემლთა დენა,
არ გარდავა გარდუვალად მომავალი საქმე ზენა,
წესი არის მამათაგან მოჭირვება, ჭირთა თმენა,
არცაა ძალუმს ხორციელსა განგებისა გარდავლენა.

აქ სიტყვათა წყობაში გამოსახულია არა მარტო რუსთაველის დიდი ნიჭი და პოეტური ვირტუოზობა, არამედ მეთორმეტე საუკუნის სოციალური სულის როგორც შინაგანი სიმდიდრე, ისე ფონეტიკურ-ესთეტიკური სრულყოფა და თავისუფლება არტიკულაციისა: ყოველი სიტყვა, აქ მოთავსებული, თავისთავად ატარებს კორელატურ რიტმს. თავისთავად გამოსახავს ფონეტიკურსა და ვერბალურ თავისუფლებას მეტყველებაში; სიტყვები და მათი მარცვლები პარმონიულად ეფინებიან ცნებათა ტალღებს. როგორც ძეგრფასი ძოწეული ლამაზი ქალის ელასტიკურ კუნთებს: აქ არის სრული ესთეტიკურ-ვერბალური მიღწევა, გამომსახველი არა მარტო რუსთაველის დიდი ნიჭისა, არამედ ეპოქის შინაგანი მოძრაობის რიტმულობისა, ელასტიკურობისა და მოქნილობისა, ეპოქის სულის სისავისისა, სოციალურ-ისტორიული განცდის მელოდიისა: მთელს ტაეპში არ არის არც ერთი მარცვალი, რომელშიც იყოს ფონეტიკური სიბლაგვე და არტიკულაციური ხორკლიანობა; ქართული მეტყველებისათვის აქ მოცემულია იდეალური ელასტიკურობა და ვიმეორებთ. ამას იძლევა არა რუსთაველის პოეტური ტექნიკა, არამედ ეპოქის სული, სოციალური მელოდია.

XIII საუკუნიდან მონღოლთა შემოსევამ საქართველოს კულტურის ევოლუციის ჩარხი უქუდმა დაატრიალა და კულტურულ დაცემას თან მოჰყვა სულის ფონეტიკურ-ესთეტიკური გაბლაგვება ქართულ მეტყველებაში:

მკერელნი, მოქმელნი და რიტორნი, მგოსანნი და მობაასენი
ვარდ-ზელბულს გაიძახიან ყოველი სული იმთენი
აწლა მიუყე წუნობა, გამკრიცე, გამაყუითენი,
შენი ბრალა, შემშალე თეთრ-წითლად და პირიმთენი.

ქართული კულტურისა და ლიტერატურის განახლების პერიოდს ახასიათებს გაბგერების შევიწროება და ფონეტიკურ-ვერბალური სიბ-

ლაგვე, სიღრუე, რომელნიც ამოძახილია ბნელი ეპოქების სულის ღელვისა და შეხუთვის: აკუმულაცია თანხმოვანთა („მკერელნი“, ჰემელნი“), ბლაგვი და ხორკლიანი წყობა სიტყვებისა („აწლა მიწყე წუნობა“), ესთეტიკურ სიმკვეთრეს მოკლებული სიტყვები („გამცრიცე“, „გამაყვითენი“) თითქოს აქანდაკებენ ხალხის სხეულის მოდუნებას კულტურულ-სახელმწიფოებრივ ძალდატანებაში, თითქოს პოეტის სულა შეხუთულია ისტორიული პაერეთით, თითქოს გაბგერების ენერგია და ხალისი ჩაძენძილია სოციალურ-ისტორიულ უკულმარობაში.

ჩვენი აზრი რომ სწორია, ამას ამტკიცებს სხვადასხვაობა მართული გამოთქმისა საქართველოს აღმოსავლეთსა და დასავლეთში; ამ სხვადასხვაობაში ლაპარაკობს მორფოლოგიურად და ფონეტიკურად ისტორიულ-კულტურულ ვითარებათა სხვადასხვაობა. დასავლეთ საქართველოში გამოთქმა ნერვული, ხალისიანი, ჩქარი, ინტენსიურ-პათეტიკურია; აღმოსავლეთ საქართველოში გამოთქმა მძიმე, ზვიადი, მკვეთრი, სახიერი და მონოტონურია; დასავლეთ საქართველოს ინტონაციაში ისმის მარცვალთა შორის განცდის გაბგერების შინაგანი თავისუფლება, თითქოს გამოთქმა ფსიქოლოგიური და ორგანულ ნერვული რეზონანსია ისტორიულ-კუთხური დასვენებისა და სულიერი ენერგიისა, რომელსაც ინახავდა ეპოქათა გრძელი რიგი; აღმოსავლეთ საქართველოს ეპიკურსა და ზვიად გამოთქმაში თითქოს კვენისის ქართული სული, თითქოს ფონეტიკურ-მორფოლოგიურ არტიკულაციაში ვიდაც მოსთქვამს აღლევებით, მძიმე ამოსუნთქვით, თითქოს ოხრავს დაკვლელი სხეული:

ოხრა არის შეება უბედურისა.

მეტყველება მატერიულ-ბიოლოგიური განცდის და წვალების ეპიფენომენია: სიტყვათა წყობა ინსტრუმენტული გამოსახვაა ნერვებისა და სულის კონველსიებისა: სტილი ორგანულ-ნერვული ემოციების მელიოდიაა, გამოსახულია სიტყვებში; სტილის სული მდგომარეობისა და ყოფის აორთქლებაა სოციალურ-ისტორიული რეფლექსებით შენახული და შემოქმედებით ინდივიდუალიზაციაში გატარებული.

საუცხოო მაგალითებს სოციალური კულტურის ევოლუციისა და მეტყველების ფონეტიკურ-ესთეტიკურ ფორმათა შეფარდებულებისას წარმოადგენენ ილია ჭავჭავაძე და აკაკი წერეთელი, საქართველოს XIX საუკუნის ტროპულ-ფსიქოლოგიური იმპეები: წე-

რეთლის სული და სტილი დასავლეთ საქართველოს ისტორიული უზრუნველობისა და უდარდებლობის სული და სტილია: თქმა ხალისიანი, ნაივური, ბავშვური: გააზრება ჩქარი, ცვალებადი, პათოსის კულტი და ლოგიკის სიძულვილი („პოეტი“, „ხან ესა ვარ, ხან ისა“) — ყველაფერი ეს ახასიათებს წერეთელს. როგორც იმერთის ესთეტიკურ-ინტელექტუალურ განსახეობას, როგორც მდგომარეობისა და ყოფის ორგანოტროპულ სიმბოლოს, ჭავჭავაძის სული და სტილი აღმოსავლეთ საქართველოს ისტორიული ტიპილებისა და სოციალურ რყევათა მძიმე გაბგერებაა; მკვეთრი სიტყვების ეგზიუბერანსი და მონოტონობა, პათოსი ეპიკური, აყოვლადებული პირამიდულ განცდაში, სასოწარკვეთილების სარკაზმი, ფსიქოლოგიური სისწორე გამოთქმისა, აზროვნების ლოგიკური მიმართება („პოეტი“, „მეცა მნიშნავს და ერი მზრდის“), სოციალური ტონუსი ჭავჭავაძის შემოქმედების მთავარი თვისებებია და ამ თვისებებს ამართლებს ისტორიული განცდა და ბედი აღმოსავლეთ საქართველოსა.

მეტად საყურადღებოა ისტორიული რეფლექსოლოგიის თვალთახედვით ის, რომ აღმოსავლეთ საქართველოში არამტუთ ფართო მასა, არამედ ხშირად მეცნიერებიც ვერ არჩევენ ერთმანეთისაგან ცნებებს, რომელნიც გამოიხატებიან სიტყვებში — „დაწყობილი“ და „დაწყებული“; ეს ორი სიტყვა აღმოსავლეთ საქართველოში ძალიან ხშირად ერთმანეთის მაგიერ იხმარება და სწორედ ეს ფაქტი ცხადყოფს სოციალური განცდისა და სიტყვის ხმარების ფსიქოლოგიურ შეფარდებულებას: აღმოსავლეთი საქართველო ისტორიულად იყო მოუსვენარი გლეჯისა და ბრძოლის არენა; ხალხის შემეცნებით წარმოსახვაში განმტკიცდა, რომ დაწყობილი თუ რამე იყო, დაწყებულს ნიშნავდა, ვინაიდან სისტემატური აოხრება მდგომარეობისა და ყოფისა მოითხოვდა დაწყების სისტემატურ გამეორებას: დაწყობილი ყოველთვის ინგრეოდა და ამიტომ დაწყობას ყოველთვის დაწყება ესაქირობოდა; მდგომარეობას უკუღმართმა განცდამ სხვადასხვა ცნება ერთმანეთს ისე დაუახლოვა, რომ ხალხი მათ შორის განსხვავებას ვერ ამჩნევს. მტრები ანგრევენ მდგომარეობას. სოციალურ ყოფას. ამიტომ ყოველთვის იწყებოდა და თუ დაწყებული იყო, დაწყობილი იქნებოდა.

ამ სემანტაკურ-ფილოლოგიურ მაგალითში მოცემულია საუცხოო ფაქტი იმის დამამტკაცებელი, თუ როგორ ერთი და იგივე ისტორიული განცდა აღულებს ერთმანეთთან სხვადასხვა ცნებას, სხვადასხვა სი-

ტუყამ: გამოსახულს. სიტყვა შემოქმედების სტატეკური ფორმაა. ცნება — დინამიური; სიტყვა რჩება ხშირად, ცნება კი იცვლება; სოციალური კულტურის ევოლუცია ასხვაფერებს მეტყველების იდეოლოგიურ კონსტრუქციას; მხოლოდ იდეოლოგია იცვლება სოციალურ წარმოებასთან ერთად; იდეოლოგიას აქვს პირდაპირი დამოკიდებულება საზოგადოების საჭიროებასა და ინტერესებთან; ცნებაში არ არის არაფერი ზედროული, აბსოლუტური, არაფერი მარადიული და ღვთაებრივი; ცნება სოციალურ წვალებასა და საჭიროებაში აისახება; ვინაიდან ყოველ ეპოქას აქვს თავისი საკუთარი სოციალურ-ეკონომიკური სტრუქტურა, ყოველ ეპოქას აქვს თავისი საკუთარი სოციალური ხასიათის საჭიროებანი; ცნება ესთეტიკური, მორალური, ფილოსოფიური ყოველი საუკუნისა და ყოველი ხალხის ცხოვრებაში სხვაფერდება იმის მიხედვით, თუ რა სახისაა ცვლილება ადამიანთა შორის ინტერესებისა და საყოფაცხოვრებო მიმართებათა.

სოციოლოგიური კომპლექსიზმი კუთხურ-ტროპულ სხვაობათა მყარობებში აზროვნების მეთოდოლოგიური გამარჯვებაა: ყოველგვარ აპრიორიზმსა და ალეთოლოგიას, ყოველგვარ იდეალისტურ-აბსოლუტურ განმარტებას ფილოსოფიისა და ხელოვნების პრობლემისას ბოლო ედება მას შემდეგ, რაც ადამიანის სულმა იგრძნო თავისი ყოფის ეფემერულობა დაუსრულებლობის არეზე, მას შემდეგ, რაც სული დაიცრია მეცნიერულ კვლევა-ძიებათა რელატივებით დაექვეებით; აშკარადება უდავო შეფარდებულობა იდეოლოგიასა და სოციალურ კულტურულ მყარობათა ცვალებადობას შორის, აშკარადება დამოკიდებულება პირდაპირი და ორგანული ჩვენი სულის ესთეტიკურ-ფილოსოფიური გააზრებისა და მდგომარეობისა; აზროვნების ფორმებისა და ცნებათა ფაქტობრივი მოცემულობის საკითხი გენეზისისა და შეფარდებულობის საკითხად გარდაიქცა; ღირებულება აბსოლუტური სულისა და შემოქმედების ფორმათა, რომელიც თეოლოგებისა და რაციონალისტების დეფინიციებში გამოსახავდა ტრანსცენდენტურ ჭეშმარიტებას, რომელიც ჩვენი პლანეტის განსაზღვრულ კუთხეში მეფეებისა, ეპისკოპოსებისა და ინდივიდუალისტების რეგალიებში ელვარებდა ყალბი პათოსით და პრეტენზიებით, *sub specie aeternitatis* საცოდავია.

ინდივიდუალისტური მომენტი

მეტყველება თავის ევოლუციაში განიცდის სისტემატურ ვალებსა და მდგომარეობისას და რამდენადაც ყოფა-ცხოვრების ფსიქოლოგია მოქმედებს კერძო ადამიანის ნებისყოფასა და სურვილებზე, იმდენად საერთოდ მდგომარეობა იძლევა შემოქმედების ერთგვარ ფარგლებს: შემოქმედება როგორც მხატვრული, ისე განყენებული, იწვევს შემოქმედნი ექსტაზს. ორგანულ ეროსს, რომელიც წარმოუდგენელია იმ ურთიერთობის გარეშე, რომელსაც ადგილი აქვს ორგანულ ცხოვრებასა და მდგომარეობას შორის, ექსტაზი დიონისური ან აპოლონური შეუძლებელია გრენლანდიაზე და ციმბირში, შეუძლებელია ისეთ პირობებში, სადაც არსისა და მდგომარეობის ურთიერთობა არ იძლევა ორგანულ სისავსის შეგრძნებას, სადაც ბუნება და მისი კლიმატიურ-გეოგრაფიული თავისებურება ხელს არ უწყობს ამ შეგრძნების განცდას.

საერთოდ, სულის არა მარტო გარეგანი ფორმა, არამედ შინაგან გაშლის საშუალებაც დაკავშირებულია სოციალური ევოლუციის ინტენსიობასთან: სული იკლავება ცხოვრების ხვეულებში და შემოქმედების სტილი და ფორმა ყოველი საუკუნისა სოციალური საჭიროების წნევით იქმნება. საბერძნეთის შემოქმედების ფორმები, მეტყველებისა და აზროვნების არქიტექტონიკა, ორნამენტები და ქანდაკებები, თვით მათემატიკურ-ფილოსოფიური დებულებანი აკეთილია საბერძნეთის სოციალურ-ისტორიული განცდით, მდგომარეობისა და არსობის ურთიერთობით: მსოფლმხედველობა ხალხისა, რომელსაც არ ჰქონდა დაუსრულებლობის წარმოდგენა, რომელიც ქვეყნის ბოლოს ხედავდა გიბრალტარის სვეტებთან და რომლისათვისაც სამყარო იყო ერთგვარი მოედანი განსაზღვრული ბილიკებით და არეებით, არსებობის წარმოსახვაში, მის ფილოსოფიურ-მათემატიკურ გაინტეგრალებაში იყო მარტივი, როგორც ვეკლიდეს პლანიმეტრიული ხაზები და წრეწირები; თავის განცდას და სხივოსან აკვამლებას სული ასახიერებდა კუნთურ-პლასტიკურ ფორმებში; „გამრუდებსა“ და „დატეხას“ ადგილი არ ჰქონდა: სოკრატეს დროს საბერძნეთი ნაწევარს არ იცნობდა და 1-სა და 3-ს შორის იცნობდა მხოლოდ ერთ ოდენობას—2-ს; ელინი ვერ ხედავდა განწვალების პროცესს — სიღრმეს, ხვეულებს, სულის ტეხილობას, ვინაიდან სოციალური ფსიქოლოგია, გაშლილი განსაზღვრულ არეზე და შემოზღუდული თვითშეცნობის სიამაყით, იყო სრულებით გარკვეული, დასრულებული, წყობილი; სულ სხვაა ეგვიპ-

ტისა და ინდოეთის ფსიქოლოგია დაუსრულებლობის შეგრძნობით. უსაზღვროების ხედვით: ბ უ და და აწვერადებული პირამიდები კო-ლოსალური სიმბოლოებია უსაზღვროების შეგრძნებისა და საბერძნეთის კულტურაში მსგავსი ამ სიმბოლოებისა არა არის რა: პ ლ ა ტ ო ნ ი ს ფილოსოფიური ინტუიცია მხოლოდ იმიტაციაა იმისა, რაც ორგანულად განიცადა ინდოეთმა და ეგვიპტემ; საბერძნეთმა უსაზღვროება შეკუმშა და ოლიმპიის ლამაზ ფერდობზე იხილა საიდუმლოება ცისფერი სიჩუმისა: ანფანტური და ნაიურია ელადის სული, მარტივი და მწყობრია მისი შემოქმედების ფორმები. ელადა არ იცნობს ფაქტის სიღრმეს, სიტუაციის რთულობას, სხვაობათა ნარევებს; სამყაროს შეცნობა ელადურ ფორმაში ყოველთვის პლასტიკური და ღიაა: ელინური სული შეიცნობს მხოლოდ უკიდურესობას: ტრაგედია ან კომედია, დრამა ჩვენი გაგებით — დრამა ტრაგი-კომედიური უცნობია ელინისათვის; ე ს ქ ი ლ ე, ს ო ფ ო კ ლ ე, ე ვ რ ი პ ი დ ე თავიანთ დრამებში არასოდეს მიზეზობრივ ფაქტებს არ იღებენ; ჩვენ არ ვიცით, — ე ს ქ ი ლ ე ს ტრაგედიიდან არ ჩანს,— როგორ და რა პირობებში მოიტაცა ცეცხლი პრომეთემ? ჩვენ არ ვიცით, ო ი დ ი პ ო ს მეფემ როგორ მოკლა მამა და როგორია მისი ქორწილი დედასთან? დრამიდან არ ჩანს, როგორ დამარხა ანტიკონემ ძმა? ფაქტი უკვე მომხდარია და ტრაგედია უკვე განსახიერებელია დასაწყისშივე; ფაბულა ტრაგედიისა მხოლოდ სულის გაწმენდისათვის ვითარდება თავისი შედეგებით; არქიტექტონიკა შემოქმედებისა ისახავს მორალურ-დიდაქტიკურ მიზანს და თეატრი განასახიერებს მხოლოდ მომხდარი ფაქტების შედეგებს იმდენად, რამდენადაც ეს შედეგები არღვევენ ელინური მსოფლმხედველობის ძირითად პრინციპებს და იწვევენ ამით ტანჯვისა და სასოწარკვეთილების გრძნობას. წუთისოფლურ ჩვეულებებს, განმტკიცებულს ადამიანის სულში, ბერძნული ტრაგედია უპირისპირებს ბედისწერის გარდუვალობას და დეტერმინიზმის ბორკილებს; პ რ ო მ ე თ ე, ა ნ ტ ი გ ო ნ ე, ი ქ ს ი ო ნ ი, ა ლ კ ე ს ტ ა ტრაგედიული არსებობის რეალიებია იმდენად, რამდენადაც ტრაგედიის ფაქტი უკვე მიღებულია, გარეშე ყოველგვარი კრიტიკისა და გადაფასებისა, გარეშე ყოველგვარი ეჭვებისა: არც ერთი ეჭვნარევი ქცევა პ რ ო მ ე თ ე ს ა და ა ნ ტ ი გ ო ნ ე ს მოქმედებებში არ ჩანს.

ელინიზაციის პერიოდი — ელინური მსოფლმხედველობის რღვევის პერიოდი — წარმართული სულის დაცრეცისა და განწვალების პერიოდია მისტიკურობის შეგრძნობამდე: პითაგორიზმი ელინური სულის

რღვევის თვითშეგრძელება და ქრისტიანული ფილოსოფიის ფესვებზე ელიზიზმის დაშლაში მაგრადებთან; საშუალო საუკუნეებმა კიდევ უფრო დაცრიეს სული ადამიანისა: სამყარო ადამიანისათვის გახდა კოშმარული მოჩვენება; ბედისწერა გარდაისახა და მეფისტოფელის პოზაში ჩადგა; ბრანსმორეულმა ადამიანმა ამოიღო ხმალი თავისი მეობისა და სულის სინაზის დასაცავად; ინდივიდუალიზმმა შემოზღუდა ფეოდალური ყორეებით ეზოები და არსებობის სევედა შეანელა თავისი სულის: სიღრმეში სატრფოს ალერსით: სულმა უარყო წუთისოფლური სიტლანქე და სატრფო — ხშირად ჭუჭყიანი საცელებით, ჩაგოდრებული დედაკაცი — ბეატრიჩედ გახადა.

სული, დაქანტული ბრძოლით და წუთისოფლური კოშმარებით, სული მაძიებელი ცხოვრების აზრის, სული დათენთილი და საცხე ეჭვებით, ისევენებს ქალის კალთაში და ამით ივიწყებს მარტოობას, უსამართლობას, ამქვეყნიურ შეურაცხყოფას; სატრფო წუთისოფლური ნუგეში იყო სულისათვის, რომელიც ბრუნდებოდა ბრძოლის ეელიდან აღელვებული სექსუალურ-ეროტული პალპიტაციით, შემთხვევით ბევრჯერ დამარცხებული, მაგრამ სიერციტ წარმოსახვასა და ოცნებაში გამაგრებული. რელიგია სდევნიდა მიწიერ ყოფას, გრძნობისა და სექსუალობის ინტერესებს ინკვიზიციებით, მაგრამ რაინდობის კულტი და გულის დასმა საშუალო საუკუნეთა განმავლობაში იცავდნენ გრძნობისა და სექსუალობის ინტერესებს, სხეულს, ეროტიკას, იცავდნენ მანამდე, სანამ ნატურალისტური წარმოშობის დაშლა ადგილს დაუთმობდა ქალაქების გამრავლებას და ნერგულ მისვლა-მოსვლას ცენტრებში, სანამ ჰუმანიზმი დაყრდნობილი ფსიქოლოგიურად ახალი ეპოქების კულტურულ ვიზარებას, ნიადაგს მოუმზადებს ინდივიდუალიზმის რესტავრაციას სოციალურ პირობებში.

საზოგადოება არსებობს ინდივიდუუმების წყალობით, მათი თავისუფალი შეთანხმების ძალით; პიროვნებას აქვს ბუნებრივი უფლება შეთანხმებისა მეორე პიროვნებასთან, საზოგადოება არის იარაღი ინდივიდუალურად დასახული მიზნებისა; საზოგადოება საპიროა მხოლოდ იმისათვის, რომ მიაღწიოს საზოგადოების თითოეულმა წევრმა ბედნიერების მაქსიმუმს; ასეთია ფორმულა XVIII საუკუნის მსოფლმხედველობისა და იქ იპოვა დასაყრდენი ემანუელ კანტის მორალურმა იმპერატივმა: „ნუ უზამ სხვას იმას, რაც შენთვის არ გინდა“. იმპერატივის ფორმულა, ამოღებული სახარებიდან. ეგუება რუსოს და კანტის დროის საზოგადოებრივ მსოფლგაგებას. ფსიქოლოგიას: კა-

ტეგორიული იმპერატივი იყო სინთეზური დებულება სამშუალო საუ-
ქუნეებიდან მიღებული ფეოდალურ-არისტოკრატიული ინდივიდუალი-
ზმისა და თეოლოგიურ-ეკლესიური ეთიკის ვაერთიანების ნიადაგზე
წარმოშობილი, იმ ნიადაგზე, რომელიც ფსიქოლოგიურად მოამზა-
და ჰუმანიშემი და რეფორმაციებმა. ჰუმანიშემი — ინდივიდუალობის
მთლიანობის მაძიებელმა — შეაერთა ეს ორი სხვადასხვაგვარი იდეოლო-
გიურ-კულტურული მიმდინარეობა ევროპის ახალ მსოფლმხედველო-
ბაში. ცივილიზაციამ ფეოდალური ეზოებიდან, დაღვრემილი მონასტ-
რებიდან ქალაქებში გადასულმა, მიიღო ახალი მორალური ჩასიათის
სანქცია: „მოხანთა წყობაში ადამიანი მიზანია თავისთავად“ — ამბობს
კანტის ეთიკური პრინციპი; პოლიტიკურ ეკონომიაში იწყება საზო-
გადო მეურნეობის ატომიზაცია; საშუალო საუქუნეობრივი მექანიკუ-
რი განაწილება ქვეყნიური დოვლათისა კერძო საკუთრებად გრძელ-
დება მხოლოდ იმ განსხვავებით, რომ ადგილი ეთმობა თავისუფალ
კონკურენციას, რასაც სდევნიდა აგრესიული ინდივიდუალიზმი ფეო-
დალური წესწყობილებისა. საზოგადო ბედნიერება ადამიანს შესაძლებ-
ლად მიაჩნია მხოლოდ მაშინ, თუკი ყოველი ცალკე პიროვნება თავის-
თვის განახორციელებს ბედნიერებას: „დეე, ყოველმა თქვენგანმა იფიქ-
როს საკუთარი თავის ბედნიერებაზე და ეს ჩვენ მალე მიგვიყვანს საერ-
თო ბედნიერებამდე“, — სწერდა გოეთე სენ-სიმონისტებს: ლიბერალ-
ური ბურჟუაზია, რომელიც ევროპის დიდ ქალაქებში შეიქმნა მემ-
კვიდრე ფეოდალური არისტოკრატიისა, აცხადებს პრეტენზიებს აბსო-
ლუტურ თავისუფლებაზე და მორალური კანონი ითხოვს, რომ ადა-
მიანი არასოდეს უარს არ ეუბნებოდეს თავის უსაზღვრო სურვილებს.
თუნდაც ეს იყოს საზოგადოებისათვის მავნებელი: ლიბერალური ინდი-
ვიდუალიზმისათვის საზოგადოება არის ერთგვარი სააქციონერო კამპა-
ნია, რომელიც საჭიროა ინდივიდუალური ინტერესების დასაცავად:
ლიბერალური ინდივიდუალიზმის სახელმწიფო სისტემა მანჩინსტერის
სკოლის პოლიტიკური თეორიაა, რომელსაც ფერდინანდ ლასალი
უწოდებს ბარბაროსულად მოწყობილ (Die indirecte, Steuer, S. 116)
საექსპლოატაციო საზოგადოებას; რუსი ფილოსოფოსი, აზროვნების
კონსტრუქციით მისტიკოსი ვლ. სოლოვიოვი შემდეგი სიტყვებით
ახასიათებს ლიბერალური ინდივიდუალიზმის თავაწყვეტას: „მოისპო-
რა ტრადიცია, რომელიც თითოეულ პიროვნებას ქმნიდა საზოგადოებ-
რივი ჯგუფის უმაღლეს ელემენტად, ახალმა კულტურულ-ცივილიზა-
ციურმა მოძრაობამ ადამიანი მიაკუთვნა თავის თავს; ინდივიდუალობა

თითქოს განთავისუფლდა, მაგრამ საფუძველი და საზრდო დაკარგა: კერძო ეგოისტური ინტერესი, შემთხვევითი აფექტი, წვრილმანი უმნიშვნელობა, ატომიზმი ხელოვნებაში — აი უკანასკნელი სიტყვა დასავლეთის ცივილიზაციისა*: „თუ ისტორია კაცობრიობისა, — განაგრძობს სოლოვიოვი, — არ უნდა დამთავრდეს ამ უარყოფითი შედეგით. თუ გამოჩნდება ახალი ისტორიული ძალა. მისი ამოცანა იქნება შემუშავება ცხოვრებისა და ცოდნის ისეთი ელემენტებისა, რომ შეარიგოს „უმალღეს დასაწყისში“ ერთმანეთთან მტრულად განწყობილი ელემენტები. შერიგებითი ხასიათის „უმალღესი დასაწყისი“ გულისხმობს ზეინდივიდუალურ პრინციპს, რომელიც იქნება გარეშე ყოველგვარი ეგოიზმისა, ალტრუიზმისა, უტილიტარიზმისა და რომელსაც არსებობის სიღრმეებში, სოციალური დუღილის ქვაბში ასახიერებს წარმოებისა და ინდუსტრიის განვითარება. ყოველი კერძო ადამიანი, დაკარგული ინდივიდუალისტურ-ატომისტურ საზოგადოებაში, დაავადებული თვითგანმტკიცებისა და მარტოობის სფეროში ინდუსტრიისა და კაპიტალისტური წარმოების დიფერენციაციით, იძულებულია განეწყოს სოლიდარულად საზოგადოებასთან, ეგოიზმისა და ალტრუიზმის მორალის ზღუდეებიდან გადავიდეს სოციალური ურთიერთობის სოლიდარიზაციაში; უდიდესი ხელისშემშლელი ყოველი კერძო ადამიანის არსებობისათვის ბრძოლაში არის მარტოობა სულიერი და მატერიალური. ატომიზმი კულტურულ-ცივილიზაციური, განკერძოება ფიზიკური და მორალური; ბურჟუაზიულ-კაპიტალისტურ საზოგადოებაში „ინდივიდუალისტური დასაწყისი“ ღრღნის სოციალურ ურთიერთობათა ენერგიას და ამით ნიადაგს უსპობს ყოველგვარ ნიქს და ორიგინალობას; პიროვნება იღუპება არა იმიტომ, რომ იგი იყოს შრომის ფუნქციის მანქანა, არამედ იმიტომ, რომ ინდივიდუალისტური წარმოება საშუალებას არ აძლევს მას, აირჩიოს შრომის სპეციალური დარგი თავისი ნიჭისა და სიმპათიის შეფარდებით; პიროვნება იტანჯება არა შრომის სპეციალიზაციით და განწყალებით, არამედ იმით. რომ სოციალური არე შეზღუდულია ინდივიდუალიზმის ჩინური ყორეებით. ცხოვრების ბილიკები დაკავებულა და ყოველი შემთხვევას საღარაჯოზე დგას კერძო წარმოების ნიადაგი; მეცნიერებისა და ხელოვნების სხვადასხვა ფორმა ისე არის მორთული, რომ დააკმაყოფილოს სურვილები წრისა; ფილოსოფია, ესთეტიკა, ხელოვნების სხვადასხვა ფორმა მკაც-

* Вл. Соловьев, «Философ. начала цельного знания». жур. МНПР. 1877, кн. 3—4.

ლერობს; ბურჟუაზიული ინდივიდუალიზმი, შეიარაღებული მეცნიერების, ფილოსოფიის და ხელოვნების დიადი არსენალით, ორგანულად ვერ სცილდება კომერციულ-მაკლერულ სინამდვილეს. ვერ იხედება სოციალურ-ურთიერთობათა კონსოლიდაციას სფეროში, რომლის ფსიქოლოგიური ნიადაგი ისტორიულად მომზადებულია ინდივიდუალიზმის რღვევით: კაპიტალიზმის გაშლა მსოფლიო მასშტაბით, ოკეანეებისა და კუნძულების გაცნობა თანდათანობით აფართოებენ კაცობრიობის სულსა და მსოფლმხედველობას; წარმოებისა და მრეწველობის ვითარება თანდათანობით იხლართება ადამიანის სოციალურ ურთიერთობათა პერიპეტეტიკაში და სული, ოდესღაც შეზღუდული ფეოდალურ-არისტოკრატიული ინდივიდუალიზმით, თანდათანობით ეშვება კოსმოსურ უსაზღვროებაში.

ხელოვნება და სოციალური სული

მრავალ საუკუნეთა აბსოლუტიზმს ფსიქოლოგიურად გამოეცალა საფუძველი: აბსოლუტიზმი ხმლისა და ეკლესიის, ერთ დროს გამაგრებული ინტელექტუალური მორჩილებისა და მოცემულობის აბსოლუტიზმით, თეოლოგიისა და ეპისკოპოსების აბსოლუტიზმით დაცარიელდა შინაგან წყობაში; იდეოლოგია ინდივიდუალიზმისა და იდეალიზმისა, იდეოლოგია მეობის აბსოლუტური პრეტენზიებით და რელიგიურ-მორალური მისწრაფებებით დამთავრდა ჰამლეტისა და ფაუსტის პრობლემებით; ადამიანი, რომელიც ოდესღაც თავის თავს ინუგეშებდა ფარ-ხმალით და ეკლესიით, დარჩა თავისი ექვების ამარა; სევდა შეიპარა კაცობრიობის სულში — სევდა მარტოობისა და რღვევის: ინდივიდუალიზმის განგაში და ელვარება ფეოდალურ სასახლეებში გაქრა; სული, რომელიც შეეყვარებული იყო ინდივიდუალიზმზე, სევდით და ექვებით აივსო; რომანტიზმმა წესი აუგო ინდივიდუალიზმის დამარცხებას, მან ფრედებისა და სარდანაპალების ქაოსურ სურვილებს, მათი სასახლეებისა და ციხე-კოშკების ნგრევას; რომანტიზმმა აღიარა სასოწარკვეთილებით, რომ ძლიერა პიროვნებისა და მისი წუთისოფლური გაქანებისაგან რჩება მხოლოდ ერთი მუჭაღა მტვერი; რომანტიზმმა არწივის ჰორიზონტიდან დაიწინა. რომ ამ ქვეყნად ნაპოლები ისე საცოდავად ქრებიან, როგორც ბელურები ტყეებში ქარიშხლის დროს.

საფრანგეთის რევოლუციამ და parvenus — იმპერატორმა კაცობრიობის მოაზროვნე ნაწილს დაუმტკიცეს, რომ ცხოვრებაში აბსოლუტებს ადგილი არა აქვთ, რომ ცხოვრება არის დაუსრულებელი ფერისცვალება და პრინციპების დაღუპვა, რომ დიადი და მშვენიერი წესისოფლად თავდება ნაკვით და არარაობით; ნაკვისა და მტვრიდან ჩნდებიან მშვენიერი სახეები და დიადი ფაქტები.

მეორე მხრით, საფრანგეთის რევოლუციის შემდეგ, ბუნებისმეტყველების განვითარებამ. სოციოლოგიისა და ბიოლოგიის მიღწევებმა მოუღეს ბოლო ყოველგვარ ალეთოლოგიურ-ეპისკოპოსურ აზროვნებასა და მსოფლმხედველობას; ბიოლოგიასა და სოციოლოგიაში განმტკიცდა პრინციპი გაადგილებისა, ლოკალიზაციისა: მდგომარეობა და ცხოვრების პირობები ყოველი არსის მოძრაობას აძლევენ მიმართულებას, სულისა და ტანის ფორმებს; არაა არის წუთისოფლად მარადიული და ზედროული; ყოველი ფორმა სულისა და ტანის შემოქმედებაა დროისა და მდგომარეობის გველენის; სამყაროს სურათი, რომელსაც ვხედავთ ჩვენ, შედეგია წვალებისა გეოლოგიურ ევოლუციათა; ყოველი არსი, მოძრაობს რა კოსმოსურ რთობაში, განსაზღვრულია თავის მოქმედებებში მდგომარეობით; ისტორიამ და მეცნიერებამ გააშოშველეს ყოფა წუთისოფლური, ჩამოგლიჯეს მსოფლმხედველობიდან ტრადიციულად განმტკიცებული პრინციპები; ქალაქური ცხოვრების ვითარებამ. კაპიტალიზაციის უსამართლო პროცესმა საცხებით გაანადგურა პიროვნება: ქალაქი გახდა სიმბოლო კოსმოსურა ქაოსისა და ადამიანმა იგრძნო საწინელი სევდა მარტოობისა, უიმედობისა, სასოწარკვეთილებისა, იგრძნო, რომ ინტქმება ქაოსის ხახაში.

ეკონომიურად შეძლებული კლასი დიდი ქალაქის კაფერესტორნებში თავიანთ მეტრესებთან ივიწყებს ინდივიდუალიზმის დაღუპვას, მარტოობის გრძნობას: შემოქმედება და ხელოვნება დავიწყებისა და გართობისათვის, თამაშისა და სიამოვნებისათვის, — ამბობს ქალაქის სული; აზრი, იდეა, შინაარსი საინტერესო არ არის; ფერები და ფორმა. კოსმექტიკა, საღებავი, სურნელოვანი წყლები, ლამაზი ტანები, სულს სიმთვრალე, გაღიზიანება ნერვებისა რაც შეიძლება მეტი. — აი კაფერესტორნული იდეოლოგია დიდი ქალაქისა, სული ცივილიზაციისა და კულტურისა, ალკოპოლით დასუსტებულ ნერვებს ეზარება ძლიერი განცდა, ეზარება ტრაგედია, შექსპირი, არ უყვარს მეცნიერება, სერიოზული გააზრება; დათენთილი სული ვერ ითმენს წინაგანი ხილვის განათებას და ნერვები მიეჩქარებიან სინემატოგრაფში. სადაც არის

დერებისა და ლანდების ბორიალება, ისეთივე აჩქარებული მოძრაობა-
ნი, როგორც ახასიათებს ბურჟუაზიულ ურბანიზმს. მ დ გ ო მ ა რ ე ო -
ბ ა მ შ ე ქ მ ნ ა ს უ ლ ი ე რ ი გ ა ნ წ ყ ო ბ ი ლ ე ბ ა და სულიერი გან-
წყობილება ო რ გ ა ნ ო ტ რ ო პ უ ლ ა დ მ ი ი ლ ტ ვ ი ს მ დ გ ო მ ა -
რ ე ო ბ ი ს ა კ ე ნ ; სული მიიჩქარის განიავებისაკენ, სულმა დაკარგა
ეპიკური სიმშვიდე, ხელოვნებაში შემოიჭრა ნევროსი; ინდივიდუალი-
ზმი იხრჩობა თავის ნაკუჭში; დაღლილი, დათენთილი ტანი გრძნობს რა-
უკანასკნელ წუთებს, მიეჩქარება კაფე-რესტორნებში მეტრესებთან;
სათრეველად და სალაღობოდ; განცდა განცდას ახრჩობს და ნერვულ
კონვულსიებში ისმის გედის სიმღერა დიდი ქალაქისა — დეგენერაციის
მწარე თქმა და კომმარული ვიზიონები ბ ო ღ ლ ე რ ი ს ა და ვ ე რ ლ ე -
ნ ი ს ლ ა მ ე ნ ტ ა ი ე ბ შ ი , ექსპრესიონისტულ დაქინთვასა და ფუტურის-
ტულ ღრეობებში. სოციალური ყოფა აძლევს მიმართებას შემოქმედე-
ბას; სოციალური ყოფა მოქანდაკეა ხელოვნებ-ს ფორმებისა: გოთუ-
რი სტილი. აწვერადებული და საზღვარცილებული, რელიგიური
ლტოლვის სტატიკური ფორმა; იმპრესიონიზმი ევროპის დიდი ქალა-
ქების ვიტრინების ლივლაგებითაა შთაგონებული; ექსპრესიონიზმი
გერმანული დაძაბულობის პათოსია; სოციალური ფსიქოლოგიის ინ-
ტენსივობა ს უ ლ ი ს გ ა და ხ რ ი ს მ ი მ ა რ თ ე ბ ი თ ქ მ ნ ი ს ხ ე ლ ო ვ -
ნებისა და მეტყველების ფორმებს. კულტურის ევოლუცია ასხვაფე-
რებს ცნებებსა და მეტყველების იდეოლოგიურ კონსტრუქციას; ცნე-
ბას აქვს პირდაპირი დამოკიდებულება სოციალურ საჭიროებასა და ინ-
ტერესებთან; ცნებაში, ისე როგორც მეტყველებაში, არ არის არაფე-
რა აბსოლუტური, არაფერი ზედროული, არაფერა მარადიული და
ღვთაებრივი; ყოველი ცნება თავისი გამომსახველი სიტყვით (რომე-
ლიც ერთგვარი სავიზიტო ბარათია ცნების) აისახება მეურნეობისა და
სოციალური კულტურის ევოლუციაში და ვინაიდან ყოველ ეპოქას
აქვს თავისი საკუთარი სოციალურ-ეკონომიკური სტრუქტურა, ყოველ
ეპოქას აქვს თავისი სოციალური ხასიათის საჭიროებანი, ცნება ესთე-
ტიკური, მორალური, ფილოსოფიური ყოველი საშუკუნისა და ყოველი
ხალხის ცხოვრებაში სხვაფერდება იმის მიხედვით, თუ რა სახისაა ცვლი-
ლება ადამიანთა შორის მატერიალური ინტერესებისა და სოციალურ
ჯ რ თ ი ე რ თ ო ბ ა თ ა .

სოციალურ-ტროპული კომპლექსიზმი აზროვნების სწორად აღე-
ბული მეთოდოლოგიური პრინციპია — პრინციპია ახალი იმდენად, რამე-
დენადაც სოციალურ-კულტურული კონსტრუქცია მეთოდოლოგიისა

ითქვიფება ორგანოტროპიზმში; ყოველგვარ აპრიორიზმსა და ალეთოლოგიას, ყოველგვარ იდეალისტურ-აბსოლუტურ განმარტებას ფილოსოფიისა და ხელოვნების პრობლემებისას ორგანოტროპიზმის შემდეგ ბოლო ედება: ამკარავდება უდავო კავშირი კაცობრიობის იდეოლოგიისა და სოციალურ-კულტურულ მყარობათა, ამკარავდება დამოკიდებულება პირდაპირი და ორგანული სულის ესთეტიკურ-ფილოსოფიური გაახრებისა მდგომარეობასთან; აზროვნების ფორმებისა და ცნებათა ფაქტობრივი მოცემულობის საკითხი გენეზისის და შეფარდებულობის საკითხად გადაიქცა. სულიერობა არის თვისება მატერიისა ისეთივე, როგორც რადიაცია და ელექტრონი; ჩვენს ამეტყველებასა და გაახრებას ისე ესაჭიროება ორგანულ-მატერიული ღრესა და წვა, როგორც ელექტრონსა და მაგნეტიზმს; ჩვენი გრძნობათა ორგანოები მხოლოდ არხევენ, ასახიერებენ, ავითარებენ იმ განცდათა ფსიქიკურ კაბიტალს, რომელიც ჩვენი ნერვული სისტემის უკრძალულ ხეულებში გადმოლიკა წინაპართა ბიოლოგიურ-ფიზიოლოგიურმა ლეღვამ. წინაპართა განცდა, ისე როგორც ყოველი ეპოქის განცდა, ვითარდებოდა და სახიერდებოდა მეურნეობისა და მატერიალური კულტურის განსაკუთრებულ პირობებში. კაცობრიობის მეცნიერებისა და მატერიალური კულტურის ფორმა დამოკიდებულია გეოგრაფიულსა და მეტეოროლოგიურ პირობებზე. ეგვიპტის ოჯახური და საზოგადოებრივი მეურნეობის ფორმა შეფარდებულია ნილოსის მიდამოების გეოგრაფიულსა და მეტეოროლოგიურ პირობებთან; საქართველოს მეურნეობა და სოციალური კულტურა საქართველოს ჰაერასა და მაწა-წყლის თავისებურებასთან არის დაკავშირებული; ხელოვნება და საერთოდ შემოქმედება ყოველი ხალხისა ისახება სოციალურ ევოლუციის ფარგლებში.

სიტყვა ყოველ ეპოქაში იქმნება ნივთის საჭიროებრს დროს; ფერები და ნაკვთები ხელოვნებაში იარაღებია იმ სულიერი სისხვის გამოსახატავად. რომელიც დაგროვდა სოციალურ-ისტორიულ პროცესში და რომელსაც მიმართებას აძლევდა ადამიანთა ურთიერთობა, შექმნილი ეკონომიკური და ბიოლოგიური ინტერესებით: არსებობის განსაკუთრებულ პირობებში ადამიანი იჩენს ერთგვარ ზედას და ოსტატობას; სხვადასხვა პროფესია — პროფესია ნადირობის, თევზაობისა, მიწის დამუშავების, ვაჭრობისა და მრეწველობისა აიხსნება არა ტრანსკენდენტურად მოცემულ ნიჭიერებით. არა ზემოაღონებით. როგორც ფიქრობენ ყველა კატეგორიის რაციონალისტები და ალექსანდრე სტე

ბი, არამედ ბუნებრივ-მატერიალური შესაძლებლობით და ინტერესით; თავისებურება რასული ჩვენთვის არ არის *universalia ante rem*; რასა შეგუებისა და ბიოლოგიური წვალების შედეგია: არავითარი მარადიული რეალა რასას არა აქვს და რასული თავისებურება ისე, როგორც ჭიში, ხშირად იცვლება მატერიალურ და სოციალურ ურთიერთობაში; ბიოლოგიური ფაქტი სოციალურ პირობებში განიცდის ფერისცვლებას და თუ სოციალურ-მყარული პირობები ხელს არ უწყობს, შეიძლება ჭიში როგორც ბიოლოგიური ფაქტი გადაშენდეს. გადასხვაფერდეს. ხელოვნება ყველა ხალხისა და რასისა ეძიებს ისეთ ფორმებს, რომელნიც გამოსახვენ მეურნეობისა და სოციალურ-კულტურულ საჭიროებათა ასოციაციებს; ავსტრალიელები და ესკიმოსები რასულად და ანთროპოლოგიურად დიდად განსხვავდებიან ერთმანეთისაგან, მაგრამ მათი ერთნაირი მეურნეობა — წარმოება და სოციალური საჭიროების ინტერესები მათს ხელოვნებათა ფორმებს ერთმანეთს ამსგავსებს; ყველა რასის ყველა მონადირე ხალხს ერთნაირი არქიტექტონიკის ხელოვნების ფორმები აქვს; ყველა რასის ყველა მიწის მუშა ხალხს აქვს ერთნაირი არქიტექტონიკის ხელოვნება. სოციალური საჭიროების ინტერესი არის დირიჟორი და კონსტრუქტორი ხელოვნების ფორმებისა: რაც უფრო ერები თანდათანობით კულტურის ევოლუციაში ერთნაირ სოციალურ-ეკონომიკურ პირობებში იქნებიან, მით უფრო საერთო იდეები და საერთო გაცდანი ექნებათ მათ; მრეწველობის განვითარება და ქარხნების გამრავლება სხვადასხვა მიწა-წყალზე ერთსა და იმავე იდეოლოგიურ სტრუქტურას სახავენ; თუ აზროვნების' და ხელოვნების ევოლუციის წარსულში სულს კუთხური ტროპიზმი ახასიათებდა, მომავალში ინდუსტრიისა და სოციალური კულტურის ცენტრალიზაციასთან შეფარდებით სული გაიშლება თავის ესთეტიკურ-ფილოსოფიურ ზრახვებში უნივერსალურად და კოსმოსურად: სული კულტურისა და ცივილიზაციისა მიილტვის მარადობისა და უსაზღვროებისაკენ, მაგრამ კაცობრიობა, მიმოფანტული სხვადასხვა მიწა-წყალზე ტომებად, შებოჭილია სამყაროს სხვადასხვა კუთხეში ადგილობრივი მდგომარეობით და სოციალურ-ტროპული ინტერესით.

ესთეტიკური გრძნობის გამოსახვა პირვანდელი ფორმაა კულტურისა და ცივილიზაციისა: ორნამენტიკამ წარმოშვა და განავითარა ტექნიკა; ცეკვამ და კოსმეტიკამ ხელი შეუწყვეს კაცობრიობის გამრავლებასა და ქვეყნის კულტურულ მოშენებას სქესების ერთმანეთთან დაახლოვებით; პოეზიამ და მუსიკამ ავარჯიშეს სოციალური ტემპერამენტი

და მისი ნებისყოფის სიძლიერე, რასაც დიდი მნიშვნელობა ჰქონდა არსებობისათვის ბრძოლაში და საერთოდ ბიოლოგიურ-ორგანულ თავდაცვაში.

ყოველი ფორმა ხელოვნებისა და ლიტერატურისა გამოწვეულია სოციალური ინტერესით და ძველი ესთეტიკური ფილოსოფია სილამაზისა და მშვენიერების ღვთაებრივობისა, ხელოვნება თამაშის თეორიით მოკლებულია აკადემიურსა და ფსიქოლოგიურ საფუძველს: ხელოვნება თამაში კი არ არის, არამედ ფუნქცია სოციალური ცხოვრებისა; მართალია, ხელოვნების მიმართება ხშირად ნაკარნახევია ბიოლოგიური მოთხოვნელებით, მაგრამ თვით ბიოლოგიური მოთხოვნელების დაკმაყოფილება მოითხოვს ერთგვარ სოციალურ არეს, ერთგვარ ურთიერთობას სხვა არსებებთან და ამიტომ ბიოლოგიური ინტერესის განხორციელება ყოველთვის სოციალურ მოხერხებასა და შესაძლებლობაზეა დამოკიდებული; სოციალური კულტურის ევოლუცია ახდენს ხელოვნების ფორმების სახეცვლილებას: ქორეოგრაფიას ეკარგება ის მნიშვნელობა, რომელიც მას ჰქონდა პრეისტორიულ მდგომარეობაში, ვინაიდან საზოგადოებრივი ჯგუფები გამრავლდნენ და ტექნიკურად შეუძლებელი შეიქნა ერთი ცეკვის გარშემო შემოერთება მრავალი ათასი ადამიანისა: ვიწრო თემში, რამდენიმე ათეული კაცისათვის კიდევ შესაძლებელი იყო კუნთურ-მიმიკური გამოსახვა შინაგანი განცდისა, რომელიც წარმოადგენდა პლასტიკურ ფორმას კუნთების მოძრაობაში, მაგრამ დროთა ვითარებაში, სოციალური კულტურის ევოლუციაში არსებობის საჭიროებასთან, ადამიანთა შორის ურთიერთობათა ვითარებასთან ვითარდება ფორმა კუნთურ-პლასტიკური შემოქმედებისა. პრინციპი ესთეტიკური განცდისა ყოველი ეპოქის და ყოველი ხალხის ცხოვრებაში აისახება ფსიქოლოგიურად სოციალურ საჭიროებაში: მონადირე ხალხის ცხოვრება აისახება ფსიქოლოგიურად ნადირობის საჭიროებაში: მონადირე ხალხის ცხოვრებაში, მაგალითად, ყოველთვის დიდი მნიშვნელობა აქვს ცეკვასა და პანტომიმას; ცეკვას თან ახლავს ყოველთვის სიმღერა ხან უბრალო ტონალური გაბგერების სახით. ხან სიტყვებით, ეესტიკულაციით და მიმიკით საერთოდ, ველური და უკულტურო ხალხის ცხოვრებაში სიტყვათა რიცხვი ძლიერ მცირეა და ყოველგვარი საჭიროების დროს ველური ადამიანი სურვილის გამოსახატავად ხმარობს კუნთების მოძრაობას: აზრი აქვს, მხოლოდ სიტყვები არა აქვს... დრამატული ხელოვნება მუსიკით პირველყოფილი სულერი დრამის გამოახვევა და ყოველგვარი სულის ღრმად მხედველია.

ერთგვარი სევდისა და სოციალურობაში გაშლის წყურვილისა. სულის მოძრაობაში ყოველთვის არის სურვილი ერთგვარი მეობის გარღვევისა, ჯაღრებისა, მრავლობაში გასვლისა; მაგრამ ყოველი ხალხის ცხოვრებაში სულის ესთეტიკური ფილოსოფიური განცდა სახიერდება ადგილობრავ პირობების ასოციაციებთ და მეთოდი, რომლითაც შეიძლება სხვადასხვა დროისა და სხვადასხვა ხალხის ხელოვნების ფორმების შესწავლა. ვერც გასცილდება ვერასოდეს ორგანოტროპიზმის საზღვრებს: მდგომარეობისა და შემოქმედების ურთიერთობა ფორმულა კულტურულ-ცივილიზაციური მოძრაობის, ესთეტიკურ-ფილოსოფიური გააზრებისა და ხელოვნებისა; წმინდა ხელოვნებისა და ხელოვნება-თამაშის თეორია ესთეტიკური აბსოლუტებისა ირღვევა ეთნოლოგიური და ისტორიულ-სოციალური ფაქტებით; ყოველი ხალხისა და ყოველი საუკუნის კულტურა, ხელოვნება, ესთეტიკური იდეალები თხოულობენ შანაგან გამართლებასა და ფსიქოლოგიურ ინტერპრეტაციას: იპონელისათვის გაუგებარია რემბრანდტის სურათები, განსაკუთრებით ზოგიერთი მისტიკური შინაარსისა; რომელი ევროპელი მოაზროვნე იტყვის: რისი თქმა უნდა ავსტრალიელს იმ მხატვრობით, რომელიც იპოვა გრემი ელენელგის გამოქვებულში? საჭიროა დიდი და ღრმა დაკვირვება პაპუასების სოციალურ-კულტურული და აგრესიული ცხოვრებისა, მისი თავისებური შინაგანი სტრუქტურისა და რელიგიურ-სტრატეგიული სიმბოლოებისა, რომ ახსნათ, თუ რატომ უკეთებენ პაპუასები თავიანთ საომარ ნავს წინა ნაწილზე ჩიტის თავს? რა ესთეტიკური ღირებულება აქვს სიქსტინის მადონას რომელიმე ბუშმენისათვის და თუნდაც მონგოლისათვის? რა აზრი აქვს სუდანელი ზანგისათვის „აბესალომ და ეთერის“ მუსიკას, ან ვაგნერის მუსიკალურ ინსტრუმენტობას? განა ჩვენთვის გაუგებარი და სასაცილო არ არის ბუშმენებისა და პოლინეზიელთა ხორალები? — ყოველ ყოფას ყოველ მიწა-წყალზე წუთისოფლად აქვს საკუთარი სული, სევდა, განცდა. სტილი და იდეა; სამყაროს დაუსრულებლობაში, ხალხთა გუგუხსა და მოძრაობებში, ეპოქათა და მოდგმათა ფერისცვალებაში ყოველი მომენტი არსებობისა, ყოველი სახე წარმოშობილი ბიოგენეტიკურად. მართლდება თავის შინა-წყობაში პირობებით და მდგომარეობებით — სულისა და გარემყარობის ურთიერთობით — ორგანოტროპიზმით; ყოფა ყოფას მოწყვეტილია სულიერად და ყოველი არსი უსაზღვროების არეზე მარტოა განცდაში; სული და მისი რეალები კეთანურ-ტროპული ფორმებია ორგანულ-ბიოლოგიური შეგუებისა; შემოქმედების ყოველი

ფორმა გამოსახავს კუთხურ ტკივილებს და სიხარულს, კუთხურ განცდასა და სევდას; ღირე ულება კუთხურ-კლასური საჭიროების კვალი-ფიკაციით ისაზღვრება: იაპონელისათვის იაპონური ხელოვნება დიალი და შშვენიერია, ვინაიდან მასში გამოსახულია იაპონური ყოფი-ორგანოტროპული განცდა; ბუშმენისათვის ბუშმენური ხელოვნება სავსეა აზრით და მშვენიერებით: ყოველი ხალხის და ყოველი საუკუნის სოციალურ-ისტორიული პირობების კომპლექსი ათავისებურებს ხელოვნების პრინციპს, ესთეტიკურ-ფილოსოფიურ იდეალებსა და წრახვევს: ესთეტიკური ღირებულება განიზომება ყოველთვის სოციალური ფსიქოლოგიის მაპარათებით ადამიანთა ურთიერთობას რეტერესისა და საჭიროების ფარგლებში; ფილოსოფიურ-ესთეტიკური იდეა იკვეთება კუთხურ-ტროპული განცდის დაზგაზე და სული ადამიანისა, როგორც ალკოპოლიკი, იხრება ვალიზიანებისა და მდგომარეობისაკენ მთელი თავისი მემკვიდრეობით მიღებული თვისებებით და ჩვეულებებით.

სოციალური ფსიქოლოგიის ვარჯიშობა და ჩვეულებების განპტკიცება მმართველობს ხელოვნების ფორმების შერჩევაში: საბერძნეთში სოციალური ფსიქოლოგიის მთავარი ყურადღება მიქცეული იყო ადამიანის ტანისკენ. კუთხურ-პლასტიკური იხტენსივობისაკენ და აპიტომ ელინს ასე ემარჯვებოდა ხელოვნებას იდეალების განსაზიერება ქანდაკებებში ტანადობისა და ორგანულ-კუნთურა მოყვანილობის უმემკვიდრე ფორმებში: მეტყველებისა და ლიტერატურის ფორმები, სტილი ბერძნული გამოცხახველია სულის მოქანდაკური წყობისა: პომპრისის პომეების მეტყველებითი „ინსტრუმენტოკა“ დამახასიათებელია ელანური განცდისათვის, დამახასიათებელია როგორც ეპოფენომენა სოციალური ფსიქოლოგიისა. სამულო საუკუნეებში არქიტექტურა სიპოლურად აერაებდა სულსა და ხორცს გავანტური კაიდრალების გაშლალი გუმბათების რელიგურ-ესთეტიკურ წარმოსახვაში; რენესანსის სოციალური ფსიქოლოგიის აფექციონალიზში ადამიანის სულის ცივილიზაციურ ვიზიონერობას და სევდას სახავს მხატვრობითა და მისი ფერებით — ჩრდილისა და სინათლის ნიუანსებით.

ხელოვნება ამეტყველებს სხვადასხვა ფორმებში სოციალურ-ისტორიულ გრძობებსა და იდეალებს: როგორც ბუშმენებისა და ავსტრალიელების ცეკვაში, საბერძნეთის ქანდაკებებში, ისე სამულო საუკუნეთა არქიტექტურასა და რენესანსის მხატვრობაში ხელოვნება იმღევა საზოგადოებრივ გრძობათა დინამიკური გაერთიანების სტატისკურ ფორმებს. ხელოვნება ყოველთვის აერთიანებს ადამიანებს განსა-

კუთრებულ სოციალურ-ისტორიულ პირობებში; სწავრო გრძნობა ასახული ლიტერატურაში, აფერადებული მხატვრობაში, გამოქანდაკებული მარმარილოსა და ბრინჯაოში, გაბგერებული მუსიკაში ამოძრავებს და ამოქმედებს სოციალურ სულს, მიმართებას აძლევს სოციალურ ნებისყოფას, იწვევს აზროვნების კოროლარებს, სავალდებულოს განსაკუთრებული ეპოქისათვის და საზოგადოებისათვის; ვერავითარი ადმინისტრაციული ზომები ვერ შექმნიან მთლიანობას ფსიქოლოგიურს ხალხის ცხოვრებაში ისე, როგორც ხელოვნების პლასტიკური ან ლიტერატურულ-ესთეტიკური ფორმა: გერმანიის გაერთიანებისათვის გოეთემ უფრო მეტი გააკეთა, ვიდრე ბისმარკმა; პოლიტიკურად დაწეწილი იტალია ფსიქოლოგიურად გარდაისახა ისტორიულ პროცესში მას შემდეგ, რაც დანტემ განასახიერა იტალიის საშუალო საუკუნეობრივი სული თავისი კომპარებით და ილუზიებით; საქართველოს კულტურის ძლიერებისა და ცენტრალიზაციისათვის შოთარუს თაველმა და შავთელემ გაცილებით უფრო მეტი გააკეთეს, ვიდრე თამარ მეფემ და დავით აღმაშენებელმა; ხელოვნება სტატიკური ფორმაა ისტორიული idee force-ის და ხელოვნების რომელიმე დარგი ხალხის უფლებებისა და წუთისოფლური კვალიფიკაციისათვის ხშირად უფრო საჭიროა, ვიდრე ფარ-ხმალი და ზარბაზანი თავიანთი ბარბაროსული იერიშებით. დიდი პოეტი, დიდი ფილოსოფოსი, დიდი მეცნიერი ისტორიაში არიან სოციალურ გრძნობათა და ნებისყოფათა შემკრებნი: ნიუტონი ისეთივე კონსტრუქტორია ცივილიზაციური რგოლებისა, როგორც მარქსი; შექსპირის ქარიშხლიან ტემპერამენტებში მოცემულია წუთისოფლურ წვალებათა და დღევათა გაღერება თავისი პათოსებით და ირაციონალებით ისე, როგორც რობესპიერის და ლენინის პაროლებში მოცემულია სოციალურ ზრახვათა და ნდომათა დიდი და ძლიერი შენაკადები; მემოქმედების სახე კოეფიციენტი ა სოციალური განცდისა და წვალების; ხელოვნება ფუნქციაა სოციალური ცხოვრების.

მრავალრიცხოვანი და უზარმაზარი კაცობრიობა მიმოფანტულია ქუჩყიანი პლანეტის სხვადასხვა კუთხეში, ცხოვრობს ყოველ მიწა-წყალზე თავისებურად: ადამიანთა ურთიერთობა დედამიწის ერთ კუთხეში სხვა სახისაა, მეორე კუთხეში — სხვა სახის; გეოგრაფიული, კლიმატიური, ბიოლოგიური პირობები წუთისოფლად ყველგან ათავისებურებს ცხოვრებას; კუნძულებზე, ავსტრალიაში, ბრაზილიაში, ციმბირ-

ში, ევროპის დიდ ქალაქებში სოციალური ცხოვრება ერთნაირი არ არის; რაკი ერთ კუთხეში ერთნაირი სოციალური ცხოვრებაა თავისი პრინციპებით, წუთისოფლური მორალით, კუთხურ-ტროპული ადათებით. სოციალური ფსიქოლოგიაც ამ კუთხეში ისეთია, რომელიც გამოსასახეს იმ სურვილებსა და ტკივილებს, იმ ზრახვებსა და გრძნობებს. რომელთაც ადვილი ჰქონდათ განსაკუთრებულ პირობებში, განსაკუთრებულ მიწა-წყალზე. სხვადასხვა ხალხის ლიტერატურა, თეატრი, პანტომიმურ-პლასტიკური ნიშნები, მხატვრობა, ქანდაკებანი, რელიგიურ-ფილოსოფიური სისტემები ბოლოს და ბოლოს ეთნოგრაფიული მასალებია; წუთისოფლის ყოველ კუთხეში სოციალურ ურთიერთობას გამოუნახავს სიმბოლოები, ქარაგმები, ნიშნები ადგილობრივი იდეალებისა და სურვილების გამომსახველად; მთელი ცივილიზაცია თავისი ნანგრევებით და უდაბნოებში აწვერადებული პირამიდებით, თავისი ბარელიეფებით და ციხე-კოშკებით, დიდი ქალაქების ასანსიონებით, ლაბორატორიებით და ინსტიტუტებით ადამიანისა და მდგომარეობის ო რ გ ა ნ ო ტ რ ო პ უ ლ ი ურთიერთობის გამომსახველია; სული ყოველ ეპოქაში გადასრილია მდგომარეობის პათოსისაკენ: წარმართულ ეპოქებში ცივილიზაციის ისტორია აღმერთებდა ღმერთის კულტს და სული ილტვოდა ორგანული სახიერებისაკენ; საშუალო საუკუნეებში მეცნიერება ემსახურებოდა თეოლოგიას; ევროპის ქალაქურ-ვაჭარულმა ეპოქებმა წარმოიშვეს იდეა სოციალური ცხოვრებისა: ნ ი ც შ ე ს ტ რ ა გედიულ შემოქმედებაში გადატყდა ინდივიდუალიზმის ხმალი და ადამიანმა იგრძნო სოციალური ცხოვრების არეზე არსებობის ახალი სევედა: საშინელ ტკივილებში გაიზრდა ფეოდალურ-არისტოკრატიული წყობა ცხოვრებისა, დაიკრიცა ინდივიდუალიზმის ფსიქოლოგია, საცოდავი ნაოქები ძველი ყოფის ცივილიზაციის ენორმულ ისტორიას ჩამოეკიდა; ადამიანი ტრაგედიულად გადაეშვა სტიქიურ ირაციონალურ როიაში სასოწარკვეთილებით და კოშმარებით: ნ ი ც შ ე ს არისტოკრატიულ-ინდივიდუალისტური პოზა, ო ს კ ა რ უ ა ი ლ დ ი ს ი ლუზიური სამყარო, მ ე ტ ე რ ლ ი ნ კ ი ს შ ი შ ი და თრთოლვა; დ ო ს ტ ო ე ვ ს კ ი ს და ა ნ დ რ ე ე ვ ი ს კ ო შ მ ა რ უ ლ ი ჩ ვ ე ნ ბ ა ნ ი, ტ ო ლ ს ტ ო ი ს ესთეტიკურ-რელიგიური ნივანა კაცობრიობის სულიერი ტკივილების სოციალური კოროლარიებია.

ეპოქა ამეტყველებს თავის განცდებს; სოციალურ-ისტორიული წვა ასხივოსნებს იდეებსა და ზრახვებს; შემოქმედება იძლევა ფორმულას; არსებობის განსაკუთრებული არე თავისი ცივილიზაციური და კულტუ-

რულ-ესთეტიკური ინტერესებით, თავისი ტემპერამენტებით და ნების-ყოფათა პერიპეტეებით სახიერდება ტიპებში და მათ თქმაში: ფ ა უ ს ტ ი და ჰ ა მ ლ ე ტ ი სახეებია ევროპის სულიერი ტკვილებისა, რომელთა გამწვავება და სიღრმავე წარმოუდგენელია ევროპის კულტურის სოციალური ევოლუციის გარეშე, რომელთა ძირითადი თვისებები გადაკავშირებულია ორგანულად სოციალურ-მყარულ პირობებთან; ზოგადი და აბსოლუტური, რაც არის ფ ა უ ს ტ ი ს ა და ჰ ა მ ლ ე ტ ი ს ტემპერამენტებში, კაუხალურად უკავშირდება იმ ეპოქების იდეოლოგიას. რომლიდანაც გენეტიკურად წარმოსახა ევროპელი ინტელიგენტის ტრაგედია და რომელიც ბიოლოგიური ევოლუციის ათვლებით, წუთისოფლური უსაზღვროების მიხედვით, მხოლოდ ერთი ფორმულაა კუთხური ფსიქოლოგიისა და ორგანოტროპიზმისა, რომლითაც შებოჭილია სამყაროს სული თავისი არსებობის ყოველ მომენტში.

კულტურა და ცივილიზაცია აერთებენ ადამიანებს და ერებს: ეგოიზმის ჩინური კედელი ირღვევა; სოციალურ საჭიროებათა ურთიერთობაში სხვადასხვა კუთხიდან იკრიბებიან; დიდი ქალაქები იზიდავენ და ითრევენ თავიანთ კომერციულ განგაშში სხვადასხვა რასას და ნაციას; კუთხურ-ტროპულ მყარობათა არეები ფართოვდებიან. სული ერთი კუთხისა მეორე კუთხის სულს ემსგავსება, განცდა იღებს ხასიათს პ ლ ა ნ ე ტ ა რ უ ლ ს და კ ო ს მ ო ს უ რ ს: რკინიგზა, ტელეფონი, ტელეგრაფი, რადიო, გაზეთები აერთებენ სხვადასხვა კუთხის სულებს, ტემპერანენტებს, გრძნობებს, იდეალებს და ზრახვებს; ევოცენტრიზმი გაორებას გრძნობს, სული მძიმდება შორეულის ტრფალებით, ლანდურ ჩვენებათა ნარეუებით: შთაბეჭდილებები შთაბეჭდილებებს ცვლიან; სიჩქარე, რომლითაც მოძრაობენ დღეს მატარებლები, ტელეგრამები, გაზეთები, ჰაეროსტატები, გვაძლევს ყოველ წუთს ფაქტებს ისეთი სოციალური ცხოვრებიდან, რომელიც მდებარეობს რამდენიმე ათასი ვერსის სიშორეზე; წ რ ე წ ი რ ი მორალურ-ესთეტიკური ხასიათისა, რომელიც წინათ აზრს და შინაარსს აძლევდა ჩვენს ყოველდღიურ ყოფას ოჯახსა და საზოგადოებაში, გაირღვა ფსიქოლოგიურად პრაქტიკულ ცხოვრებაში, სოციალურ საჭიროებაში; შორეულის გრძნობა, რომელიც წინათ აწუხებდა რომელიმე ბ ა ი რ ო ნ ს ან ლ ე კ ო ნ ტ დ ე ლ ი ლ ს, დღეს გახდა ბუნებრივი თვისება თითქმის ყოველი მოქალაქისა, რომელიც თავის სოციალურ ყოფაში, ვაჭრობა-მრეწველობაში, ან მეცნიერებაში დაკავშირებულია შორეულ ცხოვრებასთან: კაპიტალისტური წარმოების კონცესიები და ა ინ შ ტ ა ი ნ ი ს მათემატიკური

რელატივიზება ერთნაირად არღვევენ ინდივიდუალისტურ სამყაროს—განკრძობებისა და განაპირების სამყაროს: კაცობრიობა თავის რასულ-ნაციური სხვადასხვაობებით ერთვის კულტურულ-ცივილიზაციურ დენათა კოსმოსურ როიას და სული თვრება შთაბეჭდილებათა მრავლობაში: დოცენტი ლექციისათვის ემზადება თავის კაბინეტში და მას უკბობ წარმოსახება გონებაში ჩინელი ქალის პატარა ფუჩი; ინტელიგენტი ზის რესტორნის მაგიდასთან და მის ნევროზით დათენთილ სულს აბორიალებს ვიტრინების ლივლივი მზის სხივებზე; ექიმი წამლობს სუსუნატით დაავადმყოფებულ როსკიპს და ლამაზი ბარძაყების დანახვავ თვითონ ინთება სექსუალური ეინით. კულტურა მიათრევეს კაცობრიობას კოსმიზმისა და ქაოსისაკენ, ცივილიზაციურ ლელვათა ქარიზხალში იწვის სული ხალხთა და ებოქათა: დიდი პათოსი ხელოვნებისა და აზროვნებისა დიდი ბიოლოგიური ენერგიის განიაეებას ითხოვეს: ლიტერატურისა და ხელოვნების აყვავება ხალხის ცხოვრებაში მაჩვენებელია კუნთურ-ნერვეული დათენთვისა და დეგენერაციისა: მართალია ხელოვნება ფუნქციაა სოციალური ცხოვრებისა, ხელოვნება გრძნობათა სოციალიზაციის ამეტყველებაა, მაგრამ, ამავე დროს, ხელოვნება ყოველთვის მაჩვენებელია ორგანულ-ბიოლოგიური აღელვებისა და სისუსტისა — პალპიტაციისა და დეგენერაციისა, თუკი ხელოვნებას დირიჟორობს ერთი რომელიმე კლასი, თუკი ხელოვნებაში გამოისახებიან ჭგუფური სურვილები და იდეალები, გრძნობები და ზრახვები. ხელოვნების ძირითადი ფორმები — ლიტერატურა, მუსიკა, მხატვრობა, მოქანდაკეობა, ხუროთმოძღვრება გამოსახავენ სოციალურ განცდებს, მხოლოდ კაცობრიობის წარსულში სოციალური განცდა ყოველთვის იხეთქებოდა ჭგუფურ განაპირებაში და რამდენადაც ყოველგვარ ჭგუფურ განაპირებაში იყო თავისებური ინტერესი და ფსიქოლოგია, იმდენად ხელოვნება შორდებოდა ფართო სოციალურ არეს და იწყებდა მსვლელობას ვიწრო კლასობრივი მიმართებით: ჭგუფური ფსიქოლოგია, გაბატონებული სოციალურ-ეკონომიკური სტრუქტურით, იმორჩილებდა სოციალურ მოქმედებათა ფართობს და ჭგუფურ სურვილებს ხელოვნებასა და ლიტერატურაში ასაღებდა სოციალურ სურვილებად. ხელოვნების ბუნებრიობა მახინჯდებოდა: იდეალი შორეულისა და კოსმოსისა ინდივიდუალიზმით ხწირად თავის თავს უარყოფდა: მ ა ნ ფ რ ე დ ი, ასული იუნგრაუს მწვერვალზე და გატაცებული არწივის ლამაზი ფრენით, იძულებული გახდა ისევ დაბლა ჩამოსულიყო. რათა დაესვენა რამდენაე წყურთი მოხადირის ფაცხაში; მიუღამ მიღელვარე და თავაწყ-

ვეტილი ენთუზიასტი ფ ა უ ს ტ ი თავისი ცხოვრების უკანასკნელ წლებში იწყებს პრაქტიკულ მოღვაწეობას; სასოწარკვეთილებაში ჩაძირულ სული ბ ა რ ა თ ა შ ვ ი ლ ის ა, მიმოივლის რა კოსმოსურ არეებს, ისე; უბრუნდება წუთისოფლურ ყოფას, ჩმახსა და უთავბოლოს, მაგრამ მაინც ტკბილსა და მისაღებს დროგამოშვებით. ინდივიდუალიზმის სოციალური პირობების რღვევას, რომლის შესახებ ჩვენ გვქონდა ლაპარაკი, მოჰყვა ინდივიდუალიზმის ფსიქოლოგიური სახეცვლილება: „მე გაორებას ვგრძნობო“— ამბობდა ფრ. ნ ი ც შ ე თავისი ცხოვრების უკანასკნელ წლებში; ესთეტი და ინდივიდუალისტი უ ა ი ლ დ ი ციხიდან გამოვიდა ახალი თეორიებით სოციალური გრძნობისა და სოციალიზმის შესახებ, თითქოს ციხეში ყოფნამ დააჩქარა მეტამორფოზა დიდი სულისა. ფეოდალურ-არისტოკრატიული პრესიზობა შემოქმედებაში თავდება სოციალურ გრძნობათა ემანაციით: ინდივიდუალიზმის ნაჭუჭში შეკუმშული, ტრაგედია არსებობისა დიდი ქალაქის მანქანების გრაგანით და სოციალური თქრიალით კოსმოსურ ძვერათა სიმფონიებად იშლება.

ბუნებისათვის თეატრისა

ესთეტიკური გრძნობა თავისი ბუნებით სოციალური გრძნობაა—დამახასიათებელი თვისება ესთეტიკური გრძნობისა სოლიდარიზაცია და ამყოლობაა; ესთეტიკური გრძნობის გამოწვევას სულში ყოველთვის თანასახეობითი მიმართება აქვს და თანასახეობითი მიმართება გრძნობისა თვით გრძნობას აძლევს აქტიურსა და დინამიკურ ხასიათს; ხელოვნების სიღიადე მზიდაობით ძალაშია და ეს ძალა ყოველთვის იბადება მონაუესავე გრძნობათა შორის: გრძნობები ერთმანეთს აპყეებიან ყოველთვის, როდესაც გენეტიკურად ერთმანეთს ენათესავენ და ნებისყოფა, როგორც ერთგვარი სისტემა გრძნობათა, მოქმედებაში მოდის იმის მიხედვით, თუ როგორია გრძნობათა მიმართება: ინტელექტი ხშირად ცდება შერჩევაში, მაგრამ გრძნობა დამყარებული რეფლექსებსა და ინსტინქტებზე არასოდეს არ ცდება—ყოველთვის მიზანს აღწევს, თუმცა მიზნის მიღწევა შეიძლება საბოლოოდ მავნებელი იყოს ტანისთვის, რომელშიც მოქმედებს გრძნობა.

გრძნობა ბუნებრივად გადამდებია: სცენაზე და ლიტერატურაში ჩვენ

არამცთუ ვხედავთ (როგორც ფიქრობენ ინტელექტუალისტები და კანტიანელები) სხვის ცხოვრებას, ტანჯვას, ბრძოლის სიხარულს, არამედ ერთგვარად განვიცდით — განვიცდით ორგანულად, მთელი არსებით, სულისა და ნერვული ცხოვრების ამყოლობით. ჩვენ გვეშინია, გვიყვარს, ვაღელვებს, გვიხარია, როდესაც ვკითხულობთ ისეთი ხასიათის ნაწარმოებს, რომელშიც არის სიყვარული, სიძულვილი, შიში, ღალატი, გმირობა.

ლიტერატურულ-მხატვრული ნაწარმოები იმდენად ორიგინალური და ძვირფასია, რამდენადაც მკითხველში, მსმენელში, მაყურებელში იწვევს თანასახეობით ემოციებს, მონათესავე გრძნობებს; თეატრი, როგორც ერთგვარი ფორმა ხელოვნებისა, იმდენად ძლიერ შთაბეჭდილებას ახდენს, რამდენადაც სცენაზე არის განსახიერებული ტიპურად, მხატვრულად რეფლექსები და ემოციები იმ ადამიანისა, რომელიც მოსულა მაყურებლად, რომელიც ზის პარტერში, ან ლოჯაში და თვალყურს ადევნებს სცენის ამბებს თავისი ინტერესებისა და სურვილების ფარგლებში, თავისი სოციალური საჭიროების მიხედვით. ესთეტიკური მიმზიდველობა და დინამიკური მზიდაობა ხელოვნებაში მაშინ გვაქვს, როდესაც ხელოვნების შინაარსი დაახლოებით მაინც ისეთსავე დღევასა და სულის მოძრაობას იწვევს საზოგადოებასა და აუდიტორიაში, როგორც აღწერილია წიგნში და წარმოდგენილია სცენაზე; დრამა კი არ უნდა იყოს საშუალება სცენისათვის, როგორც დილექტანტები ფიქრობენ, არამედ სცენა უნდა იყოს საშუალება დრამაში გაზლილი ტემპერამენტებისა და ემოციების გადასაცემად საზოგადოებაში, აუდიტორიაში; სცენის მოვალეობაა დრამის ინსტრუმენტალიზაცია, ტემპერამენტების ამტყვევება, პოზისა და დიქციის ესთეტიკური აკვეთა, თქმითა და პათოსით სოციალური რეზონანსის გამოწვევა; სცენა უნდა ასხივოსნებდეს დრამაში აღწერილ ემოციებს, გრძნობებსა და იდეალებს თეატრის დარბაზში: თეატრი თავის ბუნებით, ფსიქოლოგიური კონსტრუქციით სოციალური რეზონანსის საყვირია; აქტიორების თამაშში — კუნთურ-პანტომიმურ მოძრაობებში უნდა ისახებოდეს სოციალური გრძნობების სიმბოლო და სცენური ემოციები, როგორც ელექტრული ჩქერები, მაყურებელთა სულებსა და სხეულებში უნდა შედიოდნენ; თეატრი იარსებებს როგორც ხელოვნების ფორმა მხოლოდ მაშინ, როდესაც თეატრის დარბაზი გახდება გრძნობათა სოციალიზაციის არენა, როდესაც სცენასა და აუდიტორიას შორის იქნება ამყოლობა ემოციებისა, სოლიდარიზაცია ნერვულ-ფსიქიკურ

განცდათა; ამყოლობის რეზონანსი შესაძლებელია თეატრის დარბაზში იმ პირობებში, თუ რეპერტუარა შინაარსით, იდეოლოგიათ ესთეტიკურ-ფილოსოფიური პრინციპებით იქნება შეფარდებული საზოგადოების ფსიქოლოგიასთან, ისტორიულად განმტკიცებულ ადათებთან — ადამიანთა სოციალური ურთიერთობის პრინციპებთან; თეატრის დარბაზიდან მასურებელი იმდენად კმაყოფილი გამოვა, რამდენადაც აქტიორებმა თამაშის დროს განასახიერეს არა მარტო გმირთა ტემპერამენტები. არამედ მასურებლის სული და ფსიქოლოგიაც; ცხადია, აქტიორები მასურებლის ფსიქოლოგიასა და ემოციებს განასახიერებენ მაშინ. როდესაც დრამა, რომელსაც თამაშობენ სცენაზე, შინაარსით გამოსახავს იმ სოციალურ ურთიერთობას, რომელშიც ატარებს თავის ყოველდღიურ ცხოვრებას მასურებელი და რომლიდანაც თეატრში მას მოაქვს ნაწილი სოციალური ფსიქოლოგიისა თავის ინდივიდუალობასთან ერთად. ადამიანი, როდესაც ლიტერატურაში, ან სცენაზე დაინახავს, მოისმენს თავის ემოციებს, თავის ჯანცდას, წვალებასა და სიხარულს, მაშინვე აღტაცებაში მოვა, მაშინვე სულით, გულით, ტემპერამენტით, ნერვული ღელვით და თრთოლვით აპყვება სცენაზე ან წიგნში განსახიერებულ მოქმედებებს: — ფსიქოლოგიურად თვითონ მიიღებს მონაწილეობას თამაშში და ადგილიდან თვითონ გახდება აქტიური, მოქმედი; ხელოვნება თავის დანიშნულებისამებრ სინამდვილის ორეულად გადაიქცევა და გრძობათა სოციალიზაცია დინამიკურ მთვრალულობის მარჭვლებში ადამიანებს შეაერთებს ესთეტიკური ექსტაზით.

სწორედ აქ ქერეთის ესთეტიკა — ესთეტიკა კანტიანელებისა, წილერისა და ინგლისელი ევოლუციონისტებისა, ესთეტიკა ფეოდალურ-არისტოკრატიული ინდივიდუალიზმისა, სტატიზმისა და განყენების, რომელიც დღეს უარყოფს შინაარსს და ეტრფის ფორმას, კარგავს ყოველგვარ ფსიქოლოგიურ საფუძველს: ცხოვრებამ გაარღვია ქვერეთის, თამაშის, უსაქმობისა და ინდივიდუალიზმის რკალი სოციალურ-კულტურული ურთიერთობის საჭიროებით; ცხოვრება ქალაქების განვითარებით, მანქანების გრაგანით და ფერების ბორიალებით გაიშალა სოციალური მრავლობის მოქმედებაში; ფეოდალურ-კუთხური ყოფიდან, განკერძოებისა და განაპირების დიდი ყორეებიდან ცხოვრება ვადავიდა საზოგადოებაში, მასაში, მრავლობაში: თუ წინათ, საშუალო საუკუნეებში რომელიმე ფეოდალი სულის ესთეტიკურ-ინტელექტუალურ მოთხოვნილებებს იკმაყოფილებდა ფართო ეოსა და ყმების დრეობის

კვრეტით, თუ დიდი ეზოს მოვლის დროს აღელვებული სულის დასამშვიდებლად მას ესაჭიროებოდა საკუთარი გულის დამა და საკუთარი პატარა ეკლესია ხატებით, დღევანდელ ადამიანს, პროფკავშირის წევრს ესაჭიროება არა თავისი ეზო და თავისი გულის დამა, არამედ საერთო ეზო და საერთო გულის დამა, ესაჭიროება არა ინდივიდუალისტურ-ფეოდალური ყორეებით შემოზღუდული ფერდობები, არამედ სოციალური არე — არე გრძნობათა სოციალიზაციისა.

ყოველგვარი ფორმა ხელოვნებისა იარსებებს მაშინ, თუ იქნება შეთანხმებული ამ ახალი ფსიქოლოგიის პრინციპებთან — სოციალური ურთიერთობის იდეასთან — საზოგადოებრივ გრძნობებთან.

სამყარო ინდუსტრიულ-აგარარული საჭიროებს ინდუსტრიულ-აგარარულ თეატრს ისე, როგორც შესაფერ სკოლას და განათლებას; ყოფა სოციალურ მიმართებას აძლევს სულს და მის ესთეტიკურ-ფილოსოფიურ მოთხოვნილებებს: იმ ქვეყნებში, სადაც ხალხის სოციალური ცხოვრება გადაკავშირებულია მანქანებისა და ქარხნების მუშაობასთან. სადაც საზოგადოება მანქანურ კულტურაში იწვრთნება. სადაც ადამიანთა უმრავლესობა თავის ყოველდღიურ ცხოვრებაში იძულებულია ისმინოს ღვედების თქრიალი და ბორბლების შხუილი, ცხადია, ხელოვნების ფორმები, კულტურულ-ესთეტიკური და ფილოსოფიური იდეოლოგიური შემოქმედება ჩამოყალიბდება მანქანურ სახეებში; იმ ქვეყნებში, სადაც ხალხის უმრავლესობა ყოველდღიურ ცხოვრებაში ატარებს ბუნებასთან ახლოს, სადაც სოციალურ საჭიროებას იკმაყოფილებენ მიწის დამუშავებით, ბოსტნეულობით, მცენარეულობის კულტურით, სადაც აწარმოებენ ერთი სიტყვით სოფლურ ინდუსტრიას, ესთეტიკურ-ფილოსოფიური მსოფლზედვაც გამოსახავს ყოფის ფსიქოლოგიას იმ მიმართებით, თუ რა მიმართებით მიდის საერთოდ სოციალურ საჭიროებათა დაკმაყოფილება. ლიტერატურული მიმართულებანი, ესთეტიკის იდეოლოგიური სისტემები ისე, როგორც ფილოსოფიურ-ჰეცკანერულ დებულებათა ძირითადი პრინციპი იქმნებან და სახიერდებიან სოციალურ-ისტორიულ საჭიროებათა ხვეულებში: რეალიზმი, ნატურალიზმი, იმპრესიონიზმი, ექსპრესიონიზმი, სიმბოლიზმი, კონსტრუქციონიზმი — ერთი სიტყვით, ყოველგვარი ლიტერატურული მიმართულება გამოსახავს ან რომელიმე ეპოქის დომინანტურ სულიერ განცდას, ან რომელიმე სოციალური ჯგუფის სურვილებსა და ინტერესებს: რეალიზმი ყოველი ხალხის ცხოვრებაში ნორმალური სოციალური ყოფის ფსიქოლოგიის გამომხატველია; რომანტიზმი ყოველი

ეპოქისა და ხალხის ცხოვრებაში დაკავშირებულია სოციალური ფსიქოლოგიის რღვევასთან, დიდი პათოსისა და იმედების გაცრუებასთან; სიმბოლიზმი და ექსპრესიონიზმი სოციალური კატასტროფით შეშინებულ სულის მირაჟებია, განცდის ინტენსივობიდან გადატანილი განსახეობაში მოწინააღმდეგე მდგომარეობისა ან კლასის შესაშინებლად. იდეოლოგია, სტილი, თქმა, პათოსი, მეტყველების ორკესტრირება, ხშირად არტიკულაცია და ინტონაცია სოციალური ყოფისა და განცდის შემოქმედებაა. იმ ტკივილებისა და გრძნობათა განსახეობაა, რომელთაც ადგილი ჰქონდათ სოციალურ ყოფაში.

დღევანდელ ხელოვნებაში გზა კაფე-შანტანისა, ფერებისა და ლენტების ბორიალების, გზა მისტიკოსებისა და ეროტომანების, რომელსაც ხალხი გამოყავს თეატრებიდან და მიყავს სინემატოგრაფებში, ხელოვნებას უკარგავს ყოველგვარ ღირებულებასა და აზრს: ბურჟუაზიულ სულს — ინდივიდუალიზმისა და მისტიციზმის აღუვსებელ საწყაულს — გრძნობათა სოციალიზაციის პრინციპი არ უყვარს და ამიტომ შინაარსის მაგიერ ეძებს ახალ-ახალ ფორმებს და ფერებს, რათა კიდევ ერთხელ გააღიზიანოს სამოქმედოდ ალკოპოლით, ლუესით და სუსუნატით დაძენილი ფიზიოლოგია; ბურჟუაზიულ ინდივიდუალიზმს ეშინია ემოციების, განცდების, ძლიერი ტემპერამენტების და ამიტომ ბურჟუაზიული თეატრი გაურბის გარკვეული შინაარსის დრამის დადგმას; შექსპირი და მისი ძლიერი ტემპერამენტები ბურჟუაზიას არ უყვარს, ეშინია — დასუსტებული ნერვები ვერ აიტანენ სანახაობას; ევროპული თეატრი და ლიტერატურა მეტერლინიკიდან დაწყებული, სიმუშისა, ლანდებისა, პაუზებისა და მისტიკურ ჩვენებათა გალერეაა.

ჩვენი დროის ევროპა ხელოვნებასა და აზროვნებაში დეკადანსის უკანასკნელ წუთებში იმყოფება; ხელოვნებაში შემოიპყრა ამერიკანიზმი — დამახასიათებელი თვისება ულტრა კაპიტალიზმისა და ინდუსტრიული პალპიტაციის გავლენისა: სცენური ხელოვნების არქიტექტონიკა, დრამატული სტრუქტურა. პერსონაჟები, რეკვიზიტი, ენა, აკრომატიზმი მოქმედებათა ვითარებაში, სცენური განსახეობის მექანიკური ხასიათი ხელოვნების ამერიკანიზაციის მაჩვენებელია; სულისა და ტემპერამენტის გაშლა, ინტენსივობა განცდისა, იდეა, შემოქმედებითი ხასიათის სევდა, სახიერება ინდივიდუალურ-სოციალური ცხოვრებისა, წვა, წვალება, ფანტასტიკური სამყაროს მაგიური ჩვენება, გარდასახული ადამიანის სულში, შინაგანი ხილვა და იდეალებით ცხოვრების წყვედიანის განათება — ყველაფერი ეს უცნობია „ამერიკული ხელოვნებისა“

თვის“, უცნობია სინემატოგრაფიული ცხოვრებისათვის; ნებისყოფა დაჰყლელი, გრძობა სუსტი, მიღეული, სული დატრეცილი, გონება ნევეროზით ვადარებლული, ფსიქიკური დებილიზმი და ფარკალი ნევერო-პათოლოგიური, ცვლილებებისა და სხვაობის ავადმყოფური ნდომა — ნდომა თითების მწველი და ორგანულ-პათეტიკური მოუსევენრობის ამსახველი მანქანური კულტურის და კაპიტალიზაციის „შემოქმედებითი“ რეზონანსია. და ეს რეზონანსი ტრაგედიულ სიმფონიებად იშლება ხელოვნების სხვადასხვა დარგში, ფუტურისტულ-კუბისტურ აკრობატიზმიდან დაწყებული, ფერებისა და ლენტების სინემატოგრაფიულ თეატრამდე, იმ თეატრამდე, რომელიც ორგანოტროპულად მიეჩქარება დაღუპვისა და დაშლისაკენ ისე, როგორც ის სოციალურ-სტრუქტურული წყობა არსებობისა, რომელმაც იგი წარმოშვა: ხელოვნება თავის სპეციალურ დარგებში გარდაიქმნება და გარდაისახება ცხოვრებასა და სოციალურ ურთიერთობასთან ერთად: ხელოვნების კრიზისი ცხოვრებისა და სოციალური ურთიერთობის კრიზისია: ახალ ხელოვნებას დიადი და მაგიური შინაარსით წარმოშობს ახალი ყოფა, ახალი სოციალური ურთიერთობა, ახალი ინდუსტრიულ-ეკონომიკური ინტერესი, რომელიც ჩაითრეეს ადამიანის სულსა და მის წუთისოფლურ ზრახვებს ახალ სოციალურ როიაში, რომელსაც ფსიქოლოგიურ ნიადაგს უშვადებს ინდივიდუალიზმის დაშლა და ინდივიდუალისტური სულის დაღლილობა. ინდივიდუალისტურ განაპირებაში სული ვერ იტანს შიშს, რომელსაც გვრის დაუსრულებლობის სიწორე და ნებისყოფა. აჩქარებული ალკოპოლით, დავიწყებას ეძიებს ხან სქესობრივ ლტოლვაში, ხან მისტიკურ-რელიგიურ წარმოსახვაში, ხან ფერებისა და ფორმების სხვადასხვაობაში, გაწიშვლებული ბიოლოგიურ-ფიზიოლოგიურ მოთხოვნილებათა დაკმაყოფილება, სიმთვრალე ხორციელი და სულიერი, ნერვული სისტემის ზედმეტი ენერჯის გახარჯვა და უდროოდ მოთენთილი სხეულის ხელახლა ხელოვნური გაღიზიანება, კაფეშანტანი, ლუესი, როსკიპები, სალონური პრანჭიაობა და სასაცილო პრესიზობა თავისი comme il faut-თი დამახასიათებელი თვისებებია კვრეტისა და თამაშის ესთეტიკის, რომელსაც საფუძველი ჩაეყარა კ ა ნ ტ ის ა და ინგლისელი ევოლუციონისტების მსოფლმხედველობაში და რომლის წინააღმდეგ თავისი ნაზი სულათ და დიდი ფილოსოფიური ინტუიციით პირველად გაილაშქრა ჟან მარი გ ი უ ი ო მ*.

* M. Guyau. Les problemes de l'esthetique contemporaine.

პერეტისა და თამაშის ესთეტიკა, რომელიც ეძიებს ფერებსა და ლანდებს, რომელიც ფსიქოლოგიურად აკმაყოფილებს ფეოდალურ-არისტოკრატიულ უსაქმობას, ბიოლოგიისა და სოციალური ყოფის — სოციოლოგიის ეპოქაში უნდა გადაისახოს ესთეტიკად, რომლის პერსპექტივებში იშლებიან კოსმოსური არეები და რომელმაც უნდა გადააკავშიროს ახალი ადამიანის სული უსახლვროებას. იმ უსახლვროებას, რომელიც ერთსა და იმავე დროს ემუქრება და იმედებსაც აღუქვს ადამიანს.

ინდივიდუალიზმს, მის ლირიკულ გატაცებას და ღიონისურ აშლილობას ბოლო ეღება: მეცნიერებამ და ისტორიამ გაარღვიეს რკალი კერძობისა, განსაზღვრულობისა და გარკვეულობის; კაცობრიობის სული ღვას უფსკრულისა და ქაოსის წინაშე; ცხოვრების აზრი, გამოსახული რეგალიებსა და კატეგორიებში, გამაგრებული სილოგიზმით და „უნივერსალური რეალიებით“, ჩაიძირა უსაზღვროების ხანაში. შემოქმედების ყოველი ფორმა როგორც მეცნიერებაში, ისე ხელოვნებაში გამოსახავს უსახლვროების იდეას და ეს იდეა ჩვენი დროის სულიერი ცხოვრების დამახასიათებელ თვისებად უნდა ჩაითვალოს.

გრძნობათა სოციალიზაცია

სულიერობის პროცესში გრძნობის, ნების და ინტელექტის ელემენტები არეულია ერთმანეთთან, მაგრამ ჩვენი ყოველდღიური მოქმედებისა და მოძრაობის წუთებში ჩვენს სხეულს, ჩვენს ტანს ამოქმედებს ხან გრძნობა, ხან ნება, ხან გონება, — ჩვენს ინდივიდუალობას წინ მიუძღვის რომელიმე ფსიქიკური ელემენტის ეგზოიუბერანსი.

ფსიქიკური ეგზოიუბერანსის დროს ჩვენი მე ყოველთვის აქტიურია და პათოსური: ღელვა, მოძრაობა, ხტუნვა, რიტმული თქმა, ტემბრა, სურვილების ტორტუაზა ფსიქიკური ეგზოიუბერანსების მაჩვენებელია. — და ის, რასაც ფრანგი ფსიქოლოგები ემოციას ეძახიან. არის ეგზოიუბერანსის ესთეტიკურად დამთავრებული ფორმა.

ესთეტიკური ემოცია ბოლოს და ბოლოს სურვილების აჩქეფება და სახე. რომელიც ჩვენში ესთეტიკურ ემოციას იწვევს, ყოველთვის პარდაპირ ან პირუტყლმა შეეფარდება ჩვენს სურვილებსა და შანსებს; მხოლოდ თვით სურვილები და მიზნები შეადგენენ ფსიქიკურ ჩვეულებათა შედეგს და ჩვენს წარმოდგენაში არსებობენ, აუწყობენ იმ სის-

ტემით, რომელიც განმტკიცებულა, შენახულა და გაყოვლადებულა ჩვენს პლანეტურ-ტერიტორიული ყოფის პირობებში, რომელიც შეადგენს ერთგვარ შეთანაბრებას ტროპულ ინდივიდუალობასა და სოციალ კოსმოსურ რეალობას შორის.

რეალობა და რეალობის ღირებულება ფაქტია ჩვენთვის იმდენად, რამდენადაც ჩვენში ხდება შემოქმედებითი განსახიერება ამ ფაქტისა: ჩვენში რომ შემოქმედებითი განსახიერება არ ხდებოდეს, რეალობის ყოველდღიურ მიმდინარეობაში ჩვენ ვერ მოვნახავთ ვერც რიგს. ვერც ხარისხს; ღირებულების საკითხიც ჩვენთვის უცნობი იქნებოდა; საგანს როდესაც ჩვენ ვათვალიერებთ, დათვალიერების პროცესში ჩვენს მეს შეაქვს თავისი ფსიქიკური ჩვეულებანი, დაღეკილი პროფესიისა და მდგომარეობის გავლენით; ყოველგვარი ჩვეულება ყოველთვის წარმოადგენს ორგანოტროპულ ძალას, პოტენციას დაგროვილს ინდივიდუალობისა და სოციალ-კოსმოსურობის ხმაშეწყობილებაში.

შეგრძნობა, როგორც ფსიქოლოგიური ფაქტი, არ არის ღირებულების მიღება და საყოველთაო ცხადყოფა. ლექსის წაკითხვა, სურათის დათვალიერება, ლამაზი მეტყველების მოსმენა შეიძლება შევიგრძნოთ როგორც ფაქტები, მაგრამ თვით ამ ფაქტების ღირებულების გამოსარკვევად ეს არ კმარა: საჭიროა გრძნობითი ტონი.

სოციალურ-კოსმოსური მოცემულობა, ტერიტორიული და ისტორიული milieu მხოლოდ მასალაა გრძნობითი ტონისთვის; თვით გრძნობითი ტონი მეორე შემოქმედებაა: ტ ე ნ ი ს დიდი შეცდომა ისაა, რომ ვერ ხედავს ცივილიზაციის ისტორიაში, განსაკუთრებით კი ხელოვნებაში, გრძნობითი ტონის მნიშვნელობას; ტ ე ნ ი ატყობს, რომ არის შემოქმედებით ასახვაში რაღაც მაგიური, ჭადოსნური, რაღაც პოტენციური, მაგრამ ამ მაგიურობისა და პოტენციალობის წყაროს ვერ ხედავს, ვერ ამჩნევს, რომ ამის მიზეზია გრძნობითი ტონი, რომელიც ყოველ პირობებში ქმნის ახალ რეალობას — ესთეტიკურ რეალობას.

ჩვენ გვაქვს უფლება ვილაპარაკოთ ესთეტიკურ რეალობაზე, რომელიც განსხვავდება ემპირიული რეალობისაგან; ემპირიული რეალობა ყოველთვის გრძნობით ტონს არ მოითხოვს; ესთეტიკური რეალობისათვის გრძნობითი ტონი აუცილებელია: მუსიკას მასშენა ყველას შეუძლია, მაგრამ ზოგიერთათვის მუსიკა იქნება მხოლოდ ემპირიული, ფიზიოლოგიური რეალობა. ზოგიერთებისთვის მართლა მუსიკა; ვისაც მუსიკალური სმენა არა აქვს, ის ბეთლემელის სიმღერაში მთვრალულ გაურკვეველობას შეიტანაურებს, ვისაც მუსიკალური სმენა აქვს, ის

რიტმულ გარკვეულობაში იქნება; ამის ილუსტრაციას ფსიქოლოგიურად წარმოადგენს იგავ-არაკი — „ვირი და ბულბული“.

რეალობის ესთეტიკური სახე ორი ფაქტორით ისაზღვრება: — ერთი არის ობიექტურ გრძნობათა მოცემულობა, — მეორე ჩვენი დამოკიდებულება ამ მოცემულობასთან, ჩვენი შემეცნების ემოციური მყარობა, რომელიც ჩვენში ორგანოტროპული ჩვეულების გამომსახველ ღირებულებას მიათვისებს მოცემულობას.

მაგრამ ეს ხდება სტატიკურ-რაციონალისტური დაკვირვების დროს. დინამიკურ-ინტუიციურ დაკვირვებაში ობიექტურ-გრძნობადი მოცემულობა და ჩვენი დამოკიდებულება ამ მოცემულობასთან თავისი გრძნობითი ტონით ერთ მთლიან სახეს იღებს. შეცნაურების პროცესში ჩვენ გვაქვს შინაგანი ხილვა და გარეგანი მოცემულობის გაერთიანება: ნოუმენი და ფენომენი ბოლოს და ბოლოს სუბიექტივობისა და ფენომენალობის სფეროში იკვეთებიან; მე და არამე — ორივე მეობის შემოქმედებაა და კანტის ანთროპოლოგიზმს აკლია ანთროპომორფიზაცია: საგანი ღებულობს ობიექტის სახეს მხოლოდ იმ წუთიდან, რა წუთსაც იგი უახლოვდება სუბიექტს. ობიექტი საგნის სუბიექტივაციის სტატიკური ფორმაა; დინამიკურად საგნის შეცნაურება ედულება ანთროპომორფიზაციის პროცესს: სუბიექტის წინაშე ობიექტი კარგავს საგნობრიობას, უძრავობას; იმ წუთს, რა წუთსაც საგანს დავარჯვით სახელი, საგანი გადაიქცევა თვისებათა ესთეტიკურ ინტეგრალად, სახელი კი ნორმალური ოდენობის კოეფიციენტად.

სუბიექტი როდესაც ობიექტს უახლოვდება, ობიექტს ისე ემართება, როგორც ნივთს, რომელსაც ცეცხლს უკიდებდნენ. რეფლექსი ატორავს ირგვლივ საგანს და საგანი აენტება ჩვენს შინაგან ხილვაში, როგორც ნივთი ცეცხლის ალში; საგნის თვისებათა შეცნობა სახეთა გაინტეგრალებაა ჩვენი შინაგანი ხილვის პოტენციალობაში.

როდესაც ვიწყებთ აზროვნებას, ჩვენს მეობას შეაქვს საგანში რყევა და საგანი იქცევა ჩვენი შემოქმედების ათვალებაში საგნობრიობის დროულ მოდუსად: საგნის მყარობა და სოლიდარობა განიწვალება ჩვენს შემოქმედებით შეცნაურებაში. სუბიექტი ქურდულად კა არ შედის თავისი ინტუიციით საგანში, არამედ რევოლუციურ სპექტრში ითვისებს საგნის ობიექტივობას, ინტეგრალობას, რომელიც ბოლოს და ბოლოს ორგანოტროპული, სუბიექტური და ილუზიური იმიტომ, რომ შემეცნების პროცესი ერთგვარი პოემაა და ამ პოემის მთავარი გმირი, ვაჟური ელემენტი მხოლოდ სუბიექტია: სუბიექტსა და ობიექტს

შორის ფილოსოფიური დიალოგი რომ ვაიმართოს, ობიექტი ეტყოდა სუბიექტს ისე, როგორც ელაპარაკება იბსენის ერთ-ერთ დრამაში შეყვარებული ქალი საყვარელ ვაჟს: — მე ის მინდა, რაც შენ გინდაო. სუბიექტური სკეფსისი აღიარებს შემეცნების „ლოგიკურობის“ შინაგან წინააღმდეგობას: სუბიექტივაცია გვარწმუნებს, რომ რეალობა სხვაა, მოცემულობა — სულ სხვა, რეალობა მოცემული არ არის, მოცემულობაში რეალობა არ შედის: მოცემულობა დროული, ჩვენებადი და ქცევადია; მოცემულ საგანთა სამყარო გაღერეაა, აწყობილი ორგანოტროპული აპერცეფციის ესთეტიზმით.

შეფარდებულებითი პოტენცია ყოვლობისა იძლევა არსებობის საშუალებას და ამ საშუალებაში მიზნად არჩეულია არა ინდივიდუალობა ცხოვრებისა, არამედ ცხოვრება ინდივიდუალობისა. ცხოვრება ინახება თვითარსებობაში და დენის პროცესი არ იკარებს არაფერს გარეულს, რაც არაა შეგუებული მასთან: რაც არის სამყაროში, ღებულობს უშუალო მონაწილეობას ყოვლობის პულსაციაში, სიღრმეში; მარტობას ადგილი არა აქვს, ყველაფერი ერთმანეთთან არის დაკავშირებული და ვისაც წყურვილის დაკმაყოფილება უნდა, საჭირო არ არის წყალში ჩავარდეს, საკმარისია პეშვით ან ჭურჭლით ამოიღოს...

წუთისოფლად ღირებულება იმდენად ღირებულია, რამდენადაც ჩვენს სურვილებსა და ინტერესებს გამოსახავს; ღირებულება თავის თავად არ იცვლება არავითარ პირობებში, იცვლება მხოლოდ ჩვენი დამოკიდებულება ღირებულებებისადმი: ქეშმარიტი ღირებულება ყოველთვის სოციალურ-ფენომენურია და ღირებულების საკითხი ბოლოს და ბოლოს დამოკიდებულების საკითხია. ნი ც შე ე ს შეცდომა ისაა, რომ ღირებულებას ხედავს ღირებულების ინდივიდუალურ განთვისებაში, მაგრამ რა არის ინდივიდუალური განთვისება, თუ არა ერთგვარი ფორმა სოციალობისა, ამ სიტყვის ნამდვილი მნიშვნელობით: ურთიერთობიდან გაქცევა ბოლოს და ბოლოს ურთიერთობის ექსპანსიობაა, ამის ილუსტრაციაა ოსკარ უაილდის ტრაგედული განცდა და მეტამორფოზა.

იდეოლოგია კაცობრიობისა მისი პლანეტური არსებობის სპირიტუალიზაციაა და ყოველი ეპოქა ამეტყველებს თავის ტკივილებს, ასხივოსნებს თავის განცდას საზოგადოებრიობისა და მდგომარეობის კალაპოტში. ხელოვნება, თავისი ნაწილი უსაფრთხოებისა სპირიტუალიზაციისა, არის ესთეტიკური საშუალებათა მეთოდური ტანაწყოლება,

რომელიც მიზნად ისახავს გამოიწვიოს ჩვენში გრძნობანი და ნდომანი, შენახული ორგანოტროპული მესხიერებით...

ესთეტიკური ემოციის საფუძველია შეგრძნობა ნათესაობისა იმასთან. რაც იწვევს ესთეტიკურ ემოციას და რაც წააგავს პირდაპირ ან პირუტყულმა წარსულის, განვლილის, განცდილის მესხიერებას: სახე, რომელიც ჩვენ გვაგონდება მსგავსების, ან წინააღმდეგობის ასოციაციებში; სიამოვნება, რომელსაც ჩვენ განვიცდით ესთეტიკური ხილვის და განცდის დროს, დამოკიდებულია იმაზე, თუ რამდენად მოხერხებულად, ვირტუოზულად იჭრება ჩვენს სულიერებაში ხელოვანი, შემოქმედი იმ სულაერი მოვლენების აქტურ მოძრაობაში მოსაყვანად, რომელნიც შეუნახავს ჩვენს ინდივიდუალობას ორგანული წვისა და ნერვული ტანჯვის პროცესში, რომელნიც განსახიერებულან გენეტიკურად, მემკვიდრეობით, გვარულად: შინაგანი ხილვა სულიერობის უფსკრულიდან მესხიერებით ამოყვანილი სახისა ჩვენს წარმოდგენაში ცოცხლდება, სხივონდება, როდესაც გარეგან გრძნობათა ორგანოების საშუალებით ჩვენ ვიღებთ თანაბარ სახეს; ყოველი ლიტერატული, ხელოვნური ნაწარმოების წინაშე ჩვენ ხელახლა განვიცდით იმ წუთებს, რომელნიც ჩვენ განვიცადეთ, ან ჩვენმა წინაპრებმა განიცადეს სხვადასხვა პირობებში და რომელთა ასახვა ქმნის ნერვულ რიტმს; ჩვენ ვხედავთ ნაწილეს ჩვენი შეგრძნების, გრძნობათა და სურვილთა, ჩვენ ვხედავთ ჩვენს შინაგან ყოფას იმ სახის მოყვანილობაში, რომელიც ხელოვანს შეუცნაურებია და განუცდია ჩვენი და ჩვენი წინაპრების სურვილების მსგავსად: ხელოვნება სულიერობის აქტუალობის გამოფენაა და როდესაც დავაკვირდებით, ჩვენ დავინახავთ ამ ესთეტიკურ-ინტუიციურ გამოფენაში ისეთ რამეს, რაც ჩვენთვის ძვირფასია და რაც ჩვენს ინდივიდუალობაში ახრჩობს ეგოიზმს, რაც უმეწვეოდ გვაერთებს სოციალურ-კოსმოსურ მიმდინარეობასთან... სული ჩვენი დაინახავს თუ არა სახეს, რომელიც მან განიცადა წარსულში, მაშინვე ატორტმანდება და ამ ნერვულ-ფსიქიკური ატორტმანების პროცესში შინაგანი ხილვის იღვა გვაკავშირებს, გვაერთებს არა მარტო იმასთან, რაც ხელოვნებაში აღწერილია და რაც განსახიერებულაა, არამედ იმასთანაც, რაც ამ დროს ჩვენს ფსიქოლოგიურ ასოციაციებში პარალელურადაც წარმოისახება და რაც გვაგონდება: სახე, რომელსაც ხელოვნება გვაძლევს, იმდენად მაღალია თავისი ღირებულებით, რამდენადაც მძლავრად იწვევს ჩვენში თანაბარ სახეს — თანაგანსახეობას, რამდენად ამ თანაგანსახეობაში ჩვენი მე თავისი განცდებით, სურვილებით და გრძნო-

ბეზით წყვეტს კავშირს ევოცენტრისტულ, პირუტყველ-მეშჩანურ დროულობასთან და ცკ...რთებს საზოგადოებრიობასთან, ხალხთან, ყოველობასთან...

ლიტერატურა ყველა ერის, ყოველი საუკუნის სოციალური გრძობის ევოლუციას გამოსახავს და ლიტერატურული გმირი ესთეტიკური კონკრეტიზაციაა სოციალური სიმპათიის: ტიპი სოციალური განვითარების თვისებათა ორგანულ-სტატკური აყოვლადებაა და რაც ჩვენს ყურადღებას იწვევს ტიპის დახასიათებაში, არის ის, რაც ენათესავენა ჩვენს სუბიექტურ ინტუიციურ ათვალებას. მხატვრული ნაწარმოები თითქმის ყოველთვის ფსიქოლოგისტურია: ლიტერატურული გმირი, სურათი, ქანდაკება — ხელოვნების ყოველი ფრაგმენტი სულის აქტივობას, ქმნადობას გამოსახავს; ესთეტიკური ჰერეტიკა არ არსებობს, არ არსებობს არავითარი წარმოდგენათა თამაში: უზოგადეს განყენებას წინ მიუძღვის უღრმესი განცდა და თვით პროცესი განყენებისა შეუძლებელია, თუ ორგანული პოტენცია არ აართოლებს და არ ასხივოსნებს შინაგან ღელვას... ორგანული ღელვა, ნერვული წვა და ვნება, უჯრედული დრესა — მთელი ფიზიოლოგიური პუნების აქტიურ-ინტენსიური მოძრაობა არის *conditio sine qua non* სულიერების, ილუზიებისა და იდეოლოგიისა.

ინდივიდუალური ფორმა შემოქმედების სიმბოლოა იმ დიადი ისტორიულ-საზოგადოებრივი მღელვარებისა, რომელიც ყოველთვის ამზადებს ერისა და კაცობრიობის ოქროს ხანას რასულ-ისტორიული და ეპოქალური აქტუალობით; გაღიზიანებათა ინტენსივობა ერთნაირად მოქმედებს ინდივიდუალურ და სოციალურ ცხოვრებაში: ინდივიდუალური ფიზიოლოგია ისეთივე კონდენსატორია ინდივიდუალური განცდისა და მეტყველებისა, როგორც სოციალური ფიზიოლოგია კონდენსატორია სოციალურ განცდათა და მეტყველებათა; ინდივიდუალობა ელემენტარული და კონკრეტული ფორმაა სოციალობის (*sociabilitate*): ინდივიდუალობა სოციალური ერთეულია როგორც ფიზიოლოგიურად, ისე სულიერად: ჩვენი ტანი პატარა ტანებისაგან შედგება, ჩვენი სული სულიერი მოვლენებისაგან. ჩვენი ინდივიდუალობა სიმბოლური განსხეულებაა სოციალურ-კოსმიური ინდივიდუალობისა და ყოველ ჩვენს მოქმედებას, ყოველ ჩვენს აზრს აქვს კავშირი სოციალურ მრავლობასთან, ისე როგორც ყოველ ჩვენს ორგანულ-ფიზიოლოგიურ მოთხოვნალებას აქვს კავშირი სოციალურ ცხოვრებასთან: იდეა, რომელიც ჩვენ გვებადება თავში, გარეგნულად განყენებული და ზემატერიულია, მაგ-

რამ შიგსკენლურად, იმანენტურად სოციალურ-ორგანული ემანაცია იმიტომ, რომ წარმოადგენს ჩვენი მეობის ბუნებასა და საზოგადოებასთან ფსიქოლოგიურ-ევოლუციურ შეთანაბრებას. აზრი, რაც უნდა მარტივი იყოს, გამოსახავს შეცნაურებულ დამოკიდებულებათა და თვისებათა სინთეზს; ყოველი სინთეზი არის სოციალურობის ერთგვარი სახე, ერთგვარი ფორმა, ცხოვრების და მოძრაობის ერთგვარი ჯამი. მოძრაობა არის მხოლოდ გარეგანი მხარე. შინაგანი მხარე მოქმედებაა; მოძრაობა რყევადი და არეული ფორმაა. მოქმედება დინამიკურია: მოქმედება მოძრაობის სისავსეს გამოსახავს და ამიტომ მოქმედება (და არა კანტის ჰერტა) პრინციპია სოციალური ევოლუციისა და არსად ეს პროცესი ისე არ ირკვევა, როგორც ხელოვნებაში — ესთეტიკურ იდეალში.

მუსიკა მოძრაობაა ტალღათა ვიბრაციის ერთი ხანიდან მეორე ხანამდე: რიტმი მოძრაობის მუსიკალური ფორმაა, — სიარული, სირბილი, ცეკვა, საგანთა რახუნი კოსმოსური რყევის რიტმული ბაბანია; ქანდაკება დაქიმულ კუნთებსა და ნაოქებში, მხატვრობაში ფერების ბორიალება, რიგი და წყობა ხუროთმოძღვრებაში შეგვრძნობილ მოძრაობათა სტატიკური სიმბოლოებია, განსახეობათა ლივლივში, ორგანულ ესთეტიკური მღელვარების ორთქლში ამოვლებული.

სული ჩვენი შემოქმედების დროს ხელმძღვანელობს სოციომორფიზმისა და ანთროპომორფიზმის პრინციპებით; სახლი, რომელსაც ჩვენ ვაშენებთ საცხოვრებლად, ანთროპომორფული სიმბოლოა: ფანჯრები იგივეა, რაც ჩვენი თვალები, კარები საყნოსავ ორგანოებს წააგავს. თვით ჩვენი ოჯახი, როგორც ინსტიტუტი, სოციალურ პრინციპზეა აშენებული და ბოლოს და ბოლოს მარადობის თვალთახედვით იგივეა, რაც ჩიტის ბუდე რომელიმე ტყეში.

საზოგადოებრიობა პრინციპია ხელოვნებისა და გრძნობათა საშუალებით ეს პრინციპი ჩვენ გადაგვაქვს ბუნებაში, სამყაროში: ჩვენ თვითონ ჩვენს განცდებსა და ილუზიებში მივეყვებით სოციალურ-კოსმოსურ პრინციპს და რაც უფრო ვაზოგადებთ ჩვენი არსებობის კავშირს უნივერსალობასთან, მით უფრო წარმავალსა და საცოდავ სახეს იღებს ჩვენი ყოფა წუთისოფლური დაუსრულებლობის არეზე.

ხელოვნება სოციალობის შეკუმშვაა: რამდენიმე საათის განმავლობაში ჩვენ სცენაზე ვხედავთ ან წიგნში ვკითხულობთ ისეთი ინტენსიური ხასიათის მოქმედებებს, რომელთაც სინამდვილე ამზადებდა რამდე-

ნიმე თვის, ან შეიძლება რამდენიმე ათეული წლის განმავლობაში. ხელოვნება სოციალურ განცდათა კონცენტრაციაა.

სწორედ ამიტომ. ყოველგვარ ჰუმარიტ ხელოვნებას აქვს ხასიათი შთაგონებისა; მიზანი ხელოვნების ინდივიდუალობის დაშლაა; გრძობის სოციალიზაცია, სოციალური სიმპათიის ამყოლობა, გაყოვლადება ინდივიდუალობის, ტანჯვისა და დამუხვის გზით ესთეტიზაციის ატრიბუტებია. ხელოვნება იწვევს თანაგრძობას* იმით, რომ ტიპების დახასიათებაში ჩვენ ვამჩნევთ ჩვენი. საკუთარი ხასიათის თვისებებს: ლიტერატურაში ტიპი ყოველთვის სოციალური გმირია; ოჯახი, საზოგადოება, სახელმწიფო, ბუნება — აი ასპარეზი გმირის მოქმედების: ელენე, კლეოპატრა, ბეატრიჩე, ფაუსტი, ჰამლეტი, რასკოლნიკოვი, ტარიელი, ოთარაანთ ქვრივი სიმბოლური სახეებია სოციალურ-ისტორიული რეალობისა.

ყოველი ადამიანი ამ გმირებში ყოველთვის დაინახავს თავისი ინდივიდუალობის ნაწილს.

ტრაგედიული დამუხვა ინდივიდუალობის განცდათა სოციალიზაციით, მღელვარე მასა, მოძრავი არე, ხალხი, საზოგადოებრიობა, იდეა ყოვლობისა, იდეა სოციალურ-კოსმოსურის და მანქანურ-ცივილიზაციური ათქრიალების, ვიბრაცია ერთეულებისა მრავლობასთან და რიტმი პლანეტარული ნევრასთენიისა ჩვენი საუკუნის ისტორიული ლოგოსის ელემენტებია.

სულთ ვიწრო და მშრალია ის, ვინც მხოლოდ ყავახანებსა და ალკოჰოლში ხედავს ცხოვრების აზრს, იმ დროს, როდესაც გარშემო ისმის ზანზარი პლანეტარული და არსებობის უღმობელი ტალღები ამსხვრევენ ინდივიდუალიზმის კუნძულებს, ცრეცენ მეშქანურ-ბურჟუაზიულ სუბტიელებს, გლეჯენ მარკვლებს ყალბი ტრადიციის ყალბი პრინციპებისა და კატეგორიებისას.

სოციალურ-კოსმოსური სიდიადით სული ჩვენი იძენძება და გული, ექვებით დათენთილი, თხოულობს ალერსს, თანაგრძობას; არის წუთები, როდესაც წუთისოფლად ადამიანს თავისი თავი ეცოდება; არის წუთები, როდესაც განსაკუთრებით მწვავედ გრძობს სული ჩვენი ყოფისა და სურვილების ეფემერობას, ქვეყნიური ჩვეულებისა და პრინციპების უაზრობას: მე ხანდახან ტირილის სურვილი მომივა უმიზეზოდ და მახრჩობს, ამბობდა პეტრარკა; ნიციშეს ზარატუსტრაც ტი-

* ის. „სული და იდეა“, ესთეტიკური იდეალი.

რის უდაბნოში, როდესაც აუჩუყდება გული კოსმოსური უსახელო-ბით.

სამყარო ფერადი და თვალგადაუწვდენელი იშლება როგორც დაუსრულებელი ბაგინი შეუცნობელი ღმერთებისა, როგორც უპატრონო საავადმყოფო მღუმარე სასაფლაოზე; მარტოობის გრძნობა სიყვარულის იდეას ასხეულებს ყოვლობის პანთეისტურ წარმოსახვაში და სასოწარკვეთილება როგორც ფსიქოლოგიური განცდა — სოციალური სიმპათიის ესთეტიკური იდეალი, უპირველეს ყოვლისა, სოლიდარობის გრძნობაა — ერთგვარი ჰარმონიაა მგრძნობ ინდივიდუალობასა და საგრძნობ სოციალურობას შორის. მორალი და რელიგია ესთეტიკური ემოციის სტატიკურ-ობიექტური ფორმებია, რომელთაც მიზნად აქვთ დასახული სოციალურისა და უნივერსალურ მიმდინარეობათა გარკვევა და განმტკიცება; მორალური გრძნობა ტელეოლოგიურიაო — ამბობდა კანტი; ჩვენ ვამბობთ: მორალური გრძნობა ესთეტიკური აქტუალობის გადავიწყებული და ჩვეულებებში შენახული ონტოლოგიური მიზეზობრიობაა; სოციალურობის სიმპათია ჩვენი გულისთქმაა იმდენად, რამდენადაც ჩვენი გულისთქმა სოციალური და კოსმოსურია, რამდენადაც ჩვენში არის თანახმიანობა კოლექტივობისა და უნივერსალობის. შეიძლება ითქვას: მშვენიერება განსახიერებული სიკეთეა და ყველაფერი ბიოლოგიურად მორალური — მშვენიერია; მორალი სოლიდარობის გამოსახულებაა — სრულყოფილი და რეალური სოლიდარობის, რომელიც თანდათანობით ორგანულ-ტროპულ გალიზიანებათა ჩვეულებებში იქცა სიტკობად და რომელსაც აქვს იმდენად მშვენიერი სახე, რამდენადაც პროცესუალურადაც აერთებს, აყოვლადებს ჩვენს განცდებში ყოვლობის სხეულებრივ ელემენტებს: ყველაფერი ერთეულში და ერთეულობა ყველაფერში — აი ჩვენი, ბიოფსიქიკური თვალთახედვით ესთეტიკური იდეალი.

სიამოვნება, რომელშიც არაფერი ინდივიდუალური არ არის, მოკლებულია ღირებულებას, მზიდაობას; მაგრამ ინდივიდუალური სიამოვნება, რომელიც არ თავდება უნივერსალობისა და მარადობის შეგრძნებით, უბრალო მცონარეობაა, მსგავსი ლუარსაბ თათქარიძის ბოზაშიზმისა; მხოლოდ ეგოიზმის დაშლასა და გრძნობათა სოციალიზაციაში უნდა ვეძიოთ ესთეტიკური იდეალის გარდაუვალობა და მარადიულობა. თვით უდიდესი ინდივიდუალისტები: ფაუსტი, მანფრედი, რასკოლნიკოვი, ჰამლეტი სოციალური გრძნობებისა და იდეალების, სოციალური განცდებისა და სურვილების მატარებელნი არიან;

ჰამლეტის ტრაგედია მთელი საზოგადოებისა და კაცობრიობის ტრაგედიაა; ჰამლეტის ტკივილები და სასოწარკვეთილება, მისი ექსპერიმენტები და ექვები, მისი მელანქოლია და რყევა. მისი სულის განცდათა ქარიშხალი შემთხვევებსა და პლანეტური უმიზნობის ქაოსში გახვეწილი, კაცობრიობის სასოწარკვეთილება და სევდაა: ჰამლეტი სიმბოლოა კოლექტიური უბედურების, სოციალური განცდისა: სტიუარტების ოჯახის დაშლა, ლორდი დერნლის დაღუპვა, ბოსველის ვერაგობა და მუხანათობა სოციალურ-ისტორიული და ფსიქოლოგიურ-სიმბოლური რეალობა იმ დიადი და საკაცობრიო ტრაგედიისა, რომელსაც „ჰამლეტის“ სახელი ჰქვია. ფაუსტის ეგოისტურ გრძნობებში, სულიერ მღელვარებასა და მოქმედებაში არიან ჩვენი განცდები და სურვილები, ჩვენი ნდომანი და იდეალები. მანფრედის სასოწარკვეთილებაში ისმის ჩვენი ტანჯვის უკმაყოფილების ხმა, მანფრედის დაღუპულ იმედებში ჩვენ ვხედავთ ჩვენი ცხოვრების მწარე წუთებს, ჩვენს მწვავე გრძნობებს. მანფრედის ტრაგედიული აღმაფრენა იუნგფრაუს მწვერვალებზე. მანფრედის ოცნება კოლიზების ნანგრევებზე და არწივის სიმბოლური ფრენის ათვლებაში ჩვენი წუთისოფლური სევდის ფილოსოფიაა არსებობის კონკრეტულ სასაფლაოზე.

ინდივიდუალიზმი ყოველთვის სოციალური გრძნობებით და იდეალებით საზრდობს და უაღრესი ინდივიდუალისტი კოლექტიურ განცდება და სურვილებს ატარებს; ულტრაინდივიდუალიზმი კოლექტივიზმით მთავრდება — უდიდესი ზიზღი ბოლოს და ბოლოს უკიდურესი ფორმაა სიყვარულისა და თანაგრძნობის.

ორბანობროპიზმი, სტილი და სოციალური განცდა

სამყარო იყოფა ორ ჯგუფად: ერთი ჯგუფს შეადგენს მოვლენები, რომელნიც ადამიანმა წარმოშვა; მეორეს კი — მოვლენები და საგნები, რომელნიც წარმოიშვნენ ადამიანისაგან დამოუკიდებლად, თავისთავად; პირველ ჯგუფს საგნებისა და მოვლენებისას ჩვენ ვეძახით ხელოვნებას, ამ სიტყვის ფართო მნიშვნელობით, და აქ სიტყვა „ხელოვნება“ იმავე მნიშვნელობით იხმარება, როგორც სიტყვა „კულტურა“; მეორე ჯგუფი საგნებისა და მოვლენების შეადგენს ბუნებას.

ბუნება არის ყველაფერი, რაც თავისთავად წარმოიშვა, რის გაჩენაში ადამიანს პირდაპირ მონაწილეობა არ მიუღია; კულტურა კი ნიშ-

ნავს ადამიანის ნებისყოფის შემოქმედებით გაშლასა და ჰკუა-გონების მიხვედრილობას; კულტურისა და ცივილიზაციის ფორმები წარმოუდგენელია ადამიანის გარეშე, გარეშე მისი ჰკუა-გონების, მოხერხებისა და ნებისყოფის გაშლისა; დედამიწა და მისი სხვადასხვა კუთხე, სადაც კი ადამიანს მიმოუხედავს, ატარებს ერთგვარ დაღს: არხები, კოშკები, ქალაქები, სადგურები გემებისა და რკინიგზის მოძრაობისათვის, სახლები და სასახლეები, საომარი იარაღები, ჰურჭლეულობა ოჯახური საქირებისათვის — ყველაფერი ეს არის ნაყოფი ადამიანის აზრისა და ნებისყოფის შემოქმედებითი ამოძრავებისა.

საერთოდ კულტურა სამი სხვადასხვა სახისაა: მატერიალური, სოციალური და სულიერი. მატერიალურ კულტურაში იგულისხმება: საკმელი, ტანისამოსი, ბინა, მორთულობა საყოფაცხოვრებო ხასიათისა, საომარი იარაღები; სოციალურ კულტურაში განლაგდებიან: ოჯახი, წოდება, პროფესიული ორგანიზაცია, სახელმწიფო; სულიერ კულტურაში შედიან: ხელოვნება, მორალი, ფილოსოფია, სპეციალური მეცნიერებანი, — ერთი სიტყვით, ყველაფერი, რაც განასახიერებს ადამიანის სულის იდეალურ ზრახვებს.

კულტურა ზედნაშენია ბუნებისა, ერთგვარი გაგრძელებაა მისი და სწორედ ამიტომ კულტურული შემოქმედებისათვის ადამიანი ყველგან სარგებლობს იმ მასალებით, იმ ფერებით და ფორმებით, რომელთა შეგერძობა და ასახვა შეეძლო ადამიანს თავის გარშემო მიწა-წყალზე და რომელნიც ახდენენ ადამიანზე ერთგვარ გავლენას.

ბუნება ცოცხალი ჰაერებითა კულტურისა; ბუნების მოვლენები არტახებია კულტურული შემოქმედებისათვის: ზღვა და ხმელეთი, მთები და მდინარეები, მყრალი ჰაობები და ახრიოკებული უდაბნოები, ცხოველები და ფრინველები, მინერალები და მცენარეები — აი, რა შეადგენს კულტურისა და ცივილიზაციის ნედლ მასალას, რომლის გადამუშავებისათვის კაცობრიობის მოუსვენარი, მუდამ მღელვარე სული ეძიებს გზას უსაზღვროების გაშლილ არეზე.

სხვადასხვა კუთხეში, სხვადასხვა მიწა-წყალზე სხვადასხვა ხალხი ათასგვარი ხერხით ცდილობს თავისი ყოფის დამკვიდრებას, გამაგრებასა და გალამაზებას: კაცობრიობის კულტურის შინაგანი ხილვა გვიჩვენებს, რომ სული ადამიანისა, როგორც სული ყოველი არსისა, ეძიებს საშუალებას იდეოლოგიურს, ესთეტიკურ-ფილოსოფიურს, გადააკავშიროს თავისი თავი მდგომარეობას და პირობებს, ვინაიდან ყოველგვარი არსებობა წუთისოფლად განსაზღვრულია თავის მოქმედებაში მდგო-

მარეობით და ჰერობებით და რამდენადაც იგი განსაზღვრულია, იმდენად იქმნებულა ფსიქოფიზიკური კავშირი იქონიოს იმ მდგომარეობასთან, რომელიც საზღვრავს მისი არსებობის არეს.

ამ დაკავშირებაში იქმნება გავლენათა ურთიერთობა. მდგომარეობა აღიზიანებს სხეულსა და მის ნერვულ-ფსიქიკურ არსებობას, ხოლო გაღიზიანებული სხეული ჩვეულების მიხედვით გამაღიზიანებელი მდგომარეობისაკენ ილტვის. ასეთი ხასიათის შემოქმედებით ურთიერთობას მდგომარეობასა და არსს შორის ჩვენ ვეძახით ორგანოტროპიზმს და ეფიქრობთ, რომ, როგორც ბიოლოგიისა და ბიოლოგიური ფსიქოლოგიის, ისე სოციოლოგიისა და სოციალური ფსიქოლოგიის თვალსაზრისით ეს ტერმინი მისაღებია; ფრანგი მოაზროვნე იპ. ტენი შემოქმედების შესაძლებლობას, ხელოვნების სხვადასხვა ფორმაში ჩამოყალიბებას უკავშირებდა მდგომარეობას არა მარტო სოციალურად, არამედ ბიოლოგიურადაც და კლიმატურადაც. ყოველი ხალხის ცხოვრება და ისტორია, ყოველი ხალხის ხელოვნება და ფილოსოფია, რელიგია და იდეალები იშლებიან და იზრდებიან პიროვნებისა და მდგომარეობის მიხედვით. გაადგილებულია არა მარტო ფიზიკური ყოფა, არამედ ყოფა სულიერიც; გაადგილებულია არა მარტო სხეული და ტანი, არამედ სხეულისა და ტანის ღელვა და ტანჯვა. მდგომარეობა ერთგვარი თერძია სულიერობისა და მის ესთეტიკურ-ფილოსოფიური ილუზიების, რელიგიის, მეცნიერებისა და ხელოვნებისა; იგი მოკარნახეა იდეალებისა და ზრახვების, კანონმდებელია მორალისა და გემოვნების; მდგომარეობა რკინის მარკვლებით ბოჭავს ადამიანის სულსა და გულს: იგი ამოძრავებს ჩვენს ნებისყოფას და მიმართებას აძლევს წუთისოფლად ჩვენს სურვილებს.

ლიტერატურული იდეალებისა და ტიპების სახეებს მდგომარეობა ამართლებს და ასაბუთებს ასოციაციებით და აპერცეფციებით; მაგრამ, ვინაიდან ქვეყნის ყოველ კუთხეს, ისტორიის ყოველ ეპოქას საკუთარი მდგომარეობა აქვს, ყოველი ხალხისა და ეპოქის ლიტერატურული იდეალები და სახეები განირჩევიან ერთმანეთისაგან: ესთეტიკური იდეალების მეტამორფოზა უმეშვეოდ დაკავშირებულია სოციალურ სტრუქტურათა ევოლუციასთან და კულტურის ყოველგვარი ვითარება ათავისებურებს ლიტერატურისა და ხელოვნების მიმართებას.

ხალხის ცხოვრება, ხალხის განცდად ქცეული, ერთადერთი და უდიდესი წყაროა ლიტერატურისა და ხელოვნების; თვით ისტორია თავისი ეპოქებითა და პერიპეტეებით სტრატეგიისა და სახელმწიფოებრიობის

სფეროში უშინაარსოა გარეშე ლიტერატურისა და ესთეტიკური იდეალებისა; ხალხის ისტორია იმდენად უინაარსიანია, იმდენად მდიდარია და თავისებური, რამდენადაც ხალხი ესთეტიკურად ასახავს თავის ყოფას, რამდენადაც ხელოვნება აკეთეს ხალხის განცდათა მგზნებარე დაზგაზე სურვილებსა და მიზნებს, ცხოვრების იდეალებსა და ზრახვებს: საქართველოს წარსული საინტერესოა სწორედ იქ. იმ ეპოქებში. სადაც ქართული სული შლის იდეალების მარაგებს ქართული ლიტერატურის ფურცლებად, სადაც დიდი მწერლები და ფილოსოფოსები ქართულ აზროვნებას მეტყველების მშვენიერ ფორმებში ასახავენ. ომებს, ცეცხლს. მახვილს, სოციალურ პერიპეტეებს, სხვადასხვა სახის მორალურ-იდეოლოგიურ ცვლილებებს ხალხის ცხოვრებაში იმდენადაც აქვს მნიშვნელობა, რამდენადაც ხალხის და საზოგადოდ ადამიანის განცდა ასახავს მდგომარეობას: საჭიროა მდგომარეობის არა მარტო არსებობა, არამედ ასახვაც. განცდაც. მდგომარეობა იწვევს ნერვულ-ფსიქიკურ გაღიზიანებას. გაღიზიანება გადადის შეგრძნებაში, მაგრამ, ამასთანავე, ნერვულ-ფსიქიკური ბუნება ადამიანისა ახვედრებს ყოველგვარ გაღიზიანებასა და შეგრძნებას გენეტიკურად მიღებულ თავისებურებას, რომელიც მოქმედებს მდგომარეობაზე ისე, როგორც მდგომარეობა მოქმედებს ამ თავისებურებაზე. ინდივიდუალური, ან რომელიმე ეპოქის ნერვულ-ფსიქოლოგიური თავისებურება სინთეზია მემკვიდრეობით მიღებულ განცდათა, მაგრამ ყოველგვარ პირობებში ეს გენეტიკური სინთეზი ანგარიშგასაწევდა; ვინაიდან მასში არის ერთგვარი ენერჯია, ერთგვარი *idée-force*, რომელიც გაღიზიანებისა და შეგრძნების ფსიქონერვულ ჩქერებს აძლევს მიმართულებას და ხშირად „ერთსა და იმავე პირობებში, ერთსა და იმავე ეპოქაში სხვადასხვა იდეალებსა და სულებს ამოძრავებს: სული ყოვლობისა და მისი ინტელექტუალურ-ესთეტიკური სახეობა არ არის ზედროულად მოცემული და უცბად განსხეულებული, როგორც იუნონა იუპიტერის თავის ქალაში: ჩვენი სულის ყოველ გამოვლენაში არის ორი მხარე — წუთიერი ჩხვლეტა და გენეტიკური წვა. რაციონალისტები — ინტელექტუალისტები ყველა კატეგორიისა და მიმართულებისა ვერ ამჩნევენ ისტორიაში, კულტურის ევოლუციაში ასეთი ხასიათის ურთიერთობას მდგომარეობისა და სულიერობის ფორმებს შორის; კაცობრიობის წარსულში როგორც პრეისტორიულ, ისე ისტორიულ პირობებში ჩვენ ვხედავთ არა მარტო მდგომარეობის გავლენას, არამედ გავლენის პირუქულმა გავლენასაც მდგომარეობაზე.

ჩვენს ძირითად დებულებას არ ეწინააღმდეგება არც ერთი სერიოზული მიმართულება თანამედროვე აზროვნებაში: პირიქით — სპეციალურ მეცნიერებათა უკანასკნელი მიღწევანი, კოსმოლოგიური, ბიოლოგიური და სოციოლოგიური თეორიები ჩვენი დროისა სავსებით ადასტურებენ სულისა და მისი შემოქმედების გაადგილებას, აზროვნებისა და მდგომარეობის გენეტიკურ ფსიქო-კომპლექსიზმს. ჩვენ გადავიტანეთ სულისა და გააზრების ყველა საკითხი გენეზისის არეში და ამასთანავე ეპლიეთ ფსიქოლოგისტური სოლიფსიზმი ორგანოტროპიზმის კორელატური იდეით. ღმერთები და მითები, ლეგენდები და ისტორიული თქმულებები, ფილოსოფიური სისტემები და ესთეტიკური იდეალები, მხატვრული სახეები ლიტერატურისა და პოეზიის ერთგვარი სახეცვლილი უკუქცევია იმ ბიოლოგიური ენერჯისა, რომელიც მოთავსებულია განსაზღვრულ კოლექტიურ, ან ინდივიდუალურ სხეულში და რომლის შემოქმედებითი ასხივოსნება შექმნა მდგომარეობის გალიზიანებამ და გალიზიანებისაგან გამოწვეულმა წვამ: მდგომარეობისაგან მიღებულ გალიზიანებას სული ახვედრებს ყოველ ეპოქაში, ყოველგვარ პირობებში იმ პოტენციას, რომელიც დაგროვილა სამყაროს კუთხურ განცდათა და ჩვეულებათა რეზერვუარში. ფილოსოფიურ-ესთეტიკური აპერცეფცია შესაძლებელია მხოლოდ იქ, სადაც ხდება ინტეგრალური შეხვედრა ბიოგენეტიკური მეხსიერებისა და მდგომარეობის ახალი გალიზიანების. საიდანაც სული თავისი მწველი სურვილებით და კუნთების მჩხვლეტი შეგრძნებებით იწყებს ახალ მიმართებას მიზნებისა და სახეობითი პერსპექტივებისაკენ.

ჩვენი დროის იმპრესიონიზმი და ექსპრესიონიზმი არის მხოლოდ სტილის საკითხი, მხოლოდ თქმის ტექნიკის საკითხი; ყოველი სტილი მდგომარეობისა და გენეტიკური განცდისა სულიერი მოთხოვნილების ფორმაა: არც ერთ ადამიანს და არც ერთ ეპოქას არ შეუძლია იქონიოს სტილი, რომელიც არ შეეფარდება მისი სულისა და ნერვების მოთხოვნილებას; ლუდოვიკო მეთოთხმეტეს დროის სტილი სწორი ფსიქოლოგიური გამოსახულებაა ფეოდალურ-არისტოკრატიული „პრესიონიზმისა“; სიმბოლიზმის ქარაგმული გაურკვეველობა თქმაში თანამედროვე ქაოსური განცდის ასახვაა; ექსპრესიონიზმისა და იმპრესიონიზმის „demi parole“ გაქალაქებული სულის ნერვული ატორტმანებაა: ყველაფერს „ახალს“ ლიტერატურაში წინ მიუძღვის „ახალი“ ცხოვრებასა და ისტორიაში. კულტურის ფორპეზა და ხელაწინებას შორის რომ არსებობს ურთიერთობა, ეს იცოდნენ მანამ, სანამ ტენი გამოაქვეყნებდა

თავის თეორიას და სანამ უან-მარი გიუიო მოახდენდა ამ თეორიის რესტავრაციას: 1719 წ. დიუბომ გამოუშვა წიგნი *Réflexions critiques sur la poésie et la peinture*, რომელშიც სხვადასხვა ხალხისა და ღროის ხელოვნებას უკავშირებდა არა მარტო საერთო კულტურის განვითარებას, არამედ ჰაერისა და გეოგრაფიული მყარობის გავლენასაც. აქედან იხ. ტენისათვის ადვილი გადასადგამი იყო ნაბიჯი სოციოლოგიის სფეროში, სადაც ხელოვნებას დაეთმო ადგილი როგორც სულიერი კულტურის ტემპერატურას. ტენი გადაჭრით ამბობს: *L'oeuvre d'art est déterminée par un ensemble de l'état général de l'esprit et de moeurs environantes.*

ეპოქისა და ხალხის საერთო სულიერ განწყობილებას ისეთივე მნიშვნელობა აქვს ხელოვნებისათვის, როგორც ფიზიკურ ტემპერატურას ფლორის განვითარებისათვის: ყოველ ეპოქაში იბადება არაერთი მხატვრული მეტყველების ნიჭი, მაგრამ ეპოქის გამომხატველ სიტყვას ამბობს მხოლოდ ის, ვისი სულიერი განწყობილებაც შეეფარდება ეპოქის საერთო სულიერ განწყობილებას, განსაკუთრებით კი გაბატონებულ სულიერ გემოვნებას; დანარჩენი ნიჭი ილუპება უნიადაგობისა და უადგილობის გამო: ისტორიისა და ეპოქის „სულიერი ტემპერატურა“, ტენის აზრით, ბოლოს და ბოლოს არის შედეგი სამი ელემენტისა: რასული თავისებურებისა, კლიმატური მდგომარეობისა და კულტურული პირობებისა.

ასეთია იხ. ტენის აზრი თავიდან ბოლომდე და არც რასული თავისებურების განმარტებას, არც მდგომარეობისა და შემოქმედებითი სულის ურთიერთობის გარკვევას ტენი არ იძლევა: განა რასა გარკვეული ცნება არის? განა რასულ თავისებურებაში არ შედის ეთნოლოგიური ელემენტი? განა რასა არ განიცდის სახეცვლილებას გენეტიკურად და განა ამ გენეტიკური სახეცვლილების პროცესში არ იქმნება ისტორიული ტონუსი — შემოქმედებითი სულის გრძნობითი ტონი?

სავსებით მისაღებია დებულება: მდგომარეობა აძლევს ფორმას ხელოვნებას, სულიერობასა და მთელს ინტელექტუალობას; მდგომარეობა ქმნის აზროვნების მიმართებას, მაგრამ ამ დებულებაში ხელოვნება არის მხოლოდ ნაწილობრივი გამოსახულება საერთო ინტელექტუალური კულტურისა, რომელიც ყოველთვის განსაზღვრულია მდგომარეობით და პირობებით. მართალია, მდგომარეობა აძლევს ფორმას სულიერობას, მაგრამ მდგომარეობის შეცვლის დაჩქარება შეუძლია სუ-

ლიერობის გავლენას. კ ა ნ ტ ი ყოველდღე გამოდიოდა სასაიროდ, მაგრამ სამი დღე ზედიზედ არ გამოსულა, როდესაც უ ა ნ - უ ა კ რ უ ს ო ს ნაწერებს კითხულობდა; გ ო ე თ ე ს „ვერტერი“ პირადი ცხოვრების მდგომარეობითაა ნაკარნახევი, მაგრამ ვინ იცის, რამდენი პირადი ცხოვრების მდგომარეობა შექმნა „ვერტერმა“ საზოგადოებაში? აქ სრული ორგანოტროპიზმია ყოველდღეული, ორგანოტროპიზმი, რომელიც ფსიქოლოგიურად გაცილებით უფრო მკვეთრი და დინამიკურია, ვიდრე ტ ე ნ ის ხელოვნების ფილოსოფია და ჩვენი დროის სიმბოლისტი-მპრესიონისტების ესთეტიკური ბავარდაჟი, მოკლებული ყოველგვარ გარკვეულ გააზრებას, გარკვეულ პრინციპსა და მსოფლგაგებას. ორგანოტროპიზმის ესთეტიკურ ფილოსოფიაში მოცემულია ურთიერთობის პრობლემა მდგომარეობასა და სულს შორის, სულსა და მდგომარეობას შორის. მხოლოდ ამ გზით და ამ მეთოდით გასაგებია ჩვენთვის ის, რასაც ი ბ. ტ ე ნ ს უსაყვედურებს ე ნ ე კ ე ნ ი თავის შესანიშნავ წიგნში: Critique Scientifique. დაახლოებით ერთმა და იმავე მდგომარეობამ სოციალურ-ისტორიული ევოლუციის პროცესში ჩვენ მოგვცა შ ი ლ ე რ ი და გ ო ე თ ე ს ხვადასხვა შემოქმედებითი სულებით; შ ა ტ ო ბ რ ი ა ნ ი და ფ ლ ო ბ ე რ ი ერთი პროვინციიდან იყვნენ, მაგრამ სულიერად სხვადასხვაობდნენ; ბ ე რ ა ნ ს ი და კ ა რ ლ ე ი ლ ი შოტლანდიის მთიელებია ორივე, მაგრამ მათ შორის დიდი განსხვავებაა: ყოველ მათგანს აქვს საკუთარი გრძნობითი ტონი, საკუთარი ფსიქოლოგიური რეზონანსი, საკუთარი კავშირი ეპოქის სულიერობასთან.

გ რ ი გ ო ლ ო რ ბ ე ლ ი ა ნ ი, ვ ა ხ ტ ა ნ გ ო რ ბ ე ლ ი ა ნ ი და ნ ი კ ო ლ ო ზ ბ ა რ ა თ ა შ ე ლ ი თითქოს ერთნაირი მიდგომით დასტირიან ისტორიული საქართველოს ნანგრევებს, მაგრამ, რომ დააკვირდებით, განსხვავება არსებობს არა მარტო მათ თქმათა შორის, არამედ მათ მსოფლგაგებასა და აზრთა შორისაც: გრიგოლ ო რ ბ ე ლ ი ა ნ ი საქართველოს წარსულის სივრცით წარმოსახვაში („ლხინი“) ეძიებს სულის ნავსაყუდელს; ნანგრევების სახეები მიმოივლიან რა პოეტურ წარმოსახვაში კოსმოსურ არეებს, უსახავენ ვ ა ხ ტ ა ნ გ ო რ ბ ე ლ ი ა ნ ს ქალური სინაზით მზიდარულობას („იმედი“) და, როგორც ინგლისელი მგოსანი შ ე ლ ის, ტკბილი სურვილების ეროტიკული ნემსებით ჩხვლებენ ოცნების სფეროში გადაწოლილ სულს; გადააფასებს რა წუთისოფლურ ღირებულებებს, საზოგადოებისა და ქვეყნის უაზრო თქრიალს, საქართველოს არსებობის შესაძლებლობას. ანთებული შინაგანი წერო და უსახავედროების სიყვარულით, ნ ი კ ო ლ ო ზ ბ ა რ ა თ ა შ ე ლ ი

დაისადგურებს ყოფას ოცნებით წარმოსახულ მარადობაში („მერანი“).

აქ არის სხვადასხვაობა არა მარტო სტილისა და თქმისა, არამედ ტემპერამენტისა და სულისა, აზროვნებისა და გრძნობითი ტონისა: აქ არის სოციალური ფსიქოლოგიის პათოსის გაადგილება, განკერძოება, ინდივიდუალიზაცია; ამ შემოქმედებითი ხასიათის გაადგილებასა და გაკერძოებაში კივის და თრთის სული ისტორიული განცდის, სული კუთხური ტკივილები. რომელსაც ენატრება გაშლა უსაზღვროებაში, გაშლა მარადობაში, რომელიც წუხს, რომ შებოჭილია რღვევადი და ხრწნადი ეგოიზმით — კუთხური მყარობითა და აზროვნებით. ყოველი სული წუთისოფლად მდგომარეობისაგან მიღებულ გაღიზიანებას უფარდებს თავის საჭიროებასა და ინტერესს: გაღიზიანებისაგან მიღებული შეგრძნება ჩვენი არსებობის ყოველ წუთს ჩვენი სულის გენეტიკურად შექმნილ ინტერესებს ედულება და ყოველ დიდ ხელოვანს, ყოველ დიდ მოაზროვნეს ქვეყნად შემოაქვს საკუთარი ასოციაციები, რომელნიც ერთგვარი დამატებაა სინამდვილისა, მაგრამ დამატება, მოტანილი არა მეორე სამყაროდან, არა ტრანსცენდენტური სფეროდან, როგორც ფიქრობენ აპრიორისტები, არამედ წარმოშობილი და სახეცვლილი გენეტიკურად სოციალურ-ისტორიულ ტკივილებსა და წვაში.

მდგომარეობასა და ჩვენს სულს შორის ურთიერთობა სოციალური ინტერესით და კონსონანსით ხელმძღვანელობს, და არ არის ჩვენზე არც ერთი სურვილი, რომელიც ვინმესთან ან რამესთან არ იყოს შეფარდებული. შეფარდებულობა (corrélation) ღირებულების პრინციპია, ყოვლობის დენაში — საგანთა და მოვლენათა სტიქიურ-ირაციონალურ როიაში ღირებულება შეფარდებითი ცნებაა; მრავლობა, ფსიქიკურ პროცესში დაწეწილი და ჩვენს შეგრძნებებად სახიერებელი, შეიცნობა ინტელექტუალობაში მხოლოდ შეფარდების მიხედვით: შეგრძნების სახიერება დამოკიდებულია არა მარტო გაღიზიანების ინტენსივობაზე, არამედ სხვა შეგრძნებათა კორელაციაზეც; ბგერა სი შეიძლება იყოს სასიამოვნო, ან არასასიამოვნო, არა ცალკეულად, არამედ იმასთან შეფარდებით, თუ რა ადგილი უკავია მას მელოდიურ ფრაზაში; წითელი ან მწვანე ფერი შეიძლება სასიამოვნო არ იყოს, მაგრამ სხვა ფერებთან ერთად შეიძლება ხშირად მეტად სასიამოვნო დარჩეს, თუ სიამოვნებას მოსდევს ტანჯვა, ტანჯვასაც და სიამოვნებასაც ღირებულება ეძლევა ფსიქიკურ პროცესში. სიამოვნებებს შეწყვეტა ტანჯვას იწვევს, ტანჯვის შეწყვეტა სიამოვნებას. კბილის ტკივილისა ან კუჭის სპაზმის შეჩერება სიამოვნებით თავდება და რომ ტკივილები არ ყო-

ფილიყო, სიამოვნების შეგრძნებას ადგილი არ ექნებოდა ჩვენში; თავის-თავად, ცალკეულად ფსიქიკური მოვლენა კარგავს ღირებულებასა და სახიერებას, მხოლოდ შეფარდებაში ღირებულება და სახიერება ჩნდება ვარკვეულად; შეფარდება ფაქტობრივად შესაძლებელია კორელაციის სახით, მხოლოდ კორელაცია საჭიროებს მოვლენათა მრავლობას, ურთიერთობას.—სოციალურობას ამ სიტყვის ბიოგენეტიკური მნიშვნელობით.

მეცნიერება იღეათა სისტემატიზაციაა, ხელოვნება კი გრძნობათა; ყოველგვარი სისტემატიზაციისათვის საჭიროა ერთგვარი ხერხი, ერთგვარი მიდგომა: დალაგება შეიძლება მხოლოდ იქ, სადაც არის რიგი, და რიგი ცხოვრებაში არის იქ, სადაც შეაქვს თავისი სული, თავისი ნებისყოფა, თავისი ინტელექტი ადამიანს შეთანხმებით მდგომარეობასთან, პირობებთან; მდგომარეობაში ჩვენ ვეულისხმობთ არსებობის ყოველგვარ ანტურაჟს — მიწა-წყალს ჰაერეთის კლიმატური თავისებურებით, გეოლოგიურ ფორმებს მდებარეობისას, მინერალებისას, მცენარეებისას და ცხოველების სამყაროს; მხოლოდ მდგომარეობაში ყველაზე უფრო აქტიური და შემოქმედი ელემენტია სოციალური არე — ადამიანთა ურთიერთობა თავისი ყოველდღიური ინტერესებით და საჭიროებათა ქსელით.

ყოველი ცოცხალი არსი ამ ქვეყნად იღებს არა ისეთ ფორმას, რომელიც მას სურს მიიღოს, არამედ ისეთს, რომლის მიღება შეიძლება განსაკუთრებულ პირობებში; მდგომარეობა თერძია ცივილიზაციის ფორმებისა: სმენის სიტლანქე რომელიმე ველურისა ისეთივე ფუნქციაა საზოგადოებრივი ვითარებისა, როგორც გემოვნების სიაზიზე ევროპის დიდი ქალაქის რომელიმე აბორიგენისა; სულის ესთეტიკური სახე, რომლის მონუმენტურ ფორმას წარმოადგენს ხელოვნების სტილი, ორგანულად ისაზღვრება საზოგადოებრივი ცხოვრების ვითარებით — სოციალური ფსიქოლოგიის დენით: არც ერთი ფორმა სტილისა დღევანდელი გაგებით არ არსებობს როგორც თვით არსი ესთეტიკური ხასიათისა, როგორც სუპერისტორიული კატეგორია; სტილი ისეთივე მოვლენაა ხელოვნებაში, როგორც რასა ისტორიასა და ანთროპოლოგიაში; შეიძლება ბევრს პარადოქსად მოეჩვენოს ჩვენი ნათქვამი, მაგრამ ჩვენ ვამტკიცებთ: რასა არ არსებობს როგორც მარადიული კატეგორია, რასული თვისებები ხალხისა ნაყოფია პლანეტურ და სოციალურ-ისტორიული წვალებისა. რასა ატარებს ორგანულად იმ თვისებებს, რომელთა შემოქმედება შეადგენს პლანეტური ყოფის გენეტოკერ

პროცესს; ბიოლოგიაში ჯიშების წარმოშობაც შეიძლება ასეთნაირად აიხსნას; ევოლუციურ ვითარებაში წვალებას გადაურჩნენ მხოლოდ ისეთი ჯიშები, რომელთა ორგანიზაციები ეწყობოდნენ მდგომარეობასთან შეთანხმებით, პირობებთან შეფარდებით; სხვა ჯიშები და სხვა ორგანიული ფორმები გადაშენდნენ, გაქრნენ, რაკი ველარ აიტანეს არსებობის პირობები; არსებული ჯიშები პლანეტურად გაბატონებული ფორმებია ორგანიული ევოლუციისა; ბუნებაში ბოლოს და ბოლოს ხდება ის, რაც ადამიანთა ურთიერთობაში: არსებობის ცვლილებათა მეთოდი ყოველთვის იგივეა, ხოლო მასალების დალაგება სხვადასხვა დროს სხვადასხვა სახისაა; ადამიანები თავიანთ ურთიერთობაში ემორჩილებიან გაბატონებულ მომენტებს: ცივილიზაციის ესა თუ ის ფორმა განსხვავდება გაბატონებული მომენტისა და მისი იდეოლოგიის. სტილი გამოხატულება იმ გრძობათა, იდეათა, შთაბეჭდილებათა და რწმენათა, რომელთაც ცივილიზაციის ევოლუცია დიალექტიკური ნახტომებით ამზადებს *par l'existence des idées dans l'air et par les circonstances de la vie*. სტილი გარეგანი მხარეა სულიერი მოძრაობისა და ხშირად სტილით შინაარსიც გამოისახება, მაგრამ იმდენად, რამდენადაც შინაარსი სტილს იძლევა: სტილების ცვლილება და სხვადასხვაობა ისტორიაში ერთგვარი საყოფაცხოვრებო სისტემათა ვითარებაა, ჩამოყალიბებული სახეებში. ხელოვნების სტილი საზოგადოებრივი განვითარების რეფლექსია და ყოველთვის, როდესაც ლაპარაკობენ სტილისა და ფორმის შესახებ, ივიწყებენ, რომ არასოდეს ისტორიაში არ ყოფილა შემთხვევა სტილის დამოუკიდებელი არსებობისა. სტილს ხელოვნებაში ყოველთვის მდგომარეობა იძლეოდა. მდგომარეობის გარეშე სტილის არსებობა შეუძლებელია.*

განსხვავება სხვადასხვა სტილს შორის გამომდინარეობს სხვადასხვა სოციალური ხასიათის მიმდინარეობიდან: სტილი ყოველთვის გამოსახავს იმას, რაც აწუხებს ადამიანის სულს, ხოლო სული ადამიანისა სხვადასხვა საუკუნეში სხვადასხვანაირად წუხს; აზრი ვერასოდეს იმის გამოსახავს ვერ მოახერხებს, რასაც ადამიანის საყოფაცხოვრებო ინტერესი გვერდს უვლის; წარსული კაცობრიობისა ეპოქებთან ერთად ხშირად იცვლის სოციალურ სტრუქტურასა და სტილს; წარმოების რეორგანიზაცია სტილის რეორგანიზაციით თავდება: მონადირე ხალხის სტილი, ყოველთვის ინდივიდუალისტური თავაწყვეტის გამომსახველი, არ

* Wilhelm Hausenstein: Die Kunst und gesellschaft. S. 32.

წაავას იდეოპლასტიკურ სტილს იმ ხალხისას, რომელიც ცხოვრობს მიწის დამუშავებით და აგარაული ინტერესებით საზოგადოდ.

სტილი სტატიკური ფორმაა სულის დინამიკური მოძრაობისა: ეგვიპტური ხელოვნება აწვევრადებული პირამიდებით და სფინქსებით თვალსაჩინო სახეა ინდივიდუალიზმის ძლიერი განცდისა; გიგანტური პირამიდები ეგვიპტისა საუცხოო მონუმენტებია ეგვიპტის ისტორიის იმ პერიოდისა, როდესაც ხალხში პატივისცემა და გასავალი ჰქონდა ინდივიდუალისტურ კულტურას — ფეოდალურ წესწყობილებას; ეგვიპტური სტილი, მოცემული პირამიდებსა და ბარელიეფებში, თავის შინაგან წყობაში ფეოდალისტური სტილია. სიმალღე და გრანდიოზულობა ერთნაირად ახასიათებს ეგვიპტის კულტურის ისტორიულ პერიოდს და ევროპის საშუალო საუკუნეებს.* გოთური სტილი ინდივიდუალიზმის იდეოპლასტიკური რეფლექსია რელიგიურ-რომანტიკული გადახრით.

ფეოდალურ წესწყობილებასა და გოთურ სტილს შორის არსებობს ორგანოტროპული ურთიერთობა; ფეოდალიზმი ევროპაში კვლავ რომ მობრუნდეს როგორც სოციალურ ეკონომიკური სტრუქტურა, გოთური სტილი და ესთეტიკა ინდივიდუალიზმისა მასთან ერთად მობრუნდება ან ხელოვნებაში. სტილი სულის განვითარებაა დროულ-სივრცული მასალებით, ფერებით და მოხერხებით, სტილი თავგია იდეოლოგიური ხვეულებისა: სტილის პრობლემა ხელოვნებაში ყოველთვის იდეოლოგიის მიმართების პრობლემაა და ვისაც უნდა სტილი შეისწავლოს რომელიმე ეპოქისა, სურვილი უნდა ჰქონდეს გამოარკვიოს კავშირი იმ ეპოქის იდეოლოგიისა სტილის განსაკუთრებულ ფორმებთან.

რევოლუციის დაწყებამდე საფრანგეთის არისტოკრატია თავისი გრძელი შეველიურით და გაზვიადებული, გაპრანჭული ვერბალიზმით ხელს უწყობდა ცხოვრების ფარისეველურ ფსიქოლოგიას; მაშინდელმა კომერსანტებმა შეისწავლეს ეს ფსიქოლოგია და ყველა თავადაზნაურული, არისტოკრატიული საზოგადოებრივი ცხოვრების ფორმა, რომლებითაც აღამიანთა ურთიერთობას ეკარგებოდა ერთგვარი ბუნებრიობა: ხელოვნურად გაგრძელებული შეველური, კაბა „ნაბარდა“, გამოთქმაში ჰიპერბოლა დამახასიათებელია იმ სტილისა, რომელსაც ისტორიაში ეძახიან ახირებული სიტყვით—როკოკოს**.

* Max Verworn: Zur Psychologie der primitiven Kunst.

** W. Hausenstein. Rokoko. Französische und deutsche Illustrationen... 1912.

ცხოვრების ვითარება თანდათანობით ცვლის გემოვნების ძველ ფორმებს: სალონური არისტოკრატიის ტიპი ნაზი და მსუბუქი პეპელა ადგილს უთმობს პატიოსან ჟანრს (le genre honnête); ფიგაროს ქორწილი დემონსტრაციაა საზოგადოების ახალი სულისა და სტილისა; მეშჩანური ყოფისა და კულტურას გამოთქმა, სიტყვების გაბგერება ყოველდღიური ბუნებრივობით, ჩაცმა-დახურვა სადა, მორალი ასე თუ ისე დემოკრატიული, პარადოქსები, მაჩვენებელი სოციალური ყოფის დეფორმაციისა, ბოძარშეს პერიოდის ფსიქოლოგიური თვისებებია და ეს თვისებები, გენეტიკურად ჩამოყალიბებული სოციალური ცხოვრებას ხვეულებში, ნიადაგს უმზადებენ რუსოსა და მის ახალ ელოზს თავისებური ტემპერამენტებით და ეგზიუბერანსული მეტყველებით; სტილი, როგორც ტანისამოსი, სხეულის ფორმას გამოსახავს.

კაპიტალისტური სამყაროს ნერვულმა მოძრაობამ თავისი ინტენსივობით და ფერების ბორიალებით წარმოშვა არითმიული სტილები ქალაქური კულტურისა; სოციალური ცხოვრების უთავბოლო დენა და პატარა ინტერვალებში შთაბეჭდილებათა მღვლეარე თამაში არსებობის ინტერესების ამყოლობით აწვალებენ სულსა და მის გემოვნებას: ბურჟუაზიულ-ქალაქურ ტურბიონში გაბატონებული კლასის ორგანოფსიქიკური ინტენსივობა, განსაკუთრებით ომისა და რევოლუციურ დღევათა შემდეგ გერმანიაში, იხრება ექსპრესიონიზმისა და ნეოიმპრესიონიზმისაკენ; შთაბეჭდილებებით და განცდებით სავსე სული ადამიანისა ვერ ეტევა თავის ნერვულ-ფსიქიკურ წყობაში და „შპიგელმენშების“ ანარქიულ-ბუნტარული ხასიათი საუცხოოდ ამეტყველებს არსებობის განსაკუთრებულ პირობათა შეგრძნებას: საზოგადოებრივ სტრუქტურათა დაწყვეტილ რგოლებში ძრწიან ჯგუფურ-ეგოცენტრისტულად განაპირებული სულები თავიანთი ილუზიებით, კუთხურ-ტროპული იდეალებით და ეფემერული ზრახვებით; სტილი საჩქეა სულის სოციალური წვალებისა: ექსპრესიონიზმი განცდის სტილია ისე, როგორც იმპრესიონიზმი ჰერეტისა. საყურადღებოა ის, რომ სიტყვა ექსპრესიონიზმი წარმოიშვა ფრანგულიდან — expression, რაც ნიშნავს გამოთქმას, ხოლო სიტყვა იმპრესიონიზმი წარმოიშვა ისევე ფრანგულიდან — impression, რაც ნიშნავს შთაბეჭდილებას; ექსპრესიონიზმი იძლევა განცდისა და გამოთქმის ფსიქოლოგიას, იმპრესიონიზმი კი შთაბეჭდილებისა და გამოთქმის.

იმპრესიონიზმი არის ერთგვარი პროტესტი აკადემიზმისა და სტა-

ტიკურ-ოფიციალური კლასიციზმის წინააღმდეგ; პროტესტი იწყება პარიზიდან: აპარტემანებისა და მუზეუმების ხელოვნება, რომელიც თავისი მშეიდი და კლასიკური სახით ბატონობდა ევროპაში მეცხრამეტე საუკუნის მეორე ნახევრამდე, საშუალებას არ აძლევს ევროპის მხარე ქურ სულს, იგრძნოს მშვენიერება ბუნებისა და გაშლილი ჰაერისა. რომელიც ასე ენატრება დიდი ქალაქის მცხოვრებს: დიდი ქალაქები თავიანთი მუზეუმებით და კლასიციზმით ხუთავენ ცოცხალ შთაბეჭდილებას ჰაერისას, ფერებისას და კოპწიაობისას. სულს ენატრება ყოფნა დანახვა ცხოვრების სურათებისა ქალაქის გარეთ, რომელიც სოფელში. სადმე რუს პირად; სული, დაღლილი დიდი ქალაქის მტვრიან ქუჩებში. მიილტვის გაშლილ და სინათლიან ჰაერისაყენ და ყოველი სურათი ხელოვნებაში, რომელიც ადამიანს მოაგონებს სოფლურ იდილიას. სურვეებისა და მინდვრების ალივლივებას, ჰაერს, მზეს, სინათლეს. სულს ეჩვენება მშვენიერად, საუცხოოდ: აქედან წარმოიშვა იმპრესიონიზმის ლოზუნგი *plenairisme, pleinair*, გაშლილი ჰაერით სუნთქვა და შთაბეჭდილება ფერებისა და ტონების ვიბრაციისა მზის სხივებზე: ჩვენ უკვე ვთქვით, რომ სიტყვა *impression* ჩვენებურად ნიშნავს „შთაბეჭდილებას“; გასაგებია ამიტომ ის, რომ იმპრესიონისტული სტილი ხელოვნებაში პირველად შემოიტანეს მხატვრებმა, განსაკუთრებით პეიზაჟისტებმა; მონე, პიკასო, სისლეი, მანე ხელოვნებაში შემოიჭრნენ ფერებისა და ტონების შთაბეჭდილებებით.

რაც შეიძლება მწვავე შთაბეჭდილებების მიღება, რაც შეიძლება მეტი ფერადობა და ხმიანობა შემოქმედებით განსახეობაში, რაც შეიძლება მეტი პასივობა-ფოტოგრაფიულობა ნატურალიზმის მიღწევებში — აი იმპრესიონიზმის სტილის დამახასიათებელი თვისებები. დაიარე ბულვარები, სკვერები, ქალაქის მოედნები, სოფლები, და, რაც ნახო, რამდენიმე სტრიქონში აღწერე, აღწერე ისე, რომ ყველგან იყოს სინათლე, ძლიერი შთაბეჭდილება ფერებისა, აღწერე ისე, რომ რამდენიმე ხაზი სრულ სახეს იძლეოდეს, — ეუბნება იმპრესიონიზმი მწერალს. იმპრესიონისტული სტილის იდეალურ ფორმას საფრანგეთში იძლევა გიდე მოპასანი, რუსეთში ჩეხოვი, ინგლისში — ოსკარ უაილდი; იმპრესიონიზმი ებრძვის კლასიციზმისა და აკადემიზმის ფორმებს, ებრძვის აგრეთვე ინტელექტუალიზმს და ამ მხრივ ფსიქოლოგიურად ენათესაება ბერგსონის ფილოსოფიას. სულის წვალება წუთისოფლური, პლანეტური ასხივოსნებს იდეებში სოციალურ ინტერესებს, თარგავს და კვეთს შემოქმედებით სახეებს ისე, როგორც ამას მოითხოვს

გენეტიკური გადახრა სოციალური ფსიქოლოგიისა: აიღეთ უბრალო, ანტიკური დოქი — hydria, მას საბერძნეთში დგამდნენ ისე, თითქოს მიწიდან ამოდიოდა; მას ჰქონდა ერთგვარი საპნის ბუშტის ფორმა — ზევით უფრო ფართო, ვიდრე ქვევით, მაგიდის ფეხებს ეძლეოდა ფორმა მზეცის თათებისა ბრჭყალებით, თითქოს გაბრაზებულნი იკრებოდნენ იატაკში: ბერძნულ სტილს აქ ეტყობა ორგანომორფული პერიოდის გავლენა — სული ადამიანისა თითქოს ენათესავება ბუნებას, ცდილობს თავის შემოქმედებას მისცეს სახე ულტრანატურალისტური და, ამავე დროს, რაღაც სპირიტუალისტური: ტყუილად კი არ ლაპარაკობს ერთი ფრანგი მწერალი სპირიტუალიზმი, ამავე დროს, მატერიალიზმიც არისო.

ცხოვრების ხერხი ყველგან იცვლება საერთო წყობასთან შეთანხმებით; საერთო წყობაში ყოველი არსი თავის ფორმას იღებს როგორც მდგომარეობასთან ურთიერთობის შედეგს: ცალკეულ ყოფას ადგილი არა აქვს სამყაროში და არც ერთი მომენტი ჩვენი მოქმედებისა, ჩვენა გააზრებისა და ჩვენი გრძნობებისა არ არის თავისუფალი სოციალური მდგომარეობის გავლენისაგან. ქვეყნად ყოველგვარი ყოფა დამოკიდებული და შეფარდებულია — დამოკიდებულია ვინმეზე ან რამეზე, შეფარდებულია ვინმესთან ან რამესთან; წუთისოფელი თავისთავად დამოკიდებულებათა არეა — არე დიდი, ირაციონალური, სტიქიური, მუდამ მოუწყობელი და sub specie aeternitatis უთაებოლო. დამოკიდებულებაში აისახება ღირებულება დამოკიდებულთა; დამოკიდებულებაში ითარგებიან ცალკეულ ყოფათა სახეები თავიანთი ორგანული და ფსიქიკური თვისებებით. სოციალურ ყოფაში ყოველგვარ ურთიერთობას ისეთი დიდი ადგილი უჭირავს, რომ ყოველი არსი ცდილობს ურთიერთობის პროცესში დაიკავოს გარკვეული ადგილი და ამისათვის ისეთი სტილით და ფორმით შემოდის, რომელსაც მოითხოვს ურთიერთობის ჩვეულებრივი მიმდინარეობა, მისი, ასე ვთქვათ, ბუნება, შექმნილი, წყობილი გენეტიკურად. სტილი — ფორმა ორგანოტროპული ურთიერთობის შედეგია და, ვიმეორებთ, სტილის პრობლემა ყოველთვის სოციალური განცდისა და იდეოლოგიის პრობლემაა; სული ეძიებს საშუალებას, გამოსახოს სურვილები, იდეალები, ილუზიები, ზრახვები და აფექტები იმ ფორმებში, რომელთაც შეუძლიათ დაკმაყოფილება ადამიანისა, მისი ორგანულ-ნერვული წყურვილისა; ხოლო სურვილების დაკმაყოფილება შეუძლია ისეთ რამეს, რაც შეავსებს ხელოვნურად იმ ნაკლს, რომელიც რეალურ ცხოვრებას აქვს და რომლის შევრ-

ძნობა ადამიანის ცხოვრებას უარყოფით ელფერს აძლევს. ცხოვრების კულტურულ-ცივილიზაციური ფორმები იკუმშებიან და იწევიან სოციალურ საჭიროებათა და განცდათა მიხედვით: რა სახისაა განცდა სოციალური საჭიროებისა, იმ სახისაა სტილი შემოქმედებისა, შემოქმედების ყოველგვარ ფორმაში გამოსახება ის, რაც ასე თუ ისე აწუხებს ადამიანებს, აღელვებს მათ, რაც შეადგენს რომელიმე საზოგადოების ან კლასის ყურადღების საგანს; მაგრამ, ქვეყნად სხვადასხვა ადგილას სხვადასხვა პირობებია არსებობისა, სხვადასხვა მდგომარეობაა როგორც ეკონომიკური, ისე საერთოდ კულტურულ-ცივილიზაციური: ამიტომ ადამიანებს წუთისოფლის სხვადასხვა კუთხეში სხვადასხვა ხერხი აქვთ. სხვადასხვა საშუალება თავიანთი გრძნობებისა და განცდების ვანსახიერებისათვის, თავიანთი სურვილებისა და იდეალების ფორმათა მისაცემად; უნივერსალური ფორმა იდეებისა და აზრებისა არ არსებობს: მუსიკა ძველი ინდოელისა, რომელიც ვედს ჰიმნებშია მოცემული, აწყობილია ისეთი სტილით, რომელიც სრულებით არ წააგავს არაფერში ევროპის დიდი ქალაქის კაფე-შანტანურ მუსიკას; ლუი მეოთხე მეტეს დროს მეტყველება და საზოგადოებრივი ცხოვრების სტილი ზვიადი, პათოსიანი, არისტოკრატიული, ცხადია, ისეთი არ არის, როგორც ბოლშევის დროის საზოგადოებრივი ცხოვრების სტილი და გემოვნება; საშუალო საუკუნის ფეოდალი სრულებით არ ლაპარაკობდა იმ ინტონაციით, რომლითაც დღეს ლაპარაკობს ევროპის ბურჟუა: დღევანდელი დიდი ქალაქის პროლეტარი, რაც უნდა კარგად ცხოვრობდეს იგი, მაინც თავის გემოვნებაში, ესთეტიკური მოთხოვნების დაკმაყოფილებაში სრულებით იმას არ მოითხოვს, რასაც მოითხოვს რომელიმე დიდი ფაბრიკანტი: ყოველ სოციალურ დგომას, ყოველ პლანეტურ ყოფას აქვს საკუთარი ფორმის სტილი, თავისებური გარეგანი მხარე; ყოველ კუთხეს სამყაროსას, ყოველ საზოგადოებრივ ჯგუფს და ხშირად ყოველ პროფესიას აქვს ფსიქოლოგიური გარემო, milieu, თავისებური განცდის ჰაერითი: სოციალური საჭიროების ბიოგენეტიკური ვითარება აწესრიგებს და აწყობს თავისებურ ფორმაში სამყაროს და, გარეშე სოციალური საჭიროების გავლენისა, სული ვერ დაისახავს ვერც მორალურ პრინციპს, ვერც ესთეტიკური განცდის თავისებურ ღირებულებას; ყოველთვის, როდესაც ჩვენ ვლაპარაკობთ ხელოვნების, ან ბუნების რომელიმე მოვლენის შესახებ, როდესაც ჩვენ ვეძებთ ღირებულებას როგორც კულტურისა და ცივილიზაციის ფორმებში, ისე ბუნების პანორამაში, ჩვენი სული ხელმძღვანელობს იმ ინტერესით, რო-

მელიკ მოქალაქეობის სოციალური ცხოვრების ჩვეულებებიდან, რომლებთანაც ჩვენ დაკავშირებული ვართ ჩვენი ცხოვრების უოველ წუთს; როგორც კი ჩვენში დაიბადება რომელიმე სურვილი, რომელიმე განცდა და ოცნება, ჩვენი სული იმყოფილებს თავს იმ ფორმით, რომელიც მთავარ ხაზებში წააგავს ჩვენს ყოველდღიურ ყოფას, სხვებთან ურთიერთობას: იდეოპლასტიკური სტილი საბერძნეთისა იგივე ევკლიდის გეომეტრიაა სწორმეტროვანი ფიგურებით და სივრცის გარკვეული სახეობით, გადატანილი როგორც ხუროთმოძღვრებასა და ქანდაკებაში, ისე ლიტერატურასა და ფილოსოფიაში; ჩვენი საუკუნეების ტეხილი ხაზები, გადაუღლებული წრეწირები, უთვალავი ფერები, ძლიერი ვერბალიზმი იგივე დიფერენციალებია და ინტეგრალები, წყობილი მხატვრული სახეებით ლიტერატურასა და აზროვნებაში: მათემატიკოსები ფორმულებით გამოსახავენ იმას, რასაც მხატვრები და დიდი პოეტები სახეებით და სიტყვებით ამბობენ; როდესაც ნიუტონი სელესტური მექანიკის ფორმულებს იძლეოდა, ლიტერატურაში ინდივიდუალისტური აბსოლუტები შემოდიოდნენ: ნიუტონის მათემატიკურ ფორმულებს და რომანტიზმს იდეოლოგიის ერთი და იგივე ფსიქოლოგიური პრინციპი აქვთ; ორივე შემთხვევაში მოქმედებს სურვილი აბსოლუტური ინდივიდუალიზმისა; მეცნიერება ბოლოს და ბოლოს იგივე ხელოვნებაა: სოციალური საჭიროების ძლიერი მარკვლები ისე წიგნს და კუმშავენ მეცნიერების პრინციპებს, მეთოდოლოგიას, კონსტრუქციას, ლოგიკურ დებულებებს, როგორც ხელოვნების ფორმებს და სტილს; საშუალო საუკუნეთა მეცნიერება და ხელოვნება ერთი სტილისა იყო: თეოლოგიური აბსოლუტიზმი ერთნაირად ხელმძღვანელობდა მეცნიერებას და ხელოვნებას საშუალო საუკუნეებისას, ერთნაირად იმორჩილებდა პოეტისა და მეცნიერების სულს; მოქანდაკეს ან ხუროთმოძღვარს მაშინდელი დროისას ისეთივე ფორმის და სტილის ხილვა ენატრებოდა როგორც ალქიმისს; „ფილოსოფიური ქვა“ იგივეა ფსიქოლოგიურად, რაც კათოლიკების potestas clavium; გოთური სტილის საზღვარაცილებული ტაძრები კელნისა და პარიზისა იგივეა, რაც მხატვრული ტიპები ევროპის ლიტერატურისა; აინშტაინის მათემატიკური რელატივიზმი კოსმოლოგიური ფორმულაა ჩვენი დროის სოციალურ რყევათა და ფსიქოლოგიური აბსოლუტების დაშლისა; პედაგოგიკის ახალი პრინციპი — მხარეთმეცნიერება შეფარდებათა კომპლექსებით ისეთი დიდი გადატეხა ინდივიდუალიზმისა და აბსოლუტიზმის მსოფლმხე-

დველობისა, რომელიც ვეიჩენებს მარქსიზმის გავლენას მეცნიერებაზე და, ამავე დროს, გამოსახავს შერქმედეზისა და აზროვნების ისეთ ფორმას, რომელსაც ორგანულად მოითხოვს ჩვენი დროის სოციალური ფსიქოლოგია; ან უფრო ახალი ენით რომ ვილაპარაკოთ, სოციალური საჭიროება აძლევს მიმართებასა და ფორმას როგორც მეცნიერებას, ისე ხელოვნებას; სოციალური საჭიროება აყალიბებს სტილსა და აზროვნების სახეებს; სტილი რეფლექსია სოციალური საჭიროების განცდისა, ამიტომ, ისტორიაში არ არსებობს მეცნიერებისა და ხელოვნების უცვლელი ფორმები: სოციალური საჭიროების ცვლილება — კულტურის საერთო რეორგანიზაცია ყოველთვის მოითხოვს ხელოვნებისა და მეცნიერების რეფორმას.

ქალაქის სული და უსაზღვროების იდეა

უსაზღვროების იდეა დაიბადა ადამიანის სულში მეოცე საუკუნის დასაწყისში, — იმ საუკუნის, რომელიც იწყებს ისტორიაში ახალ ეპოქას, ეპოქას დინამიკური ყოფისა და განცდისას; ბუნების ძალების დამორჩილებამ და მანქანების კულტურამ ცხოვრებას მისცა ზღაპრული სიჩქარის ხასიათი; მოძრაობის განცდა იპყრობს სულს: წყალქვეშა ნავების ღურღული, ელექტრონის სხივების ბორიალი, რკინის ბორბლების გრაგანი, ღვედების თქრიალი, ლიანდაგზე ვაგონების სრიალი, ჰაეროვანი ზუზუნი სივრცეში, ავტომობილების გმინვა, ხომალდებით ოკეანეთა ტალღებზე უშიშარი მოგზაურობა უსაზღვროების დაპყრობის გამომსახველი ფაქტებია; წინათ, საშუალო საუკუნეების ადამიანი ჩალანდრებით ძლივს გადადიოდა ერთი მაზრიდან მეორე მაზრაში: ჭაობი, მთები, მდინარე ადამიანს ხელს უშლიდა მოძრაობაში; ჭაობები ადამიანმა ნაწილობრივ ამოაშრო, მთები გათხარა და გვირაბები გაიყვანა, მდინარეში ჩაუშვა ნაგები და ოკეანეში ხომალდები, სივრცეში აფრინდა ჰაეროვანებით; ადამიანი შეიჭრა უსაზღვროებაში მანქანის საშუალებით: მანქანა მთავარი თანამგზავრია ადამიანის მოგზაურობაში და ამიტომ გასაკვირიც არ არის, რომ მეოცე საუკუნის დასაწყისში ხელოვნების გმირად გამოდის იგი: ბლასკო ი ბ ა ნ ი ე ს ი ს რომანი „მამები — იეზუიტები“ მაშინიზმის ეპოქაა; კ ე ლ ე რ მ ა ნ ი ს რომანი

„გვირაბი“ საუცხოო დახასიათებაა მანქანური კულტურისა: მანქანა თავისი ელექტრონით, სინემათ, მავთულებით, ორთქლით, ლოკომოტივებით, მანქანა თავისი მარკვლებით, ბორბლებით, ლევდებით, ნახშირით, სუნით, ინჟინრებით, ტექნიკოსებით წარმოადგენს მთელს სამყაროს, რომელიც ქმნის ახალ ფსიქოლოგიას საზოგადოებაში, ადამიანთა ურთიერთობაში; ძველი ეპოსების მაგიერ იწყება ახალი ეპოსები: ძველი ეპოსის მთავარი გმირი იყო რომელიმე ოდისეუსი, ახალი ეპოსის გმირი არის ინჟინერი, ტექნიკოსი, რომელიმე ქარხნის მოსამსახურე; ძველი ეპოსი იყო განსაკუთრებით ბუნების ფენომენი: ზღვა, ტყე, მინდორი, ხეობა, მდინარე, კლდეები — აი რა ესაჭიროება ძველ ეპოსს; ახალი ეპოსისათვის განსაკუთრებით საჭიროა მანქანა ელექტრონით. კინემატოგრაფებით, რკინიგზით, ხომალდებით; ჰომეროსმა პენელოპეს რომანი და ცხოვრება დაუკავშირა ინდუსტრიულ სინამდვილეს — ქსოვას და ქმრის ხეტიალს; ჩვენი ღროის მწერალმა რომანი უნდა დაუკავშიროს ავტომობილებს, რკინიგზას, ელექტრონს, სინათლეს, დიდი მალახიების ვიტრინებს, კოსმეტიკას; მარინეტი თავის წიგნში — „ფუტურისმი“ ამყად აცხადებს: „ჩვენ ვქადაგებთ ცხოვრების ახალ სილამაზეს — სილამაზეს მექანიკურს“. ლ. ფოლგორე თავის „მოტორების სიმღერაში“ აღიღებს ბორბლებს, მანქანებს: „ყოველი აზრი მანქანის შესახებ სიმღერაა გრძელი, გიგანტური, რომელიც ქმნის პოეზიის ღვთაებრივ პოლიფონიას, რომელიც გაბედული რიტმით იჭრება საუკუნეებში, რომელიც მიცურავს უსაზღვროების ოკეანეში“. „დიდება შენ, მანქანავ!“ ამბობს ბუცი: „შენმა მუსკულებმა მოსვენება არ იციან; ისინი სწრაფნი არიან; შენ აცხოვრებ ადამიანთა მილიონებს“. მანქანები ამბობენ: „ჩვენ ვქსოვთ ახალ სულს და ახალ ტანს მომავლისას“. მანქანის ატმოსფეროში იბადება იდეა ახალი ადამიანისა, რომელსაც სული მუდამ აღელვებული აქვს. ტელეფონმა, ტელეგრაფმა, ფონოგრაფმა, ავტომობილმა, ბიციკლემ დააჩქარეს ჩვენი სულის ცხოვრება: თანამედროვე ცხოვრების პირობებმა შექმნეს თავისებური სილამაზე — სილამაზე ფოლადის, ცეცხლის, კვამლის და ორთქლის: ამ სილამაზის ტაძარია დიდი ქალაქი ქარხნების მაღალი მიწებით, ელექტრონის ვარსკვლავებით, ბორბლებით და ხმაურობით; დიდი ქალაქი ღრიალებს. ასფალტით შეხუთულია ქუჩები; ავტომობილები დასრიალებენ და ღმუიან; ტრამვაების ვაგონები ერთმანეთს მისდევენ ზარების რეკვით, და, ქარხნების კვამლით დანისლულ სივრცეში ისმის მოძრაობის გუგუნი და შორეული ბრგვინაობა;

შადრევნები ბაღებიდან ასხამენ ირგვლივ სისველეს; ქალები და ვაჟები: წყრული სიჩქარით ერთმანეთს ათვალავრებენ: ნებისყოფა სადღაც მიეჩქარება; ცხოვრებას მიეცა ისეთი ტემპი, თითქოს ომი და მიწისძვრა იყოს. თითქოს სული გრძნობს წუთისოფლურად ყოფის წარმავლობას, თითქოს პლაცატები, აფიშები, რესტორნები, როსკიპების შეღებილი ლოყები, ღიბიანი ბანკირები და აჩქარებული კომერსანტები პორტფელებით ცხოვრების უზნეო ნადიმს ესწრაფვიან და სასოწარკვეთილების ინსტიქტური გრძნობით ცივილიზაციის *sancta simplicitas* მღერაინ: ყვირიან, ხმაურობენ და მიეჩქარებიან; არსებობის ტემპი ატორტმანდა და ადამიანს შეეზიზლა წვრილმანობა. ანალიზი, გრძელი, ფეოდალურ-არისტოკრატიული გაპრანჭული თქმა; სულში ღაიბადა მოთხოვნილება სიჩქარისა, მოძრაობისა, ცვლილებისა, დინამიზმისა, სინათლისა: მდგომარეობა იძლევა სულის წყობას და გასაკვირიც არ არის, რომ მანქანისა და კაპიტალის მდგომარეობამ მოგვცა ატორტმანებული სული, რომელიც ორგანოტროპულად თავდება ხელოვნების სფეროში შინაგანი წვალების მატერიალიზაციით, გრძნობათა და იდეათა არევ-დარევით, მეტყველების დეფორმაციით, სახეების დატეხით — ი მ ა უ ი ნ ი ზ მ ი თ. ყველაფერი მოძრაობს, ქრის; ყველაფერი სხვაფერდება; პროფილი არასოდეს არ არის უძრავი: იგი დაუსრულებლად ცხადდება და ქრება; საგნები მოძრაობაში მრავლდებიან და სახეები სხვაფერდებიან: ცხენს, რომელიც მორბის, ოთხი ფეხი კი არა აქვს, არამედ ოცი და მისი მოძრაობა სამკუთხედურია; მატარებლიდან რომ ვიყურებით, მინდვრები და ხეები ირგვლივ რბიან, თითქოს უხარიათ ვაგონების მოძრაობა; საქანელაზე რომ ექანაობთ, გვეჩვენება თითქოს ჰორიზონტებიც ქანაობენ, თითქოს სამყაროც ირწევა. მოძრაობა სულს ეძახის უსაზღვროების არეში, ხოლო საქმე ისაა, — ამ უსაზღვროებაში სული შეიჭრება კაფე-შანტანური ღრეობით, ალკოპოლით, თუ სიყვარულის სევდით და არსებობის ეფემერობის შეგრძნობით?

* * *

მეთვრამეტე საუკუნის დამლევამდე ცხოვრების კულტურული ფორმები სტატიკურ რაციონალისტურ პრინციპებზე იყო დამყარებული: სული ადამიანისა ინტელექტუალურად და ესთეტიკურად მიმაგრებულია იყო ეკლესიას, სახელმწიფოს, ოჯახს, წოდებრივ პრივილეგიებს; ტრადიცია ხელმძღვანელობდა ადამიანის ნებისყოფასა და მოქმედებებს;

ხატები, მღვდლები, ჩინოვნიკების იერარქია, ოჯახური ცხოვრების სტა-
პილიზმი. ამართლებდნენ ინდივიდუალურ ყოფას, იმედებსა და სურ-
ვილებს, ესთეტიკურ მოთხოვნილებებსა და გემოვნებას; მეცნიერება
და სკოლა ინდივიდუალიზმისა, ავტორიტეტისა და მორჩილების კულტს
ივარჯიშებდნენ; ერები სოციალურ-ისტორიულ პერიპეტებში არ შორ-
დებოდნენ პატრიოტიზმისა და ეგოცენტრიზმის კუთხეებს და ამ კუთ-
ხეებში იღვრებოდა სანტიმენტალურ-რომანტიული ცრემლები დიდე-
ბისა და რღვევის წესის ასაგებად; მწუხარება და სიამოვნება ფსიქო-
ლოგიურად იდლიაში ერთდებოდა, შიშისა და ქაოსის განცდას ცხოვ-
რებაში ადგილი არ ჰქონდა.

საფრანგეთის რევოლუციამ და ნ ა პ ო ლ ე ო ნ ის ვ ა გ ა ბ ო ნ დ ა -
ე მ ა კ ა ც ო ბ რ ი ო ბ ა ს გაახსენა საშუალო საუკუნეები.

თითქოს სამყარო ისევ აივსო კოშმარებით და უკუღმართობით. ბუ-
ნებისმეტყველების განვითარებამ, განსაკუთრებით ბიოლოგიამ და ბაქ-
ტერიოლოგიამ, შეაღო ბუნების საიდუმლოების ახალი კარები: ადა-
მიანმა, რომელსაც წინათ თავისი თავი სამყაროს ცენტრი ეგონა, დაი-
ნახა, რომ მისი გაპრანჭული ყოფა იმყოფება შემთხვევათა როიაში და
ხშირად, პ ა ს კ ა ლ ის თქმისა არ იყოს, საკმარისია ერთი წვეთი წყალი,
ერთი ქუთქუიანი ხიწვი, რომ ადამიანს მოეწამლოს სისხლი: ინდივიდუა-
ლიზმი თავისი ჩინოვნიკური რეგალიებით, ეპოლეტებით და პათოსით
ჩაღდა ბიოლოგიურ რიგში ბაქტერიებსა და შემთხვევებთან ერთად.

კაცობრიობა გაეცნო შორეულ ქვეყნებს, კუნძულებს და მათ ვე-
ლურ მცხოვრებლებს; გეოგრაფიული სივრცითი წარმოსახვა გაიშალა;
ე ვ კ ლ რ დ ე ს გეომეტრია ლ ო ბ ა ჩ ე ვ ს კ ი ს ა და რ ი მ ა ნ ის სფე-
როებად გარდაიხსნა; მეტეოროლოგიურ-ფიზიკური კვლევა-ძიებანი და
ასტრონომიული ტრფიალება შორეულობისა რელატიური კოსმოლო-
გიით დამთავრდა; ა ი ნ შ ტ ა ი ნ მ ა დაჩრდილა ნ ი უ ტ ო ნ ის სახე და
ადამიანი თითქოს დაპატარავდა უსაზღვროების არეში: წინათ, სილო-
გიზმებისა და ევკლიდური მსოფლგაგების დროს ყველაფერი გარკვეუ-
ლი, სწორი და სტატიკურად ჩამოყალიბებული იყო; სისტემა და სქემა
იმორჩილებდა ქაოსის დენას; სამყარო მოთავსებული იყო ფორმულებ-
ში და, თუ ფორმულები მეცნიერებაში სუსტობდნენ, მორალური შეგ-
ნებით ივსებოდა: „ვარსკვლავიანი სივრცე მე დამყურებს, მორალური
კანონი ჩემშიაო“ — ამბობდა კ ა ნ ტ ი.

ფრიდრიჰ ნ ი ც შ ე მ და თედორე დ ო ს ტ ო ე ვ ს კ ი მ კაცობრიო-
ბას აგრძნობინეს მყუდროების საშიშროება; კ ა ნ ტ ი და მისი ფილო-

სოფიური კვიციანი ჩაიწია ისტორიულ-იდეოლოგიურ ხვეულებში; ზა-
 რატუსტრამ არსებობის სევდა გაშალა მეტყველების სიმფონიად და
 ცხოვრების უდაბნოში ამართა პირამიდული სიმაღლე მარადობისა; ადა-
 მიაწმა იგრძნო უსაზღვრო სიყვარული, ვეფხი და ფრინველები მიუახ-
 ლოვდნენ მას და სულის სიღრმეში ატირდა იგი ტკბილ გრძნობებში გა-
 ლესილი ცრემლებით. ინდივიდუალიზმი გადავიდა უსაზღვროების
 ტრფიალებში და სული ექსპანსიური გაწია შინაგანი ხილვითა და გა-
 ნათებით არსებობის სევდის შეგრძნებამდე. ფანტასტიკური სურათი
 მსოფლიო მზიდაობისა, განსახიერებელი ნ ი უ ტ ო ნ ი ს სავრცით წარ-
 მოსახვაში, კ ა ნ ტ ი ს ა და ლ ა პ ლ ა ს ი ს კოსმოლოგიური თეორიები,
 კონტრაქციული მოძღვრება მატერიკების წარმოშობის შესახებ, დე
 ბ ო მ ო ნ ი ს, დ ა ნ ი ს, ლ ე კ ო ნ ტ ი ს და ზ ი უ ს ი ს გეოლოგიუ-
 რი პიპოთეზები, დ ე ტ ო ნ ი ს იზოსტაზია, კინეტიკური თეორია გაზე-
 ბისა, პერიოდული სისტემა ქიმიური ელემენტებისა, სიმეტრიისა და
 კრისტალოგრაფიის კანონები, ს ო ფ ი უ ს ი ლ ი და ლ ო ბ ა ჩ ე ვ ს კ ი
 თავიანთი მეტაგეომეტრიული სფეროებით, კ ე კ უ ლ ი ს და ბ უ ტ-
 ლ ე რ ო ვ ი ს მიღწევანი ქიმიურ კვლევა-ძიებებში, კ ო ვ ა ლ ე ვ ს კ ი ს
 და ჯ ე ნ ე რ ი ს გეოლოგიურ-ანთროპოლოგიური ფანტაზია სტატის-
 ტური მსოფლმხედველობისა და სულის სიმშვიდიდან ადამიანს ეძახიან
 უსაზღვროებისა და მარადობის არეში—sub specie aeternitatis. სულს
 იპყრობს, ერთი მხრივ, შიში დაკარგვისა ამ უსაზღვროებაში, მეორე
 მხრით, უსაზღვროების შეგრძნებით შობილი სიყვარული არსებობისა-
 დმი — სიყვარული, რომელიც ვერ ეტევა ბიოლოგიურსა და ფიზიო-
 ლოგიურ მთვრალულობაში და ადამიანს, მის გრძნობებს, ოცნებებს,
 იდეალებს არხევს როგორც ზღაპრულ მარაოს უდაბნოში; ყოფა ოჯა-
 ხური, სოციალური, სახელმწიფოებრივი თავისი ყოველდღიური ფსი-
 ქოლოგიით, ყალბი ჩვეულებებით, წუთისოფლური წვრილმანობით,
 ტექნიკურ-ინდუსტრიული განგავით ახალი განათებით მოჩანს. ურ-
 თიერთობა ადამიანთა შორის ახალ მორალს ეყრდნობა — მორალს არა
 ინდივიდუალისტურ-ფიზიოლოგიური მთვრალობისას, არა ლოთო-
 ბისა, არა დიონისურ-ეგოცენტრისტულა გატაცებისას, მორალს არა
 გაშიშვლებული მეობისა და პირუტყველმცონარეული თავაწყვეტისას,
 არამედ უ ს ა ზ ღ ვ რ ო ე ბ ი ს ს ე ვ დ ი ს ა და კ ო ს მ ო ს უ რ ი გ ზ ნ ე-
 ბ ი ს ა ს; ყოველი მომენტი წუთისოფლური არსებობისა იხედება sub
 specie aeternitatis. მეცნეურების ყოველი მიღწევა ადამიანის სულში
 სახავს იდეას დაფსრულებლობისას: ბიოლოგია ბაქტერიების სამყარო-

ში ისე მორიდებით და განცვიფრებით იყურება, როგორც პოეტი ოკეანის პირად; მეცნიერება უახლოვდება ხელოვნებას და ხელოვნება იჭრება მეცნიერების სფეროში; და ანტე ალიგიერი დიდი თეოლოგი იყო, გოეთე დიდი ბიოლოგი, მაგრამ მომავალში ხელოვანისათვის საჭიროა უფრო დიდი ერუდიცია და შინაგანი ხილვა სამყაროისა; წინააღმდეგ შემთხვევაში ხელოვნება კარგავს აზრსა და ღირებულებას: კოსმოსური სევდა ახალი სულისა ვერ დაინახავს თავის ალანდებას ხელოვნებაში და ვერავითარი აკრობატობა-ფერებისა და ხაზების ბორიალება, რომლითაც გატაცებულია დღეს დილეტანტური სული დაავადებული ქალაქისა, ვერ შეაჩერებს ხელოვნების კატასტროფას; ხელოვნება „ცხოველობაში“ იქნება მხოლოდ მაშინ, როცა განასახიერებს სოციალური ფსიქოლოგიის ძირითად თვისებებს; ხელოვნება ყოველთვის გაიმარჯვებს სოციალური განცდის ასახვაში — იმ იდეებისა და გრძნობების ჩამოყალიბებაში, რომელნიც აწუხებენ, აწვალებენ ეგოცენტრისტულ ყოფას მოწყვეტილ ადამიანს, სოციალურ-კოსმოსურ უსაზღვროებაში გადასროლილ სულს; არა ვიწრო კუთხე, არამედ კოსმოსი, არა ეგოცენტრისტული თვითშეყვარება, არამედ გაორების გრძნობა და მეობის მეობაში გადატანა — აი ახალი სულის უნივერსალია, ახალი სოციალური ყოფის შემოქმედებითი კორელაცია.

ინდივიდუალისტური პერიოდი კაცობრიობის კულტურის, შეიარაღებული საკუთარი ფილოსოფიურ-ესთეტიკური კატეგორიებით, სილოგიზმებით და პრინციპებით ირღვევა შინაგან წყობაში — ფილოსოფიურ დებულებებში, ხელოვნებაში, კულტურულ-ცივილიზაციურ ურთიერთობაში და რღვევის წყვედიადში ისმის ძახილი ახალი სულისა, რომელიც გლეჯისა და ბრძოლის პლანეტურ არენაზე აპირებს მოწყობას სიყვარულისა და შეგნების ყოფისას: ამ ყოფას არ დასჭირდება მარტვლები სახელმწიფოებრივი ძალდატანებისა და ინდივიდუალურ ინტერესთა შეფარდებისა — ამ ყოფას განამტკიცებს უსაზღვროების არეზე შეცნობილი ხვედრი ადამიანისა, ხვედრი ეფემერული, მაგრამ წარმატლობის სევდიოთ გაშობარი და კოსმოსური სიყვარულით დამშვიდებული.

მომავალი ადამიანი რომ გადახედავს საუკუნეთა დენას, გაიფიქრებს: რისთვის იხარჯებოდა ენერჯია კაცობრიობისა? — კლასები და ხალხები ებრძოდნენ ერთმანეთს; ადამიანები ცდილობდნენ ერთმანეთის წეასა და ხოცვას; დამარხები ცხოვრობდნენ აფექტებით: ისტორიას არა

აქვს შინაგანი სიმართლე; ადამიანები ყოველთვის იტანჯებოდნენ და წვალბდნენ; ქვეყანა ყოველთვის მოუწყობელი, უთავბოლო და უწყეს-რიგო იყო: გონება კი არ ამოძრავებს ისტორიას, არამედ გაჭირვება და ტკივილები; გონება წინ კი არ მიყვება მოქმედებას, პრაქტიკას, სოციალურ საჭიროებას, არამედ აგვიანებს: ჯერ გრძნობა დაიფერფლება. ჯერ ტანი დაიწვება, ჯერ წვალება დაცრეცს სხეულს და მხოლოდ შემდეგ განარიგებს გონება თავის სხეულის ყოფას. წუთისოფელი უსინდისო და უწყესო წვალებაა; წესი და სინდისი ადამიანების გამოგონილია და ისიც ყოველ საუკუნეში თავისებურად; წესისა და სინდისის ცნება ბრძოლაში გამარჯვებულებს შეაქვთ სამყაროში; ყოველი სოციალურად გაბატონებული ჯგუფი ქვეყნად ხედავს მხოლოდ იმას, რასაც განასახიერებს მისი ყოფის რეფლექსი, მისი წვალება სოციალური, პლანეტური.

წუთისოფელი წააგავს გაუმარგლავ ყანას, სადაც ხარობს ღვარძლიანი ბალახი, სადაც სიმართლე და ქეშმარიტება ყოველთვის დევნა-შია, სადაც ღრმა სიყვარული ტკივილებით, წვალებით თავდება; ადამიანი ფართხალებს მარადობის საშოში დროული ფორმულებით; ყოფას ემუქრება რღვევა ყოველ წუთს და ბედნიერების შეცნობას სიღრმე; შეცნობა ბადებს ზიზლის გრძნობას და ვინც შეიგნო ცნობიერების ზღვარი, მას სიყვარული ეძნელება; ზიზლის გრძნობა სიღრმეში ისევ სიყვარულს ითხოვს, მაგრამ სიყვარულს სხვა სულისას, — სიყვარულს გადაწოლილს უსაზღვროების კალთაში და დამის სიჩუმეში ცრემლებით ნარეცხს; „დროული“ ვინც უარყო, მას ენატრება „მარადიული“, ცეცხლის ენერგია კვამლით ერთვის სამყაროს, სულის წვალება კი — ოცნებით; სული იკვებება ტანის ღელვით; დიდი ორთქლი დიდი დუღილიდან მომდინარეობს და სული მწვერვალებზე ვერასოდეს ვერ ავა, თუ ტანი მისი ყოფის ტკივილებით არ დაჩხვლექილა. სული რომ შეიგრძნობს არსებობის სევდას, შეიყვარებს მარადობას.

შუალამისას, როდესაც დიდი ქალაქის ქუჩებში ჩოჩქოლი მიწყნარდება და სივრცეში შორიდან აიშლება ძაღლების სევდიანი ყეფა, სული ჩვენი ატორტმანდება და გული ნერვულად შეიკუმშება: საუკუნეთა კარები ლანდურ ჩვენებაში გაიღება: ერებსა და სახელმწიფოებს, სხვადასხვა ღროის ღმერთებსა და ლეგენდებს, მეტყველების სისტემებსა და ჰიპოთეზებს რალაც მწუხრული ზეწარი გადაეფარება. ატირდებიან ხეები, ფოთლებში აწრილდება ენტელექტის რიტმი და მღინარეები ნელა აორთქლდებიან, თითქოს ნერვები ყოველობის გრანდიოზული სხეულ-

ლის, რომელიც დაუსრულებლად იწვის და ღელავს, განიცდის და კვამ-
ლდება. დიდი ქალაქის ნოტიო დინჯად აღრუბლება და ყოფა ადამი-
ანისა, ამ ბურუსით გარშემორტყმული, თითქოს იძირება გაურკვეველსა,
და უთავბოლო ნირვანაში.

წუთისოფელი იშლება უსაზღვრო სივრცის დაუსრულებელი საი-
დუმლოების სანახაობათა შორეული ლანდებით. ძრწიან არეები; გა-
ლობენ უხმოდ ვარსკვლავნი და პლანეტები; არსნი თვალშეუდვამად
ზომბენ მარადობას, რათა განაქარვონ ყოფის ცეცხლი და ააკვამლონ
შინაგანი წვა... ჯერ კიდევ შეუცნობელი პირველყოფილი ქაოსი, უცნა-
ურის იგივეობით ძლევამოსილი და თან ცივი, თითქოს ნელინელ მსვლე-
ლობის ზღვად დაფენილ ღრუბელთა შორის. ჰაერში კენესის საიდუმ-
ლო სუნთქვა სტიქიათა უთვალავ საუკუნეთა სიგიჟისა და ისმის შო-
რეული ბრგვინაობით ტლანქი ძახილი ქლექით დაავადებული სურვი-
ლებისა; ფერადი მორთულობით ბრწყინავენ ჩვენებანი იდეალებისა და
საუკუნეთა უზარმაზარ წიგნებს, ოქროთი მოვარაყებულ ყდებში, შლიან
არსებობის ოკეანეზე სამარადეამო ძიებად. ხალხთა ცხოვრებანი და
საუკუნეების მკვეთრი მახვილობანი თითქოს ირწევვიან საიდუმლოების
სამრეკლოში: ბრწყინვალე წარმოდგენათა ძაფებზე ამონაქსოვ ოცნე-
ბებში აზრი ძილისპირულს მღერის...

იყვნენ საუკუნეები და ხალხნი; მზე ამოდოდა და ჩადოდა რო-
გორც ყოველთვის; მოდგმები არევ-დარევით იცვლებოდნენ; ოჯახური
და სოციალური ღირებულებანი იქმნებოდნენ: ქალები ქსოვდნენ, კა-
ცები ნადირობდნენ, ვაჭრობდნენ, ოცნებობდნენ, მუშაობდნენ — აშე-
ნებდნენ სახლებს, თხრიდნენ არხებს; იყო სიყვარული და ალერსი, იყო
სევდა და წუხილი.

უთვალავი კეთილშობილი ზრახვანი, დიადი განცდანი და ფიქრები.
იდეალები და მოქმედებანი — ფაუსტებისა და ჰამლეტების ეპოქა —
ჩვენი ცივილიზაციის ტრაგედია — ყალბი მორალის ლამაზი პათოსი
იყო და ხსენება დარჩა ქლექითა და ლუესით დაავადებულ კაცობრიო-
ბაში.

მოდგმა მოდგმას მისდევს აჩქარებით; სხეულებრივი ფორმები არსე-
ბობისა მარადიული წყველიადიდან გამოდიან: ტრიალებენ, ირყევიან,
ქანაობენ, ეძებენ და ტირილით ისევ წყველიადში იკარგებიან. ლანდე-
ბი მოძრაობენ პლანეტურ გარსში გახვეულნი: თითქოს გრანდიოზული,
მძიმე არტილერია, ღელავს და იართქლდება კაცობრიობა; გაივლის რა
ჩქარსა და უაზრო ცვლილებებს, შეუცნობელი უფსკრულისავენ მიე-
ქანება.

ყოფა უნივერსალური ირხევა უსაზღვროების არეზე, მარადობა ფანტავს არსებობის მაშხალებს და ცივილიზაციის მთელი განგაში მხოლოდ წვალება, მხოლოდ ღელვა და აორთქლებაა, მხოლოდ ენერგიის განიაგებაა: ცივილიზაცია უსრულესი ფორმაა კულტურისა და რაც უფრო ცივილიზაციურია ხალხის ცხოვრება, მით უფრო ახლოა ისტორიული გადაშენების უკანასკნელი წუთები; ცივილიზაცია თავისი სოციალური მოღუსებით ეფემერული გაალებაა ყოვლობის ენტელექიისა — უნივერსალური élan vital-ისა; ცივილიზაცია ასუსტებს ნერვებს, ავრცელებს სნეულებას, ანადგურებს პრინციპებს; ცივილიზაციის უკანასკნელი ფორმაა კაფე-შანტანი და დადაიზმი; ცივილიზაცია მოკლებულია იდეალს და იდეას; ცივილიზაციის პროცესი იმავე დეგენერაციის პროცესია და რაც უფრო განვითარებულია ცივილიზაცია, მით უფრო საინტერესოა ლიტერატურა: უდიდესი მწერალი უკიდურესი დეგენერატია; ხელოვნება ორგანოტროპული თვითჰკრეტაა დეგენერაციისა; ხოლო დეგენარაცია უნაზესი ფორმაა სოციალური რეფლექსისა, ინდუსტრიულ-კომერციული და ფსიქოლოგიური მოძრაობისა. ყოველი არსი მასალაა უთავბოლო თქრიალისა; ყოველი სული ორთქლია მატერიული რყევისა; ყოველი აზრი წვალების ცეცხლის ალია და წვალებასთან ერთად ქრება ალიც.

არსებობა ბოლოს და ბოლოს არქივის მასალას შეადგენს და არც ერთი მოვლენა წუთისოფლად არ არის მიზანი: ერები და სახელმწიფოებო, ცხოველები და მცენარეები მასალებია ყოვლობისა: მშენიერი სახე, რომელიც ჩვენ დღეს გვიზიდავს, გვაღელვებს, სიამოვნებისა და ნეტარებისაკენ გვეძახის, ხვალ გაისრისება, გეოლოგიურ ფენებში გაიფანტება, ცხოველებსა და მცენარეებში განაწილდება, უნივერსალობაში განაოვდება. ადამიანო: ვინც არ უნდა აყო, რა ადგალიც არ უნდა გეკავოს ამ ქვეყნად, რა ნეტარებასა და სიამოვნებაში არ უნდა თერებოდეს სული შენი, — გახსოვდეს მუდამ, რომ შენ ხარ მხოლოდ მასალა პლანეტური ყოფის ჭუჭყიანი ფენებისა; ზვიადი პათოსი შენი დიდებისა შეანელე შენი ხვედრის შეგნებით; ბოროტი ზრახვა შენი სულისა გალესე წარმავლობის სევდაში, ქვეყნის უსაზღვროებაში, ადაპიანო, შეიცანი უსამართლობა შენი ეგოიზმისა და ყოველ არსში მონახე ნაწილი შენი მეობისა; გაარღვიე რკალი კუთხებრივი სულისა და შენი წარსულის ნაჭუჭებიდან გამოფერთხე ლოგიკის მტვერი — ხავსი ჩვეულებასა; უღიდესი დანაშაული შენი ამ ქვეყნად არის ის, რომ შენ ძლიერ ცოტა გიყვარდა იმ დროს, როდესაც შენ შეგეძლო დიდი და

ღრმა სიყვარული. შენ გყვარდა ყოველთვის შენი სიამოვნებასათვის და არასოდეს არ გყვარებია სიყვარულისათვის; შენ გყვარდა მხოლოდ მომენტისათვის და არასოდეს არ გყვარებია გრძელ-სათვის: მომენტებში სულს ათბობს ტანის ლეღვა, მხოლოდ მომენტთა შორის. გრძელობაში ქრის ცივი ქარი წარმავლობისა და სევდისა. ცხოვრებას ათბობს ნომენტის დაჭერა, მაგრამ აცივებს გრძელობის ქარი: რაც უფრო ტკბილი და ლამაზია მომენტი, მით უფრო მწარე და ცივია გრძეობა. ცხოვრებას გაამართლებს არა გრძეობის შეკუმშვა მომენტში, არამედ მომენტის გაფართოება გრძეობამდე. ღრმა და დიდი სიყვარული შეუძლია მხოლოდ იმ სულს, რომელიც გრძნობს ყოველ წუთს გრძეობის სიცივეს და არსებობის უსინდისო სხვაობას. რეალური ცხოვრება წააგავს საროსკიპოს, რომელიც გაუხსნიათ სასაფლაოზე, საროსკიპოში ვინც შედის საკუთარი პრინციპით, მას დარჩენია მხოლოდ, შეებრძოლოს უსუნებას, მაგრამ რასაც ჩვენ უსუნებას ვეძახით, ვაი, თუ უდიდესი და ქვეშაირიტი ზნეობა არის! სოკრატე და კანტი თავიანთი კატეგორიებით, კოჰენი და ჰუსერილი თავიანთი გნოსეოლოგიით, ლიობოკი და ტოლსტოი თავიანთი მორალით ზომავენ ამ ქვეყანას და არასოდეს არ კითხულობენ: ვინ არის თავდები მათი საზომის სისწორისა?! ვინც იჭეებსა და წვალებამში არ კვეთს თავის აზრებს, ვინც კერძობიდან უსაზღვროებაში არ იხედება, გონება მისი მხოლოდ ჩვეულების რევისტრაციია და მისი უღრმესი ფილოსოფია ლოგიკის სახელმძღვანელოში გამოისახება.

მარქსიზმი და აზროვნების ორგანოტროპული რეფორმა

სინამდვილე განუწყვეტელ ცვლილებებსა და ვითარებაში გამოისახება: წუთისოფელი შეადგენს ცვლილებათა მომენტების დენას—დენას შეუჩერებელს, მუდმივს, მაგრამ დროულ-სივრცულს; ქვეყნად ყველაფერი ცვალებადია გარდა ცვლილებასა; მოძრაობა და ცვლილება, ცვლილება და მოძრაობა არსებობის ყოველ მომენტში ერთმანეთს ერთვის და კაცობრიობა თავის კულტურულ-ცივილიზაციური ტიპივით, მოხერხებათა სხვადასხვაობით ამ ცვლილებათა მოუსვენარ ქარაშხალში მოძრაობს უთვალავ არსთა და მოვლენათა შორის; ყოველი პერიოდი კაცობრიობის მოძრაობისა დედამიწაზე შეადგენს ერთ-

გვარ საზოგადოებრივ-ეკონომიკურ ფორმაციას: ადამიანი შეიქმნა აქტიური არსებობისათვის ბრძოლაში მხოლოდ მას შემდეგ, რაც შეუერთდა მეორე ადამიანს, რაც საერთოდ ჩამოყალიბდა ერთგვარი ურთიერთობა საზოგადოებრივი, ან, როგორც ამბობენ, სოციალური ხასიათისა.

თავისთავად ცხოვრება არის არსებობის საშუალება; ქვეყნად არსებობს მხოლოდ ის, ვისაც აქვს საშუალება არსებობის, დანარჩენები იღუპებიან; არა მარტო ადამიანები, არამედ მცენარეების, ცხოველების და, თუ გნებავთ, მინერალების სხვადასხვა ჯიშები და ფორმები იმდენად არსებობენ ქვეყნად, რამდენადაც მათ არსებობას ხელს უწყობს პირობები და მდგომარეობანი.

არსის არსებობა ისაზღვრება მდგომარეობით — მდგომარეობა გეოლოგიური, გეოგრაფიული, კლიმატური, სოციალურ-ეკონომიკური ან სპობს, ან საშუალებას აძლევს ბუნების ფორმებს ვითარებისა და გაშლისათვის; ხოლო ადამიანების ურთიერთობა — ორგანიზაცია საზოგადოებრივი ხასიათისა გეოლოგიურ-გეოგრაფიულ მდგომარეობას ხშირად ცვლის თავისი შემოქმედებითი და ეკონომიკური ფაქტორებით.

სოციალური ურთიერთობა, დამყარებული ეკონომიკურ-ინდუსტრიულ საჭიროებაზე, გაცილებით უფრო აქტიურად მოქმედებს ადამიანებზე, მათ ფსიქიკურ-იდეოლოგიურ ფორმებზე, ვიდრე გეოლოგიურ-გეოგრაფიული და მეტეოროლოგიური პირობები; მართალია, გეოლოგიურ-მეტეოროლოგიურ პირობებს შეუძლია უცბად მოსპოს რომელიმე ბიოლოგიური ჯიში, რასა, ხალხი, მაგრამ თუკი ერთხელ განსაკუთრებულ გეოლოგიურ-გეოგრაფიულ პირობებში წარმოიშვა ადამიანთა ურთიერთობა, შემდეგ სწორედ ეს ურთიერთობა თავის სოციალურ-ეკონომიკური ინტერესებით აძლევს მიმართულებას ამ საზოგადოების იდეოლოგიას, კულტურულ-ცივილიზაციურ ხერხსა და შემოქმედებას.

ლენონ მ ე ჩ ნ ი კ ვ ი მართალია, როდესაც გეოგრაფიულ მდგომარეობას მიაწერს რასულ თვისებათა წარმოშობის მიზეზებს, მაგრამ ივიწყებს, რომ გეოგრაფიული პირობების შეცვლაც ერთგვარად ადამიანების სოციალურ ორგანიზაციაზე არის დამოკიდებული და ხშირად სოციალური ხასიათის საჭიროება ტყუებს, მდინარეებსა და დედამიწის სოკიერთ ფენას გამოიყენებს თავისებურად, და ამით შეცვლის საერთო კლიმატურ-მეტეოროლოგიურ პირობებს, ამასთან ერთად იმ ურთიერთობასაც, რომელიც ადამიანებს ჰქონდათ წინათ განსაკუთრებულ მდგომარეობასთან: მესოპოტამიის ჰალეები ერთ დროს ნოყიერი იყო

ძალიან იმიტომ, რომ იქ ცხოვრობდა ხალხი, რომელიც თბრიდა არხებს. ინახავდა ტყეებს, ხელოვნურად დიდ რეზერვუარებში მდინარეებიდან შემოიყვანდა წყალს, ხოლო შემდეგ. როდესაც არაბები შემოვიდნენ მესოპოტამიაში, ტყეები სულ გაკაფეს, არხები, ძველად გაკეთებული, თანდათანობით გაფუქდა. ახალს კაცი არ აკეთებდა და ყველაფერი ეს იმით დამთავრდა, რომ მესოპოტამიის ოდესღაც ნოყიერი მინდვრები გადაიქცა უდაბნოდ.

ასე რომ, სოციალური ორგანიზაცია — საზოგადოებრივი ხასიათის ურთიერთობა ადამიანთა შორის გავლენას ახდენს გეოგრაფიულ-მეტეოროლოგიურ პირობებზე: ხშირად ამიტომ კარგი საცხოვრებელი ადგილი — სუფთა ჰაერი და მდიდარი მიწა-წყალი თანდათანობით ვერანდება, უდაბნოდ იქცევა; ხშირად კი ცუდი, ქაობიანი მიწა-წყალი სოციალური ორგანიზაციით ისე გარდაიქმნება, რომ მშვენიერ საცხოვრებელ პირობებს იძლევა.

ამნაირად, ადამიანი არ არის პასიური პირობებთან დამოკიდებულებაში: ადამიანი ჭერ ეგუება მდგომარეობას და მერე ცდილობს მდგომარეობის გადაკეთებას, გარდაქმნას, და მთელი კულტურა კაცობრიობისა სწორედ ასეთი ხასიათის მდგომარეობისა და სოციალური ორგანიზაციის ურთიერთობაში გამოსახება: ჩვენ ამ შემოქმედებითი ხასიათის ურთიერთობას ვეძახით ორგანოტროპიზმს — ესე იგი მდგომარეობის გავლენას სხეულზე და სხეულის გადახრას მდგომარეობისაკენ. მთელი ცივილიზაცია თავის წარსულში ასეთი მიმართულებით იქმნებოდა და მარქსიზმი ეყრდნობა აქას, როგორც ერთგვარ დინამიკურ ფაქტორს ისტორიისას. რამდენადაც მარქსიზმი ემყარება სოციალური ორგანიზაციების ძლიერებას, იმდენად ისტორიზმი ხდება მარქსიზმის მთავარი დასაყრდენი: მარქსიზმის მთავარი წერტილი მიზნად ისახავს კაცობრიობის პლანეტური არსებობის ხერხის გათვალისწინებას — წარმოების განრიგებას, წარმოების სისტემა მარქსიზმის მიხედვით არის თავისებური სოციალური სხეული, რომელსაც კმნის და ამოძრავებს შინაგანი ვითარების კანონი და რომელიც ფუნქციურად განიცდის ცვლილებებს არსებობის ყოველ წუთს: წარმოების ცვლილება იწვევს უმეშვეოდ იდეოლოგიის ცვლილებებს.

თეორია ერთგვარი გამოკრთომა სოციალური პრაქტიკისა, ადამიანთა შეთანხმებისა და შრომის საზოგადოებრივი განრიგებისა. თეორია სოციალური პრაქტიკის ნაყოფია და ყოველი სოციალური პრაქტიკა გარდაიქმნება თეორიის პრაქტიკაში; მარქსიზმი წინააღმდეგია თეორი-

სა და პრაქტიკის ერთმანეთისაგან დაშორებისა, წინააღმდეგია თეორიისა და საერთოდ იდეოლოგიის განაპირებისა, თვალთახედვა-ცხოვრების, პრაქტიკის არის პირველი და ძირითადი თვალთახედვა შემეცნებისა და ეს თვალთახედვა თავდება გენეტიკური მატერიალიზმით; ყოველგვარი პროფესორული აბსოლუტიზმი, ყოველგვარი ალეთოლოგიური პრინციპი შემეცნებისა და იდეოლოგიისა მარქსიზმისათვის ძირეულად მიუღებელია; პ ლ ე ხ ა ნ ო ვ ი ყოველთვის ხაზს უსვამდა იმ განსაკუთრებულ მდგომარეობას, რომ შემეცნების ბუნების ფორმაციისათვის საჭირო არის უსათუოდ გაყოვლადება ადამიანის ცხოვრების პრაქტიკასა; ყოველგვარი იდეალიზმი აყენებს და წყვეტს საკითხს ობიექტივობისა და სუბიექტივობის შესახებ, სინამდვილისა და იდეალის შესახებ მხოლოდ თეორიული თვალსაზრისით; იდეალისტური, ალეთოლოგიური ფილოსოფია ეძიებს ჭეშმარიტების კრიტერიუმს აზრის ბუნებაში იმ დროს, როდესაც აზრის ბუნებას, მის კონსტრუქციას აწყობს პრაქტიკა; ამიტომ ყოველგვარ ალეთოლოგიას, როგორც იდეალისტურ ფილოსოფიას, საქმე აქვს განყენებასთან, აბსტრაქციასთან; მატერიალიზმი და იდეალიზმი კლასობრივი თეორიებია: იდეალიზმი ალეთოლოგიური, განყენებული პრინციპებით, მორალური კატეგორიებით, ანტინომებით იდეოლოგიაა იმ კლასისა, რომელიც ორგანულად მოწყვეტილია, მოშორებულია წარმოების ეთარებას, წარმოებით პრაქტიკას; მატერიალიზმი გამოსახავს მსოფლშეგნებასა და მსოფლგაგებას იმ კლასისას, რომელიც აწარმოებს, ქმნის, რომელიც თავისი მდგომარეობით ჩაბმულია პრაქტიკულ ცხოვრებაში; იდეალიზმისათვის ჭეშმარიტ მოქმედებას წარმოადგენს მოქმედება თეორიული, „მოქმედება“ აზრისა, „წმინდა გონებისა“, იდეალიზმი პრაქტიკას არასოდეს ანგარიშს არ უწევს: თუ ფაქტები ჩემს თეორიას არ ეთანხმება, მით უარესი ფაქტებისათვის, — ხშირად იმეორებდა ჰეგელი და ამ სიტყვებით მარჯვედ, გარკვევით, მკვეთრად ლაპარაკობს გერმანული ბიურგერიზმი — პრუსიის არისტოკრატია.

ნეოკანტიანელების კ ო ჰ ე ნ ი ს, შ უ ჰ ე ს ი, ჰ უ ს ე რ ლ ი ს, ვ ე დ ე ნ ს კ ი ს და სხვათა გნოსეოლოგიზმი სოციალური ფსიქოლოგიის თვალთახედვით წარმოადგენს რეაქციული იდეალიზმის რესტავრაციას და რამდენადაც კლასი, რომლის წრიდან გამოდიან გნოსეოლოგიისტები და ყოველგვარი ლოგისტები, აქტიური და ძლიერია, იმდენად დიდ პრეტენზიებს აცხადებს ამ კლასის იდეოლოგია წმინდა გონებისა და მისი პრინციპების დასამყარებლად. ჭეშმარიტება იდეოლოგიუ-

რი ფორმა სოციალური განცდისა და სოციალურ განცდას იწვევს მდგომარეობა კლასობრივი, ეკონომიკური: კლასი, რომელიც მეთაურობს ეპოქას, სოციოლოგიური განცდის იდეოლოგიურ ფორმას, უკეთებს ერთგვარ ობიექტივაციას, მატერიალიზაციას მეცნიერების, ხელოვნების, რელიგიის და ფილოსოფიის სახით.

ინდივიდუალისტური ფილოსოფია აღმერთებს „წმინდა გონებას“ (reine Vernunft): არსებობა მისი სინამდვილით დამწყვედულია შემეცნებას საზღვრებში: შემეცნების ეპიფენომენური ბუნება ცხადდება პირვანდელ ფორმად მარადობისა, უნივერსალურ რელიგიად. სული ვლინდება სამყაროს მყარული წვალების შედეგად და რასაც შუპე ეძახის Denken überhaupt-ს, ის მხოლოდ რეფლექსია საერთო ყოფისა და წვალებისა, ის მხოლოდ ერთგვარ ფორმას წარმოადგენს იჩისას, რასაც იგივე შუპე ეძახის — von Seienden überhaupt-ს⁶; სული ტანის წვალების ორთქლია და გონება მისი რეფლექსი: განცდა ყოფისა იძლევა რეფლექსებს; რა სახისაა სოციალური ყოფა, იმ სახისაა რეფლექსი: ხელოვნება და მეცნიერება, რელიგია და სოციალური იდეალები რეფლექსოლოგიური დათანაწყობებაა იმ ტკივილთა და წვალებათა, რომელთაც ადგილი აქვთ განსაზღვრულ პირობებში. გერმანელი გნოსეოლოგები ცალ-ცალკე იღებენ აზროვნების შინაარსს და აზროვნების ფსიქიკურ პროცესს; აზროვნების შინაარსი და ფსიქიკური პროცესი სხვადასხვა ბუნებისა ჰგონიათ გნოსეოლოგისტებს: ვერ ამჩნევენ, რომ აზრის შინაარსი ფსიქიკური პროცესის სტატიკური, უძრავი ფორმაა.

გნოსეოლოგისტების ფილოსოფია ხდება ცოდნის ცოდნად — ალეთოლოგად. შემეცნება საგნად ისახავს თავის თავს, გონების ლოგიკურ სტრუქტურას, მათემატიკურ-განყენებულ კოორდინატებს; ასეთი აზროვნების მიმდინარეობა გაელენთილია რწმენით, რომ ყოველი პრობლემა წარმოადგენს დრო-სა და პირობების ვარეშე ტრანსცენდენტურად არსებულ იდეას და მორალი, სახელმწიფო, ხელოვნება ეყრდნობიან ამ ზედროული იდეის კატეგორიას; უსხეულო ლოგოსი მართავს სამყაროს; ადამიანი შეიცნობს სამყაროს „წმინდა“ ცნებით, „წმინდა“ აზრით; ყოველგვარი ცოდნა წარმოიშობა ლოგიკიდან; აპრიორული ლოგიკა ამართულია მოვლენათა ემპირიულ დენათა წინაშე, როგორც დიდი ფეოდალი და მორალური პრინციპები ერთგვარი მარადიული სვეტებია, რომლებზეც მიმაგრებულია ცხოვრების აზრი.

⁶ Schuppe: Erkenntnisstheoretische..., 26.

შინაგან კონსტრუქციაში ასეთია მოკლედ იდეალისტური, რეაქციულ-იდეოლოგიური ფილოსოფია გნოსეოლოგიზმისა, რომელსაც ქადაგებენ გერმანიაში მარბურგის, ბადენის, გეტინგენის და ლაიფციგის ფილოსოფიური წრეები და რომლის ვერბალური ანაორთქლი დროა-მოწვევებით სუსტად უბერავს რუსეთისა და საქართველოს დოცენტურ ფსიქიკას. მდგომარეობა მთელი სიმძიმით აწვება ადამიანის სულს და სული იღებს ისეთ მიმართულებას, რომელიც მდგომარეობას სურს: გნოსეოლოგიზმი გერმანული ფილოსოფიისა გერმანული ინდივიდუალიზმის გასვადებული ისტორიოსოფიაა ფსიქოლოგიურად აწყობილი სოციალური განცდის დაზგაზე და გაბატონებული ნებისყოფის პრეტენზიებში ჩამოყალიბებული; გნოსეოლოგიზმი ცდილობს განამტკიცოს ფილოსოფიაში აბსოლუტი ლოგიკური პრიმატის საშუალებით, რომ აწიოს მალა წმინდა გონების პრესტიჟი: ცხოვრება როგორც პროცესი, როგორც *durée éternelle*, რომელიც არ ისვენებს, რომელიც ყოველთვის სხვაობს, გაუგებარია გნოსეოლოგიზმისათვის; ერთხელ განმტკიცებული ფორმა, ფორმა გამომსახველი გაბატონებული ჭგუფის იდეოლოგიისა, გაურბის ისტორიზმს იმტომ, რომ ისტორია ყოველ წუთს უარყოფს სტატიკურ, უძრავ მდგომარეობას: ადამიანები ქმნიან რა მატერიალური და ინდუსტრიული ცხოვრების ვითარებას, თვითონ სულით, აწროვნებით, ლოგიკით, იდეალებით ამ ცხოვრების ვითარებასთან ერთად იცვლებიან. იდეოლოგია მორალური და ლოგიკური პრინციპებით, გნოსეოლოგიური სქოლიოებით და პრინციპებით ისტორიის პროდუქტია და ყოველ პერიოდს ისტორიისას იდეოლოგიურად ასახიერებს სოციალური საჭიროება და ადამიანთა ურთიერთობა ბუნებასთან; ისტორია ცენტრალური პრობლემაა იდეოლოგიისა; ყოველი კულტურული ინსტიტუტი, ყოველი ფორმა მეცნიერებისა და ხელოვნებისა წარმოადგენს ისტორიულ-ეპოქალური თავისებურების შემოქმედებით პროდუქტს; ადამიანი აწარმოებს ისტორიულ ცხოვრებას არა მარტო პოლიტიკურად, ფაქტიურად, სოციალურად, არამედ იდეოლოგიურადაც, ფსიქოლოგიურადაც; ჩვენთვის ლოგიკა, მათემატიკა, ფსიქოლოგია, ბიოლოგია, კოსმოლოგია დროულ-სივრცული ფორმულებია სოციალური განცდისა, ესე იგი ისტორიული პროცესის ნაყოფია; ისტორიული სინამდვილე სოციალური პერიპეტივებით უფრო აქტიური და შემოქმედი, უფრო ძლიერია, ვიდრე ბუნება: კულტურა—ბუნების კარაქმნა კოლექტიური შრომით იდეოლოგიის გარდაქმნა და რეორ-

განზიარება; იდეალისტურ-ალეთოლოგიური ფილოსოფია არ ფიქრობს, რომ ჩვენი დამოკიდებულება ქვეყანასთან ირკვევა ორგანოტროპული ურთიერთობით, პრაქტიკით, მოქმედებით, ნებისყოფის მოძრაობით; არსებობა სახიერდება არა მარტო აზროვნებაში, არამედ მოქმედებასა და შრომაშიაც; ვინც არ მოქმედებს, ის რჩება კულტურისა და ისტორიის გარეშე; აზროვნება მხოლოდ იარაღია მოქმედებისა და ნებისყოფისათვის; მთელ ისტორიას კაცობრიობისას თავის შინაარსად აქვს ადამიანთა მოქმედება, მოძრაობა, ბრძოლა, ნებისყოფის ვითარება სოციალური საკიროებისათვის; წარსული სხვადასხვა ხალხისა გამოსახავს ისტორიულ ფაქტებს იმდენად, რამდენადაც ხალხი მოქმედებდა, იბრძოდა არსებობისათვის, რამდენადაც ადამიანები კოლექტიურად აზრობდნენ ჭაობებს, აკეთებდნენ არხებს, კრიდნენ ტყეებს — ერთი სიტყვით, რამდენადაც შემოქმედებითი ნებისყოფა აწესრიგებდა წუთისოფლურ უწყესრიგობას, ქაოსიურ დენას საგნებისა და მოვლენებისას. აზრი მარქათა ნებისყოფისა: ყოველ საუკუნეში ყოველი ხალხის საზოგადოებრივი აზრი წარმოადგენს ერთგვარ ფორმულას ნებისყოფის შემოქმედებითი ხასიათის მოძრაობისას; ფეოდალური არისტოკრატია თავისი საზოგადოებრივი აზრის ფორმებში გამოსახავს ინდივიდუალისტური ნებისყოფის თვისებებს; ლიტერატურაში ინდივიდუალიზმი აკეთებს იმას, რასაც პოლიტიკაში; ესთეტიკური პრინციპი საშუალო საუკუნეებისა არის დამყარებული ისტორიულად და ფსიქოლოგიურად ბრძოლის კულტზე; სულ სხვანაირად ითარგება აზრის ფორმა ბურჟუაზიულ კაპიტალისტურ ეპოქაში; რამდენადაც ინდივიდუალიზმი საშუალო საუკუნეების ისტორიულ ჰაერეთში დონკიხოტური სითამამით და თავხედობით იჭრებოდა ბრძოლის სფეროში, იმდენად ბურჟუაზიულ-კაპიტალისტურ ეპოქაში ინდივიდუალისტური სითამამე იცრიცება; შიშით, იჭვებით, მერყეობით ივსება, სული, თითქოს, დაბნეული წარმოების მოუწყესრიგებელ ვითარებაში, მისტიციზმით და ფუტურიზმით მთავრდება, ვინაიდან ადამიანის ნებისყოფას არა აქვს გარკვეული, განრიგებული ფორმა ყოველდღიური ცხოვრებისა; ადამიანი მონაა ბიკრისა, კომერციულ-ინდუსტრიული შემთხვევებისა; ქალაქის ნერვული მოძრაობისა, ვიტრინებისა და ქარხნებისა: ნებისყოფის უთავბოლო მოძრაობათა კონვულსიები იწვევს სულისა და აზროვნების დატეხას, დაკრუნჩხვას, ანომალიურ დეფორმაციებს: მდგომარეობა აძლევს მიმართულებას სულსა და აზროვნებას; მდგომარეობის რეორგანიზაცია — წარმოებისა და ინდუსტრიის ინდივიდუალის-

ტური პრინციპების თანდათანობით დაშლა — ფსიქოლოგიურ ამყოფობაში დაშლის ადამიანის ინდივიდუალისტურ-მისტიკურ და რაციონალისტურ მსოფლმხედველობას: მეთოდოლოგია, დამყარებული ავტორიტარულ საფუძვლებზე — მეთოდოლოგია „წმინდა გონებისა“ და „წმინდა ხელოვნებისა“, რომელიც გენეტიკურად წარმოიშვა უსაქმობისა და ჭკრეტის პირობებში, არ უდგება კოოპერაციისა და სოლიდარობის განცდას; სოციალური, საზოგადოებრივი კულტურის სული ეწყობა თანდათანობითი წარმოებისა და ინდუსტრიის ვითარების ხვეულებში იმ სახით, იმ ფორმით, რომელიც ეფარდება სოციალური საჭიროების პირობებს, სოციალური ტკივილებისა და სიხარულის სახეცვლილ მდგომარეობას; რეორგანიზაცია სოციალური კულტურისა მსოფლმხედველობის რეორგანიზაციით თავდება და ბურჟუაზიულ-ქალაქური ცხოვრების კონველსიები, გამოსახული ხელოვნების დეკადენტურ ფორმებში, გამოთქმული ფილოსოფიის აპრიორიზმსა და ალეთოლოგიზმში — პარალოგიზმებში, ადგილს უთმობს სოციოლოგისტურ-რელატივისტურ იდეებს.

თქმა არ უნდა, ოფიციალურ დაწესებულებებში — უნივერსიტეტებსა და აკადემიებში მეცნიერება და მისი მეთოდოლოგია ხელმძღვანელობს ძველი პრინციპებით: ისტორიოსოფული და კრიტიკული განხილვა ფაქტებისა ხდება ბიოგრაფიული და ინდივიდუალისტური თვალსაზრისით.

საზოგადოებათმეცნიერება ზოგიერთ შემთხვევაში წარმოადგენს უბრალო თხროშას მეფეებისა და დიდი ფეოდალების ავანტიურებისას, მათი ქორწინებისას, მათი კერძო ცხოვრების პერიპეტეიებისას, რომელთაც ორგანული კავშირი არა აქვთ სოციალური საჭიროების ისტორიულ-გენეტიკურ ფორმებთან — იმ ფორმებთან, რომელთა მორალური და ესთეტიკური მხარეები ახდენდნენ გავლენას ამ ფეოდალებისა და მეფეების ყოფა-ქცევაზე: ისტორიული ფაქტები დაკავშირებულია იმანენტურად ადამიანთა ურთიერთობასთან და ყოველი იდეოლოგიური და ფსიქოლოგიური ხასიათის მოვლენა გასაგებია მხოლოდ მაშინ, როდესაც მოვლენის მიზეზები გამოინახება თანამედროვე საზოგადოებაში ან მისი ისტორიული ფორმაციის პროცესში. ჩვენ გარკვევით ვიმეორებთ: შემეცნების პრობლემა ყოველი სახისა და ფორმისა გადატანილი უნდა იყოს გენეზისის არეში; მარქსიზმი არის სრული უარყოფა აპრიორიზმისა და ალეთოლოგიისა: მარქსიზმი იდეოლოგიას უკავშირებს სოციალურ საჭიროებას, წარმოების ვითარებას, ინდუსტრიის ფორმებს;

სოციალური საჭიროებისა და ინდუსტრიის ფორმების ცვლილებებთან მარქსიზმისათვის იცვლება იდეოლოგია: იდეალისტურ-აპრიორისტული აზროვნებისათვის, ალეთოლოგიისათვის აზროვნების კონსტრუქცია მარადიულად ერთსახიანია — არ იცვლება: ფორმა აზროვნებისა, ერთსელ ჩამოყალიბებული, იჭრება არსში სამუდამოდ და არსი იქცევა აისრის კორელატად: ალეთოლოგია, ემყარება რა აპრიორიზმის დებულებას. წინააღმდეგია ჭეშმარიტებისა და იდეოლოგიის დაკავშირებისა საერთოდ მდგომარეობასთან; ამნაირად, ალეთოლოგია არსებითად იგივე თეოლოგიაა გნოსეოლოგიური პრიმატებით და თავისებურა გადახრით აბსოლუტისაკენ.

მოვლენის გაგება შეუძლებელია გენეზისის გარეშე და მარქსიზმი დიალექტიკური მეთოდით არსებობის გენეტიკური ფილოსოფიაა: აზროვნების დიალექტიკური მეთოდი საჭიროებს მიზეზებს, წყობას და შედეგს; მიზეზი კი თავისთავად აზროვნებას იწვევს გენეზისის არეში: ფორმა არსებობისა და მისი იდეოლოგიისა შედეგია წინა ფორმის დიალექტიკური სახეცვლილებისა; მაშასადამე, არსებული ფორმის შემეცნებისათვის, მისი ბუნების გაგებისათვის საჭიროა წინა ფორმის შემეცნება და გაგება; მეცნიერება, ხელოვნება, რელიგია, ერთი სიტყვით, ყოველი იდეოლოგიური სისტემა გენეტიკურად გამომდინარეობს სოციალურ-ინდუსტრიული პროცესის დიალექტიკური ნახტომებიდან; თვით დიალექტიკური ნახტომები წარმოადგენენ სტატიკურ შედეგებს იმ მოუხვენარი და განუწყვეტელი მოძრაობისას, რომელსაც ადგილი აქვს ყოველი ნივთის, ყოველი არსის და ყოველი სხეულის შინაწყობაში; მოვლენა არსებულის დიალექტიკური ნახტომის ფორმაა, ხოლო სანამ დიალექტიკურ ნახტომს ადგილი ექნება, არსში, წყობაში ხდება ჩვენთვის უხილავი მოძრაობა, რომელიც თანდათანობით ამზადებს ნიადაგს დიალექტიკური ნახტომისათვის: ხე თანდათან ფულფროვდება, ჩვენ ამას ვერ ვამჩნევთ, მაგრამ ერთ მშვენიერ დღეს ხე წაიჭევა და მაშინ დავინახავთ, რომ მოვლენა ის აღარ არის, რაც იყო. მატერიის არსებობა ტანის დინამიკური ცვლილებაა: ერთი ფორმა დასრულდა და იწყება მეორე. ცხოვრება დაუსრულებელი ცვლილებაა მატერიის ტანებში და ტანთა ურთიერთობაში; იდეოლოგია ამ ცვლილებათა ფორმულაა: მეცნიერება და ხელოვნება სხვადასხვა დროს სხვადასხვა პირობებში გენეტიკურ წვალებათა გრძელი ხვეულებით და დიალექტიკური ნახტომებით ეფარდებიან მატერიალურ-ორგანულ ცვლილებებს; მეცნიერება ეძიებს ურთიერთობის სტატიკურ ფორმას, ხელოვნება

გამოსასულებად ამ ურთიერთობათა სტატკური ფორმისა: ინდივიდუალისმის ეპოქებში იდეოლოგია ინდივიდუალისტურ-ანსოლუტური წყობისა; სოციალური კულტურის ეპოქებში იდეოლოგია მეცნიერებასა და ხელოვნებაში გამოსახავს შემოქმედებითი სულის ისეთ სახეებსა და იდეებს. რომელთაც აქვთ სოციალური, კორელატური ხასიათი.

ხელოვნების და მეცნიერების ზუნება ყოველთვის იყო სოციალური, მაგრამ სოციალურობა ისტორიულად ყოველთვის კლასობრივი ხასიათის იყო: ეკონომიკური ინტერესი ზღუდავდა იდეოლოგიურ ფორმას კლასობრივი ინტერესის ფარგლებში; სული ადამიანისა იდეალებით და ილუზიებით ატარებდა კლასობრივი ფსიქოლოგიის თვისებებს; კაცობრიობის წარსულში შემოქმედების ფორმები არისტოკრატიული კლასების იდეოლოგიათა გამოსახულებაა და ამ მხრივ ისტორიული ფორმა კულტურისა არის არისტოკრატიული.

ამიტომ არის, რომ ისტორიულ ფორმებს იდეოლოგიისა აზის ბეჭედი აპრიორიზმისა და ტრანსცენდენტისმის: პლატონის ფილოსოფია საბერძნეთში ისეთივე თარგია ბერძნული არისტოკრატიული სულისა და მისი უნივერსალური აპრიორიზმის, როგორც გერმანული იდეალიზმი ბიურგერული ყბედობისა და თავაწყვეტის, გარკვევა კლასობრივი რგოლისა წარმოების ევოლუციაში თანდათანობით არღვევს იდეოლოგიურ ზღუდეებს და ლიბერალური პრინციპი დროგამოშვებით გულაჩუყებული ჰუმანიზმით, ათამაშებული კლასობრივი შემოქმედების შინაგანი სისავსით, იწყებს თავისი იდეების „პოპულარიზაციას“. მეცნიერებისა და ხელოვნების „პოპულარიზაცია“ ბურჟუაზიული უტილიტარიზმის „კეთილი საქმეა“ და რამდენადაც სასარგებლოა, იმდენად მავნებელია: მშრალი და უსულო თხრობა ზოგიერთი იდეისა, ზოგიერთი მეცნიერული ჰიპოთეზისა უკარგავს შინაგან ღირებულებას იმ შემოქმედების ფორმას, რომლის „პოპულარიზაცია“ უნდათ: შემოქმედება როგორც მეცნიერების, ისე ხელოვნების მიღწევებში აწყობილია სოციალური კონსტრუქციით და ამიტომ ბუნებრივია არა ლიბერალური „კეთილშობილების“ მაჩვენებელი „პოპულარიზაცია“, არამედ სოციალიზაცია მეცნიერებისა და ხელოვნებისა, ფილოსოფიისა და საერთოდ იდეოლოგიისა; იდეათა სოციალიზაცია მოითხოვს სოციოლოგიურ მეთოდს აჩროვნებისა და შემოქმედებისას. შეიძლება „პოპულარიზაციის“ დროს ზოგიერთი მეცნიერული დებულება, ხშირად ძალიან გასაგები ენით გადაცემული, სრულებით გაუგებარი იყოს იმისათვის, ვისაც ელაპარაკებიან, თუკი ვინც ლაპა-

რაცოს, არ ხელმძღვანელობს სოციოლოგიური მეთოდით; ამ მხრივ სწორედ ჩვენ ვფიქრობთ, რომ მეცნიერი მხოლოდ მაშინ აღწევს მიზანს, როდესაც მას შემუშავებული აქვს მსოფლგაგება არა აპრიორისა და ტრანსცენდენტისმზე დამყარებული, არამედ სოციოლოგიურ რელატივიზმზე — მატერიალისმზე ამ სიტყვის მეთოდოლოგიური გაგებით: ზოგიერთი მეცნიერის ნაწარმოები რომელიმე ისტორიისა და ლიტერატურის დარგში წარმოადგენს მხოლოდ ნედლ მასალას, რომელსაც დღეი გადამუშავება ესაჭიროება, რომ მასალა მეცნიერული შექმნეს; რა არის ქართულ საზოგადოებათმეცნიერებაში ის, რასაც კორნელი კეკელიძე „ქართული ლიტერატურის ისტორიას“ ეძახის? — მხოლოდ curriculum vitae ქართული კულტურის არქივისა და ისიც ძალიან ცუდად დალაგებული; რა არის საქართველოს საზოგადოებათმეცნიერებაში ის, რასაც ივ. ჭავჭავაძის „ქართველი ერის ისტორიას“ ეძახის? — მხოლოდ მასალები ქართველი ერის ისტორიისა, თუმცა სიმართლე უნდა ითქვას, ძალიან კეთილსინდისიერად დალაგებული; ისტორია არ არის ეპოზოდების კალეიდოსკოპი; ისტორია არ არის ბიოგრაფიული აქიაბაქია; ისტორია ბოლოს და ბოლოს გენეზისის ისტორიოსოფიაა.

რა უნდა ითქვას საქართველოში უფრო პატარა ხალხის შესახებ — იმ ხალხსა, რომელსაც სურვილი აქვს „რუსთაველიანა“ წეროს; ან რუსთაველის ვინაობაზე ილაპარაკოს? — სანამ მეცნიერი-მოაზროვნე ისტორიულ-ლიტერატურულ ფაქტს შეეხებოდეს, მან უნდა შეისწავლოს მახლობელი ეპოქების სოციალურ-იდეოლოგიური სტრუქტურა დეტალურად; ისტორიულ-ლიტერატურული ფაქტის ინტერპრეტაციისათვის საჭიროა კულტურის მორფოლოგია; მეტყველების და სტილის ანალიზი, ფილოლოგიურ-სემანტიკური დეტალების ცოდნა დაკავშირებით აგრარულ და სოციალურ ინტერესებთან. ლიტერატურისა და საერთოდ იდეოლოგიის პრობლემა ყოფის პრობლემაა: ფილოსოფიური და ესთეტიკური საკითხები ყოველი ხალხის ცხოვრებაში უმეშვეოდ დაკავშირებულია სოციალურ-ინდუსტრიული ცხოვრების ევოლუციისათან — სამეურნეო-საოჯახო და საზოგადო ხასიათის კულტურულ ფორმებთან. ყოველ ადამიანს პროფესიისა და სულიერი წერტონის ატრიბუტები შეაქვს საგნის შეცნობის პროცესში: ფანქარს მოწაფე და ვაჭარი სხვადასხვა სახით შეიცნობენ; ძროხის კუნთებს მხატვარი და ყასაბი სხვადასხვა თვალთახედვით უყურებენ; ხორცის ნაჭერის დანახვაზე თხას და მგელს სხვადასხვა სურვილები ებადებათ: აპრიორული და

ტრანსცენდენტური რაც არის შემეცნების პროცესში, ყველაფერი შემოტანილია ან გვარული თვისებებით, ან პროფესიული წინდახრილობით; განსხვავება აზრის შინაარსსა და ფსიქიკურ პროცესს შორის, რომლიდანაც გერმანელ მეცნიერებს გამოყავთ ერთი მხრით ფსიქიკური პროცესის ემპირიული ბუნება და მეორე მხრით აზრის შინაარსის იდეალური ბუნება, ბოლოს და ბოლოს გვიჩვენებს იმას, რომ აზრის შინაარსი მხოლოდ შედეგია ფსიქიკური ჩვეულებისა; იდეალური სამყარო თავისი ნორმებით წარმოადგენს რეფლექსს რეალური ცხოვრების ორგანოტროპული განცდებისას. მეცნიერებისა და ხელოვნების ორგანიზაციას სხვადასხვა საუკუნეში სოციალურ-ისტორიულ საჭიროებათა რეფლექსები აწყობენ: ყოველ ეპოქას აქვს ისეთი ფორმა მეცნიერებისა და ხელოვნებისა, რომელიც გამოსახავს გამარჯვებულთა და შეგუებულთა სურვილებს, სამართალი და ქვეშაობა, სილამაზე და სიკეთე, მშვენიერება და კეთილმოქმედება ითარგებიან სოციალურ ჩვეულებში და არა პროფესორთა ვერბალიზმში.

მეცნიერების და ცოდნის რეორგანიზაცია უწინარეს ყოვლისა მოითხოვს გენეზისის პრინციპის მიღებას, ხოლო გენეზისის პრინციპი შეუძლებელია იმ შემოქმედებითი ურთიერთობის გარეშე, რომელსაც ჩვენ ვეძახით ო რ გ ა ნ ო ტ რ ო პ ი ზ მ ს: ჩვენი მსოფლგაგება ახალია იმ მხრით, რომ ჩვენ ვიღებთ სავსებით მატერიალისტურ აზროვნებას და, ამავე დროს, ვამჩნევთ გარკვევით, რომ მატერიალისტური გაგება მოვლენებისა არ უარყოფს იდეის აქტივობას, იდეოლოგიის თ ვ ი თ ა რ ს ე ბ ო ბ ი თ ხასიათს; იდეოლოგია ზედნაშენია ეკონომიკური სტრუქტურის, მაგრამ ეს ზედნაშენი, როგორც კი მიიღებს გარკვეულ ფორმას, მოქმედებს აქტიურად იმ მდგომარეობაზე, რომელმაც ჩამოაყალიბა ეს იდეოლოგიური ზედნაშენი: მდგომარეობა მოქმედებს იდეოლოგიაზე, იდეოლოგია მოქმედებს მდგომარეობაზე: ლენინისმი როგორც იდეოლოგია, ჩამოყალიბებულია განსაკუთრებულ სოციალურ-ისტორიულ სინამდვილეში, განსაკუთრებულ ეკონომიკურ კლასობრივ პირობებში, მაგრამ მთელი ღირებულება ლენინისმისა ისაა, რომ იგი უარყოფს იდეოლოგიის პასივობას; და განა შესაძლებელი იქნებოდა ისტორიაში რომელიმე რევოლუცია, რომელიმე სოციალური და ეკონომიკური გადატრიალების მოხდენა, რომ იდეოლოგიას არ ჰქონდეს გავლენა მდგომარეობაზე — გავლენა აქტიური, გავლენა ისეთი, რომელსაც შეუძლია გარდაქმნა მდგომარეობისა, გადაკეთება არსებობის პირობებისა; ცხადია, გარდაქმნისა და გადაკეთების შესაძლებლობა ისევე განსაკუთრებული პირობებს მოითხოვს, მაგრამ პირობები ყოველთვისაა

დარჩებოდნენ უფორმოდ. ქაოსურად, უთავბოლოდ, რომ იდეოლოგია არ აწესრიგებდეს... რა ქამსაც იდეოლოგია განსახიერდა მეტყველება-სა და მეცნიერებაში, ხელოვნებასა და ლიტერატურაში, იგი არის თავისებური ენერგია. თავისებური *idée-force*, რომელიც მოქმედებს, მოძრაობს, აწესრიგებს: კლასიციზმი, რომანტიზმი, რეალიზმი, სიმბოლიზმი, პესიმიზმი, ოპტიმიზმი ისტორიული ფორმებია ლიტერატურულ და ფილოსოფიურ იდეოლოგიათა; ყოველი მათგანი, წარმოშობილი სოციალური ფსიქოლოგიის განსაკუთრებულ პირობებში, მოქმედებდა აქტიურად ამ პირობების შეფარდებით: ყოველ მათგანს ჰქონდა უკუქცევეთი ხასიათის გავლენა იმ მდგომარეობაზე, რომელშიც წარმოიშვა; ყოველი მათგანი წარმოადგენს ღირებულებას ისტორიულს იმდენად, რამდენადაც გამოსახავს საპირობას ეპოქისას — საპირობას სოციალურს; და რამდენადაც იდეა ეპოქის საპირობას გამოსახავს, იმდენად იგი არა მარტო ფორმულაა, არამედ თ ვ ი თ ა რ ს ო ბ ი თ ი ღირებულებაც არის; საინტერესოა ამ მხრივ ნ. ბუხარინის აზრი, რომელიც გამოთქმულია წიგნში — «Теория исторического материализма». «Между средой и системой существует постоянная связь; «среда» действует на «систему», «система» действует на «среду»,* სისტემას ნ. ბუხარინი ეძახის იდეოლოგიას და ჩვენი გამოთქმით ეს არის ორგანოტროპული ურთიერთობა: ორგანოტროპიზმი, როგორც იდეოლოგიისა და აზროვნების სისტემა, პირველად ჩვენ შემოგვაქვს ლიტერატურაში: არც აღმოსავლეთში, არც დასავლეთ ევროპის ლიტერატურაში სიტყვა „ორგანოტროპიზმი“ ჯერ არავის უხმარია: ჩვენ საქართველოში ამ სიტყვით ვიძღვევით მთელს სისტემას აზროვნებისას, რომელსაც არ ეწინააღმდეგება არც მატერიალიზმი სწორი გაგებით და ეს ჩანს ნ. ბუხარინის ზემოთ მოყვანილი სიტყვებიდანაც: ჩვენ ვამტკიცებთ შემოქმედებით ურთიერთობას მდგომარეობასა და იდეოლოგიას შორის: ამ ურთიერთობას ჩვენ ვხედავთ მთელს ისტორიაში, კულტურის, მეცნიერებისა და ხელოვნების ევოლუციაში. ყველა ხალხის და ყველა საუკუნის იდეოლოგიაში გამოსახულია ორგანოტროპული კორელაცია; ამ კორელაციით ჩვენ უარყოფთ უნივერსალიებს წმინდა გონებისა და წმინდა ხელოვნებისას; ჩვენ ვამბობთ ა. ბერგსონთან კრალად: *L'absolu se révèle très près de nous et, dans une certaine mesure, en nous; il est d'essence psychologique et non pas mathématique ou logique***.

* И. Бухарин. «Исторический мат». стр. 77.

** И. Bergson, L'évolution créatrice.

ბობს — l'absolu est d'essence psychologique et non pas mathématique ou logique, და ამიტომაც ჩვენ კატეგორიულად უარვყოფთ ლოგიკისა და გნოსეოლოგიის პრიმატობას, რომელსაც ქადაგებენ ბერნარდო ბოლცანო, ჰუსერლი, კოჰენი, შუპე, ვედენსკი და სხვები. ჩვენ ვიღებთ უნივერსალიების მაგიერ გენეტიკური ფსიქოლოგიის ორგანოტროპულ კოროლარიებს და აზროვნების ფაქტებში ვხედავთ ისეთ წყობას იდეებისას, რომელიც არის ორგანოტროპული და კორელატური, რომელსაც აქვს გამოყენებითი ხასიათი — და რომელიც იარაღია სოციალური საჭიროებისა, როგორც მეტყველება*. ჩვენ კარგად ვიცით, რომ ამით ჩვენ ვილაშქრებთ აზროვნების მთელი ისტორიული კონსტრუქციის წინააღმდეგ. ორგანოტროპიზმი უარყოფს უნივერსალიებთან ერთად ჰემმარიტების დასაბუთების ლოგიკურ-გნოსეოლოგიურ პრეტენზიას და ამით ორგანოტროპიზმი მოითხოვს სილოგისტური მსჯელობის რეფორმასაც; სილოგისტური ფორმულებისა და აქსიომების მაგიერ ჩვენ შემოგვაქვს სოციალურ საჭიროებათა კოროლარიები; ჩვენ სრული სიამაყით აღვნიშნავთ იმ დიდ ფაქტს, რომ ქართული აზროვნება, რომელიც წარსულში კომენტარებსა და თარგმანებს ვერ გაშორებია, რომელიც დღესაც ქართულ უნივერსიტეტში ჩვეულებრივი იდეოლოგიური ტრაფარეტებით იკვებება, ჩვენ მიერ აწყობილი ორგანოტროპიზმის ფილოსოფიურ სისტემაში იძლევა აზროვნების სრულებით ახალ ფორმას არა მარტო ქართული კულტურის გასაქანით, არამედ ევროპის მასშტაბითაც; ასეთი დიდი და სერიოზული საკითხის დამუშავებისათვის ელემენტარულ სოციალურ პირობებს, მორალურ თანაგრძნობასაც მოკლებული, გარშემორტყმული „უჩემოთ ვინ იმღერებთობის“ კულტით, ჭორებით და ძმობიკების ყავახანური ღრეობით, ჩვენ ვმუშაობთ იმ იმედით, რომ საქართველო ოდესმე მორალურად განასახიერებს იმ შინაგან სიმართლეს, რომელიც მას წარსულში აკლდა და ურომლისოდაც ისტორიული კულტურა ვერ მიიღებს საერთაშორისო ღირებულებას. ჩვენ ანგარიში გავუწიეთ მატერიალისტურ მსოფლგაგებას. რომელიც აპირებს კულტურის სრულ რეორგანიზაციას და რომელსაც ჩვენ ვაშენებთ საკუთარ სისტემას აზროვნებისას; კულტურის რეორგანიზაცია მატერიალიზმისა და პროლეტარიატის ხელმძღვანელობით იღებს

* M. Bréal, Essai sur la Sémantique.

იდეოლოგიის აქტივობას და აზროვნების რეფორმა ამ რევოლუციური აქტივობის შედეგი იქნება ბუნებრივად; სახალხო განათლების სფეროში რევოლუციური მატერიალიზმი უკვე ახდენს გარდატენას მეთოდოლოგიის შეცვლით, სკოლების ახალი ტიპის ჩამოყალიბებით, აკადემიური და პედაგოგიური უნივერსალიების სრული უარყოფით: ცხადია, იდეოლოგიური გარდატენის პროცესი იდეოლოგიის რეორგანიზაციით დამთავრდება და პროლეტარული კულტურის არსებობის მეტაფიზიკურად დაყენებული საკითხი გადაიჭრება ორგანოტროპული წესით: ახალი სოციალური ყოფა ახალ სულს წარმოშობს და ახალი სულის იდეოლოგიურ-ესთეტიკური ზრახვები განსახიერდებიან სოციალურ საჭიროებათა მიხედვით; შემოქმედებითი ევოლუცია შეარჩევს არსებობისათვის ბრძოლაში საჭირო ხერხებს და იდეოლოგიურ-ესთეტიკური სტილის სახეს ჩამოაყალიბებს არა რომელიმე ლიტერატურული, ან თეატრალური ჯგუფის აჩქარებულად დაწერილი „მანიფესტი“, არამედ სოციალურ-ინდუსტრიული დენის ორგანოტროპული ინტერესი: საჭიროება და ინტერესი შექმნის ახალ ყოფაში მეცნიერებისა და ხელოვნების ახალ ფორმას, ხოლო ამ ახალ ფორმაში გენეტიკური წვა წარსულისა შევა როგორც ორგანული პოტენცია, როგორც ჩონჩხი გარდაქმნის élan vital.

ცხოვრების მისწრაფება წვა და ლტოლვაა; გონება ამ წვა-სა და ლტოლვის ორგანული რეფლექსია. მატერიის შინაგან წვალებასა და რყევაში შეიქმნა ორთქლი, რომლის ასხივოსნება იძლევა გონებას; გონება რეფლექსური მარკვალაია მატერიის წვალების: მატერია შეიცავს დაუსრულებელ ცვლილებებს; მატერია გარბის, ინტელექტი მხოლოდ ფორმულაა მატერიის პლანეტური წვალებისა და ხეტიალიზისა; მატერია ყოვლობის დინამიკური ფორმაა, ინტელექტი იჭერს ამ ფორმას; მატერიის აქვს სტატუკური ყოფა, მაგრამ ფუნქციონათა განაწილებით სტატუკურსა და უძრავ ყოფაში, როგორც რეზერვუარში, ინახება ენერჯია ან მოძრაობაში მოდის იგი; მცენარეულობა ინახავს ენერჯიას, პოტენციას ენტელქიისას; ცხოველური სამყარო მცენარეული ყოფის პოტენცილობას აძლევს კინეტიკურ ხასიათს; მცენარეულობა უძრავია, ცხოველური სამყარო კი მოძრავი; ცხოვრება მცენარეებში ქვეშემეცნიებითი ხასიათისაა; ცხოველებში ისახება შეცნობის ფორმა; მაგრამ შეცნობის ფორმა ცხოველურ სამყაროში იძლევა ინსტინქტის ორგანიზაციას; ინსტინქტი ცხოველურ სამყაროში იარაღია არსებობისათვის ბრძოლაში ისეთივე, როგორც ადამიანისათვის გონება; ყოვლობა, მიწერა-ლეხიდან დაწყებული, წააგავს დიდ რეზერვუარს, რომელიც ისვრის

უსასღროებაში მაშხალებს მინერალების, მცენარეების, ცხოველებისა და ადამიანთა სახეებით; ადამიანი თითქო *raison d'être*-ია ცხოვრების მთელი ორგანიზაციის და მატერიის ევოლუცია წარმოუდგენელია ჩვენთვის გარეშე წვალებისა და მოძრაობის. წვალებასა და მოძრაობაში მატერია იტენება, იონოღინამისმით იესება; მატერიის მასა და სული მატერიალ-ის მოძრაობაში იქმნება; დროგამოშვებით მატერია ისვენებს და ჩვენი სამყარო თავისი მინერალებით, მცენარეებით, ცხოველებით, ადამიანებით ყოვლობის მატერიული მოგზაურობის მხოლოდ ერთი მომენტია და ამ მომენტს მატერიულ-ორგანული ყოფისას აქვს თავისი შემოქმედებითი წვალების პლანეტური რეფლექსი, რომელსაც ჩვენ ვეძახით იდეას, გონებას. ინტელექტს, სულს, ინტუიციას და რომლითაც ჩვენ ვიბრძვით ჩვენი ყოფის ინტერესებისათვის უსასღროების განსასღრულ კუთხეში, რომლითაც ჩვენ ვახდენთ გავლენას ამ კუთხეზე.

ინტელექტუალიზმი და ინდივიდუალიზმის ტრაგედია

აზროვნების ისტორიაში ბევრნაირი ახსნა-განმარტება მოგვეცა ცხოვრების მოვლენებისა ადამიანმა, მაგრამ არსებობის პირობების შეცვლა ფილოსოფიურ-მორალური სისტემებით მეტად ძნელი შეიქნა: აღმოსავლეთის დიდ კულტურათა სოციალური ცხოვრების პრინციპები, მიუხედავად იმისა, რომ დიდი ხანია ისინი ჩამოაყალიბა ისტორიამ, განუხორტელებელია დღემდე; მალე ორი ათასი წელი შესრულდება მას შემდეგ, რაც აღმოსავლეთმა მოგვეცა ლეგენდარული ქრისტეს საყურადღებო სოციალური ყოფის ფილოსოფია, მაგრამ ამ ოცა საუკუნის განმავლობაში არამც თუ ერთი საუკუნით, არამედ ერთი წლითაც კაცობრიობას *en masse* ქრისტეს მოძღვრების მიხედვით არ უცხოვრია: ქრისტიანი ხალხები მუდამ ქადაგებენ პატიოსნებასა და კაცთმოყვარებას და მუდამ ცხოვრობენ ცუდლუტობით, სიცრუით, ინტრიგებით, სახიფათო კომპინაციებით. ბუნება კაცობრიობისა თითქოს წინააღმდეგია კაცობრიობის მორალის, თითქოს გული, როგორც ცენტრა ფიზიოლოგიური და ორგანული მოძრაობის, სხვას ამბობს და გონება, მოკლებული ვნებას, მშრალი, ხრიოკი სხვას ამბობს: თითქოს კაცობრიობის პლანეტური ყოფა ტრაგედიაულად გაორებულია და სამყარო ანთროპომორფულ გავებაში ორსახეობს როგორც იანუ-

სი; მითურ-კოსმოსური ფილოსოფია რელიგიის სახით ამ ორსახეობას იძლევა სიმბოლოებში: ქრისტე და იუდა, ეშმაკი და ანგელოზი, სიკეთე და ბოროტება; ორსახეობას ერთ მხარეს ყოველთვის ტანი წარმოადგენს თავის ფიზიოლოგიურ და ორგანულ-ბიოლოგიური მოთხოვნილებებით, მეორე მხარეს კი — სული თავისი შეემპირიული ბუნებით და იდეალებით, ილუზიებით. ყველა რელიგია აღმოსავლეთისა ორსახეობას იღებს როგორც ერთგვარ აუცილებლობას, როგორც იმანენტურ დეტერმინიზმს პლანეტური ყოფისას; ბაბლია იმთავითვე აუცილებლად ხდის სიკეთის დაკავშირებას ბოროტებასთან; სახარებაც ფსიქოლოგიური დოკუმენტია იმისა, რომ აღმოსავლეთის ძველ ხალხებს ასე ესმოდათ წუთისოფლური ყოფა: ორსახეობა ყოველგან; მთავარი ღმერთის ყოვლადშემძლეობა ბოლოს და ბოლოს შეზღუდულია მყარი დეტერმინიზმით და სიკეთეს ბოროტება მუდამ თან ახლავს, როგორც ერთგვარი აჩრდილი; ქრისტე და იუდა აღმოსავლეთურ გაგებაში ისეთივე პლანეტური ტიპებია ორსახეობისა, როგორც დონ კიხოტი და სანჩო პანსა: ერთი მხრით, ტიპები — სახეები რეალური ყოფისა, მეორე მხრივ ტიპები — სახეები იდეალური ყოფისა; ხოლო დროისა და პირობებას მიხედვით ტიპები იცვლებიან: ტემპერამენტები და ნებისყოფანი სხვადასხვაობენ სხვადასხვა დროს, სხვადასხვა პირობებში. ლიუციფერი ისეთივე ორეულია ქრისტესი, როგორც მეფისტოფელი ფაუსტისა; ფაუსტმა, როდესაც მინდვრად გაიხივრა, ბუნების ნოყიერების ყნოსვით, ორგანული შეგრძნების ვნებაანობით, ესთეტიკურ-ეროტიკული ექსტაზით იგრძნო იგივე, რასაც გრძნობდა ქრისტე, როდესაც ლიუციფერმა სახურავზე აუყვანა და აჩვენა ამწვანებული მინდვრები, მშვენიერი კორდები და ბალები, რათა ჩაეკლა ქრისტეს გულში ასკეტური სურვილები და გაეღვიძებინა სამაგიეროდ წარმართულ ვნებათა დაშატობელი სიციყე.

საშუალო საუკუნეებში განდგეილა ბერებისა და წმინდანების ცხოვრებაში ხშირად ჰქონდა ადგილი „შეკოდებებს“, სექსუალურ-ეროტიკულსა და წარმართულ პასიონებს: სენტ ანტუანი და ილია ჭავჭავაძის განდგეილი ორიგინალური ტიპებია საშუალო საუკუნეთა ორგანულ-ფსიქიკური ორსახეობისა; ისტორიამ იცის აუარებელი მაგალითები იმისა, რომ პრინციპი ინტელექტისა და ასკეტიზმისა ირღვეოდა ყოველთვის: ვნების ტალღები ყოველთვის უფრო ძლიერია, ვიდრე ინტელექტისა და მორალის იმპერატივები, რომელნიც ბოლოს და ბოლოს ვამონაყურია სოციალური ჩვეულებების და საქიროებათა

რეფლექსებია; გონების ფილოსოფიაზე უფრო დამაჯერებელია გულის ფილოსოფია: განცდა გააზრებაზე უფრო მახვილია; კანტმა ეს თეოთონ იგაძნო. როდესაც რუსოს ნაწერებს კითხულობდა და არჩევდა; გოეთემ გენიოსურად გადაგვიშალა საშინელი ბრძოლის პროცესი ადამიანის ბუნებაში ორ საწყისს — რაციონალურსა და ირაციონალურს შორის; ფაუსტი ატარებს რაციონალიზმის სრულ სახეობას მანამდე, სანამ ბუნება თავისი ნოყიერებით, სილამაზით, გაშლილი ჰაერით, დანიატობელი ფერებით და სახეებით ერთიკულ-სექსუალურ ჩხვლეტას არ დაუწყებს მას, სანამ სული ჩაეშვება თავისი ფორმულებით, „ატრიბუტებით“, სქოლიოებით, იმპერიტივებით ორგანულ-ბიოლოგიური განცდების ქაოსში, სანამ გულს დაუწყებს წვას კოსმოსური ეროსი, მარადიული ქალურობის გრძნეული სახე, რომელიც თვალწარმტაცი სიმშვენაერით ეჩვენებოდა უსახლეროების მისტიკურად ალივლივებულ არეზე გოეთეს, პეტრარკას, იაკობ ბოემეს, ვლ. სოლოვიოვის, აკაკი წერეთელს, დანტე ალიგიერს, შოთა რუსთაველსა და ყველა მეოცნებეს.

ჩვენი საუკუნე ინტელექტის მაგიერ ნებისყოფას აქცევს ყურადღებას: ინტელექტის პერიოდი ისტორიაში ტრაგედიისა და შეუთანხმებლობის პერიოდია: ყოველთვის, როდესაც ადამიანი ნებისყოფას უმორჩილებს გონებას, იწყება უბედურება ადამიანის ყოფისა; ჰამლეტი ათასჯერ უფრო ბედნიერი იქნებოდა, რომ გონებას არ უმორჩილებდეს ყოველ წუთს ნებისყოფას; ჰამლეტი იჭვებით არღვევს თავის სულს და ზასიათის მთლიანობას, თავისი პიროვნებას სიმტკიცეს, არსებობისათვის ბრძოლის ხერხებს, ბედნიერებას... ბოლოს და ბოლოს ბედნიერებას საკითხი სურვილებას განზორციელების საკითხია და სურვილების განზორციელებას ჰამლეტი უკავშირებს სამართლიანობისა და პატრიოსნების პრინციპს. მაგრამ სამართლიანობა და პატრიოსნება ისე, როგორც ყველა სხვა მორალური ცნება, კლასობრივად და დროულად გაბატონებული ჩვეულებების ნაყოფია; სამართლიანობა, პატრიოსნება, სიკეთე, ბოროტება სხვადასხვა საუკუნეში სხვადასხვა ეკონომიკურსა და სოციალურ პირობებში სხვადასხვანაირად გაეგებათ; მარადიული ხასიათი — მარადიული ღირებულება პატრიოსნებასა და სამართლიანობას არა აქვს; თვ-თონ ჰამლეტი მარჯვედ ეუბნება ოფელიას: თოვლივით რომ სუფთა იყო, მაინც დაგსვრის ეს წუთისოფელი და მონასტერში წაღო. ჰამლეტი რომ დღეს ცოცხალი იყოს, მგონია ვერ ეტყვის თავს ოფელიას მონასტერში წაღო, იმიტომ, რომ დღეს —

ჩვენს დროში მონასტრის სისუფთავე და სიკეთე არავის სწამს; ჰამ-
 ლეტს რომ ერთი საუკუნით ადრე ეცხოვრა, შეიძლება თავისი ყოფნა-
 არყოფნის საკითხი სხვანაირად გადაეწყვიტა და გრძელი რიგი ჰამლე-
 ტის სილოგიზმებისა სხვა ჭეშმარიტებას, სხვა პრინციპს მონახედა
 ნებისყოფის ასამოქმედებლად, ასამოძრავებლად. ფილოსოფებს-გნო-
 სეოლოგებს სამწუხაროდ დღემდე ვერ შეუგნიათ, რომ ჭეშმარიტება
 და სამართლიანობა, სიკეთე და ბოროტება სილოგიზმებსა და შემეც-
 ნების თეორიის კოლოფებში კი არ აწყვიდა, არამედ იქმნებიან თ რ გ ა-
 ნ ო ტ რ ო პ უ ლ ა დ სოციალურ საჭიროებათა ჩვეულებებში. სხვა-
 დასხვა დროს სხვადასხვა კლასი სხვადასხვანაირად სარგებლობს მეც-
 ნიერების ფორმულებით, ლოგიკისა და ფილოსოფიის იმპერატაიებით;
 ყოველ ყოფას აქვს საკუთარი კუთხური ალეთოლოგია, კუთხური შე-
 მემენება, ესთეტიკა და ფილოსოფია: — *sub specie aeternitatis* მთე-
 ლი წუთისოფლური შემოქმედებითი წვალება კაცობრიობისა კულტუ-
 რულ-ცივილიზაციური განგაშით, რადიოსადგურებით, ავადემიებით,
 მეცნიერებათა ფორმულებით მსოლოდ კ უ თ ხ უ რ ი, კ ო რ ე ლ ა-
 ტ უ რ ი, ნ ა წ ი ლ ო ბ რ ი ვ ი შეცნობაა უსაზღვროებისა; როდესაც
 ჰეგელი ამბობდა, — თუ ფაქტები ჩემს თეორიას არ ეთანხმებიან, მით
 უარესი ფაქტებისათვის, — გერმანული, პრუსიული ინდივიდუალიზმის
 თავაწყვეტის გენეტიკურ ფსიქოლოგიას იძლეოდა ამით; ყოველი ყოფა
 ასე აზვიადებს, ასე ამახვილებს თავის განცდას და სოციალურ წვალე-
 ბას; ტოლსტოის გლეხკაცის ფილოსოფიაში არის მოცემული რუსული
 სულის ბარინულ-სოციალურ წყობაში განსახიერებული შემოქმედებ-
 თა წვალება და აქედან გამომდინარე სიწმინდის საკახებო: ბარინიზმის
 გარეშე ტოლსტოისში გაუგებარი მოვლენაა; ბარინობა და გლეხკაცის
 ურთიერთობა იძლევა ტოლსტოისმს: ყოფა იძლევა იდეოლოგიას, ან
 როგორც მარქსა ამბობდა: მდგომარეობა ქმნის შეგნებას. მაშასადამე,
 რამდენი მდგომარეობაცაა, იმდენი შეგნებაა ქვეყანაზე; რამდენი
 მდგომარეობაა, იმდენი სხვადასხვა გ ა მ ო ყ ე ნ ე ბ ი თ ი პრინციპი
 არსებობს ლოგიკაში: ლოგიკა, მართალია, ერთია თავისი სილოგიზმე-
 ბით, მაგრამ სხვადასხვა კლასი სხვადასხვა მდგომარეობაში სხვა-
 დასხვანაირად სარგებლობს ლოგიკის და სპეციალურ მეცნიერებათა
 დებულებებით. იდეებს წინ მიუძღვის ს ო ც ი ა ლ უ რ წ ვ ა ლ ე ბ ა-
 თ ა ჩ ვ ე უ ლ ე ბ ე ბ შ ი შექმნილი ვ ე ნ ე ბ ა, რომელიც იძლე-
 ვა დირექტორებს და რომელსაც ვერ ამჩნევენ გერმანული ფილოსო-
 ფიურ-გნოსეოლოგიური სკოლები. სწორედ ეს ქმნის ტრაგედიას ადა-

მიანის ცხოვრებაში: გნოსეოლოგები აწყობენ შემეცნების პრინციპებს ისტორიულად ვაბატინებული ინტელექტუალური გემოვნების მიხედვით, რომელსაც აქვს უსათუოდ საკუთარი სოციალური ყოფის სარჩული, და უნდათ თავიანთი გაგება, რომელიც დროულია და რელატიური, გახადონ აბსოლუტურად სავალდებულოდ. გერმანელი გნოსეოლოგისტები შუპე, ჰუსერლი, კოჰენი და ბევრი სხვა აქ ბოლოს და ბოლოს ისტორიულად ისეთსავე ცუდ საქმეს აკეთებენ, როგორც საშუალო საუკუნეთა თეოლოგები: ყოველგვარი პრეტენზია აბსოლუტური ქვეშარიტების გამოსახვისა უსათუოდ უარყოფითი მოვლენა ისტორიაში, ვინაიდან ერთი წყობის აბსოლუტური ფორმა მიუღებელია მეორე წყობისათვის, მეორე ეპოქისათვის, სხვა პირობებისათვის; როგორც კი ინტელექტუალური ფორმა კულტურისა საზოგადოებრივი სოციალური ევოლუციის გენეტიკურ ფსიქოლოგიას, მაშინვე ისტორიაში ჩნდებიან პამლეტები, ფაუსტები, მანფრედები, თამალები და მათი შპიგელმენშები: იწყება ტრაგედიული გაორება მეობისა; გენეტიკურად განმტკიცებულა ჩვეულება მორალის სახით სხვას ამბობს და აწყობს სოციალური ყოფის ფსიქოლოგია სხვა რამეს მოითხოვს. ჩვეულება დაკანონებული და განმტკიცებული, ჩვეულება, აშენებული წარსული არსებობის საჭიროებათა ურთიერთობაზე, ადამიანს უნერგავს გულში პატივისცემას არსებულისადმი იმდენად, რამდენადაც არსებული არის იგივე, რაც წარსული; ხოლო რამდენადაც არსებული განსხვავდება წარსულისაგან თავის ყოველდღიურ სოციალურ წყობაში, იმდენად მორალი და მისი პრინციპები ეწინააღმდეგებიან არსებულს. ასეთ პირობებში იმყოფებიან დიდი ინდივიდუალისტები, რომელთაც ჩვენ ვხედავთ მსოფლიო ლიტერატურაში: პრომეთე, ანტიგონე, პამლეტი, ფაუსტი, რასკოლნიკოვი. მთელი მათი ტრაგედია მდგომარეობს სოციალურ ძალთა ურთიერთობაში: წარსული დარჩენილია იდეოლოგიაში, ხოლო რეალურ ცხოვრებას მიუღია ახალი სახე; იდეოლოგია ამ შემთხვევაში, როგორც წარსულის შემნახველი, ებრძვის მორალური პრინციპებით აწყობს: კონკრეტულად, ვინც კარგად და მაგრად შეითვისა წარსული მთელი თავისი იდეოლოგიით, თავისი მორალით, შებოკილია ამ შეთვისებით: კეთილშობილი, გულწრფელი პამლეტები და ფაუსტები ამას ამჩნევენ და ებრძვიან, მაგრამ ამ ბრძოლაში მარცხდებიან, ვინაიდან ცხოვრება თავისი რეალური პირობით მათ მხარს არ უჭერს; პამლეტს აწუხებს, რომ ცხოვრება არ არის მოწყობილი სწავლის პრინციპის მიხედვით; პამლე-

ტ: დარწმუნებულია, რომ მორალი, ისტორიულად განმტკიცებული, . . . სოლუტური ჰემარიტებაა: აქ სამლეტი ისევე გულუბრყვილოდ მსჯელობს. როგორც კანტი, რომელმაც შემეცნების თეორიის უდიდესი საკითხები გადაიტანა მორალის სფეროში: რაც „წმინდა გონებაში“ ვერ გადაქრა, ვერ გამოარკვია, ის კანტმა „გამოარკვევინა“ „პრაქტიკულ გონებას“. კანტი გულუბრყვილოდ ნდობას უცხადებს პრაქტიკულ გონებას — praktischen Vernunft, ე. ი. მორალს, მოვალეობის იდეას და სრულებით ვერ ამჩნევს, რომ ის, რაც მას წმინდად და უცოდველად მიაჩნია, რაზეც ის ეყრდნობა უდიდესი საკითხების გადაწყვეტის დროს, მხოლოდ გამოჩაყურია ემპირიული სოციალური ყოფისა, რომელიც იშლება ისტორიულად, ინდუსტრიულად, ეკონომიკურად. შიგნით და რომელსაც ახალა წყობა სოციალურ და ბიოგენეტიკურ წვალებათა ვერ ითმენს: ცხოვრება ტრავმულიად გაორებულია: ერთი მხარე ცხოვრებისა ადამიანის სულს ეძახის ისევე წარსულისაკენ, მეორე აწმყოსა და მომავლისაკენ; ერთი მხარე აწყობილია გონებაში, მეორე განცდაში; გონება თავისი კონსტრუქციით უკუქცევადია, რეტროგრადულია, განცდა, თუმცა ხშირად წვალობს ბიოგენეტიკურ გადმონაშთებში, მაგრამ ბოლოს და ბოლოს ყოველთვის ეწყობა აწმყოში, რეალობაში. წმინდა გონების ფილოსოფია ისტორიულად რეაქციულია, განცდის ფილოსოფია კი რევოლუციური: „წმინდა გონება“ არსებობას აკრიტიკებს, არჩევს ბიოგენეტიკური გადმონაშთების კალაპოტებოთ, „წმინდა გონება“ არსებულს ზომავს არარსებულთ და ოდესღაც არსებულთ; განცდა იღებს არსებულში ოდესღაც არსებულსაც. მაგრამ ოდესღაც არსებული განცდაში იღესება და ერთვის არსებულის მწველ სახეს — სინამდვილეს. „წმინდა გონების“ პრინციპი და პრეტენზიები, მორალური ნორმების სახით მოცემული, სპობს საშუალებას ბუნებრივ, ბიოლოგიური ვითარებისას: „წმინდა გონებას“ უნდა ცხოვრება მოაქციოს ფორმულებში, ხოლო ფორმულები დამზადებულია სხვა სოციალურ საჭიროებათათვის, ამიტომ „წმინდა გონება“ წინააღმდეგია, ადამიანი იქცეოდეს ისე, როგორც სინამდვილე მოითხოვს, მოვალეობა უდიდესი პრინციპია „წმინდა გონებისათვის“, ხოლო მოვალეობა ყოველთვის არარსებულსკენ ეძახის; ადამიანს და ადამიანი მთელი თავისი სურვილებით, გრძნობებით, განცდებით — ყველაფრით, რითაც შეიძლება გადაკავშირება სოციალურ ცხოვრებასთან, შეზღუდულია: „წმინდა გონება“ ხელს უშლის ადამიანს, იჭონოს საზოგადოებასთან, სოციალურ არესთან შეთანხმებით კავში-

რი: მოვალეობის იდეა დონკიხოტურად, ებრძვის სინამდვილეს იმის მაგიერ, რომ შეუიანხმდეს მას, გადაუკავშირდეს სოციალურ ურთიერთობას; მოქმედებისა და შეთანხმების ნაცვლად ადამიანი იხრჩობა ექვებში, თვითნაღისში; სული იტანჯება ლოგიკურ-გნოსეოლოგიურ საფანგებში: დამორბეული სოციალურ სინამდვილეს, მოწყვეტილი შემოქმედებით პრაქტიკას, სული ორგანოტროპულად ზურგს აქცევს პრაქტიკულ ცხოვრებას, გენეტიკურ სახეცვლილებას სინამდვილისას და ორგანოტროპულადვე იწყებს ცქერას ჰერეტიკის, განყენების და „წმინდა“ შემეცნებისაკენ: — იწყება შემეცნების შემეცნება — შემეცნება იმ შემეცნებისა, რომლის კონსტრუქცია აწყობილია სხვა დროს, სხვა პირობებში და რომელსაც ახლა არა აქვს საფუძველი სოციალური ყოფის შემოქმედებით რეფლექსებში.

ამრიგად, შემეცნების თეორია გენეტიკური რეფლექსოლოგიის გარეშე, სოციალურ საპირობებასთან დაუკავშირებლად ყალბია და ამავე დროს მიზნისა იმ ტრაგედიული განცდებისა, იმ უნაყოფო შინაგანი წვალებისა, იმ ექვებისა, რომელთაც ადგილი აქვს დღევანდელი ინტელიგენტის სულიერ ცხოვრებაში და რომელიც ხშირად თავდება თვითმკვლევლობით, განდევნილობით, მისტიციზმით, ყოფნა-არყოფნის პრობლემით, ანდა კაფერესტორნული ღრეობით, თავაწყვეტილი ბრიგანდისმიოთ, დამათრობელი ექსტაზებით: ყველაფერი ეს სოციალური წარმოების ნაყოფიერებას, საერთო კულტურულ ცივილიზაციურ შემოქმედებას ხელს უშლის; ადამიანის ნებისყოფა იცრიცება და სულს ეკარგება აქტივობა: ულტრაინტელექტუალიზმი უდიდესი მტერია ცივილიზაციისა; ინტელექტუალიზმი მოქმედი, ინტელექტუალიზმი ვოლუნტარიზმთან შეზავებული და შეთანხმებული, ინტელექტუალიზმი გამოყენებითი, მოქმედებითი ესპიროება კაცობრიობას და არა ისეთი ინტელექტუალიზმი, რომელიც იცავს „სიწმინდეს“ და „აბსოლუტის“ პრინციპს, რომელიც გაურბის შემოქმედებით ნებისყოფას, აქტუალობას, რომელიც ცდილობს მის მიერ შექმნილი ტრაგედია დაფაროს ნირვანული მისტიციზმით, ან სექსუალური სიგიჟით, ან თეატრალობის ცირკული მანერებით, საღებავებით და გრიმებით. ისტორიული ინტელექტუალიზმი გნოსეოლოგიური პრობლემებით, ალეთოლოგიური და თეოლოგიური პრეტენზიებით, მეცნიერებისა და ხელოვნების თავისთავად არსებობის ყალბი პრინციპით, მსჯელობს პრაქსისორულ-სქოლასტიკური კონსტრუქციით, იწვევს ათასგვარ უბედურებას სოციალურ ცხოვრებაში იმით, რომ ზრდის მახინჯ ტი-

პეზს, ნებისყოფას მოკლებულ ადამიანებს: ინტელექტუალიზმი თავისი ყალბი უნივერსალიზებით ქაოსს ინდო-დუალაზმის ტრაგედიაში; ისტორიულა ორსახეობა სულისა ეკვებით და ტკივილებით ინტელექტუალიზმის პროდუქტია. კულტურისა და წარმოების რეორგანიზაცია გარდაქმნის ინტელექტის არისტოკრატიულ ბუნებას და ინტელექტა სოციალური ცხოვრების ახალ არეში გახდება ერთგული თანამგზავრი ნებისყოფის შემოქმედებითი მოძრაობისა.

ისტორიულად ადამიანები ებრძვიან ერთმანეთს და ამავე დროს ბუნებასაც: კაცობრიობის წარსულში აუარებელი შემოქმედებითი ენერჯია იხარჯებოდა იმიტომ, რომ გაემარჯვა ადამიანს ადამიანთან ბრძოლაში: ადამიანი უფრო ადამიანს ებრძოდა, ვიდრე ბუნებას; დიდი მეფეები და კოროლები, დიდი სარდლები ამოძრავებდნენ ადამიანთა აურაცხელ მასებს არა ბუნების მოვლენების დასამორჩილებლად, არა ჭაობებისა და ჭანჭრობების ამოსაშრობად, არა არსებისა და ხიდეების გასაქეთებლად, ერთი სიტყვით, არა წუთისოფლური ყოფის გასამშენიერებლად, არამედ ისევ ადამიანთა მასების დასაჩაგრადად, ისევ ადამიანთა მასების დასამონებლად. მართალია, ხშირად ასეთი ხასიათის ბრძოლას მოყვებოდა ცხოვრების ზოგიერთი მხარის გაუმჯობესება, მაგრამ იშვიათ შემთხვევაში, და თუ იქნებოდა, მხოლოდ გაბატონებული და გამარჯვებული ჯგუფისათვის: ერთი რომ ზეიმობდა, მეორე მაშინ სისხლისაგან იცლებოდა.

ისტორია დემონსტრაციაა კომშარული შემთხვევების, ამორალური გლეჯის გაძღომისა და განდიდებისათვის; ისტორიულ ეპოქებს ამოძრავებს აფექტები და მთელს წარსულს კაცობრიობის ყოფისას ახასიათებს ფიზიოლოგიზმი: დიდი ინტელექტი ისტორიაში ძალიან ხშირად იხმარება ბარბაროსული ფიზიოლოგიზმისათვის; ევროპის ქიმიკოსები და ინჟინრები თავიანთ ცოდნასა და ნიქს ხშირად ანდომებენ ისეთ რამეს, რასაც ჰქვია ცივილიზაციის განადგურება, ისტორიულ კულტურათა სახეების მოსპობა, ევროპელის გონება შემოზღუდულია კუთხური ეგოცენტრიზმით და აღარაეინ ფიქრობს ევროპაში ადამიანის საცოდავ ხვედრზე. დიდ ქალაქებში ცივილიზაციის კომივოაჟორები დაფუსფუსებენ პორტფელბით და ავტომობილებით, დაძრწიან კანტორებსა და ბიუროებს, ირჩევენ პარლამენტებს, აშენებენ აკადემიებს, აწყობენ მუზეუმებს, თხზავენ კოსმოლოგიურ ფორმულებს; სოციალური სტრუქტურები იცვლებიან, მოდგმები ერთმანეთს ასაფლავებენ. მუხეუმებისა და სასაფლაოების რეგისტრატორები რიგორისტულად ასრულებენ თავიანთ მოვალეობებს;

გერმანელი გნოსეოლოგები ლოგიკის სახელმძღვანელოებს წერენ ბურჟუაზულ-სოციალისტთა, თითქოს ცხოვრების აზრი ლოგიკაშია, თითქოს თითქოს პროფესორულ სილოგიზმებში ჭეშმარიტება გამოიხატებოდეს. მიწისძვრის, კატასტროფებისა და შემთხვევების წინაშე ლოგიკა თავის სოლოგიზმით ისე საცოდავად გამოიყურება, როგორც სველი ქათამი ქარიშხლის დროს ტრიალ მინდორზე; ლოგიკა შეთხზული კლასობრივი ცხოვრების პირობებში, ლოგიკა, აშენებული გაბატონებულ სოციალურ ინტერესებზე — ლოგიკა ისტორიის ფიზიოლოგიური პერიოდისა ვერ ამართლებს არსებობის კოსმოსურ-ირაციონალურ დენას და ადამიანის ცხოვრების ყოველდღიურ მოვლენებს; არსებობა ტრაგედული და გაორებულია ისე, როგორც ძველად იყო, მაგრამ არასოდეს გაორების გრძნობა ისე მწვავე არ ყოფილა, როგორც ჩვენს დროშია; ლოგიკა და მორალი კაცობრიობისა არასოდეს ისე უშინაარსო და ლატაკი სახით არ გამოიყურებოდა, როგორც დღევანდელ პირობებში; სქელტანიანი წიგნები, დიდი ბიბლიოთეკები და მუზეუმები, კომენტარები დაუსრულებელი ციტატებით თითქოს დასცინიან ადამიანის საცოდავ ხვედრს ამ ქვეყნად: კაცობრიობა თავისი მორალით და ლოგიკით დაემსგავსა იმ ჭირვეულ ძროხას, რომელიც მიაბეს მშვენიერ საბალახო ადგილზე, მაგრამ წყვეტს თოკს და გარბის უღაბნოში.

ფილოსოფოსების მორალი, რომელიც ისტორიულად შემუშავდა კლასობრივი ცხოვრების პირობებში, შეიცავს ჩვენი საუკუნისა და ჩვენი ყოფისათვის უაზრობას: მორალი კუთხურ-ეგოცენტრისტული ყოფისა, მორალი ადამიანისა, რომლის მსოფლგაგება დამწყვედელია კუთხური ფსიქოლოგიის ორანჟერეაში, მორალი პატრიციებისა, ფეოდალებისა, კაპიტალისტებისა რას ეტყვის ჩვენს სულს, გადაწოლილს უსაზღვროებაში, შეშინებულს კოსმოსური სიღრმით და შემთხვევებით? ჩვენი სულის ისტორიული ნავსაყუდელი თავისი პრინციპებით ჩაინგრა უსაზღვროების ოკეანეში: ოჯახი, სახელმწიფო, რელიგია, სინდისი ღირებულების თვალთახედვით ოდესღაც მარადიულ უნივერსალიებს წარმოადგენდნენ; ოჯახი, სახელმწიფო, რელიგია, სინდისი დღეს ჩვენი სულსა და მსოფლგაგებისათვის ისეთივე პროდუქტებია დროულ-სივრცული არსებობისა, როგორც სხვა რამე ნივთიერება, კაცობრიობა თავისი ცივილიზაციით იძირება ქაოსის ხახაში; სული იტანჯება ტანის კონსულსიებში; გრძნობა ნერვულ-უჯრედული იესება წარმავლობის სედიტით და ადამიანი ეძიებს საშუალებას, რომ გაამართლოს

თავისი პლანეტარული წვალება, რომ დაუკავშიროს წუთისოფლური ყოფა მარადობასა და მშვენიერებას.

ღმერთების გამოგონებას, ფილოსოფიურ სისტემებს, მორალურ პრინციპებს ბოლოს და ბოლოს ჰქონდა ერთადერთი მიზანი: — ცხოვრების აზრის გამოანახვა; ისტორიის ინდივიდუალისტური ეპოქები ცხოვრების აზრს ეძებდნენ დიადსა და ძლიერ სახეებში — ღმერთებსა და გმირებში; კაცობრიობა ანთროპომორფისტული ეგოცენტრიზმის თვალთახედვით მსჯელობდა ყოველთვის — რაც ადამიანისათვის სასარგებლო და სასიამოვნო იყო, ის სიკეთედ ითვლებოდა; რაც ადამიანის სურვილებს ეწინააღმდეგებოდა, რაც ადამიანს ხელს უშლიდა ცხოვრების გაღმავლებაში, ყველაფერა ბოროტება იყო. დიდი მორალისტები და ფილოსოფოსებიც ასე უყურებდნენ ცხოვრებას: უდიდესი ფორმულა ინტელექტუალური კულტურისა — კ ა ნ ტ ი ს ფილოსოფია თავისი მორალით ანთროპომორფიზმის ფილოსოფიაა; ადამიანის ინტერესებით, ადამიანის სურვილებით, ადამიანის ბიოლოგიურ-ფიზიოლოგიური ბუნებით ისაზღვრება კრიტიციზმის გააზრების ჰორიზონტი; თუმცა კანტს ეს ხშირად ავიწყლებოდა, მაგრამ კანტის ფილოსოფია ამისი საუკეთესო ილუსტრაციაა. ადამიანი შემოქმედებითი ევოლუციის ყველაზე უფრო სახიერი და ორიგინალური ფენომენია: მას აქვს ისეთი გამჭირაობა, რომელიც არც ერთ სხვა ცხოველს არა აქვს; მას აქვს საშუალება, მეცნიერებაში განასახიეროს მთელი რიგი გასული მოვლენებისა; მას აქვს ყოფის ისტორია, კულტურა ნებისყოფისა, გრძნობის მატერიალიზაციის მოხერხება ხელოვნების სახით; ადამიანი შემოქმედებაში თითქოს აგრძელებს ბუნების ევოლუციას: ბუნების გრანდიოზულ ლაბორატორიაში ადამიანმა შექმნა საკუთარი კუთხე, სადაც ადამიანი წინათ თავის თავს გრძნობდა მეფედ და საიდანაც დღეს იგი იხედება უსაზღვროების არეში, სავსე შიშით და ექსტაზით: შიში მეობის დაკარგვისა აწუხებს სულს, — შიში ინდივიდუალური ყოფის წაშლისა აწვალებს ადამიანს; შიში — ეს დაკავშირებულია კულტურის განსაკუთრებულ ფორმასთან, წარმოების რეორგანიზაციასთან; სოციალური ყოფის რეორგანიზაცია — ახალი წყობა საყოფაცხოვრებო საშუალებათა სულს მისცემს თავისებურ გადახრას: კუთხურ ფსიქოლოგიაში გაწვრთნილი სული, ამჩნევს რა უსაზღვროების ფართო არეს, ივსება შიშით; როდესაც სული გაიწვრთნება სოციალური ყოფის პირობებში, შიში უსაზღვროების წინაშე ადამიანში გაქრება; გრძნობათა სოციალიზაცია აიყოლიებს სულს: მწუხარების გაზიარება სულს ტკივილებს გაუნახევრებს, სიხარულის გაზიარება სიხარულს გაუორკვეცებს.

უსაზღვროების სევედა ჩაეშვება ადამიანის სულში, კოსმოსურ-სოც-
ვარულის საზი დიმილით: მეობა შეიცნობს თავის სვედარს მარადიულს
და შეცნობის წვაში დაიფერფლება.

იღვათა ბენეფისი

არსებობისათვის ბრძოლაში ადამიანი გადარჩა როგორც ჯიში, იმი-
ტომ, რომ თავისი ორგანული და ნერვულ-უჭრედული წყობით იყო
სხვა ცხოველებზე უფრო ამტანი გაჭირვებისა; ვინ იცის, რამდენი ჯიში
ცხოველისა გადამენდა, რადგან ვერ აიტანა არსებობის პირობები;
ვინ იტყვის, რამდენი სხვადასხვა ფორმა ორგანული ცხოვრებისა დაი-
ლუპა არსებობისათვის ბრძოლაში მანამდე, სანამ, ასე თუ ისე, ჩამოყა-
ლიბდებოდა ბუნება იმ ფერებით და სახეებით, რომელთაც ჩვენ დღეს
ვხედავთ; პრეისტორიული ეპოქები პლანეტური ცხოვრებისა საერ-
თოდ სტიქიურად მიმდინარეობდნენ: გარკვეული ფორმები არსებობას
არ ჰქონდა; ცხოველები ერთმანეთს სპობდნენ; ადამიანი მოკლებული
იყო სოციალურ ორგანიზაციებს და იმ მდიდარ ინტელექტს, რომლი-
თაც იგი დღეს აწესრიგებს ბუნების მოვლენებს და ეწევა წარმოებას
ნედლი მასალების გარდაქმნით. პირვანდელი ფორმა კულტურის ორგა-
ნიზაციისა ხდებოდა შემთხვევათა კოორდინატებით: ერთი შემთხვევი-
დან მეორემდე, მეორიდან მესამემდე ადამიანი მდგომარეობის მიხედ-
ვით ეწყობოდა თანდათანობით; ამასთანავე, ვითარდებოდა სულიერად
და გონებით; — ადამიანი, რაც უფრო იბრძოდა არსებობისათვის, მით
უფრო ეცნობოდა ბუნებას, ეცნობოდა იმ ძალებს, იმ მოვლენებს, რო-
მელთაც ყოველდღიურად ხედავდა; პრეისტორიული ტიპი ადამიანისა
იძულებული იყო შეგუებოდა იმ პირობებს არსებობისას, რომელსაც
იგი უყურებდა თავის გარშემო: ბუნება, მდიდარი მცენარეებით, ფრინ-
ველებით და სხვადასხვა ჯიშის ცხოველებით, იშლებოდა პრეისტორი-
ული ადამიანის წინაშე როგორც უზარმაზარი სამხეცე. ადამიანი, თუმ-
ცა ცუდად შეიარაღებული, მაინც იცავდა თავს გაჭირვებაში და დრო-
გამოშვებით თვითონ გადადიოდა შეტევაზე იმდენად, რამდენადაც ამას
მოითხოვდა მისი საყოფაცხოვრებო ინტერესები; დედამიწის სხვადა-
სხვა კუთხეში ადამიანი პირველად გაეცნო ცხოველებს მონადირეობის
დროს: მონადირეობა პირვანდელი ფორმა იყო ადამიანის ხელობისა
და სოციალური ურთიერთობის ორგანიზაცია ადამიანთა შორის პირვე-
ლად მონადირეობის პროფესიამ ჩამოაყალიბა; ადამიანი ეცნობოდა

მეორე ადამიანს, ან ებრძოდა მას, ან ემორჩილებოდა, და ასე თუ ისე ვაჭარებოდა. ტანჯვით ქმნიებადა პრაქტიკული ფორმა საზოგადოებრიობისა, სოციალური ორგანიზაციისა. ცხოველების ვაცნობამ ადამიანი სულიერად გადახარა ცხოველური კულტურისაკენ. ადამიანი ცხოველთა ერთ ჯგუფს ეგუება, თანდათანობით ეჩვევა და შემდეგ ცდილობს მათ მოშინაურობას სოციალური საჭიროებისათვის; ხოლო ცხოველთა მეორე ჯგუფს თვითონ ემორჩილება, ისასავს ღმერთებად, სწირავს მსხვერპლს, თაყვანისცემით და ლოცვებით მიმართავს; ცხოველებსა და ფრინველებს ხასიათი, გარეგნობა, მოყვანილობა, ჯიშური თვისებები სოციალური კულტების შინაარსად იქცევიან: მწუხარება და სიხარული, იმედები, გრძნობები და იდეალები ადამიანისა უკავშირდებათ ცხოველურ-მცენარეულ ბუნებას მკიდროდ; ადამიანის ფსიქოლოგიის ჩამოყალიბებაში იწყება გადახრა პროფესიისაკენ; ცივილიზაციის ისტორიაში საერთოდ აღსანიშნავია სულს გადახრა პროფესიისა და მდგომარეობისაკენ: რელიგია და ხელოვნება ხალხისა იმ შინაარსისაა, რა შინაარსისაა ყოველდღიური პროფესია, არსებობის საშუალება ხალხის; მონადირე ხალხის ესთეტიკურა და რელიგიურ-ფილოსოფიური გრძნობები დაკავშირებულია, როგორც შინაარსით ისე ფორმით, მონადირეობის ყოფა-ცხოვრებასთან, მის ფსიქოლოგიასთან; მიწათმოქმედების კულტურა ქმნის ისეთი შინაარსისა და ფორმის ხასიათის ფსიქოლოგიას, ისეთი რელიგიურ-ესთეტიკური იდეალების მიმართებას, რომელსაც ჩვენ სრულებით ვერ ვხედავთ მონადირე ხალხის ცხოვრებაში: ავსტრალიელების კორობორი (corroborys), ციმბირის დათვის კულტი და ელევზინის მისტერიები საბერძნეთისა ამტკიცებს ჩვენს ძირითად დებულებას იმის შესახებ, რომ სული საერთოდ იხრება მდგომარეობისაკენ: ყოველი ურთიერთობა მდგომარეობისა და სულის თავისებურ ფორმას იძლევა შემოქმედებასა და განცდისას. შემოქმედება სოციალური განცდის ორგანიზაციაა.

შარლ ლეტურნოს* აღწერით ავსტრალიელების კორობორი შემდეგი შინაარსისაა: საღამოს, როდესაც მთვარე გამოჩნდება, მთელი სოფელი შეიკრიბება ისეთ გაშლილ მინდორზე, რომელიც შემოხლულულია ბუჩქნარით; შუაში დაანთებენ ცეცხლს, ირგვლივ ორ წყებად — ერთი მხრით ქალები, მეორე მხრით ვაჟები — დასხდებიან; მას-ლობლად დადგება უფროსი ჯოხით ხელში; ქალები სხედან და ხელთ

* La civilisation des barbares.

უკავიათ გაბერილი ტყავები, ჩვენებური დოლის მსგავსი, და პატარა-პატარა ჯოხები; ვაყები, წელზე შემორტყმული ტყავებით და ფრინველთა ფერადი ფრთებით, წამოდგებიან და როგორც კი ღირიყორი (უფროსი) გააქნევს ჯოხს, იწყებენ ცეკვას; ქალები ახმაურებენ დოლებს; ცეკვა თანდათანობით ინტენსიური ხდება და როდესაც მოცეკვავენი დაიღლებიან, ვარბიან ბუჩქების უკან, ისვენებენ, დასვენების დროს შემორტყამენ ახალი ფერის ტყავებს კიდევ სხვადასხვა ახალი ფერის ფრთებით; როგორც ღირიყორი ნიშნებს მისცემს, გამორბიან ცეცხლის პირად და ისევ იწყებენ ცეკვას; ქალები ისევ ახმაურდებიან დოლებით და ჯოხებით; ასეთი სცენები გრძელდება მანამდე, სანამ სავსებით არ დააქანცებიან მოთამაშენი და მაყურებლები: მოვარაანი ღამე, გაშლილი არე, ველური ფსიქიკის თავაწყვეტილი ექსტაზი იძლევა სულის რელიგიურ მისტოკურ განცდას; ტყავები, რომლებიც შემორტყმული აქვთ მოთამაშეებს გვერდებზე სხვადასხვა ფერის ფრთებით, რომლებითაც დამშვენებული აქვთ მათ ტანები, მაჩვენებელია იმ ურთიერთობისა, რომელიც უკავშირებს მონადირე ხალხს ცხოველებსა და ფრინველებს — საერთოდ ბუნებას ნადირობის დროს.

დათვის დღესასწაული ციმბირში დაახლოებით ასეთივე ფორმად მონადირე ხალხის ესთეტიკური ცხოვრებასა და შემოქმედებითი განსახეობისა: რომელიმე შეძლებული მონადირე სახლის ერთ კუთხეში დააფენს დათვის ტყავს, წინ დააგდებენ დათვის თავს, ცხვირზე ჩამოკადებენ რგოლს, თვალებზე ვერცხლის ფულებს; შემდეგ იმართება ქეაფი, მშლება სუფრა და სახლის პატრონის შეძლების მიხედვით გრძელდება დროსტარება რამდენიმე დღეს: თუ სახლის პატრონი შეძლებულია, მდიდარია, დროსტარება თითქმის მთელი კვირის განმავლობაში გრძელდება, თუ არა და სამი-ოთხი დღე; საერთოდ ციმბირში დათვის დიდი პატივსცემა აქვთ, — ამბობენ, რომ დათვი წინათ ცაში ცხოვრობდა და ადამიანისადმი სიყვარულმა ჩამოიყვანა ქვეყნად. ციმბირის ცივი, მწირი ბუნება, უღრანი ტიბეები და თვალგადაუწყდენელი ტუნდრები საშუალებას არ აძლევენ ადამიანს მიწას დამუშავებისას, ხელი მაჰყონ ინდუსტრიას და ამიტომ ადამიანი არსებობსათვის ბრძოლაში ამართლებს თავის წუთისოფლურ ყოფას და იკმაყოფილებს ბიოლოგიურ-ფიზიოლოგიურ მოთხოვნილებებს ნადირობით: ნადირობა იძლევა ხორცს, ტყავს; ხორცილად ადამიანი იკვებება, ტყავს იცვამს და ამით იგი სიცოცხლისაგან თავს იცავს; ნადირობა არსებობის საშუალებაა და ამ საშუალებასთან ესთეტიკური გემოვნების დამაკმა-

ყოფილებელიც; ხალხი, რომელიც ნადირობით ცხოვრობს, თავის რელიგიურ-ფილოსოფიურსა და ესთეტიკურ მოთხოვნილებებს იდეოლოგიურად განასახიერებს ისეთ ფორმაში, რომელიც ფსიქოლოგიურად გამომსახველია სანადირო ყოფა-ცხოვრებისა; ცხოვრების აზრი მონადირე ხალხისათვის ისახება ნადირობის პროფესიაში და ამ პროფესიის წარმოებაში წარმოშობილ ფსიქოგენეტკურ ატრიბუტებში; რელიგიურ-ესთეტიკური სიმბოლიზში აქ ზოომორფიზმით თავდება და სული შემოქმედებით ილუზიებში ისეთ სახეებს ხედავს, რომელთაც კავშირი აქვთ ორგანული და სოციალური ცხოვრების ინტერესებთან.

გადმოვიდეთ ისეთ ქვეყანაში, სადაც ხალხი არსებობისათვის ბრძოლაში ეყრდნობა არა ნადირობას, არამედ მიწათმოქმედებას, მიწის დამუშავებას: ასეთ ქვეყანაში ხალხის იდეოლოგია, ფილოსოფია, ესთეტიკა, რელიგია — საერთოდ ხალხის სული თავის ილუზიებით, იდეალებით, გრძნობებით იხრება მდგომარეობისაკენ, სოციალური ყოფისა და ბუნებრივი პირობებისაკენ — მიწის დამუშავებისა და მცენარეების კულტისაკენ; მთელი ცხოვრება ადამიანს მაშინ ესახება როგორც ერთგვარი ესთეტიკური ფენომენი, გამლილი ინდუსტრიულ არეებში და განათებული სოციალური ესთეტიზმის შინაგანი, ინტუიციური ხილვით; თითქოს ადამიანი, შეყვარებული და გატაცებული მიწის სიმშვენიერით, ნოყიერებით, მკისა და მუშაობის სილამაზით, სახავს ცხოვრების აზრს თავისი პროფესიის ინტერესებით და გემოვნებას ისეთი მიმართებით, რომელიც წარმოადგენს ერთგვარ ამყობას სოციალური ყოფისას.

ჰომეროსი აგვიწერს თავის „ილიადაში“ აქილევის ფარს და ამ ფარზე გამოსახულ დღესასწაულს, რომელიც ყურადღებას აქცევს აგარაულ ინტერესებს; აწერაში მოცემულია სურათი: შორიდან მოჩანს ყანა, სადაც მუშაობენ დაქირავებული მუშები პრიალა, ალესილი ნამკლებით; უკან აწყობენ პატარ-პატარა ძნებს მოჭრილი პურისას; ძნებს ულოებით კრავენ; ბავშვები ეხმარებიან დიდებს; შუაში დგას მებატონე დიდი ჯოხით ხელში და ჩუმად უყურებს გაფაცობულ მუშაობას; ცოტა მოშორებით, მუხის ქვეშ ანთია ცეცხლი; ცეცხლს აქვთ ვენახა. საადანაც ოქროს ფერი ყურძენი ლევილით ისვრის სხივებს; ვენახი შემოზღუდულია დიდი თხრილით. ვენახისაკენ მადის ბილიკი; ამ ბილიკით მიდიან და მოდიან ახალგაზრდები ყურძნით სავსე კალათებთა; ახალგაზრდათა შორის არის ერთი, რომელსაც ხელში უკავია ჩანკი და მღერის სათუთი ხმით; მის გარშემო მწყობრად სიმ-

ღერით და ყვირილით მოძრაობს ფერხული*. „ილიადა“ გამომსახველია საომარი ფსიქოლოგიისა: მთავარი მომენტები „ილიადაში“ ეხება ბრძოლას, ომს, ქალაქის აღებას; მაგრამ სოციალური ინტერესს გადახრა აგრარინებისაკენ — მიწის კულტისაკენ მაინც გარკვევით ჩანს: ყანა, ბუნება, სიხარული, ნოყიერებით გამოწვეული, ბალი, ყურძენი, ახალგაზრდები კალათებით — ყველაფერი ეს მაჩვენებელია იმისა, რომ ზომორფული პერიოდი კულტურის დამთავრებულთა: ადამიანი ისე არ ანდომებს თავის ცხოვრებას ცხოველზე დაკვირვებას, როგორც წინათ: აგრარული კულტურა თავისებური სოციალური ინტერესებით, მიწის სისტემატური დამუშავებით, ნოყიერებით, მცენარეებით თანდათანობით ამზადებს ნიადაგს ანთროპომორფიზმისათვის; ზომორფული პერიოდი კულტურისა — პერიოდი მინოტავრებისა, კენტავრებისა, კალიდონიის გარეული ღორებისა ადამიანს არ აინტერესებს; იყო დრო, როდესაც მსხვერპლი მიჰქონდათ მინოტავრებისათვის; კრატის მინოტავრისათვის ხშირად მიყავდათ მსხვერპლად ლამაზი ქალები; დიდ პათივისცემაში იყვნენ ვეფხები, ლომები, კალიდონიის გარეული ღორები, ძველ ეგვიპტეში ნიანგები; ამ ცხოველებს ემსახურებოდნენ საგანგებოდ დანიშნული მოძღვრები — მოგვები, საუკუნეთა განმავლობაში ამუშავებდნენ რელიგიურ რეგალიებს, ადათებს; ცხოველთა სამყარო ადამიანის მსოფლგაგებაში ტრანსცენდენტური სიდიდით იმსებოდა: ძველ ევროპაში, მაგალითად, ფიქრობდნენ, რომ დათვი მეორე სამყაროდან იყო მოსული; დასავლეთ ევროპაში ტაძრების ბალიუსტრადებსა და სახურავებზე დღესაც დაინახავთ გამოყვანილს სახეებს ლომისას, ვეფხისას, ჭიმერებისას; საკმარისია მოვიგონოთ პარიზის დიდი ტაძრის სახურავზე ამართული chiméres, რომ დავრწმუნდეთ ზომორფიზმის ატავისტური ნაშთები თუ როგორ დარჩენილან ახალი ევროპის ცივილიზაციის ნაკეცებში. ხოლო წარმოების ცვლილება — მონადირეობის ორგანიზაციის თანდათანობით დაშლა, მიწათმოქმედების კულტურის გაფართოება. შეცნობა ბუნების მოვლენებისა, სოციალური ინტერესის თვალსაზრისით ზოგიერთი ცხოველი ს დაახლოება და მათი საშუალებით ინდუსტრიის ინტენსიური განვითარება ადამიანის ფსიქიკას ცვლის: ადამიანს აინტერესებს ცხოველებზე უფრო მეტეოროლოგიური მოვლენები, ვეოგრაფიული ცვლილებანი, დღე და ღამის ტრიალი, სიცხე, წვიმა, ხმელეთი, ზღვა, სქესთა ურთი-

* „ილიადა“, სიმღერა XXVIII.

ერთობა, სიკვდილი, სიცოცხლე, სიყვარული; საერთოდ სული ადამიანისა იღებს უფრო რელიგიურ-ესთეტურ და ფილოსოფიურ ხასიათს; ცხოვრების აზრის ძიება, განცდა სიტკბობისა და სიმწარისა, დიონისესა და აპოლონის კულტების განყენებითი ფორმები. დემეტრა და ელენისის მსტიქია კულტურის აგრარული გადახრის მაჩვენებელია: მწა მცენარეებით და ხილით, საშიარ-საფხულით. თესლის ორგანული მიზრუნებით განცვიფრებას იწვევდა ადამიანში და ადამიანი. სავსე ექსტაზით, მართავდა დღესასწაულებს მიწისა და მისი ნაყოფების სადიდებლად, მიწის კულტი ხელოვნებაში შედეგი იყო მიწის დამუშავებისა და იმ სოციალურ საჭიროებასა, რომლითაც ადამიანი დაკავშირებული იყო მიწასთან; დიონისე და დემეტრა მარადიული სუბსტანციები კი არ არიან, არამედ — განსაკუთრებული მდგომარეობის წარმომადგენლები; არაფერი საერთო დიონისეს კულტთან არა აქვს იმას, რასაც მიაწერენ ნიციშე და უაილდი საბერძნეთის რელიგიას: ნიციშე მართალია მხოლოდ დიონისეს კულტის ანალიზში, მის დაფასებაში კი ცდება; დიონისეს კულტი თანმობილი თვისებაა მხოლოდ მიწათმოქმედებისა და ამას სხვათა შორის ტრაგედიის წარმოშობაც მოწმობს, რომლის მშვენიერ ანალიზს იძლევა იგივე ნიციშე. ადამიანის ცხოვრება იმ ქვეყნებში, სადაც მიწათმოქმედებით არსებობენ, იძლევა იდეოლოგიას მიწათმოქმედების კულტურისას: მეცნიერება, ხელოვნება, ფილოსოფია, რელიგია თავის სახეებსა და აქედებს იღებს საყოფაცხოვრებო პრაქტიკაში; არ არის მართალი ის აზრი, რომელიც შემოქმედების განსაკუთრებულ ფორმებს მიაწერს ადამიანის სულის მოთხოვნილებებს დამოუკიდებლად მდგომარეობისა და პირობებისა; საშუალო საუკუნეების სულის წყობა რაინდობის კულტით, სატრფოთი, ტრუბადურებით, ტრუვერებით, მინეზინგერებით, ძუხარადებით, გრძელი ლეკურებით, რელიგიურ-ესთეტური ჰიპერბოლებით ორგანოტრობული გადახრაა მდგომარეობისაყენ — სოციალურ-კულტურული თავისებურებისაყენ: ანტიკური სული თავისი შინაარსით, გამართლებული ყოფა-ცხოვრების ინტერესებით, განსხვავდება საშუალო საუკუნეების სულიაგან. განცდა საშუალო საუკუნეებში სხვა წყობისაა, ანტიკურ ქვეყნებში კი — სხვა წყობის: საშუალო საუკუნის ადამიანი მოკლებულია იმ ნათელსა და გარკვეულ წარმოდგენას ქვეყანაზე, რომელაც ჰქონდა ანტიკური სახელმწიფოების ადამიანს: ანტიკური სული იღებს ცხოვრებას როგორც ერთგვარ პლასტიკურ არეს. სამყაროს შეიკურებს როგორც კრისტალურ ორანჟიერას, საშუა-

ლო საუკუნეთა სული განიცდის ტეხას, ტუენდებს, ერთგვარ *douleur vague*-ს, რომელიც ახალ საუკუნეებში ფსიქოლოგიურად დამთავრდება უსაზღვროების შეგრძნებით. ინკვიზიციები, ფეოდალთა ომები, ევროსინების ლაშქრობა, ნაოსნობა, ამერიკისა და კუნძულების აღმოჩენა დიდ ოკეანესუ კაცობრიობის სულს თანდათანობით აძლევს კოსმოსურ ხასიათს; შემდეგ დიდი ქალაქების განვითარება, მანუფაქტურა, ვაჭრობა-მრეწველობის ვაგაბონდაჟი, საზოგადოებრივ მოძრაობათა პერპეტუები, ეკონომიური და ინდუსტრიული საჭიროებანი აერთებენ ადამიანებს, სპობენ კუთხურ-ინდივიდუალისტურ კარჩაეტილობათა ზღუდეებს: დიდი ფეოდალების ეზოები თავიანთი სატრფოებით, ყონგლიორებით და რაინდებით ცარელდება, პათოსი ფეოდალური არისტოკრატისა თანდათანობით ნელდება და ის სილამაზე, რომელსაც უმღერდნენ საშუალო საუკუნეთა დიდი პოეტები არნო დე მარვი, ბერტრან დე ბორნი, ულრიჰ ფონ ლიხტენშტაინი, ქრება უიმედოდ და სამარადეამოდ; გულუბრყვილო და კეთილშობილი დონკიხოტები აქა-იქ კიდევ ამშვენებენ ჩმახსა და ჭუჭყიან ქვეყანას თავიანთი ილუზიებით, მაგრამ ეს რაინდული იდეალიზმის უკანასკნელი ფორმაა, ეს უკანასკნელი გაალებაა ტანჯული სულის საშუალო საუკუნეთა ნანგრევებზე.

საშუალო საუკუნეების სახელოსნოებთან ერთად გაქრა სული ფეოდალური არისტოკრატისა და მანუფაქტურულმა წარმოებამ წარმოშვა ახალი სული *bourgeois gentilhomme*-ებისა; უდიდესი ფეოდალი დასავლეთი ევროპისა ლუი XIV ინახავდა ევროპის ფეოდალური წარსულის სტილს თავისებურა ელეგანტობით, სილამაზით და ყალბა პათოსით: ოტელ რამბუიე იყო ესთეტიკური ქარხანა ფეოდალური არისტოკრატის ყოველდღიური ცხოვრების ფორმისა, მეტყველებისა და გემოვნებისა; ვოჟლა, მალჰერბი, რასინი, ბუალო თხზავდნენ საფრანგეთის არისტოკრატის მეტყველებას, ამშვენებდნენ გამოთქმას, ეძებდნენ ლამაზ სიტყვებს. იდეოლოგია ცრუკლასიციზმის ისტორიული ფსიქოლოგიაა ვერსალის არისტოკრატისა, მისი ფილოსოფიისა და ესთეტიკისა, მისი განცდისა და ილუზიების. ცრუკლასიციზმი თავის ძირითად მომენტებში ემსახურებოდა ლუი XIV-ის სახელმწიფოებრივ სისტემას, გამოსახავდა ამ სისტემის იდეას და ყოველი ლიტერატურული ფაქტი დაკავშირებული იყო ვერსალის ცხოვრებასთან იმდენად, რომ დაეკმაყოფილებინა გემოვნება ყოველდღიური ცხოვრებისა და ბრძოლა კამოეცხადებინა ყველაფრისათვის, რაც ვერ-

საღს არ მოეწონებოდა: ამ თვალსაზრისით მოღვაწეობდნენ არა მარტო პოლიტიკის იდეოლოგები, არამედ დიდი ესთეტიები და ლიტერატორებიც — კო რ ნ ე ლ ი, რ ა ს ი ნ ი, ბ უ ა ლ ო; იყო მხოლოდ ერთი ადამიანი, რომელიც ექვეებით და ირონიით უყურებდა ამ ფეოდალური ესთეტიკის ფორმას და რომელსაც საერთოდ ეძნელებოდა ყოველდღიურობასთან შერაგება: ეს იყო მ ო ლ ი ე რ ი, რომელმაც შემდეგ ფსიქოლოგიურად ნაიდაგი მოუშხადა თავისი რეალიზმით და ირონიით ფრანგულ სცენაზე შექსპირს; საერთოდ საფრანგეთში შექსპირი დიდხანს იყო დევნილი, თვით ვოლტერსაც შექსპირი ეზიზღებოდა იმიტომ, რომ შექსპირის ირაციონალიზმი და ტრაგიკომედია გაუგებარი იყო საფრანგეთის არისტოკრატისათვის, რომელიც ცხოვრებას უყურებდა თავისი არისტოკრატული რაციონალიზმის ინტერესით.

ისტორიული ეპოქები ცივილიზაციის ენორმულ გაქანებაში შემოდიან თავიანთი გარკვეული სტილებით. პრინციპებით, იდეალებით; ყოველ ეპოქას აქვს ინდივიდუალური სული, გამოსახული როგორც ფორმაში, ისე შინაარსში, — და გამომსახველი მთელი თავის წყობით სოციალური საჭიროებისა და განცდასა, სოციალური ტკივილებისა და იდეალებისა; მეცნიერება და ხელოვნება თავიანთი კონსტრუქციებით და მეთოდებით, თავიანთი მასალებით და ფორმებით ემსახურებიან ეპოქის გაბატონებულ გემოვნებას, ეპოქის ესთეტიკას; აკადემიური და მეცნიერული პრობლემება განლაგდება იდეალურ საუკუნეში სოციალური საჭიროებით შექმნილი ესთეტიკური პრინციპის მიხედვით; სული კაცობრიობისა წუთისაოფლის ხეულებიდან მეცნიერებისა და ხელოვნების კონსტრუქციისათვის იღებს ისეთ მასალას, ისეთ ფერს, ისეთ ხერხს, რომელთა საშუალებით კმაყოფილდება საზოგადოებრივად გაბატონებული ესთეტიკური პრინციპი; საშუალო საუკუნეებში არისტოტელეს სილოგიზმებით ამტკიცებდნენ აი რას: ადამიანი უკვდავია იმიტომ, რომ სიტყვა *non*, რომელიც იწყება რომაული *m*-ით წარმოადგენს სამი ტეხილი ხაზის გაერთიანებას; ცხადია, აქედან, ამბობენ საშუალო საუკუნეთა ბერები, ადამიანის მე-ს (*non*) საქმე აქვს სამებასთან, ღმერთთან; აზრი ადამიანისა ამ მიმართებით ეწყობოდა და ასეთ შემთხვევით რამეებზე აშენებდა სერიოზულ აზრებს სააქოს შესახებ იმიტომ, რომ გაბატონებული იდეოლოგია საშუალო საუკუნეთა მოითხოვდა ამაზე ზრუნვას. ბურჟუაზიული წყობა სულისა თავისი მისტრიციზმით, რაციონალიზმით სუბიექტივიზმისა

და განაპირების განსახიერებაა: ყოფა ბურჟუაზიული თავისი კერძო საკუთრებით, უსაქმობით, ქვრეტით, მეტერლინკისებური სიჩუმისა და მსტიციზმის ფილოსოფიით თავდება; ცხადია, აზროვნებას აქვს უსათუოდ ერთგვარი გადახრა მდგომარეობისაკენ; ჩვენ სრულყოფით არ ვამბობთ იმას, რომ ამ გადახრას ჰქონდეს აბსოლუტური მნიშვნელობა; ჩვენ საერთოდ არა გვწამს არავითარი აბსოლუტი და ამ შემთხვევაშიც ჩვენ ვლაპარაკობთ რელატივისტური თვალთახედვით: აზრი ადამიანისა, რომელიც არის ბოლოს და ბოლოს საფუძველი ყოველგვარი კულტურისა და შემოქმედებისა, რომლის გარეშე არ შეუძლია არსებობა არც მეცნიერებას, არც ხელოვნებას, არც ფილოსოფიას, აზრი, რომლიდანაც ჩვენ ვიწყებთ შეცნობას და ვათავებთ მას, ეწყობა არა თვითნებობით, არამედ კორელატიურად: შეუძლებელია აზრი უსაგნოდ, საგანს იძლევა მდგომარეობა; მაშასადამე, აზრი იხრება მდგომარეობისაკენ *volens nolens*; მყარი პირობები არსებობისა ანტიკურ ქვეყნებში აწყობდა ისეთ მდგომარეობას, რომელიც განსაკუთრებულ მიმართებას აძლევდა ანტიკურ სულსა და შემოქმედებით ნებისყოფას; დიქტატორი შემოქმედებითი ნებისყოფისა — დირიჟორი სულიერ მოვლენათა ანტიკურ ქვეყნებში იყო პანთეისტური ესთეტიზმი: ყოველი ფორმა ბუნებისა ესახებოდა ელინს როგორც ვლენა ღვთაებრივობისა, მშვენიერი სრულყოფისა; ამ იდეას ანტიკური სული ერთნაირად გამოსახავს როგორც ხელოვნებაში, ისე ფილოსოფიაში: იდეა სრულყოფისა — პანთეისტური ესთეტიზმისა გამოსახულებაა ბერძნული სულის მთავარი თვისებებისა.

ქრისტიანულმა ფილოსოფიამ ეს იდეა გადაიტანა მეორე ქვეყანაში — საიქიოში და მთელი რიგი საუკუნეთა ინკვიზიციებით და ინდულგენციებით აზროვნების წყობას აძლევდა თავისებურ ფორმას; ბერები ცდილობდნენ აზროვნების ძირითადი პრინციპის გადატანას თეოლოგიაში: საშუალო საუკუნეთა მეცნიერების დევიზი იყო ფრაზა: — „ფილოსოფია მოსამსახურეა თეოლოგიის“. ამით ამბობდნენ: აზროვნება ქეშმარიტი და სწორი მაშინ არის, როდესაც გონება აწყობილია საიქიოს იდეაზე, ისეთ მეცნიერებაზე, რომელიც ღმერთისა და საიქიოს წარმოდგენას არკვევს — ესე იგი თეოლოგიაზე.

წარმოების ვითარებამ თანდათანობით გაარღვია მარკველები საშუალო საუკუნეთა სოციალურ სტრუქტურისა და ამასთანავე ინტელექტუალურ გრადაციათა მთელი რიგით, ბურჟუაზიული სულის დეფორმაციით ადამიანი მოიყვანა იმ ზომამდე, რომ ამტკიცებს: აზროვნება

სწორია და ჭეშმარიტი მხოლოდ მაშინ. როდესაც - ვი ეთანხმება პრო-
ლეტარული იდეოლოგიის ძირითად პრინციპებს, მარქსისტული ფილო-
სოფიის დიალექტიკურ მეთოდოლოგიას; თუ საშუალო საუკუნეთა
მეცნიერები ამტკიცებდნენ - - აზროვნება უნდა ეწყობოდეს თეოლო-
გიის პრინციპების მიხედვითო - - ჩვენი საუკუნე გარკვევით და კატეგო-
რიულად ამბობს: აზროვნება უნდა ეწყობოდეს მარქსიზმის მიხედვით;
მეცნიერება, ხელოვნება, ფილოსოფია ძირითად ფორმებში უნდა გა-
მოსახავდეს მარქსიზმის იდეას. მთელი სოციალისტური კულტურა
აღმოსავლეთისა და დასავლეთისა ერთნაირად ამტკიცებს, რომ სამყა-
როისა და არსებობის ჭეშმარიტი და სწორი გაგება არის მარქსიზმი —
მარქსისტული სოციოლოგია.

ამრიგად, სულიერობის ენტელექტურ გაქანებაში ჩვენ ვხედავთ
დროგამოშვებით გადახრას ხან ერთი სოციალურ-კულტურული მდგო-
მარეობისაკენ, ხან მეორე მდგომარეობისაკენ, და ხან მესამე... ანტიკუ-
რი სული იხრებოდა პანთეისტურა ესთეტიზმისაკენ, საშუალო საუკუ-
ნეთა სული რელიგიური ტრანსცენდენტ-იზმისაკენ, ჩვენი დროის სული
კი სოციალიზმისაკენ: ამ სამ მომენტს მხოფლიო სულიერობისას აქვთ
ერთმანეთისაგან განსხვავებული კონსტრუქცია; ყოველ კონსტრუქცია-
ში არის ისეთი თავისებურება. რომელაც თავის ჭკუაზე, თავის გე-
მ ო ვ ნ ე ბ ა ზ ე ა ტ რ ი ა ლ ე ბ ს ა რ ი ს ტ ო ტ ე ლ ე ს ს ი ლ ო გ ი ზ მ ე ბ ს,
კ ა ნ ტ ი ს ი მ პ ე რ ა ტ ი ე ბ ს და ნ ე ო კ ა ნ ტ ი ა ნ ე ლ ე ბ ს გ ნ ო ს ე ო ლ ო გ ი უ რ ბ ა-
ვ ა რ დ ა ე ს. ი დ ე ო ლ ო გ ი ს ტ ე ბ ს ლ ო გ ი ა თ ა ვ ი ს ს ი ლ ო გ ი ზ მ ე ბ ი თ და ი მ პ ე-
რ ა ტ ი ე ბ ი თ, თ ა ვ ი ს ი „ მ ა რ ა დ ი უ ლ ი “ პ რ ი ნ ც ი პ ე ბ ი თ და ა ლ ე თ ო ლ ო გ ი ი თ,
რ ო გ ო რ ც რ ო ს კ ი ბ ი, ხ ა ნ ა ნ ტ ი კ უ რ ქ ე ე ყ ა ნ ა ს ე ძ ლ ე ვ ა, ხ ა ნ ქ რ ი ს ტ ი ა ნ ე ლ
თ ე ო ლ ო გ ი ა ს, ხ ა ნ პ ო ზ ი ტ ე ვ ი ს ტ ე ბ ს ა და ს ო ც ი ა ლ ი ს ტ ე ბ ს. ა მ ა ვ ე დ რ ო ს,
ი დ ე ა ლ ი ს ტ ე ბ ი, განსაკუთრებით ახალი ტაპს: განსეოლოგისტები გულ-
უბრყვილოდ და ბავშვური სიამაყით ამბობენ — ჭეშმარიტება არსე-
ბობს მდგომარეობისა და პირობებს: გარშემო. ბ ო ლ ც ა ნ ო ს ა და
ჭ უ ს ე რ ლ ი ს მოწაფეები ცდილობენ განსეოლოგიური ლოგიკის
ჩამოყალიბებას იმ დროს, როდესაც თვით ლოგიკა თავისი სილოგიზ-
მებით და იმპერატივებით ისტორიის არეზე საცოდავად და უაზროდ
გამოიყურება. ჩვენ არ მიგვაინდა არც ერთი დებულება განსეოლო-
გიზმისა და ალეთოლოგიის საყურადღებოდ იმიტომ, რომ თვით გ ნ ო-
ს ე ო ლ ო გ ი ზ მ ი ლ ო გ ი კ უ რ ი პ რ ი მ ა ტ ე ბ ი თ ი ნ დ ი ვ ი-
დ უ ა ლ ი ს ტ უ რ ი დ ე ა ლ ი ს ტ უ რ ი ი დ ე ო ლ ო გ ი ი ს ი ს ტ ო-
რ ი უ ლ ი ფ ო რ მ უ ლ ა ა და ახალი ცხოვრების სოციალური საქი-

როება ახალი ინტერესებით გადაზრის კაცობრიობის სულს ისეთი მიპაროულებით, რომელიც ვერ მიიღებს ინდივიდუალისტური ფილოსოფიისა და მსოფლგაგების პრინციპებს ისე, როგორც ჩვენ ვერ მივიღებთ დღეს საშუალო საუკუნეთა ეპისკოპოსურ ფილოსოფიას.

რაც უნდა ბევრი ილაპარაკონ ნეოკანტიანელებისა და ალეთოლოგიის ატამებმა „ცოდნათა ცოდნის“ შესახებ, ჭეშმარიტების შესახებ, ცხოვრება წინააღმდეგია უნივერსალიებისა.

მდგომარეობა და იდეოლოგია

ქვეყნად ჩვენ ვხედავთ ტანების ურთიერთობას და ამ ურთიერთობით შექმნილ პაერეთს პლანეტური ყოფისას: არაფერი არ არის უცვლელი ცის ქვეშ და თვით ცა ცვლილებათა ორთქლია; ოდესღაც ჩვენი პლანეტა გავარჯარებულ გამდნარ მასას წარმოადგენდა, დღეს მასზე მოძრაობენ უთვალავი არსები და მათი მოქმედებანი; ასანსიონები და ვიტრინები გაშენებულია იქ, სადაც ოდესღაც ცეცხლის ფრქვევა იყო მოუსვენარი; მოძრაობს ყველაფერი ქვეყნად და უძრაობა მოძრაობის ერთგვარი ფორმაა; დედამიწა, როგორც დიდი ტივი. მოძრაობს უსასღვროებაში; დედამიწაზე რაც ხდება, ისიც მუდამ იცვლება და ცვლილებათა ქარიშხალს წარმოადგენს ყოფის სული თავისი ისტორიული ეპოქებით, რელიგიურ-ესთეტიკური მღელვარებებით, რევოლუციებით. ქვეყანა ყოველ კუთხეში თავისებური ელემენტების კომბინაციებით და არაწყემანებით ეწყობა: ანთროპოლოგიაში რასები, ბიოლოგიაში ჯიშები, ისტორიაში ეპოქები და მათი სტილები პროდუქტებია მდგომარეობისა და პირობებისა; ბუნებისა და ცხოვრების კატეგორიები, ფილოსოფოსების ატრიბუტები ისტორიულ განცდათა გადმონაშთებია მრავალ წელთა განმავლობაში თანდათანობით დაგროვილი და ჩვეულებებში კანონებად ქცეული; ქვეყნად არ არსებობს არც ერთი კატეგორია, რომელიც არ იყოს პროდუქტი ყოფისა, არსებობისა: ცნება რომელიმე ბუნებრივი და კოსმოსური ფაქტისა ადამიანს ებადება მაშინ, როდესაც პლანეტური ყოფა თავის სოციალურ-ინდუსტრიული განვითარებით და არსებობის პერპეტუებით ადამიანის სულს გადაზრის ამ ცნების გენეტიკური მიზეზებისაკენ; აზრი ადამიანის ფორმულაა გენეტიკურ ცვლილებათა განცდისა და სანამ რომელიმე იდეა საზოგადოება-

ში ჩაისახება, მანამ ისტორიული ფაქტები გან-
ლაგდებიან გენეტიკურ აუცილებლობაში რე-
გორც თარგები იდენისა.

ყოველი მოვლენა ამ ქვეყნად გამოწვეულია საყოფაცხოვრებო
ინტერესებით და რაც სოციალური საჭიროების გარეშე იმყოფება. მას
სული ჩვენი ვერ ამჩნევს მანამდე, სანამ არსებობისათვის ბრძოლის
ხერხი არ გადახრის ჩვენს ყურადღებას თავის აპერცეფციებით განსა-
კუთრებული პორიზონტისკენ, საიდან გამოჩნდება შედეგი საჭიროე-
ბით წარმოსახული იდეებისა რომელიმე მოვლენის ან ფაქტის სახით,
ყოველ ყოფას აქვს თავისებური წყობა ფაქტებისა და ყოველ თავისე-
ბურ წყობას ფაქტებისას აქვს საკუთარი ფსიქოლოგიური ჰაერეთი,
როგორც დედამიწის მოძრაობასა და ორგანულ ყოფას აქვს ჰაერეთი,
რომელსაც მეტეოროლოგიაში ეძახიან ატმოსფეროს; ჩვენი პლანეტის
გარშემო ატმოსფეროა ჩვენი პლანეტური არსებობის ანაორთქლი და
უსაზღვროების გაშლილ არეზე ჩვენი კულტურულ-ცივილიზაციური
განგაში, ტორტმანი, ტრაბახი და ლელეა ეფემერულია sub specie
aeternitatis: ყოფანი და ეპოქები თავიანთი სტილებით ისტორიაში
ისე დაცურავენ, როგორც მოძრავი კუნძულები და ზოგიერთი მატერი-
კები სამყაროში; ხოლო თითოეული ეპოქა რომ ავიღოთ ცალკეულად,
ჩვენ დავინახავთ ეპოქასა და მის ფსიქოლოგიურ ჰაერეთს შორის
ურთიერთობას; ეპოქის მყარი სტრუქტურა მიმართებას აძლევს იდეო-
ლოგიას მაგრამ იდეოლოგია თავისებურად გავლენას ახდენს ეპოქის
მყარ სტრუქტურაზე; იდეოლოგია არ არის პასიური, როგორც ისტო-
რიული მოვლენა: იდეოლოგია ერთგვარი ფორმაა ბიოლოგიური ენერ-
გისა და თავისი არსებობისათვის იდეა ისე იბრძვის არსებობის წყვილი-
ადში, როგორც რომელიმე სხეული, როგორც არსი, შეიარაღებული
კბილებით, ხორკლიანი კანით, ან ჩქებათ. ცივილიზაციის ისტორიაში
ჩვენ ვხედავთ გ ა ვ ლ ე ნ ი ს უ რ თ ი ე რ თ ო ბ ა ს მდგომარეობასა
და იდეოლოგიას შორის: მდგომარეობა იძლევა იდეოლოგიის კონსტ-
რუქციას, იდეოლოგიის განსაკუთრებული კონსტრუქცია გავლენას
ახდენს მდგომარეობაზე; მდგომარეობა გადადის იდეოლოგიურ ფორ-
მულაში; იდეოლოგიური ფორმულა არსებობისა მიიღტვის მდგომა-
რეობისაკენ; ასეთი ხასიათის ურთიერთობას მდგომარეობასა და იდეო-
ლოგიას შორის ჩვენ ვეძახით ო რ გ ა ნ ო ტ რ ო პ ი ზ მ ს; ფილოსო-
ფია ორგანოტროპიზმისა არის განსაკუთრებით გენეზისის ფილოსო-
ფია: ორგანოტროპიზმი ცდილობს გამოარკვიოს, როგორ ისახება

ერთი ფორმა იდეოლოგიისა და როგორ უკავშირდება იგი მეორეს? მეცნიერების მთავარი საკითხი — საკითხი ფაქტიური რაობისა მხოლოდ მაშინ არის გასაგებო, როდესაც ფაქტიური რაობა ორგანულად უკავშირდება ჩვენს წარმოსახვაში თავის კონდიციონობას; ათასი სხვადასხვა სახის გნოსეოლოგიური „პრიმატი“ „წმინდა გონებისა“ ყოველთვის საყოფაცხოვრებო საჭიროებათა გენეტიკური ნაოჭებია, დაკეცილი ისე, როგორც ამას მოითხოვდა ურთიერთობა კლასობრივი, ჯგუფობრივი, პროფესიული და ბედნიერ შემთხვევაში ისტორიულ-ეპოქალური; ყოველ კლასს, ყოველ ჯგუფს, ყოველ პროფესიას აქვს წუთისოფლად საკუთარი და თავისებური აპერცეფციები და ეს აპერცეფციები ყოველად შეუძლებელია გენეზისის გარეშე; ალეთოლოგიის პრობლემა — ცოდნათა ცოდნის პრობლემა სქოლასტიკური განყენების ნაყოფია და ამ განყენებისათვის ქვემარტება არსებობს არა როგორც რეალური ფაქტი, არამედ როგორც ზედროული უნივერსალია, რომლის არისტოკრატიულ ბუნებას ეშინია გადაკავშირებისა და გენეზისისა; სული კი თავის ორგანულ წყობაში ვერასოდეს ვერ მიაღწევს განყენების უნივერსუმს, თუკი ორგანოტროპულად არ მოდის რომელიმე კონკრეტული მდგომარეობიდან, რომელიმე პირობებიდან; ხოლო პირობების გენეტიკური ვითარება თანდათანობით სულის თვისებებს ქმნის და სულის თვისებები დროგამოშვებით ძალიან დიდ გავლენას ახდენენ პირობების გენეტიკური ვითარების მიმართებაზე და მიმართების გადახრაზე: მარქსიზმი როგორც იდეოლოგია ნაყოფია ისტორიული პირობების განსაკუთრებული მდგომარეობისა — მაგრამ ეს იდეოლოგიური ნაყოფი განსაკუთრებული მდგომარეობისა ცდილობს დააჩქაროს ამ მდგომარეობის ლიკვიდაცია სხვადასხვა სახის ორგანიზაციებით, რევოლუციებით და სხვა... მდგომარეობამ შექმნა იდეოლოგია და იდეოლოგია ქმნის ახალ მდგომარეობას — აი ორგანოტროპული ხასიათი კულტურის ევოლუციისა, ცივილიზაციისა. ისტორიაში არ არის არც ერთი მომენტი, რომელიც არ ემორჩილებოდეს ორგანოტროპული ფილოსოფიის ძირეულ დებულებას: ყოველი საუკუნისა და ყოველი ხალხის იდეოლოგია ყოველთვის თავისებურ გავლენას ახდენს ისტორიულსა და სოციალურ-კულტურულ მდგომარეობაზე; ალეთოლოგიური სქოლასტიკა კლავს იდეას, ახრჩობს იდეოლოგიას გნოსეოლოგიური საფანგებით; ორგანოტროპული ფილოსოფია ამტკიცებს ცოცხალი

მაგალითებით, ისტორიული ეპოქების უთვალავი ფაქტებით იღვას
დინამიკურ და მემორიკმედებით ხასიათს; ალგიო-
ლოგიაში იღვას მოცემულია, რიგორც აბრამის პატყანი, წყნარ, მკე-
დი და პასიური, რომელიც ჩაწოლილა „წმინდა გონების“ ქალაში და
დროგამოშვებით, გახვეული პროფესორული მეტყველების თბილ სა-
ბანში, უსინათლო სახით ამოყოფს თავს ლოგიკის მკლე სახელმძღვა-
ნელოებიდან. ორგანოტროპული ფილოსოფია სოციალური საჭიროე-
ბისა და პრაქტიკის ფილოსოფიაა: იღვას ორგანოტროპული ფილოსო-
ფიისათვის გენეტიკური მოდუსია სოციალური საჭიროებისა და
ატრიბუტები იღვისსა სოციალურ შეფარდებათა
კოროლარიები; ამიტომ ჩვენთვის არ არსებობს ცალკეულად,
დამოუკიდებლად ლოგიკური პრინციპი მსოფლგაგებისა. ლოგიკა ვასა-
ლურ დამოკიდებულებაშია გენეტიკურ რეფლექსოლოგიასთან და ლო-
გიკური „ფაქტი“ ისეთივე პროდუქტია სულიერ მოვლენათა ორგანო-
ტროპული ორგანიზაციისა, როგორც გრამატიკული ფორმა ლიტერა-
ტურის ვითარებისა და მეტყველების ევოლუციის შეფარდებით სო-
ციალურ საჭიროებასთან.

ისტორია არის ორგანიზაციული პროცესი და ყოველი ეპოქის სუ-
ლი თავისი კულტურულ-ცივილიზაციური სტილით და ინდუსტრიით
წარმოადგენს რეფლექსოლოგიურ ლაბორატორიას, რომელშიც ცნე-
ბები ისე მზადდებიან შრომით, წვალებით, თანდათანობით, ჩვეულება-
თა კოორდინატებით, როგორც რომელიმე დიდ ქარხანაში ჩვენი ყოფა-
ცხოვრების საჭიროებისათვის ნივთები; სული ინტეგრალური სახეა
ჩვენი სხეულს ანატომიურ-ფიზიოლოგიურ შრომისა და წვალების იმ
დიდ ლაბორატორიაში, რომელსაც ეძახიან მდგომარეობას, არეს, პე-
რეთს, milieu-ს; სული ადამიანის წვალებათა და განცდათა კომპლექ-
სია და ეს კომპლექსი ყოველ საუკუნეში და მდგომარეობაში აწყობი-
ლია იმ მეთოდით, იმ ხერხით, რომელთაც მოითხოვს დროულ-სიერ-
ცული პირობების შერჩეულ მოვლენათა დიქტატურა: ხოლო მოვლე-
ნათა შერჩევას იძლევა სოციალურა ყოფის საჭიროება. რომელიმე მი-
წა-წყალზე რომელიმე ხალხი თავისი ისტორიის განსაკუთრებულ
პირობებში საჭიროებს სოციალური ურთიერთობის ერთგვარ ფორმას:
იდეოლოგია მორალათ, ფილოსოფიით, ესთეტიკური გემოვნებით, ხე-
ლოვნებით ორგანიზაციულად ეწყობა ამ სოციალური ურთიერთობის
ფსიქოლოგიურ პერეტიში; სოციალური სულის თარგით იჭრება იდეო-
ლოგიურ სახეობათა თითოეული კომპლექსი; ლოგიკურ-ინტელექტუა-

ლური და მორალური ფორმები ცივილიზაციისა სოციალურ საჭიროებ-
ბათა ორგანოტროპული რეფლექსებია და არც ერთი მიხედვით, არც
ერთი ფაქტი აზროვნებისა არ არის დამოუკიდებელი ორგანულ ჩვეუ-
ლებათა გადმონაშთებისაგან: შემოქმედება ტექნიკური, სოციალურ-
ეკონომიკური, მეცნიერული, მხატვრული მხოლოდ სხვადასხვა ფორ-
მაა სოციალური სულის ორგანიზაციულ განცდისა: მეცნიერება
ბოლოს და ბოლოს სოციალურ ჩვეულებათა ფსიქიკური ორგანიზა-
ციაა: ძველ ეგვიპტეში მოგვები ხმარობდნენ გეომეტრიას, როგორც
იარაღს სოციალური საჭიროებისას: გეომეტრიით სწორად ანაწილებ-
დნენ საყანე მიწებს და საცხოვრებელ კუთხეებს: გეომეტრია ემსახუ-
რებოდა სოციალური მეურნეობის პრაქტიკას; ფილოსოფოსი კანტი,
გამომსახველი ევროპის ბიურგერულ-ინდივიდუალისტური ფსიქოლო-
გიისა, გეომეტრიას ეძახის „წმინდა მეცნიერებას“, გეომეტრიაში ბურ-
ჟუაზიული მსოფლგაგება ხედავს „წმინდა“ (reine) იდეას, წარმოდ-
გენას (Vernunft), რომელსაც არა აქვს კავშირი ყოველდღიურ ცხოვრე-
ბასთან, სოციალური ყოფის საჭიროებასთან; ფსიქოლოგია, დაშორე-
ბული წარმოების ფორმებს, რეალური ცხოვრების მწვავე განცდას;
აშორებს მეცნიერების და აზროვნების კონსტრუქციას სინამდვილეს;
სული თავისი ინტერესებით ორგანოტროპულად იხრება მდგომარეო-
ბისაკენ და არ იქნება პარადოქსი, თუ ვიტყვით: ძველ ეგვიპტეში გეო-
მეტრია თავისი დანიშნულებით იყო სოციალური, საშუალო
საუკუნეებში—ფეოდალური, ახალ ევროპაში — ბურჟუაზი-
ული; თუ სოციალისტურმა კულტურამ გაიმარჯვა ბურჟუაზიულ-ინ-
დივიდუალისტურზე, მას დასჭირდება მეცნიერებათა სხვადასხვა დარ-
გის სრული სოციალიზაცია და არა წვრილბურჟუაზიული
პოპულარიზაცია; ყოველი მეცნიერებას პირვანდელი ფორმა სოცი-
ალურია; თვით ლოგიკა, რომელზეც ზოგიერთებს ალეთო-
ლოგიის და მარადიული ქეშმარატების აშენება უნდათ, წარმოადგენს
იდეათა სოციალური შეთანხმების თეორიას და
ლოგიკის მთავარი კანონები სოციალურ ჩვეულებათა ისტორიუ-
ლი კოროლარებია: თუ ჩვენს პლანეტაზე დამყარდება სხვა სახის
ყოფა, მაშინ მას ექნება არა მარტო სხვა სახის მორალი და ესთეტიკა.
არამედ სხვა სახის ლოგიკური პრინციპებიც: იდეა არსებობის
ორგანოტროპული ფორმაა და სქოლასტიკური ალეთოლო-
გიის უნივერსალები სულის ინდივიდუალისტური პრეტენზიების მაჩ-
ვენებელია. ბერგსონის pure perception, კანტის reine Ver-

nunft, ალეთოლოგიური universalia გნოსეოლოგიური პრიმატებით აზროვნების ინდივიდუალისტური კონსტრუქციის თვისებებია და ისტორიის იმ პეროდში, როდესაც ეს იდეებია წარმოიშენენ, აზროვნების სხვა ფორმები შეუქმლებელი იყო, ვინაიდან არსებობის საშუალებანა, სოციალური ყოფის საჭიროებანი მოითხოვდნენ ამგვარსა და არა სხვაგვარ ფორმებს აზროვნებისას; ამიტომ ჩვენთვის აზროვნების გნოსეოლოგიური კონსტრუქცია სოციალური განცდის ორგანოტროპული ეპიფენომენია და არა აპრიორული და სუპერისტორიული მოდუსი: „აპრიორული“ შესაძლებელია მხოლოდ გენეტიკური გაგებით და რაც განსაკუთრებული მდგომარეობის ნალეკი არ არის, ის მემკვიდრეობით მიღებულია, ის გენეტიკური წვალების შემოქმედებაა. და როგორც ასეთი, ისევე განსაკუთრებული მდგომარეობის პროდუქტია მთელი თავისი თვისებებით და ინდივიდუალური სახეობით. საშუალო საუკუნეთა დავა ნომინალისტებისა და რეალისტებისა განა შეიძლება წარმოვიდგინოთ სოციალისტური კულტურის პირობებში? განა დღევანდელი მისტიციზმი და იმანენტური იდეალიზმი მიეწერება ფსიქოლოგიურად ანტიკურ, ელინურ სულს? აზროვნების კონსტრუქცია ამყოლობაა სოციალურ-პლანეტური წვალებისა და წყობას ლოგიკურ-გნოსეოლოგიურს ადამიანს უკარნახებს სოციალური ფსიქიკის პრაქტიკული, ყოველდღიური ორგანიზაცია: სოციალურ-ინდუსტრიული წარმოების ორგანიზაცია კონსექუენტურად იძლევა ინტელექტუალური ფორმის ორგანიზაციას; ინტელექტა არ არის თავისუფალი; ბიოლოგიური, ფიზიოლოგიური ორგანული პირობები ტემპერამენტის გადახრებით ათავისებურებენ ინტელექტის სახეებსა და ინტუიციის გაალებს; ბიოლოგიურ-ორგანული კონსტრუქცია არსობისა თავისთავად ნაყოფია სოციალური წარმოებისა, წოდებრივ-კლასობრივი პრივილეგიებისა და ხშირად პროფესიულ ვალდებულებათა ბიოლოგიურ-ორგანული წყობა ტანისა სოციალური ყოფის შერჩეულ პირობებში სახიერდება და კარგად მოწყობილი სტრუქტურა არსებობისა მაგარი და ლამაზი კონსტრუქციის ტანს ქმნის; ამნაირად, ჩვენთვის ჯიშისა და რასის პრობლემა ესთეტიკურ-ფილოსოფიური პრინციპებით, ანთროპოლოგიური თვისებებით ორგანოტროპული სოციოლოგიის სფეროში გადადის; ყოველგვარი კატეგორია ორგანული არსებობისა — კატეგორია რასის, ჯიშის, ტემპერამენტისა ჩვენთვის ეპიფენომენია პლანეტური წვალების სოციალური განცდისა. იდეოლოგია ხელოვნებისა და მეცნიერების

სხვადასხვა ფორმაში რეფლექსია სოციალური განცდის ისტორიასა; პლანეტური ყოფის ორგანოტროპული ნაღვეებისა. ისტორიზმი ორგანოტროპული გაგებით არის სულისა და აზროვნების potestas clavium-ი: გარეშე სოციალური ატმოსფეროსი — გარეშე ეკონომიკურ-ინდუსტრიული პერაპეტებისა, რომელთა შორის ადამიანის ცხოვრებას ატრიალებს არსებობის საჭიროება, შეუძლებელია ფსიქიკის ორგანიზაცია, ინტელექტის წყობა, იდეალების განცდა, ინტუიციების გაალება. ბერგსონი, როდესაც pure perception-ის შესახებ ლაპარაკობს, გარკვევით იხრება ფსიქოლოგიურად სოციალურ პრაქტიკას მოწყვეტილი იდეალიზმისაკენ და მისი durée éternelle ორგანულად ისეთივე სახეა სულის შინაგანი ხილვისა, როგორც მეტერლინკის „le silence“, რომელიც ერთგვარი ამტყველებია ბურჟუაზიული მისტკური ნირვანიზმისა, ამრიგად, ლოგიკის, გნოსეოლოგიის, მორალისა და ესთეტიკის პრინციპების თავისთავად არსებობა არის კაცობრიობის ისტორიოსოფიული პარალოგიზმი, რომელიც კულტურის რეორგანიზაციისა და აზროვნების რეფორმის შემდეგ დარჩება ძველი ყოფის ყალბი პათოსების დოკუმენტებად; სოციალური განცდის პერეტი გადაახალისებს ინტელექტუალურ სამყაროს, და, თუ კაცობრიობის ცხოვრება წარსულში იყო ფიზიოლოგიური გლეჯის მღელვარე არენა, მომავალში იგი გადაიქცევა სოციალური ამჟოლობის ესთეტიკურ ფენომენად უსაზღვროების არეზე.

უსაზღვროების გრძნობა ჩვენს სულში სიმპტომებია ჩვენი კულტურული ტენდენციისა. ევროპის სულს აწვალებს სივრცის პრობლემა იმიტომ, რომ არსებობის საჭიროებამ — ინდუსტრიისა და მანქანის კულტურამ ყოფა გადაისროლა სივრცის წიაღში. ანტიკური სული — სული ძველი ბერძნებისა არ იცნობდა სივრცეს, არც მის უსაზღვროებას. არც ელინურ, არც ლათინურ მეტყველებაში არ არსებობს სიტყვა გამომსახველი ცნებისა: „სივრცე“ ბერძნული τοπος ლათინური — locus ნიშნავს ადგილს, ადგილობას, აგრეთვე კლასს სოციალური მნიშვნელობით. არც ერთ მათგანს არა აქვს მნიშვნელობა „სივრცის“ — espace. ანტიკური გაგება იღებს იდეას, როგორც ყოფის განცდის კონკრეტობას, როგორც ორგანული წვალების ეპიფენომენს; მართალია ფრანგი პოეტი, როდესაც ამბობს:

* შპენგლერი, რუსული თარგმანი: „Прищность и судна“, გვ. 176.

Il me paraît incontestable,
 Après mûre réflexion,
 Que de seuls plaisirs de la table
 Vient la civilisation.
 Ainsi, quand à nos ancêtres.
 Le mystère fut révélé,
 Du vin suave, aussi doublé,
 Ils en firent des dieux champêtres.
 Les adores tant et plus
 Sous les noms de Cérés, Bacchus,
 Et Voilà sans le moindre doute
 La première religion*.

სამყარო ანტიკურ გაგებაში ისაზღვრებოდა: გონება იყურებოდა ბუნებაში, როგორც ორანჟერეაში; სულს ყველგან ეჩვენებოდა პლასტიკური არე; ქანდაკებები, მინიატურები, თქმულებები რელიგიური და მიითური ხანაითისა საბერძნეთში სახეს აძლევენ გარკვეულობას, პლასტიკურობას: ბერძნული მეტყველება, — ამბობს შპენგლერი, — ეს რჩევაა მსუბუქი ფოთლებისა შუადღის მზეზე. ეს რიტმა მატერიისა. საბერძნეთი იცნობს ტანისა და პლასტიკის კულტს, ევროპა თავის ცივილიზაციურ ფორმებში სიერცის შიშით არის შეპყრობილი, ევროპა ხელოვნებასა და მეცნიერებაში იძლევა სიღრმის შეგრძნებას. დიფერენციალები და ინტეგრალები მათემატიკაში ისეთივე შეცნობაა სიღრმისა და ხვეულობის, როგორც ფაუსტისა და ჰამლეტის სული; ანტიკური ქვეყანა არ იცნობდა არც დიფერენციალებსა და ინტეგრალებს, არც ჰამლეტის პრობლემებს, ვინაიდან ყოფა და მისი განცდა არ იძლეოდა სიღრმის ხილვას.

რიტმის განცდა

მატერიის ყოველი ნაწილი მოძრაობაში ირხევა სხვა ნაწილებთან შეფარდებით და ყოველი არსის მოძრაობა წუთისოფლად განსაზღვრულია სხვა არსთა და მოვლენათა მოძრაობით: ხიწვი, იქნება დაგდებული შარაგზაზე, თუ ფილოსოფოსის საფეთქელში სასხლის ბურთულა, სულ ერთია — მატერიის არ ასვენებს გარემყარობა, არ ასვენებს მდგომარეობა.

* La Revue Mondiale 1922 (Revue des Revues) 85—87. M. Pouchon.

მატერია, რა მიზეზის გამო არ უნდა მოხდეს მასში რხევა, ინახავს რხევას ფორმას თავის ატომურ-იონურ წყობაში, მოძრაობის დროს მატერიაში ავტომატურად ისრდება ერთგვარი ერთჯერადი თვით-ელტოლვა მდგომარეობით განსაზღვრული ფორმის განმეორებისაყენ: ერთხელ დაკეცილი ქალაქი მეორედ უფრო მარჯვედ იკეცება იმ სახით, რა სახითაც პირველად დაკეცეთ. — თითქოს დაკეცილი ნაწილები თვითონ მიილტვიან ერთმანეთისაყენ — პროცესის გამეორებისაყენ. ტანისამოსი ეჩვევა ჩვენს ტანს და აყეთებს ნაოჭებს ჩვენი კუნთების ფორმებში: ხშირად კედელზე ჩამოკადებული ტანისამოსი, თუ დიდხანს გვიტარებია, თარგივით წააგავს ჩვენი ტანის მოყვანილობას; ყოველი ტანი წუთისოფლად თითქოს აგროვებს პოტენციას ავტომატურ-რეფლექსურ მოძრაობებში და თითქოს განცდოსა და რხევის ნალექი რჩება იმისათვის, რომ შემდეგი მოძრაობა გააადვილოს; მოძრაობის გამეორება მოძრაობას აადვილებს: მატერიაში რომ არაფერი რჩებოდეს მის ატომურ-იონურ წყობათა რყევის შემდეგ, თვალტოლვას რყევის გამეორებისაყენ ადგალი არ ექნებოდა და ათასჯერ რომ მოძრაობა მომხდარიყო მატერიაში, მატერიას მაინც არ ექნებოდა განსაკუთრებული ფორმა თავის მოძრაობაში: სამყარო დღესაც ისე ქაოსურია იქნებოდა, როგორც პირველყოფილი. სული მატერიაში არის მხოლოდ ავტომატური რყევის ფორმა და სულიერი მოვლენა შეუძლებელია, თუ თანასწორ ინტერვალთა შორის ადგალი არა აქვს იგივეობასა და გამეორებას.

ზღვის ტალღათა მოძრაობაში, სინათლის ენერჯიის ასხივოსნებაში, ელვტრა ჩქერების გააღებაში, ჩვენი პულსისა და საფეთქლის რხევაში ჩვენ ვხედავთ იგივეობასა და გამეორებას. გამტკიცებულ ჩვეულებათა გამეორება ესთეტიკური პრინციპია რიტმისა.

ჩვეულება ყამთა დენაში ერთგვარ სიტკბოებას აძლევს ყოველგვარ სიმწარეს: ამიტომ არ არსებობს რიტმი გარეშე კუთხურ-ისტორიული წვალებისა, გარეშე ორგანული დღევისა და შრომისა. რიტმის დასაწყისი მომდინარეობს ორგანულა ცხოვრების მოძრაობიდან: ცხოველური ტანის მოძრაობა შეუძლებელია რიტმის გარეშე: რიტმი დინამიკური რეგულატორია კუნთების რხევისა: მარჯვედ მორბენალი ცხენი და დატვირთული აქლემი მოძრაობენ ისე რიტმულად თავიანთ ორგანულ ფორმებში, როგორც მჭედელი და მესღეაურა თავიანთ მოვალეობათა და საქმეთა ასრულებაში. რიტმის განცდა იწვევს ტანში ყოველივეს სიამოვნების გრძნობას. კანტის ტერმინით რომ ვოქვათ, რიტმი

სცენური ფორმაა გრძნობისა: პლატონის აზრით, რიტმი საგნის თვისებას შეადგენს და ტანი ვერ იმოდრავებს ამ ქვეყნად, თუ მასში არ არის რიტმი „იმთავიფეე“. სიამოვნების გრძნობა ადამიანებს ეძლევათ რიტმის შეგრძნებასთან ერთად და რიტმის შეგრძნება ბევრ რამეში უკავშირდება ორგანული ცხოვრებას წუთსოფლურ ჩვეულებებს. სიმღერებო და ხორალური ცეკვებით ადამიანები ერთდებიან, — ამბობს პლატონი*. არსტოტელე ამჩნევს სამი სხვადასხვა სახის რიტმს**.

რიტმი კუნთების, რომელიც შეიცნობა ცეკვის დროს, რიტმი ბგერათა, რომელიც სახიერდება სიმღერაში, რიტმი მეტყველების, რომლის განსაკუთრებულ ფორმას წარმოადგენს პოეზია — მეტრული წყობა. ცეკვას მუსიკით და სიმღერით საბერძნეთში თვლიდნენ რელიგიურ კულტად: აქედან წარმოიშვა სახელგანთქმულ კორობანტიზმი; ცეკვას, როგორც რიტმის ფორმას, დიდი გავლენა ჰქონდა ელადის მხატვრულ მეტყველებასა და ლიტერატურაზე: ცეკვა, როგორც რიტმი, თამაშობდა ერთგვარ სოციალურსა და პოლიტიკურ როლსაც: თესალიაში მოცეკვავის თანამდებობა სახელმწიფო თანამდებობად ითვლებოდა, ბერძნული თეატრი ხორალური ცეკვადან წარმოიშვა და განა დიონისეს კულტის ekklasis ცეკვით და ღრეობით დამთვრალი კუნთების ეივილა არ არის?

ხელოსნობასაც ბერძნები რიტმის იდეით ასულდგმულებდნენ: რიტმულად ითვლებოდა ყველაფერი სწორი და პროპორციული: რიტმული იმავე დროს ნორმალურიც იყო; ელინური გაგება რიტმისა ფსიქოლოგურია; არისტოტელეს მუსიკალური კათარზისი არის სულის ტკბილი ჩვეულებების განთავისუფლება ფიზიოლოგიური ტყვეობისაგან. ბაქქური ძეგლები ლუერის სახელგანთქმულ მუზეუმში მაჩვენებელია იმისა, თუ რამდენადაც ნერვული დამძიმებისა და ტანჯვის გრძნობა დანამკურად და ესთეტიკურად მიილტვის განაივებას, გაშლისა და განთავისუფლებისაკენ; სექსუალობისა და სოციალურობის რიტმული ლტოლვანი ბიოდინამიკურ მოძრაობაში ერთდებიან და ეროტიკულ განცდას სული ჩვენი ყოველთვის ამთავრებს სოციალურ-კოსმოსური უსაზღვროებას შეგრძნობით, მხოლოდ სულის მიმართება უსაზღვროებასაკენ ქვეყნად ყოველი ტანიდან და ყოველი კუთხიდან თავსებურად მომდინარეობს.

* Thimée, trad. V. Cousin. V. 111.

** Aristot. Poet. 4, Polit, VIII, 5—7.

ყოველ ყოფას, ყოველ სოციალურ ვითარებას, ყოველ კუთხეს ქვეყნისას აქვს თავისი მზიდაობა, თავისი რიტმი და მუსიკა: ჩვენი „ქიანური“ და „ზურნა“ ესთეტიკურად მიუღებელია ევროპელებისათვის, მაგრამ ჩვენთვის ფსიქოლოგიურად მოგონებაა ჩვენი ატორტმანებულო და შეხუთული წარსულისა. ჩვენი ისტორიული ძიწოლისა და ეანგ.შ.სა, ჩვენი სოციალურ-კულტურული ხშირი არათმისა.

მუსიკა წარსულს მოგონებაა და ამიტომ ისე ტკბილია, როგორც ორგანული განცდა: მუსიკაში ისმის მოძრაობა ისტორიული, საზოგადოებრივი; მუსიკაში მოცემულია სული ჯიშის, გვარის, რასის, ერის; მუსიკის განცდაში ტანი იგონებს ყველაფერს, რაც განიცადა ორგანულმა ევოლუციამ წარსულში, როგორც ინდივიდუალურად. ისე მემკვიდრეობით; ყოველ ჯიშს და ყოველ ერს თავისი საკუთარი გრძობათი ტონი აქვს მუსიკისათვის: წვალება, რომელიც სხეულს გადაუტანია და რომლის რეფლექსებია შენახულა ნერვული სისტემის ხეულებში ხელახლა მოდის მოძრაობაში რიტმული ვიბრაციით, — განახლებაში სიტკობებს გრძობაა; რიტმული ვიბრაცია ისეთ მოძრაობაში იქმნება, რომელიც ტანის რხევას და ღელვას მოგვაგონებს; მუსიკალური ბგერა აერთებს ადამიანებს, თუკი ერთნაირ პირობებში უცხოერიათ ისტორიულად და კულტურულად; „ურმული“ — „ქიანური“ ქართული სულის შეწუხებისა და სევდის გამოსახულებაა და რამდენადაც ეს გამოსახულება იძლევა ჩვენი წუთისოფლური ყოფის რეფლექსოლოგურ განცდას, იმდენად ჩვენ ქართველები ერთგვარ ესთეტიკურ ექსტაზში ერთმანეთს ვუახლოვდებით სულიერად; მუსიკალურ ბგერაში ჩვენი სული შეიგრძნობს წარსულს თავისი ყოფისას, შეიგრძნობს ისტორიას: ქართული ხალხური სიმღერებს სიმდიდრე და მაღალი ესთეტიკური ღირებულება აიხსნება ქართული კულტურის დეცენტრალისტური ხასიათით; ქართული კულტურა პროვინციებსა და მთებში იხიზნებოდა გაკირვების დროს და სისტემატურად, თანდათანობით სული განიზნული კულტურისა ხალხის სოციალურ განცდად იქცეოდა: ცხადა, მომავალში, თუკი საქართველოს კულტურას ცენტრალიზაცია ეღარსა, თუ ქართულმა სულმა იგრძნო ოდესმე ესთეტიკური სისავსე ეს იქნება ქართველი ხალხის მდიდარი მუსიკალური განცდა, შენახული საუკუნეთა განმავლობაში; ეროვნული ენერგია პროვინციებიდან და მთებიდან მდიდარი რიტმით და მეტყველებით თანდათანობით წამოვა ცენტრისაკენ და ცენტრი იგრძნობს იმ ესთეტიკურ ინტელექტურ სისავსეს. რომელიც წარსულში მან ვერ იგრძნო; მუსიკაში მოძრა-

ობს სოციალური სული, ისტორიული განცდა, კუთხური საჭიროება: მუსიკისა და მეტყველებს წყობაში სახიერდება კულტურის სტილი: ბგერა შვებაა ორგანული მოძრაობისა და ლელვისა: ბგერათა ერთმანეთთან შეთანხმებაში ქმნება რიტმი და შეთანხმება ბგერებისა იძლევა სულს ვერბალურ სიმღერებს: ხოლო იქ, სადაც ბგერა არ არის, არის განცდა ტანისა, კუნთებისა, ნერვებისა: ამ განცდას იწვევს განსაკუთრებული ვიბრაცია ჰაერისა, რომელაც მოქმედებს კუნთებზე, რომელაც შედის ესთეტიკური ენერგიით ტანის შინაგან წყობაში და ტანი იწყებს ტორტმანს, მოძრაობას: ტანი განიცდის გამოუთქმელ სტებობებს, როდესაც წარსულის მოგონებაში არის და სანამ ამ სტებობების განცდას მოახერხებს ენა, ნერვული სისტემა თვრება ექსტაზით წარსულის მოგონებაში: ექსტაზი მეობის გარღვევაა და მეობის გარღვევა გაერთიანებაა სოციალურ არესთან: უღადები ექსტაზი ერთკუთხე ფორმისაა და როდესაც ერთკუთხე განცდა სულს იტაცებს, მეობას ადამიანისას გააქვს ყველაფერა გარეთ და იდეალებით, ილუზიებით ადამიანი ერთვის გარემოს, ქვეყანას, სივრცეს; ერთკუთხე გრძნობა არის კოსმოსური გრძნობა თავისი ბუნებით: მე ადამიანისა არღვევს ინდივიდუალურა ყოფის ზღუდეს და ერთვის სამყაროს, რომ გასცეს ის, რაც მას ოდესღაც მიუღია: ექსტაზი მომენტი გრძნობათა სოციალუალობისა და როგორც ეს მომენტი დამთავრდება ორგანულად, განვიღო ვერავეთარა კეთილი ზრახვა ვერ შეაერთებს მეობას მეობასთან: სექსუალური მოთხოვნილება სანამ დაკმაყოფილდება, მიიღტვის მეობის გარღვევასავე. უარყოფს მეობას, მის ტრადიციას. მორალს: დაიკმაყოფილებს თუ არა განცდა თავის თავს, სული გრძნობს სიყვარულს და ზიზღს გამოუთქმელს. თითქოს რაღაც დაკარგა, იზარალა: ადამიანმა გადასცა მეობას ერთი ნაწილი და გრძნობს, რომ ის აღარ არის, რაც იყო: სქესი ერთკუთხე ნდომაში ატარებს სოციალური გრძნობის ელემენტარულ ფორმას: სქესის ნდომა უკვე ნიშნავს თავისი თავის უარყოფას: როდესაც ორა სქესი ერთმანეთის ნდომით ერთმანეთს უახლოვდება, ორივეს ეკარგება დაახლოებაში ის, რაც მათ ახსლოებს: ტანებო საჭიროებენ ერთმანეთს და ერთი ტანის ღირებულება მეორე ტანის ნდომით და საჭიროებით განიზომება, თუ ნდომა არ არის ტანში, მეორე ტანი მოკლებულია ღირებულებას, რაც უნდა კეთილი და მშვენიერა იყოს თავისთავად: საჭიროება და ინტერესი ქმნიან ღირებულებებს ამ ქვეყნად და არა იდეები და პრინციპები: ტანი, რომელაც საჭიროა მეორე ტანისათვის, ვაკილებით უფრო ღირებულია,

ვიდრე სული თავისი იდეებით და პრინციპებით: ისტორიაში არ ყოფილან მაგალითი, ვინმეს ქალი შეყვარებოდეს იმიტომ, რომ ქალმა იცოდა მათემატიკა ან ქ.მია.

ოსტარ უაილდასა და ნოცმეს შემდეგ როგორც ევროპაში, ისე ჩვენში ხმარად იმეორებენ ასრს, თითქოს ჩვენს დროში შესაძლებელი იყოს დიონისური კულტის აღდგენა: საერთოდ ისტორიაში ყოველ ეპოქას აქვს საკუთარი ემოციები, საკუთარი შეგრძნობანი, რომელთა განმეორება შეიძლება მხოლოდ იმ შემთხვევაში, თუკი ისტორიულ-სოციალური კონიუნქტურა ეპოქისა საესებით იქნება განმეორებული; საქროა ამასთანავე, რომ ისტორიულ-სოციალური კონიუნქტურა განმეორდეს იმ გეოგრაფიულ-მეტეოროლოგიურ პირობებში, რომლებშიც ხდებოდა ექსტაზი, როგორც ორგანული პროცესი; დიონისური ექსტაზის განცდა ითხოვს არა მარტო ტამბურანებისა და კამვალების ხმაურობას, არა მარტო მეცნიერულ-ცხოველურ ათროლოებას, არა მარტო ნერვეულ-ორგანულ მთვრალულობას, არამედ შინაგანი ხილვის თავისებურებას, რომელსაც აქვს ადგილი მხოლოდ იქ, სადაც არის ისეთი სივრცე უღრუბლო, ისეთივე მიწა-წყალი სათუთი და მსუბუქი ჰაერით, ისეთივე რასულ-გენეტიკური ტემპერამენტი, როგორც ელადაში იყო: შეუძლებელია დიონისური კულტის განცდა პარიზის კაფე-რესტორანებში, შეუძლებელია აგრეთვე ციმბირის ტაიგაში და მონღოლეთის ახრიოკებულ მინდვრებზე. რიტმი და ექსტაზი სამყაროს ყოველ კუთხეში ორგანოტროპული ფორმებია ბიოგენეტიკურ მესსიერებათა: და ლაი ლამა და რომის პაპი რელიგიურ-მისტიკურ ექსტაზში სხვადასხვა სახის ღირებულებებს ხედავენ; მათი სულები წუთისოფლად თავიანთ განცდებში სხვადასხვაობენ, ვინაიდან სხვადასხვაობენ მათი სოციალურ-კულტურული მდგომარეობანი, მათი ცხოვრების ტრადიციები და მემკვიდრეობით მიღებული თვისებები ხასიათებრასა და ტემპერამენტებისა.

მუსკალურ ბგერებს ნერვეული სისტემის რიტმულ რხევაში ცნობიერების ქვეშეთიდან ამოყავს გრძნობები, სურვილები, ნდომანი და ლტოლვანი ჩვენი წინაპრებისა, ბიოგენეტიკურად გადმოლექილი ჩვენს ორგანულ ყოფაში: მუსკის ხმა წარსულის შინაგანი ხილვაა, დამოუკიდებელი ინტელექტისაგან და სწორედ ამიტომ ასე ტკბილი, როგორც ორგანული განცდის ჩვეულება, როგორც მოგონება ჩვენი მეობის ელემენტების ხეტიალისა ბიოლოგიურ უსაზღვროებაში; ჩვენი სულიერი ცხოვრების ყოველი სახე წუთისოფლად ასხივოსნება ორგანული წვის

იმ ელემენტებისა, რომელნიც დახეტიალობდნენ გადაშენებულ ჯიშთა ტანებში და რომელთა ინტელექტური პოტენციის ატალღება უთვალავი ეონის განმავლობაში იძლეოდა ახალ ჯიშებსა და ახალ ტანებს სამყაროს კუთხურ საჭიროებათა და შესაძლებლობათა მიხედვით. ჩვენს ყოველდღიურ ცხოვრებაში, ჩვენს ბიოლოგიურ-ფიზიოლოგიურ რყევასა და წვაში მუსიკის ხმა შემოდის წარსულის რემინისანსით და სული ჩვენი გადაწოლილი თავის შინაგანი ხილვის ანათებით მარადობის არეში არღვევს დროისა და პირობების რკალს შიორეულობის სიყვარულით.

მელოდიური რიტმი ახრჩობს ინტელექტის ეკვნარევე ყოფას უჯრედულ ნდომათა და სურვილთა ტორტმანში და ტანი, დათენთილი არსებობისათვის ბრძოლაში, თერება მარადობის ექსტაზით, როგორც შეყვარებული დავიწყების შეგრძნებით და სქესის სუნით. არსი ერთვის სამყაროს ორგანულად და ინტელექტის ყალბ უნივერსალიებს, ნებისყოფისა და სულის შემბოქველს, ექსტაზის (ek-stasis) მთვრალული ყივილი იმორჩილებს; სული გრძნობს მატერიის ჩხვლეტას და შინაგან რყევას; მატერიას სულის ექსპანსივობით გადააქვს თავისი ყოფა დაუსრულელობის არეზე. სილოგიზმების სამყარო ირღვევა, იცრიცება ბიოლოგიური რემინისანსის გაალებაში და მე ადამიანისა, შექმნილი ბიოდინამიკური ელემენტების ხეტიალით, მარადობას უბრუნდება, მთვრალი და კმაყოფილი თავისი წარსულის შინაგანი ხილვით: თითქოს ყოველი უჯრედი ტანისა ხელახლა განიცდის შეკუმშულ ფორმაში ყველაფერს, რაც მას გაუვლია ევოლუტაურ ფერისცვალებაში, თითქოს მე ფართოვდება როგორც ყოვლობა, თითქოს ცხოველები, მცენარეები და მინერალები ჩვენი სულის ქორალურ ამყოლობაში უნივერსალურ სიმფონიას მღერიან, თითქოს სხეულს ჩხვლეტენ უკვდავების ნემსები.

დ ა მ ა ტ ე ბ ა

გამოცემამლოვისაგან. „სული და იდეას“ გარშემო

ქართული პრესა ორგანოტროპიზმის შესახებ

ორგანოტროპიზმის პრობლემა, რომელიც შეადგენს ჩვენ მიერ გამოცემული წიგნის „სოციალური ესთეტიკის საფუძვლების“ მთავარ დებულებას, კონსტანტინე კაპანელმა პირველად წამოაყენა წიგნში „სული და იდეა“, რომელსაც გამოეხმაურა ქართული პრესა. ჩვენ მოგვყავს რამდენიმე მაგალითი იმ დიდი ინტერესისა, რომელიც გამოიწვია კონსტანტინე კაპანელის წიგნმა ქართულ პრესაში.

ჟურნალი „ილიონი“, № 6, 1923 წ. კ. კაპანელის წიგნის შესახებ წერს:

ეს წიგნი ეხება ფილოსოფიურ და ესთეტიკურ საკითხებს. ორი მხრივია ამ წიგნის გამოსვლა ფრიად საყურადღებო: დღეს წიგნის გამოცემა საერთოდ დიდ სიძნელესთანაა დაკავშირებული. პატარა ბროშურებმა, უძლეურმა ესკიზებმა და მინიატურებმა აგერ ათ წელზე მეტა რაც სერიოზული წიგნის ადგილი დაიკავეს. საქართველოში მოდაში შემოვიდა ამ უკანასკნელ ხანებში „შტებირ ჰალეზას“ სტილი მწერლობაში. დილეტანტ მკითხველსა და დილეტანტ მწერალსაც აკმაყოფილებს ეს საშინელი ალტენბერგისმი ლიტერატურაში. კაპანელის წიგნი იშვიათი გამოჩაგლისია ამ მხრით. მეორე მხრით კაპანელის წიგნი უფრო საყურადღებოა. უპირველესი შთაბეჭდილება, რომელსაც „სული და იდეას“ წაკითხვიდან იღებს ადამიანი, ეს არის მისი პრობლემატურობა, ცხადია, ავტორს ეტყობა, რომ იგი კულტურული პრობლემებს ორბიტაშია მოქცეული. ღრმა პრობლემატუზე ფიქრი არ უყვარს არც ქართველ მკითხველს და არც ქართველ მწერალს. კ. კაპანელის წიგნში ფრიად ორიგინალური და თავისებური იდეებია გაბნეული.

საინტერესოა კაპანელის პოზიცია ქართველი ქალის მიმართ.

ბევრი მწარე სიმართლეა კაპანელის სტრუქტურებში, რომ ქართველი ქალი ჭერაც უმწეო და უსახო პროტოპლასმაა. ამას ის გარემოებაც ამტკიცებს, რომ ქართულ ლიტერატურაში ქალის სახე ჭერაც არ გამოჩენილა. ერთადერთი ტიპი ქართველი ქალისა, რომელიც ლიტერატურაში დღემდის განსახიერებულა. ეს არის დავ. კლდიაშვილის „ქართველი“. ქართველი უკვდავი ტიპი ქართველი ქალსა. ჩვენში რომ რომანი ჭერაც არ დაწერილა, ამის მიხედვით ქართველი ქალის საოცარი ნახევრად ამაზონურა, ნახევრად ქართველი სახეა. ჩვენ ვგონდოდა ამ წიგნიდან საინტერესო ადგილები გადმოვკვებქდა; მაგრამ უაღვილომის გამო სხვა ბიბლიოგრაფიულ მასალებთან ერთად მისი გადადებაც მოგვიხდა. ჩვენ მივესალმებით ამ წიგნის გამოსვლას. მის ავტორს ცოდნაცა და გემოვნებაც საკმაოდ ხელს უწყობს.

სრულიად საქართველოს მწერალთა კავშირის ყურნალი „კავკასიონი“, № 3—3, 1923 წ. ასე ახასიათებს კ. კაპანელის აზრს.

კ. კაპანელის მსოფლმხედველობა ბევრ ხაზებში მატერიალისმს უახლოვდება. სულისა და იდეის პრობლემა, რომელიც აღძრულია მისი წიგნით, ასეთ გაშუქებას ღებულობს:

კ. კაპანელის აზრით, სული ისეთივე თვისებაა მატერიისა — როგორც რადიაცია, ელექტრონი და მაგნიტი: ზედროული და ტრანსცენდენტური არსობა სულს არა აქვს. სამყაროს ყოველ კუთხეში მატერია განიცდის ერთგვარ წვას ობიექტური პირობების მიხედვით; ყველგან მყარდება ერთგვარი ურთიერთობა სხეულსა და მდგომარეობას შორის: მდგომარეობა აზდენს გავლენას სხეულზე, სხეული კი ავტომატურად ინახავს მდგომარეობის გავლენას თავის ატომურ-იონურ წყობაში, როგორც „ბიოლოგიურ მექანიკებას“.

კ. კაპანელი ამ ურთიერთობას მატერიისა და მოჩვენებითი „სულისას“ ნათლავს „ორგანოტროპიზმის“ სახელით. შემოქმედების ყოველი ფორმა — მეცნიერება, ხელოვნება, რელიგია ორგანოტროპიზმის ნაყოფია: არსებობისათვის ბრძოლაში ყოველი ტანი ეგუება პირობებს და სული არის ამ ტანის რეფლექსი კუთხური საჭიროებისათვის; მდგომარეობა აღიზიანებს და აწვალებს მატერიას, შედეგი ამისა არის რეფლექსური მოვლენა, რომელსაც ჩვენ ვეძახით სულს. მატერია თავისთავად არსებობს იმდენად, რამდენადაც მატერიაში აისახება რეფლექსი წვალებისა და განცდისა.

მატერიას აქვს მარადიულობა მინიჭებული, მხოლოდ დაჭგუფება მატერიული ელემენტებისა დროულია ყოველ მიწა-წყალზე. ისტორია-

ში არ არსებობს ქვეელისებური სწორხაზოვანი გაქანება იდეისა, პროგრესის საკითხი კუთხური ყოცის საკითხია: ყოველ მიწა-წყალზე ყოველ ხალხს აქვს თავისი კულტურული და ცივილიზაციური ინდივიდუალობა სრულებით დამთავრებული; ყოველ ეპოქას აქვს თავის სული და სტალი და არაერთი ანსოლუტური მიზნები ისტორიისა არ არსებობს. ამ კონცეფციის ილუსტრაცია კ. კაპანელი ცდილობს მოგვეცეს ქართული კულტურის მაგალითებზე.

კ. კაპანელი თავისი წიგნის ბოლოში ქართველის ისტორიული ტიპის დახასიათებას წარმოგვიდგენს, იგი ამტკიცებს, რომ ქართველი ფსიქოლოგიურად პერსონალისტია, რომ ქართველს უყვარს ყოველთვის განაპირება.

ჩვენი გეოგრაფიული მდგომარეობის თავისებურებამ და ისტორიულმა პირობებმა ჩვენში ჩამოაყალიბეს ფსიქოლოგია პერსონალიზმისა და ულტრანდივიდუალისტური განაპირებისა; ამიტომ, — ამბობს კ. კაპანელი, — საქართველოში შინაგან სიმართლეს არასოდეს ადგილი არ ჰქონია: ყოველთვის იყო კულტი კუთხური დაჯგუფებისა. პირობებმა შექმნეს ფსიქოლოგია, ხასიათი, ტემპერამენტი, სული ხალხისა. ისტორიამ შეინახა ეს ტიპი ატავისტურად მიღებული ატრიბუტებით.

გაზ. „პროლეტარული ბრძოლა“, 1923 წ. 20 იანვარის №-ში წერს:

ქართული ფილოსოფიური აზროვნების აღორძინების საქმეში კ. კაპანელის „სული და იდეა“ უეჭველად მნიშვნელოვან მოვლენად უნდა ჩაითვალოს.

ფილოსოფიური ლიტერატურით ისეთი ღარიბი კულტურისათვის, როგორც არის საქართველოს კულტურა, კ. კაპანელის „სული და იდეა“, შეიძლება ითქვას a priori — დაუფასებელ ღირებულებას წარმოადგენს, მიუხედავად იმისა, ვეთანხმებით თუ არა, პირადად ჩვენ, მასში აღიარებულ ფილოსოფიურ საფუძვლებს.

თვითოველი ინტელექტუალი პიროვნება, რომელსაც გათვალისწინებული აქვს ქართული ფილოსოფიური აზროვნების აღორძინების მნიშვნელობა ეროვნული კულტურისათვის, სიხარულით შეხვდება ამ წიგნის გამოქვეყნებას.

გაზ. „ტრიბუნა“, № 560 1923 წ. ორგანოტროპიზმის შესახებ წერს:

მთელი რიგი საკითხებისა კ. კაპანელს შენგულერისებურად აქვს განსილული სრულიად მისგან დამოუკიდებლად. ყოველივე იდეა ორგანოტროპული, ჯგუფური და ტემპერამენტულია, სამყაროს ერთ კუ-

თხეში რაც ჭეშმარიტებაა, მეორე კუთხეში ის სიყალბეა; რაც პოტენ-ტოტისათვის წმინდა და ღვთაებრივია, ის ჩვენთვის სასიზღარი და სასაცილოა; რაც დღეს რომელიმე ერისათვის იდეალია, ის შეიძლება ხელსათრეველი და საღალბო გახდესო — წერს კ. კაპანელი.

შპენგლერისათვის არ არსებობს კულტურა ზოგადი, კაცობრიული. ის გვეუბნება: „ჩვენ განსაზღვრული ეპოქის შვილები ვართ და არა წესი“. რაც არ არსებობდა ინდოელისა და ელინისათვის, არსებობს ჩვენთვის; რაც არის, ისე განსაზღვრულია და „არასოდეს არ გან-მეორდება მსგავსი კულტურა და მსგავსი ადამიანის ტიპი, რომლისა-თვისაც „მსოფლიო ისტორია“ არის შინაარსი კოსმოსური ჰერკესა“. (Закат Европы, გვ. 13).

არ არსებობს მარადიული ჭეშმარიტება (შპენგლერი, გვ. 42).

„შემთხვევითა დაუსრულებელი დენა არის ის, რასაც ჩვენ ვუწო-დებთ წუთისოფელს, სამყაროს, ყოვლობას“, — წერს კ. კაპანელი (გვერ-დი 10).

„მსოფლიო ისტორიაში მე ვხედავ ორგანული ფორმების დაუსრუ-ლებელ აღმოცენებას და ცვალებადობას, სასწაულებრივი მყარობადო-ბის და სიკვდილის სურათს“ (შპენგლერი, გვ. 20).

„ირაციონალობა ახასიათებს არსებობის ყოველ წუთს და მოძრაო-ბას...“ — წერს კაპანელი.

შპენგლერსაც ბედი შეაქვს ისტორიის პროცესში. მისი „ბედისწე-რა“ ირაციონალური ფენომენია.

კ. კაპანელისთვის „არსებობს ეპოქები, არ არსებობს ისტორია“, შპენგლერისთვის არსებობენ ეპოქები; არ არსებობს ისტორია, რო-გორც ორგანული მოღიანობა.

პროგრესის იდეა, განზალული ბედნიერების თვალსაზრისით, უარ-ყოფითად წყდება კ. კაპანელის მიერ. ასეთივეა შპენგლერის დებულე-ბაც. ადამიანთა ბედნიერება მისთვის სულელური ფრაზაა.

პროგრესი, განხილული ბედნიერების თვალსაზრისით, სხვა დასკე-ნას ვერ მიიღებს. ობიექტური აზრის ძიება არსებობის გამართლები-სთვის ამაო ხეტიალია, ოპტიმისტური ილუზიაა, ქიმერთა შენებაა.

კანტის აზრით, „ბედნიერება ყველა მოთხოვნათა დაკმაყოფილე-ბაა“. ეს დებულება მართალი რომ იყოს, საჭიროა, მოთხოვნილება გან-საზღვრული იყოს რაოდენობაში. შესაძლებელი უნდა იყოს ჩვენ სურვილთა მთელი კომპლექსის გამოკვეთა, მისაღწევი უნდა იყოს ყვე-ლა მიზნები, ყველა მოთხოვნა. დღეს და ხვალაც არც პირველი, არც

მეორე და არც მესამე პირობა არ არსებობს და ვერც იარსებებს. ანდა, განა სურვილი იგივე ტანჯვის ფორმა არ არის აღმოცენებული „საკვირობებისაგან, მაშასადამე უკმაყოფილებისაგან და ტანჯვისაგან“. (შოპენჰაუერი, „Мир, как воля и представление“, გვ. 372).

ამრიგად. თუ ობიექტურად სიცოცხლეს აზრი არა აქვს, ბედნიერების თვალსაზრისით პროგრესი არ არსებობს. კრიტიკის აზროვნებას ვერ ეუფლება ვერც პოზიტივისტ-ობიექტივისტების კონცეფცია ამქვეყნიური კეთილმდგომარეობისა, ვერც მისტიკოს-ობიექტივისტების კონცეფცია ღვთაებისა. სანუგეშო გამოსავალს ვერც იმანენტური სუბიექტივისტები იძლევიან, რადგან ეს კონცეფცია გამოუვალა უნუგეშობის შედეგია, რომელიც ობიექტური უაზრობის ნანგრევებიდან დაშვებული სუბიექტურ აზრს ეძებს და „მეს“ გაღმერთებით სურს საკითხის გადაჭრა.

კ. კაპანელის „წარმავლობის სევდა“ ღრმად განცდილი კომპარია სიკვდილის პრობლემისა. წარმავლობაში ინთქმება ჩვენი პიროვნება, საუკუნეთა დაუსრულებელი ხეტიალი და კულტურათა ბოდვა ავსებს უსასღვრო სივრცეს. ჭეშმარიტად მოაზროვნე ადამიანის არსებობისათვის უპირველესი პრობლემაა მისი არარსებობის პრობლემა. „ვერ დაიჭირავეს სიკვდილსა გზა ვაწრო, ვერცა კლდოვანი“... ისევ ჭეშმარიტებაა, შეაძლება მართალი იყოს ავგუსტ ვაისმანი და თანამედროვე ბუნებისმეტყველნიც, რომ სიკვდილი არ არის ბუნებრივი მოვლენა, რომ უკვდავობა ახასიათებს პლანეტებს და სხვ. მაგრამ, კიდევ მიღწეული რომ იქნეს უკვდავობა, ბედნიერების საკითხი ამით არ წყდება. უკვდავი რომ ვიყოთ და ყველა სურვილთა კომპლექსის დაკმაყოფილებაც რომ შესაძლო იყოს, კაცობრიობას ესტუმრებოდა საშინელი სენი — მოწყენა და იგი მთქნარებაში გაატარებდა უკვდავ არსებობას. გოეთეს, რომელსაც ყველა ბედნიერად თვლიდა, 75 წლის განმავლობაში ოთხი კვირაც სიამოვნებით არ გაუტარებია, როგორც თვითონ აღნიშნავს.

მართალია მაინლენდერი, რომელიც კანტს თელის უდიდეს ფილოსოფოსად „თავის“ შესახებ, ხოლო შოპენჰაუერს უდიდეს ფილოსოფოსად „გულის“ შესახებ. არავის ისეთი სიმკაცრით არ გაუნადგურებია ადამიანთა იდეალი, როგორც შოპენჰაუერს, მაგრამ „ბიოფსიქიკურ კანონს ვერც იგი გადასცდა. ქოლერიანი ქალაქიდან გაიქცა სიცოცხლეს დაქვემდებარებით. მამა გახდა ასკეტიზმის აპოლოგეტი, მხოლოდ ფორმალურად დაიცვა ასკეტიზმი და ქორწინებაში არ შესულა.

მართლაც რომ „წუთისოფელი ჩვენი ტანჯვის დემონსტრაციაა და კავილიზაცია — ჩვენი დღევის აორთქლება“.

კ. კაპანელის ცდა ნაციონალური ფსიქოლოგიის სფეროში საინტერესოა. ჩვენი ერის ფსიქოლოგია ჯერ თითქმის ხელუხლებელი სფეროა ქართული აზროვნებისათვის. მართალია, კოლექტური ფსიქოლოგია ჯერ კიდევ არ არის მკაცრად პოზიტიურ სიმალღეზე მდგარი. სახელწოდებაშიც შეუთანხმებლობაა — (ზოგი უწოდებს „ინტერფსიქოლოგიას“; როგორც მაგ. ტარდი, ზოგი „ხალხთა ფსიქოლოგიას“, როგორც შტაინტალი და ლაზარისი, ზოგი „კოლექტიურ ფსიქოლოგიას“; როგორც მ. კოვალევსკი); მაგრამ ერთგვარი ცდები ნაციონალურ ფსიქოლოგიასა შინც არსებობს (მაგ. ალფრედ ფულიე, ოტო ბაუერი და სხვ), ამდენად აქ საკვირველი არ არის გადაჭარბება, შეცდომა.

კ. კაპანელი იკვლევს „ქართული კულტურის სულს“ ორგანოტროპული თეალსაზრისით. მისი უპირველესი დებულებაა ბრძოლის კულტი. „ბრძოლა და უთანხმოება ჩვენი რელიგიაა“ (141 გვ.), „ქართველი ბუნებით წარმტაცია, გუნებიანი, პანთეისტა, ორგანულად პოეტია და მგოსანი“ (142 გვ.).

„ჩვენ ვართ მომწყვდეული განსაკუთრებულ გეოლოგიურ-გეოგრაფიულ პირობებში და ჩვენს იდეალებს, ჩვენს ღმერთებს, გმირებსა და ოცნებებს, ყოველი ჩვენი ნებისყოფის გამოცხადებასა და მოძრაობას აქვს ბოლოსა და ბოლოს ხასიათი გეოტროპული და ტერიტორიული“ (155 გვ.).

აქაც ჩანს შპენგლერისებური კონცეფცია კუთხური, ნაციონალური კულტურისა, ტიპისა, შემოქმედების რიტმისა.

ორივე მოაზროვნემ შაბლონურ კოსმოპოლიტური ჯოხი მეორე მხრით გადახარეს და უკიდურეს რელიტივიზმამდე მივიდნენ. მართალია ის დებულება, რომ კულტურა ნაციონალურია, მაგრამ ეს კიდევ არ ნიშნავს, რომ ქვეშაირიტება კუთხური, ნაციონალური იყოს. არ შეიძლება არსებობდეს საქართველოს პოლიტიკური ეკონომია, სოციოლოგია, ფიზიოლოგია და სხვ.

კ. კაპანელი მართალია, როდესაც გვეუბნება „კუთხური სხვაობა და თავისებურება ქართველში ქმნიდა მრავალ საუკუნეთა განმავლობაში კუთხურ ფსიქოლოგიას, პროვინცილობის კულტს, განკერძოებისა და განაპირების ჩვეულებებს“ (155 გვ.):

დღესაც არ არსებობს კემპარტი ქართული ტიპი მოკლებულ პროვინციულობას. ლ. ტურატურამ ვერ მოგვცა დრამა, რომანი, სადაც ქართული ტიპი იყოს გადაშლილი, დაშორებული კუთხურ ეთნოგრაფულ ფერადებს. სინამდვილეშიც ვარსებობთ კახელნი, იმერელნი, ჯაჭველნი და სხვ... არ არსებობს სინთეტური მთლიანობით მოცემული ქართული ტიპი.

კულტი „უჩემოდ ვინ იმღერეთობისა“ უეჭველად სწორი ანალიზის შედეგია. პერსონალიზმი, გადაჭარბებული კინკლაობა, გაუტანლობა და სხვ. დამახასიათებელია ჩვენი საზოგადოებისათვის.

„ჩვენს ერს უფრო აფექტები ამოძრავებს, ვიდრე მოვალეობა“ (162). ეს ნაციონალური ტემპერამენტის ილუსტრაციაა. ინგლისელი ინტერესით მოქმედებს, გერმანელი მოვალეობის გრძნობით, ქართველი კი აფექტით. (მართალია შპენგლერი, რომლის აზრით ბენტამის მორალი ინგლისურია, კანტის კი — გერმანული). „ქართული სული ისტერიული და პათეტიკურია, არა სისტემატური“ (167 გვ.).

„ქართველი ქალი თავის სულიერი წყობით და მსოფლმხედველობით „მეშჩანკაა“: ქართველი ქალის იდეალი გათხოვება“ (იქვე) „ისტორიამ დაღუპა ქართველი ქალი, ქართველმა ქალმა დაღუპა საქართველო: ამორძალობამ დაახრჩო დედობა, ოჯახი“ (118 გვ.).

ამორძალობის საკითხი ჯერ კიდევ სადავოა. ავტორი მეტად გაბედულ ჰიპოთეზებს აყენებს და მასზე მეტად დიდ ბრალდებას აშენებს. ვინ არის ქართველი ქალი? ამისათვის საჭიროა ვიცოდეთ, ვინ არის საზოგადოდ ქალი. შემდეგ ნაციონალური ფსიქოლოგიის საზომით უნდა განვიხილოთ ქართველი ქალი. ავტორი საკითხს ამ წესით არ უდგება.

ავტორის დებულებანი მართალია ქართველი ქალის განსაზღვრულ ნაწილზედ. ეს ნაწილია გადაგვარების პროცესში მოყოლილი — ქართველი ქალის განსაზღვრული კატეგორია — „განათლებული ქართველი ქალი“, გადაგვარებამ, რასაც ქალი უფრო ადვილად ემორჩილება, მასში ჩაკლა მაღალი იდეალები, იგი „მეშჩანკად“ აქცია, მის იდეალად გათხოვება დაისახა. მისთვის სიყვარულს სოციალური ხასიათი უფრო აქვს, ვიდრე ფსიქოლოგიური. სიყვარული, გარეშე გათხოვებისა, მას არ ესმის. ეს ნაწილი საბედნიეროდ უმცირესობაა. სადაც „ცივილიზაცია“ არ შეჭრილა, იქ ქართველ ქალს აქვს ვნებაც, ოჯახიც, სიყვარულიც. ამ დებულების დასაბუთება შეიძლება ისტორიულად ქართველი ქალის სოციალურ-პოლიტიკური ყოფის ანალიზით და საერთოდ ქალის

ფსიქოლოგიური ბუნების გარკვევით. ეს გარჩევა ამ ზოგადი შენიშვნების ფარგლებში ვერ მოთავსდება.

საერთოდ საინტერესო, ორიგინალური ნააზრევია კ. კაპანელის შრომა, აქვს გადაკარბება, უკიდურესობა, რაც გასაგებიც არის, სტილი განსაკუთრებული და მოხდენილია. გამოთქმა ლაკონიური და მსატერული.

საკითხების ხასიათი და სფერო ფართო ასპარეზს შლის დისკუსიისათვის. სამწუხაროა, რომ ასეთი შრომა ვერ პოულობს სათანადო გამოხმაურებას. ავტორი გვპირდება ახალ გამოკვლევას „ცხოვრება, როგორც ესთეტიკური ფენომენი“. აღსანიშნავია, რომ ამ ახლო ხანში რამდენიმე სერიოზული შრომა მოგვცა ჩვენმა ფილოსოფიურმა აზროვნებამ.

ავტორს შემოაქვს ახალი წესი პრობლემის დაყენებისა. არის საკითხების ორიგინალური გადაჭრანი. საკვირველი შეხვედრაა შპენგლერის კონცეფციებთან.

როგორც აღვნიშნეთ, ასეთი შრომანი უეჭველად კრიტიკული ეპოქის ანარეკლია, შპენგლერის და კაპანელის შრომათა კონცეფციებთან შეხვედრაც აქ აიხსნება; კრიზისები აზროვნების სფეროში, კრიზისები სოციალურ-პოლიტიკურ სფეროში ნიადაგს აპოხიერებს რეალისტური და პესიმიისტური თეორიებისათვის.

ასეთი დიდი ინტერესი საქართველოში ჯერ არც ერთს წიგნს არ გამოუწვევია.

შ ი ნ ა პ რ ს ი

კონსტანტინე კაპანელის მსოფლმხედველობის საკითხისათვის

1. „სიციცილის ფილოსოფიის“ ნაკადი ქართულ აზროვნებაში.	3
2. ცხოვრებას გზა	14
3. კაპანელის მსოფლმხედველობის ევოლუცია	16

სული და იდეა

შესავალი	108
სულისა და მატერიას ისტორიული განმარტება	111
სული და შემეცნება როგორც ორგანული ჩვეულება	115
ფსიქომატერიალიზმი და ორგანოტროპიზმი	116
ორგანოტროპიზმი და კოსმიზმი	120
ევოლუცია და მატერიას მარადისობა	124
ორგანული მემსიერება და კოსმიზმი	130
გრძნობა და რიტმი	134
მშვენიერების იდეა	138
ეგოიზმი და კოსმიზმი სიყვარულში	144
ქვეშაობის პირობებმა და ლოგიკა	145
იდეალების ევოლუცია	152
პროგრესი არ არსებობს	159
მარადისობას იდეა	166
წარმელობის სედა	171
სადამო ეამს	177
წუთისოფელი და წარსული	178
ესთეტიკური იდეალი	182
იდეალი და ტანჯვა	187
იდეა და ფორმა	190

სოციალური ესთეტიკის საფუძვლები ორგანოტროპიზმი

წინასიტყვაობა	196
რეფლექსი და აზრი	202
გაადგილება და შეფარდება	214
შემოქმედების ორგანოტროპული პრინციპი	223

სამყარო როგორც სხეული და ენტელექტა	236
. მეტყველების გენეზისი	245
სიტყვა და სოციალური სიჭარბე	250
ინდივიდუალისტური მომენტი	265
სელოვნება და სოციალური სული	270
ბუნებისათვის თეატრასა	282
გრძნობათა სოციალიზაცია	289
ორგანოტროპიზმი, სტილი და სოციალური განცდა	297
ქალაქის სული და უსაზღვროების იდეა	313
მარქსიზმი და აზროვნების ორგანოტროპული რეფორმა	322
ინტელექტუალიზმი და ინდივიდუალიზმის ტრაგედია	337
იდეათა გენეზისი	347
მდგომარეობა და იდეოლოგია	357
არტმის განცდა	364
დამატება	371
გამომცემლობისაგან. „სული და იდეას“ გარშემო	371
ქართული პრესა ორგანოტროპიზმის შესახებ	371

გამომცემლობის რედაქტორი თ. გაბეღია
სამსატერო რედაქტორი ი. ჩიქინიძე
ტექნიკური რედაქტორი ფ. ბუღალაშვილი
კორექტორი ე. გონჭილაშვილი

ს. ბ. 1418

გადაეცა წარმოებას 26.12.88. ხელმოწერილია დასაბეჭდად 17.05.89.
უე 07836. საბეჭდი ქაღალდი № 1. 60×84¹/₁₆. პარობათი ნაბეჭდი თაბახი
24. საარტიცხო-საგამომცემლო თაბახი 20,3. ტირაჟი 2 000. შეეკ. № 2523.
ფასი 1 მან. 90 კაპ.

თბილისის უნივერსიტეტის გამომცემლობა,
თბილისი, 380028, ი. ჭავჭავაძის პროსპექტი, 14.
Издательство Тбилисского университета,
Тбилиси, 380028, пр. И. Чавчавадзе, 14.

საქართველოს სსრ გამომცემლობათა, პოლიგრაფიისა და წიგნით ეპრობის
საქმეთა სახელმწიფო კომიტეტის თბილისის ი. ჭავჭავაძის სახ. წიგნის ფაბ-
რიკა. მეგობრობის გამზარი № 7.
Тбилисская Книжная фабрика им. И. Чавчавадзе Государственного
комитета Грузинской ССР по делам издательств, полиграфии и
книжной торговли, Тбилиси, пр. Дружбы № 7.